

تفسير البيان  
في القرآن





247  
30

R.Y  
2376



۲۰ ایلون مارچده وطن اهلیم اولان حوییه یار  
 آقران قرینده بزی حله کندیلمده اصل  
 مقیم تفسیر حاجی حوام و جمعی افندی ایل کوشیدیک

خلاصه النبیلک تفسیر شریف قوجا

فی نفسیه القیه انت با شاکتی و قفا

ترجیح ایچون رجائیم حیا  
 اوده بستی جلد قبول ایدرن مذکور قری

صوک فقیر و اعلام ایدرن یدی

امانت تودع ده حامدا

محمد وهی سفر بیده دن کتوب مکتوب

رغب بانی / نیک و خوا

دخترم قید ایدرن اشو

باز لای خوری بدنه تفسیر

محل شرح و رندی

حافظ کتب

T. C.  
 MİLLÎ EĞİTİM BAKANLIĞI  
 RAGİP PAŞA KİTAPLIĞI  
 MÜDÜRLÜĞÜ  
 Sayı: 2073/  
 13-14-15

لویه مبعوث سابق

شهرزاده باشی : اوقاف اسلامیہ مطبعہ  
 ۱۳۴۱ - ۱۳۴۳



کتابخانه  
 ۳۰

۲۹۵۹  
 کتب کتبیه خاندان اوتورغی خورده



## خَلَاَصَةُ الْبَيَانِ

سورة منافقون

مدینه منوره ده نازل اولان سوره لردندر . اوده بر آتی جامعدر .

بِسْمِ اللَّهِ الرَّحْمَنِ الرَّحِيمِ

﴿ إِذَا جَاءَكَ الْمُنَافِقُونَ قَالُوا نَشْهَدُ إِنَّكَ لَرَسُولُ اللَّهِ وَاللَّهُ يَعْلَمُ إِنَّكَ لَرَسُولُهُ وَاللَّهُ يَشْهَدُ إِنَّ الْمُنَافِقِينَ لَكَاذِبُونَ ﴾

[ ای نبی معظم ! منافقلر سکا کلدکرنده « بز شهادت ایدرز محقق سن رسول الله سک » دیدیلر والله تعالی بیلیر که سن اللهک رسولی سک و منافقلرک یالانجی اولدقلرینه الله تعالی شهادت ایدر . ]

یعنی ؛ ( عبدالله بن ابی بن سلول ) و امثالی منافقلر سکا کلدکرنده حیله و خدعه و انواع تآکیدات ایله سوزلرینی تزیین ایدرک « سنک البته اللهک رسولی اولدیغکه بز شهادت ایدرز » دیدیلر و آنلر هر نه قدر خدعه ایدر لر سده الله تعالی سنک کندی طرفدن قوللرینی ارشاد ایچون کوندردیکی رسولی اولدیغکی بیلیر و جمیع اسرارده مطلع اولان الله تعالی منافقلرک قیلرنده اولان اعتقادلرینک خلافتی سویله یه رک یالانجی اولدقلرینه شهادت ایدر . زیرا ایمانک حقیقی ؛ قلبک لسانه موافق اولمایدیر . بناء علیه ؛ اعتقادلرینک خلافتی سویله ملک یالاندن باشقه برشی اولمادیغندن آنلر ایچون فائده ویرمز ، بلکه عین ضرر در . اوت ! سن اللهک رسولی سک دیدکری سوز حقیقتده دوغرودر و لکن آنلرک اعتقادده یالاندن باشقه برشی اولمادیغندن جناب حق یالانجی اولدقلرینی بیان بیورمشدر که « سزک سویله دیککیز حقیقتده دوغروایسده سز کندی اعتقادیکیز جه البته یالانجیسکیز » دیمکدر .

بکری سکرنجی جزو

تفسير القرآن

سورة منافقون (۳)

منافقلرک خدعه سی ؛ کندی زعملرنجه سویله دککری سوزک یالان اولدیغنی بیلدیرمه مک و سوزلرینک خلوص قلبه سویله ندیکنه اشارت ایچون کلاملرینی بر چوق ادات تآکیدله سویله دککری کبی شهادت لفظنی دخی علاوه ایتدیلر . چونکه شهادت ؛ عن صمیم القلب سویله ن یرده استعمال اولونور .

ابوالسعود افندیکنک بیانی وجهله بومقام هر نه قدر ضمیر مقامی ایسده منافقلرک تفاقلرینی تصریح و عالمه قارشو آنلری تزدیل و کال مذمتله ذم ایتمک و یالانه جسارتلرینک سببی قیلرنده اولان نفاقلری اولدیغنی علناً بیان ایتمک اوزره ضمیر موضعنده اسم ظاهر اولارق ( المنافقون ) لفظی وارد اولمشدر .

..

واجب تعالی منافقلرک شهادتلرینک یالان اولدیغنی بیاندن صوکره مؤمنلره قارشو ایمان ایتدکرینی و دوغرو مؤمن اولدقلرینی بیان صددنده یا بئش اولدقلری یمنلری ماللرینی و جانلرینی وقایه ایچون یا بوب حقیقی اولمادیقلرینی بیان ایتمک اوزره ﴿ اتَّخَذُوا أَيْمَانَهُمْ جُنَّةً فَصَدُّوا عَنْ سَبِيلِ اللَّهِ إِنَّهُمْ سَاءَ مَا كَانُوا يَعْمَلُونَ ﴾ بیوریور .

[ ماللرینی و جانلرینی محافظه ایچون منافقلر یمنلرینی قالدان اتخا ایتدیلر . بناء علیه ؛ یالاندن عبارت اولان یمنلریله ناسی عبادتدن و طریق السهیدن منع ایتدیلر . نه چیرکین اولدی آنلرک بو عمللری . ] زیرا ؛ آنلرک ایشله دککری شی کوتو عملدر .

﴿ ذَلِكَ بِأَنَّهُمْ آمَنُوا ثُمَّ كَفَرُوا فَطُبِعَ عَلَى قُلُوبِهِمْ فَهُمْ لَا يَفْقَهُونَ ﴾

[ آنلرک شویالانه جرأتلرینک سببی ؛ اولاً ظاهرده ایمان ایتدیلر ، صوکره کندی امثاللری یانلرنده کفرلرینی اظهار ایتدیلر . شو کوتو عمللری اوزرینه الله تعالی قیلرینی قاپاندیغندن آنلر حق فهم ایتمز بر حاله کلدیلر . ]

یعنی ؛ بر طاقم تآکیداته شهادت صورتنده یمن ایدن منافقلر یمنلرینی کندی جانلرینی مسلمانلرک قیلجندن و ماللرینی غارتدن و صبیان و نسوانلرینی اسارتدن قورتارمغه



سپر و قالقان اتخاذ ایتدیلر و بونکله مسلمانلری آلدایمق ایسته دیلر . نفسلرینی یالاندن عبارت اولان یمینلریله خلاص ایدنجیه ناسی رسول الله ایماندن و الله تعالیٰ به اطاعتدن و کفارله مجاهده دن و سائر امور خیریه دن منع ایتمکه چالیشدیلر . زیرا ؛ آنلرک نفاقلری و سائر انسانلری طریق السی اولان خیریوللردن منع ایتلری کبی عمللری غایت چیرکین اولدی . آنلرک شو کو تو عمللرینک سببی ؛ اولاً مؤمنلره قارشى ایمانلرینی اظهار ایدوب ماللرینی و جانلرینی قورتاردقدن سوکره کندیلری کبی منافقلرک یانلرنده کفرلرینی اظهار ایدره ک دین اسلامى و مسلمانلری استهزا ایتلریدر . بناءً علیه ؛ شو کو تو عمللری اوزرینه طرف السهیدن قلبلرینه مهر باصیلدیغندن قلبلری کور اولارق قاباندینی و حق کورمن اولدینی جهتله قرآنی آکلاماز و حق اولان سوزی طویماز و نور نبوتی طانیماز برحاله کلدیلر . چونکه ؛ نیتلری دائماً کوتولک اولوب اراده لرینی شره صرف ایدر و خیری آراماز و خیر یوله کیتمز و ابی ایشدن لذت آلاز اولدقلرندن نیتلری و اراده لری وجه اوزره الله تعالیٰ عمللرینی خلق ایتش و قلبلرینی قاپاتمشدر . بونلرک عمللری ظاهرده یالان اولان یمینه مقارن اولوب قلبلری نفاق و کفرله طولو اولدیغندل علناً کفرینی اظهار ایدن کافرلردن دها کو تو اولدقلرینه اشارت ایچون عمللرینی بیان عقیبنده غایت چیرکین اولدینی صراحةً بیان اولونمشدر . منافقلر هر نه قدر کفر اوزره ثابتلر و آندن ایرلامشدر ایسه ده ظاهرده مؤمنلرکبی کلمه شهادتی کتیروب اهل ایمانک قیافتی طاشیدقلرندن جناب حق آنلری اولاً ایمان و ثانیاً کفرله توصیف بیورمشدر .

واجب تعالیٰ آنلرک قلبلرینی مهرله مسی ؛ آنلرک کو تو نیتلری اولدینی و دائماً حقندن اعراض ایتمک قصدنده بولوندقلری جهتله باطل اولان آرزولری اوزرینه آنلری ترک ایتمکدن عبارتدر . بناءً علیه ؛ بونلر الله تعالیٰ به قارشو معذور اولامازلر . یعنی « یاربى ! بزم ایمان ایتمه دیکمزنسک بزم قلبمزی مهرله دیککدندر . اگر سن بزم قلبمزی مهرله بوب اقتداریمزی ألمزدن آلامش اولسه ایدک بزده ایمان ایدردک » دییه رک اعتذار ایده مزلر . چونکه ؛ بونلرک سؤنیتلری قلبلرینی اللهک حاللری اوزرینه ترک ایتمک صورتیه مهرله مسنه سبب اولمشدر ، یوقسه اللهک مهرله مسی بونلرک سؤعمللرینه سبب اولمامشدر که اعتذاره یول بولسونلر .

بوآیتدن آکلاشیلدینی وجهله انسانلرک یمینلرینی اغراض فاسده لرینه آلت ایتلری

وناسی امر خیردن منع ایللری مذموم اولدینی کبی کناه ارتکاب ایتمک قلبک قساوتنه و حق قبول ایتمه مسنه سیدر .

خلاصه ؛ منافقلرک عادتلری یمینلرینی اغراض فاسده لرینه آلت وناسی خیر یوللردن منع ایتدکلری و بناءً علیه ؛ عمللرینک غایت چیرکین اولدینی و بونک سببی ایسه لسانلریله اقرار ایدوب قلبلرنده کفری صاقلادقلری و آنلرک بو عمللری اوزرینه آنلری ترکله جناب حقک قلبلرینی مهرله بوب حق فهم ایتمز برحاله کلدکلری بوآیتدن مستفاد اولان فوائد جمله سندندر .

\*\*\*

واجب تعالیٰ منافقلرک کو تو عمللرندن بعضیلرینی بیاندن سوکره بعض آخری بیان ایتمک اوزره ﴿ وَإِذَا رَأَوْهُمْ تَعْجَبُكَ أَجْسَامُهُمْ وَإِنْ يَقُولُوا تَسْمَعُ لِقَوْلِهِمْ كَأَنْهُمْ خُشْبٌ مِّنْ سِنْدَةٍ يَّحْسَبُونَ كُلَّ صِیْحَةٍ عَلَيْهِمْ هُمْ الْعَدُوُّ فَاحْذَرْهُمْ قَالَتْ لَهُمُ اللَّهُ أَنَّى يُؤْفَكُونَ ﴾ بیوریور .

[ یا اکرملرسل ! سن منافقلری کوردیککده آنلرک جسملرنده اولان کوزل منظره سکا تعجب ویرر و اگر آنلر سوزسویلرلرسه سوزلرنده اولان طاتیللق سبیلله سن آنلرک سوزینی دیکلرسک ، کآن آنلر دیواره دایامش ادرا کسز برآغاچ پارچه سیدر . آنلر هر ایشیتدکلری صدایی کندی مضرتلرینه ظن ایدرلر . آنلرسنک قوی و بویوک دشمنکدر . بناءً علیه ؛ سن آنلردن حذر اوزره اول وسن آنلره دعا ایده رکدی که « الله تعالیٰ آنلری اهلاک ایتسون ، نه عجائب افک و افترا ده بولونوب یالان سوبله یورلر » . ]

یعنی ؛ ای — نبی محترم ! منافقلرک جسملرنده اولان سمیزلکی و تناسب اعضایی و کوزل صورتلرینی و ظاهرده کورونن قیافتلرینی کوردیککده تعجب ایدرسک و آنلرک بو حاللری سنی تعجبه سوق ایدر و آنلر سوزه باشلارلرسه سوزلرنده اولان فصاحت و بلاغندن طولایی سن آنلرک سوزلرینی دیکلرسک . کآن آنلر دیواره دایامش منفعتدن



عاری و ایچی بوش آغاج پارچه سیدر لر . زیرا ؛ قلبلرنده ایمان اولمادیغندن آغاج پارچه سندن  
فرقلری یوقدر . بناء علیه ؛ آنلر التفاته واکرامه وسوزلرینی دیکله مکه ووجودلرنده  
اولان کوزللیکدن طولایی تعجبه شایان دکلردر . آنلر هر ایشیتدکلری صدایی کندی  
مضر تلرینه دائر بر سوز ظن ایدر لر . بناء علیه ؛ خائن اولدقلرندن هر زمان قورقواچینده  
راحتسز یاشارلر و بر سس ایشیتدکلرنده کندی حقلرنده بر فائق وار ظنیه ووجودلرینه  
تیترومک عارض اولور و نفسلری طارالیر و دائما اندیشه ایچنده بولونور لر . ای رسول  
اکرم ! آنلر آنحق سنک قوی دشمنلر کدر . شو حالد سَنک آنلردن حذر اوزره  
بولونمقلنگ لازمدر . چونکه ؛ قورقاق دشمن چوق زمانده سببسز هجوم ایدر . بناء علیه ؛  
ظاهرینه باقارق امین اولماق و سوزلرینه باقارق آلدانماق لازمدر . و آنلر قلبلرنده  
اولان نفاق ولسانلرنده اولان یالان سیبیل علیه لرینه دعایه مستحق اولدقلرندن سن آنلرک  
علیه لرینه دعا ایت و دی که « الله تعالی آنلری اهلاک ایتسون ، نه عجائب افترا ایدرک یالان  
سویله یوب حقدن آریلیور لر » . بویه دیکله آنلرک هلاکارینه دعایی رینه کتیر که مستحق  
اولدقلری جزایی کورسونلر .

منافقلردن ( عبدالله بن ابی ) و ( مغبت بن قیس ) و ( جد بن قیس ) و بونلرک امثالی  
حقیقته کوزل منظریه و طاتلی سوز مالک ایدیلر . حتی ( عبدالله بن ابی ) کندی قومیه  
حضور رسالته کلیر و سوز سویلر و سویله دیکی سوزلر دیکله نیردی . جناب حق آنلرک  
سوزلرینک ساخته اولوب دیکله مکه شایان اولمادیغنی رسولنه بیان بیورمشدر .

بو آیتده هر شخصک ظاهر حاله باقارق غبطه ایتمه مک و هر سوزک ظاهرده طاتلیغنه  
آلدانماق و قورقاق اولماق و دشمنی دشمن بیلوب آندن حذرا تمک و اهل اسلامه ضرری  
میدانده اولان کیمسه لرک مضر تلرینه دعا ایتک لازم اولدیغنه دلالت واردر .

منافقلرک ایماندن وسائر منفعتدن خالی اولدقلرینه اشارت ایچون منافقلر مخلوقات  
ایچندن دیواره دایانمش آغاج پارچه سنه تشبیه اولونمشلردر . چونکه خشب مسند ؛  
طایفه کیمسه اولور و قرنامایانه و بر ایش بارامایانه و دیواره دایانمش آغاج پارچه سیدر که  
منافقلر و کافرلرده عین حاله لردر . زیرا ؛ بونلر آغاج کی اصل یارادیلیشلرنده ایشه  
یارامق و انتفاع اولونمق قابلیتی حائر اولدقلری حاله کفر و فساقی ارتکاب ایتلریله

منفعتدن کیلیمش ، قورومش ، چورومش و دیواره دایانمش آغاج پارچه سنه بکزه دکلری  
بیان اولونمشدر .

..

واجب تعالی منافقلرک بعض احوالی بیانن صوکره بعض آخری بیان ایتک اوزره  
﴿ وَإِذَا قِيلَ لَهُمْ تَعَالَوْا يَسْتَغْفِرْ لَكُمْ رَسُولُ اللَّهِ لَوَّازُ وُجُوهِهِمْ وَرَأَيْتَهُمْ يَصُدُّونَ  
وَهُمْ مُسْتَسْكِرُونَ ﴾ بیوربیور .

[ آنلره « کلک سزه رسول الله استغفار ایتسون ، دنیلیدیکی وقت آنلری ، باشلری  
اکرلر و استغفاردن اعراض ایدر لر کورورسک . حالوکه آنلر کندی زعم و باطللرنده  
رسول الله استغفاردن کبر ایدیجیلردر . ]

﴿ سَوَاءٌ عَلَيْهِمْ أَسْتَغْفَرْتَ لَهُمْ أَمْ لَمْ تَسْتَغْفِرْ لَهُمْ لَنْ يَغْفِرَ اللَّهُ لَهُمْ إِنَّ اللَّهَ لَا  
يَهْدِي الْقَوْمَ الْفَاسِقِينَ ﴾

[ آنلر اوزرینه سنک کندیلری ایچون استغفار ایدوب ایتمه مککلک مساویدر . زیرا ؛  
الله تعالی آنلری البته مغفرت ایتمز . چونکه ؛ الله تعالی فاسق اولان قومی هدایتده قیلماز . ]  
یعنی ؛ آنلرک جنایتلری ظهور ایتدیکنده مجرد نصیحت قصدیه رسول الله و یا خود  
و مؤمنلر طرفندن « کلک قصوریکزدن توبه و اعتذار ایدک . رسول الله سزک ایچون استغفار  
ایتسون » دنیلیدیکنده آنلری ، بوسوز اوزرینه باشلری اکر و بویونلرینی بوکر و استغفاردن  
کبر ایدیچی اولدقلری حاله اعراض ایدر لر کورورسک . یا اکرم الرسل ! آنلر ایچون  
سنک استغفار ایدوب ایتمه مککلک آنلر اوزرینه مساویدر . چونکه ؛ آنلر جنایتلرندن  
ندامت ایدرک استغفارینی آرزو ایتدکلرندن الله تعالی ابدآ آنلری مغفرت ایتمز . زیرا ؛  
الله تعالی طاعتدن چیقمش و فسقله مألوف اولان قومی هدایتده قیلماز .

فخر رازینک و ابوالسعود افندینک بیانلری وجهله بونلرک هدایتدن نصیبه دار  
اولاماملری ؛ دائرة صلاحدن تجرد ایدرک فسق و فجوری اختیار ایتلریدر . چونکه ؛



مشتق اولان ( الفاسقین ) لفظنه هدايتدن نصیبلری اولماق حکمی تعلیق ایتک ؛  
ماخذ اشتقاق اولان فسقک هدايت اولونما ملری حکمنه علت اولمی ایجاب ایدر .  
شوحالده بونلرک هدايتدن محروم اولملرینک سببی ؛ کندیلرینک فسقلری وار تکاب  
ایتدکاری کناهلریدر . بناء علیه ؛ انسان هر زمان کناهدن صاقینملی که هدايتدن نصیبه دار  
اولمی و جناب حقک الطافدن حصه سنه استحقاق کسبنه سعی ایتلیدر .  
خلاصه ؛ انسانه حق یولنده واقع اولان نصیحتی دیکله مک لازم اولوب نصیحت  
دیکله مهینلرک مذموم و صاحب قصور اولان کیمسه نک قصورینی اعتراف ایتمی الزم  
و قصورینی اعتراف ایتک او قصورک عفوینه سبب و کناهک انسانک صلاحنه و ترقیات  
معنویه سنه مانع اولدینی بو آیتدن مستفاد اولان فوائد جمله سندندر .

\*\*

واجب تعالی منافقلرک حاللرندن بعض دیکرینی بیان ایتک اوزره ﴿ هُمُ الَّذِينَ  
يَقُولُونَ لَا تَنْفِقُوا عَلَيَّ مَنْ عِنْدَ رَسُولِ اللَّهِ حَتَّى يَنْفَضُوا وَلِلَّهِ خَزَائِنُ السَّمَوَاتِ  
وَالْأَرْضِ وَلَكِنَّ الْمُنَافِقِينَ لَا يَفْقَهُونَ ﴾ بیوریور .

[ او منافقلر شول کیمسه لرکه آنلر یکدیگرینه « رسول اللهک یاننده بولونان اصحابک  
فقراسنه ییه جک وسائر و یرمه یک که آنلر رسول اللهک باشندن طاغیاسونلر دیرلر و برلرینه  
بو کبی وصایاده بولونورلر . حالبوکه یرک و کوکلرک خزینهلری الله تعالی یه مخصوصدر .  
بناء علیه ؛ ایسته دیکی قولی مرزوق ایدر ولیکن منافقلر آنی بیلمزلر . ] وظن ایدرلرکه  
کندیلری فقراء مسلمینه برشی و یرمزلسه آجلق و احتیاج سببیه رسول اللهک معیتدن  
طاغیلاجق و کیمسه قالمیه جق . حالبوکه هر کسک رزقنی و یرن الله تعالی آنلری باشقه  
سببیه مرزوق ایدر هیچ کیمسه قاریشاماز . چونکه ؛ یرک و کوکلرک خزینه سی آنکدر .  
بناء علیه ؛ فقرایه اغنیانک برشی و یرمه مسندن فقرانک مضایقه یه دوچار اولملری لازم کلز .  
منافقلرک بو سوزی کندی امنالی منافقلره سویله مک احتمالی وار ایسه ده مهاجرینک  
فقراسنه اتفاق ایدن انصار کرامه سویله مش اولملری وقوعاته ده ها موافقدر . چونکه ؛

منافقلر بخیل اولقله برابر رسول الله و اصحابنه بغض وعداوتلرینه بناء فقراء اصحابی  
بیسله مک سویله طورسون کیزی و آشکار اهانتدن کبرو طورمازلردی . بناء علیه ؛  
مهاجرینک فقراسنی اتفاق ایدن انصار کرام اولدیغندن بوسوزک آنلره سویله مش اولمی  
لازم کلیر .

شوایکی احتمالدن هانکی صورتله اولورسه اولسون منافقلرک بو کبی سوزی سویله دکاری  
و افسادانه چالیشدقلری محقدر . زمانمزده بولونان منافقلرده عین حالده در . زیرا ؛ عادات  
اسلامیه دن اولان جود و سخای و عنعناتمزدن اولان مسافر پرورلکی ذم ایتک و آوروپاده  
فقرایه بزده کی کبی باقیلما دیغندن بحث ایتکدن و بو کبی قابوسی آجیق مسافر پرور ذواتک  
نه هنلرینی اغفاله چالیشمقدن هیچ برزمان خالی قالمازلر . بونکله برابر آوروپاده ایتم وضعفا  
صندقلری اولدیغندن دخی بحث ایله کندی سوزلرینی کندیلری نقض ایدرلر . اساساً بوسوزلری  
حقیقی بر تدقیقه مستند اولمایوب شونی و یابونی تقلید اوزره سویله ندیکندن بو کبی شیلره  
جرات ایدنلر سوزلرنده تناقضی ادرا کدن عاجز آغزیننه نه کلیرسه سویلر برطاقم جهلادن  
عبارتدر .

خلاصه ؛ منافقلرک فقرای اتفاق ایدنلره افساد طریقله « سز رسول اللهک یاننده  
بولونانلره اتفاق ایتیه ک که آنلر طاغیلسون و رسول الله یالکیز قالسون » دیدکاری  
و حالبوکه یرک و کوکلرک خزینهلری الله تعالی یه مخصوص اولوب ایسته دیکی قولی ایسته دیکی  
قدر مرزوق ایتدیکی و منافقلرک بو کبی حقایق بیلمز برطاقم جهلادن عبارت اولدقلری  
بو آیتدن مستفاد اولان فوائد جمله سندندر .

\*\*

واجب تعالی منافقلرک افساد صورتیه سویله دکاری سوزلردن بعضیلرینی بیاندن صوکره  
بعض آخری بیان ایتک اوزره ﴿ يَقُولُونَ لَئِنْ رَجَعْنَا إِلَى الْمَدِينَةِ لَيُخْرِجَنَّ  
الْأَعْرَضُ مِنَّا الْأَذَلَّ وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ ﴾  
بیوریور .



[آنلر دیدیلرکه «البتہ بز مدینہ دوزر . هر حالہ قوی اولانلر مدینہ دن ذلیل اولانلری چیقاریر» . آنلر بویله دیمکه مدینہ دن مهاجرینی چیقارمسی کندی آرہ لرندہ قرارلاشدیردیلر و بونکله اهل ایمانی تہدید ایتک ایستہ دیلر . حالبوکه عزت و قوت اللہ تعالیٰ به ورسولنہ واللہ ورسولنہ ایمان ایدن مؤمنلرہ مخصوصدر . بناءً علیہ نصرت ؛ اللہک و دشمنلرینہ غلبہ و مظفریت ؛ رسولنک و مؤمنلرکدر و لکن منافقلر کمال جهالتلرندن بونی بیلمز کندیلرندہ عزت وار ظن ایدرلر . ] بناءً علیہ ؛ بوکی برطاقم ہذیانده بولونورلر . فخررازینک و ابوالسعودافندینک بیانلری و جهلہ منافقلرک کیاست و فہملمرینک آزلغنہ اشارت ایچون جناب حق آنلری بوندن اولکی آیتدہ « (لا یفقهون) یعنی « آکلامازلر » قولیلہ ذم ایتمش و کمال جهالت و حماقتلرینہ اشارت ایچون بو آیتدہ « (لا یعلمون) یعنی « بیلمزلر » قولیلہ ذم ایتمشدر . کرچہ ہر ایکسی دە ذمی مشعر الفاظدن ایسہدہ ذمک مرجعلری باشقہ باشقہدر .

مؤمن اولان کیمسہ ہر زمان نور ایمان سایہ سندہ عزتہ متصف اولدیغندن ہر مؤمن نفسندہ اولان عزتی ذلثہ تبدیل ایتمہرک عزتی و وقارینی محافظہ ایدوب جناب حقک توفیقنہ تشکر ایتلیدر . عزت ، جناب حقہ مخصوص اولدینی جهتلہ عزتی جناب حقندن ایستہ یوب باشقہ قابودن آرا مالیدر و مؤمنلردیانلرینہ کمال جدیتلہ رعایت ایتدکلری صورتدہ اللہک عنایتی و نصرتی مؤمنلرہ مخصوص اولوب کافرلرہ و منافقلرہ تجاوز ایتدہ دیکندن اهل ایمان ایچون وظیفہ ؛ دیانتہ رعایت ایدہرک متانتلرینی غیب ایتمہ مکملہ ہر شیتی ، اسباب ظاہرہ سنہ توسل ایلہ برابر اللہک عنایتندن بکلہ مکدر .

بو سوزلری منافقلربی ( مصطلق ) غراسندہ سویلہ مشلردر . چونکہ ؛ خازن و فخررازینک بیانلری و جهلہ آیتک سبب نزولی شویلدہر : بنی مصطلق غراسندہ ( جہجہ ) اسمندہ بر ذات حضرت عمرک خدمتکاری ایدی و ( سنان ) اسمندہ انصاردن بر ذات دہ منافقلرک رئیس ( عبداللہ بن ابی بن سلول ) ک خدمتکاری اولوب ( مریسع ) اسمندہ بر صویک باشندہ صوبی سن آلا جقسک بن آلاجم دیبہرک نزاع اوزرینہ جہجہ سنانہ بر توقات و ورور . سنان افندیسی اولان ( عبداللہ بن سلول ) شکایت ایدنجہ عبداللہ انصار کرامہ خطاباً « محمد ﷺ ک یاندہ بولونان فقیر مهاجرلرہ معاونت ایتمہیک ، بیہجک و کیہجک

ویرمہیک آنلرباشندن طاغیاسون و محمد ﷺ یالکیز قالسون « دیدی . زیرا ؛ ( جہجہ ) دہ مهاجر ایدی . ( ابی بن سلول ) بو صورتلہ شان رسالتہ و اهل ایمانہ لایق اولمادق برطاقم اطالہ لساندہ بولوندی و اصحابدن ( زید بن ارقم ) عبداللہک شو افساداتی و فنا سوزلرینی رسول اللہ خبر ویرمسی اوزرینہ رسول اللہ چاغیروب سئوال ایدنجہ سویلہ دیکنی انکار ایدہرک شدتلہ یمن ایتسی ایلہ اصحاب رسول اللہ . زید حضرتلرینی تکذیب و منافق تصدیق ایتدیلر . زید بو تکذیبہ دایانامادی . جناب حقہ کندینک اهل ایمان طرفندن تصدیق اولونماسنی تضرع و نیازدہ بولوندی . بونک اوزرینہ واجب تعالی سورہنک اولندن بورایہ کنجہ یہ قدر آیتلرینی انزال ایلہ زیدی تصدیق و منافق تکذیب بیوردی . بو آیتلر نازل اولونجہ ( عبداللہ بن ابی ) . « سنک حقکدہ شدتلی آیتلر نازل اولدی . رسول اللہ کیت سنک ایچون استغفار ایتسی استرحام ایت » دنیلدیکندہ اوموزینی سیلکہرک بوینی دوندوردی « و البتہ مدینہ دہ دونونجہ اعز اولانلر اذل اولانلری چیقاریر » دیمسی اوزرینہ بو آیت نازل اولمشدر . بو آیتلر نازل اولونجہ رسول اللہ زید حضرتلرینہ « یا غلام ! اللہ تعالی سنی تصدیق ایتدی » بیورمشلردر .

بعض روایتہ نظرآ مدینہ بہ کبرہجکی وقت عبداللہک اوغلو باباسنہ اعتراض ایدہرک « اللہ ورسولنہ و مؤمنلرہ عزتی اقرار ایتمزسہک سنی قتل ایدہجکم » دیمش و باباسی دہ اوغلونک جدیتنی کورونجہ آئندن قورتولامیہ جغنی آکلایارق عزتک اللہ ورسولنہ و اهل ایمانہ مخصوص اولدیغنہ شہادتلہ جاتی قورتارمش و رسول اللہ دہ ( ابی ) ک اوغلونہ خیرلہ دعا ایتشدہر . چونکہ ؛ اوغلو خالص مسلمان اولوب پدرینک نفاقنہ ہیچ بر وجهلہ راضی دکلدی .

خلاصہ ؛ منافقلرک « مدینہ بہ دونونجہ برلی و عزتی اولانلرک بیانجی و ذلیل اولانلری البتہ مدینہ دن چیقاریر » دیدکلری و حالبوکه عزتک اللہ تعالیٰ به ورسولنہ و مؤمنلرہ مخصوص اولدینی و منافقلر کمال جهالتلرندن بو حقیقتی بیلمہ دکلری بو آیتدن مستفاد اولان فوائد جملہ سندندر .

واجب تعالی منافقلرک کوتو حاللرینی تفصیل اوزرہ بیساندن صوکرہ اهل ایمانی



تسلیه و منافقانه تعریض اولق اوزره ﴿يَا أَيُّهَا الَّذِينَ آمَنُوا لَا تُلْهِكُمْ أَمْوَالُكُمْ وَلَا  
أَوْلَادُكُمْ عَنْ ذِكْرِ اللَّهِ وَمَنْ يَفْعَلْ ذَلِكَ فَأُولَئِكَ هُمُ الْخَالِسُونَ﴾ بیوریور .

[ ای مؤمنلر ! اموال و اولادیکز سزی اللهک ذکرندن و اوزریکزه فرض  
اولان عبادتی ادادن مشغول اتمهسون . اگر برکیمسه نك اموالی و اولادی فرائضی ادادن  
آتی مشغول ایدرسه آنلر آنجق ضرر کوریحیلر و خسرانده قالیحیلردر . ]

یعنی ؛ ای اهل ایمان ! اموال و اولادیکزک محبتی و آنلرک ایشلرینی تدبیر  
سزی اللهک رضاسنی تحصیل و سیله اولان عبادت الهیه و طاعات سبحانیهدن و اعداء  
دینله مجاهده و سائر عمللری ایشله مکدن مشغول اتمهسون و شول کیمسه لکه مال و اولاد  
سیبيله عبادتی و بالخاصه الهی ذکر ی ترک ایدره رک افعالی اموال و اولادینک ایشلرینه  
حصر ایتدی . ایشته آنلر آنجق دنیاده و آخرتده ضرر کوریحیلردر . چونکه ؛ سرمایه  
اصل اولان عمرینی بقاسی اولمایان دنیانک دکر سز امورینه صرفله باقی و ابدی اولان  
آخرت نعمتلرینه و سیله اولان عباداتی اهل ایتدیکی جهته آنلر ایچون ضرردن باشقه  
برشی اولاماز .

فخر رازی و خازنک و ابوالسعود افندینک بیانلری وجهله انسانک اوزرینه فرض  
و واجب اولان عبادتک ترکنه سبب اولان مشغولیتک حرام اولدیقه بوآیت دلالت ایدر .  
چونکه ؛ فرضی ترک ایتک حرامدر بناء علیه ؛ آتی ترکه بادی اولان افعال و حرکاتکده  
حرام اولاجنی آشکاردر . زیرا ؛ سیبلر و وسیله لر ایچونده مقاصدک حکمنی اخذ  
ایده جکی قواعد فقهیه اقتضاسنددر . احوالده واجب اولان عبادتی ترک ایتک حرامدر . آنک  
ترکنه وسیله اولان اموال و اولاد کی شیلرله مشغولیتده حرامدر و بوجرمتی ارتکاب  
ایدنلرک ابدی ضرره دوچار اولاجقلری طبعیدر . زیرا ؛ باقی فانی به دیکشمشلددر .

اما عبادتی ترکه و فرائضی ادایه مانع اولمایان مشغولیت حرام اولمادیگی کی بلکه ممدوحدر .  
چونکه اولاد و اموال ؛ دنیانک زینتی اولوب انسانک حیاته و دنیانک وقت مرهونه  
قدر اعمارینه خادم اولدیگی جهته شریعتک بیانی وجهله عبادات مفروضه یی ترکه سبب  
اولیه رق آنلرله مشغول اولق و آنلرک مورینی تمشیت ایتکده عین عبادتدر . بناء علیه ؛

اموال و اولادک مورینی تسویه ایتک خسرانه سبب دکلددر . بلکه خسرانه سبب اولان ؛  
آنلرک موریلر مشغولیتی عبادات اوزرینه ترجیح و آنلر سیبيله فرائضی اهل ایتکدر .  
یوقسه وقت معینده بورجی اولان عباداتی ادا ایله برابر آنلرله مشغولیت ، وظیفه سی  
دائرهنده بر مشغولیت اولدیگی ایچون ممدوح و نیت خالصیه مقارن اولدیغنده عین عبادتدر .  
اولاد و اموال مشغولیتی دنیا مشغولیتلرینک اک زیاده اهمیتلیدی اولدیغندن بونلرله مشغولیتی  
اهل ایتکده جائز اولاماز . زیرا ؛ بو اولاد و آنلرک معیشتلرینه عائد اولان اموال ایله  
مشغولیتی ترک ایدن انسان ایچون دنیاده وظیفه قالماز و آکا معطل دیمکدن باشقه برشی دینیز .  
شوحالده مسئله نك روحی ؛ مال و اولادله مشغولیتی فرائض دینییه سی اوزرینه ترجیح  
ایده رک عبادتی ترک ایدوب اتمه مکدر . اگر بونلری ترجیحله عبادتی اهل ایدرسه ضرر  
ابدییه دوچار اولاجغنده شبهه یوقدر . اما وظیفه دینییه اولان عبادتی ترجیحاً ادا ایله  
برابر بونلرله مشغولیت ؛ سعادتدر .

خلاصه ؛ هر مؤمنک اموال و اولادینک مورینی فرائض دینییه اوزرینه ترجیح ایتسی  
جائز اولمادیگی و آنلرک مورینی تسویه یی عبادتی ادایه مانع صایماق لازم و عبادتی  
امور دنیایه ترجیحاً ادا ایتک واجب اولدیگی و اولاد و اموالک موریلر اشتغالی فرائض  
دینییه یی ادایه مانع عدا ایتک خسران ابدییه سبب اولاجنی بوآیتدن مستفاد اولان فوائد  
جمله سنددر .

\*\*

واجب تعالی اموال و اولادک ایشلرینی تدبیری عبادته ترجیح ایتک جائز اولمایوب  
ضرردن عبارت اولدیگی بیاندن صوکره اموال اوزرینه ترتب ایدره جک تجارتی بیان  
ایتک اوزره ﴿وَأَنْفِقُوا مِمَّا رَزَقْنَاكُمْ مِنْ قَبْلِ أَنْ يَأْتِيَّ أَحَدَكُمُ الْمَوْتُ فَيَقُولَ  
رَبِّ لَوْلَا أَخَّرْتَنِي إِلَىٰ أَجَلٍ قَرِيبٍ فَأَصَّدَّقَ وَأَكُنْ مِنَ الصَّالِحِينَ﴾ بیوریور .  
[ سز اتفاق ایدک بزم مرزوق ایتدیکمز اموالدن شول زماندن اول که سزدن بریکزه  
أولوم علامتلی کلوبده . یاربی ! کاشکه یقین بر زمانه قدر بنم أولومی تأخیر ایتسه کده



بنده مالک صدقه سنی ویرسم و امریکه امتثال ایدن صالحلردن اولسم . دیمزدن اول  
اتفاق ایدک که آخر عمریکزده مهلت ایسته مکه حاجت قالماسون . ]

یعنی ؛ ای مؤمنلر ! مالکک و اولادیکک عاقبتی و آنلرک امورینی عبادت  
اوزره ترجیحکزده اولان ضرری بیلدیکک و بوندن اولکی آیتدن آکلادیکک ایسه  
مالدن و اولاددن سزه ویردیکک رزقندن محتاج اولان فقرایه ویرلسی لازم کلن زکاتی  
اجلکک حلول ایدوب اولوم علامتلی کلوب فزع و فریاد باغریککزه چوکوبده یاربی !  
نه اولور آز بر زمان مساعده و یقین بروقه قدر اجلمی تأخیر ایسته کده رضا کی تحصیل  
ایچون مأمور اولدینم وجه اوزره مالک زکاتی و سائر صدقه لرینی ویرسمده صالحلر  
زمره سندن اولسم . دیهرک تضرع ایتزدن اول ویرک که بویله مهلت ایسته مکه حاجت  
قالماسون . زیرا ؛ اولوم یاقا کزی آلدقندن صوکره یالوارمق واللهدن عمر ایسته مک فائده  
ویرمز . بناء علیه ؛ اولوم کلزدن اول هر کسک تدارکنی یا پیسی لازمدر .

فخر رازی ، نسابوری و خازنک بیانلری وجهله بعض علما بو آیتک منافقلر حقنده  
نازل اولدینغی بیان ایتشلر سده صحیح اولان مؤمنلر حقنده نازل اولمشدر . زیرا ؛ اهل  
ایماندن هر قصور ایدن کیمسه اولومی کورونجه قصورینه ندامت ایدرک آز بر زمان  
دها معمر اولوبده کچیرمش اولدینغی عمللری تدارک ایتک ایستر ، فقط چه فائده . اوت !  
مؤمن کامل هر دورلو تدارکاتده بولوندیغندن تأخیرینی ایسته مز ایسه ده نفسی بر طاقم  
تلویثاته ملوث ایدن مؤمن اولویثاتی ازاله ایچون آزیحق بروقت کندینه مساعده اولونوبده  
تدارکاتده بولونمق ایستر . خصوصاً اهل سنت اعتقادنجه کوچوک کناهلره عذاب اولدیغندن  
مؤمن اولمقندن مصون اولمق لازم کلر که قصورینی تدارک و نقصانی اکیل ایچون اولومک  
تأخیرینی ایسته مهسون ، البته ایستر . چونکه ؛ قصور صاحبی اولانلره عذاب اولوب اولوم  
کلدیکنده حالی ده معلوم اولونجه البته کندینه آزیحق بر زمان مساعده اولونمسی آرزو  
ایتمکدن خالی قالماز .

بو آیتده اتفاقله امر ؛ وجوب ایچوندر . زیرا (انفقوا) امری مطلق ذکر اولونمشدر .  
مطلق ذکر اولونان امرک وجوب افاده ایتدیکی قواعد اصولیه اقتضاسنددر .

خلاصه ؛ اولوم کلزدن اول مالک زکاتی ویرمسی واجب اولدینغی و صدقات مفروضه سنی

ویرمه یوبده مسامحه ایدنلرک اولوم کلدیکنده اولوملرینک برمدت تأخیرینی آرزو ایتدکلی  
و لیکن زمانی کچدیکی ایچون بو آرزونک فائده ایتمدیکی بو آیتدن مستفاد اولان فوائد  
جمله سنددر .

..

واجب تعالی آخرت ایچون تدارکاتسز اولان کیمسه لرک اولوم کلنجه مهلت ایسته یه جکلرینی  
بیاندن صوکره اجل کلدیکنده اصلاً تأخیری جائز اولمادیغنی بیان ایتک اوزره  
﴿وَأَنْ يُؤَخِّرَ اللَّهُ نَفْسًا إِذَا جَاءَ أَجَلُهَا وَاللَّهُ خَبِيرٌ بِمَا تَعْمَلُونَ﴾ بیوریور .

[ اجلی کلدیکی وقتده هیچ بر نفسی الله تعالی البته تأخیر ایتمز و سزک هر عملکزی  
الله تعالی بیلیر و عملککزه کوره جزا ویرر . ] بناء علیه ؛ هر کس اجلی کلزدن اول  
باشنک جاره سته و کچمش عبادتنک قضاسنه و آخرت ایچون تدارکنه باقلی که فائده سز  
زمانده چاره آرامقه محتاج اولماسون . زیرا ؛ اجل کلدیکنده تأخیری ممکن دکل که چاره  
آراسون و آرامقده فائده اولسون والله تعالی خیر و شر هر نه ایشله دیککزه سز بیلدیکندن  
علمی وجهله جزا ویرر . بناء علیه ؛ هیچ بر عمل جزاسز قالماز .

خلاصه ؛ اجل کلدیکنده هیچ بر کیمسه نک اجبی تأخیر او اونمادیغنی والله تعالی  
هر کسک عملی بیلوب آکا کوره جزا ویره جکی بو آیتدن مستفاد اولان فوائد جمله سنددر .



رومی بیک اوچبوز اوتوز یدی سنه سی آغستوسنک اون ایکنجی جمه کونه تصادف ایدن عربی  
بیک اوچبوز اوتوز طقوز سنه سی ذی الحجه سنک یکری برنجی کونی خیانه چولنده یونانله اسلام  
عسکری آره سنده شدتلی میدان محاربه سی دوام ایدرکن بویوک ملت مجلسی اعضاسندن اولارق  
آنقرده بولوندیغمز زمان دشمن استیلا سی اندیشه سته بناء طائله لریمزی قیصری به سوق ایدوب مبعوث  
آرقداشلریمزدن کنفری مبعوثی بهجت بک و آنقره مبعوثی حاجی طائف افندی ایله برابر مومی الیه  
حاجی طائف افندیکنک خانه سنده اقامت ایتدیکک زمان مذکور خانه نک قبله جهته ناظر اوطه ده قوشلق  
وقتی بو سوره نک تفسیرینک تبییضی بعونه تعالی ختام بولمشدر .



سورة تغابن

مدینه منورهده نازل اولان سوره لردندر . اونه سکر آتی جامعدر .

بِسْمِ اللَّهِ الرَّحْمَنِ الرَّحِيمِ

يُسَبِّحُ لِلَّهِ مَا فِي السَّمَوَاتِ وَمَا فِي الْأَرْضِ لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ

[ تنزیه ایدر اللهی کوکلرده و یرده بولونان جمله اشیا . زیرا ؛ ملک اللهکدر و جمله موجوداتک حمد و ثنای آکا مخصوصدر . چونکه ؛ الله تعالی هر شئیته قادردر و هر کالات کندینه مخصوصدر . ]

یعنی ؛ الله تعالی نک بویوکلکنه لایق اولماین نقصانلردن سموات و ارضده بولونان جمله مخلوقات و بر . ایمان الله تعالی بی تقدیس ایدرلر . زیرا ؛ بالعموم ملک الله منحصردر و آنک غیری هیچ بر ملکک . الک حقیقیسی و متصرفی یوقدر و هر مدح و ثنا ایدیکلرک مدح و ثنالیکنه مستحق الحق . ، آنک غیری حقیقت اعتباریله مدحه شایان بر کیمسه یوقدر . چونکه ؛ بوتون عالمده نعمتی احسان ایدن و جمله روح صاحبارینک رزقی و یرن اودر . آنک غیری بر احسان صاحبی یوق که مدح و ثنایه مستحق اولسون و الله تعالی هر شئی اوزرینه قادردر و قدرتندن خارج هیچ بر شئی یوقدر و قدرت کامله صاحبیدر . بناء علیه ؛ بوتون ذرات جهان اللهک نقائصدن منزله اولدیغنی اللهک کندیلرنده خلق ایتدیکی لسانلریله تسبیح و ذکر ایدرلر . باخود مخلوقاتک هر برلرینک یارادیلشده اولان عجائب و غرائب واسطه سیله جناب حق قدرت کامله صاحبی اولدیغنه لسان حال ایله دلالت ایدرلر . چونکه ؛ مخلوقدن هر برینک خلقتنه نظر دقتله باقیلنجه عقوله حیرت و یره جک نیجه یوز بیکلرجه صنایع غریبه موجود اولدیغنی کوریلور و بوضایع غریبه نک هر بریسی بر لسانله

تسبیح و وظیفه سی ایفا ایتکده اولدیغندن جمله مخلوقات کونا کون لسانلره اللهی تسبیح ایتکده درلر .

..

واجب تعالی حمد و ثنا کندینه مخصوص اولوب جمله مخلوقاته مالک و هر شئیته قادر اولدیغنی بیاندن صوکره شودعوایی بیان و اثبات ایتک اوزره ﴿ هُوَ الَّذِي خَلَقَكُمْ ﴾ بیوریور .

[ اوالله تعالی سزی ایجادله یوق ایکن وارلغکزی میدانه قویدی واک کوزل صورتله سزی یاراتدی . ] و جمیع کالاته مبدأ و علم و عرفانه محل قیلدی . سزی بویله کوزل صورت اوزره ایجاد ایدوب علم و عرفان صاحبی قیلنجه الله تعالی هر شئیته قادر و هر کسک حمدینه مستحقدر .

..

واجب تعالی انسانلری خلق ایتدیکنی بیاندن صوکره آنلرک ایکی قسمه آیرلقلرینی بیان ایتک اوزره ﴿ فَمِنْكُمْ كَافِرٌ وَمِنْكُمْ مُؤْمِنٌ وَاللَّهُ بِمَا تَعْمَلُونَ بَصِيرٌ ﴾ بیوریور .

[ الله تعالی سزی خلق ایدنجه سزدن بعضک هویت باطله سنه آدانارق حتی ستر ایدوب کفری ارتکابه کافر اولدی و بعضیکزده هوا و هوسنی ترک ایدرک نفسنی علم و عرفانه تزین و نور ایمانه تنویر ایدرک ایمانی اختیارله مؤمن اولدی . حالبوکه الله تعالی سزک ایشله دیککزر عمللریکزر هر ذره سنی بیلچی و هر جزئی کورچی و عملکزه کوره حسابی کوروب جزاسنی و یریحیدر . ] شوخالده سزه لایق اولان ؛ ایمانی اختیارله مؤمن اولوب عبادات سائرله ایله نفسکزی تزین ایدرک نعمت السیهیه شکرله اللهک شا کر قوللری زمره سنه داخل اولمق و کوزل جزایه نائل اولمق چاره لرینی آرا مقدر .

بو آیت جلیله ؛ انسانلرک ایکی قسمه منقسم اولوب اوچنچی بر قسم اولمادیغنه دلالت ایدر . زیرا انسانلری ایکیه آیران ؛ آنلرک اکتساب ایتدکری صفت ایمان و صفت خلاصه الیان ؛ اون بشنجی جله — ۲



کفر در. بویکی صفتدن باشقه اوچنجی بر صنف تشکیل ایدمک صفت یوقدر. زیرا؛ کفرله ایمان آره سنده باشقه بر صفت یوق که اوصفی اختیار ایدنلر اوچنجی بر قسم اولسونلر. علم کلامده بیان اولوندینی وجهله اعتقادیمزده بومنوال اوزره در که انسان یا مؤمن اولور و یا خود کافر اولور، بویکینک خارجنده اوچنجی بر صنف یوقدر و اولاماز. بناء علیه؛ آخرتده دخی دار مجازات ایکیدر که یا مؤمن اولور دار نعمت اولان جنته کیرر و یا کافر اولور دار نعمت اولان جهنمه کیرر. بویکی دارک آره سنده اوچنجی بردار جزا یوقدر. چونکه؛ اودارک وجودینی احباب ایدرانسانلرده باشقه صفت یوقدر و اولاماز که اوچنجی بر دار جزا بولونسون.

خلاصه؛ اعتقاد جهتیه انسانلر ایکی قسم اولوب آنلردن بر قسمک کافر دیکرینک مؤمن اولدینی و بونلرک خارجنده اوچنجی بر قسم بولونمادینی والله تعالی نک انسانلرک هر عملنی کوروب بیلدیکی بوآیتدن مستفاد اولان فوائد جمله سندندر.

\*\*

واجب تعالی انسانی خلق ایتدیکنی بیانه قدرت کامله صاحبی اولدیغنی اثبات ایتدکن صوکره انسانک قرار قیلدینی ارضی خلق ایتدیکنی و انسانلرک صورتلرینی کوزل قیلدیغنی بیانه حمده مستحق و قدرت تامه صاحبی اولدیغنی بیان ایتک اوزره ﴿ خَلَقَ السَّمَوَاتِ وَالْأَرْضَ بِالْحَقِّ وَصَوَّرَكُمْ فَأَحْسَنَ صُوَرَكُمْ وَإِلَيْهِ الْمَصِيرُ ﴾ بیوریور.

[ جناب حق کوکری ویری حقه مقارن اولارق یاراتدی و سزی تصویر ایتدی و صورتکزی کوزل قیلدی و آنجق قیامتده مرجعکز اودر. ]

یعنی؛ الله تعالی عالم علوی اولان کوکری و عالم سفلی اولان یریوزنی حقه و حکمته مقارن اولارق غایت محکم و عقول بشره حیرت ویرر درجهده صاعلام و عجیب و غریب صنعتلر اوزرینه شامل اولارق خلق ایتدی و سزک صورتکزی ظاهرده تصویر ایتدی و غایت کوزل قیلدی و باطنکزی خلافت الهیهیه قابلیتلی و اخلاق الهیه ایلر تخلقه لایق و اوصاف الهیه ایلر اتصافه موافق صورتده خلق ایتدی. بناء علیه؛ سز زبده کائنات

و خلاصه موجودات و نمونه عالم اولدیغکزدن اوزون بویلیکزده و تناسب اعضاده و کوزل منظرده مخلوقات ایچنده اک یوکسک طبقهده بولوندیکنر. شو حالده بو کوزل وجودیکزی و اعضا مدر که کز اولان کوز، قولاق و عقل و سائرینی الله تعالی به عبادتده و بونعمتلرک شکرینی اداده استعمال ایتلمیسکز که یوم قیامتده کوزل صورتکزی چیر کینلکه تبدل ایتمسون. زیرا؛ یوم قیامتده مرجعکز آنجق ظاهر و باطنکزه مطلع اولان الله تعالی نک حضور معنویسیدر، باشقه مرجع یوقدر. بناء علیه؛ بو کوزل وجودی رضا الهیهیه صرفله رضانک خلافت اولان کناهلره صرفدن صاقینمق لازمدر که بر طاقم چیر کین کناهلره حضور الهیهیه واروب محجوب و نعمت الهیهیه دن محروم اولمالمیسکز. فخر رازینک بیانی و جهله انسانلر ایچنده بر طاقم چیر کین صورتده اولانلرک چیر کینلکری کندی جنسلرندن اولان سائر انسانلره نسبتله اولوب حیوانات سائرده دن هر حالده کوزل صورته مالک اولدقلى جهتله او مثللو چیر کین صورتلی انسانلره بو آیه سئوال وارد اولماز. زیرا؛ آنلر هر نه قدر کندیلرینک امثالی انسانلره نسبتله چیر کینلرایسهده مخلوقات سائریه نسبتله کوزل منظرهیه مالک لدر. بناء علیه؛ الله تعالی انسانلرک صورتلرینی کوزل یاراتدیغنی بوآیتده بیان بیوریور. حالبو که شو آدم انسان اولدینی حالده چیر کیندر دنبله مز. خلاصه؛ الله تعالی نک کوکری ویری حق و حقیقته مقارن اولارق خلق ایتدیکی و انسانلری تصویر ایدوب صورتلرینی غایت کوزل قیلدیغنی و قیامتده مرجعی آنجق آنک حضوری اولدینی بوآیتدن مستفاد اولان فوائد جمله سندندر.

\*\*

واجب تعالی جمله اشیایه مالک اولدیغنی مخلوقاتک کلیدنی خلق ایتمسیله اثبات ایتدکن صوکره علمنک جمیع اشیایه احاطه سنی بیانه دخی اثبات ایتک اوزره ﴿ يَعْلَمُ مَا فِي السَّمَوَاتِ وَالْأَرْضِ وَيَعْلَمُ مَا تُسْرُونَ وَمَا تُعْلِنُونَ وَاللَّهُ عَلِيمٌ بِذَاتِ الصُّدُورِ ﴾ بیوریور. [ الله تعالی سموات و ارضده اولان هر شیئی و سزک کیزی و آشکار جمله اموریکزی بیلیر. زیرا؛ الله تعالی قیلبرده اولان اسراری بیلجیدر. ]



یعنی ؛ بیلنمی شانندن اولان شیر کرک عالم علوی اولان کوکلرده اولسون و کرک عالم سفلی اولان یرده اولسون و کرک سزک کیزله دیککیز و کرک علناً اظهار ایتدیککیز عملریکیز اولسون جناب حق بونلرک جمله سنی بیلیر . چونکه ؛ الله تعالی قایلرده کیزلی اسراری بیلجیدر . قایلرده کیزلی اسراری بیلنجه آندن دها آجیق اولان شیرلی بیله جکی اولویتله ثابت اولور . زیرا ؛ علمنک بیلنسنک شانندن اولان اشیانک جمله سنیه نسبی مساویدر . بناء علیه ؛ کیزلی و آشکار هر شیئه علمنک تعلق بر در ، یکدیگرندن فرقی یوقدر واکر مساوی اولسه ترجیح بلا مرجح لازمکلور . شو حالده عقلی اولان هر کیمسه به لایق اولان ؛ رضا الهی به مخالف اولان کناهلرک جمله سندن قاجینمقدر . چونکه ؛ جناب حق عملنک هر ذره سنی بیلیر و آکا کوره مجازات ایدر .

بوایت جلیله ده الله قوللری عبادته تشویق واردر . زیرا ؛ الله تعالی نک علمی عملنک هر جزئه لاحق اولدیغنی بیلن بر کیمسه البته عملنک زیاده اولسنه غیرت ایدرکه ثوابی زیاده اولسون . آیتده عاصیلری تهدیده واردر . زیرا ؛ کناهلرک هر ذره سنی واجب تعالی بیلوب آکا کوره جزا ترتیب ایده جکی بیلن بر کیمسه نک کناهدن حذر ایتسی لازم کلور .

\*\*\*

واجب تعالی هر شیئک مالک حقیقیسی و هر کسک حمدینه و مدح و ثنائه اهل اولوب موجوداتک جمله سنک خالق اولدیغنی بیانله معبود بالحق آنحق کندی اولوب کندینک غیر عبادته مستحق بر کیمسه اولمادیغنی بیانندن صوکره عبودیتی ترک ایده رک اللهک غیر بر طاقم کوتو اشیاه عبادت ایدن کافرلری تکدیر ایتک اوزره ﴿ اَلَمْ یَا تَکُمۡ نَبَؤُا الَّذِیۡنَ کَفَرُوۡا مِنْ قَبْلُ فَذٰقُوۡا وَّ بٰلَ اَمْرِہِمۡ وَ لَہُمۡ عَذٰبُ اَلِیۡمٍ ﴾ بیوریور .

[ سزه شول کیمسه لرک خبری کله دیمی که آنلر بوندن اول کافر اولدیلرده دنیاده کفرلرینک ضررینی طاندیلر . حالبوکه آخرتده آنلر ایچون آجیدیجی عذاب واردر . ]  
یعنی ؛ ای حق انکار ایدن و ارشاد ایچون کوندریلن رسولی تصدیق ایتمین

کافرلر ! سزه شول کیمسه لرک خبری کله دیمی که آنلر طرف الهمیزدن کندیلرینه کوندریلن نوح ، هود و صالح علیهم السلام کبی پیغمبرلری تصدیق ایتیه رک کافر اولمشلردی . آنلرک خبرینی دیکله مککککیز و آنلردن عبرت المقلغکیز لازم دکلی ؛ زیرا ؛ آنلر سزدن اول کافر اولدیلرده بودنیاده آکسزین هلاک اولق صورتیه کفرلرینک عذابنی طاندیلر و آنلر ایچون آخرتده کنه و حقیقتی بیله مه دیککیز بر صورتده آجیدیجی بویوک عذاب واردر .

بو آیتده اهل مککی و آنلرک کفره اصرار ایدن ملتلی تهدید واردر . چونکه ؛ کندیلرینک طومش اولدقلری یولک عاقبتی وخیم اولدیغنی عالمده تجربه اولونامش و امثالی سبق ایتهمش بر شی دکلدرد . زیرا ؛ قوم نوح طریق کفری اختیارله غرق وقوم هود وقوم صالح و سائر نک روز کارله و زلزله ایله هلاک اولدقلری معلوم و هر کسک غننائله دویوب ایشیتدکلری شیلردر . شو حالده صوکره کلنلرک اول کچنلرک حاللرندن عبرت آلملری لازم ایکن عبرت آلمیه رق آنلرک طومش اولدقلری یولی طومق و عاقبتنده اولان فلاکتی کورمه مک حماقتدن باشقه بر شی اولمادیغندن جناب حق بو کبی باطل یوللره کیدنلری تکدیر بیوریور .

خلاصه ؛ قرآنک زولندن و بزم پیغمبریمزک بعثتدن اول کچن امتلرک کفری ارتکابلری سببیه دنیاده هلاک و آخرتده معذب اولاجقلرینه دائر خبرلردن عبرت آلمق لازم اولدیغندن عبرت آلمایانلرک تکدیره شایان اولدقلری بو آیتدن مستفاد اولان فوائد جمله سنددر .

\*\*\*

واجب تعالی رسوللرینه ایمان ایتمین ملتلرک دنیاده و آخرتده معذب اولدقلری بیاندن صوکره مبتلا اولدقلری عذابک سیفی بیان ایتک اوزره ﴿ ذٰلِکَ بِاَنَّهُ کَانَ تٰتِیۡہِمۡ رُسُلُہُمۡ بِالْبَیِّنٰتِ فَقَالُوۡا اَبَشَرُ مِمَّہٗ وَ نَا فَ کَفَرُوۡا وَ تَوَلَّوۡا وَ اسْتَعٰنَی اللّٰہُ وَاللّٰہُ غَنّٰ حَمِیۡدُہٗ ﴾ بیوریور .



[ شو عذابك سببی ؛ آنلرك رسوللری آنلره آجیق معجزه لرله كلدیله . آنلركندیلرینی ارشاد ایچون كلن رسوللرك ارشادلرینی قبول ایتمه رك « بزم کبی بشرمیدر بزی طوغرو یوله سوق ایدوب ارشاد ایدمك ؟ » دیدیلر و انبیانك ارشادینی قبول ایتمه رك کافر اولدیله و انبیانك آنلری حقه و دوغرو یوله دعوتلرینه اجابتدن اعراض ایتدیله و یوزلرینی دوندوردیلر . حالبوکه الله تعالی آنلرك ایمانلرندن غنی اولدی . چونکه ؛ الله تعالی هرشیدن غنی و هر فعلنده محمود و هر کس طرفندن ثنایه مستحقدر . ]

یعنی ؛ شو کافرله دنیاده و آخرتده نازل اولان عذابك سببی شول شیدرکه آنلره معجزات باهره و بینات واضح ایله نیلرکلوب آنلری دوغری یوله دعوت ایتدکلرنده آنلر معجزه یه معارضه ایتمک ایسته یوب معارضه دن عاجز قالدجه مغالطه ایدمك کمال حیرت و تعجبلرندن « بزم کبی بشرمیدر بزه دوغرو یولی کوستره مك و بزی هدایتده قیلاجق . حاشا ! بشر کندی کبی بشری ارشاد ایدم بیلیرمی ؟ البته ارشاد ایدم من » دیدیلر . بناء علیه ؛ در حال انیاء کرامی و آنلرك طرف الهمیدن کتیردکلری شریعتلرینی انکارله کفری اختیار و تکلیفلرینی قبولدن اعراض ایتدیله . ایسته آنلرك دنیاده هلاکلرینك و آخرتده عذابلرینك سببی بودر . حالبوکه الله تعالی آنلرك ایمانلرندن و انقیادلرندن مستغنیدر . چونکه ؛ الله تعالی هرشیدن غنی و هر فعلنده ثنایه مستحقدر ، هیچ بر کیمسه و بر هیچ شیئه احتیاجی یوقدر . بناء علیه ؛ انبیانك دعوتلرینه اجابتله ایمان ایدنلرك ایمانلرینك فائده سی و ایمان ایتمه نلرك عدم ایماندن ضرری آنجق آنلره عائددر . جناب حقه هیچ برشی راجع دکلددر .

فخر رازینك و ابوالسعود افندینك بیانلری وجهله بو آیتده عذابك سببی بیانه برابر ایمان ایتمه ن کافرلری حاققه اتمام واردر . زیرا ؛ طرف الهمیدن کندیلرینی ارشاد ایچون کوندریلن رسوللرك معجزه لرینی یولیه تدقیق ایدممه مك و بشرک کندی کبی بشری ارشادی دها قولای اولاجغنی ادراك ایتمه مك حاققتدن باشقه برشی دکلددر و آیتك آخرنده جناب حقه هرشیدن مستغنی اولدیغنی بیانه کافرلری تهدید واردر .

واجب تعالی بو آیتده کافرله عذابك اوج سببی بیان بیورمشدر : برنجیسی ؛

بشرینی ارشاده منافی کورملریدر . ایکنجیسی ؛ کفری اختیار ایتلمه ریدر . اوچنجیسی ؛ انبیانك دعوتلرینه یوزلرینی دوغوروب اجابت ایتلمه ریدر . بو اوج صفتك هر برلری یکدیگرینه دلیل و لازم و ملزوم قییلنددر . چونکه بشرتی هدایه منافی کورملری ؛ کفرلرینه و کفرلری ده دعوتی قبولدن اعراضلرینه سیدر .

\*\*

واجب تعالی رسوللرك دعوتلرینه کافرلر اجابت ایتمه یوب کفرلرنده اصرار ایتدکلرینی بیاندن صوکره آخرتی و رسوللری طرفندن بیان اولونان حشری انکار ایتدکلرینی بیان ایتمک اوزره ﴿ زَعَمَ الَّذِينَ كَفَرُوا أَنْ لَنْ يُبْعَثُوا قُلْ بَلَىٰ وَرَبِّي لَتُبْعَثَنَّهُمْ لَتَبْعَوْنَ بِمَا كُنتُمْ وَعَدْتُمْ عَلَىٰ اللَّهِ يَسِيرٌ ﴾ بیوریور .

[ کافرلر اولد کدن صوکره دیرلیه جکلرینی ادعا ایتدیله . یا اکرملرسل ! سن آنلره « البته بعث اولوناجقسکز . بن ربه یمین ایدرم که البته سز اولد کدن صوکره قبریگزدن قالدجه قسکز و صوکره سزک عمللریگز سزه خبر ویریه جکدر و شو سزک قبریگزدن قالمکمز و عمللریگزک سزه خبر ویرلسی الله تعالی اوزرینه غایت قولایددر » دی . ]

یعنی ؛ مکه مشرکلری اولد کدن صوکره دیرلیه جکلرینی علنا ادعا و اعتقاد ایتدیله و رسوللرینك اولد کدن صوکره دیریه جکلری بیانی رد ایدمك شواعتقاد باطللرینی میدان قویمقدن و البته بعث اولونیه جکلرینی دعوادن حیا ایتمه دیله . یا اکرملرسل ! سن آنلرك شو باطل اعتقادلرینی رد اولمق اوزره دی که « البته سز اولد کدن صوکره دیریه جکسکز و بنی تربیه ایدوب جمله کالاته ایصال ایدن ربه یمین ایدرم که البته سز قبریگزدن دیریلوب قالدجه جقسکز و صوکره محشرده طویلانوب برر برر سزک عمللریگز سزه خبر ویریلوب هر برندن سئوال و حساب اولونوب جزاسنی کوره جکسکز . شو قبریگزدن قالمکمز و محشره کیمکمز و عملکمزک برر برر خبر ویریلوب جزاسنی کورمکمز سزه کوچ کورینورایسه ده بونلر الله تعالی اوزینه پک قولایددر . زیرا ؛ الله تعالی قدرت کامله صاحیددر .



ابوالسعود افنديك بيان وجهله شو اعتقادك فسادينه اشارت ايجون اعتقاد باطله  
استعمال اولونه (زعم) كلمه سي وارد اولمشر .

آيت جليلهك حشر و جودينه دلالتی قطعيدر وكافر لر اولد كدن صوكره ديرلکي  
و محشره جمع اولوب حساب و جزا كوريله جكني شفته انكار ايتد كرندن جناب حق آنلرك  
ديريلوب قبرلرندن قالقاجقلىرى و عمللرينك كنديلرينه برر برر خبر و يريله جكني يمين  
و ادات تا كيدايله بيان بيورمشر .

خلاصه ؛ مشركلرك البته بعث اولونميه جقلىرى اعتقاد ايتد كارى و طرف السهيدن  
رسولنه آنلرك بعث اولونا جقلىرى يمين و ادات تا كيدايله بيان ايتمسي امر بيوردني و آنلر  
بعث اولوندقدن صوكره عمللرينك كنديلرينه خبر و يريله جكي و شو انسانلري اولد كدن  
صوكره ديرلتمك و عمللريني خبر و يرمك كي شيلر الله تعالى اوزرينه قولاي اولديني بوآيتدن  
مستفاد اولان فوائد جمله سنددر .

\*\*

واجب تعالى امت محمدن اول كچن امتلك هلاكرينه سبب ؛ آنلرك ايمان ايتمه ملري  
و حشري انكار ايتملري اولديغني بياندن صوكره امت محمد ايمانله امر ايتك اوزره  
﴿ فَأَمِنُوا بِاللَّهِ وَرَسُولِهِ وَالْتَّوْرَ الَّذِي أَنْزَلْنَا وَاللَّهُ بِمَا تَعْمَلُونَ خَبِيرٌ ﴾ بيوريور .

[ سز الله تعالى به ورسولنه و شول نوره بكمزمين قرآنه ايمان ايدك كه او قرآني بز  
انزال ايتدك و الله تعالى سزك عمل ايتديك كز هر شيشي بيلير . ]

يعني ؛ ائم سالفهيه نازل اولان عقوبت و بلالر آنلرك ايمان ايتمه يوب كنديلرينه ارشاد  
ايجون كوندريلن پيغمبرلريني تكذيب ايتد كرندن نشأت ايتديكني بوندن اولكي آيتدن  
آلايجه سز الله تعالى به ورسولنه ورسولي اوزرينه انزال ايتديك كز قرآنه ايمان ايدك كه  
كچمش امتله كن بلالر سزه كلمه سون و الله تعالى سزك ايمان ايدوب ايتمه ديك كزي  
و قرآنله عملك كزي و قرآنك امر و نهينه نه درجده اعتنا ايدوب عمل ايتديك كزي بيلير  
وجهله سنك مقابلنده مستحق اولديك كز جزاي و يرر .

فخر رازينك و ابوالسعود افنديك و نيسابورينك بيانلري وجهله قرآن ايله جهالت  
وضلاالت قارائلقلى زائل اولوب تمسك ايدنلرك هدايت يولني بولديغنه اشارت ايجون  
قرآندن نور ايله تعبير اولونمشر . چونكه ؛ قارائلق كيجهلرده انسانلر يوللريني نور و ضيا  
ايله بولدقلىرندن قرآن نوره تشبيه ايدلمشر .

بوآيتده ايمان اولونمسي لازم اولان شيلرك جمله سي اجمالاً ذكر اولونمشر . چونكه ؛  
الله ورسولنه ايمانله برابر قرآنه ايمان ذكر اولونونجه بونلرك خارجنده ايمان ايدجك  
برشي قلماز . زيرا قرآن ؛ ايمان اولونمسي لازم اولان هر شيشي جامع اولديغندن قرآنه  
ايمان ايدن جمله سنه ايمان ايتش اولور . الله ورسولنه و قرآنه ايمان ايتك فرض عين  
اولديغنه بو آيت دلالت ايتديكندن آيت ، معظمت اعتقاديهك جمله سي جامع و هر برينه  
ايمانله آمردر .

آيتك آخرنده اهل ايماني عبادته ترغيب و اهل كفر و عصيانده كفر و عصياندن  
تنفير واردر . چونكه جناب حقك انسانلرك هر حاللريني و عمللريني بيلديكني بيان ايتك ؛  
ايلري ايلكه تشويقي و كوتورلري ده كوتولكدن تنفيري متضمن اولديني ظاهر در .

\*\*

واجب تعالى قوللرينك عمللرندن خبردار اولديغني بياندن صوكره خبردار اولسنك  
اثرى ظهور ايدجكي كوني و او كونده ظهور ايدجك احوالي بيان ايتك اوزره  
﴿ يَوْمَ يَجْمَعُكُمْ لِيَوْمِ الْجَمْعِ ذَلِكَ يَوْمُ التَّغَابُنِ وَمَنْ يُؤْمِن بِاللَّهِ وَيَعْمَلْ صَالِحًا  
يُكَفِّرْ عَنْهُ سَيِّئَاتِهِ وَيُدْخِلْهُ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا أَبَدًا  
ذَلِكَ الْفَوْزُ الْعَظِيمُ ﴾ بيوريور .

[ شول كوني ذكر ايدك كه اوكون انسانلرك عرصه محشره اجتماع ايدجكلري  
كون اولديني ايجون الله تعالى اوكونده سزي جمع ايدر . ايشنه اوكون ناسك بعضيسنك  
بعضيسنه غن ايتديكي كوندروا كر بر كيمسه الله ايمان ايدر و كوزل عمل ايشله مكله



ایمانی تقویه ایدرسه الله تعالی او کیمسه نك كناهلرینی ستر ایدر و او کیمسه نی آلتندن ایرمقلر آقار جنتلرینه قویارکه آنلر او جنتلرده ابدآ قالیجیلردر ، اصلاً او جنتلردن ایرلازلر . ایشته شوخته کیرمك و ابدآ جنتده قالمق فوز عظیمدر . [ یعنی قورقولاچق شیرك جمله سندن قورتولق و اومدینی شیرك هپسنه نائل اولمقدرکه بوندن دهـا بویوك نجات اولاماز .

یوم قیامتہ یوم نفاہہ دنیلمشدر . یعنی نامك بربرینی آلامسی میرانه یبقیرینی کوره دیمکدر . چونکه ؛ هر مؤمنك جهنمده بر مقامی اولدینی کبی هر کافركده جنتده بر مقامی اولدیغندن مؤمنك جهنمده مقامی کافره و کافرك جنتده مقامی مؤمنه ترك اولونونجه کافرك آلداندینی ظهور ایتدیکی جهنله او کونه غبن کونی دیشمدر . کذلک مؤمنلردن عملده قصور ایدنلر یوکسك درجهلردن محروم اولدقلری جهنله عملده قصور ایتیه یوب وظیفه سی بحق ادا ایتدیکندن درجات عالیانه نائل اولانلره نسبتله مغبون عد اولونورلر . زیرا ؛ عین استعدادی حائر اولدقلری حالده دیکر لرندن کیری قالمقدن و برطاقم نعمتلردن محروم اولمقدن دهـا زیاده آلدانق و غبن اولماز . شو حالده ایمان ایدوبده ایمانی کوزله عمل ایله ترین ایدن کیمسه نك كناهلرینك کفارت اولونوب جنته کیرمسی آنك حقنمه نعمت اولدینی کبی ایمان ایتیه یوب کافر اولق و یاخود ایمان ایدوبده عمل ایتمین مؤمن فاسق رضاء السیدن و نعم سبحانیدن محروم اولملری غبندن باشقه برشی اولمادیغنده شبهه یوقدر و نعمته نائل اولانلرک شو نیل و صوللری کنندی حقلرنده بویوك قورتولشدر .

خلاصه ؛ یوم اجتماع اولان یوم قیامتده واجب تعالی نك انسانلری جمع ایده جکی و او کونده انسانلرک آلداندقلری جهنلر ظهور ایده جکندن او کونه یوم نفاہہ دنیلدیکی و ایمان ایدوب عمل صالح ایشله ینلرک كناهلرینی الله تعالی نك عفو ایدوب ستر ایده جکی و مؤمن قوللرینی آلتندن ایرمقلر آقار جنتلره ادخال ایده جکی و آنلرک ابدآ جنتده قالاچقلری و کناهک کفارت اولونمسیله جنته کیرمك انسانلر ایچون ال بویوك خلاص اولدینی بو آیتدن مستفاد اولان فوائد جمله سندر .

..

واجب تعالی اهل جنتك بعض احوالی بیاندن صوکره کافرلرک احوالی بیان ایتمك اوزره ﴿وَالَّذِينَ كَفَرُوا وَكَذَّبُوا بِآيَاتِنَا أُولَٰئِكَ أَصْحَابُ النَّارِ خَالِدِينَ فِيهَا وَبِئْسَ الْمَصِيرُ﴾ بیوریور .

[ شول کیمسه لره وحدانیت السیه مزی انکارله کافر اولدیلر وحقه دلالت ایدن آیتلری مزی تکذیب ایتدیلر . ایشته آنلر جهنمده ابدی قالیجی اولدقلری حالده جهنم آتشنه ملازم لردر و جهنم پك فنا واریلایق محلدر .] چونکه ؛ انواع عذابه طولودر . بناء علیه ؛ آندن دهـا فنا واریلایق بر محل تصور اولونماز . زیرا ؛ کفر کبی غایت فنا بر عملی ارتکابك نتیجه سی البته جهنم کبی صوك درجه کوتو بر محله معذب اولمقدر .

واجب تعالی بوندن اولکی آیتلرده ایمانله امر ایدوب یوم قیامتده عمللرینه کوره جزا و یره جکنی و چونکه ؛ عمللرینك جمله سندن خبردار اولدینی بیاندن صوکره ایمان ایدنلری و عمل صالح ایشله ینلری جنته ادخال ایده جکنی و آنلر ایچون كناهلرینك عفو اولونمسیله جنته کیرملری فوز عظیم اولدینی بیان بیورمشدی .

بو آیتده مؤمنلرک ایمانلرینه مقابل کافرلرک کفرینی و عمل صالح مقابلنده آیتلری تکذیبلرینی و کفرک جزاسی جهنم اولدینی و اهل ایمانك فوز و نجاتی مقابلنده بونلرک واره جقلری جهنمك الك کوتو بر محل اولدینی بیان بیورمشدر .

بو آیتلر انسانلرک آخرتده دوچار اولاجقلری غبن فاحشی تفصیل و بیاندر . زیرا ؛ مظلوملرک ظالملردن انتقاملرینی آلملری و ظالملرک ظلملری سببیه مستحق اولدقلری انواع عذاب ظالملر حقلرنده عین غبندر . چونکه ؛ آنلر ایچون ظلم یرینه عدل و احسان یامش اولسه لردی بویوك ثوابه و انواع نعمتلره نائل اولق ممکن ایکن عکسنی التزامله جهنمه مستحق اولق البته غبندر . یعنی آلدانمقدن باشقه برشی دکدر .

..

واجب تعالی مؤمنلرک و کافرلرک حاللرینی بیاندن صوکره هر شیئی خلق ایدن کنندی



ذات الوهیتی اولدیغنی بیان ایتک اوزره ﴿ مَا أَصَابَ مِنْ مُصِيبَةٍ إِلَّا بِإِذْنِ اللَّهِ وَمَنْ يُؤْمِنْ بِاللَّهِ يَهْدِ اللَّهُ قَلْبَهُ وَاللَّهُ بِكُلِّ شَيْءٍ عَلِيمٌ ﴾ بیوریور .

[ مصیبتلردن هیچ بر مصیبت اصابت ایتمز و حوادثدن هیچ بر حادثه میدان کلز ، الا جملة سی اللهم اذنیله اصابت ایدر و میدان کثیر و بر کیمسه الله تعالی به ایمان ایدر سه الله تعالی آتی هدایتده قیلمقله قلبی نورلاندیرر . حالبوکه الله تعالی هر شیئی حق ایمان ایدنلرک ایمانلرینی و ایمان ایتمینلرک کفرلرینی بیلیر . ]

یعنی ؛ انسانلر اوزرینه نازل اولان بلایادن و عارض اولان حوادثدن و ظهور ایدن خیر و شردن هیچ بر شیئی کندی باشنه وجود بولوب میدان کلز ، آنجق اوشی اللهم اراده سیله وجود بولور . چونکه ؛ هر شیئی یارادان الله تعالی اولدیغندن قول اراده سی صرف ایتدکن صوکره اوشینک وجود بولسی آنجق اللهم خلق ایتسنه و اذن و یرمسنه باغلیدر . بناء علیه ؛ بر کیمسه الله ایمان ایدر سه کندی نه اصابت ایدن بلالره صبره و نعمتلره شکره آنک قلبی الله تعالی هدایتده قیلار که فقر و فاقه ، قحط و غلا و امراض و وبا کی بلایانک کلدیکی زمان صبر ایتمکه الله تعالی آتی موفق قیلار و کذلک اوجوزلق و بوللق و صحت و عافیت کی نعمتلرک کلدیکی زمان شکر ایتمکه موفق قیلمقله قلبی نورلاندیرر . زیرا ؛ الله تعالی هر کسک ایمانی و کفرینی و عبادتی و قباحتی بیلیر و عملنه کوره مجازات ایدر . چونکه ؛ الله تعالی هر شیئی بیلجیدر . بناء علیه ؛ قوللرینک نیتلرینه موافق اولارق احسان ایدر و بوجله دن اولق اوزره ایمان ایدن مؤمنک قلبی دوغرو یوله سوق ایتمکه مکافات بیورر .

انسانه هر نه اصابت ایدر سه اذن السی ایله اولونجه انسان ایچون نازل اولان مصیبتلره کدر ایتمکه بر فائده یوقدر . شو قدر که انسان دائماً ایشنی شرعه توفیق ایدرک حرکت ایدر و اسبابه توسلده کوتوشیلره سبیدن صاقینور و حایة السیهیه التجا ایدر سه بوندن صوکره کله جک بلایایه صبر و رضادن باشقه چاره اولاماز . اما بعض بلایانک اسبابنه توسل ایدر سه مثلاً برینی قتل ایدرک حبس اولق کی بوسـ ورتده نفسی لوم ایتک لازمدر . زیرا ؛ حبسک سببنی کندی ایشله مشدر .

خلاصه ؛ انسانه هر نه اصابت ایدر سه اذن السی ایله اولوب اذن السی خارجنده هیچ بر کیمسه به بر شیئی اصابت ایتدیکنی والله تعالی به ایمان ایدن کیمسه نک قلبی الله تعالی نک هدایتده قیلدیغنی یعنی طوغرو یوله سوق ایدر جکی والله تعالی نک هر شیئی بیلوب علمنک مقتضاسی وجه اوزره معامله ایدر جکی بو آیتدن مستفاد اولان فوائد جملة سنددر .

.\*

واجب تعالی هر شیئی بیلدیکنی بیاندن صوکره کندی نه و رسولنه اطاعتک و جوبی و اطاعتدن اعراض ایدنلرک اعراضلردن رسولنه بر ضرر اولمادیغنی بیان ایتک اوزره ﴿ وَأَطِيعُوا اللَّهَ وَأَطِيعُوا الرَّسُولَ فَإِنْ تَوَلَّيْتُمْ فَإِنَّمَا عَلَىٰ رَسُولِنَا الْبَلَاغُ الْمُبِينُ ﴾ \*  
اللَّهُ لَا إِلَهَ إِلَّا هُوَ وَعَلَىٰ اللَّهِ فَلْيَتَوَكَّلِ الْمُؤْمِنُونَ ﴾ بیوریور .

[ الله تعالی به و آنک رسولنه اطاعت ایدک . زیرا ؛ اطاعت ایتک واجبدر . بناء علیه ؛ اکر اطاعتدن اعراض ایدر سه کز سزک اعراضکزدن رسولنه بر ضرر یوقدر . چونکه رسولنر اوزرینه واجب اولان ؛ آنجق آجیق بر لسانله کندی نه انزال ایتدیکمز احکامی سزه تبلیغ ایتمکدر . ] شو وظیفه تبلیغی ایفا ایتدکن صوکره سزک اطاعتدن اعراضکزدن رسولنه بر ضرر اولماز . زیرا ؛ وظیفه سنی یرینه کتیردیکی ایچون اوزرنده بر بورج قالمشدر که ضرر اولسون . بناء علیه ؛ عدم اطاعتکزدن مضرت آنجق سزه راجعدر . [ و آنجق معبود بالحق الله تعالی دره . اللهم غیری معبود بالحق یوقدر . بناء علیه ؛ عبادته مستحق اودر آنک غیری عبادته مستحق اولاماز . شو حالده مؤمنلر آنجق الله تعالی به متوکل اولسونلر که استراحت ایتسون و قبلری مطمئن اولسون . ] چونکه ؛ هر شیئی خالق الله تعالی اولدیغنی ایچون آکا تفویض امور ایتک لازمدر .

ابوالسعود افندیکن بیانی و جمله بو آیتده رسول لفظی ذات الوهیتدن کنایه اولان نوره عظمت مضاف قیلمقله واجب تعالی کافرلره قارشنی رسواتک شانی اعلا بیورمشدر . چونکه رسول اللهم رسالتنی انکار ایدن مشرکله قارشنی بزم رسولنر دیهرک ذاتنه مضاف قیلوب کندیکن کوندردیکی رسولی اولدیغنی و وظیفه سی آنجق احکامنی قوللرینه



تبلیغ اولوب تبلیغ ایتدکن صوکره قبولدن وعدم قبولدن فائده و ضررک آنجق مشرکله عائد اولدینغی و قبول ایتدکری صورتده رسولنه بر ضرر اولمادیغی بیان بیورمسی ؛ رسول الله حقنده پک بویوک بر شرف اولدیغنده شبهه یوقدر .

خلاصه ؛ الله ورسولنه اطاعت واجب اولدینغی و اگر اطاعتدن اعراض ایدرلرسه ضرری آنجق کندیلرینه عائد اولوب رسول الله بر ضرر اولمیه جفی و رسول الله اوزرینه واجب اولان ؛ آنجق احکامی تبلیغ اولوب آجیق برلسانله تبلیغ ایتدکن صوکره رسول اوزرنده بر بوج قالمادیغی و معبود بالحق آنجق ذات الوهیتی اولوب آنک غیری عبادته مستحق برکیمسه نک بولونمادیغی و اهل ایمانک آنجق واجب تعالی به تفویض امور ایتلمی لازم اولدینغی و الله تعالی نک غیری به تفویض امور ایتک جائز اولمادیغی بو آیتدن مستفاد اولان فوائد جمله سنددر .

..

واجب تعالی مؤمنله لازم اولان توکلی بیاندن صوکره توکله مانع اولان اسبابدن بعضیلرینی بیان ایتک اوزره ﴿يَا أَيُّهَا الَّذِينَ آمَنُوا إِن مِّنْ آذٍ وَاجِبِكُمْ وَأَوْلَادِكُمْ عَدُوًّا لَّكُمْ فَاخْذَرُوهُمْ وَإِن تَعْفُوا وَتَصْفَحُوا وَتَغْفِرُوا فَإِنَّ اللَّهَ غَفُورٌ رَّحِيمٌ﴾ بیوربیور .

[ ای مؤمنلر ! سزک زوجه لریکزدن و چوققلریکزدن سزه دشمن اولانلر وارددر . بناء علیه ؛ سزک آنلردن حذر ایتمک لازمدر . شو حذریکزله برابر آنلرک قصورلرینی عفوایدک خطالری ستر ایدرسه کز سزک ایچون ضرر یوقدر . زیرا ؛ الله تعالی قوللرینک قصورلرینی ستر ایدیجی و محتاج اولانلره مرحمت بیور یجیدر . ]

﴿ إِنَّمَا أَمْوَالُكُمْ وَأَوْلَادُكُمْ فِتْنَةٌ وَاللَّهُ عِنْدَهُ أَجْرٌ عَظِيمٌ ﴾

[ آنجق ماللریکز و اولادیکز سزه بلای عظیمدر و متوکل اولانلره الله تعالی عندنده بویوک ثواب وارددر . ]

یعنی ؛ ای مؤمنلر ! سزک اولادیکزدن و حرملریکزدن بعضیلری امور دینییه و امور دنیویه کزه مداخله صورتیله الله امرینه اطاعتدن و نهینه اجتنابدن سزی منع ایتدکری جهتله سزک دشمنکزددر . بناء علیه بو منللو اولادک و خاتونلرک شرلرندن قاجینمق اوزریکزه واجیدر . شو حالده سزه دشمن اولان اولاد و اوازواجکزدن اعراض اوزره بولونمیسکز که سزی دنیوی و اخروی منفعتلریکزدن منع ایتسونلر . یعنی آنلره بچوق محبتکز سزی بر طاقم خیرآدن کیری قویماسون . حذر ایتک لازم اولمقله برابر اولادیکزدن و زوجه لریکزدن سزه قارشى واقع اولان قصورلرینی عفوایدک کناهلرینی ستر ایتک صورتیله آنلره کوزل معامله ایتمکزه بأس یوقدر . زیرا ؛ جمله اسراریکزی بیلن الله تعالی سزک اولادیکزه و زوجه لریکزه محبتکزدن طولانی واقع اولان قصورلریکزی و اولاد و اوازواجکزک بعضیلرینک سزک عبادتکزه مانع اولدقلرندن طولانی آنلرک کناهلرینی ستر ایدیجی و جمله کزه دنیاده و آخرتده احسان ایدیجیدر . بونکله برابر اموال و اولادیکز سزه بلای عظیمدر . زیرا ؛ سزک قبللریکزه بونلرک محبتلرینی قویمقله شیطان بونلری تزیین ایدر . بناء علیه ؛ آنلره محبتکز سزی یوکسک درجه لردن کیری یراقیر . شو حالده سز آنلره مغرور اولمیه رق بویوک مرتبه لره استحقاق کسب ایتک چاره لری آرامک لازمدر که آنلره محبتکز سزی الله اطاعتدن منع ایتسون . زیرا ؛ اولاد و اوازواجه باقیه رق عبادته سرعت ایدنلر ایچون عندالله بویوک اجر وارددر .

فخر رازی و خازنک بیانلرینه نظراً بو آیتک سبب نزولی ؛ اصحاب رسول الله دن اولاد و اوازواجه محبتدن طولانی هجرت ایده مه یوب بر مدت مکده قلوب بعده هجرت ایدنجه مدینه به کندن اول هجرت ایدنلرک بر چوق مسائل دینییه اوکرنده لری کورمسی و هجرتک تأخرینه سبب اولان اولاد و عیالنه عتاب ایتک ایسته مسی اوزرینه بو آیت نازل اولمشدر که اولاد و اوازواج عبادتک تأخرینه سبب اولدقلری جهتله دشمن اولمشلر ایسه ده آنلردن واقع اولان خطایی عفو ایتکده جائز اولدینغی بیان اولونمشدر .

کرچه مال و اولاد و اهل و عیال دنیانک زینتی و عالمک انتظامک محور لایقنده دوران ایتسنه اک بویوک خادم لردن ایسه ده والده و پدرینه اطاعت ایتمین اولاددن و قوجه سنه اطاعت ایتمین خاتوندن دها زیاده انسان ایچون دشمن اولاماز . چونکه ؛ اطاعتسز



اولاد انسانک کوکلی دائما رنجیده ابتدکی کبی ایشی سکتیه اوغراتمی ومالی اتلاف ایتک و آخرک حقوقه تجاوزایله مک صورتیه اوآخردن الم وکدر کتیرمک کبی مادی بر چوق ضررله دخی دوچار ایدر . کذلک اخلاقسز خاتون بر خانه ایچنده بیلاندن دها کوتودر . بونلرک دنیاچه ضررلری اولدینی کبی آخرتجه دخی ضررلری اولاجقنده شبهه یوقدر . بناء علیه ؛ جناب حق بوکبی اولاد وازواجک انسانه دشمن اولدیقندن شرلرندن حذر ایتک لازم اولدینی بیان بیورمشدر . آنجق بویله شرلرندن احتراز لازم اولان اولاد وازواجک هپسی اولمایوب بعضیلری اولدیقنه اشارت ایچون بعضه معناسه اولان مع لفظی وارد اولمشدر که اکثریسنک ابی اولدیقنه دخی اشارت اولونمشدر . چونکه ؛ دنیانک وقت مرهونه قدر اعماری انسانلره اولوب انسانلرده تناسله میدان کلدیکندن هر حالده انسانک حصولی ازدواج معامله سنه محتاج اولدیقندن انسانلرک ارکک ودیشی یکدیگرینه احتیاج بشریه سنه بناء نکاح مشروع قیلنه رق زوج وزوجه یکدیگرینه ربط اولونمش وعلک اعمارینه برابرجه چالیشق بر امر ضروری اولمشدر . بناء علیه ؛ زوجنه اطاعتی خاتون انسانک یارغاری ومحرم اسراری و بوتون قلبنک وجودینک استراحتنه و آخرت عملنک زیاده اولسنه وسیله اولدینی جهته بومثللو خاتون قوجه سی حقنده عین سعادت ونعمتدر . کذلک خیرلی اولاد وحلال مال انسانک راحتی وکوزینک نوری وقلبنک سروریدر . بناء علیه ؛ جناب حق بونلردن بعضیلرینک دشمن اولدینی بیان بیورمشدر که هپسی دکل دیمکدر . اما حرامدن حاصل اولان ویاخود انسانی طغیانه سوق ایدن اموالک ، صاحبی حقنده بلا وفته اولدیقنده شبهه یوقدر . زیرا ؛ یوزلرجه منالی هرزمان کورولمکده در .

خلاصه ؛ اولادک وازواجک بعضیلری خیرسز اولوب انسانه دشمن اولدیقندن آنلردن حذر لازم اولدینی وآنلردن واقع اولان قصورلرک عفونده بآس اولمادینی واللہ تعالی نک قوللرینک قصورینی مغفرتله مرحمت بیوردینی واموال واولادک فتنه اولدینی واللہ تعالی به اطاعت ایدنلر ایچون اللہ تعالی عننده بویوک ثواب اولدینی بوآیتدن مستفاد اولان فوائد جمله سنددر .

\*\*

واجب تعالی اموال واولاد وازواجدن بعضیلرینک انسانلر حقنده بلا وفته اولدینی بیاندن صوکره بومثللو فتنیه سبب اولان شیلردن قاجینمق وصاقینمق لازم اولدینی بیان ایتک اوزره ﴿فَاتَّقُوا اللَّهَ مَا اسْتَطَعْتُمْ وَاسْمَعُوا وَأَطِيعُوا وَأَنْفِقُوا خَيْرًا لِأَنْفُسِكُمْ وَمَنْ يُوقْ شَحْخَ نَفْسِهِ فَأُولَئِكَ هُمُ الْمُفْلِحُونَ﴾ بیورسور .

[اللہ مقتدر اولدیقن قدر اتقا ایدک واللہک امرینی ونهی ایشیدک واطاعت ایدک واللہک سزه خیر اولارق ویردیکی مالدن نفسکز ایچون اتفاق ایدک ونفسکزک بخلندن کندیکزی وقایه ایدک . زیرا ؛ نفسک بخلندن صاقینانلر فلاح بولجیلردر .]

یعنی ؛ مالکز واولادیکز وازواجکز سزک ایچون فتنه اولونجه سزمقتدر اولدیقن قدر آنلرک شرندن اللہ تعالی به التجا ایدک . بناء علیه ؛ نفسکزک وقایه سنی آرامق وآنلرک شری ایلہ اللہ عاصی اولمقدن صاقینمق اوزریکزه واجبدر وبوکبی معصیت سبب اولان شیلردن صاقینمقلہ اللہدن قورقق لازمدر واللہک کتابنده بیان ابتدکی وعظ ونصیحتلری ورسولنک ارشاداتی دیکله یک وامر ونهی طاعت ایدک . زیرا ؛ دیکله مک واطاعت ایتک اوزریکزه واجبدر وسزه اعاشه سی لازم اولان کیمسه لره وسائر محتاج اولان فقرايه اتفاق ایدک که نفسکز ایچون خیر اولسون . یعنی شوانفاقله امره امتثال ایدرک نفسکز ایچون خیر اولان شیلری ایشله یک که بر طاقم فتنه وفساد اولان شیلرک شرلرندن خلاص اولاسکز . زیرا ؛ بر کیمسه که امره امتثال ونهیدن اجتناب واتفاقی لازم اولانلره اتفاقله نفسنک بخلندن کندینی وقایه ایتدی . ایشته شو اخلاق حمیده ایلہ متصف اولانلر قورقدقلرندن قورتولمق واولمدقلرینه نائل اولمقله فوز ونجات بولجیلردر . چونکه ؛ نفسک بخلندن ودها سائر خباثتندن نفسی تمیزله یکن کیمسه لرالبته کرامات السیهیه ودرجات عالیاته نائل اولورلر .

بو آیتده اتقانک معناسی ؛ اللہمه قورققدر رضاء السیرینک خوفه اولونه شیلردن نفسی محافظه ایتکدر . اللہدن قورقونجه آنک کلامنی دیکله مک واطاعت ایتک لازم اولدیقندن جناب حق اتقا ایلہ امر ایتدکن صوکره دیکله یک واطاعت ایدک بیورمشدر . نفسی تربیه ده اموالی صرفک تأثیری اولدینی ایچون اتفاقله امر ایتدی واتفاقک خیرلی اولاجقنی خلاصه الیان : اون بشنجی جلد — ۳



بيان بيوردی کي نفسی شدتله بخلدن صاقینان کیمسه لک فلاحیاب اولاجق لری ده بیان بیورمشدر .

خلاصه ؛ انسانلرک مقتدر اولدقلری قدر اتقایه دقت ایتملری واجب واللهم کلامی دیکله یوب اطاعت ایتمک لازم ونفسلری ایچون خیر اولان اموالدن اتفاق ایتمک اهم والزم اولدیغی وبرکیمسه نفسنک بخلدن کندینی وقایه ایدرسه فلاحه داخل اولاجنی بوآیتدن مستفاد اولان فوائد جمله سندندر .

\*\*\*

واجب تعالی انفاقله امر ایتدکن صوکره اتفاق فائده لری بیان ایتمک اوزره ﴿إِنْ تُقْرِضُوا اللَّهَ قَرْضًا حَسَنًا يُّضَاعِفْهُ لَكُمْ وَيَغْفِرْ لَكُمْ وَاللَّهُ شَكُورٌ حَلِيمٌ﴾ بیوریور .

[اگر سز اموال کیزی مصارف شرعیه سنه صرف ایتمکله اتفاق ایدرسه کز ونیت خالصه کز سببیه شو اتفاق کز عندالله قرض حسن اولورسه بردن یدیوزده قدر الله تعالی بو اتفاق کزک ثوابی سزک ایچون قاتلار وبو اتفاق کز سببیه الله تعالی کناهلری کزی مغفرت ایدر . حالوکه الله تعالی آزیحق عملکزه چوق ثواب ویریجیدر ، زیرا ؛ شکوردر وقصوریکز اوزرینه عذاب کزی تعجیل ایتمز ، زیرا ؛ حلیمدر .] بناء علیه ؛ الله تعالی نک رضاسی ایچون اتفاق ایتمکدن چکینمه یک . چونکه محتاج اولانلره معاونت یولنده صرف ایدیلن مالک برینه یدیوزده قدر ثواب ویریه جک اولونجه ممکن اولدیغی قدر صرف ایتمک لازمدر وعقلی اولان بر مؤمنده بوکي صرفدن کیری طورماز .

قرض حسن ؛ مؤمنلرک بر برینه احتیاجی دفع ایچوره قارشلوغنده بر منفعت کوزه عملکزه اوردوج وبردقلری یاره دینور . الله تعالی نک احتیاجی اولمادیغی جهته قوللرینک جناب حقه قرضاً یاره ویرمی ممکن ومتصور اولمادیغندن بوکي آیات بینات واحادیث نبویانده الله تعالی یه قرض حسن ایله مراد ؛ فی سبیل الله خیرات وعباده صرف ایملری یاره لره هر رضاء باری بی تحصیل ایچوره محتاج اولانلره وعسا کر اسلوبه نک نهمیزانه و دیانت اسلوبه نک

قوت و شوکتله و آلت حرب کي منافع عامه عام اولده شیلدرده یالکمز الله تعالی نک یولنده صرف ایملری امواله قرض حسن دیمشدر . بوکي رضاء باری ایچون صرف اولونان اموالک اجرینی قات قات فضله ویره جکني وبو وسیله ایله صرف ایدن کیمسه نک کناهی مغفرت ایده جکني جناب حق بوآیتده بیان بیورمشدر .

\*\*\*

واجب تعالی قرض حسن قیلندن اولان صرفیاتک ثوابی فضله ویره جکني بیاندن صوکره ثوابی ویرمک او ثوابه سبب اولاجق عملی بیلیمکی ایجاب ایتدیکی جهته علمنک هر شیئه شامل اولدیغی بیان ایتمک اوزره ﴿عَالِمُ الْغَيْبِ وَالشَّهَادَةِ الْعَزِيزُ الْحَكِيمُ﴾ بیوریور .

[الله تعالی کیزی و آشکار جمله اعمال کزی بیلیمکی وهر کسه غالب وهرایشی حکمته موافقدر . بناء علیه ؛ حکمتدن خالی برایشی اولماز .]

واجب تعالی کندی رضاسی ایچون صرف اولونان اموالک اجرینی زیاده ویره جکني و صرف ایدن کیمسه نک کناهی مغفرت ایده جکني بیان ایدنجه کرک اجری زیاده ویرمک و کرک کناهی مغفرت ایتمک علمه وقدرته محتاج اولدیغندن کیزی و آشکار جمله عمللری بیلدیگنی و کندینک هر شیئه قادر وهر کسه غالب عزت تامه وقدرت کامله صاحب اولدیغنی و آزیحق عمله چوق اجر ویرمک و کناهی مغفرت ایتمک کي افعال السیه نک حکمتدن خالی اولمادیغنی بیان بیورمشدر . چونکه حکیم اولدیغنی بیان ایتمک ؛ هرایشنک حکمته موافق اولدیغنی بیان ایتمکدر .



رومی بیک اوچیوز اوتوزیدی سنه سی آغستوسنک یکرمی طقوزنجی بازار کونی آقشامی ساعت اون برده آتقرده مبعوث آرقاداشلرمدن حاجی عاطف افندیکنک خانه سنده بوسوره نک تبییضی بعونه تعالی ختام بولمشدر .



سورة طلاق

مدینه منوره نازل اولان سوره لردندر . اومه ایکی آیتی جامعدر .

بِسْمِ اللَّهِ الرَّحْمَنِ الرَّحِيمِ

يَا أَيُّهَا النَّبِيُّ إِذَا طَلَّقْتُمُ النِّسَاءَ فَطَلِّقُوهُنَّ لِعَدَّتِهِنَّ وَأَخْصُوا الْعِدَّةَ

[ ای نبی ذیشان ! سز نسوانه طلاق ویرمک مراد ایتدیگکزرده آنلرک عدتلرینک وقتی اولان طهارت زمانلرنده تطلیق ایدک وعدتی صایک که عدته تعلق ایدن احکامده خطا ایتیه سکر . ]

یعنی ؛ ای مکریم ! سن وسنک امتکدن هر بریکزنکاح شرعی ايله کندیکزده مخصوص اولوب وسزه باغلامش اولان خاتونکزه طلاق ویرمک مراد ایدوب قید شرعی اولان نکاحدن آزاد ایتک ورابطه الفی اورتا کزدن قالدیرمق ایسته دیککزرده آنلرک عدتلرینک زمانی اولان طهارتلی وقتنده تطلیق ایدک وینکزرده زوجیتی ایجاب ایدن رابطه فی قالدیرک وتطلیق ایتدیگکزر خاتونلرک عدتلرینی صایک که عدتک احکامنه رعایت ایده سکر . فخر رازینک بیانی وجهله رسول اللهک جلالت شان وعظمت منصبنه اشارت ایچون جناب حق بو آیتده اولاً رسولنه وثانیاً امتنه خطاب ایتشد .

کتب فقهیه ده بیان اولوندیگی وجهله زوجک خاتونه طلاق ویرمسی خاتونک حیضدن طاهره اولدینی زمانده اولی اولوب حیض وقتنده طلاق بدعت اولدیغه اشارت ایچون جناب حق طلاق عدتله تقید بیورمش وعدتک احکامنه رعایت ایتک مطلقه اولان خاتوندن زیاده طلاق ویرن زوج اوزرینه لازم اولدیغه اشارت ایچون خاتونک عدتی صایمینی زوج امر ایتشد . چونکه ؛ عدته خاتونک نفقه سی وسکناسی وچو جفک ضایع اولسی کبی شیلردن ضرر کوره جک زوج اولدینی جهته عدتی تعداد ایده جک ده زوج اولسی لازمدر . حیض حالده طلاق خاتون حقنده ضرر اولدیغدن حیض حالده طلاق بدعت اولمشدر .

چونکه ؛ حیض حالده طلاق ویرلديکنده طلاق کندیسندنه وقوع اولان حیض عدته محسوب اولمادیغدن خاتون عدتی درت حیضله اکیال ایتک لازم کلدیکی جهته خاتونی شو ضرردن صیانت ایچون جناب حق طهارت حالده طلاق ویرمکه امر ایتشد . چونکه ؛ اسلامیتده هیچ بر کیمسه نک ضرری تجویز اولونان شیلردن دکدر .

بو آیتک سبب نزولی ؛ ( عبدالله بن عمر ) حضرتلرینک حرمنه حیضی حالده طلاق ویرمسی اولدینی مرویدر .

خلاصه ؛ طلاقک اساسی مشروع و حال طهارتده اولسی سنت و حال حیضده اولسی بدعت اولدینی و طلاقدن صوکره زوجله زوجهدن هر بری یکدیگکرنی ضرردن محافظه ایچون عدتی کمال اهمیتله صایمق لازم کلدیکی بو آیتدن مستفاد اولان فوائدجه سندندر .

..

واجب تعالی حرمنه طلاق ویرمک ایسته یلره طلاق ویرمک مشروع اولدینی و بعد الطلاق طرفینی ضرردن وقایه ایچون خاتونک عدتی صایمق لازم کلدیکی بیاندن صوکره طلاق اوزرینه ترتب ایدن بعض احکامی بیان ایتک اوزره ﴿ وَاتَّقُوا اللَّهَ رَبَّكُمْ لَا تُخْرِجُوهُنَّ مِنْ بُيُوتِهِنَّ وَلَا يَخْرُجْنَ إِلَّا أَنْ يَأْتِيَنَّ بِفَاحِشَةٍ مُبَيِّنَةٍ ﴾ بیوریور .

[ ربکزر اولان الله تعالی دن قورقک و طلاق ویردیگکزر خاتونه ظلم ایتکدن چکینک که آنلره مخصوص اولان اولرندن عدتلی بیتمه دکه آنلری چیقارماک و آنلرده سزک رضا کز اولمادیجه چیقما سونلر ، الا آنلر آچیقدن زنايه جسارت ایدر وفحشیات ایشلرلرسه چیقارلر . ]

یعنی ؛ عائله آره سندنه تحدث ایدن امتزاج سزلفه بناء کوریلن لزوم اوزرینه تحت نکاح کزرده اولان خاتونکزه طلاق ویردیگکزرده آنلرک عدتلرینی اوزاتاق و نفقه لرینی ویرمه مک کبی شیلرله آنلری ضرر لاندیرمقدن ربکزر اولان الله تعالی دن قورقک . زیرا ؛ او الله تعالی سزی وطائفة نسوانی کمال تربیه ايله تربیه ایدوب غندنه جمله کز مساوی اولدینی جهته قارینک قوجه نی وقوجه سنک ده قاریسنی ضرر لاندیرمسنه راضی



اولمادیغندن طلاق ویردیککز خاتونی اضرار ایدرسه کز آنک مقابلنده اللهک قهرندن قورقک . بناء علیه ؛ او طلاق ویردیککز خاتونلری طلاق ویرمزدن اول کندیلرینک بولونقلری خانه دن عدتی اکیل ایدنجیه قدر چیقارمایک . زیرا ؛ عدتن اول آنلری بولونقلری او طله لرندن چیقارمق ظلم اولدیغندن او کی ظلمدن توی ایتک لازمدر و آنلرده او خانه لردن چیقماسونلر ، الا شول زمانده چیقسونلر که آنلر طلاق ویرن زوجلرینه و زوجلرینک دیکر عائله لرینه و اولاد و اقربالرینه دیل اوزونلخی یا پار و بر طاقم آجیق اخلاق سرلقد و کوتو سوزلرده بولونورلرسه ایشه او وقت عائله نک راحتنی تأمین ایچون چیقارلر و چیقارملری ده لازمدر . زیرا ؛ عائله آره سنده امتزاجی بوزاجق اخلاق فاسده ده و یا خود ناموسی خللدار ایده جک آجیق فحشیانده بولونمق صورتیه خانه دن چیقارلسنه استحقاق کسب ایتدیکندن بو کی سبیلرله چیقمسو ظلم اولمادیغی جهته بو کیلری عدتی اکیل ایتزدن اول خانه سندن چیقاران زوجلر نظر شرعه مسئول اولماز .

فخر رازینک و ابوالسعود افندینک بیانلری وجهله طلاق ویریلن خاتونلرک عدتلریخ اکیل ایدنجیه قدر زوجک خانه سنده کندیلرینه مخصوص اولان او طله اقامت ایتک حقوق مشروعه لری اولدیغنه اشارت ایچون جناب حق او طله معاسنه اولان بیوت لفظی خاتونلردن عبارت اولان ضمیره مضاف قیلمش وه آنلری اولرندن چیقارمایک و آنلرده چیقماسونلر ، بیورمشدر .

قاری وقوجه آره سنده زوجیت دوام ایتدیکجه زوجیتک حقوقه رعایت واجب اولدیغی کی کوریلن لزوم اوزرینه واقع اولان طلاق سببیه زوجیتک زوالندن صوکره دخی عین صورتله عدتک ختامه قدر رعایت ایتک واجبدر . بناء علیه ؛ او طور دقلری خانه غیرک مالی اولسی و یا خود بر غاصبک غصب ایتسی و یا خود خانه نک ییقلمسو و یا خود خاتونک اخلاق سرلخی کی خاتونک چیقمسنه بر ضرورت مس ایتدیکجه چیقارمق حرامدر و لکن شویان اولونان شیر کی چیقمسو ایجاب ایدر بر سبیه مبنی چیقارسه عندالله زوج مسئول اولماز .

جناب حق بو آیتده زوجله زوج آره سنده تفرقه وقوعنده هر ایکی طرفه لازم اولان وظائفی بیانله طرفینک حقوقنی محافظه و هر برینک آخر اوزرینه ظلم و تعدیسنی منع ایتش و بو باده حقوقی اخلاص ایتک غضب الهی به سبب اولاجغنه اشارت ایچون ایتک

اولنده اتقا ایله امر ایتشدر که بوندن صوکره کله جک احکامه رعایت لازمدر . اکر رعایت اولونمازسه عذابک نزولندن الله تعالی به التجا ایتک الزمدر دیمکه اشارت ایتش و انواع نعمتلری بالخاصه خاتونی ویرمکه انسان ایچون ممکن اولان هر کاله ایصال ایدن ذات الوهیتی اولدیغنه اشارت ایچون «اللهه اتقا ایدک او الله تعالی که سزک ربکزدرد» بیورمشدر . خلاصه ؛ طلاق ویرمش اولدیغی خاتونی عدتی بیتنجیه قدر خانه سندن چیقارماق واجب اولدیغی و اکر چیقاریرسه خاتونی استحقاقندن منعه ظلم ایتش اولاجنی و خاتون ایچون ده عدتی اکیل ایتدن چیقماق لازم اولدیغی و خاتونده فحشیانه جسارت و یا خود عائله آره سنده امتزاج سرلغه سبب اولاجق کوتو اخلاق بولونورسه چیقارلسنده باس اولمادیغی بو آیتدن مستفاد اولان فوائد جمله سندنر .

..

واجب تعالی زوجله زوج بیتنده واقع اولان طلاق و طلاق اوزره ترتب ایدن عدتی وعدته رعایتی وعدت زماننده خاتونک سکناستی و اقامت ایتدیکي اوده عدتک ختامه قدر خاتون ایچون اوتورمق لازم اولدیغی بیاندن صوکره شو بیان اولونان احکامه رعایت ایتمینلر حق لرنده واقع اولاجق ضرری بیان ایتک اوزره ﴿وَتِلْكَ حُدُودُ اللَّهِ وَمَنْ يَتَعَدَّ حُدُودَ اللَّهِ فَقَدْ ظَلَمَ نَفْسَهُ لَا تَدْرِي لَعَلَّ اللَّهُ يُحْدِثُ بَعْدَ ذَلِكَ أَمْرًا﴾ بیوربیور .

[ شو بیان اولونان احکام اللهک قوللرینه بیان و رعایت اولونمسویه امر ایتدیکي حدودیدر . اکر بر کیمسه اللهک بیان ایتدیکي حدودنی تجاوز ایدر و رعایتدن اوزاق طونارسه نفسنه ظلم ایتش اولور . ای طلاق ویرن کیمسه ؛ سن ایلریده نه کی شی اولاجغنی بیلمزسک . مأمول که جناب حق خاتونه طلاق ویرد کدن صوکره سنده خاتونه بر محبت خلق ایتمکه ندامتکی ایجاد ایدر . بناء علیه ؛ خاتونه رجعت ایدرسک و آره کزده بر جوق فائده لر حصوله کلیر و حسن امتزاج پیدا اولور . ]

یعنی ؛ ای خاتونه طلاق ویرن کیمسه ؛ شو طلاق حقنده بیان اولونان



احکام النہیہ قوللری ایچون الله تعالى نك شریعتنده بیان و تعیین بیوروب رعایت ایدلمسی امر ایتدیکی حدود النہیہ در. بناءً علیه بوحوده رعایت ایتک؛ قوللر اوزرینه واجبد. اگر بر کیمسه شوحدوددن برینی یرینه کتیرمن و خلافتی ایشلرسه محقق نفسنه ظلم ایتمش اولور. ای طلاقه جسارت ایدن کیمسه! سن طلاقدن صوکره نه اولاجغنی بیلمزسک. مأمول که طلاقدن صوکره جناب حق محبت خلق ایدر و آره کزده الفت حاصل اولورده تکرار بر آرایه کلیرسکز. شوخالده طلاقدن صوکره زوجله زوجنه یکدیگریک قلمی کسر ایده جک معامله ده بولونماسی لازمدر.

ابوالسعود افندیکنک و نيسابورینک بیانلری وجهله اللهک تعیین ایتدیکی حدودی تجاوز ایتک عبد ایچون بر جنایت عظیمه اولدیغنه اشارت ضمیمه موضعهده مرور لفظی اسم ظاهر اولارق وارد اولمشدر. چونکه حدود لفظی اسم ظاهر اولارق تکرار ایرادک حکمتی؛ ظلمک علی حدودی تجاوز ایتک اولدیغنه اشارتدر. یعنی احکام النہیہ خارجنه تجاوز ایدن کیمسه کندی نفسنه غدر ایتمش اولور. چونکه احکام النہیہ بی ترک ایتک؛ دنیاده فلاکتی و آخرتده مجازاتی موجب اولاجغندن نفسی ایچون ظلمدر.

واجب تعالی طلاق ویره جک کیمسه نك چوق دوشونمنسه اشارت و تنبیہ ایچون (لاندری) یعنی «ایلورده نه اولاجغنی بیلمزسک. شوخالده احکامه دقت ایت و چوق دوشون عجله ایتمه» بیورمشدر. چونکه؛ چوق زمانده طلاقدن صوکره مأمول که الله تعالی محبت خلق ایدر. بناءً علیه؛ بینکزده اولان نقرت الفتہ تبدل ایدر و آرادن عداوت قالفار یرینه محبت کلیر و بومثللو احوال هر زمان کورولمکده در. بناءً علیه؛ غضب وحدت اوزره طلاق ویرنلردن ندامت ایتمین همان یوق کییدر. ایتمه شواساسه بناءً طلاق ویره جک کیمسه نك بر طلاقه اکتفا ایتسی لازمدر که ایجابنده خاتونه رجعت ایدرک ایکی طلاقه ضبط ایده بیلسون. اوج طلاق بردن ویرمک کراهدتر. چونکه؛ طلاقه ندامت ایدرسه حله دن باشقه چاره قالماز و حله بی ده هرکس قبول ایتمه دیکندن عمری اولدجه ندامت و تحسر اوزره بولونور.

بوندن اولکی آیتده بیان اولونان احکام زوجله زوجه آره سنده حاصل اولان امتزاجسزلقدن طولایی بینلرنده تفرقه و قوعنده طرفینک یکدیگریکی اضرار ایتمه ملری

واستراحتلری تأمین ایدن احکامه شامل اولدینی جهته غایت یوکسک طبقه دن اولدیغنه اشارت ایچون یوکسک درجه و اوزاره مرتبه دلالت ایدن (تلك) لفظیله اشارت اولونمشدر. چونکه بوسوره نك اولندن بورایه کانهیه قدر بیان اولونان احکام؛ احوال اجتماعیه و بالخاصه زوجله زوجه آره سنده و قوعبولاجق احواله متعلق اولدینی جهته احکام شرعیه نك الیوکسک طبقه لرندندر. زیرا انسانک کتشدن باشقه سیله معامله سی؛ اساس اعتباریله اویمدر: برنجیسی؛ الله کندی آره سنده بریانه ایدر معامله عبودیتدر. ایکنجیسی؛ کندی اولادی و عائله سی و بری و دالده سی ایدر اولاجق معامله در. اوچنجیسی؛ عائله ک فارجه نده اقرار قوشولری و سایر ابناء منسی ایدر اولاجق معامله در. ایتشه بوراده بیان اولونان طلاقه متعلق مسائل عائله آره سنده و قوعبولاجق احوالک احکامی و اسباب استراحتلری تأمین ایچون نازل اولان قواعد اجتماعیه متعلق اولدینی جهته الیوکسک طبقه بی تشکیل ایدن احکام جمله سندندر. حدود؛ هرک جمعیدر: حد؛ ایکی شی آره سنی آبرانه و برینه قارشمسه مانع اولاده نفوره دینور ایدر ایتشه شرعیه مهمل و مرامی بربرنه آبردیغنی ایچونه (حدود الله) دنیلمشدر.

خلاصه؛ شوسوره نك اولدنبری بیان اولونان احکام قوللری ایچون تعیین اولونان حدود النہیہ جمله سندن اولدینی و بوحوده رعایت اهم و الزم اولدیغندن رعایت ایتمینلرک کندی نفسلرینه ظلم ایتمش اولاجقلری و طلاق ویره جک اولان کیمسه نك عاقبتده نه کی شیلر ظهور ایده جکفی بیلمه دیکندن طلاقده غایت احتیاطه رعایت ایتسی لازم اولدینی بوآیتدن مستفاد اولان فوائد جمله سندندر.

\*\*

واجب تعالی بوندن اولکی آیتده طلاق ویرن کیمسه نك ندامتی حائلده طلاقدن رجوعنه اشارت ایتمشدی. شیمدی بوآیتده رجعتی و یا تفرقه بی تفصیل اوزره بیان ضمیمه

﴿ قَاذَا بَلَّغْنَ اَجَلَهُنَّ فَاَمْسِكُوهُنَّ بِمَعْرُوفٍ اَوْ فَاَرْقُوهُنَّ بِمَعْرُوفٍ وَاَشْهَدُوا



ذَوِي عَدْلٍ مِنْكُمْ وَأَقِيمُوا الشَّهَادَةَ لِلَّهِ ذَلِكُمْ يُوعَظُ بِهِ مَنْ كَانَ يُؤْمِنُ بِاللَّهِ  
وَالْيَوْمِ الْآخِرِ \* بيوريور.

[ طلاق ویریلن خاتونلر عدتلرینک نهایته یقین بر زمانه بالغ اولوب آنلرایچون تعیین اولونان عدتک مدتی بیتمک اوزره بولوندیغی وقتده ایسترسه کز کولر یوز و طاتلی دبله و مناسب بر نفقه ایله رجعت ایدهرک یانکیزده زوجه کز اولق اوزره آلیقویک و یاخود ایسترسه کز حققرینی ویرمک و ضرردن اسیرکه مک صورتیله طلاقدن حاصل اولان فرقتده دوام ایدک . کز رجعت و کز فرقت هانکی جهت اختیار اولونورسه سزدن عدالت صاحبی اولان کیمسه لرله او جهتی اشهاد ایدک که تهمته واقع اولمیه سکر . ]  
زیرا ؛ رجعت و یا فرقه شاهد بولوندرمازسه کز صوکره آره کزده نزاع واقع اولوب مسئله محکمه به عکس ابتدکی زمان حلی مشکل اولور . ایشته شو اشکالده واقع اولماق ایچون حقیقی شاهدلر حضورنده تثبیت ایدک . [ وای شاهدلر! سزده شهادتکزی الله تعالی نک رضاسی ایچون اقامه وادا ایدک که طرفیندن برنی التزام ایدهرک شهادتده قصور ایتمیک . ایشته شو رجعت و یا حسن معامله ایله فرقت و بولری شاهدلرک حضورنده بیان ایتمک و شاهدلرک کوزل ادا ایتملرندن عبارت اولان احکامک جمله سیله الله تعالی به و یوم آخرته ایمان ایدن کیمسه وعظی قبول و تأمل و تفکر ایدر . ]

یعنی ؛ طلاق ویریلن خاتون عدتی ا کاله یا قلاشدیغی بر زمانده سز مخیرسکر . ایسترسه کز رجعت یعنی خاتونه تقرب ایتمک و یاخود لسانله « بن حرمندن و از کچمه » دیمک کبی علم فقهده بیان اولونان اسبابدن بریسیله ویرمش اولدیغی طلاقدن ندامتله باقی قالان برویا ایکی طلاقه خاتونی امساک ایدرسکر . آنجق شرعاً لازمکلن بالجمله حقوقی محافظه ایتمک و اشیا و امتعه سنی ویرمک و صدور ایدن طلاقه ندامتله آنلرک بیقیلان کولکلرینی تعمیر ایتمک شرطدر . یاخود آره کزده رابطه محبت و علاقه الفت قالمادیغی صورتده نظر شرعده معتبر اولان ؛ تطلیق ابتدکی کز خاتونلره اشیا سنی تماماً ویرمک و اقتداریکز نسبتنده یدیکزده بولونان اشیا لرندن فضله مروت ایدهرک ضررلاندیر مقسزین آیرلمقدر که سزده حققری قالمادیغی کبی قیلرنده اولان حزن و الملری و سزدن اینجیمه لری ممکن مرتبه زائل اولسون .

کز رجعت و کز فرقت صورتلرندن هر هانکیسی اختیار اولونورسه سزدن عدالت صاحبی اولان کیمسه لرک حضورنده اولسون و مسئله به آنلری شاهد قیلک که رجعت ابتدکی کز صورتده طلاق ویردیکی خاتونه تکرار برلشور دیهرک هر کسک ذمه و اتهامه معروض قالمیه سکر و آیرلدیغکز صورتده بینکیزده منازعه به میدان قالماسون . چونکه ؛ شاهد اولمادیغی صورتده رجعت ایدرسه هر کس طرفندن بوشادیغی خاتونی یاننده بولوندرمقله زنایی و حرامی ارتکاب ایدیور دیهرک اتهام اولوندیغی کبی فرقت صورتی شاهدلر حضورنده اولمسه قاریله قوجهدن برینک و فاتیله دیکرک ورثه سی طلاق واقع اولمادی و آره لرنده زوجیت باقیدر دیهرک ارث دعواسنه قیام ایتمکله نزاع قاپولری آچیلور و طرفین اوزراعک قطعی ایچون بر چوق ضرر لر کورر . شاهدلرده شهادت ایتمک ایجاب ابتدکیکنده آنلره تودیع اولونان شهادتی لایقی وجه اوزره محافظه ایدوب لدی الحاحه رضاء باری ایچون صاقلامیه رق کوزل ادا ایتملری واجبدر که حق برنی بولسون و طرفین ضرردن محفوظ قالمسون . ایشته شو اسبابه بناءً جناب حق شاهدلره خطاب ایدهرک « ای شاهدلر! سز شهادتی ایجابنده الله تعالی نک رضاسی ایچون اقامه ایدک » بیورمشدر . شویان اولونان احکامله یوم آخرته و الله تعالی به ایمان ایدن کیمسه لر متنصح و متعظ اولورلر . چونکه ؛ اللهم و آخرته ایمانی اولمایان کیمسه بوکی احکامه التفات ایتمز و اهمیت ویرمز که متعظ اولسون . بوآیتده اجل ایله مراد ؛ ظهور و بریان خاتونه ایچونه تعیین اولونانه عدت مرتک

منامیه . اومدت ختام بولونجه زوجک خاتونی امساک ایتمی یعنی کافی السابق زوجیه سی اولق اوزره خانه سنده آلیقویمقله کلیاً مفارقت ایتمک بیننده مخیر اولمسی ؛ خاتون برویا ایکی طلاقه تطلیق اولونوب هیچ اولمازسه بر طلاق باقی قالان خاتونده اولور ، یوقسه اوج طلاقه تطلیق اولونان خاتونده زوجک اصلاً علاقه سی قالمادیغندن او خاتونده زوج مخیر اولماز و زوجک مخیر اولدیغی خاتونده بر ویا ایکی طلاق باقی اولمقله علاقه سی اولدیغی کبی طلاقده صراحةً طلاق لفظیله وقوعبولان طلاق رجعی اولق شرطدر .

شو تفصیلات اوزره طلاقده رجعت ممکن اولمقله برابر خاتون عدتی بیتیرمزدن اولزوج طرفندن خاتونه یقین اولق و یاخود معاملهً زوجیه نک مقدماتندن فعلاً برشی یا بمق و یاخود لسانله « بن حرمندن و از کچمه » و یا « طلاقدن رجعت ایتمد » کبی برسوزله رجعت ایتمکده



لازمدر . اما بونلردن برنی یا بمقسزین خاتون عدتی ا کال ایدرسه طلاق ، بینوته انقلاب ایدر ، زوجک رجعتی فائده ویرمز . بناء علیه ؛ خاتونک رأینہ مراجعتله اذتی تحصیلہ واذن ویردیکی صورتده تجدید نکاحه محتاج اولور . بو صورتده خاتون ا کر اذن ویرمزسه زوجک علاقہ سی قالماز و دیگر بر زوجه ایلہ نکاحه لانا بیلور . شو حالده بینلرنده مفارقت حاصل اولور و یکدیگرینه قارشی مناسبات زوجیه کلیاً کسلور و حقوق زوجیه به عائد اولان مسئولیتدن آره لرنده هیچ برشی قالماز . ایشته شو اساسلره بناء کرک رجعتک و کرک کلیاً مفارقتک شاهدلر حضورنده اولسنی جناب حق امر ایدیور که منازعه و وقوعنده مسئله یی شاهدلر حل و فصل ایتسونلر و شاهدلری ده عادل کیمسه لردن انتخاب ایتسنی امر بیورمشدر که طرفینک برنی التزامله یا کلدش شهادت ایتمکه حقوق ضایع ایتسونلر و بو کبی ایشلرک محکمه لرده یولیلہ حکم اولونا بیلمسی آنجق شاهدلرک عدالتنه و انصافلرینه باغلی اولدیغندن جناب حق شاهدلره شهادت لرینی الله تعالی ایچون ادا و اقامت ایتلرینی امر بیورمشدر .

شو بیان اولونان احکامک غایت اهمیتلی و رعایت لازم اولدیغنه اشارت ایچون جناب حق بو احکامه رعایت و بوا حکامی قبول ایدنلرک الله و یوم آخرته ایمان ایدنلر اولاجقنی بیانله احکامه رعایت ایتمینلرک عذاب الهی به مستحق اولاجقلرینه دخی اشارت ایتمشدر .

خلاصه ؛ طلاق رجعی ایلہ مطلقه اولان خاتون عدتی بیتیرمزدن اول طلاق ویرن زوجک رجعتله خاتونی آلیقویمق و یا خود رجعت ایتمیوب کلیاً مفارقت ایتک بیتنده بخیر و رجعت و مفارقت مسئله لرینی عدالتله متصف شاهدلر حضورنده یا بمق لازم و شاهدلرک ده شهادتی هیچ کیمسه نک خاطرینه باقمقسزین آنجق الله رضاسی ایچون ادا ایدوب صاقلاماملری واجب و بو احکامه رعایت ایدنلرک الله و یوم آخرته ایمان ایدنلر اولدینی بو آیتدن مستفاد اولان فوائد جمله سندندر .

\*\*\*

واجب تعالی بوندن اولکی آیتلرده بر جوق احکامی بیاندن صوکره او احکامه رعایتله اتقا ایدوب خلافندن اجتناب ایدنلره مکافات احسان ایده جکنی بیان ایتک اوزره ﴿ وَمَنْ يَتَّقِ اللَّهَ يَجْعَلْ لَهُ مَخْرَجًا \* وَيَرْزُقْهُ مِنْ حَيْثُ لَا يَحْتَسِبُ ﴾ بیوریور .

[الله تعالی نک احکامه رعایتله اتقا ایدن کیمسه ایچون الله تعالی حزن و المدن قورتولسنه سبب خلق ایدر و مأمول ایتهدیکی و خاطر و خیالنه کله یین جهتدن مرزوق ایدر ]

یعنی ؛ بر کیمسه بوندن اول بیان اولونان احکامک جمله سنه رعایت ایدر و بدعت اولان اوچ طلاق بردن ویرمکدن و خاتونی ضرر لاندیرمقدن وعدتی ایچنده اقامت ایتدیکی خانه دن چیقارمقدن و حدود الهی بی تجاوزدن صاقینمقله نفسی غضب الهیدن محافظه ایدرسه او کیمسه ایچون الله تعالی قورقدینی شیردن و بالخاصه زوجه آره سنده حاصل اولاجق فتنه لردن قورتولسنه سبب و محل خلاص خلق و اسباب امتزاج و استراحتی تأمین ایلہ هرایکیسنی سعاده ایصال و خاطرینه کله یین و خیالندن کچمین بردن مرزوق ایدر .

﴿ وَمَنْ يَتَوَكَّلْ عَلَى اللَّهِ فَهُوَ حَسْبُهُ إِنَّ اللَّهَ بَالِغُ أَمْرِهِ قَدْ جَعَلَ اللَّهُ لِكُلِّ شَيْءٍ قَدْرًا ﴾

[ا کر بر کیمسه الله تعالی به ایشی حواله ایدر و بل باغلارسه الله تعالی او کیمسه نک هر ایشنه کافیدر . زیرا ؛ الله تعالی هرامرینی محله اولاشدیر یجیدر . چونکه ؛ الله تعالی هرشی ایچون بر مقدار معین خلق ایتدی . بناء علیه ؛ بالعموم غم و غصه و فرح و سرور اللهم تعین ایتدیکی مقداری تجاوز ایتمز . ]

یعنی ؛ بر کیمسه باشقه سنه عرض احتیاج ایتیمه رک ذات الوهیتته تفویض امور ایدر و اسبابی ایشله دکن صوکره الله توکل تامله متوکل اولورسه آنک هر ایشنده الله تعالی کافی و کافلدیر . بناء علیه ؛ الله تعالی او قولنی کندینک غیری به محتاج ایتمز . زیرا ؛ الله تعالی قوللری حقنده واقع اولان تقدیرینی محله محقق ایصال و امرینی انفاذ ایدیجیدر . چونکه ؛ الله تعالی قوللرینک افعالنده و سائر هر شیده بر مقدار معین تقدیر بیورمشدر . بناء علیه ؛ هرشی او مقداری تجاوز ایده مز و هرشی نک قابلیت و استعدادینه کوره بروقت معینی و اجل قطعیمی اولدیغندن هیچ بریسی او وقت معینک ایلرینه کیده مز .

فخر رازی و خازنک بیانلرینه نظراً بو آیت (عوف بن مالک الاشجی) حقنده نازل اولمشدر . چونکه ؛ عوف حضرتلرینک اوغلونی دشمن اسیر ایتسی اوزرینه حضور رسول الله کله رک اوغلونک اسارتندن و فقر و احتیاجندن شکایت ایدنجه رسول الله مصیبت



صبر و متانت واللهم اتقا و ( ولا حول ولا قوة الا بالله ) کلمه طيهه سنه دوام ايتمى توصيه بيورمشدى. عوف حضرتلری امر رسول الله امتثالا رسول الله نصيحتی قبول و کلمه مذکوریه دوام ايتدی. برکون عوفک اوغلو دشمنی اغفال ایدهرک یوز دوه سنی و دیگر برروایتده برسورو قیونی و بعض اشیا سنی اغتنام ایدهرک کلدی و بدرینک قابوسی چالدى. عوف حضرتلری قابویی آچوبده اوغلونی برچوق اموال غنیمتله کلش کورونجه حضور رسالته کله رک اوغلونک کلدیکنی و برچوق اموال غنیمت کتیردیکنی سوبله دی و اوغلونک کتیردیکنی اموالک کندينه حلال اولوب اولمادیغنی استفتا ايتدی. رسول الله او مالک حلال اولدیغنی خبرونجه بو آیت جلیله نازل اولمشدر. یعنی دیمک اولیورکه ( عوف بن مالک ) ک الله اتقا و اوغلونک اسارتندن حاصل اولان حزن و المه صبر و تحمل و ( ولا حول ولا قوة الا بالله ) کلمه طيهه سنه دوام ايتمى اوزرینه الله تعالی مأمول ایتهدیکنی جهندن اموال غنیمته نائل قیلمله فقرالقدن حاصل اولان احتیاجنی دفع و اوغلونک اسارتندن حاصل اولان غصه و کدرینی اوغلونک خلاصیله ازاله و اوغلونی اسیر ایدن دشمنلره غفلت خلق ایتمه کله اوغلونی کندينه قاووشدیرمسيله غمومنی سروره و فقرینی غنايه تبدیل بیورارق قورقدینی شیرک جمله سندن قورتاروب اومدیغنه نائل قیلمشدر.

شو وعد الهی جمله اهل تقوی حقنده جاریدر. چونکه ؛ اعتبار لفظک عمومته اولوب سبب نزولک خصوصته اولمادیغندن اتقا صفتی کیمده بولونورسه شوتبشیراته مستحق اولور. حتی رسول اللهک « بن قرآنده بر آیت بیلیم که ناس او آیتی از بر ایدهرک دوام ایتسهر کافی اولور » بیوروب بو آیتی تکرار بتکرار اوقودینی مرویدر.

خلاصه ؛ اتقا انسانلرک قورقدقلری شیرک جمله سندن خلاصه و خاطرینه کله یں جهندن مرزوق اولسنه سبب اولاجنی والله تعالی به متوکل اولان کیمسه نک ایشلرینه اللهک کافی اولدیغنی والله تعالی نک هرا میرینی انفاذه قادر اولوب بالفعل امرینی انفاذا ایتدیکنی وهرشی ایچون جناب حقک بر مقدار معین تقدیر بیوردینی بو آیتدن مستفاد اولان فوائد جمله سندر.

\*\*\*

واجب تعالی طائفه نسواندن ارباب حیضک عدتی بیان بیورنجه حضور رسالتده بولونان

احبابدن ( معاذ بن جبل ) « یا رسول الله ! حیض اربابنک عدتی بیلدک . ارباب حیضدن اولمایانلرک عدتی نهدر ؟ » و دیگر بر کیمسه نک دخی « صیه اولانلرک عدتی نهدر ؟ » و آخر بر کیمسه نک ده « قارنده چوجوق اولانلرک عدتی نهدر ؟ » دیملری اوزرینه شو سوال اولونان خاتونلرک عدتلرینی بیان ایتمک اوزره ﴿ وَاللّٰی یَلْسَنُ مِنَ الْمَحْضِ مِنْ نِّسَائِکُمْ اِنْ اَرَبْتُمْ فَعِدَّتُهُنَّ ثَلَاثُ اَشْهُرٍ وَاللّٰی لَمْ یَحْضَنْ وَاُولَاتُ الْاَحْمَالِ اَجَلُهُنَّ اَنْ یَضَعْنَ حَمْلَهُنَّ ﴾ بیوریور.

[ طلاق و یردیکنر نسواندن شول خاتونلرک آنلر حیضدن کسيلمکه چوجوق کتیرمکدن مأیوسه اولدیلر. اکر آنلرک عدتلرینده شبهه ایدرسه کز آنلرک و هیچ حیض کورمه یں صیه خاتونلرک مدت عدتلری اوج آیدر و اوزرلری چوجقلی اولان خاتونلرک کرک مطلقه اولسون و کرک قوجهلری وفات ایتش اولسون آنلرک عدتلری اوزرلرینده اولان چوجقلری دوغورونجهیه قدردر. ]

یعنی ؛ الی الی بش یاشنی تجاوز ایتمه کله حیضدن و چوجقدن امیدى کسيلمش مأیوسه و مسنه اولان قادینلره و هنوز سن رشده بالغ اولماش صیه اولانلره طلاق و یروبده عدتنده شک ایدرسه کز آنلرک عدتلری اکر طلاق آیک بدایه سنه تصادف ایدرسه او آیک ابتداسی و آیک اورتیه سنه تصادف ایدرسه کون حسابیله اوج آیدر. و اوزرینده چوجق بولونان خاتونلر کرک مطلقه اولسونلر و کرک قوجهلری وفات ایتش اولسون آنلرک عدتلری اوزرلرینده اولان چوجنی دوغورونجهیه قدردر. بناء علیه ؛ کرک چوجنی طوغورمسی فرقتدن یعنی طلاقدن و یا وفادن بر چوق زمان صوکره اولسون و کرکسه آز بر زمان صوکره اولسون وضعی متعاقب دیگر بر قوجهیه واره بیلیر. چونکه عدتی اکلده اعتبار؛ چوجفک دنیا به کلمسه در، ایسترسه حمل زمانی کرک آز اولسون کرک چوق اولسون. زیرا عدتن مقصد اصلی ؛ نسی ضایع اولمقدن محافظه و خاتونک رحمک اولکی قوجه سندن قاله علوقدن خالی اولدیغنی بیلیمکدر و بومقصد ایسه حملنی وضع ایتسیله حاصل اولدیغندن حمل صاحبی اولان خاتونلرک عدتی بیانده وضع حملدن باشقه بر مدت تعیینته احتیاج کورولمه مشدر.



خلاصہ؛ سنی الہی بیکدیگندن ویاخود صباوتندن طولایی حیض صاحبی اولمایان خاتونلری قوجهلری بوشادیغنده عدتلرینک اوج آی اولوب اوزرنده چوجق اولانلرک عدتلری اوجوجنی طوغورنجهیه قدر اولدیغی بوآیتدن مستفاد اولان فوائد جمله سندندر.

..

واجب تعالی عدته متعلق بعض احکامنی بیاندن صوکره او احکامه رعایت ایدنلرک مکافاتنی بیان ایتک اوزره ﴿وَمَنْ يَتَّقِ اللَّهَ يَجْعَلْ لَهُ مِنْ أَمْرِهِ يُسْرًا﴾ بیوریور.  
[اللهم اتقا ایدن کیمسه نک ایشنده الله تعالی قولایلق خلق ایدر.]

﴿ذَلِكَ أَمْرُ اللَّهِ أَنْزَلَهُ إِلَيْنَا﴾

[ایشته شوبیان اولونان احکام؛ اللهم امریدر. سزک عمل ایتکلککز ایچون الله تعالی سزه امرینی وامرینک مقتضایی اولان احکامنی انزال ایتدی.]

﴿وَمَنْ يَتَّقِ اللَّهَ يُكَفِّرْ عَنْهُ سَيِّئَاتِهِ وَيُعْظِمْ لَهُ أَجْرًا﴾

[اگر برکیمسه الله اتقا ایدرسه الله تعالی آنک کناهلرینی کفارت ایدر وآنک ثوابی بویوتور.]

یعنی؛ برکیمسه احکام الهیهیه رعایتله اللهم قورقار واحکامک خلافتنه حرکتیه جسارت ایتزسه الله تعالی آنک دنیوی واخلروی ایشلرنده قولایلق خلق ایدر. بناء علیه؛ اوکیمسه دائما خیره موفق اولور وایشلرنده اصلا صعوبت کورمز. ایشته شوبیان اولونان احکامی سزک عمل ایتکلکز ایچون الله تعالی سزه انزال ایتدی که او احکامه کوره ایشکزی تنظیم ایده سکز وبرکیمسه که رسول اللهم دعوتنه اجابتله ایمان وامر رسول الله امثال ایله عبادت واحکامه رعایت ایتک صورتیله اتقا ایدر واللهم قورقارسه الله تعالی آنک کناهلرینی عفو ایدر. زیرا حسنات؛ سیئاتی کیده ریر والله تعالی آنک عملنه مقابل ثوابی بویوتور واجرنی قات اندر قات ویرمکه بویوک احسان ایدر.

بوآیتده کرک انسانک ایشلرنده سهولت کورمسی وکرک کناهنک عفو اولونمسی اتقا ایتمسه

تعلیق اولونمشدر. چونکه اتقا نک معنای اصلیمی؛ محرماتمه ملکینک والله تعالی ربه قورقوسنه بناء کناه ایشلرک واورمه امتثال ایتکلر. شوخالده اوامره امتثال ونواھیدن اجتناب ایتک عین اتقا دیمکدر وبوصفت اتقا کیمده بولونورسه اوکیمسه نک ثوابک بویوک اولاجنی ده وعد اولونمشدر.

خلاصه؛ احکام الهیهیه رعایتله اتقا ایدن کیمسه نک ایشلرنده الله تعالی نک قولایلق خلق ایده جکی وشوبیان اولونان احکام قوللرک عملی ایچون انزال اولوندیغی وبوا حکامله عمل ایتک سببیه اتقا ایدنلرک کناهلرینک کفارت اولوناجنی بوآیتدن مستفاد اولان فوائد جمله سندندر.

..

واجب تعالی اتقا ایدنلره بویوک اجر اولدیغی وعدایتدکن صوکره اتقانک لوازمندن اولان احکامی بیان ایتک اوزره ﴿أَسْكِنُوهُنَّ مِنْ حَيْثُ سَكَنْتُمْ مِنْ وَجْدِكُمْ وَلَا تُضَارُّوهُنَّ لِتُضَيِّقُوا عَلَيْهِنَّ﴾ بیوریور.

[ای مؤمنلر! طلاق ویردیکنز خاتونلری قدرتکنز نسبتنده ساکن اولدیغکنز خانه لرده اسکان ایدک وآنلر اوزرینه تضییقات یایق ایچون خانه لریکنزدن چیقارمقله اضرار ایتمه یک. زیرا؛ عدتلری ایچنده آنلری خانه کنزدن چیقارمق آنلر حقنده عین مضرتدر.]

﴿وَإِنْ كُنَّ أُولَاتٍ حَمْلٍ فَأَنْفِقُوا عَلَيْهِنَّ حَتَّى يَضَعْنَ حَمْلَهُنَّ﴾

[اگر آنلر حمل صاحبی اولورلر یعنی اوزرلرنده چوجق بولونورسه حمللرینی وضع ایدنجهیه قدر آنلر اوزرینه انفاق ایدک که سزک چوجقکنزی کوتوردکلری حالده نفقه لرینی باشقه سندن تدارک محتاج اولماسونلر.] زیرا؛ آنلرک نفقه سی سزک اوزریکنزه واجبدر.

﴿فَإِنْ أَرْضَعْنَ لَكُمْ فَآتُوهُنَّ أُجُورَهُنَّ وَأَمْرُهُمَا بَيْنَهُمَا بِمَعْرُوفٍ﴾

[آنلر چوجنی طوغورنجه اکر آنلر سزک ایچون طوغوردقلری چوجقلریکنزی خلاصه بیان: اون بشنبی جلد - ۴



امذير لرسه آنلره امذير دکلرينک اجرتی ویرک وینکزده چوجفک امور وخصوصنده  
استشاره ایده رک شرعه موافق و خیر اولان شیئی یکدیگر یکزده امرایدک و شرعاً کوزل  
صاییلان شیرله بربریکزی قانیرک و رضالاشک که رضانک غیری بر شی تکلیف ایده رک  
چوجفک تربیه سنه خلل کتیرمه یک .

﴿وَإِنْ تَعَاَسَرْتُمَ فَمَسْرُوعٌ لَهُ الْآخَرُ﴾ \* ﴿إِنْتَفِقُوا ذُو سَعَةٍ مِّنْ سَعَتِهِ﴾

[اگر چوجنی امذیرمک خصوصنده چوجفک والده سی سزه کوجک کوسترسه  
والده سنک غیری بر خاتونه امذیرتک که آچلقله چوجق ضایع اولماسون و زنکین اولان  
توتی نسبتنده خاتونی و چوجنی اتفاق ایتسون .]

﴿وَمَنْ قَدِرَ عَلَيْهِ رِزْقُهُ فَلْيُنْفِقْ مِمَّا آتَاهُ اللَّهُ﴾

[واگر برکیمسه نک رزقی طار اولورسه اللهک ویردیکی رزق نسبتنده چوجفه و چوجنی  
امذیرن خاتونه اتفاق ایتسون .] زیرا ؛

﴿لَا يُكَلِّفُ اللَّهُ نَفْسًا إِلَّا مَاتِيهَا﴾

[الله تعالی هیچ بر نفسه تکلیف ایتمز، الا ویردیکی بولق و قدرت نسبتنده تکلیف  
اید .] بناء علیه ؛ اوکیمسه فقر و ضرورتدن قورقاسون . چونکه ؛

﴿سَيَجْعَلُ اللَّهُ بَعْدَ عُسْرٍ يُسْرًا﴾

[الله تعالی یقینه فقرالق زحمتدن صوکره زنکینلک راحتتی و قولایلقی خلق ایدر .]  
بناء علیه ؛ زورلق قولایلقه و محنت راحت و ضرورت وسعت و طارلق بولقه تبدل ایدر .

واجب تعالی بوآیتده بری نوع حکم بیان ایتشد : برنجی حکم ؛ انسانلرک  
طریق ویردکلری خاتونلری عورتی اکال ایدنجیه قدر کندی هانلر نه اونورنوب آنلری  
هانلر نه طهره چیقارمق صورینه طار القامق و ضرر لاندیر ماقدر . چونکه طلاق  
ویریلن خاتونک عدتی ؛ طلاق ویرن زوجدن رحمنده چوجق وارسه زوجک چوجفک  
نسبتی محافظه ایچون حبس نفس ایدوب آخر قوجهیه و ارماسی مجرد زوجک حقوقی

محافظه ایتکدر . زوجہ زوجک منفعتی اوغرندہ عدت بکله دیکندن آنلرک اوتوره جقلری  
محلی زوجک تأمین ایتسی واجبدر . بناء علیه ؛ زوج غضبه تبعیت ایده رک عدتی اکال  
ایتمدن خانه سندن چیقارمق خاتونی اضرار اولدیغدن حرامدر . زیرا ؛ کندی منفعتی  
مقابلنده حبس نفسله ضرر لانا خاتونک ضررینه مقابل آنک سکناسی و نفقه سی تأمین  
ایتمک لازمدر . چونکه منفعت ؛ مضرت مقابلدر . کرچه بوشادینی بر خاتونی بسله مک  
وخانه سنده اوتورتقی زوج ایچون بر ضرر ایدده نسبتی محافظدن عبارت اولان منفعت  
مقابل بوضری اختیار ضروریدر . کذلک عدتی اکال ایدنجیه قدر حبس نفس  
ایتمی خاتون ایچون بر ضرردر . بوضرره مقابل نفقه سی و سکناسی زوجک تأمین  
ایتمسله بوضری تلافی اولونقی خاتون حقنده بر منفعتدر . بناء علیه ؛ ضرر و منفعت  
هرایکسی ده یالکیز بر طرفه منحصر اولمایوب هرایی طرفک ضررلری مقابلنده منفعتلری  
و کذلک منفعتلری مقابلنده ضررلری اولدینی جهته بوحکم الهی عین عدالتدر . بناء علیه ؛  
جناب حق انسانلره و بالخاصه شریعت محمدیه قبول ایدن اهل ایمانه خطاب ایده رک  
«سز بوشادیغکنز خاتونلری قدرتکنز نسبتنده کندیکنزک اوتوردیغکنز محللرده  
اوتورتک و آنلر اوزرینه تضییقات اجرا ایتک ایچون آنلری خانه کزدن چیقارمقله  
ضرر لاندیرمایک » بیوریور .

ایکینجی حکم ؛ طریق ویریلن خاتونک اوزر نه بوجق اولقد محل صاحبی اولورسه  
حملتی وضع ایدنجیه قدر آنک نفقه سنک آلا طریق ویریه کیمسه اوزرینه واجب اولسیدر .  
چونکه ؛ خاتونک حملتی وضع ایدنجیه قدر حبس نفس ایتسی مجرد زوجک منفعتی ایچون  
اولدینی جهته زوجک اوزرینه آنک نفقه سی واجب اولمشدر . بناء علیه ؛ زوج بونفقه یی  
ویرمکه خاتونه خدمت ایتش اولمایوب آنجق چوجفی محافظه سیبیله کندی نفسنه خدمت  
ایتش اولدینی جهته نفقه یی ویرمک، عهده سنه ترتب ایدن وظیفه یی یرینه کتیرمکه کندی  
وبالذن و خاتونی ده غدردن قورتارمقله اتقا و امر الهی به امتثال ایتش اولبور . بناء علیه ؛  
جناب حق بوجکی حادثه لرله مبتلا اولانلره خطاباً «اگر بوشادیغکنز خاتونلر حمل صاحبی  
اولورلرسه آنلر حملرینی وضع ایدنجیه قدر سز آنلرک نفقه سی ویرک » بیورمشدر .

اوچینجی حکم ؛ اگر خاتونلر طوغوردقلری بوجقاربینی امذیرمه مک اولورلر



آنکه جو بهی امیرمی مقابلنده امرتلینی و برملری دیو بهی تریه سی فصوصنده والده و برک امتاره اتملی و معروفات دأره منده بکرمی بکرمی و امیرمی و امیرمی؛ چونکه؛ طلاق سببیه آره لرنده اولان رابطه نکاح زائل اولونجه بوشانان خاتون اجنبیه اولدیغندن امیرمسنه مقابل اجرت مستحق و اجرت ایسته مک حق واردر. زیرا؛ چو جفک اعاشه سی و سائر مصارفی پدری اوزرینه و اجبر. چونکه؛ چو جفک نسبی پدره عائد اولدیغندن مشقی دخی پدره عائددر. بناء علیه؛ خاتون چو جفک والده سی اولدینی جهته مجانا امیرمسنه جبر اولونماز و اجرت ایسته مکدن ده منع اولونماز. شو حالده طرفینک شرعه و عقله و عادت ناسه موافق صورتده یکدیگریه امر ایتمک و ملایم بولونمق و رضایینی تحصیل ایتمک لازمدر که یکدیگری غضبه ندرمک صورتیه چو جفک حقوقی ضایع اولوب امر تریه سی خللدار اولماسون. چونکه؛ پدری نفقه سی و اجرتی و یرمه مکله چو جفک والده سی اضرار ایتمک قصد ایدرسه والده سی ده پدرینه غضبه نه رک چو جفک حقنه مرحمتسزک ایدر و چو جفک تریه سنه و امیرمسنه دقت ایتمز. شو حالده آره ده ضایع اولاجق چو جفک و چو جفک حقوقیدر. ایسته شو اساسه بناء پدر و والده یکدیگریه قارشى حسن معامله ده بولونورلر و هرکس حقنه راضی اولور و آخری ضرردن وقایه ایدرسه چو جفک راحتى تأمین ایتمش اولورلر. بناء علیه؛ جناب حق بو کبی چو جفک پدرلرینه خطاب ایدره رک «اگر بوشادیغکز خاتونلر چو جفک یکنزی امیرمه جک اولورلرسه اجنبیه خاتون کبی آنکه اجرتلرینی و یرک و یرنکزه معروفات وجه اوزره استشاره و یکدیگریکزه ملایمتله امر ایدک» بیورمشدر.

در دنجی حکم؛ اگر جو بهی والده سی امیرمک مقابلنده کی امرتلی برک آلتنده قالیمیه بهی بر صورتده تکلیف ایدر و سوز دیکلمز صعوبت کومر مکله عناد ایدرسه زوج قدرتی نسبتنده باشقه بر هانوز امیرمکله مخیردر. زنکی رونی و فقیر اولاره کیمسه ده قدرتی نسبتنده اتفاق ایتمک و اجبر. چونکه؛ اجرتده طرفین یکدیگرک قدرته رعایت ایتمک و قدرتلری نسبتنده تکلیفانده بولونمق لازم ایکن خاتونک زوجک قدرتی فوقنده تکلیفده بولونارق ایثنی کوجهلشدیرمی زوجک مخیر اولسنی ایجاب ایتدیکندن زوج قدرتی نسبتنده باشقه بر خاتونه مناسب اجرتله امیرمه بیلیر. زیرا حق؛ بابانکدر،

خاتونک برشی دیمکه و منع ایتمک حق یوقدر. چونکه؛ امثالندن زیاده اجرت ایسته مکله حقنی اسقاط ایتمشدر. بناء علیه؛ چو جفک باباسی ایسته دیکنه امیرمه بیلیر. ایسته شو اساسه بناء جناب حق بو کبی مشکلات احداث ایدنلره خطاب ایدره رک «اگر خاتون طرفندن فضله اجرت ایسته مکله کوجلکه تصادف ایدرسه کز او چو جفک والده سندن باشقه بر خاتونه امیرمه بیلیر سکر» بیورمشدر.

بشنجی حکم؛ زنکی اولاره کیمسه زنکیلی نسبتنده و رزقی طار اولاره اللهک و بردیکی رزق نسبتنده اتفاق و امیر اولمیر. چونکه؛ هرکس آنده بولونان مقداری یاپار و آنک فوقنده برشی یاپاماز و یاپارسه ده بر جوق زحمتلره یاپایله چکندن جناب حق هرکسک حالته کوره یا بمسنی بیان بیورمشدر. انسانلرک حاللری ده ایکیدن خالی اولاماز که زنکی و یا فقیردر. بناء علیه؛ واجب تعالی چو جفک امیرمه جک خاتونه اجرت و نفقه اولارق و یرله جک شینک و یرمه جک کیمسه نک حالته کوره اولاجفنی بیان صدندده «غنا و وسعت صاحبی اولان کیمسه غناسندن و رزقی طار اولوب فقیر اولان کیمسه ده اللهک او کیمسه یه و بردیکی رزق نسبتنده اتفاق ایسون» بیورمشدر.

آلتنجی حکم؛ بشنجی حکمک علیدر که الله تعالی هیچ بر نفس تکلیف ایتمز، او و بردیکی قدرت نسبتنده تکلیف ایدر. چونکه قدرتنک فوقنده تکلیف ممتعددر. زیرا؛ بر انسانه یاپایمه جفی بر شینی تکلیف ایتمک عبندن باشقه برشی دکدر. مثلاً فقیر اولوب یومیه قازانچی بش غروش اولان بر کیمسه یه «سن یومیه یوز غروش و یرمه جکسک» دیمه نک فائده سز برشی اولاجفنده شبه یوقدر. چونکه؛ بش غروشندن باشقه بر شینه مالک اولمایان بر کیمسه نک یوز غروش و یرمی ممکن دکدر. بناء علیه بویه بر تکلیف جائز اولمادیغندن بو کبی تکلیف عبندن باشقه برشی اولاماز. زیرا بر فائده یی مفید اولماز.

یدنجی حکم؛ واجب تعالی نک کومر مکله صوکره قولایلو غلر اتمیر. چونکه؛ اکثر احوالده انسانلردن حدینی بیلمه یی و کندنده وارلق کورن انسانلره حدینی بیلدیرمک و عجزینی اعتراف ایتدیرمک اوزره الله تعالی انسانلرک ایشلرنده کوجلک خلق ایتمکله عجزلرینی اقرارله امتحان ایتدکن صوکره او ایشده قولایلق خلق ایتمکله مسرور



ایتمک عادت الهیه جمله سندن اولدیغنه بوجهله ایلله اشارت بیورمش و فقیر اولانلرک فقر و ضرورت مشکلاتندن قورتولمقله ثروت و غنا و قولایلق راحتته نائل اولاجقلرینی بیان ایتمیشدر . بناء علیه ؛ فقیر اولانلر زنکینلر کبی زیاده جه مروت ایدمه دیکنه مایوس اولماسون . زیرا فقرندن صوکره الله تعالی آکاده غنا ویرر و آرزوسی وجهله اتفاق ایدر دیمکدر .

خلاصه ؛ قوجهلری طرفندن طلاق ویریلن خاتونلرک طلاق ویرن کیمسه نک قدرتی نسبتنده عدتی اکیال ایدنجیه قدر آنک خانه سنده اقامت ایتمی لازم اولدیغی و طلاق ویرن کیمسه نک عدتی اکیال ایتهدن خاتونی اقامت ایتدیکی خانه دن چیقارمقله اضرار ایتمه سی و طلاق ویریلن خاتونک اوزرنده چوجق بولونورسه او چوجنی طوع ورنجه یه قدر نفقه سی بوشایان کیمسه اوزرینه واجب اولدیغی و او چوجنی امذیرمک بدلنده خاتونک اجرتیه مستحق اولدیغی و او اجرتی ویرمک پدر اوزرینه واجب و بوشانان قادی ایلله بوشایان قوجه نک چوجنی امذیرمک و راحت ایتدیرمک کبی چوجق حقنده منفعت اولان شیلری دوشونه رک استشاره لازم واجب اولدیغی و اگر چوجنک والدیه سی امذیرمک بدلنده امثالندن زیاده اجرت ایسترسه زوج ایچون باشقه بر خاتوندن چوجنی امذیرتمک مساعده اولدیغی و هر کسه قدرتی نسبتنده امذیرتمک واجب اولوب الله تعالی نک هر نفسه قدرتنک فوقنده برشی تکلیف ایتهدیکی و هر زورلقدن صوکره الله تعالی نک بر قولایلق خلق ایدمه جکی بوآیتدن مستفاد اولان فوائد جمله سندنر .

\*\*\*

واجب تعالی زوجله زوجهنک برآرده بولونمالرینه و بواجتماعدن صوکره آره لرنده کی محبتک نفرته انقلاب ایتسیله وقوعبولان آریلغه و بوآریلقدن صوکره یکدیگرینه قارشلی اولان حقوقلرینه و آره لرندن حاصل اولان چوجنک نفقه سنه و خاتونک عدتنه و اجرتیه متعلق احکامی بیاندن صوکره بومثللو احکام شرعییه رعایت ایتمینلر حقنده جریان ایدن و ایدمه جک احوالی بیان ایتک اوزره ﴿وَكَأَيِّنْ مِنْ قَرْيَةٍ عَتَتْ عَنْ أَمْرِ رَبِّهَا وَرُسُلِهِ فَحَاسِبْنَاهَا حِسَابًا شَدِيدًا وَعَذَّبْنَاهَا عَذَابًا نُكَرًا﴾ بیوریور .

[ چوق قریه اهالیسی ربلرینک و آنلری ارشاد ایچون کوندردیکی رسوللرینک امرلرندن اعراض ایدر و امرلرک خارجنه چیقارلر . بناء علیه ؛ بز عظیم الشان آنلری کوچوک و بویوک آزوجوق ایشلرندن محاسبه ایدرز و هیچ کورولمه دک و خاطر و خیاللرینه کله دک عذابله عذاب ایدرز . ] شوخالده :

﴿فَذَاقَتْ وَبَالَ أَمْرِهَا وَكَانَ عَاقِبَةُ أَمْرِهَا خُسْرًا﴾ اَعَدَّ اللَّهُ لَهُمْ عَذَابًا شَدِيدًا

[ اهل قریه کنساهلرینک و بالی و شدتی طادار و امرینک صوکی ضرر اولور ، ضرردن باشقه برشی کوره مز . بناء علیه ؛ الله تعالی آنلر حقنده شدتی عذابنی حاضرلادی . ] یعنی ؛ چوق قریه وبلده اهالیسی نفسلرینه و شیطانیه اویارق حقیقتده کندیلرینی یاراتان و تربیه ایدوب نمالاندیران ربلرینک امرینه و قوللرینی ارشاد ایچون طرف الهی سندن کوندرمش اولدیغی رسوللرینک امرلرینه اطاعت ایتمه رک عصیان ایدرلر . آنلر بومثال اوزره عصیان ایدنجیه بز آنلری شدتی حسابله محاسبه و دنیا ده آنلری خاطر و خیاللرینه کله یین و امثالی کورولمه یین آچلق و صوسزلق و دشمنک قیدیچی و سائر کبی بویوک عذابله عذاب ایدرز . بناء علیه ؛ او قریه اهالیسی کنساهلرینک شدتی و عذابنی طادارلر کهدنلرندن او عذابنی کورومه دک هیچ بریرلری قالماز و او مثللو کویلرک اهالیسنک عاقبت امرلری یعنی ایشلرینک صوکی ضرردن عبارت اولمشدر و آنلر ایچون آخرته الله تعالی شدتی عذاب حاضرلامشدر . چونکه ؛ اللهم و رسوللرینک امرلرینه مخالفتک و عصیانک نتیجه سی ضرر اولوب و او ضرر اوزرینه بر طاقم عذابلر حصوله کله دیکی ایچون آنلرک عاقبت امرلرنده ضرردن باشقه برشی یوقدر . بناء علیه ؛ بو مثللو قریه اهالیسنی قارشیلایاجق دنیا ده و آخرته عذابدر و عذابدن باشقه برشی کوره مزلر .

حساب و عذاب شدید آخرته اولاجق ایسه ده بونلرک اولاجنی محقق اولدیغنه اشارت ایچون ماضی صیغه سی وارد اولمشدر .

(عنت) امرالله بیده اعراضه ایدوب او امرک خارجنه بیقری دیمکدر . حساب شدید و عذاب بواصری قبولدن اعراض اوزره ترتب ایتدیکندن حسابک و عذابک علتیدر و قیاس تقریری شویله در : « بزاهل قریه یی شدتی محاسبه ایدرز . زیرا ؛ اهل قریه ربلرینک



امرندن اعراض ایتدیلر. هر کیمسه لر که آنلر دبلرینک امرندن اعراض ایدلر، بز آنلری شدتلی محاسبه ایدرز. بناء علیه؛ اهل قریه بی بز شدتلی محاسبه ایدرز « دیمکدر. (عذاباً نکرأ) امثال کورولمهده هر کسجه مجرول بر عذاب ایدرز دیمکدر. بو عذابک سببی ده امرالهییدن اعراض ایتکدر و قیاس تقریری شویله در: اهل قریه بی بز امثالی کورولمهده عذابله عذاب ایدرز. زیرا؛ اهل قریه دبلرینک امرندن چیقیدیلر. هر کیمسه لر که دبلرینک امرندن چیقار، آنلری بز امثالی کورولمهده عذابله عذاب ایدرز. او حالده اهل قریه بی بز امثالی کورولمهده عذابله عذاب ایدرز « دیمکدر. کذلک عمللرینک وبالنی طامق وعاقبت امرلرینک ضرر اولسنک علی ده امرالهی بی تجاوز ایتکدر.

بوآیتده واجب تعالی کندینک و رسوللرینک امرلرندن اعراض ایدوب امرک خارجنده ایش یابان و امره اطاعت ایتمین اهل قریه ایچون بیه صورله عذاب ایدره مکنی بیان بیورمشدر: برنجیسی؛ شدتلی محاسبه در. چونکه؛ محاسبه نک شدتی حسابک دوغرو اولماسندن نشأت ایتدیکی جهته حسابده صیقیشدیرمق عین عذاب اولدینی کبی ایلروده معذب اولاجغنه دخی دلالت ایتدیکی جهته ده عذابدر. ایکنجیسی؛ امثال کورولمهده عذابله عذاب اولونا بقیلریدر. زیرا؛ انسان ایچون ربسنک امرینه اطاعت و پیغمبرینک دعوتنه اجابت ایتمه مکدن دها بویوک برجنایت اولمادیغندن اک بویوک و کیمسه نک بیلمه دیکی عذابله عذاب اولونا بقیلرینی بیان بیورمشدر. اوچنجیسی؛ اهل قریه کنری عمللرینک وبالنی طامق ایدلر. چونکه؛ امرک خارجنده هر نه ایشله سله شریعته مخالف اولدینی جهته او مخالف عملک شدتی و آجیسنی البته طادارلر. دردنجیسی؛ عاقبت امرلرینک ضرر ده بایقه بر شی اولابوب آنجه ضرر اولسیر. چونکه؛ انسان کندینی خلق ایدوب جمله نعمتله غرق ایدن ربسنک امرینه و او ربسنک قوللرینی ارشاد ایچون کوندردیکی رسوللرینک امرلرینه اطاعت ایتمه نیجه او امرلرک خارجنده هر نه یاپسه ضرردن عبارت اولور. زیرا؛ کرك امرالهی و کرك امر رسول عین منفعت اولدینی جهته آنک خلافتده حرکتک البته عین مضرت اولاجغنه شبهه یوقدر. بشنجیسی؛ امرالهی مهوفنده

حرکت ایدلره آخرتده الله تعالی نک شدتلی عذاب ماضیلا سیر. چونکه؛ ربسنه عصیان ایدن بر کیمسه نک دنیا ده و آخرتده استحقاقی عذابدن باشقه بر شی دکلدر. بناء علیه هر نزهه کیتسه آنی قارشیلایاجق؛ ذل و مسکنت و عذابدر.

خلاصه؛ امرالهییدن چیقان بر قومک جزاسی شدتلی محاسبه و امثالی کورولمهده عذاب اولدینی و او قوم فنا ایشلرینک وبالنی طاداجنی و ایشلرینک صوکی ضرردن عبارت اولاجنی و آنلر ایچون شدتلی عذابک حاضرلاندینی بوآیتدن مستفاد اولان فوائدجمله سندندر.

\*\*\*

واجب تعالی امرالهی به قارشی عصیان ایدلره واقع اولاجق عذابی بیاندن صوکره او عذابدن خلاصک چاره سنی بیان ایتک اوزره ﴿فَاتَّقُوا اللَّهَ يَا أُولِيَ الْأَلْبَابِ الَّذِينَ آمَنُوا﴾ بیوریور.

[ اتقا ایدک الله تعالی به ای عقل صاحبی اولان مؤمنلر! ]

﴿قَدْ أَنْزَلَ اللَّهُ إِلَيْكُمْ ذِكْرًا﴾

[ محقق الله تعالی سزه قرآنی انزال ایتدی. ]

﴿رَسُولًا يَتْلُوا عَلَيْكُمْ آيَاتِ اللَّهِ مُبَشِّرَاتٍ﴾

[ و سزه رسول کوندردی که او رسول سزک اوزریکزه آجیق آیتلرینی اوقور. ]

﴿لِيُخْرِجَ الَّذِينَ آمَنُوا وَعَمِلُوا الصَّالِحَاتِ مِنَ الظُّلُمَاتِ إِلَى النُّورِ﴾

[ او رسول مؤمن اولانلری و عمل صالح ایشله ینلری ضلالت قاراندقلرندن هدایت آیدینلقلرینه چیقارسون. ]

یعنی؛ کناهکارلر اوزرینه حساب شدیدو عذاب میدنازل اولاجق اولونجه ای عقل صاحبی اولان مؤمنلر! سز الله تعالی به عصیان ایتکدن نفسکزی وقایه واللهم غضبندن خشیت ایدک و کناهکزی سبیلله هلاک اولمکزدن قورقک و قورققلغکز لازمدر.



زیرا؛ الله تعالی منفعت و مضرتکزی و دنیوی و اخروی خلاصکزی سزه بیلدیره جک قرآنی انزال ایتدی که سز آنکه عمل ایدره ک غضبدن قورتولاسکز و رحمته نائل اولاسکز. چونکه؛ قرآن سزه یارایاجق جمله احکامی بیان ایتدیکندن آنکه عمل ایتک الله تعالی به اتقانک عیندر. بناء علیه قرآنله عمل ایدن؛ عهده سنه ترتب ایدن وظیفه اتقایی ایفا ایتمش اولور و سزه الله تعالی رسول کوندردی که او رسول سزک اوزر بکزه الله تعالی نک حلالی و حرامی بیان ایدر آیتلرینی تلاوت ایدر که اخلاص اوزره ایمان ایدوب صلاح اوزره عمل ایدنلری ظلمت کفردن نور ایمانه وظلمت شهبه دن نور یقینه وظلمت جهلدن نور علمه چیقارمقله ارشاد ایتسون.

بوآیتده خطاب اهل ایمانه اولدینی جهته اتقا ایله مراد: کفردنه بایقه کناهلردنه صافیمور. چونکه اهل ایمانه کفردن اتقا اساساً حاصل اولدینی ایچون کفردن اتقا ایله امر آنلر حقنده حاصلی تحصیل اولدینی جهته بومقامده اتقا؛ کفرک غیر کناهلردنه اتقا ایدرک دیمکدر. یعنی «ایمانک سببیه کفردن اتقا ایتدیکنکزی کبی سائر کناهلردن دخی اتقا ایدک» معناسه در.

واجب تعالی بوآیتده درت نوع حکم بیان ایتشد: برنجیسی؛ عقل صامبی اولره اهل ایمانک کناهلردنه اتقا ایتلمک واجب اولمیسر. چونکه؛ اهل ایمان ناصل که ایمانلری سببیه کفردن نفسلرینی وقایه ایتدیلرسه ایمانک مقتضایی سائر کناهلردن دخی نفسلرینی محافظه ایتلمی لازمدر.

ایکنجی حکم؛ الله تعالی نک اهل ایمانه ایمانی پیانه ایچونه قرآنی انزال ایتمیسر. چونکه؛ اهل ایمانک حلال و حرامی، جواز و عدم جوازی بیللمری محکم برکتبایله اولایبیه جکندن قوللرینه لطف و احسان و ذکر جمیل اولان قرآنی، عمل ایتلمی ایچون انزال ایتدیکنی بیان ایتشد.

اوچنجی حکم؛ قرآنی ناسه نبوت ایدره ک رسول کوندردیکنی پیانه ایتمیسر. چونکه؛ طرف الهیسندن خلقک منفعت و مضرتی بیان ایچون کوندرمش اولدینی کتابی

خلقه تبلیغ ایدره جک برواسطه لازم اولدیغندن جناب حق رسولنه تبلیغه و کتابنک احکامی ناسه او کرمکه مأمور ایتدیکنی بیان بیورمشدر.

دردنجی حکم؛ رسولی کوندرمکده مقصد اصلی او رسولک قرآنی تعلیم ایتمیسر اهل ایمانی ظلمات ضلالتده نور هدایه بیقارمور اولدیغنی پیانه ایتمیسر. شو حالده بو آیتده کمال ترتیبه رعایتله برابر واجب تعالی انسانک وظیفه اصلیه سنی و او وظیفه بی ایفایه لازم کلن اسبابی و وظیفه بی ادادن مقصدی بیان بیورمشدر. چونکه انسان ایچون هرشیدن اول لازم اولان؛ امره تمامیه امثال ونهیدن کالیله اجتنابدن عبارت اولان انفادره. زیرا؛ اتقانک مادی و معنوی، دنیوی و اخروی انسانی هر بلادن قورتارم جفته اشارت ایچون جناب حق هرشیدن اول اتقا ایله امر ایتمشدر. اتقا عقل صاحبی اولان مؤمنلرده اولق لازم اولدیغنه اشارت ایچون اتقا ایله امرینی عقل صامبی اولره مؤمنلره توجیه بیورمشدر. بوندن سوکره اتقانک احکامی آلاچق و احکامی مضبوط اولارق قالاچق برکتابک وجودی لازم اولدیغندن جناب حق اتقانک احکامی بیان ایدن قرآنه کربمی انسانلره انزال ایتدیکنی بیان بیورمشدر. قرآنی انسانلره تبلیغ و احکامی بیان ایدره جک بر رسولک وجودی لازم اولدینی جهته انسانلر اوزرینه احکامی آچیقندن بیان ایدنجی آیتلرینی تلاوت ایدر رسول کوندردیکنی بیان بیورمشدر. رسولک غایت بویوکلکنه و شاننه تعظیم لازم اولدیغنه اشارت ایچون رسول لفظی تعظیم دلالت ایدن تنبیه ایله نکره اولارق وارد اولمشدر. قرآنی انزال ایتمکدن و رسولی کوندرمکدن مقصد؛ اهل ایمانی ظلمات مهلده نور عرفانه بیقارمور اولدیغنی بیانه قرآنک مقتضاییله عمل و رسوله اتباع ایتک واجب اولدیغنه اشارت بیورمشدر.

\*\*

واجب تعالی اهل ایمانی اتقایه دعوتدن سوکره اتقانک حاصل ایدره جکی نتیجه لری بیان ایتک اوزره ﴿وَمَنْ يُؤْمِنْ بِاللَّهِ وَيَعْمَلْ صَالِحًا يُدْخِلْهُ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا أَبَدًا قَدْ أَحْسَنَ اللَّهُ لَهُ رِزْقًا﴾ بیورمیسور.



[ بر کیمسه که الله تعالی به ایمان ایدر و عمل صالح ایشلرسه او کیمسه بی الله تعالی آلتندن ایرمقلر آقار جنتلره ادخال ایدر و آنلرده ابدآ جنتده قالیجی اولدقلری حالده جنته کیرر و راحت ایدرلر . حالی بویله اولان کیمسه ایچون الله تعالی نه کوزل رزق خلق ایتدی و رزقی نه کوزل اولدی . ]

یعنی ؛ اللهم آیات بیناتند بیان ایتدیکی وجهله ایمان ایدوبده ریاسز اخلاص اوزره عمل ایدن کیمسه بی الله تعالی جنتلره ادخال ایدرکه او جنتلرک آلتندن ایرمقلر آقار و انواع ذوق و صفای جامع در و نفسک هر ایسته دیکی واردر . عمل صالحله برابر ایمان ایدن مؤمنلر ابدی ذوق و صفا ایچنده جنتده قالیجیلردر . زیرا ؛ جنتک نعمتی دائمدر . دائم اولان نعمته نائل اولان کیمسه ایسه اونعمتدن محروم اولماز . مؤمن قولنک رزقی الله تعالی نه عجایب کوزل قیلدی . چونکه ؛ الله تعالی آنلری دنیاده عبادت و آخرتده ثوابله مرزوق قلمشدرکه بوندن ده کوزل رزق اولاماز .

بو آیتده جناب حق جنته کیرمکی و ذوق و صفایه نائل اولغی عمل صالحله برابر ایمانه تعلیق بیورمشدر . چونکه ؛ عملدن مجرد ایمانه مؤمن اولان کیمسه جنته کیرر و لکن درجات عالیاته نائل اولاماز و ایماندن عاری اولان عمله اعتبار یوقدر . بناء علیه هم جنته کیرمک هم ده بویوک درجهلره نائل اولغی عمل صالحله برابر ایمان صاحبی اولان مؤمنلره میسردر . ایسته شواساسه بناء جناب حق آلتندن ایرمقلر جریان ایدن کوشکری ، سربیلری ، باغلری و باغچهلری عمل صالحله برابر ایمان ایدن قوللرینه وعد ایتمش و بویکی کیمسه لک رزقلرینک غایت کوزل اولاجغی دخی علاوه ایله مشدر . چونکه ؛ جنتک نعمتلی توکنمز و آرقه سی کیلمز و هر ساعتده هر مؤمن ایسته دیکنی یر و ایسته دیکنی کیرر و ایسته دیکی یرده کزهر و آرزو ایتدیکی کیمسه لرله الفت ایدر . بوندن ده زیاده کوزل رزق اولابیلیرمی ؟ بو آیتده واجب تعالی انسانلری ایمانه و عمل صالح ایشله مک ایکی مهترده شویوه بیورمشدر :

برنجیسی ؛ مؤمن عامللره انسانلرک سوره بویک و کولکنک اکانه بویک بول سورله آلتندنه نهرلر جریانه ابدیه منلره ادخال ابدیه بکنی و آنلرک ده ابدیه منلره ابدی قالا بقلرینی بیانه ایتمیسدر . چونکه ؛ بویله بر سعادت ابدیه به سبب اولاجق ایمانه و عمله ، جزئی عقلی اولانلرک سعی

ایده جکلری شبهه سزدر . ایکنجیسی ؛ ایمانی و عمل صالحی اولانه کیمسه لک رزقلرینک غایت کوزل اولاجغی بیانه ایتمیسدر . زیرا ؛ عقلی اولان کیمسه لک کوزل رزقک اسبابنه سعی ایده جکی طبعیدر .

خلاصه ؛ الله ایمانه برابر عمل صالح ایشله یکن کیمسه لک جنتلره داخل اولاجقلری و ابدآ جنتده قالا جقلری و او مثللو کیمسه لک رزقلرینی الله تعالی نک کوزل قیلاجغی بو آیتدن مستفاد اولان فوائد جمله سندندر .

\*\*\*

واجب تعالی اهل ایمانی جنته ادخال ایده جکنی و رزقلرینی غایت کوزل قیلاجغی بیاندن صوکره ایسته دیکی قولنی سعادتیه ایصاله قدرت کامله صاحبی اولدیغی بیان ایتک اوزره ﴿اللَّهُ الَّذِي خَلَقَ سَبْعَ سَمَاوَاتٍ وَمِنَ الْأَرْضِ مِثْلَهُنَّ﴾ بیوریور .

[ الله تعالی شول ذات اجل و اعلا درکه اوزات لطیف یدی قات کولکری و ارضندن ده او کولکری امثالی یدی اقلیمی خلق ایتدی . ]

﴿يَتَنَزَّلُ الْأَمْرُ بَيْنَهُنَّ لِتَعْلَمُوا أَنَّ اللَّهَ عَلَىٰ كُلِّ شَيْءٍ قَدِيرٌ﴾

[ یر و کولکر آره سنده وحی الهی و امر سبحانی نازل اولورکه اونازل اولان امرلر سببیه اللهک هر شی اوزرینه قادر اولدیغی سز بیه سکر . ]

﴿وَأَنَّ اللَّهَ قَدْ أَحَاطَ بِكُلِّ شَيْءٍ عِلْمًا﴾

[ و شونی ده بیلملی سکر که الله تعالی محقق علمیه هر شیئی احاطه ایتشدر . ]

یعنی ؛ الله تعالی ایمانه برابر عمل صالح ایشله یکن کیمسه لری جنتلره ادخال ایدر و رزقلرینی کوزل قیلار . زیرا ؛ الله تعالی شول ذات اجل و اعلا درکه قدرت کامله سی ایجابی ذاته عائد اولان یدی صفات قدیمه سی عددنجه یدی طبقه کولکری خلق ایتدی و ملکلره و ارواح مجردیه مسکن قیلدی و عالم سفلی اولان ارضدن کولکری عددی مثللو یدی اقلیم اولان ارضی خلق ایتدی و الله تعالی نک هر شیئه قادر اولدیغی سزک بیلملک ککر ایچون



یرله کوکرا آرهنده قضاء الهینک جریان اوزره امرالهی نازل اولور. چونکه ؛ سمان ملک واسطه سیله انبیایه وحی کلوب قولله تبلیغ اولوندیغی کبی سماء علیادن ارض سفلیایه اللهک امرلری هر زمان نازل اولور. حتی یاغان یاغمورلر و یردن حاصل اولان اوتلر و آغاجلر و حیوانلر جمله سی امرالهی ایله وجود بولور و قدرت الهیه ایله هر برلری هیئتلی واستعدادلری وجهله خلق اولونور. چونکه ؛ عالم سمان یر یوزینه اینن مادی ومعنوی فیض و برکتدن عالم سفلی اولان ارض وارضده بولونان مخلوقات استعدادلرینه و قابلیتینه کوره مستفید اولورلر. بناء علیه ؛ سمان یاغان یاغمورلر سببیه یر یوزندن بر طاقم عجائب و غرائبی جامع و عقللره حیرت ویره جک شیلر خلق اولوندیغی جهته یر یوزینک سایه مربوط اولدیغی کوریلور.

سما جهتندن یر یوزینه اینن امرلر وقضا و قدر مخلوقات حقنده دائما ظهور ایدوب طور دیغندن عالم سفلیات تبدل و تغیره معروضدر که هر زمان هر کسک کوردیکی وجهله مخلوقاتدن بعضیلری حیاته و بعضی آخری مماته و بعضی سلامته و دیگر بعضی هلاک محکوم اولور. الله تعالی نک امرینک وقضا و قدرینک شوموال اوزره جریان اتمسی و انسانلرک بونلرک اثرلرینی کونا کون عجیب احوال اوزره کورمسی و هر کون بیک دورلو احوالک تبدل اتمسی ؛ اللهک قدرت کامله سنی و قدرتدن خارج بر شی اولمادیغی و علمنک هر شیئی احاطه ایدوب علمندن خارج بر شی بولونمادیغی سزک بیلیمکز ایچوندور. یعنی بونلرک هر برندن اللهک قدرتی و علمنک احاطه سنی انسانلر استدلال ایتسونلر ایچون هر برینک آثارینی خارجه کوسترمشدر.

واجب تعالی بوآیتده ائردن مؤثره استدلالک واجب اولدیغنه اشارت بیورمشدر. چونکه ؛ کوکرا و یر قدرت و علمک اثریدر. بونلرک خلق اولونمسی انسانلرک الله تعالی نک هر شیئی قادر و علمی هر شیئی احاطه ایتدیکنی بیلملری ایچون اولدیغنی بیان اتمک ؛ ائردن مؤثره استدلال لازم اولدیغنی بیان اتمکدر. چونکه ؛ قدرتی اولمایان بر ذات بوقدر جسامت صاحب اولان کوکرا و یری خلق ایده مز. کذلک علمی اولمایان بر کیمسه سموات وارضی خلق ایده مدیکی کبی آنلرده اولان صنایع عجیبیه ایجاد ایدوب میدان کتیرمسی ممکن اولاماز. زیرا ؛ علمی اولمایان جاهلدر و قدرتی اولمایان عاجزدر. بناء علیه ؛ عاجز و جاهلدن بر شی صدور ایده مز. حالبوکه الله تعالی شو کوریلن آثار علویه و سفلییه

و بونلرک آرهنده اولان برچوق موجوداتی میدانه کتیرمشدر. بونلرک هر برنده اولان صنایع غریبه قدرتمسز و علمسز اولامیه جهتندن مخلوقاتک هر ذره سی الله تعالی نک علمنه و قدرته آچیقندن دلالت ایدر.

فخر رازینک بیانی وجهله عالم علوی ده اولان یدی بیلدیزدن هر برلرینک تأثیری یر یوزنده آری آری برر اقلیمده ظهور ایتدیکندن هر اقلیم ظهوراتی اعتباریه آریجه یر ارض طبقه سی دینکه سزا و لایق اولدیغندن یدی اقلیمه یدی قات ارض دینمشدر. بناء علیه ؛ جناب حق بوآیتده « الله تعالی یدی قات سمایی و آنلرک مثلی ارضدن ده خلق ایتدی » بیورمشدر که سما یدی اولدیغنی کبی ارض ده یدی دیمکدر. واجب تعالی سمانک ارضه ارضک سایه عدد جهتندن مشاهتلری اولدیغنی کبی دوام و انتظام جهتندن ده یکدیگریه مربوط اولدیغنه دخی آنلر آرهنده امرالهی نازل اولدیغنی بیانله اشارت اتمشدر.

خلاصه ؛ الله تعالی یدی قات کوکرا و آنلرک امثالی یدی اقلیم برلری خلق ایتدیکنی و بونلرک آرهنده امرالهی کلوب کیدوب جریان ایتدیکنی و بونلری خلق ایتمکدن مقصد ؛ الله تعالی نک هر شیئی قادر و هر شیئی علمی احاطه ایتدیکنی انسانلرک بیلیمسی ایچون اولدیغنی بوآیتدن مستفاد اولان فوائد جمله سنددر.

### سوره تحریم

مدینه منوره ده نازل اولان سوره لر دندر. اوه ایکی آتی جامعدر.

بِسْمِ اللَّهِ الرَّحْمَنِ الرَّحِيمِ

يَا أَيُّهَا النَّبِيُّ لِمَ تُحَرِّمُ مَا أَحَلَّ اللَّهُ لَكَ تَبْتَغِي مَرْضَاتَ أَزْوَاجِكَ وَاللَّهُ غَفُورٌ رَحِيمٌ

[ای نبی معظم ! زوجه لرینک رضالرینی طلب ایدر اولدیغک حالده الله تعالی نک



سکا حلال قیلدینی شیئی نه ایچون سن نفسکه حرام قیلدک؟ حال بوکه الله تعالی قوللرینک قصورلرینی عفو ایدیجی واعتذارلرینی قبول ایله مرحمت بیورجیدر.

یعنی؛ ای نبوت صقیله متصف اولان نبی ذیشان! زوجه لرینک رضالرینی طلب ایدهرک مقتضای حکمت الله تعالی نکه سکا حلال قیلدینی نعمتی و او نعمتک حرمتی دایر نبی الهی وارد اولمسیزین نه ایچون کندیکه حرام قیلدک. حال بوکه جمله قوللرینک نیتیه مطلع اولان الله تعالی قوللرینک قصورلرینی ستر ایدیجی واعتذار ایدنلرک اعتذارلرینی قبول ایله لطف واحسان بیورجیدر.

فخر رازی و خازنک بیانلری وجهله بو آیتک سبب نزولی؛ رسول اللهک جاریه سی (ماریه) ایله خلوتده بولونمسنه حضرت حفصه رضی الله عنها والده من مطلع اولوب رسول الله بعض معروضاتده بولونمسی اوزرینه رسول الله (ماریه) بی کندینه حرام قیلدی که (حفصه) نکه کوکلی اینجمنه سون و رسول الله بوسری ازواج مطهراتدن باشقه لرینه سویله مسنی و ابو بکر عمر و حضرت لرینک بوامتک خلیفه لری اولاجق لرینی تنبیه و توصیه ایتدی. حفصه ایسه حضرت عائشه رضی الله تعالی عنها ایله غایت صیق کورشدکلرندن و صداقت اوزره کچیندکلرندن شوسری حضرت عائشه یه سویله دی و عائشه رضی الله عنها رسول الله صلی الله تعالی علیه وسلمه سویله نیجه فخر کائنات اقدیمز حضرت لری حدت و غضب ایدهرک یکریمی طقوز کون ازواج مطهراتک جمله سندن عزلت ایله برابر حضرت حفصه بی رجعی اولارق بر طلاقه تطلیق ایتدی و حضرت عمر، کریمه سی حفصه یه خطاباً «اگر اولاد خطابده خیر اولسه ایدی رسول الله سنی تطلیق ایتمزدی» دیمسی اوزرینه شو وقوعاتی بیان ایچون بو آیت نازل اولمشدر. شو روایتیه نظراً معنای آیت: [ای نبی ذیشان! اللهک سکا حلال قیلدینی جاریه کی سن نفسکه نه ایچون حرام قیلارسک] دیمکدر.

دیگر بر روایتیه نظراً سبب نزول شویله در؛ ازواج مطهراتدن (جیحش) قیزی (زینب) رضی الله عنها نکه حجره سنده رسول الله بال شربتی ایچمش ایدی. حضرت عائشه و حفصه رضی الله عنهما اتفاق ایدهرک رسول الله «یا رسول الله! آغزنده ساقیر قوقوسی وارد» دیملری اوزرینه رسول الله «بال شربتی ایچدم بر دها آغزمه بال قویما یایم» بیورنیجه بو

آیت نازل اولمشدر. بوکا نظراً معنای آیت: [ای نبی ذیشان! اللهک سکا حلال قیلدینی بالی سن نفسکه نه ایچون حرام قیلورسک؟] دیمکدر.

بو آیتده عتاب موضوع اولان (لم) لفظیله رسول الله خطاب، عتاب ایچون دکدر. زیرا؛ رسول اللهک حلال اولان شیئی نفسیه حرام قیلمسی اولای ترک قیلندن اولدینی ایچون استفهام انطاری اولان (لم) لفظیله خطاب اولای ترک اوزرینه تنبیهدر. بناء علیه؛ (یا ایها النبی) لفظی موطوفیه و (لم) لفظی ده عتاب دلالت ایدر. شو حاله کوره تعبیرلر آره سنده مبیانت واردر دنیله من. چونکه؛ عتاب یوق تنبیه واردر.

بو مقامده رسول اللهک حلال اولان شیئی حرام قیلمسی ایله مراد: نفسی اوشیدر انتفاعده منع ایتکدر، یوقسه اللهک حلال قیلدینی بر شیئی حقیقتده حرام قیلماق و حرام اعتقاد ایتک دکدر. چونکه؛ اللهک حلال قیلدینی بر شیئی هیچ بر کیمسه حرام قیلاماز. شو قدرکه هر انسان ایچون مباح اولان بر شیه کندینی انتفاعدن منع ایتک اولابیلور. ایشته شو اساسه بناء رسول الله حقیقتده بر شیئی حرام قیلماش، بلکه اوشیله انتفاعدن ذات نبویلرینی منع ایتک و انتفاع ایتمه که عزم ایتمشدر. بناء علیه؛ حقیقتده حرام قیلماق اولمادیغندن «اللهک حلال قیلدینی رسول الله ناصل حرام قیلدی؟» دیهرک سوال وارد اولاماز.

روایت اولایه نظراً حضرت حفصه اوزرینه واقع اولان طلاق، رجعی اولدینی جهتهل جبریل امین کلوب «یا رسول الله! حفصه چوق اوروج طوتار و نماز قیلار و جتده سنک خاتونلرک ایچنده داخلدر. بناء علیه؛ حفصه یه رجعت ایت» دیمسی اوزرینه رسول الله رجعت بیوردیلر. بناء علیه؛ بر مدت موقته ازواج مطهراتدن آیرماش کبی اولان حفصه رضی الله عنها تکرار ازواج مطهرات آره سنده داخل اولمشدر.

بومثللو مقامده استفهام انطاری؛ نهی معنانه اولدیغندن معنای نظم: (لا تحرم ما احل الله لک) یعنی [اللهک حلال قیلدینی شیئی سن حرام قیلما] دیمکدر که یوقاروده بیان اولوندینی وجهله «سن نفسکی او شیه انتفاعدن منع ایتمه» دیمکدر. شو حالده انسانلر ایچون اللهک حلال قیلدینی شیه انتفاعدن انسانک نفسی منع ایتمی نظر شرعه مقبول خلاصه الیان: اون بشنجی جلد —



برشی دکدر. حتی امام اعظم عندده، حلال اولان برشیئی انسانک نفسنه حرام قیللمسی  
یمین اولدیغندن کفارت لازم کلور. شو حالده حلال اولان برشیئی نفسنه حرام قیللمق  
انسان ایچون بر جرم اولیورکه کفارتی ویرمکه او جرمتک جزاسی کورمش اولیور.  
بناء علیه؛ اللهم حلال قیلدیغی شیهه ممکن اولدیغی قدر انتفاع ایتک مدو حدر ونفسی  
آنک انتفاعندن محروم ایتکده مذمومدر.

خلاصه؛ اللهم قوللرینه حلال قیلدیغی شیئی برکیمسه نك نفسنه حرام قیللمسی جائز  
اولادیغی وحتی حرام قیللرسه امام اعظم عندده کفارت لازم کلدیکی والله تعالی نك،  
قوللرینک قصورینی عفو ایدهرک اعتذار ایدنلره مرحمت بیورجیجی اولدیغی بو آیتدن مستفاد  
اولان فوائد جمله سنددر.

\*\*\*

واجب تعالی حلال اولان شیهه انتفاعدن نفسی منع ایتکدن رسولنی ضمانتی  
ایتدکن صوکره بوقیلدن اولان یمینلرک کفارتی بیان ایتک اوزره ﴿قَدْ فَرَضَ اللَّهُ  
لَكُمْ تَحِلَّةَ أَيْمَانِكُمْ وَاللَّهُ مَوْلَاكُمْ وَهُوَ الْعَلِيمُ الْحَكِيمُ﴾ بیوریور.

[محقق الله تعالى سرك ایچون یمینلریکیزک کفارتی ویرمکه تحلیلی فرض قیلدی  
والله تعالى سرك مولا کز و یاردیمجیکزدر. زیرا؛ الله تعالى سرك حقکیزده منفعت  
اولان شیئی بیلجیدروسرك ایچون فرض اولمسیله حکم ایتدیکی شی حکمتدن خالی دکدر.]  
یعنی؛ الله تعالى سرك یمینلریکیزی کفارتی ویرمکه او یمینله باغلامش اولدیغی شیئی  
جوزمکلکی واجب قیللمقله یمینی مشروع قیلدی والله تعالى سرك یاردیمجیکزدر. بناء  
عليه؛ هر نهیه حکم ایدرسه آنده البته سرك منفعتکیز وارددر. حتی یمینکیزدن لازمکلن  
حرمتی کفارتله قالدیرمکیزی سزه امرنده منفعت اولدیغی جهته بو امری سزه معاونتدن  
باشقه برشی دکدر والله تعالى سرك منفعتکیزه موافق اولان شیئی بیلیر و آکا کوره حکم  
ایدر و حکمنده اصلا خطا اولماز و حکمی قوللری حقنده منفعتی متضمندر.

واجب تعالی بو آیتده ارج حکم بیان ایتشددر: برنجیسی؛ انسانره واقع اولاره

یمینک غلبینی فرصه قیللمسیر. یعنی یمینله انسانک باغلامش اولدیغی شیئی جوزمسنی امر  
ایتشددر. چونکه؛ انسان برشیئی «ایشلرم» و یاخود «ایشلهم»، یاخود برشیئی «یرم»  
و یاخود «یمهم» دییه رک یمین ایتدیکنده یمینله باغلامشدر. ایشه او باغک کفارتله جوزولمسی  
جناب حق امر ایدیورکه یمیندن خلاص اولسون. مباح اولان برشیئی نفسنه حرام  
قیلمق امام اعظمه کوره یمین اولدیغنه نظراً او یمیندن حاصل اولان حرمق قالدیرمق  
واو شیئی حلال قیللمق کفارتله اولدیغندن جناب حق کفارتله امر ایتشددر.

ایکینجی حکم؛ جناب مهفک قوللرینه یاردیمجی اولمسیر. چونکه؛ الله تعالی  
قوللرینک هر ایشلرینی بیلوب و آنلری یاراتوب مکلف قیلدیغندن درکاهنه التجا ایدنلره  
عنایتی اسیرکه مز و هرشیئی خلق ایدن الله تعالی اولدیغی ایچون عبدایچون وظیفه عبودیت؛  
اسبابه توسل ايله برابر اللهم معاونتته دائماً التجا ایتکدر. زیرا؛ جناب حق قوللرینک  
مولای و معین و ناصر لیدر.

اوچنجی حکم؛ واجب تعالی نك قوللرینک هر ماللرینی بیلیمی و علمنک ایمانی  
قوللرینک ماللرینه موافق حکم ایدیمی اولمسیر. زیرا؛ جناب حق هر کسک استحقاقی  
واستعدادینی بیلدیکندن هر کسک استحقاقه کوره خلق ایدر.

\*\*\*

واجب تعالی رسول الله حلال اولان برشیئی نفسنه حرام قیلدیغی بیاندن صوکره  
شو حرام قیللمانک سببی و ناصل حرام قیلندیغی و وقعه نك اصلی بیان ایتک اوزره  
﴿وَإِذْ أَسْرَأَ النَّبِيُّ إِلَىٰ بَعْضِ أَزْوَاجِهِ حَدِيثًا﴾ بیوریور.

[ای مؤمنلر! ذکرایدک سز شول وقتی که او وقتده سرك نبیکز زوجه لرندن  
بعضیسنه کیزی برسوز سویله دی و اوسوزک باشقه لرینه سویله نه مسنی و خارجه طاغیدلامسنی  
توصیه و تنبیه ایتدی.]



﴿ فَلَمَّا نَبَّأَتْ بِهِ وَأَظْهَرَهُ اللَّهُ عَلَيْهِ عَرَفَ بَعْضُهُ وَأَعْرَضَ عَنْ بَعْضٍ فَلَمَّا نَبَّأَهَا بِهِ قَالَتْ مَنْ أَنْبَأَكَ هَذَا قَالَ نَبَّأَنِيَ الْعَلِيمُ الْخَبِيرُ ﴾

[ وقتا کہ رسول اللہک زوجہ لرندن او کیزی سوزی سویلہ مش و افشا اولونامسنی تنیہ ایتیش اولدینی ( حفصہ ) او سوزی کندندن باشقہ سنہ سویلہ دی واللہ تعالیٰ حفصہ نک سویلہ دیکنی رسولنہ اظهار ایتدی و بیلدیردی ایسه رسول اللہ حفصہ نک افشا ایتدیکی سرك بعضیسنی حفصہ یه تعریف ایتدی و بعضیسنی تعریف ایتمکدن واز کج دی . وقتا کہ رسول اللہ حفصہ یه سری افشا ایتدیکی خبر ویردی ایسه حفصہ رسول اللہ « بونی سکا کیم خبر ویردی » دیدی . رسول اللہده جوابنده « بونی بکا هر شیئی بیلجی و خبر ویریجی اولان الله تعالیٰ خبر ویردی » دیدی . ]

یعنی ؛ شول وقتی ذکر ایدک خاطر یکزدن چیقارمایک که سرك پیغمبریکزک زوجہ لرندن بعض اولان حفصہ یه اسرار اولارق پیغمبریکز علیه السلام جاریہ سی ( ماریه ) بی نفسنه حرام قیلدیغنی و ابوبکر و عمر رضی الله عنہما نک بوا متہ خلیفہ اولاجق لرینی خبر ویروب بوا سراری کیمسہ یه سویلہ مسنی تنیہ و توصیہ ایتشدی . وقتا کہ ( حفصہ ) کال فرخندن بوا سراری صاقلایامیه رق حضرت عائشہ یه خبر ویرنجہ الله تعالیٰ حفصہ نک، اسراری حضرت عائشہ یه خبر ویردیکی رسولنہ بیلدیردی ایسه رسول اللہ حفصہ یه غضب ایدہ رک عائشہ یه خبر ویردیکی اسرار دن بعض اولان ماریه بی تحریم ایتدیکی جهتی سویلہ دیکنی حفصہ یه بیلدیردی و اسرارک دیکر قسمی اولان خلافت مسئلہ سنی سویلہ دیکنی حفصہ یه بیلدیرمکدن اعراض ایتدی . وقتا کہ رسول اللہ حفصہ یه سری افشا ایتدیکی سویلہ نجہ حفصہ « یار رسول الله ! بونی سکا کیم خبر ویردی » دیدی . رسول اللہده هر شیرلی بیلجی و خبر ویریجی اولان الله تعالیٰ نک خبر ویردیکی حفصہ یه سویلہ دی . بوندن اول بیان اولوندینی و جهله رسول الله حفصہ بی بووقعه اوزرینه طلاق رجعی ایلہ بر طلاقه تطبیق ایتیش و صوکره جبریل امینک بیانی اوزرینه رجعت ایدوب قبول بیورمشر .

فخر رازینک بیانی و جهله خبیر، علیم لفظندن دها زیادہ معنایہ دلالت ایتدیکندن علیم لفظندن صوکره خیر وارد اولمشر . چونکہ علیم ؛ بلیجی دیمکدر .

خبیر ایسه بلیجی و بیلدیکی خبر ویریجی دیمکدر . شو حالده خبیر لفظنده هم بلمک هم ده بیلدیکی خبر ویرمک اولدیغندن ایکی معنایہ دلالت ایدر . بناء علیه ؛ خیرده علیمدن دها زیادہ معنا موجوددر .

خلاصه ؛ ایکی کیمسه آرہ سنده واقع اولان اسرارک باشقہ سنہ خبر ویرلسی نظر شرعده مقبول اولمادینی و اواسراری سویلہ یه کیمسہ بی عتاب جائز ایسه ده عتابک واجب اولمادینی واللہ تعالیٰ نک رسولنہ بعض مغبیاتی خبر ویردیکی بوا ایتدن مستفاد اولان فوائد جمله سندندر .

..

واجب تعالیٰ رسولنک یمنی و یمین اوزره لازمکن کفارتی و رسول اللہک رضایی خلافتہ یمنی خبر ویرن حفصہ نک خبر ویردیکی رسولنہ بیلدیردیکی بیاندن صوکره رسول الله طرفندن عائشہ و حفصہ یه واقع اولان خطابی بیان ایتک اوزره ﴿ اِنْ تَتُوبَا اِلَى اللَّهِ فَقَدْ صَغَتْ قُلُوبُكُمَا ﴾ بیوریور .

[ یا عائشہ و حفصہ ! اکر سز رسول الله تعالیٰ یه توبہ ایدر و قصوریکزه ندامت ایدہ رک درگاه الوهیتہ مراجعت ایدرسہ کز سزک ایچون خیرلی اولور و قلبلریکز کناھدن تمیزله نور . ]  
﴿ وَاِنْ تَظَاهَرَا عَلَيْهِ فَإِنَّ اللَّهَ هُوَ مَوْلَاهُ وَجِبْرِيلُ وَصَالِحُ الْمُؤْمِنِينَ وَالْمَلَائِكَةُ بَعْدَ ذَلِكَ ظَهِيرٌ ﴾

[ واکر سز رسول اللهه مخالفتده دوامله رسول الله اوزرینه یکدیگریکزه یاردیمجی اولورسہ کز الله تعالیٰ محقق رسولنک یاردیمجیسی در و جناب حقک یاردیمندن صوکره جبریل امین و مؤمنلرک صالح اولانلری و ملکر رسول اللهه یاردیمجیلردر . ]

یعنی ؛ ای عائشہ و حفصہ ! سزدن صادر اولان کناھدن خلوص نیت و صمیمیت اوزرینه رسول اللهه کال موافقتکزه دلالت ایدر صورتده ندامت و توبہ ایلہ رسول اللهی راضی ایتک خصوصنده درگاه الوهیتہ التجا ایدرسہ کز قلبکز پاکله نور و اوزریکزه



واجب اولان شیئی ایشله مش اولورسکنز . زیرا ؛ سزك قبلریکنز رسول اللهك راضی اولمادینی شیئی ایشله دیککزدن محقق حقدن میل ایتدی . چونکه ؛ سز رسول اللهك سزه امانت ایتدیکی اسراری اظهار ایتمکه اذی ایتدیکنزدن قلب رسول اللهی رنجیده ایتدیکنز . بناء علیه سزه واجب اولان ؛ امر رسول الله امتثال ایتک ایکن بوامتالی ترککزدن طولانی توبهیه محتاج کناه ایشله دیکز . شو حالده توبه ایدرسه کز کناهکنز عفو اولونور . اگر سز بربریکزه آرقه ویره رک رسول اللهك رضایی خلاقه دوام ایدرسه کز بودوامکنزله رسول الله بر ضرر یاپامازسکنز . زیرا ؛ سزك بربریکزه یاردیمکزدن صوکره الله تعالی وجبریل امین و مؤمنك صلحاسی و ملکر رسول الله هر زمان و هرشیده یاردیم ایتدکری کی بوخصوصده دخی یاردیم ایدیجیلردر . شو حالده سز هر نه قدر مخالفت ایتسه کز رسول الله بر کدر عارض اولماز . چونکه ؛ رسولك هرامورینه متولی آنجق الله تعالی در . بناء علیه ؛ مخالفتکزک فائده سی یوقدر .

ایشته شو اساسه بناء رسول اللهك شریعتیه لایقی وجه اوزره عمل ایدنلره هر نه قدر مخالفت ایدنلر اولسه ده الله تعالی یاردیمجیلری اولدیغندن مخالفت ایدنلر مغلوب و شریعتیه عامل اولانلر غالبدر ، کر کدرکه آنلر بحق شریعتیه یایشمش اولسونلر . بناء علیه ؛ هر نه زمان هانکی قوم که شریعتیه دایمش آنلر غالب اولمشلردر و هانکی ملت که شریعتدن چیقمش آنلر ذلیل و حقیر اولارق مضمحل اولمش کیتمشلردر .

خلاصه ؛ حضرت حفصه و عائشه رضی الله عنهما دن واقع اولان قصورلرندن توبهیه دعوت اولوندقلری و اگر بربرلرینه یاردیمله مخالفتده دوام ایدرلرسه مخالفتلرندن بر فائده کوره میه جککری وزیرا ؛ الله تعالی نک وجبریل امینک و اول ایمان ایدن صلحاسنک و سائر ملکرک رسول الله یاردیمجی اولدقلری بوآیتدن مستفاد اولان فوائد جمله سنددر .

\*\*\*

واجب تعالی حضرت عائشه ایله حفصه یه عتابی بیاندن صوکره بالعموم ازواج مطهراته تعریض ایتک اوزره ﴿ عَسَى رَبُّهُ اِنْ طَلَّقَكُنَّ اَنْ يُبَدِّلَهُ اَزْوَاجًا خَيْرًا مِنْكُنَّ مُسْلِمَاتٍ مُّؤْمِنَاتٍ قَاتِنَاتٍ تَابِتَاتٍ غَائِبَاتٍ سَائِحَاتٍ ثَيِّبَاتٍ وَابْنَكَارًا ﴾ بیوریور .

[ ا کر پیغمبر علیه السلام سزك کناهکزدن طولانی سزی تطلیق ایدرسه یقین زمانده آنک ربی آکسزی سزدن دها خیرلی زوجه لره تبدیل ایدرکه اوزوجه لر رسولنه تمامیه اطاعت ایدیجی و قبلرله جناب حق و رسولنه ایمان ایتمکه برابر اطاعتده دواملی و بالعموم خیرانه سعی ایدیجی و هر وقتده رسولنه خضوع و خشوع اوزره تواضعده بولونارق بالعموم کناهلردن توبه ایدیجی و کمال اخلاصه الله تعالی یه عبادت ایدیجی و جوق زمانده اوزوجه دوامله حرام اولان شیلردن صاقیدیجی ثیب و با کر زوجه لر خلق ایتمکه رسولنی مسرور ایدر ، سزه طلاق و یرمکه مأیوس ایتمز . ] و بوکی زوجه لری خلق ایتک جناب حق قدرته نسبتله غایت قولایدر . بناء علیه ؛ سزه طلاق و یرمکدن رسول الله بر کدر عارض اولماز .

فخر رازینک بیانی وجهله بوآیتده ثیب ایله با کری ذکر ؛ وقوعائی عینیه بیان ایتمکدر . چونکه ؛ اوزمانده موجود اولان ازواج مطهراتده هرایکی صنفیده موجود اولدیغندن تبدیل واقع اولسه عین صورته اولاجغنی بیانه کله جککک کیده جککزدن هیچ بروجله نقصان اولیه جغنی و بووسیله ایله رسول اللهك قلب نبویلری راحت اولاجغنی بیان بیورمشدر . ثیبانی ذکر ؛ مقام مدحده ذکر اولونمشدر . زیرا ؛ بعض ثیب رسول الله عندده اخلاق حمیده جهتندن با کردن دها زیاده مقبول اولابیلر .

ازواج مطهرات هر نه قدر رسول الله زوجه اولق شرفیه مشرفه اولدقلرندن اوزمانده دنیاده بولونان نسوانک جمله سندن خیرلی ایه لرده کندیلرندن وقوعبولان بعض قصور اوزرینه تطلیق اولونمقله رسول اللهدن ایریلنجه اوشرف کندیلرنده قائیه جنی جهته آنلرک بدلنده یرلرینه کله جک خاتونلرک آنلردن دها خیرلی اولاجغنده شبهه یوقدر . زیرا ؛ مطلقه اولانلر رسول الله شرف زوجیتدن محروم اولمش و یرلرینه کاتلر شرف زوجیت احراز ایتمش اولدقلری جهته ایکنجی کلنلرک خیرلی اولاجقلری آشکاردر .

بو آیتده مقام مدحده بیان اولونان صفتلرله مراد ؛ ازواج مطهراته شو اوصافی جامع اولماری لایق و بواوصافک کندیلرنده بولونمسه معنی ایتلری لازم اولدیغنی توصیوره . یعنی « سزده بویه اولملی سکنز » دیمکدر . ازواج مطهراتک « ا کر رسول الله سزه طلاق و یررسه ، دیبه رک طلاقلری تعلیق اولونمقدن رسول اللهك حضرت حفصه یه بالفعل طلاق



ویرمه مش اولسی لازم کلز . چونکه ؛ مجموعنک طلاق معلق اولقدن ایچندن بعضیسنک مطلقه اولماسی لازم کلز . بناء علیه ؛ حضرت حفصه نك طلاقه دائر بیاناتک بوآیتده کی تعلیقہ منافاتی یوقدر .

بو آیتده بیان اولونان صفتلرک جمله نسوانده بولونسنه اشارت واردر . چونکه ؛ ازواج مطهرات اصحابدن اولدقلری جهنمه بوامتک مقتداهلری اولونجه بوامتک خاتونلرکده اوصفت اوزره اولملری لازم اولدیغنده شبهه یوقدر .

خلاصه ؛ رسول اللهک خاتونلرینه طلاق ویرمسی فرض و تقدیر اولونسه چوق زمان کچمکسزین آنلرک یرلرینه جناب حقک رسولنه آنلردن ده خیرلیرینی خلق ایدیه جکی و اوخیرلی خاتونلر رسول الله مطیع و منقاد و الله و رسولنه خلوص قبله مؤمنه و کجهلری نمازه و کوندوزلری اوروجه دواملی و کناهلرندن توبه ایدر عابده و زاهده اولاجقلری و انواع خیراته سعی ایدر نیب و با کره رایکی صنفندن ده بولوناجقلری بوآیتدن مستفاد اولان فوائد جمله سندندر .

..

واجب تعالی رسولنه بعض امورده مخالفت ایدنلری تهدیدایتد کدن صوکره جمله اهل ایمانی تهدید و نفسلرینی جهنمدن وقایه ایتملرینی توصیه ایتمک اوزره ﴿يَا أَيُّهَا الَّذِينَ آمَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ﴾ بیوریور .

[ ای مؤمنلر ! نفسکزی و اولاد و عیالکزی جهنمدن وقایه ایدک . زیرا جهنمک طوتروغی ؛ انسانلر و کبریت طاشلریدر . ]

﴿عَلَيْهَا مَلَأْتُكُمْ غِلَظًا شِدَادًا لَا يَمْنَعُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ﴾ [ جهنم اوزرنده مأمور ملکلر واردر که آنلر غایت سرت و آجی سوزلی جهنمه کیرنلره انواع عذابله تعذیبه قوتلری کافی واللهمک امرینه اصلا عصیان ایتمزلر و مأمور اولدقلری شیئی ایشلرلر اصلا او امرک خارجه چیقمازلر . ]

(قوا) لفظی وقایه دن امردر و نفسکزی کناهلردنه صاقینک دیمکدر . (واهلکم) اولاد و عیال جمعه شاملدر . اولاد و عیالی جهنم آتشدن وقایه ایتمک ؛ آداب شرعیه ایله تأدیب ایله مک و عبادته و انواع خیراته آنلری سوق ایدوب الله تعالی به عبودیتک بوللرینی اوکرتکم و شرعاً منهی اولان و جائز اولمایان شیلردن آنلری منع ایتمکله اولور .

(وقودها) جهنمک طوتروغی یعنی آتشی باقیه ایمونه آنک اؤکنده باقیه کوره و میره کبی قوری بانامیه دیمکدر . حجاره ؛ بعضی اثرلرده کوردرلرکی و جهنم کبریت طاشلریدر . زیرا ؛ آنلر ای یاندینی کبی حر راتی ده یاغق شانندن اولان هرشیدن زیاده در . شوخالده جهنمک طوتروغی کبریت طاشیله انسانلرک جسدلری اولاجغنی بیان ؛ عذابک شدتنه اشارتله انسانلری کناهلردن منعه مبالغه واردر . چونکه ؛ طوتروغی اودون اولان آتشله کبریت طاشی اولان آتش بیتده البته فرق چوقدر . (علیها ملائکة) جهنم اوزرنده ملکلر واردر که بعض حدیث شریفده بیان اولوندیغنه نظراً او ملکلر اون حقوقدر و آنلره زبانی دینور و جهنم ایشلرینی کورمکه مأمورلردر . بونک بو دنیا ده امتالی حبس خانه مدیرلیدر . اما آنلرک معیتلرنده خدمتجیلری بر چوق ملکلر دخی بولونابیلرلر ، مثلاً حبس خانه مدیرلرینک معیتلرنده غاردیانلر بولوندیغنی کبی . (غلاظ) غایت سرت سوزلو و اهل جهنم خوشونی و آجی سوزلریمی دیمکدر : (شداد) اهل جهنم هر درلو عذاب مقدرلر دیمکدر که کندیلرینه اصلا یوموشاقلق و کولمک و لطیفه ایتمک کبی شیلر عارض اولمادیغنی کبی قبللرنده اهل جهنمه اصلا مرحمت یوقدر و جسملری غایت بویوک و قوتلری غایت عجیب در . حتی بریسنک بردفعه ده یتش بیک کیشینی بردن جهنمه آتغه قدرتلری کافی اولدیغنی بعض احادیث جلیله ده روایت اولونمقده در . بونکله برابر زبانیلر الله تعالی به اصلا عصیان ایتمزلر و مأمور اولدقلری وظیفه لری نه ایسه آتی دوام اوزره کوردرلر و وظیفه لرندن برکیمسه نک شفاعتیه و یا خود کندیلرینک شفقت و مرحمتلریله آزیچق برشیده مسامحه ایتمزلر واللهمک غضبندن قورقدقلری ایچون مأمور اولدقلری شیلری ایشلرلر و آنک خارجه چیقمازلر .

شوقصیلاته نظراً معنای آیت : [ ای مؤمنلر ! نفسکزی و اولاد و عیالکزی



آداب شرعی ایله تأدیب ایدوب خیره چالیشمق و شردن قاجینمق واللہک امر ابتدکی  
شیلرک جمله سنی طوتمق ونهی ابتدکی شیلرک جمله سنی ترک ایتک صورتیله جهنم آتشدن  
اسیرکه یک که نفسکزی و اهلکزی جهنم عذابنه دوچار ایتیه سکز. زیرا جهنمده یانا جق  
شی؛ انسانلرک جسملری وهرشیدن زیاده حرارتلی اولان کبریت طاشلریدر و او جهنم  
اوزرنده عجیب الشکل و غریب الطور ملکدر واردرکه آنلرک اهل جهنمده سوزلری غایت  
سرت و آجی اولوب آنلرده اصلا مرحمت اثری یوقدر و انواع عذابه مقتدردر و جسملری  
یک بوپو کدر و قوتلری اهل جهنمک ضبط و ربطنه کافیدر. بونکله برابر الله تعالی به  
اصلا عصیان ایتزلر و مأمور اولدقلری شیلری ایشلرلر [ دیمکدر .

بوآیت جلیله جناب حق جهنمک آتشنک قوتی و اوزرنده اولان ملکدرک شدتی  
بیانه انسانلری انصافه و کندی نفسلرینه مرحمت دعوت ایتش و نفسلرینی و اولاد و عیاللرینی  
جهنم آتشدن وقایه ایتلرینی امر و توصیه بیورمشدر .

خلاصه جمله اهل ایمانه لازم اولان وظیفه دینیہ؛ کندیلرینی و اولاد و عیاللرینی  
جهنم عذابنه سبب اولاجق کناهلردن صاقینمق لازم اولدینی و جهنمده مأمور اولان  
زبانلرک اهل جهنمده اصلا مرحمت یوزی کوستریمه جکلری و او زبانلر الله تعالی به عاصی  
اولمایوب هر نه ایلله امر اولونورلرسه آتی رینه کتیره جکلری و جهنم آتشی سائر آتشلر  
نسبتله یک شدتی اولوب آنک یاقاجق اودونی ایسه کبریت طاشلری و انسانلرک جسملری  
اولدینی بوآیتدن استفاده اولونان فوائد جمله سندندر .

..

واجب تعالی بالعموم اهل ایمانه خطابدن صوکره کافرلره خطاب ایتک اوزره  
﴿ يَا أَيُّهَا الَّذِينَ كَفَرُوا لَا تَعْتَذِرُوا الْيَوْمَ إِنَّمَا تُجْزَوْنَ مَا كُنتُمْ تَعْمَلُونَ ﴾  
بیوریور .

[ ای کافرلر! بو کونده اعتذار ایتیهک . زیرا؛ عملکزلله جزالاندیفکزر  
ایچون اعتذاریکزر مقبول دکدر. ]

یعنی؛ هدایتیه ایصال ایچون کوندربلن رسوللره ایمان ایتیه یوب کفرده اصرار  
و عناد ایدن کافرلر! جهنم آتشی کوزیکزلله کوروب شبهه کز قالمادیفی کونده اعتذار  
ایتیهک . زیرا؛ سزدنیاده آنجق عمل ایتدی ککر کناهلر یکزک جزاسیله جزالانیورسکز.  
کناهلکزدن باشقه برجزا ایلله جزالانیورسکز که اعتذاریکزر قبول اولونسون .

فخر رازی و خازنک بیانلری و جمله شریعتله عملک و ایمانک و کناهلره توبه نیک  
و اعتذارک محلی دنیا اولوب بوکی عمللرک محلی اولان دنیایی کجکدن صوکره آخرته  
ایمان و عمل قبول اولمادیفی کی کناهلردن اعتذار دخی قبول اولونماز . چونکه؛ آخرت  
دارتکلیف اولمادیغندن بونلرک هیچ برینک محلی دکدر و کافرلرک آنجق کندی کفرلری  
و سائر عمللری مقابلنده جزا کوروب عمللرندن زیاده عذابله ظالم اولیه جقلرینه اشارت  
ایچون مضمومه دلالت ایدن ( اِنَّمَا ) لفظی وارد اولمشدر . چونکه؛ بومقامده ( اِنَّمَا )  
آنجق جزالرینک عمللرینه کوره اولاجغنه و عمللرندن زیاده اولیه جغنه دلالت ایدر .

خلاصه؛ یوم قیامتده کافرلرک اعتذارلری قبول اولونیمه جفی و جزالرینک مقداری  
آنجق کناهلرینک مقداری اولاجفی و کناهلرندن زیاده جزا کورمکه ظلم اولونیمه جقلری  
بوآیتدن مستفاد اولان فوائد جمله سندندر .

..

واجب تعالی آخرته کافرلرک اعتذار و توبه لرینک قبول اولونیمه جفی بیاندن صوکره  
توبه نیک و اعتذارک محلی اولان دنیاده توبه ایتلرینی اهل ایمانه امر و توصیه ایتک اوزره  
﴿ يَا أَيُّهَا الَّذِينَ آمَنُوا تَوْبُوا إِلَى اللَّهِ تَوْبَةً نَّصُوحًا عَسَىٰ رَبُّكُمْ أَن يُكَفِّرَ عَنْكُمْ  
سَيِّئَاتِكُمْ وَيُدْخِلَكُم جَنَّاتٍ تَجْرِي مِنْ تَحْتِهَا الْأَنْهَارُ ﴾ بیوریور .

[ ای مؤمنلر! سز نصیحت ایدیجی توبه ایلله توبه ایدک . یقین زمانده ربکزرک  
سزک کناهلر یکزی کفارت ایدوبده آتشدن نهرلر جریان ایدن جتله سزی ادخال  
ایتیمی مأمولدر . ]



(توبه نصوحاً) انسان نصیحت ابریمی توبه دیمکدر . چونکه نصیحت ؛ انسانی

عبادت زغیب و کناهلردنه منع ایتیمکدر عبارت اولدیفی جرئت حقیقی بر توبه ده هر هانکی کناهه توبه ایتیم ایشه توبه ایدن کیمسه نک توبه سی او کناهند منع ایتدیکي جهته او توبه به نصوح دینور . اگر توبه سنده ثبات ایدرسه او کناهی بر دها ایشه مک توبه سی دائماً مانع اولور . اما توبه ایدرده صوکره توبه بی بوزار و تکرار کناهی ایشلرسه توبه نصوح اولاماز . زیرا ؛ توبه سی نصیحت ایتیم اولسه ایدی توبه ایتدیکي کناهی تکرار ایشه مزدی ، حالوکه ایشه دی . بناء علیه ؛ توبه سی نصوح اولامادی .

کفارت ؛ توبه سبیل کناهلک اور توبوب او کناهلردنه طوبی صامینک جزا کور مسیر . توبه سبیل کناهلک عفو اولونسی فضل الهی اولوب توبه نک کفارتی موجب اولمادیغه اشارت ایچون طمع دلالت ایدن ( عی ) کله سی وارد اولمدر . بناء علیه ؛ انسانک قورقو ايله امید آره سنده اولمی لازمدر . زیرا ؛ توبه ایدنجه توبه سنک قبولی محقق دکدر . ( عی ) کله سنک افاده ایتدیکي رها معنای الهک قوللرینه عاندر ، یوقسه الله تعالی عننده هرشی محقق اولدیغندن جناب حقک علمنه نظراً هیچ بر شیده رجا تصور اولونماز . زیرا ؛ علم الهیده و عند سبحانیده هرشی قطعیدر . بناء علیه ؛ واجب تعالی به نسبتله ( عی ) کله سی محقق و قوللرینه نسبتله رها به دلالت ایدر .

بو آیتده ابوالسعود افندینک و نيسابورینک بیانلری وجهله توبه ايله امر الهی ؛ در حال انسانک ایشه مش اولدیفی کناهند توبه ایتیمی واجب اولدیغه دلالت ایدر . زیرا مطابق اولونه امده علم اصولده بیان اولوندیفی وجهله اصل اولان ؛ فوراً یعنی در حال وجوب افاده ایتیمکدر . شو حالده بو آیتده توبه ايله امر الهی بر شیله مقید اولمایوب بلاقید و شرط توبه ايله امر اولوندیغه نظراً کوچوک و بویوک بر کناهی ایشه بن کیمسه نک در حال توبه ایتیمی واجب اولور ، توبه بی تأخیر جائز اولماز . بناء علیه ؛ کناهی ایشه دکدن صوکره توبه بی تأخیر ایدرسه اصل کناهی ایشه مکله کناهلکار اولدیفی کبی توبه بی تأخیرندن طولانی ایکنجی بر کناهله دخی کناهلکار اولور .

توبه نک تمام اولمی ؛ اگر توبه الهله قوی آره سنده واقع اولان کناهند اولورسه

او کناهی ترک ایتیمک و کناهی ایشه دیکنه پشیان اولق و بر دها ایشه مه مسنه کال جدیدته نیت ایتیمک ايله توبه تمام اولور . اما ایشه نیلن کناه حقوق عباده متعلق اولورسه حق صاحبی اولان کیمسه ايله حلال لاشمق توبه نک شرائطی جمله سندنر . بر جوق کناهی اولان کیمسه او کناهلرک بعضی سندن توبه ایتسه قبول اولور ، دیکر لرندن توبه ایتمه سی بعضی سندن توبه نک قبوله مانع اولماز .

هر مکلف اوزرینه واجب اولان ، دائماً کناهنه زمان فوت ایتیمکسزین توبه ایتیمکدر . چونکه ؛ مسلم حضرت لرینک ( اغسر بن یسار مزنی ) دن روایتله نظراً رسول الله ( یا ایها الناس توبوا الى الله فانی اتوب فی الیوم مائة مرة ) بیورمشدر . یعنی « ای ناس ! الله تعالی به توبه ایدک . زیرا ؛ بن بر کونده یوز کره توبه ایدرم » دیمکدر . رسول اللهک بو کلامنده توبه ايله امر اولدیفی جهته امتنه توبه نک واجب اولدیفی بیان و کندیلمی معصوم اولدقلمی حالده یومیه یوز کره درگاه الوهیته مراجعتلرینی امتنه اعلانله توبه به تشویق بیورمشدر .

شو تفصیلاته نظراً معنای آیت : [ ای مؤمنلر ! مطلقاً کناهلردن قبلر یکرزی تمیزله مک ایمانکزک مقتضای اولوب قبلر یکرزی تمیزله مک ایشه کندیلمی و واقع اولان قصور لر یکرزه ندامتله توبه و درگاه الوهیته مراجعتکزله اولاجغندن خلوص قبلله الله توبه ایدک که او توبه سزی بر دها کناه ایشه مکدن منع ایتیمکله نصیحت ایدیمجی اولسون . و معصیتدن منع ایتیمکله نصیحت ایتدیکي کبی قبلکزی ناصل پاکه رسه ظاهر اعضا کزی دخی عبادت الهیه ايله تزین ایدیمجی اولسون و سز کناهلردن قطع علاقه ایدرک توبه ایدرسه کز سزک کناهلکزی ربکزک عفو ایدوب آلتندن نهرلر آقار جتله اذخال ایده جکی مأمولدر ] دیمکدر .

خلاصه ؛ کناهلکار اولان کیمسه لر اوزرینه زمان فوت ایتیمکسزین توبه نک واجب و توبه کناهلک کفارتنه وجته کیمکه سبب اولدیفی بو آیتدن مستفاد اولان فوائد جمله سندنر .

..

واجب تعالی خلوص نیتله توبه ایدوب توبه سنده ثبات ایدن قوللرینی جته اذخال



ایده جگنی بیاندن سوکره قوللرینی جته قویاجنی زمانی بیسان ایتک اوزره ﴿يَوْمَ لَا يُخْزِي اللَّهُ النَّبِيَّ وَالَّذِينَ آمَنُوا مَعَهُ نُورُهُمْ يَسْعَىٰ بَيْنَ أَيْدِيهِمْ وَبِأَيْمَانِهِمْ﴾ بیوریور .

[ الله تعالى کندینه ایمان و توبه ایدن قوللرینی شول کونده جته ادخال ایدرکه او کونده نبی ذیشان و برابرنده بولونان اهل ایمانی رسوای ایتمز و اهل ایمانک ایمانلرندن حاصل اولان نورلری کندی حضورلرنده و صاغ طرفلرنده پارلار و او نور آنلری احاطه ایدر . ]

﴿يَقُولُونَ رَبَّنَا آتِنَا نُورًا وَافْقِرْ لَنَا إِنَّكَ عَلَىٰ كُلِّ شَيْءٍ قَدِيرٌ﴾

[ و او نوره غرق اولوندقلری کونده اهل ایمان دیرلرکه « یارب ! بزم نوریمیزی اتمام و بزه مغفرت ایت . زیرا ؛ سن هر شینه قادرسک . » ] ایشه اهل ایمان بویله دیمکله جناب حقه نیاز ایدرلر .

(لایخزی الله النبی) خزی ؛ برکیمی رسوای و عالم قارشی رزبل و محبوب ایتکدر .

نبی ایله مراد ؛ بزم پیغمبریمز محمد علیه الصلوة و السلام افندیمزور . « الله تعالى نبیسنی خزی ایتمز » دیمک « یوم قیامتده شفاعتی رد ایله عالم قارشی محبوب ایتمز ، بلکه دنیاده دینی اعلا و شانی عالی قیلدینی کی آخرتده دخی شفاعت عامه سنی قبول ایدره رک شانی عالی قیلار ، دیمکدر .

(نورهم یسعی بین ایدیهم) اهل ایمانک نورلری ایله مراد ؛ ایمانه و عمللرنده

حاصل اولانه نورلریمز . نورلرینک اوکلرنده و صاغ طرفلرنده سعی ایتسی ایله مراد ؛ بوم قیامتده بورودکلرنده اوکلرنده و دوردکلرنده صاغ طرفلرنده او نورک یارلاماسیمز . و بالخاصه صراط اوزرنده او نور آنلری ساحه سلامتیه چیقارمق ایچون اوکلرندن بدر کوتورور .

(ربنا آتم لنا نورنا) نورلرینک اتمامیه تضرعک معناسی ؛ منافقلرک نورلری سونوب

قارانلقده قالدجه مؤمنلر الله تعالی به التجا ایدرلر و دیرلرکه « ای بزم ربمز ؛ بزم نوریمیزی اتمام ایت ، سوندروب بزی قارانلقده قویما و بزم و اراجغمز محله قدر نوریمیزی دوام ایتدیرکه نورله شادمان اولارق و ارام ، یوقسه قارانلق ایچنده قلوب پریشان اولیهلم » دیمکدر .

شوتفصیلاته نظراً معنای آیت : [ الله تعالى توبه ایدن قوللرینی آلتندن ایرمقلر آقار جته قویاجنی کونده بزم پیغمبریمز محمد علیه الصلوة و السلامی شفاعتی ردایله عالم قارشی محجوب و رسول الله برابر ایمان ایدن مؤمنلرک کناهلرینی میدانه قویمقله رسوای ایتمز و او مؤمنلرک ایمان و عمللرندن حاصل اولان نورلری یورودکلرنده اوکلرنده و دوردقلری زمان صاغ طرفلرنده پارلار و او وقتده منافقلر قارانلق ایچنده قالدقلرنده مؤمنلر جناب حقه نورلرینک سونمه یوب دوام ایتسی آرزو ایدرلر و دیرلرکه « ای بزم ربمز ! بزم نوریمیزی دوامیه اتمام ایت ، سوندوروبده بزی منافقلرکی قارانلقده قویما و بزم کناهلریمیزی مغفرت ایت بزی رسوای ایتمه . زیرا ؛ سن محقق هر شیره و هر شی ایچندن بزم کناهلریمیزی مغفرت و عفو ایتمه قادرسک . چونکه ؛ هر شیئک خالق اولدیفک جهته بزم کناهلریمیزی مغفرت و نوریمیزی اتمام ایتک کی ممکنساتدن اولان شیلرک جمله سنه قادر اولاجفک اولویتله ثابتدر ] دیمکدر .

خلاصه ؛ یوم قیامتده واجب تعالی نک رسولی ، شفاعتی ردایده رک محجوب و مؤمنلری ، کناهلرینی اظهارله رسوای ایتیه جکی و مؤمنلرک نورلری کندیلرینی بر ساحه سلامتیه چیقارده جنی و او کونده مؤمنلرک ، نورلرینی اتمام و کناهلرینک مغفرت اولونمسی خصوصنده جناب حقه التجا و جناب حق هر شینه قادر اولدیفی بیان ایده جکلری بو آیتدن مستفاد اولان فوائد جمله سندندر .

\*\*\*

واجب تعالی مؤمنلرک توبه سنی قبول ایله جته ادخال ایده جگنی و آخرتده آنلری رسوای ایتیه جگنی بیاندن سوکره مؤمنلر ایچون کافرلر حقنده یایلا جق معامله یی بیان



ایتمک اوزره ﴿يَا أَيُّهَا النَّبِيُّ جَاهِدِ الْكُفَّارَ وَالْمُنَافِقِينَ وَاغْلُظْ عَلَيْهِمْ وَمَا يُهِمُّ  
جَهَنَّمَ وَبَشِّرِ الْمَصِيرُ﴾ بیوریور.

[ ای نبی معظم ! کافر لرله و منافق لرله مجاهده ایت و آنلرله معامله اوزرینه کرک  
سوزده و کرک ایشده شدتلی و غلظتلی بولون و آنلرک آخرتده مکانلری جهنمدر و جهنم  
اک کوتو واریلاجق محلدر . ]

بوآیتده خطاب بزم نیمزه درو نبینک اولنده بولونان الف لام ؛ تعظیم و تفضیم ایچون  
اولدینندن « ای نبی معظم ! سکا خطاب ایدرم » دیمکدر . کافر له مراد ؛ علناً  
کفرینی اعموده ایدره کیمسه اولوب منافق ایسه قبضه کفرینی صافوبوب ظاهرده مؤمن  
کوربین کیمسه اولدینندن کافرله منافق بینده فرق اولدینی جهنله بومقامده هرایکسی ده  
آری آری ذکر اولونمشدر .

فخر رازی و خازنک بیانلری وجهله بواصرالهی اسلامیتک قوت بولوب آنلره مدارات  
زمانی کجدیکننده واقع اولمشدر . کافر لر هر دناقی ارتکاب ایتدکلرندن غلظت و خشونته  
شایان اولدقلرینه اشارت ایدلش و آنلر اهل جهنم اولدقلری جهنله رسول اللهک التفاتنه  
مستحق اولمادقلری بیان اولونمشدر .

شوتفصیلاته نظراً معنای آیت : [ ای نبی معظم ! سکا خطاب ایدرم که اسلامیت  
قوت بولوب شوکت نبویهک کافر لرله و منافق لرله قلیجله مقابله ایده جک برحاله کلدیکندن  
سن کافر لرله و منافق لرله محاربه ایدرهک دینکه دعوت ایت . زیرا ؛ آنلره ملایمت زمانی  
کچمشدر . بناء علیه ؛ قلیج ایله ولسان بلیقله مجاهدهیه دوام ایت که دینک عالی اولسون .  
زیرا ؛ آنلره قلیجله شوکت اسلامیهیی کوسترمه دیکه دین اسلامک اعلاسنه مانع اولمقه  
جالیشمقدن واز کچمزلر و آنلر اوزرینه حدود الهیهیی اقامه ایتمکده کرک سوز ایله  
شریعتک احکامنی بیانده و کرک الکله حد شرعی اجراسنده شدتلی بولون، اصلاً مرحمت  
ایتمه . چونکه ؛ آنلر مرحمته شایان دکلردر و آنلرک واره جق محللری جهنمدر .

بناء علیه ؛ سنک طرفکدن اهل جهنم شایان التفات اولاماز . نه چیرکین محلدر آنلرک  
واره جقلری جهنم [ دیمکدر .

خلاصه ؛ کافر لرله مجاهدهک لازم اولدینی و منافق لرله کافر لرک مجاهدهده فرقلری  
اولمادینی و آنلر ایچون بوموشاق بولونمق مناسب اولمایوب سرت بولونمق ایجاب ایتدیکی  
و آنلرک مقاملری جهنم اولوب جهنمک ایسه اک چیرکین بر محل اولدینی بوآیتدن مستفاد  
اولان فوائد جمله سندنر .

..

واجب تعالی کافر لرک محللرینی بیاندن صوکره کافرک مؤمنه ولو قرابت صورتیه  
اولسون مناسبتک فائده سی اولمادینی بیان ایتک اوزره ﴿ضَرَبَ اللَّهُ مَثَلًا لِلَّذِينَ كَفَرُوا  
امْرَأَتَ نُوحٍ وَاَمْرَأَتَ لُوطٍ كَانَتَا تَحْتَ عَبْدَيْنِ مِنْ عِبَادِنَا صَالِحَيْنِ فَخَانَتَاهُمَا  
فَلَمْ يُغْنِيَا عَنْهُمَا مِنَ اللَّهِ شَيْئًا وَقِيلَ ادْخُلَا النَّارَ مَعَ الدَّٰخِلِينَ﴾ بیوریور .

[ الله تعالی مثال اولارق نوح و لوط علیهما السلامک حرملرینی بیان ایتدی . او  
خاتونلر قوللریمزدن ایکی صالح قولرک تحت نکاحلرنده ایدیلر . آنلر خیانت ایدوب  
ایمان ایتمه دکلرندن اوایکی قولر حرملرندن اللهک عذابنی دفع ایدمه دیلر و او خاتونلره  
« جهنمه داخل اولانلره سزده داخل اولک » دنیلدی . ]

حضرت نوحک حرمی (واعله) و حضرت لوطک حرمی (واعله) اسمنده ایدیلر .  
فخر رازی و خازنک بیانلری وجهله بونلر ظاهرده زوجلرینه قارشى ایمان اظهار ایدرلر  
و نفاقلرینی کیزلرلردی . حتی حضرت نوحک حرمی نوح علیه السلامه حاشا جنت استاد  
ایدر و مجنوندر دیمکدن چکینمزدی . حضرت لوطک حرمی (واعله) ایسه لوط علیه السلامک  
مسافر لرینی دیکر آیتلرده بیان اولوندینی وجهله قومک سفهلرینه و جبار سه خبر ویرردی .  
بناء علیه ؛ بونلرک هرایکسی ده زوجلرینک نصیحتلرینی دیگله مزلر و کیزلی اولارق خیانتدن ده  
کیری طور مازلردی . ایشه بونلرک شوخیانتلری اوزرینه واقع اولان عذاب الهیدن  
هیچ بر شیشی زوجلری نبوت مرتبه سی حائز اولدقلری حالدیه دفع ایدمه دکلرینی بیانه  
خلاصه الیان : اون بشنجی جلد - ۶



جناب حق زوجیت مناسبتک عذاب دفعده فائده و یرمه دیکنی مثال اولارق کافرله بیان بیورمقله نسب و سائر قرابتله بر مؤمنه حتی بر نبی به مناسبتک کافردن عذاب دفعده فائده ایتیه جکفی بیان بیورمشدر .

عبدک ربی عندنده مقبول اولسی ؛ آنجق صلاحله اولاجفته اشارت ایچون نوح و لوط علیهما السلامک بو آیتده صلاحله متصف اولدقلرینی جناب حق بیان بیورمش و حضرت نوح و لوطک شانلرینه تعظیم ایچون عبادی واجب تعالی زائمه مضاف قیلمشدر . کافره شفاعت جائز اولمادیغنی و شفاعت ایدلسه بیله فائده ایتیه دیکنی و انسانلر ایچون الک قوتلی مناسبت زوجیت مناسبتی اولدینی حالده ، آنک بیله فائده سی اولمادیغنی بیانله کفرک هر دورلو فوائده مانع اولاجغنی کافرله تفهیم و بو وسیله ایله کفردن واز کچمک لازم اولدیغنی جناب حق بو آیتله تنبیه بیورمشدر .

شوتفصیلاته نظراً معنای آیت : [ الله تعالی حضرت نوحک حریمی ( واعله ) و حضرت لوطک حریمی ( واهله ) نک حالرینی تشبیه طریقیله کافرلرک حالرینه مثال اولارق کافرله بیان بیوردی . بو خاتونلر قوللریمزدن نبوت مرتبه سی حائز ایکی صالح قوللرک تحت نکاحنده اولدقلری حالده ظاهرده ایمان اظهار ایدرلر سده باطنده نفاقلرینی کیزمکله خیانتدن کیری طور مادقلری جهته او ایکی صالح قوللریمزدن بونلرک خیانتلری اوزرینه ترتب ایدن عذابدن آزیمق بر جزئی بیله دفع ایدمه دیلر . چونکه کفر ؛ هر دورلو منفعته مانعدر . بناء علیه ؛ طرف التهمیدن و فائتلری زماننده آنلره « جهنمه کیرنلرله برابر سزده کیرک » دنیلیدی [ دیمکدرکه عاقبت مرتبه نبوتی حائز ذواتک زوجهلری اولق فائده و یرمه یوب کفرلری ؛ آنلری اهل ناردن قیلمشدر .

خلاصه ؛ کافرلرک مؤمنه حتی بر نبی به بیله هر نه وجهله اولورسه اولسون مناسبتلرینک آنلره کله جک عذاب دفعده فائده سی اولمادیغنی و فائده اولمادیغنی حضرت نوح و لوطک حرملرینی بومسئلهیه مثال اولارق واجب تعالی نک کافرله بیان ایتدیکی و بوا یکی نینک کافره اولان حرملرندن اللهمک عذابندن هیچ بر شیشی دفعده مغنی قیلامادقلری و عاقبت آنلره « جهنمه کیرنلرله برابر سزده کیرک » دنیلیدیکی بو آیتدن مستفاد اولان فوائد جمله سنددر .

واجب تعالی حضرت نوح و لوطک حرملرینک حالرینی و کافرلرک حالرینی تمثیل طریقیله بالبیان بو ایکی خاتونک کافره اولملری زوجلرینک نور نبوتلرندن استفادهیه مانع اولدیغنی بیاندن سوکره کافرک کفری مؤمنه ضرر و یرمه جکفی فرعونک حریمی (آسیه) نک حالله تمثیل ایدره کاهل ایمانه بیان ایتک اوزره ﴿ وَضَرَبَ اللَّهُ مَثَلًا لِلَّذِينَ آمَنُوا امْرَأَتَ فِرْعَوْنَ إِذْ قَالَتْ رَبِّ ابْنِ لِي عِنْدَكَ بَيْتًا فِي الْجَنَّةِ وَنَجِّنِي مِنَ فِرْعَوْنَ وَعَمَلِهِ وَنَجِّنِي مِنَ الْقَوْمِ الظَّالِمِينَ ﴾ بیوریور .

[ الله تعالی فرعونک حریمی مثال اولارق شول کیمسه لره بیان ایتدی که آنلر ایمان ایتدیلر . ذکر ایت شول وقتی که او وقتده فرعونک حریمی « یارب ! بنم ایچون کندی عندکده جتده بر اوطه بنا ایت و فرعوندن و فرعونک عملندن و ظالم اولان قومک شرندن نبی قورتار » دیدی . ]

ایکی نینک حرملرینک اهل جهنم اولوب کافرله کفرده دوام ایتدیکجه اهل ایمانه مناسبت فائده و یرمه دیکنی کی فرعون کی بر کافرک حرمنه مؤمنه اولدیغندن طولایی فرعونک کفری آرله رنده مناسبت زوجیت اولدینی حالده ضرر و یرمه یوب اهل جنت اولدینی و بو وقعه لرک هرایکیسی معکوساً بر برینه بکزه دیکندن جناب حق بومقامده امثال اولارق کافرله اولکیلری و مؤمنلره ایکنجی بی ضرب مثل طریقیله بیان ایتمشدر . چونکه ؛ حضرت نوحدن حریمی ( واعله ) کفری سببیه فائده کورمه دیکنی کی فرعونک کفرندن حریمی ( آسیه ) رضی الله تعالی عناده ایمانی سببیه ضرر کورمه مشدر . زیرا ؛ غرابته شومثالر بر برینه مناسبتدر و هرایکی مثالده خاتونلر حقنده اولدینی کی بریسی بر نینک محرمنده و تحت نکاحنده اولدینی حالده اهل جهنم اولمش و نور نبوتدن اصلا استفاده ایتمه مش ، دیکری ده بر کافرک تحت نکاحنده اولدینی حالده کنیدنک ایمانی سببیه زوجی اولان کافرک کفرندن ضرر کورمه مش و اهل جتندن اولمشدر . بناء علیه ؛ هرایکیسی ده انسانلرک احوال غریبه لری جمله سنددر .

فرعونک جرمی آسیه فرعونک کفرندن استکراه ایدره ک « یارب ! فرعون و آنک عملندن و قوم ظالمدن نبی قورتار و جتده بکا بر او یاب ، دیه رک جناب حقه تضرع



ایتمشدر . بوتضرعك وقتی؛ فخر رازی و خازنك بیانلرینه نظر آسیهك حضرت موسایه ایمان ایتمسینه فرعون طرفندن قتلنه قیام ایدلدیکی زماندر . چونکه ؛ حضرت موسانك معجزه سنی کوروخجه آسیه رضی الله عنها صوت بالا ایله آچیقندن ایمان ایتمسی اوزرینه فرعون ارتداد ایتمسی آسیه امر ایتمش ایسه ده آسیه فرعونك امرینه اطاعت ایتمه دیکندن فرعون غضب ایدرهك آسیه بی چارمیخله اولدورمه قیام ایتمدیکی زمان آسیه بو مناجاتده بولونمش والله تعالی آنك دعاسی اثری اولارق روحنی قبض ایتمش و چارمیخك آجیسنی دوپورماش و روحی قبض اولونورکن جتته کوشکنی کوسترمش و کمال سرورله وفات ایتمشدر .

شور وایت حضرت آسیهك بنی فرعوندن و عملندن و قوم ظالمندن قورتار «دیهرک دعا ایتمسه و آسیهك دعاسنك قبولی ده مأمول قوی اولسنه نظر ابور وایتك دوغر و اولسی احتمالی واردر ، لکن قطعی بر حکم ویرله مز . یالکز قطعی اولان حکم ؛ آسیهك مؤمنه اولسی و « یارب ! بکا جتته بر اوطه یاب و فرعوندن و عملندن و ظالم اولان قومدن بنی خلاص ایت » دیهرک استرحاماتده بولونمسیدر . اما شو استرحامك وقتیه زمان اولورسه اولسون آکا حکم تعلق ایتمز .

(ونجی) نجات ؛ برکیمسهك فنا اولسه برکیمسه قورتولمسیدر . فرعون و قومك عمللری فنا اولدیغندن آسیه اوفنا قومدن و عمللرندن قورتولسنی جناب حقندن استرحام ایتمشدر . شوتفصیلاته نظراً آنك معناسی : [ کافرك مؤمنه مناسبتندن فائده اولمادیکی کبی مؤمنك کافره مناسبتكده ضرری اولمادیغنی ضرب مثل اولارق الله تعالی فرعونك حرمنی مؤمنله بیان ایتدی . یعنی کناهکار اولان برکیمسه به مطیع اولان کیمسهك طاعنی فائده ویرمه دیکی کبی مطیع اولان برکیمسه به ده باشقه سنك کناهی ضرر ویرمز ] دیمکدر . بناء علیه ؛ بینلرنده قرابت نسبی و سببی اولسه دخی ضرر و فائده ایتمه جکنی اهل ایمانه و اهله کفره ترغیبی و تهدیدی مشتمل اولارق شو ایکی ضرب مثل ایله جناب حق صوک درجه ده آچیققله بیان بیورمشدر . بناء علیه ؛ ذکر ایدک شول زمانی و خاطریکزدن چیقارمایک که او زمانده فرعونك حرمنی ربسه التجا ایدرهك « ای بنم ربم ! کندی عند الوهیتکده بنم ایچون جتته بر او احسان ایت که او اوده بن راحت ایدیم و بنی فرعوندن و عملندن

و ظالم قومك شردن قورتار ، دیمکه تضرع و نیازده بولوندی . چونکه ؛ او زمانده آسیه فرعون کبی بر کافرك زوجهی اولدیغنی حالده آنلرک کوتو عمللری آلتده ازیلیوردی . آسیه رضی الله عنهاك آنلرک عمللرندن راضیه اولمادیغنه اشارت ایچون فرعوندن قورتولسنه دعا ایدرکن عملندن قورتولسنی دخی دعاسنه علاوه ایتمشدر . و یالکز فرعوندن قورتولقله اکتفا ایتمه یوب قوم ظالمندن خلاصنه دعا ایتمکه فرعونك قومكده فرعون کبی ظالم اولدقلرینه اشارتده بولونمش و حضرت آسیهك شو دعاسنی قرآنده بیانله جناب حق بر خاتونك قوجه سی ظالم اولورسه او خاتونك ظالم اولان قوجه سندن قورتولسنه دعا ایتمسی جائز اولدیغنه اشارت بیورمشدر .

خلاصه ؛ مؤمن اولان برکیمسه به کافره مقارنتك ضرر ویرمه دیکی و بوکا مثال اولارق فرعونك حرمنی آسیه بی جناب حقك بیان بیوردیغنی و برکیمسه آسیه کبی ظالم آلتده و تضییق آلتنده اولسه مناجاتده بولونقی لازم اولوب مناجاتك فائده دن خالی اولمادیغنی بو آیتدن مستفاد اولان فوائد جمله سنددر .

..

واجب تعالی اهل ایمانه ضرب مثل اولارق فرعونك حرمنی آسیهك حالنی بیاندن صوکره ایکنجی ضرب مثل اولارق حضرت مریمك حالنی بیان ایتک اوزره ﴿وَمَرْيَمَ ابْنَتَ عِمْرَانَ الَّتِي أَخَصَّنَتْ فَرْجَهَا فَنَفَخْنَا فِيهِ مِنْ رُوحِنَا وَصَدَّقَتْ بِكَلِمَاتِ رَبِّهَا وَكُتِبَ لَهَا مِنَ الْقَاسِمِينَ﴾ بیوریور .

[ الله تعالی ضرب مثل اولارق اهل ایمانه عمرانك کریمه سی مریمك حالنی بیان ایتدی . او مریم کال نجات و کرامتی و اتکنك طهارتی و عفت و عصمتك صوک درجه به واصل اولسی کندی رجال طائفه سیله کوروشمکدن و کورولسی جائز اولمایان محلی برکیمسه به کوسترمکدن حفظ ایتدی و او درجه به بالغ اولدی که زماننده اولان طائفه نسوانك عبادتده هپسندن زیاده و بلکه انبیادن ماعدا رجالك جمله سنه عبادتده فائق اولدی و آنک کال عفتی اوزرینه بز عظیم الشان کوملکنك یاقه سنه کندی روحزدن اوفوردک . بناء علیه



اوروح سبيله اوغلی عیسی علیه السلامه حامل اولدی و مریم کلمۃ التہیہ نك جمله سنی و انبیاء عظامه نازل اولان کتابلرک هبسنی تصدیق و هر برینه ایمان ایتدی و دوعرو یوله کمال مجاهده سی و طاعات التہیہ ده کمال اخلاصی و بالعموم مهماننده جناب حقہ توکل نامی سبيله عبادت ایدیجیلر زمره سندن اولدی . [ فخر رازی و خازنک بیانلری وجهله عیسی علیه السلامک نبوتنه مقدمه اولارق حضرت مریمک آئنده بر چوق خارق العاده لر ظهور ایتدی .

واجب تعالی مریم رضی الله عنہایی بو آیتده اوج صفتنه تائمتشدر : برنجیسی ؛ کمال عفت و عصمت صامی اوستی ، ایکنجیسی ؛ نصیری واجب اولاره کلمات و کتابلرک محمد سنی نصیری اتمی ، اوچنجیسی ؛ عابدر زمره سندر اولمیسدر .

شو ایکی ضرب مثل ایله واجب تعالی ازواج مطهرات دخی داخل اولدینی حالده بالعموم طائفة نسوانک بو صفتلر اوزره بولونوب اخلاق رذیله دن اوزاق اولملری لازم اولدیغنه و رجالدن محرمی اولمایان بر کیمسه ایله کوروشمک جائز اولمادیغنه و محرملریله حسن معاشرت و تربیه و آدابی محافظه واجب و نفاق و جنک و جدال کبی شیلردن احتراز ایتمک لازم اولدیغنه اشارت و تنبیہ ایتشدر .

یکری طقوزنجی جزؤ

سورة ملک

مکه مکرمه ده نازل اولان سورة لردندر . اوقوز آیتی جامعدر .

بِسْمِ اللَّهِ الرَّحْمَنِ الرَّحِيمِ

تَبَارَكَ الَّذِي بِيَدِهِ الْمُلْكُ

[ تعالی ایلدی ، بوجه اولدی شول الله تعالی که جمله مخلوقاتنده تصرف آنک قوت

قدرتنده در . [ زیرا ؛ ملک دنیا و ملک آخرت جمله سی آنک قدرت ازلیه سبيله وجود بولمش و میدانک کلمشدر . بناء علیه ؛ ذاتی اعتباریله جمله دن اعلی اولدینی کبی صفاتی اعتباریله دخی مخلوقاتک کافه سندن اجل و اعلی در .

فخر رازی و خازنک بیانلری وجهله برکت ؛ کرک می و کرک عقی بر شیک زیاده نمسی و فضل و انعمیسدر . شو حالده برکت لفظنک معنای لغویسی اعتباریله واجب تعالی به اسنادی جائز اولمادیغندن معنای لغوی به لازم کلن استغنا معناسنه نسبت اولونمشدر . بناء علیه ؛ ( تبارک ) دیمک واجب تعالی جمده مخلوقاتنه مستغنی اولدی و هیچ بر شید امنیامی بوره دیمکدر . چونکه مخلوقاتدن استغنا ؛ تعالی و تعاضم اقتضا ایتدیکی جهته ( تبارک ) لفظی واجب تعالی نك هر شیدن بویوک اولدینی افاده ایدر . شو استغنا معناسنده مبالغه مقصود اولمیفنمه تفاعل بابندن ( تبارک ) صیغه سی وارد اولمشدر . زیر ؛ اللهم قوللری اوزرینه وارد اولان انواع خیراتی زمان بزمان تدریج صورتیله زیاده نمسنه دلالت ایتسون ایچون بوصیغه وارد اولمشدر . چونکه ؛ زمان یکیله ندکجه ناس اوزرینه خیرات و خیراتک متعلقاتنک یکیله نمسی واجب تعالی نك کمال عظمتنه و هر شیدن مستغنی اولدیغنه دلالت ایدر .

( تبارک ) لفظی کمالک غایبه و عظمتک نهاییه دلالت ایتدیکی ایچون واجب تعالی نك غیری ده استعمال اولونماز . ( تبارک ) لفظنک افاده ایتدیکی علویت و جمیع ماسوادن استغنائی اثبات ایچون اسم موصول اولان ( الذی ) لفظنه اسناد اولونمشدر . چونکه ؛ ( الذی ) لفظنک صله سی ( بیده الملك ) لفظیدر که دنیاده و آخرته جریان ایدن امورک تصرفی جناب حقک قدرتی تحتنده اولسنه دلالتی واجب تعالی نك جمله موجوداتدن مستغنی اولسنی افاده ایتدیکنندن ( تبارک ) صیغه سندن استفاد اولان استغنائی ( الذی ) نك صله سی آبروجه اثبات ایتشدر . شو حالده صمد ( تبارک ) دن استفاد اولان علویاتی اثبات ایچون کتیرلش بر دلایلدر و تقریری شویله در : « الله تعالی مخلوقاتدن مستغنیدر . زیرا ؛ الله تعالی شول ذات اجل و اعلادر که جمله ملک و ملکک اموری کندی ید قدرتنده در . هر کیمسه که جمله ملک و امور کندی ید قدرتنده اولا ، او جمله دن عالی و مستغنیدر . او حالده الله تعالی جمله دن عالی و مستغنیدر ، دیمک اولور .

اما ( تبارک ) لفظی اسماء حسناند برینه اسناد اولونسه ایدی شواثبات حصوله کلزدی .



بناءً عليه ؛ اسم موصول صله سيله برابر تبارك لفظندن مستفاد اولان جناب حَقِّك علويتی اثبات ایچون سوق اولونمش بر دلیل وقضیه در .

..

واجب تعالی دنیا و آخرتک جمله ملک کندی تصرفنده اولدیفنی بیاندن صوکره دنیاده و آخرتده بالعموم موجوداتی قبضه تصرفنده طوتان ذات الوهیتی هرشیته قادر اولدیفنی بیان ایتک اوزره ﴿ وَهُوَ عَلَى كُلِّ شَيْءٍ قَدِيرٌ ﴾ بیوریور .

[ اوالله تعالی ممکناندن هرشیته ایجاد و اعدامه قادردر . ] بناءً عليه ؛ اللهم دله دیکي شيله قدرتی آره سنه هیچ برشی کیروبده اوشیتک وجودینه مانع اولاماز . شو حالده جناب حَقِّك حکمتک اقتضای اوزره هرشیته ایجاد قدرتی کافی اولوب ایجادینه برشی حائل اولاماز که جناب حق ایجاددن عاجز اولسون .

بوآیتده ( شئ ) لفظی جمیع ممکناته شامل اولدیفنی کبی بالخاصه افعال عبادده دخی شامل اولدیفندن معتزله نك « انسانلر کندی افعالی ایجاد ایدر » دیدکری سوزلری مردود اولدیفنی کبی طبیعتله برشیتک حصولی اعتقاد ایدن طبیعتونک سوزلری دخی مردوددر . چونکه ؛ بوآیت و بونک نظیری آیتلر هرشیتک ، اللهم قدرتیله اولدیفنه دلالت ایتدیکي جهته موجوداتک کلیسی اللهم مقدوری اولدیفنه دلالت ایدر . شو حالده برکیمسه ممکناندن هرهانکی برشیتک طبیعتله و یا عبدک تأثیریه حاصل اولدیفنی ادا ایتسه مقدورات السیه دن برینک وجودینی اللهم غیری برذاتک قدرته نسبت ایتش اولور . بوایسه قدره الله مقاومت ایده جک بر قدرتک وجودینی اقتضا ایدر . حالبوکه قدره الله قارشی بر قدرتک وجودی باطلدر . واجب تعالی به شئ اطلاق جائز اولدیفندن بو مثللو آیتلرده ذات الوهیت عقلاً مستنادر . چونکه ؛ عقلاً شئ لفظندن واجب تعالی مستثنا اولسه معنای آیتده واجب تعالی داخل اولوردی ، بوایسه باطلدر . زیرا ؛ ذات السیه نك هم قادر همده مقدور اولسی لازمکلور . بناءً عليه ؛ بو مثللو آیتلرده واجب تعالی نك استثناء عقلی ایله مستثنا اولسی ضروریدر و اصول فقهده بیان اولونان تخصیصات عقلیه قاعده سنه ده موافقدر .

بوجله (الذی بیده الملك) جمله سی اوزرینه معطوف و آنک دلیلدر . چونکه ؛ دنیا و آخرت

ملکی قبضه قدرتنده اولق هرشیته قادر اولمقله اولاجفندن بوآیت ما قبله دلیل مقامنده وارد اولمشدر . شو حالده معنای نظم : [ الله تعالی نك جمله ملک ید قدرتنده در . زیرا ؛ هرشیته قادردر ] دیمکدر .

..

واجب تعالی ملک دنیانک و ملک آخرتک ید قدرتنده اولدیفنی بیاندن صوکره ملکک احکامندن و قدرتک آثارندن بعضیلرینی بیان ایتک اوزره ﴿ الَّذِي خَلَقَ الْمَوْتَ وَالْحَيَاةَ لِيَبْلُوَكُمْ أَيُّكُمْ أَحْسَنُ عَمَلًا ﴾ بیوریور .

[ بوجه اولدی شول ذات اجل و اعلی که سزک هانکیکیزک عملی کوزل و اخلاصی زیاده اولدیفنه نظر و امتحان ایتک ایچون اولومی و دیریلکی خلق ایتدی . ]

یعنی ؛ واجب تعالی انسانلرک موتی و حیاتی ایجاد بیوردی که سزه امتحان معامله سی بیورسون و هانکیکیزک عملی اخلاصه ده ازیاده مقارن اولدیفندن زیاده کوزل اولدیفنه نظر ایتسون و صاحبیه بیلدیرسون که هر کس کندی مزیتنی بیلسون . چونکه ؛ قطعی اولان اولومی بیلوب اولوم زمانی زنکین ایله فقیر ، پادشاه ایله رعایا ، اقدی ایله کوله مساوی اولدیفنی دوشونونجه جناب حَقِّك امر و نهیه امتثال ایدره رک عمله سعی ایتدیکي کبی عملک زیاده کوزل اولاتی ترجیح ایدر و یا خود محقق الوقوع اولان اولومی اونوتور و فسق و فجورله مشغول اولور . انسانک هر ایکی جهته حالی مساعد اولدیفندن اولومی کوزی اوکنه قویمقله جناب حق انسانلره امتحان معامله سی بیورر . انسان نطقه و طوبراق کبی اموات قییلندن اولان ماده اصلیه دندر و او ماده یه حیات احسان ایتمکله جناب حق انسانه امتحان معامله سی یاپار . زیرا ؛ انسانک عملی حیاته متوقف اولدیفنی جهته حیاته نائل اولونجه حیاتی مکلف اولدیفنی اعماله صرف ایدوب ایتمه مک احتمالنه بناءً انسانلری انبیاء عظام واسطه لر ایله جناب حَقِّك اطاعته دعوتی امتحاندر . بناءً عليه ؛ بعضیلری بودعوتیه اجابت ایدره رک ایماتی اظهار و حیاتی مکلف اولدیفنی اعماله صرف و بعضیلری ده دعوتیه اجابتدن امتناع ایدره رک کفرینی اظهار ایدر .

فخر رازی و خازنک بیانلری وجهله ذی روح اولان موجوداتک جمله سنک اصلی



طوبراق ونطفه کبی اموات قیلندن اولدینی جهته موت تقدیم اولونمشدر . یاخود موت ایله مراد ؛ ویاژه اولوم و حیات ایله مراد ؛ آخرتده بقا اولدیغندن موت تقدیم اولونمشدر . موت حیاتک ضدی اولارق بر صفت موجوده اولسنه آیت دلالت ایدر . چونکه موته ایمان معناسنه اولان فلانک تعلق ایتسی ؛ موتک موجود بر صفت اولسنی ایجاب ایدر . حیات هر کلاک ولذک اساسی اولق اعتباریله انسانلر حقنده نعمت اولدینی کبی موتده دار دنیادن دار آخرته انتقاله وسیله اولدینی جهته انسانلر حقنده حیات کبی نعمتدر . موتله حیاتی ایجادک حکمتی ؛ امتحان معامله سی اولدینی آیتده صراحة بیان اولونمشدر . عملک زیاده کوزل اولانی ؛ اخلاص اوزره ایشله نیلندر . امتحانندن مقصد ؛ هر کسک عملی کندینه و غیریلره بیلدیرمک وجهله جه معلوم اولق و هیچ بر کیمسه نک اعتراضه واعتذاره بحالی قالمقدر .

بعضیلر عملی عقل ایله تفسیر ایدرک (ایکم احسن عملاً) دیمک « سزک هانکی کزک عقلی زیاده اولدیغنی امتحان ایچون موتله حیاتی خلق ایتدی » دیمکدر . چونکه عمل ؛ عقل ایله حاصل اولوب عقل ایسه تکلیفک مرجعی اولدینی جهته عقلی زیاده اولان کیمسه نک عملی زیاده اولاجنی شبهه سزدر . کذلک عملی زیاده کوزل اولان ؛ حرامدن زیاده صاقیناندر . چونکه ؛ حرام اولان شیلردن زیاده جه صاقینان کیمسه نک عبادتی زیاده اولاجنی آشکاردر . زیرا حرامدن قاچیمق ؛ آبروجه بر عمل و عبادتدر .

\*\*

واجب تعالی ابتلائی ذ کردن صوکره امتحانک نتیجه سنده تحقق ایدرک اعمالک جزاسنی ترتیه قادر اولدیغنی بیان ایله عابدلری عبادته ترغیب و عاصیلری تهدید ایتک اوزره ﴿ وَهُوَ الْعَزِيزُ الْغَفُورُ ﴾ بیوریور .

[ او الله تعالی کناه ایشله نیلردن اخذ انتقامه قادردر و کناهدن واز کچهرک اطاعت ایدنلرک قصورلرینی ستر ایدیجیدر . ]  
یعنی ؛ جناب حق دائرة طاعتدن چیقانلردن انواع انتقامه قادر و دشمنلری اوزرینه

هر زمان غالبدر وذات الوهیتنه عبادتده اخلاص اوزره بولونانلره انعام واحسان ایدرک ندامت ایتدکلی کناهلرینی محو وازاله ایدیجیدر . بناء علیه ؛ کوتو عمل ایشله نیلر جناب حق انتقامدن عاجز قیلاماز وچوق کناهی اولان کیمسه جناب حقک مغفرتندن مأیوس اولماز . زیرا ؛ جناب حق قصورینه ندامتله توبه ایدنلرک قصورلرینی عفو ایدرک جکفی وعد ایتدیکندن مغفرت الهیه دن مأیوس اولق حرامدر .

\*\*

واجب تعالی عبادت ایدنلره احسان ایتمک و قباحت ایشله نیلردن اخذ انتقامه قادر اولدیغنی بیاندن صوکره علم کامل و قدرت تام صاحبی اولدیغنی بیان ایتک اوزره ﴿ الَّذِي خَلَقَ سَبْعَ سَمَوَاتٍ طِبَاقًا مَّا تَرَىٰ فِي خَلْقِ الرَّحْمَنِ مِن تَفَافُوتٍ ﴾ بیوریور .

[ الله تعالی شول ذات اجل واعلادرکه بر برینه مطابق اولارق یدی قات کوکلیری یاراتدی ورحمن تعالی نک خلق ایتدیکی مخلوقات آره سنده بر انتظام سزلق و مناسبت سزلق کور منسک . ]  
زیرا ؛ هر برلری حکم و مصالحه مطابق اولوب نیلرنده اصلاً اکر بیک و او یغونسزلق یوقدر و باخصوص یدی قات کوکلیری بر برینک ایچنده و فوقنده صورت منتظمه ده خلق بیوردی که هر بری یکدیگرینه مطابقدر و نظام اصایسی اوزره دوام ایتمکده در .

بیضاوی و مدارک بیانلری وجهله سمواتک عظمتنه و خلقنه تعظیم ایچون ضمیر موضعنده اسماء حسنانن رهمی اسم شریفی وارد اولمشدر . چونکه ؛ ضمیرک مرجعی سبق ایتدیکی جهته ﴿ فی خلق الرحمن ﴾ برنده ﴿ فی خلقهن ﴾ وارد اولسه معناه بر نقصان اولمازدی . آنجق تعظیم معناسی آکلاشیلمازدی . سمواتی بوانتظام اوزره خلق ایتک رحمت الهیه اثری لطف الهی اولدیغنه دخی اشارت اولونمشدر . چونکه رهمی اسمک ماده سی ؛ مرحمت اولدینی جهته فضل الهی اولدیغنه اشارت اولوندینی کبی مخلوقات الهیه آره سنده تفاوت اولما دیغنی سینه دخی اشارت اولونمشدر . یعنی « سمواتک انتظامنده خلل یوقدر . زیرا ؛ مرحمت و لطف صاحبی اولان رحمن تعالی نک مخلوقدر » دیمک اولور .



بو آیت جلیله؛ واجب تعالیٰ نیک فاعل مختار و قدرت قاهره صاحبی اولدیغنه دلالت ایدر؛ چونکه؛ کوکلرکدن هر بررلری سیاق واحد اوزره یارادیلوب دیرکسز و زنجیرسز هواده معلق طورمسی و هر بررلرینک حال حاضرده مقدار معیندن زیاده و یا نقصان اولمسی ممکن ایکن مقدار معین اوزره بولونمسی قدرت قاهرهیه و خالقنک فاعل مختار اولمسنه دلالت ایدر.

..

واجب تعالیٰ کوکلرک یارادیلشده تفاوت اولمادیغنی بیانه علم کامل و قدرت تام صاحبی اولدیغنی بیاندن صوکره شویانی تا کید ایتک اوزره ﴿فَارْجِعِ الْبَصَرَ هَلْ تَرَىٰ مِنْ فُطُورٍ﴾ بیوریور.

[کوکلرک انتظامنده خلل اولمایجه سن تکرار سایه باق که سواده دلیک و یرتیق کبی برعذر کورورمیسک؟]

یعنی؛ سایه بر کره بافقدن خطا اولق احتماله بناء بلکه تفاوت اولماسیله حکم ایده مزسک و یا خود حکم ایدرسکده اعتماد ایتمزسک. بناء علیه؛ سن کوزیکی تکرار سایه دوعری دوندور تکرار بتکرار باق که انتظامده شبهه قالماسون و یقین طریقه سواده یاریق و یرتیق کبی بر عیب و نقصان اولمادیغنی بیله سک و خبر و یریلن شیده اصلا شبهه اولمادیغنی بیلنسون. چونکه؛ انسانک حکم و یره جکی برشیئی لایق وجه اوزره تدقیق ایتمی لازمدر که حکمده خطا اولماسون. آنک ایچوندر که حاکمک، حکملرینی کمال تدقیق اوزره بنا ایتلری اهم و الزمدر. زیرا؛ تدقیق ایتمدن و یریلن حکمده خطادن سلامت اولاماز.

﴿ثُمَّ ارْجِعِ الْبَصَرَ كَرَّتَيْنِ يَنْقَلِبْ إِلَيْكَ الْبَصَرُ خَاسِئًا وَهُوَ حَسِيرٌ﴾

[اولکی نظر کدن صوکره کوزیکی سایه تکرار بتکرار دوندور باق که کوزک سواده بر یاریق و یرتیق کورمکدن اوزاق اولدیغنی حالده و یورولمش اولارق دونرکیر.]  
یعنی؛ اولکی نظریکه قناعت ایتیه رک کوکلرک انتظامنده و یارادیلشده خلل وارمیدر؟

دییه رک شبهه ایدرسه ک کوزیکی چوق کره سایه دوندور باق که سواده دلیک و یرتیق واکریلک کبی بر عیب وارمی تفتیش ایتسون که چوق چوق دونوب باقمقدن کوزک یورولمش اولدیغنی حالده ارادیغنی عیبی بولق شویله طورسون بولمقدن پک اوزاق و ذلیل و حقیر اولارق دونر. زیرا؛ چوق باقمق یورغونلق و یردیکی کبی ارادیغنی یاریغنی و یرتیغنی بولمسزین دونمک ذلیل و حقیر اولمسی موجب اولور. شو حالده سمانک عییند سالم اولارق بو انتظام اوزره دوامی خالقنک قدرت قاهره سنه و علمنک کالنه دلالت ایدر.

مدار کده بیان اولوندیغنی وجهله کر تین ایله مراد؛ هر کره دونوب باقمقده، یوقسه ایکی کره باقمقه منحصر دکلدن. یعنی «بر آدم سایه نه قدر چوق باقارسه باقسون سواده بر عیب و نقصان و انتظامنده بر خلل کوره من، آنجق کوزی یورولور» دیمکدر.

..

واجب تعالیٰ کوکلرک بوقدر عظمت و جسامت لریله برابر یارادیلشده و انتظامنده اصلا خلل اولماسنی بیانه قدرت قاهره سنی اثبات ایتدکن صوکره قرآنی دیکله ینلری و ایمان ایدنلری کالیله اقناع ایتک اوزره ﴿وَلَقَدْ زَيَّنَّا السَّمَاءَ الدُّنْيَا بِمَصَابِيحَ وَجَعَلْنَاهَا رُجُومًا لِلشَّيَاطِينِ﴾ بیوریور.

[ذات الوهیمه عین ایدرم که ارضه یقین اولان سمایی که بر طرفندن برنجی سمایی بز عظیم الشان ییلدیزلره تزین ایتدک و ییلدیزلری شیطانلرک سمان طرد اولونملرینه آلت قیلدق که سایه جیقمق ایستین و سزی اضلال ایدن شیطانلری سایه جیقمقدن ییلدیزلره منع ایتدک و ییلدیزلری شیطانلره رجم قیلدق.]

واجب تعالیٰ بو آیتده ییلدیزلرک انسانلر ایچون بر چوق منفعتلرینه اشارت ایتشدن. چونکه سماء دنیایی تزین؛ یربوزنده انسانلرک مسجدلره قبه لرینی قنیللرایله تزین ایتلرینه بکزه ر. شو حالده مسجدلرک قنیللری؛ مسجدلرک و انسانلرک شرفی اولدیغنی کبی سماء دنیانک ییلدیزلری ده دنیا و بالخاصه دنیاده بولونان انسانلر ایچون شرفدر. زیرا؛ مسجدده یانان قنیللرک ضیاسی اعتباریله منفعتی انسانلره عائد اولدیغنی کبی قارنلق کیجه لرده ییلدیزلرک ضیا اعتباریله منفعتی ده انسانلره عائددر.



ییلدیزلرک منفعتی جمله سندن بریسی ده ییلدیزلر سببیه فصول اربعه نك حصوله کلسی وهر فصلک احکامک دیکرینه مخالف اولمیدر. زیرا؛ حرارتی زیاده اولان بر ییلدیزک کونشه یقین اولسی حرارتک زیاده اولسی اقتضا ایتدیکندن یاز آیلری حاصل اولدینی کبی حرارتی بر آز نقصان اولان ییلدیزک کونشه یقین اولسندن کوز آیلری حاصل اولور و بومنیوال اوزره احوال عالم دوران ایدر دورور و بوده قدرت الهیه به دلالت ایدر. چونکه بوعالم؛ عالم اسباب اولدینی جهته الله تعالی نك صیجاق و صوتوق آیلری ییلدیزلرک دورانی سببیه یکدیگرینه یقینلی و اوزاقلنی ایله خلق ایتسنه بر مانع اولمادینی کبی قدره الله دلالتده دخی اوزاقلق یوقدر.

خازنده بیان اولدینی وجهله «ییلدیزلرک زینت اولسی، بقالری وشیطانه رجم اولسی، زوالی ایجاب ایتدیکی جهته آیتلر بیتده منافات واردر» دیهرک وارد اولان سؤال مردوددر. چونکه شیطانلره رجم اولارق آتیلان؛ ییلدیزلرک شعله لیدر، نفس ییلدیزلر دکل که زینت اولملری سماء ثابت اولملری وشیطانه آتیلملری زواللری ایجاب ایدر دیهرک آیتلر بیتده منافات وار دنیلسون.

اکثر مفسرینک بیانلرینه نظراً رسول الله رسالتی اظهار ایتزدن اول شیطانلر برنجی سمایه جیقارق ملکک آره سنده دوران ایدن حوادثی ایشیتک ویر یوزنده نشر ایتک صورتیه بر چوق انسانلری اضلال ایدرلردی. وقتا که جناب حق بزم پیغمبریمزی رسول اولارق قوللری ارشاد ایچون کوندرنجه ییلدیزلرک شعله سیله، سمایه جیقرق ایستین شیطانلری طرد ایتشددر. زیرا؛ بزم پیغمبریمزک معجزه لرندن بعضیسی غائبدن خبر ویرمک اولدینی جهته شیطانلر سمایه جیقرقدن و ملککردن آلدقلى خبری ناس آره سنده نشر ایتکدن محروم قیلنمشلردر که ناسک ذهنی تغلیط و امر نبوتی تشویش ایتکله اوامر الهیه بی اهالی به تبلیغه رسول الهی مشکلاته دوچار ایتمسونلر. ایشته بومثللو فسادادن رسول الهی و امتی محافظه ایچون واجب تعالی سمان ییلدیزلر واسطه سیله شیطانلری طردله تبلیغی رسولنه و قبولی امتنه قولایلاشدیرمشدر.

اما حکمانک بیانلری وجهله کونشک حرارتی نسبتده یردن چیقان بخارک سماء آتش طبقه سنه تصادفله یا نمانسندن حاصل اولان آتش شعله لرینک بزم پیغمبریمزدن اول بولونسی بزم نیمز بعث اولوندقدن صوکره بومثللو آتش پارچه لرینک و ییلدیزلرک

شعله لرینک شیطانلری سمان طرد ایچون حاصل اولمیرنده بر مانع یوقدر. زیرا؛ هرایکسینک ده موجود اولسنده مادی و معنوی بر مانع یوقدر. بناء علیه؛ آیتک معنای حکمانک بیاننه منافی دکلدر.

آتشک قویسی ضعیفی محو ایتک میدانده بر حقیقت اولدینی جهته «شیطانلر آتشدن خلق اولوندق لرندن ییلدیزلرک شعله لرله یا نمازلر» دیهرک ایراد اولونان سؤال وارد اولماز. زیرا؛ ییلدیزک شعله سی قوی اولدیغندن شیطانده بولونان ضعیف آتشی یا قاجنده شبهه یوقدر. شیطانلرک سمایه جیقرق صورتیه بر چوقلرینک هلاک اولسی دیکرلرینک طمع ایدرک جیقوب هلاک اولملرینه مانع دکلدر. زیرا کناهلری ایجابی الله تعالی بر قومک هلاک کنی مراد ایدنجه او قومک آرزولرینه واصل اولاجق لرینه دأر امید ویرمکله هلاک اولاجق لری محله سوق ایدر کوتورور واوراده اهلاک ایدر. «قضا کلنجه کوز کور اولور» دستورینه موافق اولانده بودر.

شیطانلرک سمان طردی امر نبوتک محافظه سی ایچون اولسندن فخر عالمک ارتحالیه شیطانلرک طردی ختام بولوق لازم کلز. چونکه؛ رسول الله ارتحال بویورمش ایسه ده کهانتک بطلاننه دأر خبری قیامته قدر باقی اولدیغندن کاهنلرک یالانلری ترویجه مدار اولماق و خبر نینک ضیاعدن محافظه سیله احکامک قیامته قدر بقاسی ایچون طائفه شیاطینک سمان طردلرینک دوامی الی یوم القیام باقیدر.

شیاطینک ملکک خبرلرینه واقف اولمیرندن اهل اسلامک اسرارینه واقف اولارق کافرلره اولاشدیرملری لازم کلز. چونکه؛ اهل اسلامله کافرلر آره سنده دائماً عداوت موجود اولدیغندن یر یوزینی عمومی فساددن و اهل ایمانی دشمنلرینک شرندن محافظه ایچون امور حربده مسلمانلرک اسرارینه وقوفدن جناب حق شیطانلری منع ایتشددر و مصلحته موافق اولانده بودر.

«واجب تعالی شیطانی نه ایچون سمایه جیقمازدن اول منع ایتمیورده سمایه جیققدن صوکره ییلدیزلر واسطه سیله طرد ایدیور» عنواننده وارد اولان سؤالده مردوددر. زیرا؛ واجب تعالی دیله دیکنی ایشلر و مراد ایتدیکی شیه حکم ایدر. بناء علیه؛ بزلر بو مثللو اسرارک حکمتی تدقیق ایله مأمور دکلز.



واجب تعالى يبلد زلر واسطه سيله كوك يوزندن شيطانلری طرد ايتديكى بيانندن  
صوكره شياطين ايجون حاضر لاش اولدينى عذابى بيان ايتك اوزره ﴿وَأَعْتَدْنَا لَهُمْ  
عَذَابَ السَّعِيرِ﴾ بيوريور .

[ بز عظيم الشان شيطانلر ايجون علوله نجى جهنم عذابى حاضر لادق . ]  
يعنى ؛ شياطين الله تعالى به مخصوص اولان غيه مطلع اولق داعيه سنده و جراتنده  
اولدقلرندن آنلر ايجون شو جراتلرينه مقابله جهنم عذابى حاضر لاشنددر . چونكه  
الله تعالى به مخصوص اولان شیده اشتراك دعوا سنده بولونمق ؛ افتراء على الله اولدينى كى  
ضررى عمومه عائد اولدينى جهنم عذاب جهنمك آنلر ايجون حاضر لاشنى ارتكاب  
ايتدكلى كناهك جزاسيدر وبومقوله فساد سعى ايدن شيطانلری سعادن طردله ياقق  
دنياده و آخرتده معذب اولملىنه اشارتدر .

\*\*

واجب تعالى شيطانلره عذاب جهنمك حاضر لاندیغى بيانندن صوكره بالعموم  
كافرلك جهنم عذابيله معذب اولاجقلرينى بيان ايتك اوزره ﴿وَالَّذِينَ كَفَرُوا  
بِرَبِّهِمْ عَذَابُ جَهَنَّمَ وَبِئْسَ الْمَصِيرُ﴾ بيوريور .  
[ شيطانلردن وانسانلردن ربلرينه كفر ايدن بالعموم كافرلر ايجون جهنم عذابى  
واردر . نه فنا قرارگاه اولدى جهنم . ]

يعنى ؛ شول كيمسهر كه آنلر مرئى حقيقيلرى اولان الله تعالى نك نعمتلرينى انكار  
ايدهر ك كفرى اختيار ايتديلر . آنلر ايجون عذاب جهنم واردر . چونكه ؛ عذابى  
ايجاب ايدن كفر موجود اولديغندن عذابده موجوددر ونه چيركین محل اولدى جهنم .  
كفر عذابه سبب اولونجه كفرى ارتكاب ايدن شخص ايستر انسانلردن اولسون ايستر  
شيطانلردن اولسون هر جمله سى معذب اولور . چونكه ؛ مشتق اولارق كافر اوزرينه  
ترتب ايدن عذابك عالى مأخذ اشتقاق اولان كفر اولونجه كفر هانكى نوع وجنسده

وهانكى فردده بولونورسه عذابك ده اوراده بولونمى لازمدر . بناء عليه اعتبار ؛ فعله  
كفره در ، معذب اولان شخصك هويتنه دكلدر . زيرا ؛ هويتك عذابده مدخلى يوقدره  
آنحقي اعتبار ؛ عملنه در .

\*\*

واجب تعالى جهنم عذابى بيانندن صوكره جهنمك صفتلرندن بعضيلرينى بيان ايتك  
اوزره ﴿إِذَا أُلْقُوا فِيهَا سَمِعُوا لَهَا شَهِيقًا وَهِيَ تَفُورُ﴾ بيوريور .  
[ كافرلر جهنمه آتدقلرنده جهنم ايجون مركبك صداسنه بكنزه چيركین صدا  
ايشيتيرلر . حالو كه جهنم قازان كى قاينار . ]

يعنى ؛ اهل جهنمى جهنمه قويمق اوزره طرف الهميدن زبانيلره امر اولونونجه زبانيلر  
آنلرى جهنمه آتمق ايسته دكلى زمان جهنمدن مركبك صداسى كى غايت چيركین بر  
صدا ايشيتيرلر كه او صدا آنلر ايجون عذاب اوزرينه عذابدر . زيرا ؛ جهنم عذابى اوزرينه  
جهنمك كوكره مسى وغايت چيركین سس ايله باغيرمى اهل جهنمه دهشت وحيرت  
ويره جكسندن عذابه برابر قورقو كنديلرينى احاطه ايتك البته عذاب اوزرينه عذابدر .  
اهل جهنم جهنمه كيردكلى زمان آتشك شدندن تجره نك قاينادىغى كى جهنم قاينار .  
بوقاينامق لغك دوام اوزره اولديغه اشارت ايجون استمراره دلالت ايدن مضارع صيغه سيله وارد  
اولدينى ابوالسعود افنديك جمله بياناننددر .

\*\*

واجب تعالى جهنمك چيركین صداسى اولديغى و آتشك شدندن تجره كى قاينادىغى  
بيانندن صوكره جهنمك اوجنجى صفتى بيان ايتك اوزره ﴿تَكَادُ تَمَيَّزُ مِنَ الْغَيْظِ﴾  
بيوريور .  
[ جهنم غضبندن پارچه پارچه اولغه يقين اولور . ]

يعنى ؛ اهل جهنمى زبانيلر جهنمه آتجه جهنم آنلره قارشى اويله كوكرر و طغيان  
خلاصة البيان : اون بشنى جلد - ۷



ایدرکه حیات شانندن اولان بر کیمسه نك غضب و تهورینه بکزه بر غضبه شدتندن  
پارچه پارچه اولغه یا قلاشیر و اویله شدتلی علولر بوسکوررکه آنلردن آریلان آتش  
پارچه لری کآن آری آری برر جهنم اولور . بناء علیه ؛ جهنم غضبندن پارچه پارچه  
اولمش کبی کورینور .

فخر رازی و خازنک بیسانلری وجهله غیظ کلمسی هیات صامبی اولده کیمسه نك  
هر نه میکی زمانه کال غضبه ندره قانک قیامسی پیغمبری اولورده آفره قارشی شدت اظهار  
ایدره کیمسه نك اوصافنده ایسده جهنمدن صدورایدن احوال جانلی اولان کیمسه لردن  
صدور ایدن احواله بکزه دیکندن غضب صاحبی اولان ذاتلردن صدور ایدن احوالک  
جهنمدن ظهور ایده چکنه اشارت ایچون غیظ کلمسی جهنم حقنده دخی وارد اولشدر .  
انسانلرک انسانی محاوراتنده بعض کیمسه نك شدت غضبی بیان صره سنده « فلان آدم  
غضبندن پارچه پارچه اولدی » دینور . حالبوکه بالفعل پارچه پارچه اولمق بوقدره ، بلکه پارچه لانغه  
یا قلاشدی دیمکدر . بناء علیه ؛ جهنمک بالفعل پارچه لانمایوب پارچه پارچه اولغه یا قلاشدیغه  
اشارت ایچون یقینله دلالت ایدن ( تکاد ) لفظی وارد اولشدر .

\*\*

واجب تعالی نفس جهنمک بعض اوصافی بیاندن صوکره اهل جهنمک حالی بیان  
ایتمک اوزره ﴿ کَلَّمَ الْقِيَامُ فِيهَا فَوْجٌ سَاءَ لَهُمْ خَزَائِنُهَا أَلَمْ يَأْتِكُمْ نَذِيرٌ ﴾ بیوریور .

[ هر نه زمان ناسدن برجماعت جهنمه آتیلورسه جهنمک زبانیلری آنلردن سؤال  
ایدرلر دیرلرکه « ای اهل جهنم ! سزه عذاب جهنمدن قورقوتیجی پیغمبر کله دیمی ؟ » ]

یعنی ؛ شریعتدن چیقمش و بر جوق کناهلری کندیلرینه عادت ایدنمش عاصیلردن  
برجماعت جهنمه آتیلورسه جهنمک خزینه دارلری باشلرینه قاقق و آنلری تکدیر ایتمک  
صورتیه اهل جهنمه « سزه اللهک احکامنی بیان ایدر و آیتلرینی او قوروشومبتلا اولدیفکزر  
عذابدن قورقوتیجی رسول کله دیمی ؟ » دیمکه آنلری تزدیل ایدرلر .

فخر رازی و نیسابورینک بیسانلری وجهله رسولک کلدیکی محقق اولدینی حالده

آنلره « کله دیمی ؟ » دییه رک سؤال ایتمک ؛ کن رسوله اطاعت لازم ایکن اطاعت ایتمه دکلرینی  
باشلرینه چاریمق صورتیه آنلری تکدیر ایچوندر .

بو آیت ؛ رسول کله مش اولسه ایدی عذاب اولونمیه جقلرینه دلالت ایدر . چونکه ؛  
« سزه رسول کله دیمی ؟ » سؤالیه آنلری تکدیر ایتمک رسول کلوبده اطاعت ایتمه دکلرندن  
طولایی عذاب اولوندقلرینی بیان ایتمکدر . بناء علیه ؛ رسول کلمسه احکامه واقف اولمامقده  
معذور اولدقلری جهتله عذاب اولونمیه جقلرینی بیان دیمک اولور . زیرا ؛ رسول کله نیجه  
فروع اعمال ایله مکلف دکلرکه ترکی ایله معذب اولسونلر . فرق ضاله دن طائفه مرجئه نك  
« بو سؤال کافرلره در ، اهل ایمانه دکلدر » دیدکلی سوزلری باطلدر . چونکه ؛ اهل  
ایماندن جهنمه کیدنلر هر نه قدر ایمان ایتمشلسده فاسق اولوب امتثال ایتمه دکلری امرلره  
واجبتاب ایتمه دکلری نهیلره نظراً کندیلرینه قورقوتیجی رسول کله مش کبی اولدقلری  
جهتله بوسؤالک اهل ایماندن جهنمه کیرن فاسقلره وارد اولمسی دخی جائزدر . زیرا ؛  
فاسق فسقندن طولایی جهنمه کیرنجه فسق ایتدیک مسائله رسولک سوزیه عمل ایتمه دیک  
جهتله کندینه پیغمبر کله مش کبی تکدیره شایاندر . بناء علیه ؛ مرجئه طائفه سنک « مؤمن  
فاسق اولسه دخی جهنمه کیرمز » دیدکلی یا کلیشدر .

\*\*

واجب تعالی جهنمک خزینه دارلری طرفندن اهل جهنمه ایراد اولونان سؤال بیاندن  
صوکره اهل جهنمک بوسؤاله ویرمش اولدقلری جوابی بیان ایتمک اوزره ﴿ قَالُوا  
بَلَىٰ قَدْ جَاءَنَا نَذِيرٌ فَكَذَّبْنَا وَقُلْنَا مَا نَزَّلَ اللَّهُ مِن شَيْءٍ إِنَّا أَنشُمُ الْإِلَافِي ضَلَالٍ  
كَبِيرٍ ﴾ بیوریور .

[ اهل جهنم « اوت ! محقق بزه قورقوتیجی پیغمبر کلدی . فقط بز آنی تکذیب  
ایتدک و ( الله تعالی سزه سمان برشی ایندیرمه دی و سز اولمادیکنز ، الا بویوک ضلالتده  
اولدیکز ) دیدک و دعوتلرینه اصلا اجابت ایتمه دک و سوزلرینی دیکله مدک » دیدیلر . ]  
یعنی ؛ جهنمک زبانیلری طرفندن تکدیر مقامنده اهل جهنمه وارد اولان سؤاله



جواب اولارق اهل جهنم کمال خجالتله دیدیلر که « اوت ! بزه دنیوی و اخروی منفعتیزی بیان ایدیجی و جهنم عذابندن قورقویجی پیغمبر کلدی. فقط نه چاره که بز آنلری تکذیب ایتدک و خلاصیزی تأمین ایچون کتیرمش اولدقلری آیتلری انکار ایدرک ( الله تعالی سمان سزه برشی کوندرمه دی . بناء علیه ؛ سز کندیکز اویدریورسکیز . شو حالده سز اولمادیکنز ، آنحق بویوک ضالته اولدیکز ) دیدک و آنلرک دعوتلری رد ایتدک . » ابوالسعود افندیکن بیانی وجهله اهل جهنمک شوجوابلری کندی قصورلری اعتراف و حسرتلری اظهار و آللرندن قاجیردقلری سعادتله کدر و ندامتلری بیاندر و انبیاء عظام حضرته ضلالی نسبت ایتلری کندی اعتقاد باطللریکن خلافته دعوت ایتدکلرندیز . چونکه ؛ انسانلرک اعتقاد نقطه سنده کندیلری حقلی کوردکاری ایچون کندی اعتقادلریکن خلافتی دائمی ضلالت عد ایتلری عادتلریدر . بناء علیه ؛ انبیانک دعوتلری کندی عقیده لرینه مخالف کوردکاری ایچون « سز بویوک ضلال ایچنده سکیز » دیمکه قدر جرأت ایتملردیز .

واجب تعالی خزنة جهنمک سؤاله کافرلرک و بردکاری جوابک بقیه سنی بیان ایتدک اوزره  
﴿ وَقَالُوا لَوْ كُنَّا نَسْمَعُ أَوْ نَعْقِلُ مَا كُنَّا فِي أَصْحَابِ السَّعِيرِ ﴾ بیوریور .

[ اهل جهنم « اکر بز قولاقلریمنزله حق ایشیتمش و عقلمزله دوشونمش اولسه ایدک اهل جهنم ایچنده اولمازدق و لکن حق دویمادق و عقلمزله دوشونمدهک . بناء علیه ؛ اهل جهنم ایچنده بولوندق و نار جهنمه ملازم لردن اولدق » دیدیلر . ]

یعنی ؛ اهل جهنمه خزنة جهنم طرفندن ایراد اولونان سؤاله جواب اولارق دیدیلر که « بزطالب حق اولانلرک ایشیتدکاری کبی حق ایشیتمش اولسه ایدک و یاخود عقل صاحب لریکن دوشوندکاری کبی دوشونسه ایدک اهل نار ایچنده بولونمازدق و لکن مع التأسف حق ایشیدوب لایقیله دوشونه مدیکمزدن اصحاب جهنمدن اولدق » دیمکه قصورلری اعتراف ایدرلر . ابوالسعود افندیکن بیانی وجهله خزنة جهنمک ( الم یأتکم نذیر ) سؤال لرنده « آنلرک سوزلری قولاقلریکنزله ایشیتوب عقلکنزله دوشونمده دیکزمی ؟ » عنوانده سؤال لرنه مندرج اولدیغندن بو جوابی ایراد ایدرلر .

فخر رازینک بیانی وجهله انسانلر ایچون مدار تکلیف ؛ عقله قولاق اولدیغندن بو آیتده هریکسی ده ذکر اولونمشدر . چونکه ؛ انبیاء عظام حضورنده بولونان برکیمسه ایچون برنجی درجه ده وظیفه ؛ کمال ایدر او بینک سوزینی دیکلامک و ایکنجی مرتبه ده وظیفه ؛ ایشیتدیکی سوزک معناسی عقلی ایدر دوشونمکدر . سمع ، عقل اوزرینه مقدمدر . زیرا ؛ عقله ادراک اولونان بر قاج مسئله دن صوکره بوتون احکام شرعیه سمعه مستند اولدیغندن سمعک شرفه و اهمیتته اشارت ایچون بو آیتده سمع ، عقل اوزرینه تقدیم اولونمشدر . بو آیت ایشیتمه نیک کورمکدن افضل اولدیغنه دلالت ایدر . زیرا دوعری سوزی ایشیتمک ؛ جهنمدن خلاصه مدار اولدیغنی حالده کوزدن بحث اولونماشدر . اکر کوزکده آتشدن خلاصه قولاق قدر مداری اولمش اولسه ایدی آیتده کوزده ذکر اولونوردی . حالبوکه ذکر اولونمادی ، شو حالده قولاغک کوزدن افضل اولدیغنه آیتده دلالت واردر .

کافرلر انبیانک کلاملری ایشیتمشلرایسه ده قبول ایتدک اوزره ایشیتمه مش کبی اولدقلری جهتله « ایشیتمش اولسه ایدک » دیمشلردر . چونکه ؛ ایشیتدیلر و دوشوندیلر آنحق قبول ایتدکاری ایچون ایشیتمه مش و دوشونمه مش کبی اولدیلر . شو حالده ایشیتمه ینلرک دوشونمه ینلرله فرق لری اولمادیغندن « کاشکه انبیانک کلاملری ایشیتمش و معالری دوشونمش اولسه ایدک . ایشیتمه دک و دوشونمه دک » دیمشلردر .

واجب تعالی اهل جهنمک جوابلری بیاندن صوکره جوابلریکن حاصل ایتدیکی نتیجه یی بیان ایتدک اوزره ﴿ فَأَعْتَرَفُوا بِذَنبِهِمْ فَسُحْقًا لِأَصْحَابِ السَّعِيرِ ﴾ بیوریور . [ شو جوابلری اوزرینه اهل جهنم کناهلری اقرار ایتمش اولدیلر . شو حالده رحمت الهیه دن اوزاق اولق اهل جهنمه مخصوصدر . ] یعنی ؛ جوابلرنده کناهلری اعتراف ایدنجه الله تعالی آنلری رحمتدن اوزاق قیلمله اوزاق قیلدی و اوزاق اولق اهل نار مخصوص بر چالندر .



اهل نارك اعتراف ايتدکری کناهلری ؛ انبیای تکذیب و کتابلری انکار ایتلیدر که کفریاتلری اعتراف دیمکدر . لکن اعتراف و ندامتک زمانی کجدیکی ایچون فائده سی اولمادیغندن رحمتدن اوزاق اولق آنلر ایچوندور .

یا هود سحق ؛ **بهمزة مدیه** اسمکدر . بوکا نظراً معنای آیت : [ اعترافی مجبوری اولان کناهه جرأتلرندن طولانی جهنمک ( سحق ) اسمنده اولان دره سی اصحاب ناره مخصوصدر ] دیمک اولور .

\*\*\*

واجب تعالی کافرلرک عذابنی بیان بیوردقدن صوکره مؤمنلرک مغفرتلری بیانیتمک اوزره ﴿ إِنَّ الَّذِينَ يَخْشَوْنَ رَبَّهُمْ بِالْغَيْبِ لَهُمْ مَغْفِرَةٌ وَأَجْرٌ كَبِيرٌ ﴾ بیوریور . [ محقق شول کیمسه لکه آنلر کورمه دکری حالده ربلرندن قورقدیلر . آنلر ایچون کناهلری ستر و بویوک اجر واردر . ]

یعنی ؛ شول اهل ایمان که ربلری دارد نیاده کورمه دکری حالده عن الغیب ربلرندن قورقارلر . بناء علیه ؛ جناب حق بشریتلری ایجابی کندیلرندن صدور ایدن کناهلری عفو ایدر و بویوک ثواب ویرر . چونکه ؛ جناب حق ایمانه مقابل اجر ویرر و قورقورلرینه مقابل کناهلری مغفرتله مکافات بیورر .

اللهم قورقو بوتون اییلک لک منشأ اولدینی جهته بحق قورقو کندیلرنده موجود اولان کیمسه لکیزی و آشکار کناهلرندن قاجیندقلری ایچون اجر عظیمه نائل اولورلر که بو دنیانک اک بویوک نعمتلری آنک یاننده هیچ قالدیغندن واجب تعالی اللهم قورقانلره ویرمه جکی اجری بویوکا کله توصیف بیورمشدور .

واجب تعالی بی باش کوزیه کوزمک ممکن اولمادیغندن الله تعالی به ایمان ، غیبی اولدینی کبی اللهم قورقونک دخی غیبی اولدیغنه اشارت ایچون قورقو ، غیب ایله توصیف اولونارق ( بالغیب ) لفظی وارد اولمش و غائبدن قورقق عبودیتک کالنه دلالت ایتدیکی ایچون بو مثللو قورقوبه مکافاتی بویوک اولاجغنی بیان بیورمشدور .

\*\*\*

واجب تعالی کافرلرک عذابلری و اهل ایمانک مغفرتلری بیاندن صوکره کافرلره خطاب ایتک اوزره ﴿ وَأَسِرُّوا قَوْلَكُمْ أَوِ اجْهَرُوا بِهِ إِنَّهُ عَلِيمٌ بِذَاتِ الصُّدُورِ ﴾ بیوریور .

[ ای کافرلر ! سوزیکیزی کیزی سویله یک و یا خود آشکار سویله یک مساویدر . زیرا ؛ الله تعالی قلمبرده اولان اسراری بیلیجیدر . ]

ابن عباس حضرتلرندن روایت اولوندیغنه نظراً کافرلرک رسول الله حقنده سویله مش اولدقلری کلاملری جبریل امینک رسول الله خبر ویرمسی اوزرینه کافرلر برلرینه « یاواش سویله یک ، سوزیکیزی محمد ﷺ ربی دویماسون . دویارسه محمد ﷺ خبر ویرر ، دیملری اوزرینه بو آیت نازل اولمشدور .

یعنی ؛ ای مشرکلر ! سز ایسترسه کز کیزی قونوشک و ایسترسه کز آشکار قونوشک عندالهیده جمله سی مساویدر . زیرا ؛ سزک قلمبریکزده اولان جمله اسراریکزک برذره سی بیله فوت اولقسزین الله تعالی بیلیر . چونکه ؛ الله تعالی هر کسک کیزی و آشکار ایشنی و سوزینی بیلیر . بناء علیه ؛ سزک ایچون عیبکیزی صاقلایا بیلمک یوقدر . شو حالده دوغری سویله یوب دوغری یوله کیتمه نک چاره سنه باقک .

بو آیت ؛ اهل ایمانی اعمال صالحه به ترغیب و اهل کفری ضلالتدن تهید ایتمشدور . چونکه اللهم هر شیئی بیلمسی ؛ ای عمل صاحب لرینک رغبتلری آرتیردینی کبی کوتو عمل صاحب لرینک قورقورلری دخی آرتیره جغنده شبه یوقدر . زیرا ؛ واجب تعالی بیلدیکی کبی مجازات ایدمه جکفی بیلنجه ذره قدر عقلی اولان کیمسه نک عاقبتی دوشونمسی ضروریدر . کیزی اولان شیرلک علنی اولانلردن دهها چوق اولدیغنه اشارت ایچون بو آیتده سر ، جهر اوزرینه تقدیم اولومشدور . زیرا هر آشکار ؛ قلبده کیزی اولان شیدن طوغار . چونکه ؛ انسان قلبنده کیزی اولان شیدن بعضیسنی اظهار ایدرسه ده چوقلری قلبنده قالیر کیدر هیچ میدانم جیقماز . یا هود سری جهر اوزرینه تقدیم ؛ کافرلرک قباحتلری تقدیم قیلندندر . زیرا ؛ کافرلر رسول الله حقنده آچیقندن سویله یه مه دکری شیرلری کیزی سویلرلردی .



خلاصه ؛ علی کناهلردن صاقینمق لازم اولدینی کبی کیزلی کناهلردن صاقینمق  
دخی واجب اولدینی بوآیتدن مستفاد اولان فوائد جمله سندندر .

..

واجب تعالی کیزلی وعلنی هرشیئک علم الهیده مساوی اولدینی بیانن صوکره شو  
مس-اوانک سینی بیان ایتک اوزره ﴿أَلَا يَعْلَمُ مَنْ خَلَقَ وَهُوَ اللَّطِيفُ الْخَبِيرُ﴾  
بیوریور .

[ بیلزمی مخلوقنی خالق ؛ حالبوکه او خالقک علمی هرشیئ واصلدر و او خالق جمله  
مخلوقاتک ظاهر وباطندن خبرداردر . ]

یعنی ؛ خالق تعالی نک برشیئ خلق ایتسی عن قصد و عن اختیار اولدیغندن اوشیئک  
کنهی و مقدرانی و کیفیتنی بیلیمک ایجاب ایدر . بناء علیه ؛ خالق مخلوقنی تمامیه بیلیر .  
زیرا ؛ جاهلدن برشی صدور ایتمز ، ایتسه بیه مصلحته موافق اولماز . شو حالده خالق  
ایجاد ایتدیکی شیئی اطرافیه بیلیر . چونکه ؛ او خالق لطیفدر ، دقائق اشیا به واسرارینه  
عالمدر وخبیردر ، زیرا ؛ حقائق اشیا به مطلعدر .

ابوالسعود افندیئک بیانی وجهله آیتده استفهام ؛ انظار ایچورمدر . نفی انظار ایسه اثبات  
اولدیغندن تأکید معناسنی افاده ایدر . شو حالده معنای نظم : [ خالق مخلوقنی بیلزمی ؛  
البته بیلیر ] دیمکدر . ( وهو اللطيف ) جمله حالیه سی ده انکارک معناسنی تأکید ایدر .  
فخر رازینک بیانی وجهله بوآیت ؛ افعال عبادک خالق واجب تعالی اولدیغنه دلالت  
ایدر . چونکه ؛ ( خَلَقَ ) کلمه سنک مفعول مقدری جمله مخلوقاته شاملدر . جمله مخلوقات  
ایچنده افعال عباد دخی موجوددر .

جمله ثانیه جمله اولانک دلیدر و تقریری شویله در : « الله تعالی مخلوقاتنی و مخلوقاتک  
احوالنی بیلیر . زیرا ؛ الله تعالی لطیف وخبیردر . هر لطیف وخبیر اولان خالق مخلوقنی  
بیلیر . بناء علیه ؛ الله تعالی مخلوقنی بیلیر ، دیمکدر .

..

واجب تعالی کیزلی و آچیق هرشیئ بیلدیکنی بیانه کافرلری تهدید ایتد کدن صوکره  
تهدیدنی ایقاعه قادر اولدینی بیانه دخی تهدید ایتک اوزره ﴿هُوَ الَّذِي جَعَلَ لَكُمُ  
الْأَرْضَ ذُلُولًا فَامْشُوا فِي مَنَاكِبِهَا وَكُلُوا مِنْ رِزْقِهِ وَإِلَيْهِ النُّشُورُ﴾ بیوریور .

[ اول خالق تعالی شول ذات لطیف درکه سزک ایچون بیوزنی استعمالکزه اولورشی  
وسزه مطیع و منقاد قیلدی . بیوزنی سزه منقاد اولونجه سزارضک اطرافنده یورویکیز  
واللهک او بیوزنده خلق ایتدیکی نعمتلردن بیکیز وسزک بعشکر آنحق الله تعالی نک  
حضورینه در ، باشقه سنه دکلددر . ]

یعنی ؛ الله تعالی کیزلی و آشکار هرشیئ بیلدیکی کبی قدرتی دخی هرشیئ شاملدر .  
چونکه ؛ الله تعالی شول ذات اجل و اعلی درکه سزک منفعتکز ایچون ارضی سزه اطاعتی  
یعنی زراعت ، فلاح و آغاج دیکمک کبی هر دورلو منفعتکزه موافق و استعمالکزه  
صالح قیلدی . بناء علیه ؛ ارضک طاغلرنده و اووه لرنده و اطراف و کنافنده یورویک  
وایسته دیککیز وجه اوزره تصرف ایدک و اسباب انتفاعدن هر دورلو سبیلره یاپیشک واللهک  
بیوزندن خلق ایتدیکی رزقندن بیک ، سزک ایچون مباحدر و شکرینی ادا ایدک . زیرا  
اولد کدن صوکره هر کسک مرجعی آنحق حضور الهیدر . عاقبت هر کسک مرجعی حضور  
الهی اولونجه اللهک خلق ایتدیکی نعمتله شکر اولونوب اولونما دیغندن سؤال اولوناجنی  
جهتله هر کسک نائل اولدینی نعمتک شکرینی ادا ایتسی لازمدر .

فخر رازینک بیانی وجهله جناب حق ارضی انسانلرک استعمالنه صالح اولدینی بیانه  
قدرت تامه صاحب اولدینی اعلان بیورمشددر . چونکه ؛ ارض شو بولوندینی حال اوزره  
اولسه ده دمیر ، آلتون و کوموش و بوکا محائل معدنیات صلبه کبی سرت اولمش اولسه ایدی اوزرنده  
کزمک و یاتمق و اوتورمق ممکن اولما دینی کبی انسانلرک حیاته خادم اولان اوتلره و اکتلره  
دخی صالح اولمازدی و یاز کونلرنده غایت صیجاق و قیش کونلرنده غایت صونوق اولاجنی  
جهتله اوزرنده یاشامق ده ممکن اولمازدی و اگر صو کبی جیویق اولسه ایدی انسانلر  
ایچون اوزرنده قرار ایتک ممکن اولمازدی . شو حالده نه سرت ونده یوموشاق ، ایکیمی  
آره سنده انسانلرک قرارینه و استعمالنه اولورشی خلق اولونارق استراحتلرینی تأمین و اسبابنه



توسل ایله رزق لری تحصیل و سیله اولسی انسانلر ایچون بویوک نعمت اولدیغندن جناب حق بونعمتک شکرینی ادا واجب اولدیغنه (والیه النشور) نظم جلیلی ایله اشارت بیورمشدر . بوآیتده الله تعالی انسانلره ارضدن انتفاع لازم اولوب معطل اولمالرینی توصیه ایتمشدر . چونکه ؛ « ارضی سزک استعمالکزه صالح قیلیم . اووه لرنده ، طاغلرنده سیر و حرکت سزک ایچون مباحدر و حاصل اولان رزقندن بیک . زیرا ؛ سزک ایچون خللدر . دیمک « تبتل اولمایک ، چالیشک . معطل اولمایک انتفاع ایدک واللهم خلق ایتدیکی نعمتله تلهذ ایدک » دیمکدر . طاغلر ، اووه لره نسبتله سرت اولدیغنی حالد طاغلرده یورو مکه امر ایتمک ؛ ارضک کمال اطاعتندن کنایه در . زیرا ؛ سرت اولان طاغلرده یورومک ممکن اولونجه سائر محللرنده یورومهک و انتفاع ایتمک ممکن اولاجنی اولویتله ثابت اولور .

ابوالسعود افندیکنک بیانی وجهله بوآیتده امرلر اباحه ایچوند . بناء علیه ؛ « ارض اوزرنده یورومک و حاصل اولان رزقندن بیک مباحدر ، واجب دکدر » دیمک اولور . آیتک جمله اخیره سی کافر لری کفردن و عاصیلری عصیاندن منع ایتمک ایچون وارد اولمشدر . یعنی « ارض اوزرنده قراریکز و سیر و سفریکز و رزق لردن بیوب ایچمکز عاقبت مرجعکزک حضور الهی اولدیغنی اعتقاد اوزره اولق لازمدر » دیمکدر .

خلاصه ؛ ارضک انسانلره کمال اطاعتله مطیع و انسانلرک هر دورلو استعماللرینه صالح اولدیغنی و انسانلر ایچون ارضک هر طرفده سیر و سفرله نعمتلرندن مستفید اولوب معطل اولماق و عاقبت هر کسک مرجعی حضور الهی اولوب اکا کوره تدارکاتده بولونوب حرکت ایتمک لازم اولدیغنی بوآیتدن مستفاد اولان فوائد جمله سنددر .

\* \*

واجب تعالی ارضک انسانلره مطیع اولدیغنی بیاندن صوکره بوقدر اطاعتله برابر عاصیلری قهر ایتمک هر وقت حاضر اولدیغنی بیان ایتمک اوزره ﴿ اَمْ اَنْتُمْ مِّنْ فِی السَّمٰوٰتِ اَنْ یَّخْفِیْ بِکُمْ الْاَرْضُ فَاِذَا هِیَ تَمُوْرٌ ﴾ بیوریور .

[ سز امینمی سکز قدرت قاهره سی سجاد موجود اولان الله تعالی نک سزی یر ]

باتیر مسندن ؛ ارض سزکله برابر یره باتجه نا کهانی اولارق حرکت ایدرو مضطرب اولارق قاینار کوریلور .

یعنی ؛ ای عاصیلر ! قوت و قدرتی ، سطوت و ملکوتی سجاد موجود اولان الله تعالی نک سزی یره باتیر مسندن امینمی سکز ؛ سزی یره باتیرنجه یر حرکت ایدر که سزه اطاعتی قالماز و آشای یوقاری حرکت ایدر سزی ایچنه آلیر محو ایدر .

آیتک ظاهری واجب تعالی نک سجاد اولسنی اشعار ایدرسده جناب حق مکاندن منز اولدیغنی جهته دلائل عقلیه موافق اولارق تأویل اولونور . شویله که « الله تعالی سجاد » دیمک « اللهم عذابی سجاد » دیمکدر . چونکه ؛ عاصیلرک اوزرینه بلایا اکثریا سجادن ایندیکندن عذابی ، سجاد موجود دیمشدر . یا ضور آیتک نزولنه مخاطب اولان عربلر اللهم سجاد اولدیغنی اعتقاد ایتدک لردن « سزک سجاد موجود اولدیغنی اعتقاد ایتدیکنکز اللهم عذابندن امینمی اولدیکنز ؟ » دیمکدر .

(تمور) حرکت ایدر دیمکدر که غضب الهی ظهور ایدنجه یریوزی انسانلره اطاعتدن چیقار صاغنه وصولنه و آلتنه و اوسته حرکت ایدر و اوزرنده بولونان انسانلری ایچنه آلیر هلاک ایدر . بوده بزم کوردیکمز و بیلدیکمز زلزله لر دیمکدر .

خلاصه ؛ ارضک بوقدر اطاعتله برابر بر زمان غضب الهی ظهور ایدرک ارضک حر که سیله جناب حقک انسانلری یره باتیر مسندن قورقو لازم اولوب امین اولق جائز اولما دیغنی بوآیتدن مستفاد اولان فوائد جمله سنددر .

\* \*

واجب تعالی عاصیلری یره باتیر مقله تهدید ایتدکن صوکره سجادن طاش یاغدیرمقله عذاب ایدر جکفی بیان ایتمک اوزره ﴿ اَمْ اَنْتُمْ مِّنْ فِی السَّمٰوٰتِ اَنْ یُّزِلَّ عَلَیْکُمْ خٰصِبًا فَسَتَقَلَمُوْنَ کَیْفَ نَذِیْرٌ ﴾ بیوریور .

[ بلکه سز امینمی سکز غضبی سجاد موجود اولان الله تعالی نک سزک اوزریکزه ]



طاش یاغدیرمقله هلاک ایتسندن ؟ الله تعالی اهلک ایدنجه سز یقینه سزی انذار ایدن رسولک ناصل طوغری سویله یچی برآدم اولدیغنی بیلیرسکز . [ یعنی ؛ سز یره باتمقدن قورقاز ایتیمی سکز ؛ و یا خود عذابى سماءه موجود اولان الله تعالی نك سزك اوزریکزه هلاککزه کافی طاش یاغدیرمقله اهلک کندن ده می قورقازسکز ونعمته شکر ایدرهك ایمان ایتمزسکز ؛ حالکیز بویه اولونجه سز یقینه سزی انذار ایدیچی رسولک ناصل طوغری سوزلی اولدیغنی وانذار اولوندیغکیز عذابک کیفیتنی بیلیرسکز . فقط اوبیلمکیز سزه منفعت ویرمز . چونکه ؛ هر شیک منفعت زمانى کچنجه آنک وارلقيله یوقلنی برابر اولور . بناء علیه ؛ عذابک وقوعندن صوکره عذابى بیلهرک قورقق او عذابى دفع ایتمکده فائده ویرمز . چونکه فائده ویرمک ؛ هلاک اولمازدن اول رسولی تصدیق ایتک وعذابدن قورققدر ، بوقسه وقوعندن صوکره تصدیق دکدر .

خلاصه ؛ انسانلرک کناهلرینه جزا اولارق جناب حقک سمان طاش یاغدیرمسندن قورقلری لازم اولدیغنی وبومثللو عذابله هلاک کدن صوکره آنلری عذابدن قورقونمق ایچون کوندریلن رسولک حقا صادق اولدیغنی بیلهرک بوی آیتدن مستفاد اولان فوائد جمله سنددر .

..

واجب تعالی نعمتک قدرینی بیلوب شکر ایتک لازم اولدیغنی جهته شکر ایتمه ینلری تهدید ایله دکن صوکره تهدیدنی تأکید اولمق اوزره ﴿ وَلَقَدْ كَذَّبَ الَّذِينَ مِنْ قَبْلِهِمْ فَكَيْفَ كَانَ نَكِيرٌ ﴾ بیوریور .

[ الله حق ایچون کندیلرینه طرف الهمیدن کوندریلن رسوللرینی محقق تکذیب ایتدیلر شول کیمسه لرکه آنلر بو کافرلردن اول کچمشلردی . آنلرک تکذیبلرینی انکاریمز و آنلردن اخذ وانتقامز نه کیفیتده وقوعبولدی ایسه مکه کافرلری ده رسولی تکذیبلرینه مقابل انتقامزى خاطر دن چیقارماسونلر . ] زیرا ؛ کفرده اصرار ایتدکلى صورتده عین عذابز آنلرده واقع اولاجقدر .

ابوالسعود اقدینک بیانی وجهله بو آیتده (من قبلهم) ده کی (هم) ضمیری مکه مشرکله راجعده . آنلردن اول کچن امتلرله مراد ؛ قوم نوح وعاد وآنلرک امثالک هموک اولاره امتلرور . خطابدن غایبه التفات ؛ کافرلری التفادن اسقاط ایچوندر . چونکه ؛ هر کون انکارلری قابل اولمایان معجزه لری انکارله رسول اللهی تکذیب ایتلری آنلری مرتبه حضوردن درجه سفلیته ایندیرمشدر . (نکیر) شکره انظار معناسنی افاده ایتدیکندن کچمشلره واقع اولان عذابک غایت شدتلی وغریب بر صورتده واقع اولدیغنه دلالت ایدر وقسمک مرجعی ده بودر . زیرا ؛ اتم سالفه نك تکذیبلری مشهور وهر کسجه معلوم اولدیغندن آنلرک پیغمبرلرینی تکذیبلرینی بیانده یمینه تأکید حاجت یوق ایکن یمینه تأکید ایتک عذابک یلک غریب اولدیغنه اشارت ایچوندر . بو آیتده رسول اللهی تسلیه وقومنی تهدیدده مبالغه واردر .

نیسابوری وخازنک بیانلری وجهله (نکیر) خاطر وخیال کلمه به بر امر غریب دیمکدر . بوکا نظراً معنای آیت : [ قریش قومندن اول کچن امتلرک نیلرینی تکذیبلری اوزرینه خاطر وخیاللرینه کله ین عجیب وغریب عذابلر ناصل نازل اولدی و آنلری ناصل اهلک ایتدی ایسه قریش قومی ده رسوللرینی تکذیبده دوام ایتدکلى صورتده عقللرینک ادراک ایدمه دیکی عذاب کلوب آنلری اهلک ایدمه جک ] دیمکدر .

خلاصه ؛ اول کچن امتلرک نیلرینی تکذیبلری سببیه هلاک اولدقلری کی بواستکده نیلرینی تکذیب ایتدکلى صورتده هلاک اولاجقلری بو آیتدن مستفاد اولان فوائد جمله سنددر .

..

واجب تعالی کمال علمنه وقدرته دلالت ایدن بعض دلیللری وعاصیره انواع عذابى ازاله قادر اولدیغنی بیاندن صوکره کوزلری ایله کوردکلى بعض دلائلی بیان ایتک اوزره ﴿ اَوَلَمْ يَرَوْا اِلَى الطَّيْرِ فَوْقَهُمْ صَافَاتٍ وَيَقْبِضْنَ مَا يُنْسِكُهُنَّ اِلَّا الرَّحْمٰنُ اِنَّهُ بِكُلِّ شَيْءٍ بَصِيرٌ ﴾ بیوریور .



[ آنر غفلت ایدوبده هوانک اورته سنده کندی اوزرلرنده قانادرینی آچارق اوچان قوشلره نظر ایدوب باقارلمی؟ او هواده اوچان قوشلری هیچ برکیمسه طوتماز، آنجق رحمتی بول اولان الله تعالی طوتار. زیرا؛ رحمن تعالی هرشیئی کوریمیدر. ]

یعنی؛ جناب حق کافرلری اهلاکه و آنلردن اخذ وانتقامه قدرتی انکار ایدرلرده قوشلری کورمزلمی؟ او قوشلرکه آنلرک اوزرنده هوانک اورته سنده قانادرینی آچارلر و کمال سرعتله اوچارلر. حالبوکه آنلرک وجودلرینک آغیرلقنه نظراً هواده ثبات ایدمه یوب یره دوشملرینی طبیعتلری ایجاب ایدرکن طبیعتلری خلافتده آنلری هواده کیمسه طوتاماز، آنجق رحمتی بول اولان واجب تعالی طوتار. زیرا؛ واجب تعالی هرشیئی کوریمیدر و بیلیجی اولدیغندن آنلری کورور و کندیلرینه لایق بر شکل مخصوص و حال غریب اوزره خلق ایدر و غریب بر صورتده آنلری اداره ایدر و مخلوقاتندن هربری فیض و قدرتدن استفاده سی وجهله آلدیغی درس اوزره حرکت ایدر. ایشته شواساسه بناء قوشلری هواده اوچاقق بر لیاقت اوزره خلق ایدهرک آنلرک هواده دوشمکسزین اوچالرینی اوچارکن قولایلق ایچون قانادرینی آچوب اورتمکی الهام ایتک و کندیلرینه مناسب جملرینی و او جهله مناسب قانادرینی خلق ایتک الله قدرته آچیق دلیلدر. شو حالده وجودلرنده اولان ثقلت ایجابی یره دوشمک شانندن اولان قوشلری هواده دوردوران و دوردوره جق اسبابلر خلق ایتکه قادر اولان الله تعالی نک ذات الوهیتنه ایمان ایتمین کافرلردن انتقامی آلمه قادر اولاجنی اولویتله ثابت اولور.

ابوالسعود افندینک بیانی وجهله قوشلر چوق کره قانادرینی آچارلر و بورغونلق کلدیکنده قانادرینی آنی اولارق اورترلرکه آز بر زمانده دیکله ندرلر و سرعتله اوچمه موفق اولورلر و آزیجق قانادرینی اورتمک دائمی اولما یوب مره بعد اخری یکله ندیکنه اشارت ایچون بمرد و استمراره دلالت ایدن مضارع صیغه سیله (ویقبضن) وارد اولمشدر. فخر رازینک بیانی وجهله بو آیت؛ قوللرک اختیار جزئیلریله اولان ایشلری الله مخلوق اولدیغنه آچیقدن دلالت ایدر. چونکه؛ قوشلرک هواده اوچالری فعل اختیار ایدر و بوفعل اختیاریلرینی خلق ایدن و آنلری هواده طوتان ذاتک آنجق رحمن تعالی اولدیغنی جناب حق بو آیتده حصرله بیان ایتمشدر. بناء علیه؛ معتزله نک قوللر کندی افعالی خلق ایدر دیدکری سوزلری محدوددر.

خلاصه؛ سباه اوچان قوشلره باقارق واجب تعالی نک قدرتی تصدیق لازم و قوشلری هواده طوتان آنجق واجب تعالی اولوب الله تعالی نک هرشیئی کوریمیدر و بیلیجی اولدیغنی بو آیتدن مستفاد اولان فوائد جمله سنددر.

واجب تعالی قدرت کامله صاحبی اولدیغنی بیاندن صوکره کافرلرک کووه ندیکری عسکرلرینک آنلره یاردیمه قدرتی اولما دیغنی و کافرلرک آنجق غرور ایچنده یاشادقلرینی بیان ایتک اوزره ﴿أَمَّنْ هَذَا الَّذِي هُوَ جُنْدُ لَكُمْ يَنْصَرُّكُمْ مِنْ دُونِ الرَّحْمَنِ إِنَّ الْكَافِرَ لَرُؤُوسُ الْإِنْفِ غُرُورٍ﴾ بیوریور.

[ ای کافرلر! سزه اللهک غیری عسکریکز می یاردیم ایدمه جک؟ کافرلر اولمادی، آنجق شیطانک حله سنه آلدایجی و غرور ایچنده اولدیلر. ]

یعنی؛ ای کافرلر! سز اللهک قدرته دلالت ایدن قوشلرک هواده عجیب و غریب صورتده اوچدقلرینه باقارق سزی حقه دعوت ایدن رسولک دعوتنه اجابت ایتمه دیکز، او حالده شو اشارت اولونان عسکریکز و مالکزمی سزه یاردیم ایدمه جک؟ رحمتی بول اولان الله تعالی نک غیری عسکریکز سزه یاردیم ایدمه بیلمی؟ البته ایدمه مز. شو حالده سزک اللهک غیری بر یاردیم بکله مکز باطلدر. زیرا؛ امکانی یوقدر. بناء علیه؛ کافرلر اولمادی، الا شیطانک اغفالاتنه آلدانمله غرور ایچنده یاشا بورلر.

ابوالسعود افندینک بیانی وجهله بو آیتده اسم اشارت؛ آنلرک کووه ندکری عسکرلرینی تحقیر و کافر لفظی اظهار؛ آنلری کفرله ذم و غرورلری کفرلردن نشأت ایتدیکنی بیانه و خطابدن غیبه التفات؛ آنلرک اعراضه شایان اولدقلرینه اشارت ایچوندر.

اسماء حسندان رمع لفظی اختیار؛ کافرله نعمت بیلمه دکری بیانه تعریض و آنلری تمکیدر ایچوندر. چونکه؛ بوکا نظراً معنای آیت: [ ای کافرلر! سزه وجهله علامه انعام واحسان صاحبی اولان الله تعالی نک غیری شو حقیر و ذلیل اولان عسکریکز دمنی



نصرت بکلسکمز؟ حالوکه سزه کله جک عذاب سز کله برابر آنلرده کله جکدر .  
بناء علیه؛ آنلر کندیلرندن عذابی دفعه قادر دکلرکه سزدن عذابی دفعه قادر اولسونلر.  
شوحالده برطام عاجزلره اعتمادله رسولکمز ایمان ایتمه مک حماقتدن باشقه برشی دکلدر ]  
دیمکدر .

فخر رازینک بیانی وجهله کافرلرک اول و آخر اعتماد ایتدکلری ایکی شیمه : برنجیسی ؛  
اولاد و انبایلی و عسکر و ماللری ایلد حاصل اولده قومه . بوقسمدن فائده اولیه جغنی  
جناب حق بوآیتله بیان بیورمشدر . ایکنجیسی ؛ معبود اتخا ایتدکلری بوتلمبرمه .

..

واجب تعالی بوتلرکده فائده سی اولیه جغنی بیان ایتک اوزره ﴿ اَمَّنْ هَذَا الَّذِي  
يَرْزُقُكُمْ اِنْ اَمْسَكَ رِزْقَهُ بَلْ لَجُّوا فِي عُتُوٍّ وَنُفُورٍ ﴾ بیوریور .

[ اکر الله تعالی سزه ویردیکی رزقی طوتار ویرمزه سزه رزقی کیم ویره جک ؟  
شو سزک معبود اتخا ایتدیککز حقیر و ذلیل اولان بوتلریکزمی رزقکزی ویره جک ؟ ]  
یعنی ؛ الله تعالی رزقک اسبابندن اولان یا غموری و یا غمورله حاصل اولان اولتلی و اکیئلری  
سزدن منع ایدر ویرمزه سزه بوتلری ویره جک کیمدر ، هانکی معبودیکز ویره بیلجک  
وهانکیسه شو بزم رزقزی ویریور دییه جک سکز ؟ البته دییه مزسکز و هیچ بریسه  
شو بزم رازقز دییه رک اشارت ایدم مزسکز . زیرا ؛ بوتلریکزدن هیچ بریسی ، دکل  
بوتون رزقکزی ویرمک رزقکزدن بر ذره سنی بیلجک ایجاده قادر اولمادیی میدانده بر  
حقیقتدر . بلکه کافرلر حقک ظهوریله برابر تکبر و تمردده عناد وحقدن اوزاق اولمقده  
اصرار ایتدیلر .

(لَجُّوا) مبرالده اصرار معناسندر . (عُتُوٍّ) تمرد و تکبر معناسندر . (نُفُورٍ)  
مقصد اوزاق اولم معناسندر . شو حالده معنای نظم : [ کافرلرک « بزم بوتلریمز بزم  
جیمع خیراتی اولاشدیرلر و بزدن بالعموم بلایای دفع ایدرلر » دییه رک ادعای بداهته  
قارشی بر ادعادر ، بلکه آنلر کبر و تمرد ایتکده وحقدن اوزاق اولمقده غوغا و عنادده

اصرار ایتدیلر و بو اصرارلری تمرد و تکبردن باشقه برشی دکلدر [ دیمکدر . زیرا ؛  
رزق هر کون هر کسک محاج اولدینی برشی اولدینی کی هیچ بر کیمسده اللهک غیریدن  
بکله مادیکی ایچون بوتلرک بوتلردن بکله ملری باطل اولدینی جناب حق بوآیتله بیان بیورمشدر .  
واجب تعالی کافرلرک قوه عملیه لری فاسد اولدینی کی قوه نظریه لری ده قیصه و جاهل  
اولدقلرندن آنلری ، هر کسه جناب حقک احسانی اولدینی ظاهر و باهر اولارق رزق  
مسئله سیله الزام و بوتلری معبود اتخا ایتکده اصرارلری صرف عناد و استکباردن  
عبارت اولدینی بیانله عالمه قارشی ترضیل ایتمشدر .

..

واجب تعالی کافرلرک کبر و غرورده وحقدن اوزاق اولمقده عنادلری بیاندن  
صوکره بو ایکی صفتک اک چیرکین برصفت اولدینی بیان و کافرله مؤمنک حاللری بر  
مثال ایله ایضاح ایتک اوزره ﴿ اَمَّنْ يَمُشِي مُكِبًّا عَلٰى وَجْهِهِ اَهْدٰى اَمَّنْ يَمْشٰى  
سَوِيًّا عَلٰى صِرَاطٍ مُسْتَقِيمٍ ﴾ بیوریور .

[ یوزی اوزرینه دوشمش اولدینی حالده یورون کیمسه می مطلوبنه واصل اولور ،  
یوقسه دوغری یولدن آفاق اوزرنده اولدینی حالده یورون کیمسه می واصل اولور ؟ ]  
یعنی ؛ ای کافرلر ! سز ظاهرده کوریلن آثاره و اسباب عادیه به باقارده مؤثر  
حقیقی اولان واجب تعالی به اسناد ایتز تکبر و تمرد ایدرده نظر ایدوبده کورمز میسکز  
شول کیمسه نک حالی که او کیمسه ظلمت جهالت و انواع ضلالت ایچنده یوزی اوزرینه  
دوشمش اولدینی حالده حیرت و دهشتله کیده جکی محلی بیلیمکسزین کور کورینه یورور .  
بوصورتله یورون کیمسه می مطلوبنه واصل اولور ، یوقسه علم معرفتله مزین کیده جکی  
محلی شبهه سز بیلیر اولدینی حالده آفاق اوزرنده کوزی کوره رک طوغرو یورون کیمسه می  
مطلوبنه واصل اولور ؟

فخر رازینک و ابوالسعود افندینک بیانلری وجهله بوآیت ؛ کافرله مؤمنک حاللری  
بیان ایچون بر ضرب مثلدر . بناء علیه ؛ جناب حق بوآیتله مؤمن ایله کافرک دنیا ده کی  
حاللری آجیق بر صورتده تمثیل بیورمشدر . چونکه مؤمن ؛ کوزی کورور ، کیده جکی  
خلاصة بیان : اون بشی جلد ۸



یولی بیلیر و جمله عوارض و مواعیدن سالم اولارق مقصدینه طوغرو کیدن کیمسه به بکزه . کافرایسه علیل ، کوزی کورمز و کیده جکی محلی بیلمز و جاهلانه یوز اوستی بو وارلا نوب کیدن کیمسه به بکزه . ایشته شو اساسه نظراً آیتک معناسی : [ ای غافلر ! سز حالکیزی بیلمز و دوشونمز میسکیز که سزک حالکیز یولای بیلمه یین اعمی کیمسه نک حاله بکزه که اصلا مطلوبنه واصل اولاماز . امامؤمنک حالی ؛ دائماً کوزی کورور و مطلوبنه دوغری کیدر سلامتله واصل اولان کیمسه نک حاله بکزه ] دیمکدر .

باضود آیت جلیله : مؤمن ایله کافرک آخرتده کی حاللری بیاندیر . چونکه کافرک کفرندن طولایی آخرتده حالی ؛ جهنمه یوزی اوستته دوشمش اولارق سورونه رک کیتمکدر . مؤمنک حالی ایسه آفاق اوزرنده دوغری یورویه رک عوارض و مواعیدن سالم اولارق جنته کیتمکدر . شو حالده هرا یکی توجیهه نظراً آیتک معناسی ؛ کافری ایمانه و انصافه دعوت و مؤمنی ایماننده ثبات ایتمه ترغیدیر .

باضود آیتدن مقصد ؛ عالم ایله جاهل آره سنده کی فرقی بیان و حاللری تمیلدر و کافری جاهله و مؤمنی عالمه تشبیهدر . چونکه ؛ جاهل جهلندن طولایی پک چوق حرکاننده برچوق ضررلره دوچار اولدینی کی کافرده کفرندن طولایی هرنفسنده آخرت ایچون بیک درلو ضرر حاضرلا مقدهدر . مؤمنک حالی خطادن سالم اولمقده عالمک حاله بکزه . بناء علیه انسان ایچون علوم شرعیه تحصیل ایتمک قدر بر سعادت اولاماز .

..

واجب تعالی هواده اوچان قوشلرک حاللریله قدرت قاهره سنی اثبات ایتدکن صوکره انسانک عجیب و غریب حاللریله ده قدرت قاهره سنی اثبات ایتمک اوزره ﴿ قُلْ هُوَ الَّذِي أَنْشَأَكُمْ وَجَعَلَ لَكُمُ السَّمْعَ وَالْأَبْصَارَ وَالْأَفْئِدَةَ قَلِيلًا مَّا تَشْكُرُونَ ﴾ بیوریور .

[ یا اکرملرسل ! وحدانیتمی انکار ایدن کافرلره سن دی که ؛ الله تعالی شول ذات اجل واعلادر که سزی یاراتدی و سزه کوزلر و قولقلر و عقللر و یردی و بو اعضالری اللهک راضی اولدینی شیلرده استعمال ایتدیککیزدن طولایی غایت آزشکر ایدیورسکیز . ]

حالبوکه شونعمتله باقارق هر برینک شکری ادا ایتمک اوزریکزه واجبدر . چونکه ؛ جناب حق قولاغکیزی و یردی حق دویمق ایچون و کوزلریکیزی و یردی حق کورمک ایچون و قبلریکیزی و یردی حق بیلیمک ایچون . سزایسه بونلری شره آلت ایتدیککیزدن شکری ادا ایتدیککیز . زیرا هراعضانک شکری ؛ او اعضاءک ایجادندن مقصد اصلی نه ایسه اوکاصرف ایتمکدر . بناء علیه ؛ خلقتندن مقصد اصلی به صرف اولونمایان جسمک شکری ادا اولونمامشدر . شو حالده انسان ایچون اللهک احسان ایتدیکی بدنن هر جزئی ماخلق لهنه صرف ایتمک والللهک امر ایتدیکی شیلرده استعمال ایله مک اوبدنن مقصد اصلیدر . بونک خلافنده استعمال مضرت و عین عذابدر . انسانلرک بدنی اللهک راضی اولدینی ایشلرده استعمالی غایت آزا ولدیفنه اشارت ایچون جناب حق غایت آز شکر ایتدکلیری بیان بیورمشدر .

..

واجب تعالی انسانه و یرمش اولدینی کوز ، قولاق ، قلب کی اعضالره قدرتی اثبات ایتدکن صوکره نفس انسانک خلقیله دخی اثبات ایتمک اوزره ﴿ قُلْ هُوَ الَّذِي ذَرَأَكُمْ فِي الْأَرْضِ وَإِلَيْهِ تُحْشَرُونَ ﴾ بیوریور .

[ ای رسول مکرم ! آخرتی انکار ایدن کافرلره سن دی که « سزه وجودیکیزی احسان ایدن الله تعالی شول ذات اجل واعلادر که سزی ارض اوزرنده خلق ایتدی و جزا کزی کورمک ایچون آنحق ذات الوهیتک حضور مغویسنه حشر اولونور و جزا کزی کورورسکیز . ] چونکه ؛ سزی یربوزنده خلق ایتدی و ایمان و اعمال صالحه ایله امرایله دی و او امر و نواهیسنی نیسی واسطه سیله سزه تبلیغ بیوردی که هر کس دنیاده ایشله مش اولدینی عملنک جزاسنی آخرتده کورسون . بناء علیه ؛ هر کسک عاقبت حضور الهی به جمع اولوب جزاسنی کوره جکفی بیان بیورمشدر .

فخر رازینک بیانی وجهله بو آیت و بوندن اولکی آیتلر حشر و نشرک محنتی و امکاتی بیان ایچون سوق اولونمشدر . زیرا ابتداء ایجادله انتها اولمش وجودی احیا ایتمک امکانه



مساویدر. چونکہ؛ اولاً ایجادہ کافی اولان قدرت انتہاء اعادہ بہ دخی کافیدر. شو حالہ  
انسان اولدکن صوکرہ دیریلہ جکفی کوزی اوکنہ کتیرملی و عملی آنک اوزرینہ بنا  
ایملیدر.

..

واجب تعالی کافرلرک انکار ایتدکری حشری اثبات ایتدکن صوکرہ حشری  
انکارایدن کافرلرک کلاملری بیان ایتک اوزره ﴿وَيَقُولُونَ مَتَى هَذَا الْوَعْدُ إِنْ  
كُنْتُمْ صَادِقِينَ﴾ قُلْ إِنَّمَا الْعِلْمُ عِنْدَ اللَّهِ وَإِنَّمَا أَنَا نَذِيرٌ مُّبِينٌ ﴿بیوریور.

[ رسول الله کافرلرہ حشری بیانی اوزرینہ کافرلر «بو وعدک زمانی نه وقدر ،  
اگر سوزیکز طوغری ایسه سویله یک؟» دیرلر. یا حییم! سن آنلره خطاباً دی که  
«بونک علمی الله تعالی عندنددر ، بزبیلہ میز و بن آنجق حشرک وقوعیلہ آچیقندن سزی  
قورقوتجی می.» ] زیرا ؛ علمم وقوعنددر ، زمانته دکلددر. چونکہ؛ وقوعی محققدر ووقوعی  
بیان ، سزی قورقوتقمده کافیدر. زمانته حکم تعلق ایتز. بناء علیه زمانته علم ؛ الله  
تعالی به مخصوصدر .

فخر رازینک بیانی وجهله کافرلرک بوسوزلری اهل ایمانی استهزا ایتک صورتیلہ  
سویله نمشددر. چونکہ؛ زمانی معلوم اولمادیقندن وقوعنه احتمال ویرمه دکلری جهتلہ استهزایه  
جرات ایتشلردر. وعدله مراد ؛ مطلقاً عذاب اولمیه احتمالی وار ایسهده بوم قیامت  
اولمیه آیت سابقه موافقدر. چونکہ ؛ بوندن اولکی آیتده حشر اولونا جقلری بیان  
اولوندینی جهتلہ بو آیتده وعدله مرادک قیامت و ممر اولمیه یاقیشور.

کافرلر « رسول الله قیامتک وقوعی بیلدیکی کبی زمانی دخی بیلیر ، اعتقادند  
اولدقلرندن شو اعتقادلری دوندورمک ایچون مصره دلالت ایدن (انما) لفظ شریفی  
وارد اولمش و قیامتک زمانته علم آنجق الله تعالی به منحصر اولدیغنی اعتقاد ایتک امور  
لازمه دن اولدیغنی بیان اولونمشددر. زیرا ؛ رسول الله قیامتک وقوعی وحی ایلہ بیلدیرلمش

ایسهده زمانی بیلدیرلمه دیکندن قیامتک زمانی تعین ایدیلہ مه مشدر. چونکہ ؛ وقوعک  
محقق اولمیه کافرلری عذابدن قورقوتقمده کافیدر. بوجوابده قیامتک زمانی سؤال  
ایدنلری تکدیرده موجوددر. زیرا سؤالی لازم اولمایدیغنی بیان ایتکده دخی عبث ایلہ اشتغال ایتدکری  
بیان اولونمشددر. رسول اللهک وظیفه سی آنجق انذار اولوب انذاری تجاوز ایتدیکنی  
بیان ایچون آیتده ایکنجی جمله اوات مصره اولان (انما) لفظیلہ وارد اولمشدر.

رسول اللهک انذاری واضح و ظاهر اولوب اصلاً کیزی برشی اولمادیغنه اشارت ایچون  
(نذیر مبین) وارد اولمشدر که « بنم انذارم آچیقدر ، کیزلیسی یوقدر ، دیمک اولور .

..

واجب تعالی قیامتک زمانی بیلیمک ایستہ یئرلرک وقوعنده ترددلری بیاندن صوکره  
قیامتک وقوعنده حاللری بیانی ایتک اوزره ﴿فَلَمَّا رَأَوْهُ زُلْفَةً سَيِّئَتْ وُجُوهُ الَّذِينَ  
كَفَرُوا﴾ بیوریور.

[ وقتا که قیامتی انکار ایدنلر وعد اولونان عذابی یقین اولدیغنی حالده کوردیلرسه  
کافرلرک یوزلری کوتو اولدی. ] زیرا ؛ قلمبلرنده اولان کفرک شامت یوزلرینہ ووردی.  
بناء علیه ؛ یوزلری چیرکین اولدی.

فخر رازینک بیانی وجهله آیتک ظاهری کچمشدن خبر ویردیکی جهتلہ موعود اولان  
شینک مطلقاً ندری اهلک ابره ملک عذاب اولمسنه دلالت ایدرسده موعود اولان شی ؛  
قیامت اولمیه نظرأ « عذابی کوردکلری زمانده یوزلری چیرکین اولاجق ، دیمکدر .  
چونکہ ؛ وقوعی محقق اولان شینک واقع اولمش کبی خبر ویرلسی عاتدر .

ابوالسعود افندیکنک بیانه نظرأ ضمیر موقعنده اسم ظاهر اولارق (الذین) لفظنک  
وارد اولمیه ؛ یوزلرینک کوتو اولمسنه سبب کفرلری اولدیغنی صورت صریحهده بیانه  
آنلری ذم ایچونددر .



انسانک مبتلا اولدینی عذابک و آجینک اثری وجودینک هر طرفنده ظاهر اولورسه ده یوزنده حزن و کدر وجودینک هر طرفندن ده زیاده کورولدیکی ایچون آیتده یالکیز یوزلرینک چیرکین اولاجنی بیان اولونمشدر .

\*\*\*

واجب تعالی عذاب کوردکاری زمان کافرلرک یوزلرینک سیاهلانو ب کوتو اولاجنی بیاندن سوکره جهنم عذابنه مؤکل اولان ملکر طرفندن آنلره یایلاجق معامله یی و سوله نه جک سوزی بیان اتمک اوزره ﴿ وَقِيلَ هَذَا الَّذِي كُنْتُمْ بِهِ تَدْعُونَ ﴾

بیوریور .

[ کافرله خطاباً زبانیلر طرفندن « شو عذاب ؛ شول عذابدرکه سز آنی عجله اولارق ایسته یوردیکیز » دنیلور . ]

یعنی ؛ کافرلر دوچار اولدقلری عذاب کورونجه اللهک امریله عذابه مأمور اولان ملکر طرفندن آنلره خطاباً دنیلورکه « شو کوردیکیز عذاب ؛ شول عذابدرکه سز آنی انکاریکزدن طولای استهزا طریقله دنیاده وقوعنی طلب ایدردیکیز . ایسته یوقلغنی اعتقاد ایدرهک وارایسه اولو ویرسون دیدیکیز عذاب بودر » دیمکه کافرلری تکدیر ایدرلر .

رسول الله عذاب آخرته آنلری قورقوتوب ایمانه دعوت ایتدیکنده آنلر آخرتی وحشری ونشری انکار ایدرهک « انسان وفات ایتدکدن سوکره دیرلر و عذاب کورمن . وارسه بر کوره جکی بودنیاده کورسون وکله جک ایسه عذاب و سوزک طوغری ایسه کلسونده کورهلم » دیرلر و بسوزی کندی اعتقاد لر نجه رسول اللهی الزام ایدرز اعتقاد باطل لرینه بناء سویلرلردی . ایسته دنیاده کی بو اعتقاد باطل لرینی جهنمه کیره جکری زمان آنلره اخطار اتمک تکدیر اولدینی جهته یاره لرینه طوز اتمک قیلندن عذاب اوزرینه عذابدر .

\*\*\*

واجب تعالی کافرلرک آخرته کوره جکری عذاب وایشیده جکری سوزلری بیاندن

سوکره آنلرک دنیاده امیدلری رسول اللهی و معیتده کی اصحابی هلاک اولورسه کندیلری هرشیدن قورتولوب راحت ایتلری اولدیغندن بو امیدلرینی رد اتمک اوزره ﴿ قُلْ أَرَأَيْتُمْ إِنْ أَهْلَكَنِیَ اللَّهُ وَمَنْ مَعِیَ أَوْ رَحِمَنَا فَمَنْ يُجِيرُ الْكَافِرِينَ مِنْ عَذَابِ أَلِيمٍ ﴾ بیوریور .

[ ای حبیلم ! سن کافرله خطاباً دی که « ای کافرلر ! بنی و بنم معیتده اولان مؤمنلری الله تعالی اهلاک ایدر و یا خود بزه مرحمت بیورر اجملری تأخیر ایدرسه کافرلری آجیدنجی عذابدن کیم قورتارر » . ]

یعنی ؛ سن آنلره دی که « ای کافرلر ! رأیکزنه در ؟ خبر ویرک بکا . الله تعالی بنی و معیتده اولان مؤمنلری اولدوررسه سزه نه کی منفعت وار و یا خود اجملری تأخیرله بزه لطف و مرحمت بیوررسه سزه نه کی مضرت وار ، سویله یک ؟ زیرا ؛ سز کفریکزده دوام ایدرسه کز بزم حیات و نمازدن سزه نه کار ونهده ضرر واردر ، بلکه انصاف ایدر سوزیمی دیکرسه کز حیاتدن سزه فائده واردر . شو حالده هلا کمزه دعا ایتمکه و بکله مکده سزک ایچون هیچ فائده یوقدر . بونده بر فائده اولما نجه عجاسزک کی کافرلری عذاب الیمدن کیم قورتارر ؟ چونکه ؛ کافرلری کسب ایتدکلی کفرک عذابدن کیمسه قورتاراماز .

ابوالسعود افندینک بیانی وجهله کافرلرک عذاب لرینه سبب اولدیغنی بیان و کفر لرینی تصریح ایتمکه ذم اولماق اوزره ضمیر محلنده اسم ظاهر اولارق ( کافرین ) لفظی وارد اولمشدر . چونکه ؛ کفر لرینی تصریحده « سز کافر سکز . کافرلر عذابدن قورتولاماز » دیمک اولدیغندن امیدلرینی کسوب آتمق واردر .

\*\*\*

واجب تعالی « کافرلری عذابدن کیم قورتاره جق ؟ » سئوالی بیاندن سوکره بو سئواله جوابی بیان اتمک اوزره ﴿ قُلْ هُوَ الرَّحْمَنُ أَمَّنَا بِهِ وَعَلَيْهِ تَوَكَّلْنَا فَسْتَغْلَمُونَ مَنْ هُوَ فِي ضَلَالٍ مُبِينٍ ﴾ بیوریور .



[ یا اکرمل الرسل! سن کافرله خطاباً ] ای کافرلر! سزی عذاب الیبدن قورتاره جق؛ قوللرینی فناقدن اسیرکه یچی اولان رحمن تعالی در . بز رحمن تعالی به ایمان و آنجق آکا اعتماد ایتدک . سز یقینه آجیق ضالته اولان کیمدر بیلیرسکیز دی . ]  
یعنی ؛ یا اکرمل الرسل! سن خصم لریکه سوبله ای کافرلر! سز بزم هلاکیزه دعا ایدرسکیز . قوللرینی هلاکدن و عذابدن قورتاره جق الله تعالی در . زیرا ؛ الله تعالی قوللرینه مرحمت بیوریچی احسان صاحیدر . بناء علیه ؛ بز آنک وحدانیتنه ایمان ایتدک ، سزک کبی کفر ایتمه دک که سزک دعا کزک قبولیله بزى اهلاک ایتسون و بز او الله تعالی به اعتماد تامله اعتماد ایتدک . شو حالده اعتمادیمز آنجق اوکادر آنک غیری به دکلدرد . سز ایسه اللهک غیری بوتلریکیزه و اتباع و اعوانکیزه اعتماد ایتدیگکیز جهته هلاکله دعا کزک اثری کندی نفسکیزه ظهور ایدر . بناء علیه ؛ نفسکیزی سز و اعوانکیز هلاکدن قورتاره مازسکیز . بز رحمن تعالی به ایمان و اعتماد ایدوب سزک ایمان و اعتمادیکیز اولما یخه آجیق ضلالت ایچنده کیملر اولدیغنی یقینه بیلیرسکیز .

نیسابورینک بیانی وجهله کافرلرک کفری ترکله لطف الهی به مظهر اولایلملرینه ترغیب ایچون اسماء حسنی ایچندن رسمی اسم شریفی وارد اولمشدر . چونکه رحمن لفظی اسماء ایمی معناسنه اولدیغندن کناهکار اولانلرک کناهلرندن واز کچنجه عفو الهی به نائل اولاجقلرینه دلالت ایدر و کفرده دوام ایتدکجه دعالرینک اثری آنجق کندیلرنده ظهور ایدوب غیره سرایت ایتمه جکجه اشارت ایچون رسول الله ایمان و توکل تامله مدافعه بیورمشدر . یعنی ؛ بز ایمان و اعتمادیمزله حایة الهیه به التجا ایتش و لطف الهی به مظهر اولمشز . سز ایسه ایمان و اعتماددن عاری اولدیغکیز جهته مرحمته شایان دکلسکیز . بناء علیه ؛ هلاک سزه راجعدر ، دیمک اولور .

..

واجب تعالی توکلک لزومنی بیاندن صوکره توکلک لزومه دلیلی بیان ایتک اوزره

﴿ قُلْ أَرَأَيْتُمْ إِنْ أَصْبَحَ مَاؤُكُمْ غَوْرًا فَمَنْ يَأْتِيكُمْ بِمَاءٍ مَعِينٍ ﴾ بیوریور .

[ ای نبی معظم ! کافرله خطاباً الله تعالی به توکلک لزومنی بیان صره سنده سن دی که ] ای کافرلر! رایکیز نه در ؛ بکا خبر و یرک . ا کر صبحا و قتی سزک صویکیز یره باتمش اولورسه سزه طاتلی پیکار صوبنی کیم و یره جک و طاتلی صوابله سزه کیم کله جک ؛ [ چونکه ؛ هر کون صوصادقه ایچوب تلذذ ایتدیگکیز کوزل صولر یره باتارسه بر آلتندن او صوبی سزه بوتلریکیزی کتیره حک ؛ البته بوتلریکیز کتیره مز . شو حالده نه ایچون الله تعالی به شرک ایدرسکیز و نه دن دوشونمزسکیز که اللهک غیری به اعتماد ایدرسکیز ؛  
بو آیتدن مقصد ؛ فخر رازینک بیانی وجهله انکاری ممکن اولمایان و هر کون کوزلریله کوردکری بعض نعمتلرله کافرلری الزام ایتکدر .

### سورة قلم

مکه مکرمه نازل اولان سورة لردندر . الی ایکی آتی جامعدر .

بِسْمِ اللَّهِ الرَّحْمَنِ الرَّحِيمِ

﴿ ن ﴾

نه لفظی متشابهاتندرد . اسلافک مسلکی ؛ بو مثللو متشابهاتک علمنی الله تعالی به تفویض ایدره رک اصلنه ایمان ایدوب وصفندن بحث ایتمه مکدر . آنجق بعض یولدن چیقمش اولان فاسقلرک کندی فکرلرینه موافق تأویللرینه میدان و یرمه مک اوزره شریعتیه موافق تأویل ایلله اشتغالی علماء متأخرین مناسب کوردکری ایچون اخلاف کرام بو مثللو متشابهاتی تأویل ایتشلردرد . شویله که : ( ن ) لفظی بو سورة ملک اسمیر و قسمدر . بوکا نظراً معنای آیت : [ نون اسمیله تسمیه ایدیلن سورة به یمین ایدرم که سن ربکک نعمتی بیلمز دکلسک ] دیمکدر . یاخود ( ن ) لفظی قلمک یازی یازدیغنی نوره بر لور ملک اسمیر . یاخود



مرکب و دیوبند . یاخود بوبوک . بالفک اسمی . و یاخود حضرت بونسی محافظه ابدیه  
بالفک اسمی .

﴿وَالْقَلَمَ وَمَا يَسْطُرُونَ﴾ مَا أَنْتَ بِنِعْمَةٍ رَبِّكَ بِمَجْنُونٍ ﴿

[ لوح محفوظه یازی یازان قلمه و قلم صاحب لری یازد قلمی سطر لریه یمین ایدرم که  
یا اکرم الرسل ! سن ربک نعمتدن غافل دکلسک و سن ربک سکا و یردیکی نعمتی  
اونو نمازسک . ]

فخر رازینک بیانی وجهله قلم ایله مراد ؛ کک لوح محفوظ مخصوص اولده قلم  
اولسوه و ککسه بالجمده کتباته آلت اولده قلم اولسوه کنده بیانی آلت اتمک شایانده .  
زیرا ؛ لوحه مخصوص اولان قلم مراد اولوندیغده آنک الله تعالی عندنده بوبوک قدری  
و شان و شرفی اولدیغندن قسمه آلت قلمقه تعظیمه شایاندر . جنس قلم مراد اولوندیغده  
انسانلرک احتیاج لری دفعه و دین لری محافظه و ایش لری تسویه و آثار لری ضایع  
اولمقدن وقایه خدمت ایتدیکی جهله قلمک فائده سی بک جوق اولدیغندن مقسم به  
اولمغه شایاندر .

فخر رازینک بیانه نظراً جبریل امینک رسول الله نمازی تعریف ایدوب رسول الله  
نماز قلمغه باشلانجه قریش قبیله سی رسول الله جنت اسناد ایتلری اوزرینه جناب حق  
رسولنده آنلرک اسناد ایتدکری شیک اولمادیغی بیانه کافر لری تکذیب و رسولی تبرئه  
بیورمشدر . جناب حق رسول الله و یرمش اولدیغی نعمت ؛ نبوت و عمومه رسالت  
ولسانده فصاحت و کمال عقل و جمله عییلردن برات و قومی آردنده شرافتدر . شو  
حاله معنای نظم : [ ای حبییم ! قلمه و قلمک یازدینی سطر لره یمین ایدرم که ربک  
سکا و یردیکی نعمتک هیچ برندن سن غافل دکلسک و جمله سن قدری بیلیر و شکرینی  
ادا ایدرسک . بناء علیه ؛ قومک طرفندن سکا اسناد اولونان شیده سن محزون اولما . زیرا ؛  
آنلر حسد لرندن ناشی نه سوبله دکری بیلمزلر ] دیمکدر .

ابوالسعود افندیکنک بیانی وجهله رسول الله انسان ایچون ممکن اولان کالاتک جمله سی  
و یرلدیکنه اشارت ضمنتده نمیرجا کالاته ایصال ابریمی معنانه اولان رب اسم شریفی وارد

اولدینی کبی رسول اللهک شانته تعظیم و تشریف ایچون رب کلمسی مخاطب اولان ذات  
رسالت مضاف قیلنمشدر . رسول الله احسان اولان نعمتک علوتده اک یوکسک طبقه  
بالغ اولدیغنه اشارت ایچون نعمت ، رب لفظنه مضاف قیلنمشدر . چونکه ؛ نعمتک ،  
حالمی انواع نعمت لریه تربیه ایدن ربمک نعمتی اولسی البت او نعمتک بوبوکلسک  
وجهله نعمتک فوقنده اولدیغنه دلالت ایدر . واجب تعالی کافر لک اسناد ایتدکری شیک  
نقی ایتمکه برابر بو دعوایه نعمت الهیه نک انضمامیه کافر لری رد و تکذیب بیورمسیله  
رسولنک بوبوک لایق اولماق شیلردن بری اولدیغی عالمه اعلانه شان نبوی لری اعلا  
و قلب نبوی لری تسلیه بیورمشدر . چونکه ؛ رسول الله موجود اولان نعم دینه و دنیویه  
جمله سی ظاهرده کورولور و هر کورن رسول اللهک انواع لطف و کرامت و اخلاق مرضیه  
ایله متصف و شان نبوی لری لایق اولمایه رق کافر لک اسناد ایتدکری افترا لردن بری  
اولدیغی بیلیر . شو حالده کوزلرک کوروب قولاق لک دویدیغی نعمت لری ذکر له کافر لک  
آچقندن یالانجی اولدق لری بیانه برابر دعوانک دلیل یقینیسی اولان نعم ظاهری بی ذکر له  
کافر لک غایت جراتکار و بداهته قارشی یالان سوبله مکدن چکینمز بر طاقم اوتانماز کیمسه لر  
اولدق لری بیلیرمکه آنلرک سوزلرنده اعتماد شایان اولماق لری بیان بیورمشدر .

..

واجب تعالی کافر لک رسوائه واقع اولان طعن لری رد ایچون بومقامده بیان بیور دینی  
اوصاف ثلاثه دن ایکنجی سی بیان اتمک اوزره ﴿وَإِنَّ لَكَ لَأَجْرًا غَيْرَ مَمْنُونٍ﴾  
بیور بیور .

[ ای حبییم ! محقق سنک ایچون منتسز و توکنمز اجر واردر . ]

یعنی ؛ ای نبی مکرم ! قلمه و قلمک یازدینی سطر لره یمین ایدرم که سنک نبوتکی  
اظهار و رسالتکی خلقه تبلیغ و ناسی امر الهیه دعوتله شریعتکی آنلره تعلیم و آنلرک  
سکا لایق اولماق بر طاقم افترا لریه صبر و تحملک ایچون سکا نقصانمز جوق ثواب واردر .  
رسول اللهک امر رسالتده تصادف ایتدیکی مشقتلرک اجری غایت بوبوک اولدیغنه  
اشارت ایچون تعظیم دلالت ایدن نوبه ایله وارد اولمش و اجرک عظمتدن مستفاد اولان



دوامی صراحة بیان ایچون اجر آرقه سی کیسلمه مکله توصیف ایدلمشدر که کافر لک طعنلری رسول اللهی بوامر جلیل ایله اشتغالدن منع ایدمه چکنه اشارتدر .  
رسول اللهک مرضی الاهی به موافق سعی وغیرته توکنمز اجر اولدیغنی بیانله شریعتنه تبعیت ایدن آحاد امتنه دخی توکنمز اجر اولدیغنه اشارت اولونمشدر .  
امام مجاهد ومقاتلک بیانلری وجهله بوآیتده (ممنون) لفظی منت دن آلدیغنه نظراً معنای نظم : [ یا اکرم الرسل ! سکا ویریلن ثواب قوللر طرفندن امتان اولونمش دکلددر .  
زیرا ؛ اوثواب الله تعالی طرفندن واسطه سز احسان اولوندیغنی جهته هیچ بر قول طرفندن منت یوقدر . بناء علیه ؛ کدر سز بر اجر ] دیمکدر . چونکه منت ؛ بر کیمسه ایلمک ابرمه کیمسه ک ، ایلمک ایتدیکی کیمسه ایلمک صابم و باشد قاقم معناسنی متضمن اولدیغندن منتله اولان نعمت کدردن سالم اولماز . آنجق رسول الله ویریلن نعمت یالکزر اللهک لطفی اولوب عباد طرفندن بر کیمسه واسطه سیله اولمادیغندن منت رایحه سی یوقدر . بناء علیه ( غیر ممنون ) دیمک ؛ « سکا ویریلن نعمت بر کیمسه طرفندن منت سیبیلله اولمادیغندن حزن و کدری موجب دکل » دیمکدر .

..

واجب تعالی رسول اللهک اوصافندن ایکسینی بیان بیوردقن صوکره اوچنجیسنی بیان ایتک اوزره ﴿ وَ اِنَّكَ لَعَلٰی خُلِقْتَ عَظِيْمٌ ﴾ بیوریور .  
[ محقق یا اکرم الرسل ! سن ادب عظیم اوزره سکدر . ]

یعنی ؛ ای رسول معظم ! سن اخلاق عظیمه صاحبسک . زیرا ؛ اخلاق قرآنله تخلق ایتدیکنک جهته اولین و آخرینک اخلاق حمیده سنی جامع اولدیغکدن جمله ناس عندنده عظمت شان صاحبی اولان بر اخلاقه مالک سک .

فجر رازینک بیاننه نظراً حضرت عائشه والده مزدن رسول اللهک اخلاقندن سؤال اولوندیغنده « اخلاق قرآندر » بیورمشلدر . قرآن بالجمله اولین و آخرینک اخلاق حمیده و اوصاف حمیده سنی جامع اولدیغنی جهته اخلاق رسول الله عظمت ایله توصیف اولونمشدر .

زیرا ؛ انبیاء سابقه ده یالکزر یالکزر فرداً فرداً بولونان اخلاق مرضیه نک جمله سنی قرآن واسطه سیله رسول الله جامعدر .

بوآیت ؛ بوندن اولکی آتی تفسیر و آنک دلیلی مقامنده در . چونکه بوندن اولکی آیت ؛ قریش قومنک رسول الله اسناد ایتدکری جتی نفی ایتش و بو آیت ایسه آتی تأکید و اثبات ایله مشدر . شویله که « یا اکرم الرسل ! سن مجنون دکلسک . زیرا ؛ سن اخلاق حمیده و افعال مرضیه صاحبسک . هر کیمسه که اخلاق حمیده صاحبی اولماز ، مجنون دیمکدر . بناء علیه ؛ سن مجنون دکلسک » دیمکدر .

بخل و غضبدن و معاملاتده شدتن تحرز ، ایشنده و سوزنده ناسه محبت اظهار وناسدن واقع اولان قصوری عفو ایتک و عقودات و معاملات شرعیده تسهیلات کوسترمک اخلاق عظیمه جمله سنددر .

ابن عباس حضرت تدرندن روایت اولوندیغنه نظراً خلق عظیم ایله مراد ؛ بهر مبیندر .  
بوکانظر آ معنای نظم : [ ای حبییم ! محقق سن دین عظیم اوزره سکدر ] دیمک اولور .  
رسول اللهک اخلاق حمیده اوزره مستولی و مأموره نسبتله آمر و کوله به نسبتله مولی و افندی منزلنده اولدیغنه اشارت ایچون ( علی ) کله سی وارد اولمشدر . چونکه ( علی ) کله سی ؛ استعصیه دلالت ایتدیکی ایچون رسول اللهک اخلاق عظیمه اوزرینه استعلا سینه وقوت قاهره سیله حاکمیتته دلالت ایدر . چونکه روح رسول الله ؛ ارواح بشر ایچنده یک بو یوک و یوکسک درجه صاحبی اولدیغندن کآن قوتندن ارواح ملائکه جنسندن کییدر . بناء علیه ؛ اخلاق مرضیه نک جمله سنی روح رسول الله حاکم و آمردر .

..

واجب تعالی رسولنک اخلاق عظیمه و مکارم عالیه صاحبی اولدیغنی بیاندن صوکره رسول الله طعن ایچون مشرکری تهدید ایتک اوزره ﴿ فَسَتُبْصِرُ وَيُبْصِرُونَ ﴾ بِ اَیَّکُمْ الْمُفْثُونَ بیوریور .

[ یا اکرم الرسل ! مشرک سکا جنت اسناد ایتکدن اوتانما نجه یقینده سن و او کافر لر بیلیرسکز که جنته مبتلا اولان هانکی کزدر . ]



یعنی ؛ سنک خلق عظیم اوزره اولدیغک جهته کافرلرک اسنادندن بری اولدیغک  
تحقیق ابتدی ایسه یقینه مبتلا اولان هانکیکز اولدیغی سن بیلدیگک کبی سنک  
خصمک اولان کافرلر دخی بیلیرلر . آنجق اووقته بیلیمک آنلری عذابدن قورتارمه ماز .  
چونکه ؛ بلانک وقوعندن سوکره او بلایی بیلیمک بلانک دفعنه فائده ویرمز . نته کیم  
غزای بدرده رسول الله مجنوندی دینه کافرلرکندیلمک مجنون اولدیغی بیلدیلمک  
آنلرک او زمانده بیلیملری جانلری قورتارمه مامشدر . زیرا ؛ بدر غزاسنده کافرلرک  
هزیمتله رسول اللهک ناس آره سنده مهاتی و اسلامیتک شوکتی کورولوب رسول الله  
مجنون دیه نلرک بعضیلری قتله و دیگرلری اسارتله مبتلا اولونجه دیوانه لکک کیمده اولدیغی  
بیلدیلمک ولکن چه فائده ؛ کیدن کیر و گلز .

فخر رازینک بیانی وجهله مقتون ؛ مجنونه معناسه وباء فی معناسه اولدیغنه نظراً  
معنای نظم : [ ای حبیلم ؛ سن و سنک خصمک یقینه آخرته جمله حقایقک میدانه  
چقیدینی زمانده مجنونک هانکی فرقه ده اولدیغی بیلیرسکز . فرقه اسلامده می در ، یوقسه  
فرقه کفارده می در ؛ البته بیلنور ] دیمکدر .

\*\*

واجب تعالی رسول الله مجنون دینه کافرلرک بو دنیا ده و یا خود آخرته مجنونک  
کیم اولدیغی بیلجکلرینی بیانله کافرلری تهدید و رسولنی تسلیه دن سوکره او تهدیدی  
وتسلیه بی تأکید و اسبابی بیان ایتک اوزره ﴿ إِنَّ رَبَّكَ هُوَ أَعْلَمُ بِمَنْ ضَلَّ عَنْ سَبِيلِهِ وَهُوَ  
أَعْلَمُ بِالْمُهْتَدِينَ ﴾ بیوریور .

[ ای نجی معظم ؛ سنک ربک یولدن چیقانی و دوغری یوله سلوک ایدنلری  
هر کسدن زیاده بیلیر . ]

یعنی ؛ ای حبیلم ؛ سنی انواع رشد و هدایت ایله تربیه ایدن ربک سعادت دارینه  
ایصال ایچون قوللرینه بیان بیوردیغی دوغری یولدن چیقانلری و دوغری یولی قبول ایله

مطلوبه واصل اولاجق عقلایی هر کسدن زیاده بیلیر . بناء علیه ؛ هر ایکی فرقه نک مستحق  
اولدقلری جزایی لایقی وجه اوزره ویرر .

فخر رازینک بیانی وجهله دوغری یولدن چیقان ایله مراد ؛ مجنونه و اهتدا  
ایدنلرله مراد ؛ عقودور . یعنی « ربک تعالی دوغری یولدن چیقان مجنون کافرلری  
وطریق حقه سلوک ایدن عقله مؤمنینی ده بیلیر و هر کسک حاله کوره جزایی ویرر .  
بناء علیه ؛ سن آنلرک سوزلرینه محزون اولما » دیمکدر .

واجب تعالی بوآیتده کافرلری تهدیدی بر قاج جهتنن تأکید بیورمشدر . چونکه ؛

« (ان) و ضمیر فصل اولان (هو) و کلام و زیاده به دلالت ایدن اسم تفضیل صیغه سی  
تأکید دلالت ایتدیکی کبی سبیل لفظنک ذاته مضاف قیلنمی ده تأکید دلالت ایتدیکی  
جهته تهدیدی انواع ادات تحقیقه تأکید بیورمشدر که کافرلری تزییل و تحقیر ایتکدر .  
رب تعالی اسلام و کافر جمله نک ربی اولدیغی حاله یالکز رسول الله مضافله « سنک  
ربک » دیه رک تخصیص ایتک ؛ کافرلرک واجب تعالی بی رب طائیدقلری جهته مجنون  
اولدقلرینه اشارت اولونمشدر . شو حاله اللهک تربیه کرده سی اولان برنی ذیشانه مجنوندی  
دیمکدن ده زیاده جنت اولاماز . بناء علیه ؛ « سنک ربک یولدن چیقانه دوغری یوله  
کیدنی بیلیر » دیمک « مجنون اولانی و عقلی اولانی بیلیر » دیمکدر .

\*\*

واجب تعالی رسول اللهک و صاحبک هدایتده و کافرلرک ضلالتده اولدیغی بیاندن  
سوکره هدایتده اولانلرک ضلالتده اولانلره اطاعتلری جائز اولمادیغی بیان ایتک اوزره

﴿ فَلَا تَطِعِ الْمُكَذِّبِينَ ﴾ بیوریور .

[ یا اکرم الرسل ؛ سنی تکذیب ایدنلره اطاعت ایتمه . ]

یعنی ؛ ای حبیلم ؛ سن هدایتده آنلر ضلالتده اولونجه سن آنلره اطاعت ایتمه  
و عدم اطاعتده دوام ایت و آنلره مدارا ایتمه . زیرا آنلر سنی تکذیبله ضلالتده دوام  
ایدیجیلردر .



نیسابوری و خازنک بیانلری وجهله رسول الله کافرله اطاعتدن نهینک علی؛ آنلرک رسول الله تکذیب ایتلمی اولدیغه اشارت ایچون ضمیر غائب محله اسم ظاهر اولارق (المکذبین) لفظی وارد اولمشدر. زیرا؛ بومثللو مقامده مأخذ اشتقاق اولان مصدرلرک حکمه علت و سبب اولسی عادتدر. بناء علیه تکذیب؛ عدم اطاعته سببدر. فخر زاینک بیانی وجهله بوآیت؛ رسول الله صلابتده دوامله امردر. زیرا؛ کافرلر رسول الله بابالرینک و دده لرینک دینلرینه دعوت ایدرلر و رسول الله آنلری ردله صلابت دینه اظهار ایدردی. شوخالده آنلره اطاعتدن نهی ایتک صلابتده دوامله امردر. اوزمانده دشمنلرک چوقلغنه و مسلمانیلرک آزلغنه باقلمیه رق متبوعمز اولان پیغمبریمزه صلابتله امر و آنلره اطاعتدن نهی ایتک؛ مسلمانیلر حقتده دخی عین امر ونهیدر. بناء علیه مسلمانیلر ایچون وظیفه؛ خصملری کندیلرندن عدد جهتدن چوق اولسه دخی هر یرده صلابت دینه لرینی اظهار ایتکدر. زیرا صلابت دینه لرینی اظهار ایتک؛ دائما خصمه غلبه چالغنه مداردر. بناء علیه؛ خصمک عدد نقطه سندن چوقلغندن تلاش ایتک محمل اولادیغه آیتده اشارت وارد. چونکه؛ جناب حق اهل هدایتک حالته موافق دنیاده نصرت و آخرتده یوکسک درجات وعد بیوردینی کبی اهل ضلالتی ذلت و آخرتده اهانت ایله تهدید بیورمشدر. بناء علیه؛ اهل هدایتک هدایتده دوام و صلابت دینه به ملازم اولدینی مدت ظرفنده دشمندن تلاشته محمل یوقدر.

\*\*

واجب تعالی رسولنی کافرله اطاعتدن نهی ایتدکن صوکره نهینک سینی وعلتی بیسان ایتک اوزره ﴿وَدُّوا لَوْ تُدْهِنُ فَيُدْهِنُونَ﴾ بیوریور.

[ او کافرلر ایستلرک سن آنلره مدارا ایتسه کده آنلرده سکا مدارا ایتسeler. ]

یعنی؛ ای حبییم سنی تکذیب ایدن کافرله سن اطاعت ایتمه. زیرا؛ آنلر ایستلرک کاشکه سن آنلره ملایم بولونسه کده آنلرده سکا ملایم بولونسلر و سن آنلرک تکلیفی قبول ایتسه کده آنلرده سنک تکلیفی قبول ایتسلر. بو ایسه جائز اولاماز. زیرا؛ سنک آنلره تکلیف ایتدیکک شی رضاء الهی به موافق اولدینی جهتله قبول ایتک

آنلر ایچون عین منفعتدر ولکن آنلرک سکا تکلیفلری عادات جاهلیه نیک ادامه سی اولدینی جهتله قبولی عین مضرتدر. بناء علیه؛ سن آنلره ملایم بولونما. زیرا؛ آنلر سکا ملایم کورونمکه سنی آلداتق ایستلر. بعض مفسرینک بیانی وجهله مکة مشرکری رسول الله التفات ایتک صورتیه دعوی نبوتدن فراغت ایتدیریرز امیدنده بولونورلر و بو امیدلری سببیه کمال ملایمت کوسترلردی ولکن امر دینده حقیقت نه ایسه آنی سویلهمک واجب اولوب خلاف حقیقت برشی ایچون ملایمت جائز اولمادیغندن رسول الله امر دینده تبلیغاتی کمال متانتله اجرا ایتدیکندن کافرلر کندیلری کبی رسول الله دخی مداهنه سنی آرزو ایدرلردی. حالوکه رسول الله مداهنه طلب ایتک؛ محالی طلب قیلندندی. چونکه؛ فخر زاینک و ابوالسعود افندیکنک بیانلری وجهله مداهنه نیک معنای اصلیه؛ حقیقی ستر و نه فنی اظهار ایتکله برنوع ضیانتک دن عبارت اولدینی جهتله رسول الله مداهنه نیک وقوعی محال ایدی. ایشته علمانک سیرت رسول الله اوزره بولونسی لازم اولدیغندن امرانک آرزولرینه موافقتله امر دینده مداهنه ایدنلرک هیچ برزمانده مسئولیتدن قورتولامیه جقلری شبهه سزدر.

\*\*

واجب تعالی رسولنک اخلاق حمیده صاحبی اولدیغنی وطریق نبوتک عین هدایت و کافرلرک طریقنک عین ضلالت اولدیغنی بیاندن صوکره اخلاق ذمیمه صاحبیرینک طریقلرینه اطاعتدن نهی ایتک اوزره ﴿وَلَا تُطِغْ كُلَّ خَلَّافٍ مَّهِينٍ \* هَمَّازٍ مَّشَّاءٍ بَنَمٍ﴾ بیوریور.

[ ای حبییم! سن چوق یمین ایدن رای حقیر صاحبیرینه اطاعت ایتمه که آنلر دیگر انسانلری عیبلاچی و فساد ایچون آخرلرینه سوز کوتورمچیلردر. ]

یعنی؛ ای رسول مکرم! حقلی حقیر هر شیشه یمین ایتک و بین الناس یالان سویلهمک ایله معروف اولان حقیر و ذلیل کیمسه لک سوزلرینه اینانما و آنلرک رایلریله عمل ایتمه که آنلر آخر کیمسه لری یوزلرندن و آرقه لرندن عیبلاچی و خلق آره سنی افساد خلاصه البیان: اون بشنچی جلد ۹



ایچون بر قومدن دیگر قومه سوز کوتورنجی کیمسه لر در . آنلره اطاعت ایتمه . زیرا ؛  
یومثللو حقیر و ذلیل کیمسه لره امنیت اولمادیغندن سوزلرینه اعتماد اولماز . بناء علیه ؛ آنلر  
اطاعته شایان دکلر در .

بو آیتده هر نه قدر خطاب رسول الله ایسه ده رسول اللهی نهی ؛ امتنی نهی اولدینی  
جهتله امت محمدک کافه سی نهیدر . بناء علیه ؛ امت محمدک کافه سی باطلی ترویج ایچون  
اللهک اسمنی کندی مرامنه آلت ایدن کیمسه لره اطاعتدن ممنوعدرلر . زیرا متبوعی بر  
شیدن منع ایتمک ؛ آکا تابع اولانلری ده منع ایتمکدر . مادام که رسول الله یالانجیلره  
و چوق یمین ایدنلره اطاعتدن منع اولوندی . آنک امتنک ده ممنوع اولدیغنده شبهه یوقدر .

حلاف ؛ **مرو یمین ایمیجی** دیمکدر . چوق یمین ایدن کیمسه اللهک اسمنی کندی  
مرامنی ترویج آلت ایتدیکی جهتله قدر الهی بی تقدیر ایدمه دیکندن جناب حق بو کیلری  
حقیر اولقله توصیف بیورمشدر که قدر الهی بی تقدیر ایدمه دینلری الله تعالی ناس آره سنده  
حقیر و ذلیل قیلار . چونکه جزا ؛ عمله کوره اولور . شو حالده اللهک اسمنی حقیر  
کورن کیمسه نک کندیی حقیر اولور . بناء علیه ؛ یالانجینک ناس عندنده قدری اولمادیغنی  
کبی چوق یمین ایدنلرک دخی قدری اولمادیغنی هر زمان کوریلن حالدرندر . رسول اللهی  
تکذیب ایدنلره اطاعتدن نهی ؛ بالعموم کافر لره شامل اولدینی حالده عمومته اطاعتدن  
تهیدن صوکره خصوصی اولارق شوتعداد اولونان اوصاف ذمیمه صاحب لرینه اطاعتدن نهی  
بیورمشدر . چونکه ؛ کفردن صوکره یالان و چوق یمین و افساد ایچون ناس آره سنده  
سوز طاشیمق کبی اوصاف ذمیمه انسانلر ایچون دنیوی و اخروی دائما مضرت ایقاعنه  
سبب اولدیغندن بوصفتری طاشیدان کیمسه لرک شرلرندن صاقینمق هر زمان لازم اولدیغنه  
اشارت ایچون جناب حق بو کیلره اطاعتدن صراحة نهی ایتمشدر . زیرا ؛ چوق یمینک  
صاحبنه ضرری اولدینی کبی غیری بی آلدادیغنی جهتله ده هر کسه ضرر ارات ایدر .  
کذلک بر کیمسه بی یوزندن و آرقه سندن عییلایان کیمسه نک کندینه ضرر اولدینی کبی  
عییلادیغنی کیمسه یه ده اذا ایتمکدر و ناس آره سنده قوغوجیلق ایسه عموم انسانلرک راحت  
سلب ایتدیکی جهتله ناس آره سنده آتش فتنه بی علولندیرمکدر . شو حالده بو اوصافک  
جمله سنک ضرری یالکنز صاحبنه اولمایوب آخره سرایت ایتدیکندن جناب حق بونلرک

شانسه اهتمام لازم اولوب حذر ایتمک جمله اوزرینه واجب اولدیغنه اشارت ایچون بونلره  
اطاعتدن تکرار نهی بیورمشدر .

انسانلرده بو کبی اوصافک وجودی نادراً بولوندیغنده کناه ایسه ده چوق کره وقوعیه  
عادت حکمنده اولان ده ا زیاده مذموم و شرلرندن صاقینمق البته لازم اولدیغنه اشارت  
ایچون جناب حق بو اوصافک جمله سنی مبالغه صیغه سیله ایراد بیورمشدر که هر کس  
بونلردن حذر اوزره بولونسون .

\*\*\*

واجب تعالی مشرک لرک اوصاف مذمومه لرندن بعضیلرینی بیاندن صوکره دیگر  
بعضیلرینی بیان ایتمک اوزره ﴿ **مَنَاعٍ لِلْخَيْرِ مُقْتَدِرٍ أَشِيمٍ \* عُثْلٍ بَعْدَ ذَلِكَ زَنِيمٍ** ﴾  
بیوربیور .

[ خیری شدتله منع ایدیجی ، غیره ظالم ایدیجی ، چوق کناه ایشله یجی ، طبیعتی قاتی  
واخلاقی کوتو اولوب شو بیان اولونان چیرکین صفتلردن صوکره مایه اصلیه سی نامشروع  
حرکاتدن خالی اولمایان کیمسه یه اطاعت ایتمه . ]

یعنی ؛ **ای حیم** ! غایت بخیل اولوب مستحق اولان فقرایه کندی مالندن  
برشی ویرمه دیکی کبی باشقه لرینه ده ویردیرمز و احبابی و اولادینی و اقرباسنی ایماندن شدتله  
منع و غیریلرک حقوقه انواع ظلمله تجاوز ایدر و ظلمدن چکینمز و کناهک هر نوعی  
ایشله مکده عاقبتک و خامتنی و اوکناهند حاصل اولاجق ضرری دوشونمز . بناء علیه ؛  
ایشله دیکی کناهی بلا پروا ایشلر و قلبی قاتی نصیحت تأثیر ایتمز و حماقتک نهایت طبقه سنده  
اولدیغندن خیر و شری فرق ایتمز و شو چیرکین صفتلر کندیسندن اولدینی کبی بوندن  
صوکره اوکافرک نسبی ده مجهولدر . شو کبی اخلاق ذمیمه صاحبی اولان کیمسه لره اطاعت  
ایتمه . زیرا ؛ بو مذموم صفتلر کندیسندن بولونان کیمسه لره اطاعت لازم دکلدر .

فخر رازینک و ابوالسعود افندینک بیانلری و جمله شو بیان اولونان کوتو صفتلرک  
جمله سندن ولد زنا اولق ده ا کوتو اولدیغنه اشارت ایچون ﴿ **زَنِيمٍ** ﴾ صفی ﴿ **بَعْدَ ذَلِكَ** ﴾  
کله سیله دیگر لرندن آیرلشدر . یعنی « شو مذموم صفتلردن صوکره جمله انسانلرک سومه دیکی



و کمال نفرتله قاجدینی برصفتی دخی واردر که اوده ولد زنا اولمیدر. چونکه؛ مایه اصلیه سی اولان نطفه خیت اولونجه آندن حاصل اولانک ده خیت اولاجغنده شبهه یوقدر. زیرا؛ خیتدن خیت طوغار. چونکه؛ بوزوق آلدن بوزوق ایش چیقار، بوزوق آلت صاغلام ایش چیقاراماز.

بعض روایتله نظراً بوآیت (ولید بن مغیره) حقنده نازل اولمیشدر. زیرا؛ (ولیدک) ک پدری، ولید اون سکز یاشنه کیردکن صوکره نسبی دعوی ایتمشدر. شوخالده ولید هر نه قدر ظاهرده قریشدن ایسه ده حقیقته قریشدن دکدر. چونکه؛ ولد زنادر. حق بوآیتک نزولدن صوکره ولید والده سنه «محمد ﷺ» بنم حقنده اون صفت ذکر ایتدی. طقوزنجی کندیمده بولویورم، فقط اوتخیسنی بنم بیلیمکلمکم ممکن اولاماز. سن طوغریسنی سوبله، بنی کیمدن آلدک. اگر طوغری سوبله مزسه ک سنی اولدیریرم، دینجه والده سی «پدریکز عین ایدی. اولدکن صوکره مالک باشقه سنه کیتمسندن قورقدیم ایچون بر جوابله الفت ایتدم و سنی اوندن آلدیم» دیدی.

(ولید) هر کسی انواع خیر ایدن منع ایتدیکی کی اسلامیتدن دخی منع ایدردی. چونکه؛ ولید اوغوللرینی واقرباسنی اسلامه کیرمکدن منع ایدر و حق «اگر سز اسلامه کیرسه کز بن سزه ابدیاً مغیر اولدیم کی قطعاً سزه منفعتده بولونمام» دیمکه تهدید ایدردی.

\*\*

واجب تعالی شو بیان اولونان اوصاف مذمومه ایله متصف اولان انسان لئیمک سوزینی ایشیتمکدن والتفات ایتمکدن نهی ایتدکن صوکره نهیک علت وسیفی بیان ایتک اوزره ﴿أَنْ كَانَ ذَا مَالٍ وَبَنِينَ﴾ إِذَا تُثْلِي عَلَيْهِ أَيَاثُنَا قَالَ أَسَاطِيرُ الْأَوَّلِينَ ﴿بیوریور.

[یا اکرم الرسل! او کافر مال وچوق اولاد صاحبی اولوب بزم آیتلریز او کافر اوزرینه اوقوندیغنده «بواوقونان آیتلر اول کچن امتلرک یالانلریدر» دیدیکندن طولای اطاعت ایتمه.]

یعنی؛ ای حبییم! سن او کافره اطاعت ایتمه مکده دوام ایت. زیرا؛ او کافر مال وچوق اولاد صاحبی اولدینی جهته قریش ایچنده خاطرلی و سوزی دیکله نلردن ایسه ده سن بو جهته اعتبار ایتمه. زیرا؛ بونلر متاع دنیا وامور خسیسه دن اولدینی جهته ارباب عقل واذعان عننده بوکی عرض دنیا ک حیثی یوقدر. بناء علیه؛ بوکی امراض دنیه صاحبیرینک سوزلرینه اینامق و اعتبار ایتک لازمکلمز. بخصوص شو کافر یالانچی و سودی بوزوقدر و او کافر اوزرینه بزم سنک صدقه و بزم وحدانیت مزه دلالت ایدن آیتلریز اوقوندیغنده او کافر اولاد وامواله مغرور اولارق «بوآیتلر اول کچن امتلرک یازمش اولدقلمی کتابلرنده بولونان سطرلر و یالانلردر» دیمکه جمله سنی انکار ایدر. فخر رازینک بیانی و جهله بوآیت ماقبلندن مستفاد اولان انکاره تعلق ایدر. بوکانظراً معنای آیت: [ای رسول مکرم! سن بو کافر لئیمه اطاعت ایتمه. زیرا؛ او کافر مال وچوق اولاد صاحبی اولدیفندن طولای سنک نبوتکی و بنم وحدانیتمی انکار ایدر] دیمکدر. ماله کووه نمک و اولادینه دایانمق انسانلرده عادت اولدیفندن چوق کره انسانلرک اطاعتدن چیقمسنه سبب اولور. بناء علیه؛ مال و اولاد صاحبه مالندن و اولادندن طولای اطاعت لازم کله دیکسندن جناب حق بوآیتله او کیلره اطاعتی نهی بیورمشدر. چونکه؛ ولید وامثالی کافرلر دنیاچه اعتبارلرینه نظر ایدرک رسول اللهک و اصحابنک کندیلرینه اطاعت ایتسنی ایسته دکلرندن جناب حق دنیاچه اعتبارینه بناء او کافره اطاعت لازم اولمادیغنی بیان بیورمشدر.

واجب تعالی بوآیتده رسولنک قدرینی یوکسلیتمشدر. زیرا؛ ولید وامثالی قریش کافرلری رسول الله افترایده رک اساسی اولماق بر صفتله رسول اللهی ذم ایتلرینه مقابل اوزم ایدنلرده کرچکدن بولونان اون صفت مذمومه ایله ذم اولونمشلردر. شوخالده بر کره ذم ایدن کیمسه یه آیری آیری اون کره ذم اولونا جغه اشارت واردر. نته کیم رسول اللهی بر کره بر کتله ذکر ایدنه اون ثواب ویرلدیکی کتب شرعیه مزده معلومدر. شوخالده بر کره ذم ایدنه اون کره ذم اولونا جغنده شبهه یوقدر.

\*\*



واجب تعالی کافر لک اخلاق مذمومه لرندن طولای سوزلرینه اعتماد ایتمه مک لازم اولدیغنی بیاندن صوکره آنلرک جزای سزالرینی بیان ایتمک اوزره ﴿ سَنَسِمْهُ عَلَى الْخُرْطُومِ ﴾ بیوریور .

[ بز یقینه اوکافرک بورنی اوزرینه علامت قویارز . ]

یعنی ؛ شوکو توصفتلر کندیلرنده بولونان کافرک بورنی اوزرینه آتشله داغلار علامت یاپارز که او علامتله اهل محشر نظرنده اوکافرک رسول الله اذی ایدن کافر اولدیغنی هرکسجه معلوم اولور . یاخود علامت ایله مراد ؛ کافرک بوزنمه سیاهلقدرد . بوکا نظراً معنای آیت : [ بز اوکافرک یوزی اوزرینه سیاهلق وضع ایتمکه یوم قیامتده آنی شهر ایدرز ] دیمکدر .

فخر رازینک بیانی وجهله بوآیتده بیان اولونان علامتک دنیاده اولسی احتمالی واردر . بوکا نظراً معنای آیت : [ اوکافرک بورنی اوزرینه دنیاده قیلجله علامت یاپارز که اوعلامت اولونجهیه قدر بورنندن کیتمز ] دیمکدر و بوآیتک اثری بدر غزاسنده کورولمشدر . زیرا ؛ بدر غزاسنده (ولید) ک بورنی قیلجله یاره لاندی و او یاره نک اثری اولونجهیه قدر قالدی . شو حالده بوآیت ایلروده اولاجق وقوعاتی خبر ویردیکی ایچون معجزه در واکافر بر عاردر که حیواناتک بیلنمی ایچون بورنی اوزرینه قونیلان داغ کی هر زیه کیتسه بیلنور دنیاده و آخرتده کندندن آیرلز دیمکدر و او یله جده اولمشدر .

خرطوم ؛ هنزیر رفیل کی انسانک طبعاً استکراه ایتدیکی هیوانلرک بورونلری اولدیغندره انسانک بورنده استعمالی او انسانی تحقیر ایچوندر . چونکه انسانک یوزی ؛ اعضاسنک اشرفی اولدیغنی کی بورنی یوکسک اولدیغنی جهتله ده شرفلیدر . شو حالده بورنی تحقیر ؛ کمال اهانت و مذلت ایچوندر .

..

واجب تعالی مالنه و اولادینه مغرور اولارق نبوتی انکاره کافرک جرأت ایتدیکی بیاندن صوکره مالی و اولادی امتحان ایچون احسان ایتدیکی بیان ایتمک اوزره .

﴿ اِنَّا بَلَوْنَاهُمْ كَمَا بَلَوْنَا اَصْحَابَ الْجَنَّةِ اِذَا اَقْسَمُوا لَيَصْرِمُنَّهَا مُصْبِحِينَ ﴾ بیوریور .

[ محقق بز عظیم الشان اهل مککی مبتلا قیلدق، نته کیم معهود باغچه صاحب لرینی مبتلا قیلدیغمز کی . زیرا ؛ باغچه صاحب لری یمین ایتدیلر و دیدیلر که البته باغچه نک میوه سنی کیجه دن دیوشیرمش اولدقلری حالده صباحه داخل اولورلر . ]

فخر رازینک بیانی وجهله اصحاب جنت ایله مراد ؛ بمنزه صنفها هوارنده بر باغچه صام بهر بر . چونکه ؛ بونلرک پدرلری صالح بر کیمسه اولدیغندن باغچه نک میوه سنی دیوشیره جکندره فقرا و مساکینه اعلان ایدره ک آنلرک حقوقی و بر مکله نعمتک شکرینی ادا ایدر و جناب حقده باغچه نک میوه سنی چوق ویرردی . وقتا که پدرلری وفات ایدوب باغچه اولاد لرینه انتقال ایدنجه آنلر اتفاق ایدرلر و بزم عیالز چوقدر ، پدریمز کی فقرایه باغچه نک میوه سنی طاعتیق موافق دکلدر . شو حالده بز صباح اولقسزین کیجه دن میوه یی دیوشیره لم برده صاحب لین کورسونلر که باغچه نک میوه سی دیوشیرلشدرد دیمکله یمین ایدرلر . آنلرک بو یمین وعهدلری اوزرینه کفران نعمت لرینه مقابل جناب حق باغچه نک میوه سنی یاقار بر خرابه زار قیلار . چونکه ؛ الله تعالی انسانلره بوتون نعمت لری ابتلا و امتحان ایچون ویرر که طاعتنه صرفله شکرینه دوام ایتسونلر . شو حالده شکر ی ادا اولونمایان نعمت ؛ هر زمان زواله معروضدر .

ایشته مشهور باغچه صاحب لری نعمتک شکرینی ادا ایتمه مک و کیجه دن دیوشیروب کیمسه یه کوسترمه مک حیله سنی دوشونه رک کیجه دن میوه یی طوبارلامش اولدقلری حالده البته صباحه داخل اولاجقلرینه یمین ایتدیلر .

﴿ وَلَا يَسْتَشْنُونَ ﴾

[ فقرانک حقنی استننا ایدوب آیرمادیلر . ] یاخود [ ان انشالله دیمه دیلر . ] آنک ایچون الله تعالی آنلری مأیوس ایتمشدر . حالبوکه پدرلرینک عادت ؛ میوه یی دیوشیره جکی زمان دلال ندا ایتدیروب بر سنه لک ارزاقنی کندیس ایچون آیره رق باقیسنی فقرایه ترک و بو وسیله ایله الهک ویردیکی نعمتک شکرینی ادا ایتمکدی . الله تعالی ده آنک شکرینه مقابل



هرسته میوسنی بول بول احسان ایدردی . ایشته بو باغچه صاحبزینی امتحان بیوردینی  
کبی جناب حق اهل مکدن وید کبی نعمت صاحبزینی ده امتحان بیوردینی بو آیتله  
بیان بیورمشدر .

\*\*

واجب تعالی باغچه نک خراب اولسنک کیفیتنی بیان ایتک اوزره ﴿فَطَافَ عَلَيْهَا طَائِفٌ مِنْ رَبِّكَ وَهُمْ نَائِمُونَ﴾ فَاصْبَحْتَ كَالصَّرِيمِ ﴿بیوریور .

[ آنلرک یمین ایدوب فقرانک نصیبنی استنسا ایتهملری اوزرینه او باغچه اوزرینه  
ربک تعالی نک بر نوع عذاب طواف ایتدی . حالبوکه باغچه صاحبزینی او یقوده ایدیلر .  
هیچ بر شیدن خبرلری اولمادیغی حالده باغچه صباحه دیوشیرلمش کبی داخل اولدی . ]  
یعنی ؛ آنلرک کفران نعمت ایتک اوزره کیجه ایله باغی بوزمق ایچون قوردقلری  
دولابه و دوشوندکلری حیلله مقابل کیجه لین باغچه اوزرینه اینن عذاب ایله صباح وقتی  
کورولدی که باغچه ، اوزومی بوزولمش باغ کبی اولمشدی ، بوتون بوتون پاراغی و سائرهمسی  
یاغش محو اولمش بر خرابه زار اولارق کورولمشدر که کآن نوری و ضیاسی کیمش کیجه نک  
قارانغی کبی بر حال کسب ایتمشدر .

عذابک نزولی آنجق یمین ایدنلرک باغچه لرینه اولوب دیگر قومشولرک باغچه لرینه  
اولمادیغه اشارت ایچون باغچه ره راجع اولان ضمیر مفرد اولارق وارد اولمشدر . آفتک  
آفت سهاویه اولوب آفت ارضیه اولمادیغه اشارت ایچون استهویه یعنی بوقاره طرفه  
دلالت ایدن ( علی ) لفظی و بو آفت یمین اوزرینه ترتب ایدوب معصیتلرندن نشأت  
ایتدیکنه اشارت ایچون نایم دلالت ایدن فا لفظیله ( فطاف ) کلمه سی و عذابک کیجه ایله  
نازل اولدیغه اشارت ایچون ( طائف ) لفظی وارد اولمشدر . چونکه طائف ؛ کیمه  
کزه میو دینور .

ایشته زمانمزه و بلکه هر زمانده باغله و باغچه لره و سائر نعمتله اینن عذاب و آفتلر  
نعمت صاحبزینک شکرینی ادا ایتهدکلری جهته و قوعبولان کناهلری اوزرینه ترتب  
ایتدیکنه بو آیت جلیله آچیقندن دلالت ایدر . بناء علیه ؛ انسانلرک نائل اولدقلری نعمتک

شکرینی کمال دقله ادایه سرعت ایتسی بروظیفه دینه در . شو حالده نائل اولدینی نعمت  
اوزرینه کلن آفتک آنجق کندی قصورندن نشأت ایتدیکنی بیلیمک ده اهم و الزمدر .

\*\*

واجب تعالی باغچه صاحبزینک کوتو نیتلری نتیجه سی اولارق کیجه لین صاحبزینک  
خبرلری اولمقسزین باغچه نک خراب اولدیغی بیاندن صوکره صباح وقتی باغچه صاحبزینک  
حرکتلرینی بیان ایتک اوزره ﴿فَتَنَادُوا مُصْبِحِينَ﴾ أَنْ اِغْدُوا عَلٰی حَزْنِكُمْ اِنْ  
كُنْتُمْ صَادِقِينَ ﴿بیوریور .

[ صباح وقتی باغ صاحبزینک بعضیلری بعضیلرینه ندا ایتدیلر و دیدیلر که « اکر  
دیوشیرمک ایسترسه کز قوشلق وقتی باغچه کزه کیدک » . ] ایشته باغچه صاحبزینی بویله دیمکله  
بینلرنده قرارلاشدیردیلر . حالبوکه بوندن اولکی آیتده بیان اولوندینی وجهله جناب حق  
کیجه دن میوه لرینی محو ایتدی . باغچه ره کیده جکلری زمان بونلر سوء نیتلرینک جزاسی  
اولارق واقع اولان مصیبتدن خبرلری اولمادیغی جهته آره لرنده استشاره صورتیله باغه  
کیتکی و آکسزین میوه سنی دیوشیرمسنی سویله شدیلر و علی العجله باغک بوزولسنه و کیمسه به  
خبر ویرله مسنه اتفاق ایتدیلر .

\*\*

واجب تعالی یکدیگرینه تنبیهلری وجهله کیمسه به دیورمقسزین باغچه ره کیتدکلرینی  
بیان ایتک اوزره ﴿فَاذْطَلَقُوا وَهُمْ يَخَافُونَ﴾ اَنْ لَا يَدْخُلَهَا الْيَوْمَ عَلَيْكُمْ  
مِنْكُمْ ﴿بیوریور .

[ باغ صاحبزینی بینلرنده واقع اولان مقاوله اوزرینه بینلرنده کیزلر اولدقلری حالده  
باغلرینه کیتدیلر و باغ بوزمغه کیده جکلرینی کیمسه به سویله دیلر و کیزلی طوتدیلر و بربرلرینه  
دیرلردی که « بو کون سزک اوزریکزه باغه محتاج فقرادن هیچ کیمسه کیرمه سون ، یوز  
ویرمه یک . اکر یوز بولورلرسه باشه چیقماز سکز . بناء علیه ؛ کیمسه به دیورمادن کیده لم



و کیمسه یوز و یرمه لم کندی کندیمزه میوه بی طوبیلا یلم تقسیم ایده لم . [ زیرا ؛ بدریمزک زمانه قیاس اولماز . مال آرز ، صاحبی چوقدر فقرايه و یرمک موافق دکدر . ]

..

واجب تعالی شو تصور اوزرینه قوشلق وقتی باغه کیتدکلرینی بیسان ایتک اوزره

﴿ وَغَدُوا عَلَىٰ حَرْدٍ قَادِرِينَ ﴾ بیوریور .

[ آنلر قوشلق وقتی قادر اولدقلری حلاله فقرایی منع ایتک قصدیه باغه کیتدیلر . ]

حرد ؛ قصه معناسه در . بوکا نظراً معنای آیت : [ آنلر قوشلق وقتی قادر اولدقلری

صورته فقرایی منع ایتک قصدیه باغه کیتدیلر ] دیمکدر . یاخود حرد ؛ منع معناسه در .

بوکا نظراً معنای آیت : [ آنلر قوشلق وقتی فقرایی منع ایتک اوزره باغه کیتدیلر ]

دیمکدر . یاخود حرد ؛ قحط منبه دینور . زیرا ؛ قحط سنه لر انسانلری نعمتدن محروم

ایتدیکی جهته حرد اطلاقه شایندر . بوکا نظراً حردله مراد ؛ خراب اولده باغ اولده

محمدر . زیرا ؛ خراب اولدینی جهته صاحب لینی میوه لرندن محروم ایتدیکندن قحط

اولان سنیه بکزه مشدر . بوکا نظراً معنای آیت : [ باغ صاحب لری کیجه وقتی باغه اینن

عذاب سبیلله خراب اولدینی بیلمیه رک مقاوله لری وجهه فقرایی منع ایتک قصد ایده رک

خراب اولوب نعمتی قالمایان باغه قوشلق وقتی سرعتله کیتدیلر ] دیمکدر .

﴿ فَلَمَّا رَأَوْهَا قَالُوا إِنَّا لَضَالُّونَ ﴾

[ وقتا که باغی خراب اولمش کوردیلر سه « زیولی شاشیردق یا کلش کلدک » دیدیلر . ]

صوکره دوشونوب باغک کندی باغلی اولدینی بیله رک فقرایی منع ایتک قصد ایتدکلرندن

طولایی الله تعالی کوتو یتلرینه جزا اولارق باغی خراب ایتدیکنی بیلمجه :

﴿ بَلْ نَحْنُ مَحْرُومُونَ ﴾

[ بلکه بز باغک نعمتدن محروم « دیدیلر . ] باغی بویله خراب کورونجه در حاله

کندی سوء یتلری نتیجه بی آفته دوجار اولدینی بیلدیلر و دیدیلر که « بوزم کنه مزک

جزاسیدر . زیرا ؛ بز فقرایی منع ایدوب نعمتدن محروم ایتک ایسته دک . الله تعالی ده بوکا

جزا اولارق بز بو نعمتدن محروم ایتدی . چونکه ؛ ( الجزء من جنس العمل ) در .

یعنی عمله مقابل اولان جزا ؛ عملک جنسندن اولور . بناء علیه ؛ بز فقرایی محروم ایتک

ایسته دک الله تعالی ده بز محروم ایتمشدر « دیمکه اظهار اسف ایتدیلر .

..

واجب تعالی باغچه صاحب لریک آفتی کورونجه قصورلرینی اعتراف ایتدکلرینی بیاندن

صوکره آره لرنده وقوع بولان محاوراتی حکایه طریقله بیان ایتک اوزره ﴿ قَالَ أَوْ سَطُّهُمْ

أَلَمْ أَقُلْ لَّكُمْ لَوْ لَا تُسَبِّحُونَ ﴾ بیوریور .

[ آنلرک عقلده زیاده اولانی دیدی که « بن دیمه دمی سزه ؛ کاشکه ان شاء الله دیسه ایدیکز

ویاخود جناب حقه تسبیح ایتسه ایدیکز » . ]

یعنی ؛ آنلر بو حال خرابییه حیرت ایدنجه ایچلرندن افضل ورأی و تدبیرده ادراکی

زیاده اولان برادرلری اولکی یا بمش اولدینی نصیحتی درمیان ایده رک نصیحتی دیکله مه دکلرینی

باشلرینه وورمق صورتیه « بن سزه الله تعالی به تسبیح ایده رک فقرایی منع ایتک اوزره

واقع اولان اتفاقکز اوزرینه ترتب ایدن کنه اهکزه توبه ایتکه عذابدن قورتولسه کز

دها ای اولور دیمه دمی ؟ » دیدی . چونکه ؛ فخر رازی و خازنک بیانلری وجهه دیگر

وارثلر فقرانک استحقاقی و یرمه مک قرار و یردکلرنده ایچلرندن یالکزه عاقل اولان بو

ذات مخالفت ایده رک آنلره « بو اتفاقکز خطادر . زیرا ؛ اللهم سزه و یرمش اولدینی

نعمتک زیاده لمتسه سبب اولان شکرله واجب تعالی بی نقایصدن تنزیه و تسبیحله مشغول

اولسه کز حقه کزده دها ای اولور « عنواننده نصیحتلره آنلره خطالرینی اخطار ایتشدی .

آنلرک بو نصیحتلری قبول ایتدکلرندن نشأت ایدن غضب الهمی بی کورونجه نصیحت

دیکله مه یلرک حالی بویله اولوب عاقبت فلا کتدن فلا کته اوغرایاجغنی آیت جلیله بیان

بیورمشدر . شو حالده بوذات هر قدر آنلرک حرکتلرینه راضی اولمادی ایسه ده آنلره

برابر مالی مشترک اولدیغندن آفت زده اولمشدر . چونکه ؛ دنیاده عاصیلرک کوتولکی



مطیع اولان کیمسه لره دخی آنلره یقین اولدیغندن طولای طوقونمق عادتدر . بناء علیه ؛ شو بی قصور اولان ذاتک دخی آنلر اوره سنده دوچار خسار اولسی اوزاق دکلددر . زیرا ؛ « قورینک یاننده یاشده یانار » ضرب مثلی هر زمان وقوعاته موافقددر .

بومقامده تسبیح له مراد ؛ ایه شادالله لفظ شریفی اولی محتملدر . زیرا ؛ مشیت الهیه تعلیق ایتک مشیتک خارجنده برشی اولامیه جعی اقرار اولدیغندن بوکاده جناب حق نقائصدن تنزیه معناسجه تسبیح اطلاق جائزدر و آیتک اولنده جناب حق استثنائی ترکله باغچه صاحبیرینی ذم بیورمسیده بوراده تسبیح ایه مرادک ایه شادالله کلمه طبیعی اولسنه دلالت ایدر . زیرا ( ولایستنون ) فقراتک معنی آیرمادیله معناسنه اولدینی کبی ایه شادالله معناسنه اولق احتمالیده اولدینی محلنده بیان ایدلش و هرایکی معناجدهده باغچه صاحبیرینی ذم اولدینی دخی بیان اولومشدی .

یاخود ابوالسعود افندینک بیانی وجهله بومقامده تسبیح له مراد ؛ وقوع بوراده قصورده نوبه معناسه در . چونکه فقرای صدقه دن منع ایتک ؛ بر کنه اولدیغندن او کناهک قالدیرلسی ایچون عفو الهی به التجا ایتکدن باشقه چاره اولمادیغنی ایچلرندن عاقل اولان ذاتک نصیحت صورتیله کندیلرینی خبردار ایتسی بومعنایه دلالت ایتکده در .

\*\*

واجب تعالی ایچلرندن عاقل اولان ذاتک تسبیح ایتملرینی اولجه کندیلرینه توصیه ایتدیکنی کندیلرینه باشلرینه قاقق صورتیله تکرار اخطار ایتدیکنی بیاندن صوکره آنلرک بو اخطار اوزرینه سرعتله تسبیحه باشلادقلرینی بیان ایتک اوزره ﴿ قَالُوا سُبْحَانَ رَبِّنَا إِنَّا كُنَّا ظَالِمِينَ ﴾ بیوریور .

[ آنلر « بزیمزی ظلمدن تنزیه ایدرز . زیرا ؛ محقق اولارق بزلر ظالم لرزه » دیدیلر . ] یعنی ؛ آنلرک ایچلرنده افضل اولانی بو باغک خراب اولسی تسبیح ایتمه دکلدردن نشأت ایتدیکنی کندیلرینه بیان ایدنجه آنلر « بز مرئی حقیقیمز اولان ربمزرک جمیع نقائصدن منزله اولدیغنی اعتقاد ایدر و بوتون افعالنده ظلمدن تنزیه ایدرز . زیرا ؛ بز

فقراتک حقنی منع ایتمهک نیت ایدره رک بدریمزک او کوزل مسلکفی ترکله کندیمزه و فقرایه ظلم ایدر اولدق . بناء علیه ؛ باغمزک خراب اولسی بزم ظلممزرک نتیجه سیدر « دیمکه اعتراف قصور ایتدیلر .

امام حسنک بیانه نظرآ بو آیتده تسبیح له مراد ؛ نمازدر . چونکه ؛ باغ صاحبیری اهل صلاتدن اولوب نمازی ترک و تکامل ایتلری دیگر کناهلره سبب اولدیغندن ایچلرندن اهل صلاح اولان نمازی ترک ایتملرینی آرهلق آرهلق توصیه ایدرسده دیمکه مه دکلدردن نمازله مشغول اولمادیقلری کبی فقراتک حقنی دخی منعی قصد ایتلرینه بناء الله تعالی باغلرینی خراب ایتمهک آنلری انصافه دعوت ایتسی اوزرینه در حال نماز سرعتله تسبیحه باشلایارق اعتراف قصور ایتدیلر ، لکن بعد خراب البصره .

\*\*

واجب تعالی باغچه صاحبیرینک اعتراف قصور ایتدکدن صوکره بیلرنده سویله شدکلری سوزلری و جریان ایدن احوالی بیان ایتک اوزره ﴿ فَأَقْبَلَ بَعْضُهُمْ عَلَى بَعْضٍ يَتْلَاوُ مُونَ ﴾ بیوریور .

[ شو فلا کته سبب کندی جرملری اولدیغنی اعتراف ایدنجه بعضیلری بعضیلرینه بربرلرینی لوم ایدر اولدقلری حالده توجیه خطاب ایتدیلر ، فلا کت میدانه کلنجه یکدیگرینه عطف جرم ایتمهک باشلادیلر . ]

فخر رازینک بیانی وجهله بریسی دیکرینه « بوحیللری سن او کرتدک بوفلا کته سن سیسک » ، دیکر بریسی اوبرینه « فقراتک حقنی ویرمه یوب بخل ایتمهک بزى سن سوق ایتدک » ، اوچنچی بریسی اوبرینه « فقرایه ویرسهک بز فقیر اولورز دیمکه بزى قورقوتدک » کبی هر کس قباحتی اوزرندن آتمق ایسته دی . والحاصل « ایشک قباحت اولدینی آکلاشیلنجه صوجه صاحب اولماز » دنیلدیکی کبی « بو قباحت سندندر ، بندندر . سن شونی دیدک » بن بونی دیمدم « دیهرک یکدیگرینه قهر ایتک انسانلرده عادتدر . چونکه



قباحت؛ خیانت اولدیغندن هر کس صاقلامق ایستر . بناء علیه؛ یکدیگرینه عطف قصور  
ایتمک انسانلرده هر زمان عادتدر .

..

واجب تعالی اعتراف جرم ایتدکرینی بیاندن صوکره بوجرملرینی بک بویوک عد  
ایتدکرینی بیان ایتدک اوزره ﴿ قَالُوا يَا وَيْلَنَا إِنَّا كُنَّا طَاغِينَ ﴾ عَسَ رَبُّنَا  
أَنْ يُبَدِّلَنَا نِيزًا مِنْهَا إِنَّا إِلَى رَبِّنَا رَاغِبُونَ ﴿ بیوریور .

[ آنلر « ای بزم هلاکمز نروده ایسه ک کل ! بز ندا ایدر سکا چاغیررز .  
زیرا ؛ بز حدیمزی تجاوز ایتدک . بناء علیه؛ بز طاغیلردن اولدق . امید ایدرز که بزم ربمز  
یقین وقتده خراب اولان باغچه مزه بدل دها خیرلیسنی بزم ایچون خلق ایدر . زیرا ؛  
بز ربمزدن خیر ایسته ییجی بز » دیدیلر ] .

یعنی ؛ آنلر جرملرینک کندی حقلرنده طغیان اولدیغنی اقرار ایتدکدن صوکره  
نائب و مستغفر اولوب توبه لرینک قبولی امید ایدرک دیدیلر که « امید ایدرز که ربمز اولکی  
باغچه مزدن دها خیرلیسنی بزم احسان ایدر . زیرا ؛ بز توبه مزله عفو الهی به التجا  
واخلاص مزله رحمت الهیه دخالت و خطامزی اعترافله لطف الهیدن استمداد ایدرک  
ذات الوهیتندن خیر ایسترز و امید ایدرز که یقینده بزم ایچون خیر خلق ایدر ، بزلی  
مایوس ایتمز » ایشته باغچه صاحبلی بویله دیمکه درگاه الوهیه مراجعت ایتدیلر .

فخر ازیتمک بیانی وجهله شو مراجعت باغچه صاحبلردن یالکمز دنیا ایچون اولدیغنی  
جهتله آنلر حقنده توبه اولاماق احتمالی وارایسه ده اکثر علما عننده توبه خالصه اولدیغنده  
شبهه یوقدر . چونکه ؛ ایتدک سوقی و الفاظک بیانی وقصور صاحبلرینک جرملرینی  
اقرارله تضرع و نیازلری و نفسلرینی ظلمله و طغیانله ذم ایتملری و بوندن صوکره رحمت  
الهیهدن امید وار اولدق لرینی صراحة بیان ایلملری خلوصلرینه دلالت ایتدیکی جهتله  
شو مراجعتلرینک توبه اولاسنی تأیید ایتدکده در .

ابوالسعود افندیتمک بیانی وجهله ابن مسعود حضرتلردن روایتده توبه اولدیغنه

دلالت ایدر . چونکه ؛ ابن مسعود حضرتلری « بوقومک نفسلرینی اصلاحله خالص قوللردن  
اولدق لرینه بناء الله تعالی تک آنلرک صدق خلوصلرینی بیلنجه آنلره اولکی باغچه لرندن  
دها خیرلی باغچه احسان ایتدیکی بکا بالغ اولدی » بیورمشدر . ایشته بو روایت شو  
مراجعتک توبه اولدیغنی اشعار ایتدیکی کبی توبه تک قبوله دخی دلالت ایدر .

خلاصه ؛ مال و اولادی الله تعالی تک انسانه امتحان ایچون ویردیکی واکر خیره  
صرف ایدرسه فائده سنی کورده چکی واکر شره صرف ایدرسه عاقبت هلاک اولاجنی  
واکر شردن رجوعله توبه ایدرسه توبه سنک قبول اولوناجنی بو آیتلردن مستفاد اولان  
غوائد جمله سننددر .

..

واجب تعالی بوندن اولکی ایتدک احکامنی اجمالاً بیان ایتدک اوزره ﴿ كَذَلِكَ  
الْعَذَابُ وَالْعَذَابُ الْآخِرَةُ أَكْبَرُ لَوْ كَانُوا يَعْلَمُونَ ﴾ بیوریور .

[ ایشته عذاب دنیا بویله جه اولور . ذات الوهیتمه یمین ایدرم که بیلمش اولسه  
عذاب آخرت دها بویوکدر ] .

یعنی ؛ ناصل که شو باغ صاحبلرینک کناهلری اقتضاسی باغلرینی خراب ایتدکه  
آکسزین آنلره عذاب ایتدک . ایشته اویله جه مکه اهللسنده عذاب ایدرز و آخرت  
عذابی عذاب دنیادن دها بویوکدر . اکر عاصیلر بیلمش اولسه کناهلرندن وازچرلر  
ولکن بیلمه دکلی ایچون کناهلرنده دوامله عذاب ایدرلر .

بو آیت بوندن اول کچن ایتدک احکامنه نتیجه قییلنددر و بو نتیجه ایله جناب حق  
مکه اهللسنی تهدید بیوریور . چونکه ؛ مذکور باغ صاحبلرینک عذابی بیاندن صوکره  
« ایشته عذاب دنیا عاصیلر حقنده بویله جه آکسزین کلیر » دیمک « ای مکه اهللسی !  
عاصیلرک حالی و دنیاده عذابلرینی کوردیکمز آ . اکر سزده عصیانکمزده دوام  
ایدرسه کز سزده بودنیاده بویله جه بلا و عذاب کلیر » دیمکدر والی یوم القیام کله جک  
انسانلرک جمله سنده بو خطاب شاملدر . بناء علیه ؛ بو کبی و صایادن هر کسک حصه مند



اولسی لازمدر . زیرا قرآنده بو منلو کچمش وقعلری بیاندن مقصد ؛ هر کسی انصاف وعبرته دعوت ایتکدر .

..

واجب تعالی مجرمک حالرینی بیاندن صوکره صالح اولان کیمسه لک حالرینی بیان ایتک اوزره ﴿ إِنَّ لِلْمُتَّقِينَ عِنْدَ رَبِّهِمْ جَنَّاتٍ النَّعِيمِ ﴾ بیوریور .

[ محقق متقیلر ایچون ربلری عندنده تلذذ ایده جککری جنتلری واردر . ]

یعنی ؛ کفر وسائر کناهلردن قاچینان کیمسه لر ایچون ربلرینک خزینه سنده حاضرلانش نعمتی بول جنتلر واردر .

اتقا ؛ کناهلره صاقینیه ، متقی ؛ کناهلره قایمیه دیمکدر . بومقامده هر کناهلره صاقینیه کیمسه لر شامل اولدیغه اشارت ایچون ( متقین ) لفظی استفراقه دلالت ایدن لوم ایله وارد اولمش وکناهندن صاقینان متقیلرک شرفلرینه اشارت ایچون رب اسم شریفی متقیلره راجع ضمیره مضاف قیلنمش ومتقیلرک نوابلرینک ضیاعدن محفوظ اولدیغه اشارت ایچون محفوظیه دلالت ایدن ( عند ) کلمه سی وارد اولمشدر . چونکه جنتلرک ربمک عندنده اولدیغنی بیلدیرمک ؛ محفوظ اولدیغنی بیلدیرمکدر . جناتک نعیم اضافتی بیانیه اولدیغندن ( جنات النعیم ) دیمک ؛ عین نعمت اولان جنت دیمکدر . بوکا نظراً معنای آیت : [ حرام اولان شیلردن قاچینان ای کیمسه لر ایچون ربلرینک عندنده راحتلرینی تأمین ایدن وعین نعمتدن عبارت اولان جنتلر وار ] دیمکدر .

ابوالسعود افندینک بیانی وجهله بوآیت نازل اولونجه کافرلر مؤمنلره « بز دنیاچه مال و ثروت جهتندن سزدن افضلر . بناء علیه ؛ آخرتده دخی سزدن افضل و زنکین اولاجغمزده شبهه یوقدر ، دیمشدری .

..

واجب تعالی کافرلرک بوسوزلری اوزرینه آنلری رد ایچون ﴿ أَفَنَجْعَلُ الْمُسْلِمِينَ كَالْجَاهِلِيَّةِ \* مَا لَكُمْ كَيْفَ تَحْكُمُونَ ﴾ بیوریور .

[ بز مسلملری کافرلر کی قیلاماز . سزک ایچون نه اولدی که مسلملره مساوی اولدیغکزه حکم ایدرسکیز ؟ ]

یعنی ؛ اخلاق فاسده صاحبلی کندیلرینک اخلاق حمیده صاحبلینه مساوی اولاجقلرینی می اعتقاد ایدرلر ؟ بز اهل اسلامی اهل کفره مساوی قیلارمی بز ؛ البته مسلملر مجرملر کی اولاماز . چونکه ؛ مطیع اولان بر کیمسه نک عاصی اولان بر کیمسه نه اللهم انعام واحساننده مساوی اولسی جائز اولاماز . زیرا ؛ عابد عبادتک مکفاتی وماصیده عصیانک عذابی کورمک عین عدالت اولدیغندن بونک خلافه مساوات عین ظلمدر وحکمت تکلیفه موافق اولانده بودر . چونکه ؛ کافرلرک دیدکری کی ایملره کوتولر آره سنده فرق اولسه عبادتله تکلیفه بر فائده اولمازدی . بناء علیه ؛ البته بینرنده فرق اولاجقدر . شو حالده سزه نه کی شی عارض اولدی که کندی آرزو کزه موافق اولان شیلره حکم ایدرسکیز وبو حکمی زهدن آلبورسکیز ، بوکا دلیلکیز ندر وبویله کیفکزه کوره حکمدن قورقماز و اوتانمازمیسکیز ، کافرله مؤمن الله تعالی عندنده مساوی اولورمی ؟

فخر رازینک بیانی وجهله بوآیتده مجرم ؛ فاجر مقابلنده ذکر اولوندینی جهته مسلم ؛ مؤمن فاسقده شاملدر . چونکه مجرم ؛ علی الاطلاق کافر اولدیغندن فاسق اولان مؤمنلر مجرمدن خارجلدر . بناء علیه فرق ضالهدن معتزله نک « فاسقلر مجرمده داخلدر جنته کیره مز ، دیدکری سوزلری مردوددر و ( المسلمین ) لفظنک الف لوم ایله ورودی استفراقه دلالت ابتدکی جهته ولوفاسق اولسون هر فرد مسلم شاملدر . چونکه فاسق اولان بر مؤمنک کنديسنده بالفعل صفت ایمان موجود اولان هر شخصه مسلم دنیله کی او شخص هر قدر فاسق اولسه دخی مرتبهده کافره مساوی اولاماز . زیرا ؛ اهل ایمان نور ایماندن هر وقت استفاده ایدر ، کافر ایسه هر وقت کفرینک جزاسنی کوره جکدر . بناء علیه ؛ مؤمن ، فاسق اولسه دخی کافر اولماز .

..

واجب تعالی کافرلرک « بز دنیاچه راحت اولدیغمز کی آخرتده دخی مؤمنلردن خلاصة البيان : اون بشنی جلد - ۹۰



زیاده راحت اولورز، هیچ اولمازسه مؤمنلره مساوی اولورز، دیہرک ویرمش اولدقلری حکملری تعجیبه شایان اولدیغنی وکافرک مسلمہ مساوی اولامیہ جغنی بیاندن صوکرہ بو حکملرینک احتجاجہ الوریثلی بردلیله مستند اولمادیغنی بیان ایتک اوزره ﴿ اَمْ لَكُمْ کِتَابٌ فِیْهِ تَذْرُسُوْنَ ﴾ اِنَّ لَكُمْ فِیْهِ لَمَّا تَخٰیرُوْنَ ﴿ بیوریور .

[ یوقسه سزک ایچون بر کتاب نازل اولدی ده او کتآبده می او قویورسکز و سزک ایچون ایسته دیککز شینک اولاجغنی او کتآبدن آلبده می حکم ویریورسکز ؟ ]  
یعنی ؛ ای — مشرکر ! آخرتده مؤمنلره مساوی اولاجغکز کی کندی رأی فاسدیکزلہ می حکم ایدیورسکز، یوقسه سزک ایچون کتاب وارده آندہ می او قویورسکز و کوکلکزک ایسته دیککزک اولاجغنی او کتآبدن می بیلورسکز ؟ بویله الکزده بر سند اولمادیغنی حالده ناصل جسارت ایدیور و حکم ویریورسکز .

تخیر ؛ بر شینک غیر بسنی آلوب دیکرینی ترک ایتکمر . بومقامده ایسه کافرلردنیاده مال و شرف بزم اولدیغنی کی آخرتده دخی هر شینک خیر لسی بزم ایچوندر دیہرک حکم ایتدکلرینی بیانه واجب تعالی آنلری توبیخ بیوریور . آلدہ سند اولقسزین بر شیئہ حکم جائز اولمادیغنه بو آیت دلالت ایدر . بالخاصہ عقائد دینیهده دلیلسز حکم خطادن خالی اولامیہ جغنی جهتلہ اصلا جائز اولماز .

..

واجب تعالی سندسز و دلیلسز حکم ایتک خطادن سالم اولمادیغنی جهتلہ کندی آرزولری وجه اوزره دلیلسز حکم ایدنلری توبیخ ایتدکدن صوکرہ دیکر نوعله توبیخ ایتک اوزره ﴿ اَمْ لَكُمْ اٰیْمَانٌ عَلٰیْنَا بِاللَّعْنَةِ اِلٰی یَوْمِ الْقِیْمَةِ اِنْ لَكُمْ لَمَّا تَحْكُمُوْنَ ﴾ بیوریور .  
[ یوقسه سزک ایچون بزم اوزریمزده شدتلی و یوم قیامتہ قدر دوامی یمین می وارکہ آرزوکز وجه اوزره حکمہ جسارت ایدیورسکز ؟ ]

یعنی ؛ ای — مشرکر ! دنیاده اولدیغنی کی آخرتده دخی رفاه و سعادت اوزره

اولاجغکزہ حکمہ جسارتی زردن آلورسکز ، یوقسه سزک ایچون بزم اوزریمزده یمین ایله تأکید اولونمش و قیامتہ قدر باقی عهدی وارکہ و آرزوکز وجه اوزره حکم ایتدیککز شینک سزک اولاجغنه دائر بزدن یمین می آلدیککز کہ حکم ایدیورسکز و سزک الکزده حکمہ سند بزم یمین می وار ؛ البتہ یوقدر . زیرا ؛ آرزوکز وجه اوزره حکم ایتدیککز شیلرک سزک اولاجغنه دائر بزدن یمین ایله تأمین ایتدک و بویله بر عهدده ویرمہ دک . ناصل اولوبور کہ ایسته دیککز کی حکم ایدرسکز . شو حالده حکمکز بیاطلدر .

..

واجب تعالی کافرلری ایسته دکلری وجه اوزره حکمہ جسارتلردن طولانی بر قاج جهتلہ توبیخ ایتدکدن صوکرہ مجرملری الزام ایچون بعض سئوال ایراد ایتسنی حیینه امر ایتک اوزره ﴿ سَلِّمُوْهُمْ اٰیٰتُہُمْ بِذٰلِکَ رَعِیْمٌ ﴾ بیوریور .

[ سئوال ایت یا اکرم الرسل ! او کافرلردن کہ آنلردن هانکیسی شو حکمک اثباتہ کفیلدر . ] واثباتی هانکیسی در عہده ایدہ بیلیرسه میدانہ چیقسونده کورہ لم . دنیاده کی کی آخرتده دخی مسرور اولاجقلرینی اثبات ایتسون . نہ ایله ایدہ جک ، الدہ دلیل نہ در ؟ زعیم ؛ کفیل اولامہ و برباشی اصومہ مأمور ایدیلر و او ایسه اوزریمزده در رانہ کیمسہ دینور . شو حالده معنای نظم : [ شو حکمی اثباتہ کفیل اولاجق و اصلاح و تصحیحہ مأمور اولاجق آنلردن کیمدر ؟ سئوال ایت ] دیمک اولور .

ابوالسعود افندینک بیانی وجهله شو سئوال ؛ کافرلری الزام و اسکات ایچوندر . زیرا ؛ آنلرک ادعا ایتدکلری حکمک اثباتی آنلر ایچون ممکن دکلدر . چونکہ کافرلر ؛ کافر اولدقلری حالده آخرتده مؤمندن زیادہ خیرہ و کرامتہ نائل اولاجقلرینہ حکم ایتدیلر . بو ایسه نظر شرعده ممتنع اولدیغندن بو حکمک اثباتہ کفالت آنلر ایچون محال اولان یر شیئہ کفالت قیلندندر .

..

واجب تعالی کافرلرک دعوالرینہ دلیل اولمادیغنی بیاندن صوکرہ بواعقاده شریکلرینک



اولوب اولمادیغنی بیان ایتک اوزره ﴿ اَمْ لَهُمْ شُرَكَاءُ فُلْيَا تَوْا بِشُرَكَائِهِمْ اِنْ كَانُوْا صَادِقِيْنَ ﴾ بیوریور .

[ یاخود آنلر ایچون بو اعتقادده شریکری می وارد ؟ اکر شریکری وارسه و سوزلری دوغری ایسه شریکری کتیرسونلر . ]

یعنی ؟ بو دعواده یالکزلری یوقسه کندیلری ایله برابر بو دعوایه شریک اولانلرده وارمیدر ؟ اکر سوزلری دوغری ایسه شریکری کتیرسونلرده کوره لم . البته کتیر مزلر . چونکه ؟ آخرتده کافرله مؤمنک مساوی اولمسنه آنلر ایچون عقلاً و نقلاً دلیل یوق که کتیر بیلسونلر و دلیل اولمادیغنی کبی بویله معقول اولمایان بر دعواده آنلره موافقت ایدر هیچ بر عاقلده بولونمیه جفته بناء جناب حق آنلری عاجز قیلیم ایچون شریکری وارسه کتیرملری امر بیورمشد .

یاخود فخر رازینک بیانی وجهله شرکا ایله مراد ؛ الله تعالی به شریک اعتقاد ایتدکلری یونلردر . بوکا نظراً معنای آیت : [ شودعوائی اثباتده کفیل آنلردن بریسمیدر ، یوقسه آنلرک الله تعالی به شریک اعتقاد ایتدکلری شیلری کفیلدر ؟ اکر شریک اعتقاد ایتدکلری شیلر بو دعوائی اثباته کفیللر ایسه و سوزلری دوغری ایسه آنلری کتیرسونلرده کوره لم که اثبات ایدرلری ؟ ] دیمکدر .

بو آیتلر هیچ بر وجهله آنلرک بو دعوائی اثباته قادر اولامادقلری اثبات ایتمشد . چونکه ؛ بیان اولوندیغنی وجهله آنلر ایچون کتاب یوق که بو دعوائی او کتابدن اثبات ایتسونلر و الله تعالی عننده بر عهدلری یوق که کافرک مؤمنه مساوی اولاجغنی او عهدله اثبات وتأمین ایله سونلر بو دعوائی اثباته آنلر ایچون بر کفیل یوق که الله تعالی بو حکمه ضامن و کفیل اولسون . شو حالده هیچ بر وجهله بو دعوائی اثبات ایچون آلرلنده احتیاجه صالح بر وثیقه یوقدر که او دعوائی اثباته قادر اولسونلر .

..

واجب تعالی مشرکک هیچ بر وجهله دعوالرینی اثباته قادر اولامادقلری بیاندن صوکره

آخرتده واقع اولاجق رسوا یلقلری بیان ایتک اوزره ﴿ یَوْمَ یُکْشَفُ عَنْ سَاقٍ وَ یُذْعَوْنَ اِلَى السُّجُودِ فَلَا یَسْتَطِیْعُوْنَ ﴾ خاشعته ابصارهم ترهقههم ذلله بیوریور .

[ ای حبییم ! ذکر ایت سن شول کونی آنلره که او کونده حقائق امور کوکندن آجیلر . و آنلر سجدهیه دعوت اولونورلر و دعوت اولونونجه کوزلری یورغون و ذلیل اولدقلری و هر طرفلری ذل و مسکنت چویرمش اولدینی حالده آنلر سجدهیه قادر اولامازلر . ]  
یعنی ؛ آنلر مؤمنلره آخرتده مساوی و یاخود افضل اولاجقلری ادا ایدیورلر . سن آنلره هر حقیقتک میدانه چیقاجنی کونی ذکر ایت او کونده آنلر حضور السیده سجدهیه دعوت اولونورلر ولکن آنلرک کوزلری قورقوجی و یورولجی و هر طرفلری ذل و مسکنت بورومش اولدینی حالده آنلر سجدهیه دعوت اولونورلر و لکن سجدهیه قادر اولامازلر . زیرا ؛ او کونک شدندن آنلر حیرتلر و دهشتلر ایچنده نه یا باجقلری بیله مزلر . مؤمنلر ایسه نور ایمانله مستغرق و کمال شوق و سرورله میدانه چیقار ربلرینه سجده ایدرلر .

ابوالسعود افندیکنک بیانی وجهله سرور و غموم کوزه هر اعضادن زیاده نمایان اولدیغندن جمله اعضایه عارض اولان قورقو معانسه اولان فزع ذکر جزو اراده کل قیلندن کوره اسناد اولونمشد که جمله اعضایه عارض اولان کدردن کنایه در . چونکه ؛ کوزلرده کوریلن قورقو و ذل و مسکنت هر اعضانک قورقوسنه و ذل و مسکنتنه دلالت ایدر . فخر رازینک بیانی وجهله بونلرک سجدهیه دعوت اولونملری توبیخ و عتف و شدت ایچوندر ، یوقسه تکلیف ایچون دکدر . زیرا عبادت ؛ دنیایه مخصوص اولدیغندن آخرتده تکلیف یوقدر .

او کونک شدت و دهشتی صوکره درجهیه و اراجفته اشارت ایچون (ساق) لفظی تعظیم دلالت ایدن نوبه ایله وارد اولمشد . و کندیلرینک تحسیرلری زیاده اولسون ایچون بل کیملری مفصللر ، یک نسق اوزره اکلز و بوکولز تک بر کیلک قیلنقله سجدهیه دعوتیه اجابت قصد ایدرلر سهده قادر اولاماز بر حالده دهشت ایچنده قالیرلر .

خلاصه ؛ هر حقیقتک میدانه چیقیدینی کون که یوم قیامتده مشرکک سجدهیه دعوت



اولونوب مقتدر اولامیه جقلری و کوزلری قورقوجی و هر طرفلرینی ذلت و مسکنت قابلا یوب اهل محشر آره سنده رذیل و رسوای اولاجقلری بو آیتدن مستفاد اولان فوائد جمله سنددر .

..

واجب تعالی کافرلرک آخرتده سجدهیه دعوت اولونوب سجدهیه مقتدر اولامیه جقلرینی بیاندن صوکره دنیاده سجدهیه دعوت اولوندقلرینی بیان ایتک اوزره ﴿وَقَدْ كَانُوا يُدْعَوْنَ إِلَى السُّجُودِ وَهُمْ سَالِمُونَ﴾ بیوریور .

[حالبوکه آنلردنیاده اعضالری تام ، بدنلری صاعلام و نماز قیلیمه مقتدر اولدقلری حالده دنیاده سجدهیه جامع اولان نمازه مؤذنلر واسطه سیله دعوت اولونورلر ولکن اجابت ایتزلردی . حالبوکه اجابتلرینه بر مانع ده یوقدی .] زیرا ؛ مؤذنک اذانی اوزرینه جامعه و جماعته دواملرینی منع ایدر برشی بولونمازدی . ایشته دنیاده اجابته مقتدر اولدقلری حالده اجابت ایتدکلرینه جزا اولارق آخرتده سجدهیه دعوت اولونورلر ولکن تریذیل ایچون قدرتلری سلب اولونور ، اجابتک فائده سی اولمادیغی حالده اجابت ایتک ایسترلر . آنجق سجدهیه قدرتلری اولمادیغندن حسرتلری تزیاید ایدر .

فخر رازینک بیانی وجهله بو آیت نمازه دعوت اولونوبده اجابت ایتمینلری ذم اولدیغی کی جماعت مسلمینی ترک ایدنلر حقنده دخی وعیدی متضمندر . بناء علیه ؛ جماعته کیمه نک واجب اولدیغی بیان ایدن فقهانک بیانلرینه بو آیت دلالت ایدر . اما علماء حنفیه عتدنده جماعتله نماز قیلیمق واجب اولمایوب سنت مؤکده اولدیغندن جماعی ترک ایتک عذاب ایجاب ایتزه ده ترک ایدن کیمسه نک ذمنی موجب اولور . بناء علیه ؛ جماعته کیمه یینلر شریعت نظرنده مذموملردر .

..

واجب تعالی کناهکار اولانلری یوم قیامتک شدتیه قورقوتقدن صوکره کندی قهر و غضبیه قورقوتیق اوزره ﴿فَذَرْنِي وَمَنْ يُكْذِبْ بِهَذَا الْحَدِيثِ سَنَسْتَدْرِجُهُمْ مِنْ حَيْثُ لَا يَعْلَمُونَ﴾ بیوریور .

[یا اکرم الرسل ! آنلر سنک دعوتکک اجابتدن تمرد ایدر و اوزاق اولونجه سن بی وشوقر آتی تکذیب ایدنلرله حاملزه ترک ایت . زیرا ؛ بز عظیم الشان محقق آنلره بیلیمه دکلری جهتدن درجه درجه عذاب انزال ایدرز]

یعنی ؛ آنلرک ایمان ایتمه دکلرندن کدر ایتمه ، سن آنلری بزه حواله ایت . زیرا ؛ بز آنلردن سکا ایمان ایتمه یوب قرآنی تکذیب ایتدکلری ایچون انتقام آلفه کافی بز . بناء علیه ؛ دشمنلرک حاللرندن محزون اولما . چونکه ؛ بز آنلرک بیلیمه دکلری جهتدن آنلره درجه درجه عذاب کوندربرز .

فخر رازینک بیانی وجهله استدرراج ؛ هر زمانه کناه ایتدکلر الله تعالی نک نعمتلرینی هر غالتوب آنلرک ده ادا کناهه استغفاری و نعمة شکر ایتدکلریده . زیرا ؛ کناهلرینه قارشى نعمتک کلمنی کنیدیلرینه بر ایلاک ظن ایدرک تکرار کناهه جسارت ایتلری درجه درجه عذابلرینی آرتیرمقدر و آنلر بو نعمتک هلاکلرینه سبب اولاجغی بیلیمیه رک کناه اوزرینه کناه ایشله ملری عذاب اوزرینه عذاب اولارق درجه درجه عذابده یوقاری حیقمقدر . زیرا ؛ الله تعالی آنلره ایکی جهته عذاب ایدر . چونکه ؛ کناهلرینه عذاب ایتدیگی کی استغفاری و شکر ترک ایتدکلرینه دخی عذاب ایدر . بوکا نظراً معنای آیت : [بز آنلرک ، کناهلری یکیله ندکجه نعمتلرینی دخی یگیلر و عذابلرینی زیاده لندیربرز . آنلر ایسه نه اولدیغی بیلملر حق او نعمتلری کندی حقلرنده مؤمنلر اوزرینه تفضل عد واستحقاقلری ظن ایدرلر . حالبوکه او نعمت ظن ایتدکلری شی حقلرنده نعمت و عین فلا کتدر] دیمکدر .

..

واجب تعالی کافرلر حقنده نعمتک استدرراج اولدیغی بیاندن صوکره آنلره مهلت و یردیکنی بیان ایتک اوزره ﴿وَأْمُرْهُمْ أَنْ كِيدَی مَتِينٌ﴾ بیوریور .

[بن قرآنی تکذیب ایدنلره مهلت و یریرم . زیرا ؛ بنم حیلهدن عبارت اولان احسانم غایت قوتلیدر .] چونکه ؛ بن آنلرک اجلنه مساعد ایدر عمرلرینی اوزاتیرم که کناهلری چوق اولسون . زیرا ؛ بنم حیله به بکزه بن کیدم غایت قوتلیدر . بن آنلره احسان ایدرم .



آنلر او احسانی کندی حقلرنده خیر ظن ایدرلر . حالبوکه او احسان آنلرک سبب هلاکیدر . ایشته آنلر حقنده احسانک سبب سلامت اولاجغنی ظن ایدرکن سبب هلاک اولسی حیلله بکزه دیک ایچون امسانه دن میده معناسنه اولان کیدله تعبیر اولونمش واحسانک هلاکه سبب قوتلی اولدیغنه اشارت ایچون مقانت ایله توصیف ایداشدر وکناهارک اولانلرک اعتذاره مجاللری اولماسون و هلاکه استحقاقلری بینه واضحه ایله اولسون ایچون دنیاده آنلره عمرله و ماله و منصب و جاهله مساعدده ایدلمش وتائب ومستغفر اولاجق چوق زمان ترک اولونمشدرکه بر دییه جکلری قالماسون . حالبوکه کید اللهی به کیسه واقف اولاماز و هیچ برشی عذاب اللهی به قارشی کله مز .

..

واجب تعالی استدراج اولارق کافرله مهلت ویردیکنی بیاندن صوکره بو قدر مهلته قارشی تکلیفی قبولدن امتناع ایتملری ایجاب ایدر برشی اولادیغنی بیان ایتک اوزره ﴿ اَمْ تَسْأَلُهُمْ اَجْرًا فَهُمْ مِنْ مَغْرَمٍ مُثْقَلُونَ ﴾ اَمْ عِنْدَهُمُ الْغَيْبُ فَهُمْ يَكْتُبُونَ بیوریور .

[ یا اکرم الرسل ! مشرکک سنک ارشادیکی و احکام شرعییه کنیدیلرینه تبلیغی انکارمی ایدیورلر ، یوقسه تبلیغک مقابل سن آنلردن اجرت ایستدکده اجرت مالیهی بورجلانق ایچونمی تکلیفی غیر کوریورلر ، یوقسه آنلرک غیبه اطلاعی وارده آنک اوزرینه ایستدکلری حکمی یازیورلر ؟ ]

یعنی ؛ آنلره حسب الله تبلیغ ایدوب نقصانلری اکل ایله دوغری یوله سوق ایتک اوزره کنیدیلرینه واقع اولان نصیحتکی انکارمی ایدیورلر ، یوقسه تبلیغ مقابلی اجرت ایستدیکمی ادعا ایدیورلرده بو اجرتدن طولایی احکام شرعییه غیر کوریورلر ؛ حالبوکه آنلردن اجرت ایسته میدهیک ایچون یالکز آنلرک منفعتنه اولان تبلیغی قبولدن قاجیملرینه بر سبب یوقدر . یوقسه آنلر بر طاقم مغیباتی بیلیورلرده آکا باقارق بولونقلری احوالک ثواب اولدیغنه حکم ایدرک یازیورلر و مؤمنلردن کنیدیلرینک افضل اولدیغنه حکم ایدوب کفرلرنده عناد ایدیورلر وهانکی دلیله استناد ایدرک کنیدیلرینک مؤمنلردن

افضل اولدقلرینه حکم ویریورلر وهانکی عذرله بناء ایدرک سنک دعوتک احابتدن امتناع ایله یورلر ؛ یوقسه غایبه حکمی ایدیورلر و یا خود اجرت ایسته دگده آلتندن قالمایه جکلری ایچونمی غیر سینیورلر ؛ بولردن هیچ بریسی اولادیغنی حالده آخرتده حضور الهیده نه کی معذرت بیان ایدر جکلردر .

..

واجب تعالی مجرملرک مسلکلری سقیم اولدیغنی بیاندن صوکره بو سقیم مسلکلرندن متأثر اولمایوب صبرایتمنی رسولنه توصیه ایتک اوزره ﴿ فَاصْبِرْ لِحُكْمِ رَبِّكَ وَلَا تَكُنْ كَصَاحِبِ الْخُوْتِ اِذْ نَادَى وَهُوَ مَكْظُوْمٌ ﴾ بیوریور .

[ آنلر کفرلرنده دوام ایدنجیه یا اکرم الرسل ! سن ربک تعالی نک آنلر حقنده امهالنه وسکا نصرتی تأخیرینه صبر ایت و عجله ایتمکده یونس علیه السلام کی اولما . زیرا ؛ سنک حالک بالک صاحبی اولان یونس علیه السلامک غضبه قلبی طولو اولدیغنی حالده ندا ایتدیکي وقتده کی حالی کی اولماسون . ]

یعنی ؛ ای رسول مکرم ! سن اوامر اللهیه تبلیغ ایتدکجه کافرلرک کفرلرنده عنادینه متأسف اولما ، ربک تعالی نک حکمنه صبر ایت و آنلری مؤاخذهده عجله ایتمه و آنلره استدراج قیلندن ویریلن نعمتلره وسکا نصرتک تأخیردن محزون اولما وقومک عذابک علی العجله کلمنی ایسته مکده بالغه مصاحبت ایدن یونس علیه السلام کی اولما . زیرا ؛ یونس علیه السلام قومنه عذابک کلمنی صورت مستعجلهده ایستدی وبالغه یاران اولدی و او وقتده بر غضب بالک قارندن ندا ایتدی و ربسنه چاغیردی . سن ده آنک کی عجله ایتمه که آنک مبتلا اولدیغنی حزن ایله سن ده مبتلا اولیه سک . زیرا غضبک عاقبتی ندامت و عجله نک عاقبتی ملامت و صبرک عاقبتی ایسه سلامتدر .

فخر رازی وخازنک بیسانلری وجهله بو آیتده واجب تعالی رسولنی عجله ایتمکدن نهی بیورمشدر . زیرا ؛ یونس علیه السلامک قومی عصیانده دوام ایدوب نصیحتنی دیکله مه دکلرینه تحمل ایتدیرک قومنک هلاکنی جناب حقدن ایسته مسی اوزرینه الله تعالی نک کوندرمش اولدیغنی عذابک اماره لری کورولونجه یونس علیه السلام قومنک ایچندن جیقوب



کینمش و بالقی آنک رفاقیله مشرف اولمش ایسه ده کنیدیسی بر چوق الم و کدره تصادف  
ایندی . بناء علیه ؛ جناب حق رسولنی عجله ایتمکه بعض خزن و کدره تصادف ایتمکدن  
منع ایتمشدر . و یاخود معنای آیت : [ ای حبییم ! رسالتی ادا و احکامی تبلیغده ربکه  
تعالی نک حکمنه صبر ایت که وحی الهی بی تبلیغده و امتکی ارشاده حاصل اولان محنت  
و مشقتدن متأثر اولیه سک ] دیمکدر .

..

واجب تعالی یونس علیه السلامک بعض حاله اشارتدن صوکره ذات الوهیتی طرفندن  
آنک حقنده واقع اولان نعمتی بیان ایتمک اوزره ﴿ لَوْ لَا اَنْ تَذَارَكَ نِعْمَةٌ مِنْ رَبِّهِ  
لُنَبِّدَ بِالْعَرَاءِ وَهُوَ مَذْمُومٌ ﴾ بیوریور .

[ اکر حضرت یونسه ربسی طرفندن بر نعمت عظیمه واصل اولسه ایدی کنیدی  
نفسنی لوم ایدر اولدینی حالده اوتدن و صودن خالی براووهیه آتیلوردی . ]  
یعنی ؛ یونس علیه السلام قومنک حاله غضب ایدره رک آنلرک آره سندن چیقمقده عجله  
ایتمی اوزرینه اکر ربسندن استغفار کی بر نعمت عظمی تدارک ایتمسه و توفیق اولسه ایدی  
کنیدی ذاتی طرفندن نفسی لوم و ذم اولونمش اولدینی حالده منفعتدن خالی بر صحرایه  
آتیلوردی و لکن جناب حق واقع اولان ذله سنه استغفاری درحال توفیق بیوردی .  
بناء علیه ؛ ذات نبویلی استغفاره دوامله نعمت الهیهیه مستغرق اولدی .

فخر رازینک بیانی وجهله بو آیتده نعمت ایله مراد ؛ واجب تعالی نک یونس علیه السلام  
استغفاری توفیق بیورمیدر . شو حالده انسانلرک عبادت و طاعتلری اللهک توفیقیه اولدیغه  
بو آیت دلالت ایدر .

بو آیتده (لولا) کله سندن آکلاشیلدینی وجهله استغفار نعمتنک حضرت یونسه  
وصولی آنک منفعتدن خالی بر چوله آتلسنه مانع اولمشدر . چونکه ؛ لولا نک معنای  
لغو یسی بر تینک و جوری ایچوره آخر تینک محتج اولمیدر . شو حالده بو مقامده یونس  
علیه السلام نعمتنک وصولنده طوبی بر صحرایه آتلمی محتج اولمشدر . بناء علیه بو

مقامده مذموم اولسنک امتناعی ؛ یونس علیه السلامدن کنه صادر اولمادیغه دلالت ایدر .  
اما استغفارینه کلنجه ؛ اولای ترکندن طولاییدر ، یوقسه کنه صادر اولدیغدن طولای  
دکدر . چونکه ؛ ایلرک حسناتی جناب حقه مقرب اولانلرک سیئاتی منزلنده در . بناء علیه ؛  
حضرت یونسک قومی ایچنده قرار ایدوب طورمسی واجب دکل ، بلکه اولی و افضل  
ایدی . ایشته شو اولای ترک ایدره رک چیقوب کیتیمی کنه دکلسه ده منصب نبوتک  
مرتبه سنه نظراً کنه کی اولدیغندن استغفارله تلافی مافات ایدلمشدر . بناء علیه ؛

﴿ فَاجْتَبِيْهُ رَبُّهُ جَعَلَهُ مِنَ الصّٰلِحِيْنَ ﴾

[ وحی و رسالتله ربسی اختیار ایدی و هر حرکتی رضاء الهیسنه موافق قیلمله  
صلاحا زمره سندن قیلدی . ] و قومنه تکرار ارسال بیوردی و قومی حقنده شفاعتی  
قبول ایدی .

فخر رازینک بیانه نظراً بو وقعه ده یونس علیه السلام هنوز نبوتی اظهار بیورمه مشدی .  
چونکه ؛ آیت اولاده بیان اولونان نعمتنک ادراکی اوزرینه بو آیتده تعقیبه دلالت ایدن فا  
لفظیه تقریب اولونمسی بو معنای تأیید ایدر . چونکه شو توجیهی بیان ایدنلر اجتناباً بونه  
اهتیار ایتمک معناسنه در دیدلر . بوکا نظراً معنای نظم : [ جانب الهیدن نعمت استغفار  
توفیق اولونونجه ربسی نبوتله اختیار ایدی و رسوللردن قیلدی ] دیمکدر . شو توجیه  
نظراً بالتمک قارنده یونس علیه السلامک مسافر اولارق قالوب محفوظ اولمسی انبیاء عظام  
حقنده نبوتدن اول آنلرک یدنده ظهور ایدن خارق العاده قیلندندر که لسان شرعه  
بومثلوه هار قیه ارهاص دینور . لکن اکثر مفسرینک بیانلری وجهله بو وقعه حضرت  
یونسک نبوتی اظهارندن صوکره در . بوکا نظراً شو آیتده کی فادن مستفاد اولان تعقیبک  
معناسی ؛ وقرعانه صوکره تکرار اهتیار ایدی دیمکدر .

بو آیتده (جعله) ده کی (جعل) لفظی (خلق) معناسنه اولدینی جهته صلاح ، اللهک  
خلقیه اولدیغندن افعال عباد اللهک مخلوق اولسنه دلالت ایدر . بناء علیه ؛ معتزله طائفه سنک



« قولاك فعل اختياریسی او قولاك مخلوقیدر » دیدکری دعوالر دیگر آیتلره مردود اولدینی کی بو آیتله دخی مردوددر .

..

واجب تعالی کافرلرک اذالینه صبر ایدوب یونس علیه السلام کی عجله ایتمه منسی رسولنه توصیه ایتدکن صوکره کافرلرک رسول الله خصوصتلینک درجه منی بیان ایتمک اوزره ﴿وَإِنْ يَكَادُ الَّذِينَ كَفَرُوا لَيُزْلِقُونَكَ بِأَبْصَارِهِمْ لَمَّا سَمِعُوا الذِّكْرَ وَيَقُولُونَ إِنَّهُ لَمَجْنُونٌ﴾ بیوریور .

[یا اکرم الرسل ! کافرلر سندن قرآنی ایشیتدکری زمان کوزلریله سنی دوشورمه یاقلاشیرلر و دیرلرکه « محمد ﷺ البتہ مجنوندر » .]

یعنی ؛ ای حبییم ! سکا ایمان ایتمه کافرلر نور نبوتی اورتمکه سعی ایدرلر و بغض و عداوتلری بر درجه یه کلاشدرکه کوزلریله سنی محو ایتمکه یاقلاشمشدرلر . هر نه زمان که سندن قرآنی ایشیتیرلرسه کوزلرینی سکا دیگرلرکه کآن سنک آیاعکی قایدیروب یره دوشورمک ایسترلر . زیرا ؛ آنلر قرآنی ایشیدنجه نظمکنک بدیعنه واسلوبنک غرائبنه و فصاحت و بلاغتنک عجائبنه و عموم لسانلر اوزرینه ترکیبنک فائق اولسنه و معناسنک لطافتنه باقارلر عادتاً حسدلرندن چیلدیره حق بر درجه یه کلیرلرسه ده حسدن باشقه برشی آلرندن کله دیکندن کیزلیجه سنی اصابت عینله اولدیرمک ایسترلر . بناء علیه ؛ کمال شدت و دقتله کوزلرینی رسول الله دیگرلر و کوزلریله ییقمق ایسترلردی . حتی فخر رازی و خازنک بیانلرینه نظراً (خی اسد) قبیله سی ایچنده کوزینک اصابتی تجربه اولونمش کیمسه لری کتیریرلر ، رسول الله خصوصی باقدیررلردی . فقط الله تعالی رسولنی بو کی تأثیراتدن محافظه بیورمشدر . ابوالسعود افندینک و فخر رازینک بیانلری وجهله بو آیت ؛ اصابت عینه دلالت ایدر . زیرا ؛ بعض نفوسک نفوس آخرده تأثیرینه عقلاً بر مانع اولمادینی کی احادیث جلیله ده اصابت عینه دلالت ایدر . زیرا ؛ رسول الله (العين تدخل الرجل القبر والجلل القدر) بیوردینی کتب احادیثه مذکوردر . یعنی « اصابت عین رجلی قبره دوه یی تجربه ادخال ایدر » دیمکدر . امام حسن « اصابت عینک دواسی بو آیتی او قومقدر » بیورمشدرلر .

مصایحه ابن عباس حضرتلرندن مروی بر حدیثه رسول الله (العين حق ولو كان سابق القدر لسبقته العين فاذا استغاسم فاعسلوا) بیورمشدر . یعنی « اصابت عین حقدر . اگر قدری سبق ایدر برشی اولمش اولسه ایدی اصابت عین سبقت ایدردی . شو حالده کوزی اصابت ایتدی ظن اولونان کیمسه دن غسل طلب اولونورسه غسل ایتسون و صونی ویرسون و اصابت اولونان کیمسه او صوابله ییقانسون » دیمکدر . ایشته بو حدیث شریف ؛ اصابت عینک وقوعنه دلالت ایتدیکی کی دواسی دخی بیان بیوریور .

بو آیتده هر نه قدر کافرلرک رسول الله نظرلری عداوتلرندن ایسه ده نظر دقتلرینی جلب ایدن قرآنی تحسینلری اولدینی جهته عداوتلری اصابت عینه مانع اولمادیغندن جابئینک « بو آیت اصابت عینه دلالت ایتمز » دیدیکی دعواسی مردوددر . چونکه جابئ « اصابت عین ؛ برشینی کوزلر عد ایتمکدن نشأت ایدر . حالوکه کافرلرک رسول الله نظرلری خصوصتلیرنددر . بناء علیه ؛ کوزلرینک تأثیری اولماز » دیمشدر . حالوکه بیان اولوندینی وجهله کافرلرک نظرلری قرآنک فصاحت و بلاغتنه حیرتلرندن اولدینی جهته اصابت ایده جکسنده و بو آیتک اصابت عینه دلالتنه شبهه یوقدر . زیرا زلق ؛ قابم و درو شمک معناسنهدر . جناب حقک رسول الله « کافرلر سندن قرآنی ایشیدنجه کوزلریله سنک آیاعکی قایدیروب دوشورمک ایسترلر و دوشورمکه همان یاقلاشمشدرلر » بیورمسی کوزک اصابتنه دلالت واضحه ایله دلالت ایدر .

یالکزر نظرله اکتفا ایتمه رک قبلرنده اولان حسدلرینی اظهار ایده رک « محمد ﷺ مجنوندر . زیرا سوبله دیکی سوزلر جنیلرک القسا آیتله در ، دیرلردی و شان نبوته لایق اولمادق برطاقم افترا لرده بولونورلردی .

..

واجب تعالی کافرلرک قرآنی ایشیتدکجه باشقه معارضیه مقتدر اولمادقلرندن قرآنه « بو کلام مجنون کلامیدر » دیمکه قدر جسارت ایتدکرینی بیاندن صوکره قرآنک مجنون کلامی اولمایوب طالمی اصلاح ایچون طرف السیدن وحی اولونان برکلام اولدینی بیان ایتمک اوزره ﴿وَمَا هُوَ إِلَّا ذِكْرٌ لِلْعَالَمِينَ﴾ بیوریور .



[ قرآن اولمادی ، الا عالمه وعظ ونصیحت اولدی . ]

یعنی ؛ ای کافر ! سز قرآنه « مجنون سوزیدر » دیمکه طعن ایدیورسکیز .  
حالبوکه قرآن سزک اعتقاد فاسدیکیز کی انسان سوزی اولمادی ، آنجق عالمک منفعت  
دینه و دنیویه لرینی بیان ایدر ذکر الهی اولدی .

بوآیت قرآنک مزیاتنی انکارله فائده سی یوقدر دینه کافرلرک اعتقاد لرینی دوندورمک  
ایچون ادات مهمله وارد اولمیشدر . ابوالسعود افندینک بیانی وجهله قرآن ؛ عین هرایت  
ورسده اولدیغندن اقتدا ایدن بالعموم انسانلرک منافعه کافل وشاملدر . زیرا ؛ عقول بشره  
موافق اولان هر محسناتی جامعدر بناء علیه ؛ قرآنه اقتدا ایدنلر مطلوبنه واصل اولورلر  
واقتدا ایتمینلر منافعتدن محروملردر .

آیت جلیله ایشیدنلری ، کافرلرک حاللرندن تعجبه سوق ایدر . چونکه ؛ بوقدر بویوک  
منفعتلره خادم و بوتون انسانلرک سعادت لرینه کافل اولان کلامه مجنون کلایمدر دیمک قدر  
تعجبه شایان برشی اولاماز .

سوره حاقه

مکه مکرمه نازل اولان سورمه لرنددر . الی ایکی آیتی جامعدر .

بِسْمِ اللَّهِ الرَّحْمَنِ الرَّحِيمِ

﴿ الْحَاقَّةُ \* مَا الْحَاقَّةُ \* وَمَا أَدْرَاكَ مَا الْحَاقَّةُ ﴾

[ قیامت هانکی شیدر و قیامتک حقیقتی سکا نه کی شی بیلدیردی ؟ ]

یعنی ؛ وقوعی محقق و ثابت اولان وجهله حقلرک حقیقتی کنیدیسنده ظاهر اولاجق  
وحقله باطل آرمه لری تفریق اولونمقله اهل طاعتک ثوابه و اهل معصیتک عذابه واصل  
اولاجنی قیامت کونی هانکی شیدر و او کونک کنه و حقیقتی سکا کیم بیلدیردی و کیم

بیلدیره بیلور ؛ زیرا ؛ او کونده واقع اولاجق دهشت و عظمت عقول بشرک لایقوله ادراک  
ایده میجکی بر امر عظیم اولدیغندن او کونک ماهیت حقیقه سی سکا کیمسه بیلدیره من .  
چونکه ؛ عقول بشر کنه بیلمکدن عاجزدر .

فخر رازینک بیاننه نظراً قیامتک وقوعی ثابت و واجب اولدیغندره حاقه دنیلمشدر .  
زیرا حق ؛ وقوعی محقق اولانه شیء دینور . یاخود هر شیءک حقیقتی او کونمه پلنوب  
هر یکن شیءک طوغری اولامیغه بناء قیامت حاقه دیمشدر .

ابوالسعود افندینک بیانی وجهله او کونک شدت و دهشته و واقع اولاجق وقوعاتک  
بویوکلکنه اشارت ایچون ضمیر موضعنده ایکنجی حاقه اسم ظاهر اولارق وارد اولمشدر .

\*\*

واجب تعالی قیامتک شدته واقع اولاجنی و او کونده حقله باطل بینی تفریق اولونا جنی  
و او کونک حقیقتی عقول بشرک ادراکدن عاجز اولدیغنی بیاندن صوکره او کونه ایمان  
ایتمه یلری و ایمان ایتمه دکلرندن طولانی کنیدیلرینه کلن عذابی بیانله مکه اهالیسنی تهدید  
ایتمک اوزره ﴿ کَذَّبَتْ ثَمُودُ وَعَادُ بِالْقَارِعَةِ ﴾ بیوریور .

[ قوم ثمود و عاد قیامتی تکذیب ایتدی . ]

یعنی ؛ ای اهل مکه ! سزدن اول کچن صالح علیه السلامک قومی ثمود و هود  
علیه السلامک قومی عاد قیامتی انکارله پیغمبر لرینی تکذیب ایتدیلر . بوتکذیب لری آنلرک  
هلاک لرینه سبب اولمشدر . آنلرک نیلرینی تکذیب لری هلاک لرینه سبب اولدیغنی کی سزک  
تکذیب کیز دخی هلاک کیزه سبب اولاجقدر .

فخر رازینک و نيسابورینک بیانلری وجهله قیامتک احوالی ناسک قولاق لرینی دو کدیکی  
ایچون قیامت دن دو کیمیی معناسه اولان قارعه لفظیله تعبیر اولونمشدر . قیامتک شدتی  
کمالیله بیان و معناسنده قورقوتیلغنی اظهار ایچون ضمیر موقعنده اسم ظاهر وارد اولمشدر .  
چونکه ؛ هاقه لفظنه راجع ضمیرله ( بالقارعة ) برنده ( بها ) دیمکه اکتفا اولایلیردی و لکن  
قارعه لفظنده اولان قورقوتومی معناسی ضمیرده اولامازدی .



قرآنده جاری اولان عادت؛ عاد قومنک قصه سی نمود اوزرینه تقدیم ایکن بومقامده نمودک قصه سی غایت قیسه بر صورتده بیان اولوندینی جهته له عاد اوزرینه تقدیم اولونمشدر. چونکه؛ غایت قیسه اولانی اوزون اولان اوزرینه تقدیم ایتمک عادتدر.

•••

واجب تعالی عاد ونمود قوملرینک نیلرینی تکذیبلرینی اجمالاً بیاندن صوکره آنلرک تکذیبلری نتیجه سی اولارق هلاک اولدقلرینی بیان ایتمک اوزره ﴿فَأَمَّا تَمُودُ فَأُهْلِكُوا بِالطَّاغِيَةِ﴾ بیوریور.

[اما نمود قومی حدینی تجاوز ایدره رک طغیان ایتملی سببیه هلاک اولوندیلر.] یعنی؛ صالح علیه السلامک قومی اولان نمود طاقه سی پیغمبرلرینی تکذیبله کندیلری ایچون تعین اولونان حدودی تجارز ایدره رک طغیان ایتملی سببیه حاصل اولان بویوک صدا ایله هلاک اولوندیلر.

فخر رازینک بیانی وجهله طاغیه؛ آنلری اهلک ایدره حاصل اولوب بویوک صدا که شدت وقوتده حدینی تجاوز ایتمکدن هلاکیرینه سبب اولمشدر. یاخود طاغیه ایله مراد؛ بویوک یلدر بر سر که آنلرک هلاک سبب اولمشدر. یاخود طاغیه ایله مراد؛ صالح علیه السلامک دوه سی انوار سعی ایدره بر طائفه باغیردر. چونکه؛ ایچلرندن بفرقه طاغیه دوه بی اتلاف ایچون استشاره ایدره رک دوه بی اتلاف قرار ویردیلر و اتلاف ده ایتدیلر. ایشته صالح علیه السلامک قومی بفرقه طاغیه نک شامتلی سببیه هلاک اولونمشلردر. بوکا نظراً معنای آیت: [اما نمود قومی کندی ایچلرندن صالح علیه السلامک دوه سی اتلاف ایچون آریلان بفرقه طاغیه نک طغیانلری سببیه هلاک اولدیلر] دیمکدر. شو حالده بر قوم ایچندن آریلان وحدود الهی به تجاوز ایدن بفرقه باغیه نک طغیانلری دیگرلرینک دخی هلاکیرینه سبب اولاجغه بوآیت دلالت ایدر. چونکه؛ بر قوم ایچنده علمی اولانلرک عصیانیه دیگرلرینک

ممانعت ایتملی واجب ایکن سکوت ایتملی معناده آنلرک افعاله رضا دیمک اولدیفندن سفهانک هلاکیه دیگرلرینک ده هلاک اولدقلری هر زمان کورولن احوالنددر.

•••

واجب تعالی نمود قومنک هلاک کفی بیاندن صوکره عاد قومنک هلاک کفی بیان ایتمک اوزره ﴿وَأَمَّا عَادُ فَأُهْلِكُوا بِرِيحٍ صَرْصَرٍ عَاتِيَةٍ﴾ بیوریور.

[اما عاد قومی حدینی کچمش غایت صوئوق روز کارله هلاک اولوندیلر.] چونکه؛ نیلرینک دعوتیه اجابت ایتمکدن الله تعالی آنلری غایت صوئوق وشدتلی وعاد قومنک تحمل ایدمه یه چکی روز کارله هلاک ایلدی.

فخر رازینک بیانی وجهله صرصر؛ غایت صوئوق و صوئوقلفی بر درجه درمه که در قوتلرینی بری باقیچی دیمکدر. عاتیه؛ شدره نهاییه وارمه وارلر سی و طاریسی بون دیمکدر. عاد قومنک هلاک سبب اولان روز کار عادتک خلافتیه صوئوقلقد و جوقلقد نهاییه وارمش واسمکده طاغلی آلت اوست ایدرجه سنه شدتلی اولدیفنه اشارت ایچون روز کار غایت صوئوق معنانه اولان صرصر و صوئوق درجه مدینی کچمش معنانه اولان عاتیه ایله توصیف اولونمشدر. چونکه عادت اوزره اشمش اولسه ایدی هلاک اولمازلردی. بناء علیه؛ آنلری هلاک ایدن روز کارده عادتک خلافتیه بعض اوصاف وار که آنلری هلاک ایتمشدر.

﴿سَخَّرَهَا عَلَيْهِمْ سَبْعَ لَيَالٍ وَثَمَانِيَةَ أَيَّامٍ حُسُومًا فَتَرَى الْقَوْمَ فِيهَا صَرْعَى﴾

[الله تعالی آنلر اوزرینه فاصله سزیدی کیجه و سکز کوندوز روز کاری مسلط قیلدی. بناء علیه؛ سن عاد قومی او کیجه و کوندوزلرده یره سرلش و اولمش کورورسک.]

یعنی؛ الله تعالی عاد قومنک نیلرینه اطاعت ایتمکدن طولانی آنلری هلاک ایتمک مراد ایدنجه کیجه و کوندوز هیچ طور مایوب اسمک صورتیه سکز کون روز کار کوندومش و بوروز کارله آنلری هلاک ایتمشدر و سن او کوندوده او قومی یره سرلش و اولمش کورورسک.

خلاصة البيان : اون بشنجی جلد — ۹۱



فخر رازینک بیانی وجهله آنلرک اهلاك اولوندیغی کونلر قیشک نهاییه سنه تصادف ایتدیکندن عرب غندنده او کونلره (بردالمجوز) تعبیر اولونور . شو حالده بو دیارلرده (بردالمجوز) دنیلن کونلرده واکثر سنه لرده قیش شدتله حکمفرما اولوب میوه لری یاقسی آنلرک شامتندن بو امته عبرت اولق اوزره بر اثر بر اقلیمش دیمکدر .

﴿كَانَهُمْ أَعْجَازُ نَخْلٍ خَاوِيَةٍ﴾

[ کأن آنلر یوزلری اوستنه دوشمش و باشلری کسيلمش خرما آغاجلری کیدرلر . ]  
زیرا ؛ یره ییقلمش اولان خرما آغاجلرئده اثر حیات ونشو و نما اولمادیغی کبی بونلرده اثر حیات یوقدر .

فخر رازینک بیانی وجهله بونلرک جنازه لری ییقلمش خرما آغاجلرینه تشبیه ؛ وجودلرینک جسامتلرینه اشارت ایچوندر . خاویه ؛ ایچی بوسه معنانه در . چونکه ؛ روزگار آغزلرندن کیروب آرقه لرندن چیقمق صورتیه ایچلرینی بوشالتدیغنه اشارت ایچون نهاییه ایله توصیف اولونمشدر .

﴿فَمَهْلٌ تَرَى لَهُمْ مِنْ بَاقِيَةٍ﴾

[ سن آنلردن باقی قالمش برکیمسه کوره بیلیمسک ؟ ] البته کوره مزسک .  
فخر رازینک بیانه نظراً سکز کون دوام ایدن فورطنه نك سکزنجی کونی آنلردن بر فرد قالمقسنزین اولدکری کبی جیفه لرندن بردانه قالمقسنزین روز کارک سوپوروب هپسینی دکزه دوکدیکی مرویدر . شو حالده آنلردن بر فرد حیانه قالمادیغی کبی جیفه لرندن ده بر شخصک جیفه سی میدانه قالمش و دنیا یوزی آنلردن پاکه نمشدر . ایشته عاصی اولان هر قومک عاقبتی بودر .

\*\*

واجب تعالی قیامتک بویوکلکنی وانکار ایدنلرک حالرینی بیاندن صوکره دیگر منکرلرک حالرینی بیان ایتک اوزره ﴿وَجَاءَ فِرْعَوْنُ وَمَنْ قَبْلَهُ وَالْمُؤْتَفِكَاتُ بِالْخَاطِئَةِ﴾ بیوریور .

[ فرعون و فرعوندن اول کچنلر و (مؤتفک) اسمنده اولان قریه لر اهایلیسی معصیتله کلدیلر . ] یعنی عاد و نمود کبی بر طاقم عاصی کیمسه لرک انقراضندن صوکره ظلم وعدوانده حدود الهی بی تجاوز ایدن بر طاقم طائفه لر کلدیلر که آنلرک زمزمه سندن وبالخاصه مشهورلرندن فرعون و فرعوندن اول کچن امتلر ولوط علیه السلامک قومی که (مؤتفک) دنیلن قریه لرک اهایلیسی قیامتی انکار والله تعالی یه شرک ایتک کبی بر طاقم کناهلرله کلدیلر وعاقبت معصیتلری سببیه هلاک اولدیلر .

مؤتفک ؛ لوط علیه السلامک قریه سیدر . خاطئه ؛ قیامتی انکار و پیغمبری تکذیب کبی کناهلردر . فرعون و (مؤتفک) اهایلیسی کبی کافرلرک جمله سی بو کبی خطالری ارتکاب ایتدکرلندن طولای هلاک اولشلردر . چونکه ؛ جنایته جسارت ایدنلرک عاقبت جزا لرینی کوره جککری شبهه سزدر .

\*\*

واجب تعالی فرعونک وقوم لوطک کناه ایشله دککرینی اجمالاً بیاندن صوکره آنلرک کناهلرینک اساسنی تفصیل ایتک اوزره ﴿فَعَصَوْا رَسُولَ رَبِّهِمْ فَأَخَذَهُمْ أَخَذَةً رَابِيَةً﴾ بیوریور .

[ فرعون وامثالی کافرلر ربلرینک کوندرمش اولدیغی رسوله عصیان ایتدیلرده ربلری ده آنلری شدتله اخذ ایتدی . ] زیرا ؛ آنلر کندیلرینی ارشاد ومنفعت دینه و دنیویه لرینه ایصال ایدیچی و ربلری طرفندن کوندریلن رسولک دعوتنه اجابتدن امتناع ایتمکله عاصی اولدیلر . بناء علیه ؛ بو عصیانلری اوزرینه ربلری آنلری شدتله طوتدی اهلاك ایتدی .

بوآیت ؛ خاطئه نك عصیانه معنانه اولدیغنه دلالت ایدر . زیرا ؛ اولکی آیتک دلیلی و تفسیری معنانه اولدیغنه اشارت ایچون فالقظيله وارد اولمشدر . یعنی « آنلر عصیان ایتدکرلندن طولای خطا ایله کلدیلر » دیمکدر .

فخر رازینک بیانی وجهله رابیه ؛ زیاده و شرت معنانه در . فرعونه نظراً رسول



ایله مراد؛ موسی علیه السلام و مؤتفکه اهلینسه نظراً لوط علیه السلام و رسوله عاصی اولانلری تزدیل ایچون رسول رب کله سنه ورب دخی آنلره مضاف قیلنمشدرکه «کندی ربلینک کوندرمش اولدینی پیغمبره عصیان ایتدیلر» دیمکدر. بوایس آنلر ایچون عار و عیبدر. چونکه؛ کندی ربلینک رسولنه عصیان البته شاعتدر. زیرا؛ ربسک ارشاد ایچون کوندردیکی رسوله عصیان ایدن عاصینک آزیحق عقلی اولونجه حجالت عارض اولوق مقتضیات انسانیهدندر.

بونلرک مؤاخذه سی دیگر امتلرک مؤاخذه سندن زیاده وشدتلی اولدیغنه اشارت ایچون مؤاخذه زیاده معناسنه اولان راییه ایله توصیف اولونمشدر. چونکه؛ کرک فرعون و کرک مؤتفکه اهلینسی عصیانلری آتیردجه الله تعالی آنلرک عذابلری آتیردی. بو آیتلر کندن اول کچن آیتلره نتیجه مقامنده در و تقریری شویله در: «فرعون و امثال ربلینک رسولنه عاصی اولدیلر. زیرا؛ آنلر خاطئه ایله کله لر، آنلر ربلینک رسولنه عاصیلدر. بناء علیه؛ فرعون و امثال ربلینک رسولنه عاصیلدر» دیمکدر. ایکنجی تقریرده شویله در: «الله تعالی آنلری شدتله اخذ ایتدی. زیرا؛ آنلر عاصی اولدیلر. هر کیمسه لرکه عاصی اولالر، شدتله اخذ اولونورلر. بناء علیه؛ الله تعالی آنلری شدتله اخذ ایتمشدر» دیمکدر.

..

واجب تعالی فرعون و امثالک شدتله مؤاخذه اولوندقلری بیاندن سوکره معذب اولان امتلرک بعضیلرینک عذابنی عیناً بیان ایتک اوزره ﴿إِنَّا لَمَّا طَغَا الْمَاءُ حَمَلْنَاكُمْ فِي الْجَارِيَةِ﴾ لِنَجْعَلَهَا لَكُمْ تَذْكِرَةً وَتَعِيَهَا أُذُنٌ وَاعِيَةٌ ﴿بیوریور.

[حضرت نوح و قعه سنده بوتون صولرک طغیان ایتدیکی زمانده بز عظیم الشان سزی صواوزرنده یورون کیده کوتوردک و سزی حضرت نوحک کیسنده کوتورمکلکمزده کی حکمت؛ او مقدمه بی بزم سزه بر نصیحت قیلماقغمز و آنی حفظ ایدیجی قولاقلرک حفظ ایتسیله سوکره کلنله بر عبرت اولسیدر.]

فخر رازینک بیانی وجهله صویک طغیانی؛ اولچوسر و طارتیسز اولسی و هر بری اهاطه ابررب هر سیک فرقته بیقمسیدر. چونکه؛ حضرت نوح طوفانندن اول و صوکره سمان بر داملا صو اینز، الا صایسی و حسابی ایله اینردی. اما نوح طوفاننده صایی و حساب یوقدی. جاریه ایله مراد؛ حضرت نوحک کسیدر. صو اوزرنده یورودیکی ایزرنده جاریه دیمشدر. دنیا یوزنده موجود اولان انسانلر حضرت نوحک کیسنده محفوظ قالانلرک صلبنده موجود اولدقلری ایچون پدرلریله برابر آنلرده کیده کوتوردکلرندن جناب حق «سزی کیده کوتوردک» بیورمشدر. بناء علیه «بو آیتده مخاطب اولان انسانلر اوزمان موجود دکلردی» دنیه مز. زیرا؛ کندیلری عیناً موجود دکلر ایهده کیده بولونان پدرلرینک صلبنده موجودلدی.

بونلری کیده کوتورمکدن مقصد؛ حضرت نوحک و قعه سذک سوکره کلنله و عظ و عبرت اولسیدر. چونکه؛ او قعه ده کافرلر کفرندن طولایی غرق اولدیلر و مؤمنلر ایمانلرندن طولایی نجات بولدیلر. بناء علیه؛ هر زمان کلن انسانلره بو قعه بر عبرت مؤثره در. شو حالده بو قعه؛ کافرلری کفردن تنفیرو تهیدیدی و مؤمنلری ایمانلرینک سبب نجاتلری اولاجغنی تبشیری و انسانلری ایمانه ترغیبی متضمندر.

واعیه؛ بر سینی مفظ ابریمی معناسنه اولدیغندن قولاق، واعیه ایله توصیف اولونمشدر. چونکه؛ بو کبی مهم و قعه لر قولاقلرله حفظ اولونور. شو حالده معنای آیت: [حضرت نوح و قعه سنده صولرا و لچوسر و طارتیسز طغیان ایلدیکی زمان بزمی نوح علیه السلام کیسنده کوتوردک. مؤمن اولان پدرلریکزک ایمانلری سایه سنده سزه نجات و یردک که او قعه سزله عبرت مؤثره و درس اولسون و بومثللو مهم و قعه لری حفظ ایدیجی قولاقلر آنی حفظ ایتسونده هر کس نفسنه انصاف ایدره رک ایمان ایتسون ایچوندر، یوقسه یالکز دو یغق و دیکله مکله اکتفا ایتسونلر دیمک دکلدر] دیمکدر. چونکه؛ عالمده واقع اولان هر وقوعانده بر چوق حکمت و مصلحت اولدینی کبی وقوعات دائماً سوکره کلنله بر درس عبرتدر. بناء علیه انسانلرک تکملی؛ وقوعاتدن متحصل تجربه لرله حاصل اولدینی جمله جه مسلم بر قضیه در. شو حالده واجب تعالی نک انسانلر اوزرینه کوندرمش



اولدینی وقوعاتن هر شخصک بیک دورلو درس آلاق نفسی اصلاحه چالیشمی وظیفه دینه وانسانیه سندنر .

..

واجب تعالی بوسوره نک بدایه سنده قیامت و قیامتک شدتی و قیامتی تکذیب ایدن امتلک بعضیلرینک دوچار اولدقلری عذابی بیاندن صوکره قیامتده ظهور ایده جک بعض بویوک وقوعاتی بیان ایتک اوزره ﴿فَإِذَا نُفِخَ فِي الصُّورِ نَفْخَةٌ وَاحِدَةٌ﴾ وَحُمِلَتِ الْأَرْضُ وَالْجِبَالُ فَدُكَّتَا دَكَّةً وَاحِدَةً ﴿بیوریور .

[اسرافیل طرفندن صوره برکره اوفورولمکه اوفورولنجه یرلر و طاغلر قدرت الهیه و یاخود زلزله ایله ویا بر ملک واسطه سیله یرلرندن آیریلوب هواده کوتورولوبده آنلردن بعضیلری بعضیلرینه چاریلوب هربری توز و قوم حاله کلدیکی زمانده واقع اولاجق شیلر واقع اولور .] چونکه ؛ صور اوفورولونجه آنک شدندن یرلر و طاغلر یرندن اوینار و ضروری بر اضطرابه حرکت ایده رک کال شدله بربرینه چاریلیمسندن قیریلور . حتی اجزالری مضمحل اولارق بوتون عالم خراب اولقله جمله عالم بر دوز اووه حالی آیرکه حتی اینیش و بوقوش واکریلک کبی برشی قالماز .

ابوالسعود اقدینک بیانی وجهله نفحه ایله مراد ؛ عالمک ضربیه بپ اولاده برنجی نفحه دره . حمل ایله مراد ؛ برلر و طاغلرک برلرینه قالدیرلمسیر . چونکه حمل ک اساس معناسی اعتباریله بر شیک کوتورولسی ایسه ده کوتورمک ایچون یرندن قالدیرلق لازم کلدیکندن ذکر ملزوم اراده لازم قیلندن اولارق قالدیرلمسیر حمل ایله تعبیر اولونمشدر . شوحالده « یرلر و طاغلر حمل اولوندی » دیمک « یرلرندن قالدیرلدی » دیمکدر .

دک ؛ وورمی ویا بریشمی معناسه در . شو حالده ﴿فَدُكَّتَا دَكَّةً﴾ دیمک « یرلر و طاغلر صورتک صداسنک شدندن بربریه وورشدی وچار پشدی » دیمکدر که بوچار پشمانک نتیجه سی هربری توز اولوب دوکوله جکدر .

﴿فَيَوْمَئِذٍ وَقَعَتِ الْوَاقِعَةُ﴾ وَانْشَقَّتِ السَّمَاءُ فَهِيَ يَوْمَئِذٍ وَاهِيَةٌ ﴿

[اوکونده بویوک قیامت وقوعولور ، کوک یاریلور . بناء علیه ؛ اوکونده سما قوتی غیب ایتش ، ییقلمش ، اجزالری بربردن آیرلش وانتظامی بوزولش بولونور که بردها التیام قبول ایتز .] چونکه ؛ عالمک هر جزئی ترکیبی غیب ایدر انتظامی قالماسز و عالم اخرایه کیرر و بوعاله احتیاج قالماسز و هر شیلر اوکونده ظهور ایدر خفی برشی بولونماز . انشقاق ؛ بارلوه ، واهیه ؛ کدرنک رضعیف وقوتی غیب ایتسه وانتظامی بوزولسه دیمکدر . بناء علیه ؛ سما یاریلنجه اجزالری پیتنده ارتباط قالماسز . شوحالده قیامتک نه قدر دهشتلی صورتده وقوعولاجغه دلالت یونندن بوآیت کافیدر . چونکه ؛ سمانک بوقوتله یاریلوب یرتیلوب خراب اولمسنه بادی اولاجق وقوعاتک عظمتی دوشونمک لازمدر .

﴿وَالْمَلِكُ أَعْلَىٰ أَرْجَائِهَا وَيَحْمِلُ عَرْشَ رَبِّكَ فَوْقَهُمْ يَوْمَئِذٍ ثَمَانِيَةٌ﴾

[اوکونده ملک سمانک اطرافنده درلرور ربک تعالی نک عرشنی ملکک فوقنده سکز ملک کوتورور .] کوکلر خراب اولوب ییقلدقدن صوکره سمانه ساکن اولان ملکک یاریناجق محللری قالمادیغندن سمانک اطرافنه التجا ایدرلر وربک تعالی نک عرش عظیمی اوملکک اوستنده واجب تعالی نک صفات ثبوتیه سی عددنجه سکز ملک کوتورور . عرشنی کوتورن ملکک صورتلرینک و کیفیتلرینک حقیقتندن بعض علمایحک ایتشلر سده بومثللوشیلرک کیفیتندن بجنده عمل واعتقاد جهندن بر فائده اولمادیغندن عرشنی کوتورن ملکک کیفیتندن بجنه لزوم کورولمه مش و اساسنه اعتقادک لزومی بیانه اکتفا اولونمشدر .

..

واجب تعالی عالمک خراب اولاجغنی و عرش اعلائی ملکک کوتوره جکنی بیاندن صوکره اوکونده انسانلرک حاللرینی بیان ایتک اوزره ﴿يَوْمَئِذٍ تُعْرَضُونَ لَا تَخْفَىٰ مِنْكُمْ خَافِيَةٌ﴾ بیوریور .

[اوکونده اعمالکک حسابی کورولمک و شوال صورتلوق اوزره سز ریکزه صف



باغلامش اولدیغکنز حالدۀ عرض اولنورسکنز وسزک افعالکزدن هیچ برشی کیزلی قالماز. [ زیرا ؛ الله تعالی جمله عملکزی بیلدیکی ایچون میدانۀ چیقماقدق هیچ بر عمل ولوزرۀ اولسون قالماز هپسی میدانۀ چیقار وهرکس کندی عملی بیلیر وعدالت اوزرۀ جزا ویرلیدیکی کورور. بناء علیه ؛ هیچ بر فردک اعتذارۀ واعتراضۀ بحالی قالماز ومؤمنرک احوالی ظهور ایدۀرک سرورلری تکمیل ایدر وکافرلرک احوالی ظهور ایدۀرک حزن والمیری آرتار .

ابوالسعود افندیکن بیانی وجهله واجب تعالی هرکسک اعمالی بیلدیکی حالدۀ اوکوندۀ اعمالک عرض ومحاسبۀ اولونمسنده کی حکمت ؛ هرکسک کندی عملنۀ مطلع اولوب وعدالت السیهی کوروب بر دییه جکی قالمقدر وهرکسک اعمالی کندینۀ کوسترملکۀ ایلیری مسرور وکوتولری محجوب ایتمکدر . یوقسۀ الله تعالی هراسراری بیلدیکی ایچون محاسبیۀ احتیاجی یوقدر . بناء علیه ؛ بو محاسبۀ دن فائده قوللرۀ عائددر ، الله تعالی به عائد دکلدر . بو آیتدۀ کنه صاحبیرینی قورقوتماق وارددر . چونکۀ ؛ الله تعالی به هیچ برشی کیزلی اولمایوب هرکسک عملی معلوم اولونجه عمل صاحبیرینک کوتو عمللرندن حذر ایتمی لازمدر . زیرا ؛ چیرکین عملک جزاسنی البته کورۀ جکی بیلنجه آنک حذر ایتمسنی حماقتدن باشقۀ بر شی دکلدر .

\*\*

واجب تعالی بوم قیامتدۀ محاسبۀ ایچون قوللرک عرض اولوناجغی و عمللرینک کندیلرینۀ کوستربله جکفی بیاندن صوکرۀ عرض اولونملرینک نتیجۀ سنی بیان ایتک اوزرۀ ﴿ فَأَمَّا مَنْ أُوْتِيَ كِتَابَهُ بِيَمِينِهِ فَيَقُولُ هَؤُلَاءِ أَقْرَبُوا كِتَابِيَّةً ﴾ بیوریور .

[ اما شول کیمسۀ کۀ آنک عمل دفتری صاغ طرفندن ویرلدی . اقرباسنۀ خطاب ایدۀرک وکلک بنم کتابی اوقوبک ، دیمکلۀ آنلرۀ سرورینی اظهار ایدر . ] چونکۀ کتابینک صاغ طرفندن ویرلدی ؛ نجاتنۀ علامت اولدیغندن بو حالۀ اقرباسنک در حال مطلع اولوبدۀ فرحناک اولملرینی آرزو ایتسنۀ بناء همان سرورینی اعلانه مباشرت ایدر وديرکۀ :

﴿ إِنِّي ظَنَنْتُ أَنِّي مُلَاقٍ حِسَابِيَّةً ﴾

[ « محقق دنیادۀ بن ظن ایتدمدی کۀ حسابنۀ قاووشورم ] وقصورلرم اوزرینۀ تکدیر و توبیخ اولونورم وعالۀ قارشی رذیل و رسوای اولورم دیر ایدم و لکن عفو السهی به تصادف ایتدم ولطف السهی به مظهر اولدم ، کلک کتابی اوقوبک « دیمکلۀ اقرباسنۀ فرحنی بیلدیرر .

یاخود معنای آیت : [ بن « دنیادۀ شریعتک احکامنۀ رعایت ایدۀرک مرضی السهی به موافق اعمالی ایشلدکجۀ کمال سرور و فرحلۀ حسابنۀ قاووشور و لطف السهی به مظهر اولاجغمۀ ظن و اعتقاد ایدۀ بیلیردم و بیلدیکم کبی بولدم ، کلک بنم کتابی اوقوبک « دیمکلۀ احبابی و اقرباسنی مسرور ایدر ] دیمکدر .

\*\*

واجب تعالی صاغ طرفندن ویرلن کیمسۀ نک حسابنۀ قاووشدیغی بیاندن صوکرۀ بو حساب اوزرۀ نائل اولاجنی درجائی بیان ایتک اوزرۀ ﴿ فَهُوَ فِي عِيشَةٍ رَاضِيَةٍ ﴾ فی جَنَّةٍ عَالِيَةٍ ﴿ قُطُوفُهَا دَانِيَةٌ ﴾ بیوریور .

[ کوزل حسابنۀ قاووشوب کتابی صاغ طرفندن ویریلنجه او کیمسۀ بکۀ نیلمش اولان دیرلکدۀ و میوه لری ییه جک اولان کیمسۀ لرۀ غایت یقین اولان بر جتندۀ یاشارکۀ او جنت غایت یوکسک و او جتندۀ یاشایان کیمسۀ او یاشایشۀ راضیدر . ] چونکۀ ؛ بو یاشایش کدردن سالم و منفعتی دائمدر .

جنت اعلادۀ یاشایش جمیع جهانده یاشایان کیمسۀ نک آرزو و رضاسنۀ موافق اولاجغمۀ اشارت ایچون ( عیشۀ ) رضا ایله توصیف اولونمشدر . حالبوکۀ رضا ؛ او عیشۀ نک صاحبینک صفتی در ، یوقسۀ نفس عیشۀ نک صفتی دکلدر . لکن عیشۀ نک کمال راحتۀ وصاحبینک بوتون آرزولرینۀ موافق اولدیغنۀ اشارت ایچون صاحبینک صفتی اولان رضا ، نفس عیشۀ یه نسبتلۀ نجاز اختیار اولونمش و جنتک محلنۀ بزم ایچون بر علم یقین یوق ایسۀدۀ هر حالده عالی بر موقعدۀ و یوکسک بر محلده اولدیغنۀ اشارت ایچون جنت ، علویت ایله توصیف ایدلمشدر . یاخود جنتک هر طرفی عالی ایسۀدۀ شو دیرلکۀ نائل اولان کیمسۀ نک نائل اولدیغی درجۀ ، علویت ایله توصیف اولونمشدر کۀ بودرجه یه نائل اولامایانلرک درجۀ لرینۀ نسبتلۀ عالی دیمکدر .



او جتته صاحبك راضی اولدیغی شیلردن بریسی ده جتتك میوه لری، بیه جك کیمسه نك امرینه تابع اولمیدر. بناء علیه؛ ایسترسه اوطوردیغی حالده، ایسترسه یاندیغی یردن و ایسترسه آياق اوزرنده بیه بیلور. چونکه؛ آنك کیفته تابع اولونجه ناصل ایسترسه اووجه اوزره استعمال ایدر، حتی هیچ کلفتسز آغزینه کیرمسی امر ایدرسه آغزینه کیرر.

\*\*

واجب تعالی کتابی صاغ جانبندن ویریلن کیمسه لرك استراحتی بیاندن صوکره آنلر طرف الیهیدن وارد اولاجق تلطیفی حاوی امری بیان ایتك اوزره ﴿كُلُوا وَاشْرَبُوا هَنِيئًا بِمَا أَسْلَفْتُمْ فِي الْأَيَّامِ الْخَالِيَةِ﴾ بیوریور.

[ « سز دنیاده کچن کونلریکزده ایشله مش اولدیغکمز عمللریکمز سببیه جتتك میوه لرندن بیک و شرابلردن ایچك طاقیت اولسون، دیمکه طرف الیهیدن اهل جنت تلطیف اولونورلر. ]

فخر رازینك بیانی وجهله بو مقامده امر؛ اهل جنتی تلطیف و تعظیم ایچوندر. بناء علیه؛ بیک و ایچمك اهل جتتك آرزوسنه تابعدر واجب دکلدر. چونکه؛ دار آخرت دار تکلیف اولمادیغندن آخرتده طرف الیهیدن کلن امرلر وجوب ایچون دکلدر. جتتك نعمتلی دنیا نعمتلی کبی اذا ویرمز وهضمه محتاج اولماز و بیهن کیمسه لره دفع طبعی ایجاب ایتمز. بو معنایه اشارت ایچون (هنيئاً) وارد اولمشدر. چونکه (هنيئاً) برئیتك کلفتسز و زحمتسز اولسی و بوغازده قولا کیمسیدر. ایام خالیه ايله مراد؛ دنیاده کیمسه اولسه کونلردر. (بما اسلفتم) ايله مراد؛ دنیاده ایشلرین کوزل عمللردر. کرچه عمل جتته کیرمکی ایجاب ابتدیرمز ایشه ده آنجق جتته درجانی ایجاب ایدر و بو آیتده بو معنایه دلالت ایلر.

\*\*

واجب تعالی کتابی صاغ جانبندن ویریلن اهل جتتك بعض اعمالی بیاندن صوکره

دفتر اعمالی صول طرفندن ویریلن کیمسه لرك احوالی بیان ایتك اوزره ﴿وَأَمَّا مَنْ أَوْتِيَ كِتَابَهُ بِشَاقِلَةٍ فَيَقُولُ يَٰلَيْتَنِي لَمْ أُوتَ كِتَابِيَهٗ ۖ وَلَمْ أَذِرْ مَا حِسَابِيَهٗ ۖ﴾ [ و اما شول کیمسه که آنك دفتر اعمالی صول جانبندن ویرلدی. ایشه او کیمسه « نه اولایدی بنم کتابم بکا ویرلمیه ایدی و بنده حسابمك نه دن عبارت اولدیغی بیللمیه ایدم، دیمکه اظهار اسف ایدر. ] چونکه؛ دنیاده بر طاقم کوتو عمللره مشغول اولوب عملنك نتیجه سی اولارق عمل دفتری صول جانبندن ویریلنجه کال خجالتندن بوسوزی سویلر. فخر رازینك بیانی وجهله بو آیت؛ الم روحانك الم جسمانیدن ده ازیاده تأثیرایتدیکنه دلالت ایدر. چونکه؛ دفتر اعمالنده کناهلرینی کوروب اهل محشر نظرنده رسوای اولونجه دفترانه ویریلوب کناهلرینه هر کس مطلع اولمقسزین جهنمه کیدوب یانمسی ترجیح ایدرک بوسوزی سویلره جکدر و حسابی بیللمکسزین یانمسی حسابی بیللمکدن ده اهاهون کوره جکدر. او حالده حسابی کورنجه جمله سی علمیه اولدیغی بیللمسندن عارض اولان عذاب روحانی جهنم آتشیه اولان عذاب جسمانیدن ده اشد اولدیغنه آیت دلالت ایدر.

\*\*

واجب تعالی کتابی صول طرفندن ویریلن کیمسه نك اوزمانده سویلره جکی سوزلردن بعضیلرینی بیاندن صوکره سوزلرینك بقیه سی بیان ایتك اوزره ﴿يَا أَيُّهَا كَانَتْ الْقَاضِيَةَ ۖ مَا أَغْنَىٰ عَنْيَ مَالِيَهٗ ۖ هَلَكَ عَنِّي سُلْطَانِيَهٗ ۖ﴾ بیوریور.

[ « نه اولایدی اولوم بنم بوتون ایشلرمك آخری اولایدی ده بن بردها دیریلوب بونلری کورمیه ایدم. چونکه بنم مالم عذابی دفعده بکا فائده ویرمدی و بنم سلطتم بندن زائل اولدی. » ]

یعنی؛ کتابی صول طرفندن ویریلن کیمسه کال خجالتندن « نه اولایدی عمل دفترم بکا ویرلمیه و بنده حسابی بیللمیه ایدم، دیدکدن صوکره سوزینه دوام ایدرک دیرکه « نه اولایدی شو بنم کوردیکم حاللر اولوم اولایدی ده بوندن صوکره باشقه عذاب کورمیه ایدم. یا خود حیات دنیا بکا اولوم اولایدی ده بن بو کناهلری ایشه بوب شو عذابلری کورمیه ایدم.



زیرا بنم مالم بندن عذابی دفع ایدوب بو کونکی محجوبیتی کیده ره مودی و مال و اولاد قوتلریله سلطنتلرم زائل اولدی هیچ برندن بر فائده کورمه دم . چونکه ؛ هپسی یوق اولدی . بلکه وزر و وبال اولدی « دیمکله حسرتی اظهار ایدم رک فریاد ایدر .  
فخررازینک بیانی وجهله آخرتده کوره چکی عذابه نسبتله اولومک آجیسی غایت اهون اولدینی جهتله اولوب بردها دیرله مسنی ایستر . آخرتده انسانه فائده ایتمیه چک مال ایله مراد ؛ صورت غیر مشروعه طوبی و نوب رضاء الهیه غیری به صرف اولونه شومر . یوقسه صورت مشروعه ده قازانیلوب رضاء الهیه به صرف اولونان مال دکلدرد .  
زیرا ؛ رضاء باری به صرف اولونان اموال اعمال صالحه قیلندن اولدینی جهتله صاحبی هر زمان آندن فائده کورور و صاحبک سعادتنه سبب اولور . سلطنت ایله مراد ؛ اموال و اولاد سببب انسانه عارضه اولونه قوت و غیره اوزرینه یا عصبه اولدینی تسلطیه که آخرتده آنلرک هیچ برندن فائده کورمز . دنیاده اولان سلطنتی آخرتده زائل اولونجه فقیر و ذلیل و عاجز اولور . چونکه جزا ؛ عمل جنسندن اولمق قاعده سنه توفیقاً دنیاده مالی و اولادی سایه سنده غیریلره یا عصبه اولدینی تسلط و تجاوز مقابلنده آخرتده ذلیل و عاجز و حقیر و مسکین اولارق هر برینک عذابی کوره جکندن بوسوزلری سوبلر .

..

واجب تعالی اشقیانک اسف انکیز حاللرینی و بو حاللرک نتیجه سی اولارق سوبله به چکی سوزلرینی بیاندن صوکره طرف الهیدن آنلره اولونا جق معامله یی بیان ایتمک اوزره ﴿ خُذُوهُ فَغُلُّوهُ \* ثُمَّ الْجَحِيمَ صَلُّوهُ \* ثُمَّ فِي سِلْسِلَةٍ ذَرْعُهَا سَبْعُونَ ذِرَاعًا فَاسْلُكُوهُ ﴾ بیوریور .

[ ای ملکر ! طوتک شو عاصی بی باغلا یکنز بوغازندن و صوکره آتکنز آنی جهنمه و بوندن صوکره طاقک آنی زنجیره که او زنجیرک مقداری یتمش آرشوندر . او زنجیره قویونجه آنی زنجیره صا رک که آنک حرکت مجالی قالماسون . ]

یعنی ؛ عاصیلرک عمل دفتلری صول طرفلرندن ویرلسی اوزرینه تأسف و تحسیرلرینی اظهاردن صوکره واجب تعالی طرفندن عذابه مأمور اولان ملکره خطاباً دنیلور که « طوتک او عاصی بی باغلا یکن ، صوکره جهنمه آنک و جهنمه بر زنجیره باغلا یکن که او زنجیرک مقداری یتمش آرشوندر . چونکه ؛ بر جوق عاصیلر اوزنجیرده باغلیدر . بناءً علیه ؛ بونی ده اوزنجیره طاقک ، دیمکله عاصیلرک جزالری تعیین بیور .  
نیسابوری و خازنک بیانلری وجهله عرصه محشرده هیچ بر کیمسه نک غضب الهیدن قورتولسی ممکن اولمادینی حالده اشقیانک باغلا نمسی آنلر ایچون عذاب اوزرینه عذاب اولاجنی کبی کمال مذمت و رسوای اولاجقلرینی بیانله آنلری تهدیددر .  
فخررازینک بیانی وجهله بو کبی بر جوق عاصیلر ، دنیاده جانیلرک بر جوقلری بر زنجیره طاقیلرک کبی بر زنجیره دیزبله چکلرینه اشارت ایچون زنجیرک اوزونلمی بیان اولونمش و بوملله عاصیلرک عذابی آنجق زنجیره له اولاجقنه اشارت ایچون مسلم ( فاسلکوه ) اوزرینه تقدیم ایداشدرد . باضو قیبر دافغه مجالی قالماسون ایچون زنجیره صیقی صیقی صاریلا جقنه اشارت اولمق اوزره زنجیرک مقداری بیان اولونمشدر .

..

واجب تعالی عاصیلرک عذابلرینی بیاندن صوکره عذابک سینی بیان ایتمک اوزره ﴿ إِنَّهُ كَانَ لَا يُؤْمِنُ بِاللَّهِ الْعَظِيمِ \* وَلَا يَحْضُ عَلَىٰ طَعَامِ الْمُسْكِينِ ﴾ بیوریور .

[ محقق او طاصی الله عظیم لشانه ایمان ایتمه دی و فقرالره طعام بییدیرمه که ترغیب ایتمز . ]  
یعنی ؛ بوندن اولکی آیتلرده بیان اولونان انواع عذابک سینندن خاطرلره کلن سئواله جواب اولمق و عذابک سینی علناً بیانله عاصیلره تنبیه ایچون جناب حق بیورر که او کیمسه نک عذاب اولونمسنه سبب ؛ قوه اعتقادیه سنک بوزوق اولمسیدر . زیرا ؛ او کیمسه عظمت شان صاحبی اولان الله تعالی به ایمان ایتمه دیکی کبی و او کیمسه نک قوه عملیه سی ده بوزوقدر . زیرا ؛ او کیمسه فقرایه طعام بییدیرمز و بییدیرمه که رغبت ده ایتمه دیکی کبی باشقلرینی تشویق و ترغیب ده ایتزدی . یعنی کندی مالندن بییدیرمه دیکی کبی غیرک بییدیردیکنه دخی راضی اولمازدی .



فخر رازی و ابوالسعود افندیکن بیانلرینه نظر آ کافرلرک فروع اعمالله مکلف اولدقلرینه بو آیتده دلالت واردر . زیرا فقرایه طعام بیدیرمکه ترغیب ایتهمکی ایمان ایتهمسی اوزرینه عطفله کافرک عذابنه ایمان ایتهمسی سبب اولدینی کبی طعام بیدیرمه مسنکده سبب اولسی ؛ فروع اعمالدن اولان طعام بیدیرمکه مکلف اولسنه دلالت ایدر . چونکه ؛ مکلف اولسه ایدی طعام بیدیرمه مسی عذابنه سبب اولمازدی . حالوکه طعام بیدیرمکی ترک ایتهمسی بو آیتده سبب اولارق بیان اولونمشدر . بناء علیه ؛ کافری مؤاخذه ایچون فروع اعمالله مکلف اولدیغنه آیتده دلالت واردر . فقرایه طعام بیدیرمه مک پک بویوک جرم اولدیغنه اشارت ایچون طعام بیدیرمکه رغبت ایتهمک کفر اوزره عطف اولونمشدر . بو آیتده اعتقادک الک کوتوسی کفر اولدینی کبی کناهلرک الک کوتوسی ده بخل اولدینی بیان اولونمشدر . فقرا و مساکنه اطعام طعام ایتهمک و صور سائر ايله معاونت ، شیمه اسلامیه دن اولدیغنه برچوق نصوص جلیله واردر . بو آیتده اوجمله دن بریسیدر . چونکه ؛ طعام بیدیرمکه کندینک رغبتی و غیرینی ترغیبی ترک ایتهمسندن طولانی ترک ایدن کیمسه ذم اولوندینی کبی معذب اولسنک اسبابندن بریسیدر . بناء علیه ؛ اسلامک بویوکلری بو خصوصه پک چوق اهمیت ویرمشلر و پک چوق مدرسه لر ، مکتبلر ، عمارت لر و زاویه لر کبی مؤسسات خیره میدانه کتیرمشلر و بونلره پک بویوک و قفلر یاپارق واردات میدانه قویمشدر . افراد اسلامیه آره سنده مسافر بروک و سائر اسبابله فقرایه معاونت ایتهمک تحسین اولونمش برعات قدیمه اسلامیه دندر . حتی اصحاب عظامدن ( ابوالدرداء ) حضرتلرینک عائله سنی ، چوربانی چوق پیشروب فضله سنی فقرایه اطعام ایتهمسی تشویق ایتدیکی و « جهنم زنجیرینک نصفی بویمزدن ایمانله چیقاردق و نصف آخرینی ده اطعام طعامله چیقارمیه می ، بیوردینی مرویدر . چونکه بو آیتلرده زنجیرله جهنمده عذابک سببی ایکی اولدینی بیان اولونمشدر که بریسی ؛ ایمان ایتهمسی دیگرینی ده اطعام طعامه ترغیب و یا رغبت ایتهمسیدر . شو حالده عذابدن قورتولغه یالکیز ایمان سبب اولماز . زیرا ؛ فروع اعماله دخی مداومت ایتهمک لازمدر . و اسفا که بزم کنج فکر لیلریمز و آوروپائی تقلیده یلته تلمیمز سخاوتی ذمله فرنکلرک بخلنی تحسین ایدرک مزیات اسلامیه یی ذم ایتهمک ایسترلر . چونکه ؛ بو قیلدن اولانلر عادات اسلامیه نک محسناتی تقدیردن عاجزلدر و اساسات اسلامیه نک نه دن عبارت ونه کبی مزیاتی جامع اولدینی بیلمزلر . بناء علیه ؛ ( الانسان عدو ما جهل ) یعنی « انسان

بیلمه دیکی شیدک دشمنیدر ، فجواسنجه اسلامیتی بیلمه دکلدن اسلامیه خرسیتانلردن ده ازیاده دشمنقله افتخار ایدرلر ، اصلهم الله

..

واجب تعالی عاصیلرک غذا بلرینک سیلرندن بعضیلرینی بیاندن صوکره او سیلرندن حاصل اولان نتیجه یی بیان ایتهمک اوزره ﴿ فَلَيْسَ لَهُ الْيَوْمَ هَهُنًا حَمِيمٌ \* وَلَا طَعَامٌ إِلَّا مِنْ غَسَلِينِ \* لَا يَأْكُلُهُ إِلَّا الْخَاطِؤُنَ ﴾ بیوریور .

[ الله تعالی به ایمان ایتهمیوب و فقرایه طعام بیدیرمکه رغبت ایتهمیجه او کونده او مقامده آنک ایچون یاردم و شفاعت ایده جک اقربایی اولماز و آنک ایچون ییه جک طعامده بولونماز آنجق اهل جهنم یاندیجه آنلردن آقان صاری صو و ایرینلر بولونور و او ایرینلری بیز ، الاعمدا کناه ایشله یئرلر . زیرا ؛ آنلر خطایا و بویوک کناه صاحبی اولدقلرندن آنلرک جهلرینه آلویرشلی اولان آنجق ایرینلردر .

بو آیت جلیله ؛ ترتیب اوزره بوندن اولکی آیتک نتیجه لریدر . چونکه ؛ الله تعالی به ایمان ایتهمک او کونده کندی ایچون یاردم ایده جک بر کیمسه سی اولماسنک نتیجه سیدر و تقریری شویله در : « کافر ایچون یوم قیامتده یاردم ایده جک بردوستی بولونماز . زیرا ؛ کافر الله تعالی به ایمان ایتهمدی . هر کیمسه که الله تعالی به ایمان ایتهمدی ، آنک ایچون یوم قیامتده دوست بولونماز . بناء علیه ؛ کافر ایچون یوم قیامتده یاردم ایده جک بر دوست بولونماز ، دیمکدر .

اهل جهنمک یا تاملرندن حاصل اولان ایریندن باشقه طعام بولونماق دنیاده فقرایه طعام بیدیرمکه رغبت ایتهمسک نتیجه سیدر و تقریری شویله در : « کافر ایچون یوم قیامتده ایریندن باشقه طعام بولونماز . زیرا کافر ؛ دنیاده فقرایه طعام بیدیرمکه رغبت ایتهمدی . هر کیمسه که دنیاده فقرایه طعام بیدیرمکه رغبت ایتهمز ، آنک ایچون آخرتده ایریندن باشقه طعام اولماز . او حالده کافر ایچون یوم قیامتده ایریندن باشقه طعام بولونماز ، دیمکدر .



اهل جهنمك يا نالردن حاصل اولان ايريندره طعام دينسي ؛ كافرلى استهزا ايچوندره  
چونكه طعام ؛ ييك ايجوره حاضر لانه شير . صارى صووايرين ايسه ييكه صالح اولمايان  
شيدر .

كافر دنيايه اولاد واتباعه واقربا وتعلقاته اعتماد ايدرك كبر وغرورينه بناء ايمان  
ايمه ديكي جهنمه الله تعالى آخرته كووه نديكي كيمسه لك هيچ برندن يارديمجي ويرمن  
ودنياده كي غرورينه مكافات اولارق حقير وذليل قيلار ويارديمجيسز براقير ودنياده  
كنديسي طائلى وطوزلى هر نوع طعامى بير ايكن قلبك قاتيلقندن نشأت ايدرك فقرايه  
مرحمت ايمه يوب طعام ويرمه مسنه مقابل اولارق آخرته ايريندره تعيش ايدر . زيرا  
هر كسك جزايسى ؛ عمله كورده در .

واجب تعالى قيامتى وشدايدنى واهل ايمانك واهل كفر ك قيامته كوريله جك حاللرينى  
بياندن صوكره انسانلره آخرتك احوالى بيلديرن قرآنه تهظيم ايتك لازم اولديغنى بيان  
ايتك اوزره ﴿ فَلَا أُقْسِمُ بِمَا تُبْصِرُونَ ۖ وَمَا لَا تُبْصِرُونَ ۖ إِنَّهُ لَقَوْلُ رَسُولٍ  
كَرِيمٍ ﴾ بيوريور .

[ بن عظيم الشان سرك كورديككز و كورمه ديككز جمله موجوداته يمين ايدرم كه محقق  
قرآن عظيم الشان كريم اولان رسولك سوزيدر . ]

( فلا اقسام ) ده بولونان لفظى صدر ، نفي معنائه دكلدر . بناء عليه ؛ معناسى  
« بن يمين ايدرم » ديمكدر . شو حالده بوآيتده بوتون موجوداته يمين واردر . چونكه  
جمله اشيا ؛ انسانلره نسبتله ايكي ده هلك دكلدر : يا كوريلور ويا كورولز . انسانلرك  
كورديكنه و كورمه ديكنه يمين اولونجه خالقه و مخلوقه ، دنيايه و آخرته ، اجسامه و ارواحه ،  
انسه وجنه ونعم ظاهره و باطنيه شاملدر .

ياخود لفظى قسمى نفي ايجورمه . زيرا ؛ قرآنك رسول كريمك قولى اولدينى ظاهر  
وباهر اولدينى ايچون يمينله تقويه حاجت يوقدر . چونكه ؛ عقلا عندنده ظاهر اولان  
بر حقيقت ، يمينله تاييده محتاج اولماز . بوكا نظراً معنى آيت : [ قرآنك رسول كريمك قولى

اولدينى آجيق و ظاهر اولدينى ايچون موجودادن هيچ برسييله بو حقيقتى بيان ايچون  
قسمه حاجت يوق [ ديمكدر .

فخر رازينك بيانى وجهله بوآيتده رسول ايله مراد ؛ جبريل اميندره ديه نلر وار ايسه ده

رسول ايله مرادك رسول الله اولسنى بوندن صوكره كي آيتلر تاييد ايتديكي جهنمه اكثر  
مفسرين رسول الله صلى الله تعالى عليه وسلم افنديم اولسيله تفسير ايتملر در . چونكه ؛  
بوندن صوكره كي آيتلر شاعر وكاهن سوزى اولمايدنى بيان اولونمشدر . زيرا ؛  
كافرلر شاعر وكاهن اولقله رسول اللهى توصيف ايدرلر جبريل امينى توصيف ايتملر .  
بناء عليه ؛ منكرلره قارشى هم رسولك رسالتى بيان همده قرآنى آنلرك اسنادندن تهره  
اولق اوزره رسول ايله مرادك رسول الله اولسى ترجيح اولونمشدر . قرآن ؛ الله تعالى لك

لوح محفوظه اظهار بيوردىغنى مهربند اللهك كلاميدر . لوح محفوظه سماء و سماءه بر  
بوزينه اينديكي مهربند جبريلك كلاميدر . ناسه نبيغ و قرآنه ايمان دعوت و ناسه خطابا اوقوردىغنى  
مهربند رسول اللهك كلاميدر . شو حالده قرآنه « اللهك كلاميدر ، جبريلك كلاميدر ،  
رسول اللهك كلاميدر ، ديمك صحيح اولور .

﴿ وَمَا هُوَ بِقَوْلِ شَاعِرٍ قَلِيلًا مَّا تُؤْمِنُونَ ﴾

[ اوقرآن شاعر سوزى دكلدر ، حقايقته اصلا ايمان ايترسكز . ]

يعنى ، اى كافرلر ! سز قرآنه شاعر سوزيدر ديرسكز . حالبوكه قرآن شاعر ك  
سوزى اولماي . سز آزيحق بر تصديقيله تصديق ايدوب ايمان ايترسكز . ياخود  
معناي آيت : [ آز بر زمانده ايمان ايدرسكز ] ديمكدر . چونكه ؛ كافرلر بعض زمانده  
قرآنك حق اولديغنه ايمان ايدرلر ولكن بو ايمان يالكز قبلرنده اولوب استدلال ايله  
ظاهره چيقاروب لسانلريله قبلرينى تاييد ايتمدن آز بر زمانده قبلرندن كچديكي ايچون  
نظر شرعه بو منللو ايمان معتبر دكلدر . بناء عليه ؛ كافرلره « آز بر زمان ايمان ايدرسكز »  
ديمك « ايمانكزك ثباتى اولمايدىغندن معتبر دكل » ديمكدر .



فخر رازینک بیانی وجهله (قلیلاً ما) عربلر عنده علی الاکثر نفی کلیمه استعمال اولوندیغندن بومقامده نفی کلی معناسه آلنه رق «هیچ ایمان ایتمزسکیز» معناسه اولوق اولادر. چونکه بوآیتده مخاطب اولانلر؛ ایمان ایتمهین کفار قریش اولدینی جهتله نفی معناسه اولوب «هیچ ایمان ایتمزسکیز» دیمک آزیحق ایمان ایدرسکیز» دیمکدن ده مناسبدر.

﴿وَلَا يَقُولُ كَاهِنٌ قَلِيلًا مَا تَذَكَّرُونَ﴾

[قرآن فالجی سوزی دکلدرد. سزله قرآن حقنده اصلاً تفکر ایدوب دوشونمزسکیز.]  
اگر قرآنک جامع اولدینی حقایق دوشونسه کز قرآنک فالجی سوزی اولمادیغنی بیلیر و بناء علیه؛ ایمان ده ایدرسکیز. چونکه؛ جاده شریعتدن چیقمش و برطاقم اشقیا کروهندن عبارت اولان کاهنلرک سوزی اولمسیله حکم ایتمزدیکیز. زیرا؛ قرآنک دنیا و آخرت سعادتتی جامع اولدینی آزیحق دوشون برکیمسه کاهندن بویه برکلام صادر اولیه جغنی بیه بیلیر. شو حالده سز دوشونمه دیککیز ایچون حالا کاهن سوزی دیمکده دوام ایدیورسکیز.

﴿تَنْزِيلٌ مِنْ رَبِّ الْعَالَمِينَ﴾

[قرآن عالملرک ربسندن یریوزینه ایندیرلمشدر.]

یعنی؛ قرآن سزک دیدیککیز کی شاعر و کاهن سوزی دکلدرد، بلکه عالملرک ربسی طرفندن بالعموم قوللرک تربیه سی ایچون لوح محفوظدن سماء دنیا به و سماء دنیادن یریوزینه جبریل امین واسطه سیله ایندیرلمشدر.

بو آیتده کافرلری ایمانه ترغیب واردرد. چونکه؛ اسماء حسناندن تربیه ایدیجی معناسه اولان رب اسم شریفنک عالمه مضاف اولاروق کلمسندن بوتون عالمک یعنی کوچوک و بویوک، آرزوچوق جمله ذرات جهانک ربسی اولونجه کافرلرک دخی ربسی اولدینی اولوبتله ثابت اولدیغندن کندیلرینک ربلی طرفندن کلدیکی بیان اولوندینی جهتله ایمان ایتملرینه ترغیب حاصل اولمشدر. زیرا؛ جمله عالمک مرئوسی طرفندن کوندیریلن کتاب البته جمله سنک تربیه سنه کافی اولاجغنی بدیهی اولدینی جهتله بوتلرکده تربیه سنه کافی اولدیغندن انصاف ایدرک ایمان ایتملری لازمدر دیمکه اشارت اولونمشدر.

..

واجب تعالی قرآنک حائر اولدینی بعض اوصافی وذات الوهیت طرفندن رسولنه کوندیرلمش یالاندن عاری بر کتاب منزل اولدینی بیاندن صوکره او کتابک تبلیغه مأمور اولان ذات شریفک یالاندن بری اولدینی بیان ایتک اوزره ﴿وَلَوْ تَقَوَّلَ عَلَيْنَا بَعْضُ الْأَقَاوِيلِ﴾ لآخذنا منه بالیمنین ﴿ثُمَّ لَقَطَعْنَا مِنْهُ الْوَتِينَ﴾ بیوریور.

[اگر محمد علیه السلام بعض سوزلری بزم اوزریمزه یالان اولاروق سویله مش اولسه ایدی بز آنی کمال قوتتمزله طوتاردق و صوکره بز آنک قلب طمرلری کسردک.]

یعنی؛ ای قرآنه ورسولمزه اعتراض ایدن کافرلر! اگر بزم طرفزدن قرآنی تبلیغه مأمور اولان پیغمبر سزک دیدیککیز کی بزم کندیسنه وحی ایتمه دیکمز حالده یالان وافترا اولاروق بزم نامزه کندی جانبدن ایدورمقله بعض سوزلری سزه تبلیغ ایده ایدی بز آنی قدرتمزله اخذ ایدر و صوکره جمیع ادراکک مجعی و حیاتک مداری اولان یورهک طمرینی کسردک، لکن او پیغمبر یالان سویله مه دی. زیرا؛ یالاندن وسائر کناهلردن معصومدر. معصوم اولان برذاتدن بوکی حاللرک ظهوری ایسه محالدر.

ابوالسعود افندینک بیانی وجهله (تقول) افترا معناسه در. آنجق افترا؛ اساسی اولایانه بریئی آخربه اسناد اولدینی جهتله کلفتدن خالی اولمادیغنه اشارت ایچون کلفته دلالت ایدن تفعل بابندن (تقول) کلمه سی وافترا اولان سوزلری تحقیر ایچون عرب عننده اساسی وافترا قیلنمه اولاده سوزلرده استعمال اولونانه اقاویل کلمه سی وارد اولمشدر.

یمین؛ قوت و قدرت معناسه در. و تین؛ قلبه بر طمرک کسبلرکی آنده او طمرک صامبی اولور. بوکانظراً معنای آیت: [اگر محمد علیه السلام بزم وحی ایتمه دیکمز بعض سوزلری بزم اوزریمزه افترا اولاروق سزه سویله مش اولسه ایدی بز آنی قدرتمزله طوتار وقلبنده اولان جان طمرینی کسر بردن اولدورزدک] دیمکدر.

بعضیلر یمین ایله مراد؛ رسول الله قدریمر دیدیلر. بوکانظراً معنای آیت: [اگر بزم محمد علیه السلام وحی ایتمه دیکمز بعض سوزی، بزه اسناد وافترا ایدرک سزه سویله مش اولسه ایدی بز آنک قدرتی آلیر سزه سویله مکدن منع ایدردک و یاخود آنک



سوزینک یالان اولدیغه دیگر برکیمسه واسطه سیله دلیل کتیره رک ناسه قارشى آنک  
یالاتی اظهار ایدردک . حالبوکه سویله مکدن منع ایتهدک ویالان اولدیغی اظهار ایلهمه دک .  
شو حالده سوزلری طوغریدر ، سزک دیدیککز کی دکدر [ دیمک اولور و بو معنا  
رسول کوندر مکده کی حکمتده موافقدر . چونکه ؛ امر نبوتده دوغرینک یالانجیدن  
ویالانجینک دوغریدن تمیز ایتسی لازمدر . اگر نبوت دعواسیله برابر الله تعالی یه افترا  
ایدنلرک یالانجینی قوللرینه قارشى الله تعالی اظهار ایدردک یالانجیلری تریذیل ایتهمش  
اولسه ده آنلره مساعدده ایتسه ایدی نبی اولانله اولمایان آره سنده فرق اولمازدی . بناء علیه ؛  
قوللرک یالانجیلری تصدیقه معذور اولملری لازم کلیر و امر نبوتدن مقصده مختل اولوردی .  
حالبوکه مقصدک مختل اولسی باطلدر . بناء علیه ؛ انبیادن یالانده باطلدر .

..

واجب تعالی کافرلرک رسول الله حقنده سویله دکلی یالان اولدیغی واکر آنلرک  
دیدکلی کی رسول الله کندی عندندن برشی ایجاد ایدردک تبلیغه بولونمش اولسه ایدی  
درحال اولدوره جکفی و فرض محال اولارق بویه برشی ظهور ایتش اولسه اللهک  
مؤاخذه سندن رسول الله کیمسه نک قورتاره میه جفی بیان ایتک اوزره ﴿ فَمَا مِنْكُمْ  
مِنْ أَحَدٍ عَنْهُ حَاجِزِينَ ﴾ بیوریور .

[ اکر سزک دیدیککز کی اولسه سزدن هیچ برکیمسه محمددن نم مؤاخذه می  
منع ایدرک یوقدر . ]

یعنی ؛ محمد علیه السلام سزک دیدیککز کی بزم اوزریمزه افترا ایتمز . اکر افترا ایدرک  
اولسه ایدی بز آنی مؤاخذه ایدردک و بزم مؤاخذه مزدن آنی قورتاره جق سزدن هیچ  
برکیمسه یوقدر . کیمک حدیدر آنی بزم المزدن آلسون ؟ آنی قورتارمق هیچ  
کیمسه نک حدی دکدر . حالبوکه بزم مؤاخذه ایتهمکلمز افترا ایتهدیکنه و سویله دیکی  
سوزلرک بزم و حیمزله اولدیغه دلالت ایدر . چونکه ؛ افترا ایتش اولسه ایدی بزم اخذ  
ایده جکمز محقق ایدی و بز اخذ ایدنجه قورتاره جق برکیمسه یوق ایدی . حالبوکه بزم  
اخذ ایتهدیکمز محقق در . بناء علیه ؛ افترا ایتهدیک محققدر .

فخر رازینک بیانی وجهله بو آیتده ( من احدر ) سیاق نفیده نکره اولدیغی جهته جمع  
معناسنه اولدیغدن ( حاجزین ) جمع صیغه سیله وارد اولمشدر . بناء علیه ؛ معنای آیت :  
[ اکر الله تعالی رسولنی اخذ ایتسه ایدی آنی قورتاره جق سزدن بر فرد یوق ایدی ] دیمکدر .

..

واجب تعالی قرآنک افترا اولما دیغی بیاندن صوکره قرآنک بعض منافعی بیان ایتک اوزره  
﴿ وَإِنَّهُ لَتَذَكَّرَةٌ لِلْمُتَّقِينَ ﴾ بیوریور .

[ محقق قرآن اللهک عذابندن قورقانلره وعظ و نصیحتدر . ]

یعنی ؛ ای — مشرکله ! سزک دیدیککز کی قرآن محمد علیه السلام کندی  
عندندن اویدوردینی برشی دکدر ، بلکه قرآن ؛ اللهدن قورقانلرایچون منفعت و مضرتلری  
بیلدیرر و سبب نجاتلری بیان ایدر طرف السیدن کلش برموعظه بلیغه در .  
بو آیتده قرآنه افترا در دیهن کافرله تعریض واردر . چونکه ؛ « قرآن متقیله  
وعظدر » دیمک « ای — کافرله ! سزک کی افتادن بهره سی اولمایانلر قرآنک وعظندن  
مستفید اولامازلر » دیمکدر . شو حالده آیتده کافرلی هم ذم همده تهدید واردر .

﴿ وَإِنَّا لَنَعْلَمُ أَنَّ مِنْكُمْ مُكَذِّبِينَ ﴾

[ حالبوکه بز محقق بیلر سزدن قرآنی تکذیب ایدیلر واردر . ] زیرا ؛ دنیایه  
محبت و ریاستی محافظه قصیده قرآنک حق اولدیغی بیلدیکی حالده انکار ایدنلر موجوددر .  
حالبوکه قرآنی تکذیب ؛ آنلرک دنیاده سبب هلاک و آخرتده سبب عذابلری اولاجقدر .  
چونکه قرآن ؛ آنی تصدیق ایدنلرک سبب نجاتلری اولونجه تکذیب ایدنلرک البته سبب  
فلا کتلی اولاجنی آشکاردر .

..

واجب تعالی قرآنی انکار ایدنلرک حقلرنده ندامت و حسرت اولاجفی بیان ایتک اوزره  
﴿ وَإِنَّهُ لَحَسْرَةٌ عَلَى الْكَافِرِينَ ﴾ بیوریور .



[ محقق قرآن ایمان اتمه دکرند طولای کافرلر حقنده ندامتدر . چونکه ؛ دنیاده ایمان ایدنلرک کون بکون شرفلری آرتیرنجه کافرلر اوزرینه غم و غصه اولدینی کی آخرتده قرآنه ایمان ایدن مؤمنلرک ثوابی کورونجه کافرلرک حسرتلری آرتیره جفی شبه سزدر . فقط کچمش اولان بر شیئه تحسر فائده ویرمه دیکندن تحسرتلری ده کنیدلری ایچون آریجه بر عذابدر .

﴿وَإِنَّهُ لَحَقُّ الْيَقِينِ﴾

[ قرآن حقدر؛ کندیسند البته بطلان یوقدر و یقیندر؛ کندیسند اصلاحک یوقدر. ]  
شو اوچ آیت منکرلری رد ایچون وارد اولدیغندن مکرر ادات تأ کیدله وارد اولمشدر . چونکه ؛ منکرک انکاری نه قدر قوتلی اولورسه آتی رد ایدمک کلامکده او نسبتده قوتلی اولسی لازم اولدیغندن ادات تأ کیدله ایراد اولونمشدر .  
قرآنک مؤمنلر حقنده نعمت کافرلر حققرنده حسرت اولسی رسول الله حقنده آروجه نعمتدر .

\*\*

واجب تعالی شو نعمتک شکرینی ادا ایتک ایچون رسولنه تسبیحله امر ایتک اوزره .  
﴿فَسَبِّحْ بِاسْمِ رَبِّكَ الْعَظِيمِ﴾ بیوریور .

[ قرآن مؤمنلر حقنده نعمت و کافرلر حقنده حسرت اولونجه یا اکرم الرسل ! بک بوبوک واولو اولان ربک تعالی نک اسمنی هر دورلو نقصانلردن تنزیه ایت . ] زیرا ؛ سفی رسول اولارق اختیار ایدوب سکا ایمان ایدنلر عزیز و ایمان اتمه یئر ذلیل اولونجه سن ربک تعالی نک جمیع نقائصدن منزله اولدیغنی لسانکله ذکر ایت که سکا ویردیکی نعمتک شکرینی ادا ایتش اولاسک .



سورة معارج

مکه مکرمده نازل اولان سوره لر دندر . قرمه رت آتی جامعدر .

﴿بِسْمِ اللَّهِ الرَّحْمَنِ الرَّحِيمِ﴾

﴿سَأَلَ سَائِلٌ بِعَذَابٍ وَاقِعٍ \* لِلْكَافِرِينَ لَيْسَ لَهُ دَافِعٌ \* مِنْ اللَّهِ ذِي الْمَعَارِجِ﴾

[ بر سائل کافرله واقع اولاجق عذابی سؤال ایتدی او عذاب کافرلر ایچوندر که کولرک ونجه عالی مقاملرک خالق و صاحب اولان الله تعالی طرفدن نازل اولان عذابی دفع ایدیجی برکیمسه اولمادی . ]  
فخر رازینک بیاننه نظراً بو آیتک سبب نزولی ؛ مشرکلردن ( نضر بن حارث ) ویا ( ابو جهل ) « یارب ! اکر محمد ﷺ دیدیکی دوغری ایسه بزم اوزریمزه عذاب کوندر و یاخود طاش یاغدر ، دیمسی اوزرینه بو آیت نازل اولمشدر . بوکا نظراً معنای آیت : [ بردما ایدیجی ، کافرله واقع اولاجق عذابک کلسیله دعا ایتدی . چونکه ؛ رسول الله آنلری طرف الهیدن عذابک کلسیله انذار ایدنجه آنلرده « یا محمد ! ﷺ دیدیکک دوغری ایسه کله جک عذاب کلیویرسون ، دیمشلردی وایسته دکاری عذاب بدر وقعه سنده کلدی . الله تعالی آنلری اهل ایمان آنده مقهور و منهزم و مقتول قیلدی ] دیمکدر . حتی بعض روایتده ( حارثه بن نعمان ) « یارب ! محمد ﷺ دیدیکی طوغری ایسه بزم اوزریمزه طاش یاغدر ، دیمش ایدی . بو دعایی اوزرینه الله تعالی باشه طاش دوشوروب بینتی پارچه لایمق صورتیله هلاک ایتمشدر . یاخوره مشرکلردن بعضیلری رسول اللهک بیان ایتدیکی عذابک کیملره واقع اولاجغنی سؤال ایتلری اوزرینه بو آیتک نازل اولدینی مرویدر . والله تعالی نک انزال ایتدیکی عذابی دفع ایدمک برکیمسه اولمادیجی بیان اولونمشدر که اولادینه واتباعنه کووه نلری ده رد ایتمشدر . چونکه ( دافع ) نفی عقینده نکره اولارق



واقع اولديغندن معنای آیت : [ الله تعالى طرفندن کافرله واقع اولاجق عذابی دفع ایدیجی کرک اقرارلندن و کرک احباب و اولادلرندن هیچ کیمسه یوقدر ] دیمک اولور .  
ابن عباسک روایتته نظراً معارج ایله مراد ؛ سمانره . زیرا ؛ او امر السهی بی رنواهی  
سمانی بی کنیروب کونورمک اوزره ملکر سمانره اینوب جیقدقلری ایچونه سمانره  
معارج دیمشدر .

..

واجب تعالی سموات کبی عالی مقاملرک صاحبی اولدیغنی بیاندن صوکره او عالی مقامک  
صاحبی اولان الله تعالی نک عرش اعلاسنه ملکرک نه قدر مقداره اینوب جیقدقلری  
بیان اتمک اوزره ﴿ تَفْرُجُ الْمَلِكَةَ وَالرُّوحَ إِلَيْهِ فِي يَوْمٍ كَانَ مِقْدَارُهُ خَمْسِينَ  
أَلْفَ سَنَةٍ ﴾ بیوریور .

[ ملکر و روح اسمنده اولان جبریل امین عرش اعلایه جیقارلر او کونده که او کونک  
مقداری الی بیک سنه در . ]

یعنی ؛ مقداری الی بیک سنه راده سنده اولان یوم قیامتده امر السهی بی آلق اوزره  
ملکر و جبرائیل عرش اعلایه جیقارلر . جبریل امینک فضیلت و مزیتته اشارت ایچون  
ملکرده داخل اولوب آنلرک جنسندن اولدیغنی حالده آیروجه ذکر اولونارق روح لفظی  
ملائکه اوزرینه عطف اولونمشدر .

فخر رازینک بیانی وجهله جناب حق مکاندن منز اولدیغنی دلیل قطعی ایله ثابت  
اولدیغنی جهته مظان دلالت ایدن کلماتک هر یرده مناسب وجهله تأویلی واجبدر . بناء علیه ؛  
بو آیتده ( الیه ) لفظی عرش و یا امر السهی به و یا حکم السهی به راجع اولقله ملکر عرشه  
یا امری و یا خود حکم السهی بی تلقی اتمک اوزره جیقارلر دیمکدر .

الی بیک سنه تقدیر صورتیه در . یعنی « یوم قیامتده ناسک حسابیه انسانلردن اک  
ذکی و محاسب کیمسلر مشغول اولسلر الی بیک سنه نه نهایت بولور » دیمکدر ، یوقسه

محاسبه الی بیک سنه دوامله او کون ، او مقدار اوزایاجق دیمک دکلدر . زیرا ؛ واجب  
تعالی نک ، قوللرک محاسبه سنی دنیا کونلرندن بر کونک نصفی منابه سی بر زمانده بیتیره جکی  
مرویدر . بعضیلرده الی بیک سنه مقداری اولق کافرله مخصوص اولدیغنی بیان اتمشدر .  
بو کون ، حساب کوننه مخصوص اولدیغنی جهته آخرتک نهایت بولاجقنه دلالت اتمز . زیرا  
بو آیت ؛ یوم قیامتی بیان ایدر ، یوقسه آخرتک مجموع مدتنه بیان ایچون سوق اولونمش  
دکلدر که آخرتک مدتنی بیان اولسون .

او کونک مؤمنلر حقنده یک آرز بر مقدار اولدیغنه بعض آیتلر دلالت ایتدیکی کبی  
« ابوسعید الخدری » حضرتلرندن مروی اولان حدیث شریفده دلالت ایدر . چونکه ؛  
احساب کرام طرقتدن « یا رسول الله ! او کون نه قدر اوزون بر کوندر » دنیلدیکنده  
رسول الله « نفس محمدیه قدرت السیه سنده اولان الله تعالی به یمین ایدرم که او کون  
مؤمن حقنده البته تخفیف اولونور . حتی دنیا ده ادا ایتدیکی فرض نمازندن ده خفیف  
اولور » بیوردیغنی مرویدر . شو حالده بو آیتده مذکور اولان اوزون مدتک اهل ایمانه  
شمولی یوقدر .

..

واجب تعالی کافرلرک واقع اولاجق عذابدن سؤاللریغنی بیان بیوردی ولکن بوسؤال  
استهزا طریقله اولدیغندن رسول الله عارض اولان حزن و الم اوزرینه رسولنی تسلیه  
و صبرله امر اتمک اوزره ﴿ فَاصْبِرْ صَبْرًا جَمِيلًا ﴾ اِنَّهُمْ يَرَوْنَهُ بَعِيدًا ﴿ وَتَرَاهُ  
قَرِيبًا ﴾ بیوریور .

[ یا اکرم الرسل ! آنلر استهزا طریقله سکا عذابدن سؤال ایدنجه سن کوزل صبرله  
صبر ایت ، عاقبت سنکدر . زیرا ؛ آنلر او عذابی اوزاق کورورلر و بز او عذابی یقین  
کورورلر . ]

نیسابوری و خازنک بیسانلری وجهله صبر جمیل ایله مراد ؛ اضطراب و مضطربانه قلب  
منابه سی اولایانه صبردر که آنده کافرلرک عذابی استعجال و درحال وقوعی کوزه تمک  
دخی اولماز . زیرا ؛ عذابک وقوعی استعجال اوزره کوزه تمک حزن خالی اولامیه جفندن



و نه زمان واقع اولاجق دیبه ركه انتظارده وقت مرهونی كلنجیه قدر اضطراب چكیله چكندن جناب حق حیینه صبرجیل ایله امر ایتمشدر كه بونلرك جمله سندن وارسته اولسون . بو آیتده جناب حقك رسولنه صبرله امرنده دشمنلرینك انقراضنه بشارت واردر . چونكه ؛ صبرك عاقبتی سلامت اولوب سلامت ایسه دشمنلرینك اضمحلایلله اولاجقندن صبرله امر ، بشارتی متضمندر وعاقبت بدر غزاسنده دشمنلری هلاك اولدقلرندن صبرك عاقبتی اولان سلامت کورولمشدر وشو اعتبارله آیت غائبدن خبر اولدینی جهته معجزه در . کافرلر رسول اللهك بیان ایتدیکی عذابی ، اینامادقلری جهته اوزاق عد ایتمشدرسه در جناب حق اوعذابك یقین اولدینی بیان بیورمشدر . چونكه ؛ قدرت الهیه به نسبتله غایت قولای و یقین اولدیغندن وقت مرهونی كلنجیه سبب نزولده بیان اولوندینی جهته بو عذابی اوزاق عذابلر اهل اسلامك قیلجیله بدرده هلاك اولمشلردر . شویان ؛ عذابك دنیا ده وقوعه نظر آدر . اما آخرتده اولدیغنه نظراً او یقین اولان عذابك زمانی قیامت کونیده .

..

واجب تعالی یقین اولان عذابك زمانی بیان ایتمك اوزره ﴿يَوْمَ تَكُونُ السَّمَاءُ كَالْهَيْلِ﴾ وَتَكُونُ الْجِبَالُ كَالْعِهْنِ \* وَلَا يَسْأَلُ حَمِيمٌ حَمِيماً \* يُبْصَرُونَهُمْ﴾ بیوریور .

[ یقین اولان عذاب او کونده اولور كه كوك اریمش باقر کبی و طاغلر دخی آتیش رنکلی یوگ کبی اولورلر و او کونده اقربا دیگر اقرباسنك حالندن صوراماز . حالبوکه اقربا بربرینه کوستریلور . ]

یعنی ؛ اوعذابك وقوعی اویله برکونده اولور كه او کونك شدتندن کوکله اریمش باقیر و یاخود زیتون یاغنك طور توسی کبی اولور . و طاغلر بو قدر جسامتلیله برابر کونا کون رنکله آتیش یوگ پارچهلری کبی اولور و هر کس کندی حالیه مشغول اولدیغندن هیچ بر اقربا دیگرینك حالندن صورمغه بحالی اولامدیغندن صورمه ماز . حالبوکه اقربالری آنلره کوستریلور ، یوقسه اقربالر بربرلرینك حالندن صورامادقلری کورومدکلرندن دکلدره ،

بلکه او کونك شدتندن هر کسك کندی عملی مشغولیتنه کافی اولدینی جهته ولواقرباسی اولسون غیرك حالندن سؤاله وقنی اولماز كه سؤال ایتسون .

فخر رازینك بیانی وجهله عهین ؛ انواع رنکله آتیش و بویانمسه بوکدر . طاغلرک رنك اصلیلری بیاض ، قیرمزی ، سیاه کبی رنکله اولدینی جهته قیامتده آتیش یوگ پارچهلری کبی هواده بولوندقلری زمانده مختلف رنکله بولوناچقندن انواع رنکله بویانمش و آتیش یوگ تشبیه اولونمشدر .

اقربا یکدیگرینك حالندن صورمه مانجه بریسندن ده شفاعت ایسته یه من و رفقه معامله ده بکله من . زیرا ؛ هر کسك کندی دردی باشندن آشقین اولدینی جهته هیچ برکیمسه دیگرندن لطف کوزه نه من . چونكه ؛ کندی دردینه درمان بولامایانك دیگرینك دردینه درمان اولامیه جنی طبعی برشیدر . اوت ؛ قیامتده بعض کیمسه دیگرینه شفاعت ایدر فقط سؤال وجواب بیتوب کندی قورتولدقندن صوکره آخرینه شفاعت ایدر . شو حالده یوم قیامتده انسانلرك یکدیگرینه شفاعتلری اولاجقدر لکن شفاعت ایده جك کیمسه نك باشی سلامت اولمق شرطدر . بناء علیه ؛ بو آیت شفاعت حقنده اولان آیتله منافی دکلدره .

خلاصه ؛ کافرلرك رسول اللهك بیان ایتدیکی عذابدن استهزا طریقیله سؤال ایتدکلری و طرف السهیدن آنلره نازل اولاجق عذابی دفع ایده جك کیمسه نك بولونمیه جنی و جناب حقك عالی مقاملر صاحبی اولدینی و او عالی مقاملردن بریسی ده عرش اعلا اولوب عرش اعلایه ملکلرك ، مقداری الی بیک سنه اولان یوم قیامتده الله تعالی دن امر الملق اوزره چیقاجقلری و کافرلرك سؤالارندن عارض اولان حزنی دفع ایتمك ایچون رسول اللهك صبره دوامی لازم اولدینی و او عذابی کافرلر اوزاق کورییورلرسه در جناب حقك غایت یقین کوردیکی و او عذابك یوم قیامتده اولاجنی و او یوم قیامتک دهشتندن سنانك اریمش باقر و طاغلرک آتیش یوگ کبی اولاجنی و او کونده اقربالر بربرینی کوردکلری حالده هر کس کندی دردیله مشغول اولدیغندن یکدیگرینك حالندن سؤال ایده میه جکی بو آیتلردن مستفاد اولان فوائد جمله سندن در .

..

واجب تعالی اقربالرك بربرینی کوروب بیلدکلری حالده یکدیگرینك حالندن



صوره ميه جقلريني بياندن صوكره سوال ايده مه دكارينك سبي؛ او كونك انسانلرده ابقاع ايده جيكي تاثيرندن متولد اولديغني بيان ايتك اوزره ﴿يَوْمَ الْحُجْرِ﴾ لَوْ يَفْتَدِي مِنْ عَذَابِ يَوْمِئِذٍ بِبَنِيهِ \* وَصَاحِبَتِهِ \* وَآخِيهِ \* وَفَصِيلَتِهِ الَّتِي تُؤَيِّهِ \* وَمَنْ فِي الْأَرْضِ جَمِيعًا ثُمَّ يُنْجِيهِ \* بيوريور .

[هر كناهكار يوم قيامت عذابندن قورتولق ايچون سو كيلى اوغلونى و حرمى و برادرينى و قوم و قيله سنى كه او قوم و قيله سنى سودكارندن دنيا ده آنى قوجا قلىرینه آليرلردى و ير يوزنده اولان انسانلرك جمله سنى عذاب بدل و يرونده صوكره كندى قورتولسنى ايستر .] يعنى ؛ هر كناهكار كندندن صادر اولان كناهلرك عذابى و قيامت شدى كورو نجه او كونك عذابندن قورتولق ايچون اوغلونى و حرمى و برادرينى و آكا هر ايلسكى لايق كوروب كندى دنيا ده قوجا قلىرینه آلان قوم و قيله سنى و ير يوزنده اولان انسانلرك جمله سنى او عذاب بدلنده فدا ايدوبده صوكره كندى قورتولسنى ايستر و ازجان و دل آرزو ايدر و لكن او آرزوسى كندى فائده و ير مز . چونكه ؛ بر كيمسه نك كناهنه ديكرى فدا ايديله مز . زيرا ؛ او كون عدالت الهيه نك ظهور ايده جيكي بر كون اولديغندن هر كس كندى كناهنك جزاسنى كورو ر ، آخرك كناهندن مسئول اولاماز و هيچ بر كيمسه كندى كناهى بدلنده آخره فدايه مقتدر اولاماز . بناء عليه ؛ او كناه صاحبي اولان كيمسه نك بو مثللو تمنياتى محالى تمى قيلندندر .

بو آيت جليله او كونده هر كسك دوچار اولاجنى مشكلاتى تصوير ايدر . يعنى او كونك مشكلاتى كورن بر عاصى نفستك خلاصى ايچون هر شئى حتى اك زياده سو كيلى اولان اولادى ، احبابى ، حرمى و برادرينى فدايه آماده اولور و لكن مقتدر اولاماز .

فخر رازينك بيانى وجهله (ثم) كله سى استبعاد موضوعدر . چونكه ؛ آرزو اولونان نجات و فدا محال اولديغنى جهنله بو مثللو آرزو سيله نجاتك غايت اوزاق و محال اولديغنه اشارت ايچون استبعاد موضوع اولان (ثم) لفظى وارد اولمشدر .

ايشته انسانلره لازم اولان ؛ تداركى ممكن ايكن بودنياده اللهم امرينه امتثال ايده رك

او كونده قورتاره جق اسبابه توسل ايتكدر . زيرا ؛ هر شئى زمانده كر كدر ، زمانى بكد كدن صوكره قورتولق چاره سنى آرامق فائده ايتمز .

خلاصه ؛ يوم قيامت عذابندن قورتولق ايچون عاصى اولان كيمسه نك او عذاب بدل اوغلونى ، حرمى و قوم و قيله سنى وجهله انسانلرى فدا ايدوبده كندى نك خلاص اولسنى آرزو ايده جيكي و لكن فائده و ير ميه جيكي بو آيتدن مستفاد اولان فوائد جمله سندندر .

..

واجب تعالى كناه صاحبي اولان كيمسه نك عذابندن قورتولق ايچون بوتون دنياى فدا ايتك ايستيه جيكنى و لكن فائده ايتيه جيكنى بياندن صوكره بو مثللو عاصيلرك آرزولرى صراحة رد اولونا جقنى بيان ايتك اوزره ﴿كَلَّا إِنَّهَا لَأُظْلَى \* نَزَّاعَةً \* لِلشَّوَى \* تَدْعُوا مَنْ أَدْبَرَ وَتَوَلَّى \* وَجَمَعَ فَأَوْعَى \*﴾ بيوريور .

[اى] عاصى اسنك ظن ايتديك كى دكل . زيرا ؛ جهنم علوله نجى آتش صاحبي اولوب اطراف اعضالرك و باشلرك دريلرينى يوزوب چيقاريجيدر و جهنم ايمانه آرقه سنى دونن و حقدن اعراض ايدن و حرامدن مال جمع ايدوب كيسه ايچنه قويا ن كيمسه لرى كندى طرفه چاغيرير .

يعنى ؛ كناه صاحبي اولان كيمسه آرزو ايتديكى وجهله قورتولاماز . زيرا ؛ جهنم آتشى دائما علوله نجى و اطراف اعضا اولان اللرك و آياقلرك و باشك و يوزك ائلرينى و دريلرينى سو كوب آليجيدر و جهنم ايمانه آرقه سنى دونوب رسولك دعوتنه اجابتدن اعراض ايدنلرى و عبادندن صرف نظرله مزخرفات دنيو به دن صورت غير مشروعه ده مال طوبلا يوب صاقلايان و حرص و املنه بناء حق الله اولان زكاتنى و ير ميه ن كيمسه لرى كندى طرفه چاغيرير و ايچنه آلير .

فخر رازى و خازنك بيانلرى وجهله جهنم ، كافرى كندى طرفه لسان حاليله و ياخود جناب حقك كندنده خلق ايتديكى لسانله چاغيرير و ياخود چاغيران جهنمك زبانيلىريدر . بوكانظراً جهنم و ياخود زبانيلىرى «كل بورايه يا كافرا» دييه رك چاغيرير . ياخود (تدعوا)



(تهلك) معنایست در . بویا نظراً معنای آیت : [ جهنم ایمانیدن اعراض ایدن کافرلری هلاک ایدر ] دیمکدر .

بوآیتده ( ادبر وتولی ) معرفت الهیه دن وطاعت سببجانیه دن اعراضه اشارتدر . ( وجمع فاعلی ) حرص وامله اشارتدر ودينك آفاتی ده بونلردن عبارتدر . بوآیتده ایمانیدن وطاعت الهیه دن اعراض ایدنلرك جهنمك دعوتنه معروض قالاچقلى بيان اولوندينى كې مال جمع ایدوب حفظ ایدنلرك دخی جهنمه معروض قالاچقلى بيان اولونمشدر . كچه حلالندن مال جمع ایتك مشروع ايسه ده اومالك واجباتی ادا ایتمهك ولایم كلن محللره صرف ایتكمسزین حفظ ایتك اومالك حقوقنی ادا ایتمهك اولدينى جهته جهنمك دعوتنه سبب اولایلیر . اما وجه شرعی اوزره مال قازانق واسرافدن صاقینمغه برابر شرعاً صرفی لازم اولان مقدارینی صرف ایدهرك فی سبیل الله انفاقله اومالی مستحقته اولاشدیران کیمسه جهنمك دعوتنه معروض قالمیه جفی كې اومال جهنمه پرده اولارق صاحبك خلاصه سبب اولور .

(الظی) آتی علول بایمې مېرھك اسیمبر . ( ترعة ) شدنه صوبوب بیقاربمې معنایستدر . شوی ؛ بوزك وباتك دریلربر . یاخود الله وایاقلر كې اطراف اعضادر . ( كلاً ) اوبه وكل معنایست عاصینك آرزوسنی رد ایتكدر . شو حالده معنای نظم : [ ای عاصی ! حال و شان اویله دكل ، بلكه جهنم ؛ علولنجی آتش صاحبی یوزلرك وكوزلرك واطراف اعضاك دریلرینی شدته یولوب آلیجی وسوكوب چیقاریجیدروایماندن یوز دوندوروب صورت غیر مشروعه ده مال جمع ایدوب حرصله صاقلایانلری طرفه جذب ایدوب چكیجیدر ] دیمكدر .

واجب تعالی مال جمع ایدوب محله صرف ایتیهرك حفظ ایدنلرك جهنمك دعوتنه معروض قالاچقلى بياندن صوكره انسانده بولونان بعض فناصقلری بیانله جهنمه استحقاقك اسبابی بیان ایتك اوزره ﴿ إِنَّ الْإِنْسَانَ خُلِقَ هَلُوعًا ﴾ إِذَا مَسَّهُ الشَّرُّ جَزُوعًا ﴿ وَإِذَا مَسَّهُ الْخَيْرُ مَنُوعًا ﴾ بیوریور .

[ محقق انسان حرصی چوق وصبری آز اولارق خلق اولوندى . حتی انسانه ضرر طوقونديغنده صبرينك آزلغندن فریادایدر باغیر چاغیرر وخیرطوقونديغنده كمال حرصندن کیمسیه ویرمز و ویرمك ده ایسته مز ، آتی حفظ ایدر . ]

یعنی ؛ کفران نعمت ونسیان شانندن اولان انسان ، شدتلی حرص صاحبی وغایت آز صبر ایدیجی اولارق خلق اولوندى كه او انسانه فقر وخستلق كې بر ضرر اصابت ایتدیکنده اصابت ایدن ضرری هرکسه اعلان ایچون شکایت ایدر وباغیرر چاغیرر صبر ایده مز واولانسانه اولاد و ثروت وسامان كې خیر اصابت ایتدیکنده آتی صاقلامقده شدتله بخل وامسالك ایدر کیمسیه ویرمز . حتی برذره سنك بیله آخر بر کیمسیه کیتدیکنه راضی اولماز .

فخر رازی ونیسابورینك بیانلری وجهله انسان شمت حرص رقت صبر معنایست اولان هلو عصفی اوزرینه خلق اولونديغندن بو صفت انسانده جبلی وضروری اولدينى جهته بونك تبدیلی ممکن اولماديغندن انسانی ذم ، بوصفت اوزرینه بولونديغندن دكلدر . زیرا ؛ جناب حق کندی خلق ایتدیكى صفت اوزرینه قولنی ذم ایتمز . چونكه ؛ اوصفتی رفع وازاله ایتك قولك آئنده و قدرتی تحتنده دكلدر . بناء علیه ؛ انسان وسعنده اولمایان شیشه مكلف اولماز . شو حالده انسانك ذم اولونمسی ؛ بوصفت ضروریه دن تولد ایدن شکایت وباغیرمق وچاغیرمق وبخل وامسالك كې برطاقم افعال اختیاریه اوزرینه در . كچه بو افعالك منشأی انسانده جبلی بر صفت ايسه ده بونلری ترك ایتك انسان ایچون ممكن اولديغندن ترك ایتمین کیمسه لری الله تعالی ذم ایتشدر . چونكه بونلری تركله تکلیف ؛ انسانك وسعنده اولان برشیشه تکلیفدر كه تکلیفك منشأی ضروری وجبلی اولان حالت نفسانیه دكلدر ، بلكه حالت نفسانیه دن نشأت ایدن افعال اختیاریه در .

بوآیتده انسانك شردن فزع وفریاد وخیری كمال آرزو ایله محافظه ایتدیكى بیان اولونمشدر كه خلاصه سی مضرتدن قاجق ومنفعتی آرامق و راحت ایچون چالیشمقدر . بوايسه بر امر مشروع ومعقول اولدينى جهته ذم اولونماق لازم كلیر كه ذم اولونمسنك سببی ؛ همق یالكسز دنیایه مصروف اولديغندر . زیرا انسان ایچون لازم اولان ؛ امور



دنیا به امور آخرتی ده قاریش دیر مق و بلکه امور آخرتی ترجیح ایتمکدر. بناء علیه صرف دنیا به حصر امل ایده رک آخرتی اونوتانلر هر زمان مذموملردر .  
خلاصه ؛ انسانک چوق حرص و آزیجق صبر اوزره یاراتلدیغی و بوصفتک نتیجه سی اولارق خیر اصابت ایتدیکنده شدله محافظه کار اولوب آخره بر ذره سنی بیله ویرمه راضی اولمادیغی و شر اصابت ایتدیکنده صبر ایتمه رک فزع و فریاد ایتک شانندن اولدیغی بوآیتدن مستفاد اولان فوائد جمله سنددر .

..

واجب تعالی انسانک حرص و امل اوزرینه خلق اولوندیغی بیاندن سوکره بوصفت مذمومه دن سکنز صنی استنا ایتک اوزره ﴿إِلَّا الْمُصَلِّينَ﴾ الَّذِينَ هُمْ عَلَى صَلَاتِهِمْ دَائِمُونَ ﴿﴾ بیوریور .

[ اوصفت مذمومه اوزره بولونمایان آنحق نماز قیلان کیمسه لردر که آنلر نمازلرینه دوام ایدیحیلردر . ]

یعنی ؛ بوتون انسانلر حرص و امل صحرا لرنده هلاکه مستحق اولورلر . الا شول کیمسه لر که جانب معنوی الهی به توجه تامله توجه ایده رک آنلر دوام اوزره نمازلرینی ادا ایدیحیلردر .

فخر رازینک بیانی وجهله بومقامده دوام ایله مراد ؛ اوقانمه هیچ بر وقتده نمازی ترک ایتمه رک و نمازک وقتی کلمه یکنده نمازده باشقه بر شیده مشغول اولماقدر . نمازه دوام ایدنلر قبایح سابقه اولان حرص و امل کی صفات مذمومه دن استنا اولوندیلر . زیرا ؛ نمازک وقتی کلنجه هر شینی ترک ایده رک قلبی کی اعضاسیله دخی جانب معنوی الهی به توجه ایدوب نمازینی ادایی هر شی اوزرینه ترجیح ایتمی حرص و امل کی صفات مذمومه بی ترکنه دلالت ایدر . چونکه ؛ دنیا به محبتی اولمش اولسه ایدی دنیا امورینی ترکه آخرت امورندن عبارت اولان نمازه سرعت ایتزدی . شوخالده وقتی فوت ایتمکسزین نمازه دوامی شریعتک ذم ایده جکی درجه ده دنیا به محبتی اولمادیغنه دلالت ایتدیکندن نمازه

دوام ایدنلر آیت سابقه ده بیان اولونان صفات مذمومه دن استنا اولونمشلردر . نمازه دوام اوصاف مدوحه دن بر چوقلرینی مستلزمدر . زیرا ؛ نمازه دوام ایدن کیمسه نک احسان الهیدن و تکریم سبحانیدن آز و چوق هر نه به نائل اولسه آکا قناعتنه و صبری نه و متانتنه دلالت ایتدیکی کی الله تعالی قورقوسیه متصف اولدیغنه دخی دلالت ایدر . زیرا ؛ اللهم قورقسه وقت کلنجه فوت ایتمکسزین نمازه قوشمازدی .

..

واجب تعالی صفات مذمومه دن استنا اولونمی ایجاب ایدن اوصاف مدوحه دن برنجیسی اولان نمازی بیاندن سوکره ایکنجیسی اولان زکاتی بیان ایتک اوزره ﴿وَالَّذِينَ فِي أَمْوَالِهِمْ حَقٌّ مَّغْلُومٌ﴾ لِلسَّائِلِ وَالْمَحْرُومِ ﴿﴾ بیوریور .

[ دخی صفات مذمومه دن مستنا اولان شول کیمسه لردر که آنلرک ماللرنده ایستین و ایسته مهین فقیرلر ایچون معین بر مقدارده حصه واردر . ]

یعنی ؛ صفت مذمومه اولان حرص و امل سببیه هلاک اولانلردن شول کیمسه لر مستنادر که آنلرک کندیلرینه منسوب اولان ماللردن احتیاجی آجیغه آتارق ایسته ینلر و فقرینی ستر ایده رک کال عفتندن ایسته مکه تنزل ایتمین و بوسببیه اغنیانک عطیه لرندن محروم اولان کیمسه لر ایچون حق معین واردر .

فخر رازی و خازنک بیانلری وجهله بوآیتده حق معلوم ایله مراد ؛ اغنیا اوزرینه فرصه اولسه زکاتدر . زیرا صدقات ایچنده طرف شرعدن معین اولان حصه ؛ زکاتدر . چونکه زکاتدن باشقه صدقه ، حصه معینه دکل مال صاحبک رأینه منوطدر . ایسترسه آز ویرر ایسترسه چوق ویرر کیمسه قاریشاماز . بناء علیه اللهم فرض قیلدیغی زکاتی ادا ایتمه که محتاج اولانلری مسرور ایدنلر ؛ حرص و امل آرقه سنده دولاشمقله هلاک اولانلردن مستنا قیلنمشلردر .

امام مجاهد و (نخعی) کی بعض ذوات بوآیتده حق معلوم ایله مرادک علی طریق النبیه و الاستیجاب و بر بیان صدق لر اولدیغی بیان ایتشلردر . زیرا واجب اولان زکاتی ادا ؛ خلاصة البیان : اون بشبی جلد - ۹۳



زیرا؛ يوم آخرته اينانان کيمسه نفسی عبادته ومالنی انفاقه صرف ايتمکدن چکينمز .  
بناء عليه؛ حب دنيا وحرص وامل وبخل کي اوصاف مذمومه دن نفسی تبره ايتمکي  
کندی ايجون بر وظيفه دينه بيلديکندن واجب تعالى آخرته ايمان ايدنلری اوصاف مذمومه  
صاحبی اولان انسانلردن مستثنا قيلمشدر .

\*\*

واجب تعالى اوصاف مذمومه دن مستثنا اولانلرک دردنجیسی بیان ايتمک اوزره  
﴿وَالَّذِينَ هُمْ مِنْ عَذَابٍ رَٰبِهِمْ مُّشْفِقُونَ﴾ بيورييور .

[ دخی شول کيمسه لر صفات مذمومه سبيله هلا کدن مستثنالردرکه آنلر ربلرينک  
عذابندن قورقيجیلردر . ]

يعنی؛ انسانک هلاکته سبب اولان حرص واملک خارجده توليد ايتديکي افعال مذمومه  
ايله هلاک اولمقدن مستثنا اولانلر شول کيمسه لردرکه آنلر بهمه حال کنديلرينک قصور دن  
خالی اولمادقلرينی بيلدکلری ايجون ربلرينک عذابندن دائما قورقارلر؛ چونکه؛ فخر رازينک  
بیانی وجهله قورقو؛ ايکی شيمره قولد امر؛ برنجیسی؛ واجب اولانه عباداتی ترک،  
ايکنجیسی؛ مرام اولانه شيلری ارتطاب ايتمکدر. انسانک بوايکی شیدن تبری ایده جکنه  
امنیقی اولماديغندن یا واجبک ترکندن ویا حرامی ارتکابندن طولای عذاب السهيدن  
دائما قورقو اوزره بولونمسی بوآیت بیان بيورييور . چونکه؛ انسان هر دقيقه سنی اعمال  
صالحیه صرف ايتسه بيله اللهک عظمتنه قارشو هر زمان غایت آز کورمسی الزمدر .  
فاصل آز کورمسونلر وناصل قورقاسونلر؛ البته قورقق لازمدر .

﴿إِنَّ عَذَابَ رَٰبِهِمْ غَيْرُ مَأْمُونٍ﴾

[ زیرا؛ آنلر ربلرينک عذابندن امين دکلردر . ]

يعنی؛ انسانلر ايجون لایقی وجه اوزره واجباتی ادا ومحرماتی ترک ايتديکنه دائر  
کنديلری ايجون قطعی بر دلیل وقناعت ممکن اولماديغندن وبونلرده البته بر قصور ايتمک امکانی

بورجی ادا اولدينی جهته ثنا ايجاب ايتمديکندن جناب حَقک بوزمره بی ثنا بيورمسی  
نافله اولارق ويريلن صدقه اولمسنه دلالت ايدر . حصه نک معلوم اولمسنه کلنجه؛  
هر کسک کندي مالنده معين بر دقتمه فقرايه وبرمک اوزره معين بر مقدارى آييريغندره  
حصه معلومه ديمشدر . آيتک هر ايکی صورته ده احتمالی اولوب ايکی صورتک جمعده  
مانع اولماديغندن هر ايکيسی ده مراد اولونابيلر . شوخالده فرض ونافله اولارق ماللردن  
بر مقدارینی الله تعالى نک رضای ايجون فقرايه ويرنلر بو استناده داخللر ديمکدر .  
محتاج اولان کيمسه لرك احتیاجی دفع ايجون انفاق ايدنلرده تقرب الى الله اولدينی  
کي صفت مذمومه اولان بخلدن تبری ايتمکله برابر محتاجلرک احتیاجلرينی دفع ايتمک  
وابناء جنسلينه مرحمت وشفقت ايتمک صورتيه نائل اولدقلری نعمتک شکرينی ادايه موفق  
اولدقلری جهته عذاب السهيدن خلاص اولاجقلرينه بوآیت دلالت ايدر .

\*\*

واجب تعالى صفت مذمومه دن استثنائیت ايجاب ایدن اوصاف ممدوحه دن اوچنجیسی  
بیان ايتمک اوزره ﴿وَالَّذِينَ يُصَدِّقُونَ بَيِّمَاتٍ﴾ بيورييور .  
[ دخی شول کيمسه لركه آنلر يوم آخرتی تصديق ايدرلر . ايشته بوتصديقلری  
سبيله صفت مذمومه دن مستثنالردر . ]

يعنی؛ حرص وامل سبيله هلاک اولمقدن خلاص اولانلر شول کيمسه لردرکه آنلر جهله  
اعمالک جزای کوريله جکی آخرت کوتی تصديق واعمال صالحه ليله شواعتقادرینی تأييد  
ايدرلر . چونکه؛ آخرته ايمان ایدن الله تعالى نک امر ايتديکي عباداتی ترک ایده من .  
زیرا؛ عبادتی ايشله مکده اجر وثواب وترکنده عذاب وعقاب اولديغنی اعتقاد ايدنجه  
منفعی مضرت اوزره ترجیح ايتمک لازم اولديغنی هر عاقل ادراک ایده بيلر وبومقامده مدح  
ايجون وارد اولان (الذين) لفظی ايله وقوع بولان مدح السهيد بومعناي تأييد ايدر . چونکه؛  
مدح يالکتر اعتقاد اوزره ترتب ايتمک بولمک عمله مقارن اولان اعتقاد اوزره ترتب  
ايتديکندن آيتده تصديق ايله مراد؛ اعمال صالحه ايله تأييد اولونانه نصير يقرر .



موجود بولونديغدن ربلىرىڭ عذابىدىن امين اولامازلر . بناءً عليه ؛ دائما خوف اوزره بولونقى لازمدر .

ابوالسعود افنديڭ بيانى وجهله بر كيمسه هر نه قدر چوق عبادت ايتسه دخى عذابىدىن امنيت اوزره بولونقى لايىق اولمادىغنه اشارت ايجون شوجهله معترضه وارد اولمشدر كه عذاب الهيدىن هر كسك هر زمان قورقمسى لازم اولديغنى توصيه ايتمشدر .

..

واجب تعالى صفات مذمومه سبيله هلاك اولانلردن مستقنا اولانلرك بشنجيسى ذكر ايتك اوزره ﴿ وَالَّذِينَ هُمْ لِأَعْتَابِهِمْ حَافِظُونَ ﴾ إِلَّا عَلَىٰ أَرْوَاحِهِمْ أَوْ مَا مَلَكَتْ أَيْمَانُهُمْ فَإِنَّهُمْ غَيْرُ مَلُومِينَ ﴾ بيوريور .

[ دخى شول كيمسهر هلاك كدن خلاص اولورلركه آنلر عورت يرلىرى حرامدن حفظ ايديجىلردر . آنجق كندىلرلىڭ نكاحلى خاتونلردن و پارهلى ايله آلدقلىرى جاريه لرندن صاقلامازلر . زيرا ؛ آنلر خاتونلردن و جاريه لرندن صاقلامامقله ذم اولونمازلر . ]  
جناب حق بدنه و ماله متعلق اولان فروع اعمال و اصول اعتقاد دائر امرلرینه امثال قىلندن بعض صفت ممدوحه يي بياندن صوكره نواهيدن اجتناب قىلندن اولان بعض صفت ممدوحه يي بوآيتده ذكر ايتمشدر . چونكه عورت محلى حرامدن حفظ ايتك ؛ منهيادن اجتناب اولدينى جهتله عبادت اولدينى كى قدرتى شرعاً صرفى لازم كلن حلالنه صرف ايتسى دخى آروجه بر عبادت اولدينى جهتله بونلركده عذابدن خلاصنه سبب اولاجغنى بيان بيورمشدر .

ازواج ؛ زوجهك جمعى اولدينى جهتله ملك نظامده كندىلرلىڭ مالك اولدقلىرى خاتونلرى ديمكدر . « ملك يمينه مالك اولدقلىرى جاريه لرى » ديمك « اسباب ملكدن هانكى سبيله مالك اولورلرسه اولسونلر آنلرك جاريه لرى حرملرى كى كندىلرلىڭ حلالدر » ديمكدر . بناءً عليه ؛ آنلرله ازدواج ايتمهك ذمى موجب اولمادىغنى جناب حق بوآيتله بيان بيورمشدر .

..

واجب تعالى عورت محلى حرماندن محافظه ايدنلرى نسا ايتد كدن صوكره حلالنه قناعت ايتمهرك حرامه تجاوز ايدنلرك حكمنى بيان ايتك اوزره ﴿ فَمَنِ ابْتَغَىٰ وَرَاءَ ذَلِكَ فَأُولَٰئِكَ هُمُ الْعَادُونَ ﴾ بيوريور .

[ زوجه ليله جاريه لرىڭ باشقه سنى نفسى ايجون آرايان كيمسهر حدود الهيه يي و احكام شرعيه يي تجاوز ايتمشلردر . ]

يعنى ؛ زوجه ليله جاريه لرى كندىلرلىڭ حلال اولوب مساعده الهيه مظهر اولونجه بونلردن ماعدا حرام اولان خاتونلره عورت محلى كوسترملك ايسته ينلر حرمانى ارتكابه قبل شرعدن عفت و ناموسنى محافظه ايجون قونولش اولان احكام شرعيه خارجه چيقمشلردر . چونكه ؛ شريعت احديه هر شيك حله و ياخود حرمنه دائر وضع ايتش اولدينى قواعد اوشيك اطرافنده ديوار مثابه سنده بر حد شرعيدر . بناءً عليه اوقاعده يي ايلرى كچمك ؛ كيرلسى ممنوع اولان بر باغك ديوارندن ايجرى آتلامق كى اولديغدن اوشيك حدود موضوعه سنى كچمش اولور . شوحالده وضع اولونان قانونى تجاوزله عفت و ناموسنى دنياده لكه دار ايتديكى كى آخترده دخى عذاب الهيه مستحق اولاجغنه اشارت ايجون جناب حق آنلره « هم العادون » بيورمشدر . يعنى « آنجق آنلر حدودى تجاوز ايدوب ايلرى كچيجلر » ديمكدر كه قانون الهيك احكامندن خارجه چيقانلرك عذابه استحقاقلىرى ديكر آيتلره دخى بيان اولونمشدر .

..

واجب تعالى انسانك ذاته لازم اولان اوصاف ممدوحه يي بياندن صوكره خلقله اولاجق معامله ده انسانيته لازم كلن صفت ممدوحه يي بيان ايتك اوزره ﴿ وَالَّذِينَ هُمْ لِأَمَانَاتِهِمْ وَعَهْدِهِمْ رَاعُونَ ﴾ بيوريور .

[ دخى شول كيمسهره هلاك كدن مستثنالردر كه آنلر كندىلرلىڭ و يريلن امانتلىرىڭ و آخريته و يرمش اولدقلىرى عهدلىرىڭ رعيت ايديجىلردر . ]



یعنی؛ شول کیمسه لر صفت مذمومه سببیه هلا کدن مستثنالدر که آنلر غیرلر طرفندن کندیلرینه بر اقلان امانتلی و ناسله بینلرنده جریان ایدن عهد و بازارلقلری کمالیه محافظه ایدرلر و اصلا غدر و خیانتده بولونمازلر .

امانتک بر چوق انواعی اولدیغه اشارت ایچون بو آیتده امانت لفظی جمع صیغه سیله وارد اولمشدر . چونکه؛ قوللرله ربلری آره سنده اولور : صوم، صموده، حج، زکات و سایر فرائض الشریعہ کی؛ انسانلر آره سنده اولور : وریدلر و بینلرنده همربانه ایدر کیزلی سوزلر کی . بونلرک جمله سنی بحق محافظه ایتک وظائف دینیهدندر . زیرا جناب حقہ قارشی اماناتی محافظه ایتک؛ عهده سته ترتب ایدن وظیفه یی و واجباتی ادا ایتمکه عبودیتہ لازم کلن خدمتی ادا ایتش اولدینی کی اهالی کندی آره لرنده جریان ایدن اماناتی محافظه ایله یکدیگرینک احتیاجنی دفع ایتک صورتیه دخی معامله نک حسن جریانیه و عالمک انتظامنه خدمت ایتش اولورلر و بو وسیله ایله بینلرنده آچیقدن ویا کیزلی وقوعبولان بازارلقلری دخی محافظه ایله وقوعی ملحوظ اولان منازعه یی قطع ایتش اولورلر . ایشته شو اساسه بناء واجب تعالی اماناته وعهده رعایت ایدنلری ثنا ایتمشدر .

\*\*

واجب تعالی ناسله اولاجق معامله دن بعضیلرینی بیاندن سوکره بعض آخری بیان ایتک اوزره ﴿وَالَّذِينَ هُمْ بِشَهَادَاتِهِمْ قَائِمُونَ﴾ بیوریور .

[دخی شول کیمسه لر هلا کدن مستثنالدر که آنلر حقوق عبادیه متعلق اولان و کندیلرینه ترتب ایدن شهادتی حاکم لر حضورنده بحق ادا ایتمکه او شهادتک تعلق ایتدیکی حقوقی ضیاعدن محافظه ایدیمیلردر .]

فخر رازینک بیانی وجهله شهادت، امانت قیلندن اولدینی حالدیه امانات ایچنده شهادتک آریجه بر شرف و مزیتی اولدیغه اشارت ایچون شهادت، اماناتدن سوکره آریجه ذکر اولونمشدر . چونکه؛ شهادتک آسایش عالمه تعلق اعتباریه دیگر اماناته قیاس اولونماز . زیرا؛ شهادتی صاقلامغله حقوق ضایع ایتک خلق آره سنده معامله نک خللدار اولسنه بادی اولدیغندن شهادتده خیانت ایتمکه انتظام عالمی سکتهدار ایدر جکی طبیعی برشیدر . بناء علیه؛

شهادتی صاقلامانک مضرتی هم اصحاب حقوقه همده عمومه عائد اولدیغندن بحق شهادتی ادا ایدن کیمسه لر عمومی مضرتدن وقایه ایله دکتری کی عهده لرینه ترتب ایدن وظیفه لرینه یولیه ایفا ایتدکلرندن بو آیتده هلا کدن مستثنای قیلنمشدر .

شهادتک انواعی چوق اولدیغه اشارت ایچون شهادت لفظی بو آیتده جمع صیغه سیله وارد اولمشدر . بناء علیه بو مقامده شهادت؛ حقوق عباد حقنده حاکم لر حضورنده اولان شهادتله شامل اولدینی کی کلمه شهادته دخی شامل اولایلیر . بناء علیه؛ مؤمن اولان بر کیمسه نک لسانندن کلمه شهادتی صاقلامامسی لازمدر .

\*\*

واجب تعالی انسانلرک هلا کنه بادی اولان اوصاف مذمومه دن مستثنای اولانلرک اولی نمازه دوام ایدنلر اولدینی کی آخری ده صلاتی محافظه ایدنلر اولدینی بیان ایتک اوزره ﴿وَالَّذِينَ هُمْ عَلَى صَلَاتِهِمْ يُحَافِظُونَ﴾ بیوریور .

[دخی شول کیمسه لر هلا کدن مستثنالدر که آنلر وقت معینده فرض اولان نمازلرینی کمال حضورله ادا و محافظه ایدرلر .]

یعنی؛ آنلر نمازلرینی کمال اهتمام و دقتله ادا ایدرلر دیمکدر .

شوبیان اولونان سکنز صنفک اولنده نمازه دوام ایدنلر و آخرنده نمازی محافظه ایدنلر بیان اولونمشدر که دوامله محافظه بیستده فرق وارددر . زیرا دوام؛ اوقانده هیچ برینی یکیرمکدر . اما محافظه؛ آبرست و مترعورت و قبله نوجه کی شرائط خارجیه سنی و قیام و قرائت و رکوع و سجود کی شرائط داخلیه سنی ایفا ایتک و فضائی که مسجده جماعه دوام ایدرک و نمازک وقتی کلمزدیه اول حاضر لایحه و قلبی وسوسه و ماسوی الله التفامره بوشالتمه وریا و سمعده ایتکاب ایتکدر . حتی نمازدن سوکره اویون و چالنی کی معاصیدن اعراض نمازک محافظه سندن معدوددر .

ابوالسعود افندینک بیانی وجهله شوبیان اولونان سکنز صنفک اختلافی ذاتک اختلافی منزلنده اولدیغه و هر صنفک بر چوقی احکامی جامع اولوب هر بری عظمت شان صاحبی



اولدقلرينه اشارت ايجون هر برنده آری آری تعظیم دلالت ایدن اسم موصول وارد اولمشدرکه هیچ بریسی آخريته تمه قيلندن قيلنما مشدر . زیرا ؛ هر بریسی مستقل حکم صاحبي اولديغندن آخره تبعی یوقدر .

..

واجب تعالی اهل ایمانک اوصافی بیاندن صوکره آنلر ايجون حاضرلاناں لطف الهی بی بیان ایتک اوزره ﴿أُولَئِكَ فِي جَنَّاتٍ مُّكْرَمُونَ﴾ بیوریور .

[ ايشته شو اوصافی حائز اولان جماعت باغچلر ايجنده اکرام اولونورلر . ]  
یعنی ؛ شو صفات کامله ایله متصف اولان ذوات کرام عندالله مقبول اولدقلرندن جتنلر ايجنده انواع کرامتله مکرم واقسام نعمتلرله متعملدر .

ابوالسعود افندیکنک بیانی وجهله شو صفتلرله موصوف اولان کیمسه لرك شانلرینک عالی و مرتبه لرينک یوکسک اولديغنه اشارت ايجون تعظیم دلالت ایدن ( اولئک ) لفظی وارد اولمشدر . چونکه اسم اشارتده قاعده ؛ اشارت اولونان ذاتک حائز اولدینی صفت سبيله حکم آنمقدر . شو حالده اشارت اولونان اهل ایمانک حائز اولدقلری سکز صفت سبيله جتنلرده محترم اولارق قرار ایتک حکمی آلدقلرندن کنديلرینه لازم کن تعظیمه اشارت ايجون ( اولئک ) ذکر اولونمشدر .

خلاصه انسانلری مهلکه یه کوتورن حرص وامل و صبر سزلق کبی صفتلرله هلاک اولانلرک هلاکندن قورتولق ؛ نمازک وقتی کچیرمکسزین ادا ایتک و فقرانک حق اولان زکاتی مالندن آییرمق و مستحقنه اولاشدیرمق و یوم آخرتی تصدیق ایتک واللهمک عذابندن قورقمق و عورت محلی حرامدن محافظه ایتک و امانته و عهدینه رعایت ایتک و حقوق عبادی ضیاعدن محافظه ايجون لازم کن شهادتی ادا ایتک و نمازک لركان و شرائطنه دقت ایدهرک سنت وجه اوزره قيلمق اولدینی وشو صفتلری جامع اولان کیمسه لرك جتنده مکرم و محترم اولاجقلری بو ایتلردن مستفاد اولان فوائد جمله سندندر .

..

واجب تعالی مؤمنلرک حاللرینی بیاندن صوکره کافرلرک بعض احوالی بیان ایتک اوزره ﴿قَالَ الَّذِينَ كَفَرُوا قِبَلَكَ مُمْطِعِينَ﴾ \* عَنْ اليمینِ وَعَنِ الشِّمَالِ عِزِينَ ﴿ بیوریور .

[ یا اکرم الرسل ! نه حال عارض اولدی شول کافرلره که آنلر سرعتله سنک اطرافکی چو یروب متماذیاً سکا نظر ایدر و سنک سوزلریکی دیکلرلر ؛ حالبوکه متنصح اولوب انتفاعده ایتزلر . آنلر صاعنکده وصولکده حلقه طایفیک بر صورتده اجتماع ایدیورلر ؛ ]  
مهمطع ؛ سرعت ابریمی و بویونی اوز ابریمی ، عزین ؛ فرق فرق اولدوق جماعات دیمکدر . فخر رازینک بیانی وجهله ایتک سبب نزولی ؛ مکده کافرلر فرق فرق سرعتله کلیرلر و رسول اللهک اطرافکی چویرلر و بویونلرینی اوزاتارق رسول اللهک کلامی دیکلرلر واستهزا طریقله « اکر رسول اللهک دیدیکی کبی بونلر جتنه کیرلر سه بز آنلردن اول کیررز » دیملری اوزرینه آنلرک بو حاللرینی تصویر ايجون آیت نازل اولمشدر . بوکا نظراً معنای آیت : [ ای حبیب ! نه اولدی شول کافرلره که آنلرک حاللری پک عجیدر . زیرا ؛ آنلر سنک طرفکه سرعتله کلیرلر و کوزلریله سکا توجه ایدرلر و بویونلرینی اوزاتا اوزاتا سنک کلامی دیکلرلر و فرق فرق اطرافکی چویرلر ؛ حالبوکه سوزلریکی قبول ایتهدکلرندن انتفاع ایتزلر ] دیمکدر .

بونلرک شو کللری انتفاع ایتک قصدیله اولمادینی حالده بویله سرعتله کلوب کلام نبوی دیکله مک تعجبه شایان بر حال اولديغنه اشارت ايجون تعمیم دلالت ایدن واستفهام موضوع اولان ( ما ) لفظی وارد اولمشدر .

..

واجب تعالی کافرلرک حاللرینی بیاندن صوکره « جتنه کیررز » دیهرک امیدلری فائده سز بر امید اولدینی بیان ایتک اوزره ﴿أَيُّطْمَعُ كُلُّ امْرِئٍ مِنْهُمْ أَنْ يُدْخَلَ جَنَّةً نَّعِيمٍ﴾ بیوریور .



[ او کافرلردن هر بری نعمت صاحبي اولان جنته کيرمکمی ایستلر ؟ ]  
يعني ؛ کافرلر ایمان ایتمه دکلی حالده نعمت صاحبي اولان جنته هر برلری اعمال  
صالحیه مسارعت ایتمکسزین کيرمکمی امید ایدرلر؟ بوامیدلری فائده سزدر . چونکه ؛  
ایمان اولمادیغی ایچون جنته کيرملری ممنوعدر . اما مؤمنلر ایمان ایدوب ایمانلری اعمال  
صالحه ایله تأیید وتقویه ایتمکدن عمللریک نمره سنی کورمک ایچون جنته کيرلر .  
بناء علیه ؛ کافرلرک « اکر مؤمنلر جنته کيرسه بزدها اول کيررز » دیهرک کندیلری  
مؤمنلره قیاس ایتملری باطلدر . چونکه ؛ اهل کفر اهل ایمانه هیچ بر زمان وبرفرد  
عادل عندده قابل قیاس دکلدر . قابل قیاس اولمایان برشیئی قیاسه جرأتک سفاهتدن باشقه  
برشی اولمادیغه اشارت ایچون جناب حق بوامیدده اولان کافرلرک امیدلری استغفار انطاری  
ایله رد و کندیلری تکدیر ایتمشدر .

..

واجب تعالی کافرلرک بو امیدلری کال شدله رد ایتمک اوزره ﴿ کَلَّا اِنَّا خَلَقْنَاهُمْ مِّمَّا يَعْلَمُونَ ﴾ بیوریور .

[ آنلرک اعتقادی کبی دکلدر . زیرا ؛ بز عظیم الشان آنلری بیلمه دکلی منیدن  
خلق ایتمک . ]

يعني ؛ آنلرک اعتقادلری باطلدر . زیرا آنلر ظن ایتمکلی کبی جنته کیره مزلر .  
چونکه ؛ بز آنلری جنته لایق اولمادیق ولایقی وجه اوزره اجزاسنک ترکیبی بیلمه دکلی  
نطفه دن خلق ایتمککه اونطفه نجاستدن عبارت اولدیغی جهته محل طهارت اولان جنته  
لایق دکلدر . شو حالده اساس خلقت وماده اصلیه اعتباریه جمله انسانلر جنته مناسب  
اولما مقده مساویلدر . لکن انسانلرده عقل کامل صاحبي اولانلر اولاً ایمان وثانیاً  
عبادتله نفسلری تطهیر ایتمک صورتیه جنته لیاقت کسب ایدرلر . بناء علیه ؛ اهل ایمان  
ایمانلری سبیلله دیکرلری اوزرینه ترجیح اولونورلر . اهل کفر ایسه نور ایمانه نفسلری  
تطهیر ایتمه یوب ومعرفت السیه ایله تزین ایتمه دکلی جهته نجاست اصلیه اوزرینه باقی

قالدقلردن جنته ونعمتلرینه استحقاق کسب ایده مزلر . شو حالده کفر اوزره اصرار  
ایتمکجه جنته کيررز امیدلری عبثدن باشقه برشی دکلدر .  
فخر رازینک بیانی وجهله بو آیتک بوندن اولکی آیتلرده بیان اولونان حشره متعلق  
اولان آیتلره مربوط اولمسی محتملدر . بوکا نظراً معنای آیت : [ آنلر بیئی انکار ایتمیلر ،  
لکن بوانکارلری دوغری دکلدر . زیرا ؛ بز آنلری بیلمه دکلی منیدن یاراتدق . بناء علیه ؛  
اومیده اصلا حیات شائبه سی اولمادیغی حالده کوزل بوی و کوزل صورت اوزره بودنیاده  
ناصل خلق ایتمک ایسه آخرتده دخی اوله جه خلق ایده جکمزده شبهه یوقدر ] دیمکدر .  
خلاصه ؛ حالوشان کافرلرک اعتقادلری کبی اولمادیغی وزیرا ؛ آنلر نجاست قیلندن  
اولان منیدن خلق اولونوب ایمان و عبادتله طهارت قبول ایتمه دکلردن جنته لایق اولمادقلری  
بو آیتدن مستفاد اولان فوائد جمله سندندر .

..

واجب تعالی انسانک خلقت اصلیه سنه اشارتله بیغه اشارت ایتمکدن صوکره منکرلری  
اهلاکله آنلردن دها خیرلی ناسی ایجاد ایتمککه قادر اولدیغی بیان ایتمک اوزره  
﴿ فَلَا أُقْسِمُ بِرَبِّ الْمَشَارِقِ وَالْمَغَارِبِ اِنَّا لَقَادِرُونَ \* عَلٰی اَنْ نُبَدِّلَ خَيْرًا مِنْهُمْ  
وَمَا نَحْنُ بِمَسْبُوقِينَ ﴾ بیوریور .

[ آنلرک بیلمه دکلی حقیر برمنیدن بز آنلری خلق ایتمکمز معلوم اولونجه بن کونک  
طوغدیغی وباتدیغی محللرک رب سینه یمین ایدرم که بز آنلری آنلردن دها خیرلی بر قومه  
تبدیل ایتمککه قادرز . حالبوکه آنلرک ظن ایتمکلی کبی بز عاجز دکلز . ]  
يعني ؛ آخرتی انکار ایدن کافرلرک انکارلری ذکر اولونان دلیللره مردود اولونجه  
جمله بیلدیزلرک طوغدیغی وایندیکی محللرک رب سینه یمین ایدرم که بز آنلری اهلاکله آنلردن  
دها خیرلی و ایمانه اصاح و دین اسلامی قبوله دها اوفق کیمسه لری خلق ایتمککه محقق  
قادرز . حالبوکه بو تبدیلی بز مراد ایتمکمزده هیچ کیمسه یه مغلوب اولماز البته مراد  
ایتمکمزی ایشلرز . زیرا اراده مزه کیمسه ممانعت ایده مز .



فخر رازینک بیانی وجهله بو آیتده تبدیل ایله مراد؛ بعضه کافرلر کفرینی ایمانه تبدیل ایله رسولنه خیرلی تابعه میده کفرینک صورتیه اولامی و بوتبدیلده کفار مکه بدلنده الله تعالی نك مهاجرینی وانصاری خلق ایتسیله بالفعل وقوعبولدیغنی بعض مفسرین بیان ایتشلرسه ده بو توجیه اوقدر مقبول دکدر . زیرا آیتده ظاهر اولان ؛ مکه قومی ایمانه دعوت واجابت ایتهدکری صورتده آنلرک تبدیلنه قدرت الهیه نك کافی اولدیغنی بیانله کافرلری تهدید ایتهدکدر .

بو مثللو مقامده (لا) لفظی حکمی تا کبر ایچونه زام اولار و کلمه بکنده هر نه قدر کلام ، نفی صورتنده ایسه ده معنا مثبتدر . یعنی بن یمن ایدرم ، دیمکدر . عربلر نظرنده مشارق ومقاربک شانلری بویوک اولدیغندن مقام تهدیده بونلرک ربسه قسمله وارد اولمشدر . (مسبوقین) (مغلوبین) معناسه اولدیغندن (وما نحن بمسبوقین) دیمک «بز کیمسه یه مغلوب دکلز ، ایسته دیکمزی یاپارز . اراده مزه کیمسه قارشى دوراماز» دیمکدر .

خلاصه ؛ ایمان ایتمین کافرلردن ده خیرلی بر قومی خلقله کافرلری اهلا که جناب حق قادر اولدیغنی وهیچ بر کیمسه یه مغلوب اولمادیغنی بو آیتدن مستفاد اولان فوائد جمله سندندر .

..

واجب تعالی قیامتی انکار ایدن کافرلری اهلا که آنلرک مقامنده ده خیرلی بر قوم خلق ایتمه قادر اولدیغنی بیاندن صوکره رسولنی تسلیه وکفر اوزره عناد ایدن کافرلری نوع آخرله تهدید ایتک اوزره ﴿فَذَرَهُمْ يَخُوضُوا وَيَلْعَبُوا حَتَّىٰ يُلَاقُوا يَوْمَهُمُ الَّذِي يُوْعَدُونَ﴾ بیوریور .

[بز آنلری ده ائی بر قومه تبدیله قادر اولونجه براق سن آنلری یا اکرم الرسل ! دالسونلر باطل سوزلرینه و اویناسونلر ، حق کندیلرینه وعد اولونان کونلرینه اوغرا نیجه یه قدر .] یعنی ؛ ای رسول مکرم ! ترک ایت سن آنلری حاللری اوزرینه . زیرا ؛ نصیحت تاثیر ایتمه یور . بیلدکلرینی ایشله سونلر و بر طاقم افترا ویلان کبی باطل سوزلرینه دالسونلر .

و بزم طرفزدن نازل اولان آیتلره وسائر مفتریاتلریله اویناسونلر شول کونه قدر که او کون آنلره وعد اولونمشدر . او کونه تصادف ایدنجه یه قدر اویناسون و کولسونلر ، او کون کلنجه حقیقی آکلارلر فقط فائده ایتمز .

بو آیتک آیت قتال ایله منسوخ اولدیغنی مرویدر . زیرا ؛ قتال آیتی نازل اولدقدن صوکره کافرلر حاللری اوزرینه ترک اولونمادیلر ، بلکه ایمان ایتمینلر قتل اولوندیلر . بو آیت ؛ قدرت الهیه اوزرینه تفریع اولوندیغنی جهتله کافرلرک یولسز معامله لرندن رسول الله عارض اولان حزن و کدری ازاله ایچون تسلیه در . شو حالده معنای نظم : [حییم ! بزم قدرتمزک آنلری اهلا که کافی اولدیغنی یمنسه تقویه اولونونجه سن تلاش ایتمه ، آنلری حاللری اوزره ترک ایت که آنلر کولسونلر اویناسونلر و بیلدکلرینی ایشله سونلر ، آنلره وعد اولونان کون کلنجه یه قدر . زیرا ؛ او کونده بز آنلرک حسابنی کوروب جزاسنی و بر مکه انتقامنزی آلیرز] دیمکدر .

..

واجب تعالی اولکی آیتده وعد اولوندیغنی بیان اولونان کونی بیان ایتک اوزره ﴿يَوْمَ يُخْرِجُونَ مِنَ الْأَجْدَاثِ سِرَاعًا كَانَهُمْ إِلَىٰ نُصُبٍ يُوفِضُونَ﴾ بیوریور .

[ ذکر ایت ای نبی محترم ! او کونی که او کونده آنلر قبرلردن سرعتله چیقارلر و آنلر سرعتله چیقدقلرنده سن دیرسک که «کان آنلر قارشولرنده دیکلمش بوتلره طوغری کیدیورلر» . ]

یعنی ؛ آنلرک وعد اولوندقلری کون شول کون که او کونده امر الهی اوزرینه اسرافیل طرفندن ایکنجی دفعه اولارق صوره اوفور و لمکله قبرلردن کال سرعتله چیقارلر . کان آنلرک دعوت اولوندقلری طرفه کیدیشلری دنیاده عبادت ایچون نصب ایتمش اولدقلری بوتلری طرفه کیدیشلرینه بکزه ر . چونکه آنلرک دنیاده یا شادانجه عادتلری ؛ درجه لرینک یوکسک اولاجقنه امید ایده رک عبادت ایچون قویدقلری بوتلر طرفه کال سرعتله کیتمک اولدیغندن قبردن چیقوب محشره کیدیشلری عینیه دنیاده کی حاللرینی آکدیرر .



خلاصه ؛ قیامتده محشره کلمک اوزره واقع اولان دعوتہ اجابتده کافرلرک کیدیشی دنیاده عبادت ایچون بوتلری طرفنه کیتدکلرینه بکزه بر کیدیشله کیده جکلری بو آیتدن مستفاد اولان فوائد جمله سنددر .

..

واجب تعالی کافرلرک قیامتده قبرلرندن قالقنجه چاغیرلدقلری طرفه بربرینه مسابقه ایدرجه سنه قوشوشارق کیده جکلرینی بیاندن صوکره اوکونده آنلرک دوچار اولاجقلری سقالتی بیان ایتک اوزره ﴿ خَاشِعَةً أَبْصَارُهُمْ تَرْهَقُهُمْ ذِلَّةٌ ذَٰلِكَ الْيَوْمُ الَّذِي كَانُوا يُوعَدُونَ ﴾ بیوریور .

[ آنلرک کوزلرنده یالوارمق ظاهر اولور وهر طرفلرینی ذل ومسکنت احاطه ایدر . شو حاللر اوکونده جریان ایدرکه اوکون ایله آنلر وعد اولونمشلر ایدی . ]

یعنی ؛ کافرلر قبرلرندن چیقنجه کوزلری ذلیل وهر طرفلرینی خورلق وحقیرلک احاطه ایدر اولدقلری حالده کیدرلر . شو احوالک جریانی شول کونده اولورکه اوکون آنلره وعد اولونمش ایدی .

ذل وحقارت وجودک هر طرفی احاطه ایتدیکی حالده یالکز کوزلرینه اسناد اولونماسنک سبی ؛ ذلیل وحقیر اولماسنک اثری کوزلرده دها زیاده کورولدیکی ایچوندور . ذلک اثری درجه نهاییه واره جفته اشارت ایچون هر طرفی قایموم معنانه اولان ترهق کلمه سی وارد اولمش و اوکونی انکار ایدن کافرلری تکدیر اولق اوزره اوکونک وعد اولونمش برکون اولدینی بیان اولونمشدر .



سوره نوح

مکه مکرمه ده نازل اولان سوره لردندر . یکرمی مکز آیتی جامعدر .

بِسْمِ اللَّهِ الرَّحْمَنِ الرَّحِيمِ

﴿ إِنَّا أَرْسَلْنَا نُوحًا إِلَىٰ قَوْمِهِ أَنْ أَنْذِرْ قَوْمَكَ مِنْ قَبْلِ أَنْ يَأْتِيَهُمْ عَذَابٌ أَلِيمٌ ﴾ [ بز محقق نوح اسمنده اولان پیغمبری کندی قومه ارشاد ایچون کوندردک ودیدک که « آجیدی عذاب قومکه کلمزدن اول سن آنلری کلمی محتمل اولان عذابه قورقوت » . ]

یعنی ؛ نوح علیه السلام قومی طریق توحیددن چیقوب طریق ضلالت وشرکی ارتکاب ایتمکه ارشاده محتاج اولدقلری برزمانده بز عظیم الشان لطف السیمز اولارق ارشاد ایچون نوحی کندی قومه کوندردک ودیدک که « آنلره عذاب طوفان کلمزدن اول سن قومکی قورقوت » . آنلر ارتکاب ایتدکلری شرکدن وسائر کناهرلر واز کچهرک عذابدن خلاص اولسونلر .

واجب تعالی بوندن اولکی سوره ده قیامتک شدتیه قریش مشرکلرینی انذار بیورمشدی . بوسوره نک اولنده دخی حضرت نوحی قومه ارشاد ایچون کوندروب قبول ایتهدکلرینی ونسیلریله کندیلری آره سندره جریان ایدن مباحثاتی وحق قبول ایتهدکارندن طولانی عاقبت هلاک اولدقلرینی بیانه کفار قریشی تهدید ایتدیکی جهته بوسوره نک اولنک بوندن اولکی سوره نک آخیرینه ارتباطی ظاهر در . چونکه ؛ هرایکسی ده انسانلری کناهدن قورقوتمله انصافه دعوت غایه سنه معطوفدر .

بو آیت جلیله حضرت نوحی جناب حقک قومه ارشاد ایچون کوندردیکی خبر عیردیکی کبی قومی ایمان ایتهدکلری صورته آنلره شدتی عذابک کلوب هلاک ایده جکنی دخی خبر ویریور وخبیر ویردیکی کبی واقع اولمش وقوم نوح ده طوفانه هلاک اولمشدر .

..



واجب تعالى حضرت نوحك قومه کوندرلديکني بياندن صوکره قوميله کندی  
آره سنده نه کي معامله جريان ايتديکنه دائر وارد اولان سواله جواب اولاق اوزره  
﴿ قَالَ يَا قَوْمِ إِنِّي لَكُمْ نَذِيرٌ مُّبِينٌ ﴾ بيوريور .

[حضرت نوح قومه خطاباً « ای قوم ! بن سزی محقق آچيقدن قورقويجي يم »  
ديدی .]

يعني ؛ حضرت نوح قومي ارشاد ايجون رسالتله طرف التهيدن قومه کوندريلنجيه  
قومه خطاباً « ای بنم قوم ! اطاعت ايتمه ديككز صورته باشكزه كله جك عذابي  
بيانله بن سزی قورقويجي يم . اكر عصيان ايدرسه كز سزی اهلاک ايدمه جك عذابك كله جكني  
خبر و بر مكله سزی طاعت التهيه دعوت ايدسيورم » ديمكله قومي طريق حقه دعوت باشلادی .

..

واجب تعالى حضرت نوحك قومه ايلك سوزني بياندن صوکره قومه تبليغ بيورديني  
احكامني على طريق الحكايه بيان ايتك اوزره ﴿ أَنْ اَعْبُدُوا اللَّهَ وَاتَّقَوْهُ وَأَطِيعُوا ﴾  
يَغْفِرْ لَكُمْ مِنْ ذُنُوبِكُمْ وَيُخْرِجَكُمْ إِلَى أَجَلٍ مُسَمًّى ﴾ بيوريور .

[ « بنم سزه تكليفم الله عبادت ايدك واللهدن قورقك و امر ونهيده بكا اطاعت  
ايدك كه سزك كناهليکزي الله تعالى مغفرت ايلسون و معين اولان اجلکزه قدر سزك  
اولومکزي تاخير ايتسون » .]

يعني ؛ الله تعالى بن سزه ارشاد ايجون کوندردي وسزه طرف التهيدن تبليغ ايدمه جكم  
احكام شونلدر که آنلرده الله تعالى به عبادت ايتمكلککز واللهمك حرام قيلديني شيلردن  
اجتنابله اللهدن قورققلککز ومأمورات ومنهيات دائر بنم امر ونهيده بكا اطاعت ايتمكلکککزدره .  
اكر شو اوج شينه رعایت ايدر و آنلري قبول ايدرسه كز سزك ايجون بويوك فائده لر وارد .  
بونلره رعایت ايدك كه الله تعالى سزی مغفرت بيورسون و اجلکزي ده معين اولان وقته  
قدر تاخير ايتسون . اكر شو بيان اولونان عبادت و اتقايه و بكا اطاعته رعایت ايتزه كز

کناهليکز مغفرت اولونماز . بناء عليه ؛ آخرت عذابندن قورتولامازسکز وعمریکز  
اجل معينکزه تاخير اولونماز . بناء عليه ؛ دنيا ده هلاکدن قورتولامازسکز .

فخر رازی ونيسابورينک بيانلري وجهله بو آيتده نوح عليه السلامك قومه تبليغاتنده  
بوتون احكام شرعيه موجوددز دنيله بيلور . چونكه عبادتله امر ؛ واجبات ومنهياتك  
صميمينه شامل اولديغي کي افعال قليه دن اولان اعتقاديانه و افعال جوار حدن اولان فروع  
اعمالك صميمينه دخی شاملدر . اتقا ايله امر ايسه حرام و مکروه اولانه شيلرك صميمينه  
شامل اولديغي مهتره زواجر شرعيهك صميمينه شاملدر . شو حلاله عبادت و اتقا ايله  
امر ؛ علم اصولده بيان اولونان احكام خمسة که فرضه ، واجب ، مباح ، ايام ، حرمت  
و کراهتک صميمينه شامل اولديغندن بو ايکي امر جمله احكام شرعيه بي جامع دينمکه  
لايقدر .

بو آيتده اوچنجي امر يعني حضرت نوحك کندينه اطاعتله امری هر نه قدر عبادتله  
امرده داخل ايسده ديگر امرلرك قبولي حضرت نوحه اطاعت ايتمك اولوب ديگر  
امرلري حضرت نوح واسطه سيله تلقی ايدمه بيله جکلردن حضرت نوحه اطاعت آريجه  
ذکر اولونمشدر . شو اوج امره امتثال ايتدککري صورته جناب حق ايکي شئ وعد  
بيورمشدر : برنجيسي ؛ بو اوامره اتقياد ايدرسه کناهليکني مغفرت ايتمكله مغفرت  
آخرتده ضرر اولمير . ايکنجيسي ؛ تاخير ممکن اولانه بر زمانه قدر ايله بيري  
تاخيرله هلاک و مغفرت دنيا ده قورتولمير .

ايشته بو آيتدن فهم اولونديني وجهله قوللرك صلاحی ؛ اوج شئ حاصل اولور ؛  
برنجيسي ؛ الله تعالى به شرك ايتم بوب عبوديت نقطه منتهيات و درام ايتمکدر . ايکنجيسي ؛  
اللهده قورقوب حرام اولانه شيلري ارتطاب ايتمکدر . اوچنجيسي ؛ طرف التهيدنه  
قوللريني ارشاد ايجونه کوندر بيان رسوله کمال صميمينه اطاعت ايتمکدر . احكام شرعيهك  
جمله سنك خلاصه سي همان بوندن عبارت اولديني جهتله نوح عليه السلام هر شيدن اول  
خلاصة البيان : اون بشجي جلد — ۹۴



قومه بو اوج شيله امر بيورمشدر. چونكه؛ قومك صلاحی بو اوج شيله حاصل اولاجندن اول امرده بو اوجی یرینه کتیرمك لازم اولدیغنی قومه تنیه بیورمشدر. شو اوامره امتثال ایتدکری صورتده کناهلرینک هپسنگ عفو اولوناغنه اشارت ایچون هر فردہ دلالت ایدن واستفراقه موضوع اولان (من) لفظی وارد اولمشدر. چونكه؛ نفی دن صوکره (من) لفظنک استفراقه حل اولونمی قواعد عربیه اقتضاسنددر. یاخود (من) بعضه دلالت ایدر. بوکا نظراً ایمان ایدرلرسه کناهلرینک بعضیسی عفو اولونور، دیمکدر. چونكه؛ ایمان ایدرلرسه حال کفرلرنده کچمش اولان کناهلری ایمانلری سبيله عفو اولونور. آنجق ایمان ایتدکدن صوکره ایشله دکری کناهلرینک عفوینه دلالت ایتمز و حال کفرده اولان کناهلری بوتون عمرلرنده اولان کناهلرینک بعضیسی اولدیغنده شبهه یوقدر.

خلاصه؛ الله تعالی به عبادت ایتک و حرام اولان شیردن قاچینمق و ارشاد ایچون طرف السیدن کوندریلن رسوله اطاعت ایتک کناهاک عفوینه و عمرک اجل معینه قدر تأخیرینه سبب اولاجنی بوآیتدن مستفاد اولان فوائد جمله سنددر.

..

واجب تعالی ایمان و اطاعت ایتدکری صورتده وقت معینه قدر اجللرینک تأخیرینی وعد بیوردقن صوکره ایمان ایتدکری صورتده اجللرینک تأخیر اولونمایه جغنی بیان ایتک اوزره ﴿إِنَّ أَجَلَ اللَّهِ إِذَا جَاءَ لَا يُؤَخَّرُ لَوْ كُنْتُمْ تَعْلَمُونَ﴾ بیوریور.

[محقق الله تعالی نک تعین بیوردیگی اجل کلدیکی وقت تأخیر اولونماز، اکر سز بیلمش اولسه ایدیکز امره امتثال ایدردیکز.]

یعنی؛ قوللری ایچون الله تعین بیوردیگی اجل کلدیکی زمان تأخیر اولونماز. اکر سز بیلمش اولسه ایدیکز الله تعین بیوردیگی مهلتدن استفادہ ایتک اوزره درحال امر السی به امتثال ایله ایمان ایدر و لطف السیدن مستفید اولوردیکز. شو حالده لطفندن مستفید اولادیغکز حقیقی بیلمه دیککز دندر.

فخر رازینک و ابوالسعود اقدینک بیانلری وجهله نوح علیه السلام قومنی جهله اصرار ایتدکرندن طولانی تکدیر ایتک اوزره فعلک امتناعه دلالت ایدن (لو) کله سبيله جهللرینی آچیقدن بیان بیورمشدر. چونكه؛ لو کله سبيله (لوتعلمون) یعنی «بیلمش اولسه ایدیکز» دیمک «بیلمز سکز» دیمکدر. بوندن اولکی آیتده اجلک تأخیر اولوناغنی ایمان ایتدکری صورتده اولوب بوآیتده اجلک تأخیر اولونامسی ایمان ایتدکری صورتده مصروف اولدیگی جهتله آیتلر آره سنده تناقض یوقدر. زیرا تناقضده طرفینک جمیع قیوداتده اتفاقلری شرطدر. بوآیتلرده ایسه اجلک تأخیری ایمانه معلقدر و تأخیر اولونامسی ایسه ایمان ایتدکری صورتده معطوفدر. بناء علیه؛ تناقض یوقدر. اجلک معلق اولمی اهل سنتدن بعض علما عننده جائزدر. یعنی قوم نوح ایمان ایدرلرسه مثلاً بیک سنه یاشایه جقلم و اکر ایمان ایتمزلرسه سکز یوز سنه یاشایه جقلم صورتده جناب حقک تقدیر بیورمسی جائزدر. شو حالده معنای آیت: [ای قوم! اکر سز ایمان ایدرسه کز عمریکز اجل معینکز اولان - مثلاً - بیک سنه در و اکر ایمان ایتمزسه کز - مثلاً - سکز یوز سنه یاشایه جقسکز بیکه قدر تأخیر اولونماز] دیمکدر.

..

واجب تعالی نوح علیه السلام قومنه واقع اولان تبلیغنی بیاندن صوکره تبلیغک قومنه تأثیر ایتدیکنی بیانله ربسنه عرضحال ایتدیکنی بیان ایتک اوزره ﴿قَالَ رَبِّ إِنِّي دَعَوْتُ قَوْمِي لَيْلًا وَنَهَارًا فَلَمْ يَزِدْهُمْ دُعَائِي إِلَّا فِرَارًا﴾ بیوریور.

[نوح علیه السلام «ای بنم ربم! قومنی کیجه و کوندوز چاغیردم. بنم آنلری ایمانه دعوتم زیاده ایتدی، آنجق آنلرک فرارینی زیاده ایتدی» دیدی.]

یعنی؛ حضرت نوح قومنی بر جوق زمان ایمانه دعوت ایدوب آنلره هیچ تأثیر ایتدیکجه ایمانلرندن مأیوس اولمی اوزرینه جناب حقه تضرع و نیاز ایدرک عرضحال صورتیه دیدی که «ای بنی تریبه ایله کلمات انسانیه به اولاشدیران ربم! سنک وحیک مقتضاسی



بن قومی هر دورلو زحمتلره قاتلانارک کیجده و کوندوزده وهر زمانده اوصافمقسرین ایمانه و هدایته دعوت ایتدم . فقط بنم دعوتم آنلره هیچ بر فائده ایتدهی ، الا آنلرک اجابتدن قاجارلرینی و کفر و طغیانده اصرارلرینی زیاده ایتدی .  
فخر رازینک بیانی وجهله بو آیت ؛ هر شیک قضاء الهیه و اراده سبحانیه ایله اولدیغنه دلالت ایدر . زیرا ؛ عبدک تشبیه و تدبیری تقدیر الهیه موافق اولمايحه برشی حصول بولیه جعنی بیان ایتمیشدر . چونکه ؛ نوح علیه السلام قومک ایمانی ایچون هر درلو تشبیهاتده و سعی و غیرتده بولوندیغی حالده هیچ بر فائده یی مفید اولمادیغی کبی کیتدکجه ایماندن نفرتلرینی آرتیردی . شو حالده تقدیره موافق اولمايحه عبدک تدبیری هیچ بر ثمره ویرمز . لکن ازلده جناب حقک تقدیری لایزالده عبدک اراده سنی صرف ایدم جکی وجهه اوزره وقوع بولدیغندن عبدک مسئولیتدن قورتولسی لازم کلز . زیرا عبدک فعلی ؛ اراده سنی و اختیاری ایله حاصل اولدیغندن هر زمان عبد فعلندن مسئولدر . تقدیر الهیه عبدک اراده سنی وجهله اولدیغندن عبدی مجبور قیلماز که مسئولیتدن قورتولسون .

..

واجب تعالی حضرت نوحک قومی دعوتنک کیفیتنی بیاندن صوکره پیغمبرک دعوتنه قارشى قومک معامله سنی حکایه طریقیله بیان ایتمک اوزره ﴿وَإِنِّي كُنَّا دَعْوَتُهُمْ لَتَغْفِرَ لَهُمْ جَعَلُوا أَصَابِعَهُمْ فِي آذَانِهِمْ وَاسْتَعْصَمُوا وَثِيَابَهُمْ وَاصْرُوا وَاسْتَكْبَرُوا اسْتِكْبَارًا﴾ بیوریور .

[ یارب ! سنک آنلری مغفرت ایتکلکک ایچون هر نه زمان بن آنلری دعوت ایتدم ایسه آنلر کندی پارمقلرینی کندی قولاقلرینه طیقادیلر والبسه لرینی باشلرینه اورتدیلر و کفرلرنده عناد ایتکله کندیلرینی بویوک عد ایدرجه سته بویوک عد ایتدیلر . ]  
یعنی ؛ حضرت نوح جناب حقه تضرعنده کندینک وظیفه سنی بحق ایفا ایتدیکنی بیاندن صوکره سوزینه شو صورتله دوام ایتدی و دیدی که « یارب ! سنک آنلرک قصورلرینی عفو ایتکلکک ایچون بن آنلری بوقدر اوزون مدته هر نه زمان ایمانه و اطاعته دعوت

ایتدم ایسه آنلر بنم سوزیمی ایشیتمه مک و سرد ایتدیکم دلالتی دیکله مه مک ایچون کندی قولاقلرینه پارمقلرینی طیقارلردی و بونکله ده اکتفا ایتمه رک یوزیمی کورمه مک و سوزیمی هیچ طویماق ایچون البسه لرینی باشلرینه اورتدیلر و آنلر باطل اولان مذهبلرنده اصرارله حق قبولدن کرکی کبی بویونلرینی چکدیلر و کندیلرینی غایت بویوک عد ایتدیلر . حتی کندی اعتقادلرنجه کندیلرینی بویوک کوردکلرندن کوتو سویله دیلر و ضربه قدر جسارت ایتدیلر .

فخر رازینک بیانی وجهله حضرت نوحک دعوتی اوزرینه قومک دوت صورتده مقابلده بولونقلرینه بو آیت دلالت ایدر . برنجیسی ؛ حضرت نوحک سوزینی طویماق ایچونه پارمقلرینی قولاقلرینه طیقاقدر . ایکنجیسی ؛ یوزینی کورمه مک ایچونه البسه لرینی باشلرینه بورومکدر . اوچنجیسی ؛ مذهبلرنده اصرار ایتکمدر . دردنچیسی ؛ صوکره درجه کبر ایتلمکدر .

..

واجب تعالی حضرت نوحک دعوتی اوزرینه قومک معامله لرینی بیاندن صوکره دعوتنک مرتبه لرینی حکایه طریقیله بیان ایتمک اوزره ﴿ثُمَّ إِنِّي دَعْوَتُهُمْ جِهَارًا \* ثُمَّ إِنِّي أَعْلَلْتُ لَهُمْ وَأَمَرَرْتُ لَهُمْ إِسْرَارًا﴾ بیوریور .

[ شو دعوتندن صوکره بن آنلری آشکار اولارق دعوت ایتدم . بوندن صوکره دعوتی آچقده آنلره اعلان ایتدم و کیزلیجه سویله مکله سویله دم . ]  
یعنی ؛ حضرت نوح قومندن بالاده بیان اولونان معامله یی کوردیکی بیاندن صوکره سوزینه شو وجهله دوام ایدم دیدی که « یارب ! سنک امرک وجهه اوزره آنلری کیزلیجه دعوتدن صوکره بن آنلری صوت بالا ایله دعوت ایتدم . صوکره آنلره دعوتی ملاه ناسده دخی اجرا ایتدم و تنها محللرده تأثیری زیاده اولور امیدله کیزلیجه دعوت ایتدم .  
فخر رازینک و ابوالسعود اقدینک بیانلری وجهله (ثم) کله لری دعوتنک مرتبه لرینی



پایه ایچومده . چونکه حضرت نوح برنجی مرده دعوت کیزلیجه نصیحتله باشلامشدر . بوکا قارشی قومندن بوندن اولکی آیتده بیان اولونان درت معامله بی کوردی . صوکره آچقندن دعوتله باشلادی . بونکده تأثیری اولمایچه کیزی وعلنی هرایکی صورته توسل ایتدی . چونکه کیزی نصیحت ؛ تبلیغک اهوئی و قبولده تأثیری زیاده اولانیدر . بوکفایت ایتمه نیجه بر مرتبه شدتلی اولان علانیه باشلادی . آنکده تأثیری کورمه نیجه ده شدتلی اولان کیزی وعلنی صورتلرینه توسل ایتدی .

..

واجب تعالی نوح علیه السلامدن قومه واقع اولان دعوتک مرتبه لرینی بیاندن صوکره اساس اعتباریله تبلیغک نه دن عبارت اولدیغی علی طریق الحکایه بیان ایتک اوزره ﴿ فَقُلْتُ اسْتَغْفِرُوا رَبَّكُمْ إِنَّهُ كَانَ غَفَّارًا ﴾ بیوریور .

[ آنلری حقه دعوت ایدنجه بن آنلره « ربکزدن استغفار ایدک . زیرا ؛ ربکزدن مغفرت ایدیچدر » دیدم . ]

یعنی ؛ کیزی و آشکار دعوتده بن آنلره دیدم که « کناهلریکزدن عفو اولونمسی ربکزدن ایستیهک و کفر واللهمک غیری به عبادت ایتمکدن توبه ایدک واز کچک که ربکزدن مغفرت بیورسون . زیرا ؛ ربکزدن توبه واستغفار ایدنلرک کناهلرینی شدتله مغفرت ایدیچدر . اهل سنت عندنده کفردن باشقه نه قدر بویوک کناه اولسه توبه سز عفو الهمینک تعلق جائزدر . بناء علیه ؛ توبه به مقارن اولان کناهلرک توبه سی قبول اولوندیغی صورتده مغفرت اولوناجنی اولوبتله ثابت اولور .

..

واجب تعالی حضرت نوحک بقیه کلامی بیان ایتک اوزره ﴿ يُرْسِلُ السَّمَاءَ عَلَيْكُمْ مِدْرَارًا ﴾ وَ يُنْذِرُكُمْ بِأَمْوَالٍ وَ بَنِينَ وَ يُجْعَلُ لَكُمْ جَنَّاتٍ وَ يُجْعَلُ لَكُمْ أَنْهَارًا ﴾ بیوریور .

[ سز استغفار ایدک که سزک اوزریکزه بری بری آرقه سنه بویوک دانه لی یاغمورینی کوندرسون و ماللر و اوغلانلر احسان ایتمکه سزه امداد ایتسون . سزک ایچون باغلر و باغچهلر و آقار صولر خلق ایتسون . ]

فخر رازی و خازنک بیسانلری وجهله قوم نوحده واقع اولان قحط اوزرینه نوح علیه السلام آنلره « سز ربکزدن مغفرت ایستیهک و قصوریکزدن عفوینی دیله یک که الله تعالی سزه بربری آرقه سنه بویوک دانه لی رحمتلرینی کوندرسون و سزک آرزو کز وجهله خاتونلریکزدن اوغلانلر طوغورسون و سزه بر چوق ماللر احسان ایتمکه امداد ایتسون و او یاغمورلر سبیلله باغچهلر و نهرلر احسان بیورسون » دیمکه نصیحت ایتدی .

روایت موثوقیه نظر حضرت نوحک قومی اوزون مدت کفر اوزره عناد و اصرار ایتلری اوزرینه جناب حق قرق سنه یاغمورلرینی حبس ایدرک قحطله مبتلا قیلمله ماللری و حیوانلری بوتون هلاک اولدی و قادینلری چو جق کتیرمن اولدیغندن صوک درجه مضایقه به دوچار اولدقلرندن حضرت نوحه مراجعتله شکایتده بولونونجه آنلره ساحه سلامتی و بومضایقه دن قورتولماک چاره سنی تعریف ایتشدر . چونکه بوسوزنده حضرت نوح عبادت و طاعتله اشتغالک ابواب خیرانک آچلمسسه سبب اولدیغی صورت قطعیده بیان ایتشدر . زیرا ؛ بونظمده یاغمورک یاغمسنی و اولاد و اموالک احسان اولونمسی و طبع بشرک آرزو ایتدیکی باغلرک و نهرلرک وجود بولمسی استغفار ایتلرینه تعلیق بیورمشدر . چونکه کفر ؛ خراب عالمه بادی اولدینی کبی ایمانله عبادت و استغفار دنیانک معمور اولمسه و منافع دنیویه نک تأمیننه خادمدر . حضرت عمرک ناسله اوچ کون یاغمور دعاسنه چیقدینی و ناسله برابر استغفار دن باشقه برشیله مشغول اولمادیغی مرویدر . بونک اوزرینه حضور عمرده بولونان بعض اصحاب « یا عمر ! بز بورایه رحمت دعاسنه کلدک سن رحمت دعاسیله مشغول اولمادک » دینجه حضرت عمر رضی الله عنه « بن سمانک یاغمور طمرلریله دعا ایتدم » دیمش و بوآیتی او قومشدر . حضرت حسنک قحطدن و نسلنک آزلغندن و رزقنک طارلغندن شکایت ایدنلرک جمله سنه استغفارله توصیه ایتدیکی و بر جوق شیلرک جمله سنه « استغفارله جواب و یردک » دینلرک ینکنده بوآیتی او قودینی مرویدر . شور و ایتلرک کافه سندن و آیتک معناسندن مستفاد اولان ؛ استغفاره دوام ، جمله احتیاجی دفع ایدر . استغفاره دوام ایدوبده احتیاجدن قورتولما یانلر استغفارک شرائطه رعایت ایتمه ینلردر . چونکه ؛ شرائطنه رعایت اولونمایان و اخلاص بولونمایان استغفاره دوام



یوق مثابه سنده در . بناء علیہ ؛ اخلاصه مقارن اولمایان استغفاره آریجه بر استغفاره محتاجدر . زیرا ؛ شرط برینه رعایت اولونمایان عبادت عندالشرع معتبراولاماز . استغفارله مراد ؛ واجب تعالی دہ قصور بک عفو بی بدیہ و رحمت الہیہی جذب ایدہ بک عبادتہ بولونموی و اللہ تعالی بہ نزل ایدوب بوبوبہ اکلکدر . شو حالده استغفار عین لفظله اولدینی کی سائر عبادتله دخی اولابیلیر .

..

واجب تعالی نوح علیہ السلام قومنی استغفاره دعوت واستغفارك فائده لرینی تفہیم ابتدکی بیاندن صوکره قومك نقصانلرینی بیان خصوصندہ سوبله دیکی سوزلرینی بیان ایتك اوزره ﴿مَالِكُمْ لَا تَزْجُونَ لِلَّهِ وَفَارًا﴾ وَقَدْ خَلَقَكُمْ أَطْوَارًا ﴿ بیوریور .

[ نه اولدی سزه ای قوم ! اللہک بویوکلکینی اعتقاد ایتیمورسکز ؟ حالبوکه اللہ تعالی سزی احوال مختلفه اوزرینه خالق ایتدی . ]

یعنی ؛ حضرت نوح قومه خطاباً کیندکلی یولک فنا اولدینی بیان ایچون آنلره دیدی کہ « ای قوم ! سزه نه کی شی عارض اولدی کہ سز اللہ تعالی نک شانہ لایق بویوکلکینی اعتقاد ایتیمورسکز . حالبوکه اللہک بویوکلکینه سزک ایچون دلیل چوقدر . زیرا ؛ اللہ تعالی سزی برطاقم مختلف حالردن خلق ایتدی کہ اولا طوبراق صوکره اوت و اوندن صوکره غذای حیوانی و صوکره نطفه و بعدہ ات پارچه سی و اتله کیک قاریشیق ودها صوکره شوکوریلن کوزل صورت اوزره انسان اولارق خلق ایتك خالق تعالی نک عظمتنه دلالتده کافی دکی کہ بویوکلکینی تصدیق ایدہ رک ایمان ایتیمورسکز ؟ حالبوکه ایمان و عبادتہ و استغفاره دوام ایتدیککیزده اللہ تعالی انواع نعمتلریله سزی تلطیف ایدہ جکی وعد بیوردینی حالده سز نه اولیورسکز کہ بوجهلردن غافل بولونیورسکز ؟ بوقدر نعمتلره قارش غفلت ایدہ رک اللہک عظمتنی بیلمه مک یا قیشیری ؟ زیرا ؛ اللہ تعالی ذاتنه تعظیم ایدن قوللرینی لایق اولدقلری وجه اوزره تلطیف ایدر . »

فخر رازینک و ابوالسعود افندینک بیانلری وجهله واجب تعالی ایچون عظمت تصور

ایتمه دکلینه بر سبب اولمادیغندن بولوندقلری حاکم سببی انکار ایچون انظاره دلالت ایدن استغفاره انظاره وارد اولمش و ( مالکم ) دیمشدر که « نه اولیور سزه نه کی سبب وار که اللہک عظمتنی دوشونمیورسکز ؟ » دیمکدر . بلکه تعظیمی ایجاب ایدن اسباب موجود اولدینی بیان ضمتندہ مختلف اطواردن خلق اولوندقلری بیان اولونمشدر . ﴿ لا ترجون ﴾ ( لا تعقدون ) معنا سنده در . یعنی « سزه نه اولدی کہ اللہک بویوکلکینی اعتقاد ایتیمورسکز ؟ » دیمکدر . ﴿ اطواراً ﴾ احوال مختلفه دیمکدر . و یا خود اصناف مختلفه معنا سنده در . بوکا نظراً معنای آیت : [ حالبوکه اللہ تعالی سزی اصناف مختلفه اولارق خلق ایتدی کہ هیچ بریکز دیگر بریکزه بکزه من . هر قوم و صنف بر برینه بکزه مه دیکی کی هر شخصده دیگر شخصه بکزه من . هر برینک آری آری بررقیافی واردر . ایشته شواحوالک جمله سی ؛ خلق ایدن خالقک وحدانیتہ و قدرتنه دلالتده کافیدر . بناء علیہ ؛ بونلری کورن و بیلن هر شخصک باشقه دلیلہ باقمسزین در حال ایمان ایتمی واجب ایکن سزه نه اولدی کہ ایمان ایتیمورسکز ؟ ] دیمکدر .

..

واجب تعالی ایمان ایتلرینی ایجاب ایدن دلایل انفسیهی ذکرایتدکن صوکره حضرت نوحک دلایل خارجییه نقل کلام ایتدیکینی علی طریق الحکایه بیان ایتك اوزره ﴿ اَلَمْ تَرَوْا کَيْفَ خَلَقَ اللّٰهُ سَبْعَ سَمٰوٰتٍ طَبَاقًا \* وَجَعَلَ الْقَمَرَ فِیْہِنَّ نُورًا وَجَعَلَ الشَّمْسَ سِرَاجًا \* ﴾ بیوریور .

[ کورمز میسکز اللہ تعالی یدی قات کوکلی قات قات ناصل یاراندی و آنلرک ایچنده آبی ناصل نور قیلدی و کونشی طاله ضیا و بریحی چراغ ناصل قیلدی ؟ ]

یعنی ؛ حضرت نوح قومنی وحدانیتہ دعوت خصوصندہ وحدانیتہ و قدرت قاهره السہیه دلالت ایدن دلایل انفسیهی بیاندن صوکره دلایل آفاقیه نقل کلام ایدہ رک دیدی کہ « ای وحدانیق انکار ایدن کیسه لر ! سز کورمز میسکز کہ اللہ تعالی قدرت کامله سیله بعضیلری بعضیلرینک اوزرنده اولارق یدی قات کوکلی ناصل خلق ایتدی ؟ شو کوریلن



حالات اوزره کوکړک یارادلسی خالقنک واحد حقیقی اولدیغه دلالت ایتدیکی جهته بونی کورن کیمسه نک اژدن مؤثره استدلال طریقله خالقنک ایمان ایتسی لازم ایکن نه ایچون ایمان ایتیمورسکز والله تعالی کوکړک ایچنده قری ضیا ویریجی بر نور قیلدیغی وکونشی کیجه نک قارانیغی کیده ریجی بر چراغ قیلدیغی کورمزیمسکز و بولری ناصل خلق ایتدیکنی دوشونوبده نه دن ایمان ایتمسکز ؟

فخر رازینک بیانی وجهله کوکړک بر برینه مطابق اولسنک معناسی ؛ بر برینه موازی و مساوی اولوب مساوی اولسندن بر برینه تماس ایتسی لازم کله دیکی جهته « سما طبقه طبقه اولونجه ملکر زده ساکن اولورلر » دیهرک سؤال وارد اولماز . چونکه ؛ کوکړ یکدیگریه قارشی محاذیدر ولکن آره لری آچقدر . یعنی آره لرده بوشلق وارددر بر برینک حذاسنده اولمردن یکدیگریه متصل اولسی لازم گلر .

قرک برنجی سماده بولونسی « قرسمواتده » کلامنک صحنده کافی اولدیغندن قرک سمواتدن هر برنده بولونسی لازم کلمز . ( سراجا ) چراغ معناسنه اولدیغندن ضیاسی اولوب ضیا ایسه نوردن قوتلی اولدیغی جهته قره نسبت ضیاسی هوره اولده کونش سراج تشبیه اولونمشدر . نور ضیایه نسبتله ضعیف اولدیغندن شمس نسبت ضیاسی آره اولده قر نور تشبیه اولونمشدر .

..

واجب تعالی وحدانیت دلالت ایدن دلائل آفایه وانفسیه دن بعضیرینی بیاندن صوکره نفوس بشره متعلق اولان بعض دلائلی بیان ایتک اوزره ﴿ وَاللَّهُ أَنْبَتَكُمْ مِنَ الْأَرْضِ نَبَاتًا \* ثُمَّ يُعِيدُكُمْ فِيهَا وَيُخْرِجُكُمْ إِخْرَاجًا ﴾ بیوریور .

[ الله تعالی سزی طوبراقدن بیتیمکه بر غریب صورتده بیتیدی . بوندن صوکره سزی اولدرمکه طوبراغه اعاده ایدرو قیامتده طوبراقدن چیقارمقله بر عجب صورتده چیقاریر . ] یعنی ؛ نوح علیه السلام قومته وحدانیت دلالت ایدن دلیللردن بعضیرینی بیاندن صوکره انسانک ابتداء یارادیلینشده اولان دلیلی واولدکن صوکره دیریه جکفی بیان

ضمننده قومته ایراد ایتش اولدیغی دلیلی بیان وارشا ایچون دیدی که « ای قوم ! سز اللهم وحدانیتی اقرارایدک . زیرا ؛ الله تعالی سزی اولتری بیتیدیکی کبی طوبراقدن بیتیدی وسزده بر طاقم عجائب و غرائب حالات اوزره میدان کلدیکز . شو حالده سزک طوبراقدن بیتیرک معرفت التهمیه و ایمانه قابیلیتی بر انسان اولمکز اللهم بر لکنه بویوک بر دلیل ایکن سزده اولویور که اللهم عظمتی اقرارله وحدانیتنه ایمان ایتیمورسکز ؛ وسزاوت کبی طوبراقدن بیتوب دنیا دمدت عمریکزی اکالدن صوکره مقدر اولان اجلکز کلدیکنده اولدیروب قبریکزه دفن ایتدیرمک صورتیه طوبراغه اعاده ایدر و بوندن صوکره قیامت کنگجه قبریکزدن چیقارر و اعمالکزک جزاسنی ویرر . زیرا ؛ ابتداء سزی ایجاد قادر اولانک تکرار اعاده یه قادر اولاجنی اولویتله ثابت اولور ، دیمکه قومنی انصافه دعوت ایتمشدر .

حضرت نوح شوسوزلریله اولاً وحدانیتک دلیلی بیانه قومنی ایمانه دعوت ایتدیکی کبی ثانیاً آخرته نقل کلام ایدرک ایمان ایتهدکری صورتده مجازات کوره جکفرینی بیانه تهدید ایتمشدر .

..

واجب تعالی حضرت نوحک وحدانیت دایر سرد ایتدیکی دلائلدن بعضیرینی بیاندن صوکره بعض آخری علی طریق الحکایه بیان ایتک اوزره ﴿ وَاللَّهُ جَعَلَ لَكُمْ الْأَرْضَ بِسَاطًا \* لِتَسْلُكُوا مِنْهَا سُبُلًا خِجَا \* ﴾ بیوریور .

[ الله تعالی بر یوزینی سزه دوشک قیلدی ، ارض اوزرنده بول یوللر آچارق اوزرنده یورویه سکز . ]

یعنی ؛ الله تعالی لطف واحسان اولارق ارضی سزه مطیع قیلدی و دوشک کبی اوزرنده یاتار و اوتورورسکز واستحصالی ممکن اولان منفعتی استحصال ایدرسکز وسزک قوللایشکزه آلوریشلی قیلدی که سز آنده بول یوللر آچقله اسباب معیشتکزدده سهولت اوزره ایسته دیککز یرلره کیدوب کله سکز .

بو آیتده یوللرک انسانلر ایچون نعمت اولدیغه اشارت اولدیغی کبی بول یوللر انخاذ ایتک



و آحق ممدوح اولدیغه دخی اشارت واردر . چونکه ؛ یولک واسع اولسی انسانلرک راحتنی تأمینه خادم اولدیغی هر زمان کوریلن شیردندر . بناء علیه ؛ اساس اعتباریله قصبه دن قصبه و کویدن کویه یوللر نعمت اولدیغی کبی او یوللرک کنیش اولسی ده آریجه بر نعمتدر . شو حالده یول اولمایان یرلرده یوللر آحق و طار اولان یرلری بوللا تمق و انسانلرک راحتنی تأمین ایچون یوللرده اولان عارضه لری قالدیرمق انواع منافی جامع اولدیغه بو آیت دلالت ایدر .

خلاصه ؛ الله تعالی نک یر یوزنی بزم ایچون دوشک مثابه سنده قیلمسی و بزم قوللا نیشمزه آلوریشلی اولسی ؛ بزرک ارض اوزرنده واسع یوللر آچوب او واسع یوللردن معیشتیزی تحصیل ایچون کیدوب کلمکلمزه مصروف اولدیغی بو آیتدن مستفاد اولان فوائد جمله سنددر .

..

واجب تعالی حضرت نوحک امتنی ارشاد ایچون چالیشدیغنی و آنک چالیشمسنه رغماً قومه تأثیر ایتمه یوب کفرلرنده اصرار ایتدکیرنی بیاندن صوکره نوح علیه السلامک تکرار مناجاتی حکایه طریقیله بیان ایتک اوزره ﴿ قَالَ نُوحُ رَبِّ إِنَّهُمْ عَصَوْنِي وَاتَّبَعُوا مَنْ لَمْ يَزِدْهُ مَالُهُ وَوَلَدُهُ إِلَّا خَسَارًا ﴾ بیوریور .

[ نوح علیه السلام « ای بنم ربم ! قوم بکا عاصی اولدیلر و شول کیسه لره اتباع ایتدیلر که آنلر مالی و چو جنی کندینه زیاده ایتمز ، آنجق هلاک و ضرر زیاده ایدن کیسه لردر » دیدی . ]

یعنی ؛ نوح علیه السلام قومه وحدانیه دلالت ایدن بر چوق دلیللری بیان ایدوب اطاعتلرندن امیدنی کسنجه ربسنه تضرع طریقیله دی که « ای بنم ربم ! قوم هر تبدیغتمده بکا عصیان ایتدیلر و سوزیمی دیکله مه دیلر و مالی و اولادی چوق اولان رئیسیرینه و بویوک طانیدقیرینه اتباع ایتدیلر که آنلرک ماللری و اولادلری کندیلرینه زیاده ایتدی ، آنجق ضرر و هلاک اوللرینی زیاده ایتدی » دیمکه ربسنه عرض حال ایتدی .

فخر رازینک بیانی وجهله نوح علیه السلام شو مناجاتنده قومنک یالکز الله تعالی به شرکله اکتفا ایتمه یوب بلکه کندیلرینی کفره دعوت ایدن رئیسیرینه اتباع ایتک کبی ایکنجی بر معصیت دخی ارتکاب ایتدکیرنی بیان ایتشددر . مال و اولاد کرچه دنیا نعمتلرندن ایسه ده کافرلرک ماللرینه و چو جوقلرینه استناد ایده رک کفرلرنده عنادلرینه سبب اولدقلرندن حقلرنده عین مضرت اولشلردر . بناء علیه دنیا ده نعمت ؛ آخرتده درجاته سبب اولان شیردر . آخرتده عذاب اولان و یا خود عذابه سبب اولان دنیا نعمتلری نعمتن معدود اولمادیغندن کافرلرک نعمتلرینک حقیقی نعمت صایلمیه جفته بو آیت دلالت ایدر . چونکه ؛ مال و اولاد هر کس حقنده نعمت اولدیغی حالده کافرلر حقنده عین ضرر اولدیغی بیان اولونمشدر .

﴿ وَمَكْرُؤًا مَكَرًا كَبِيرًا ﴾

[ آنلرک بویوکاری غایت بویوک حیللر یاپدیلر . ]

یعنی ، حضرت نوحک قومنک اولولری ضعیف اولانلره ایمان ایتدیرمه مک ایچون بر چوق تزویرات ایجاد ایده رک غایت بویوک حیللره توسل ایتدیلر و حضرت نوحک نصیحتنی دیکله تممه مک صوک درجه چالیشدیلر و نوح علیه السلامک دعوتنه افراد اهلینک اطاعت ایتمه سی ایچون چاره لر دوشوندیلر . حتی ناسک عوام قسمنی حضرت نوحه اذا ایتکه تشویق ایتدیلر . بناء علیه ؛ نوح علیه السلام شوسوزلریله بو حاللرینی بیان بیورمش و جناب حقه شکایت ایتشددر .

..

واجب تعالی یامش اولدقلری حیللرندن بعضیلرینی بیان ایتک اورره ﴿ وَقَالُوا لَا تَذَرُنَّ آلِهَتَكُمْ وَلَا تَذَرُنَّ وَدًّا وَلَا سُوَاعًا وَلَا يَغُوثَ وَيَعُوقَ وَنَسْرًا ﴾ بیوریور .

[ قوم نوحک بویوکاری کندیلرینه تابع اولان اسافل ناسه دیدیلر که « ترک ایتمه یک سزالته معبودلریکیزی و ترک ایتمه یک البته (ود) و (سواع) و (یغوث) و (یعوق) و (نسر) اسمنده اولان بوتلریکیزی . ]



یعنی ، قوم نوحك مال ومنصب واولاد صاحبي اولوب خاطرلی اولانلری عوام ناسه خطاباً « معبودلریکزی حضرت نوحك سوزینه آلدانوبده البته ترك ایتمك . زیرا ؛ سزه هرایلیکی ویرن او معبودلریکزدرد . حضرت نوحك ربسی سزك معبودلریکز کبی دکلدر . باخصوص معبودلریکزك بك بویوکی اولان ( ود ) و ( سواع ) و ( یغوث ) و ( یعوق ) و ( نسر ) البته ترك ایتمك . زیرا ؛ بونلرك جمله سی آباء واجدادیکزدن موروث بویوك معبودلریکزدرد . بونلری ترك ایتك کنديکزی و آباء واجدادیکزی تجهیل ایتمکدر . دیمکه عوام ناسی نوح علیه السلامه اتباعدن منع ایتدیلر و بویوکی حیللرله اسافل ناسی آلداندیلر . فخر رازینك بیانی وجهله قوم نوحك اولولری آلهی عوام ناسه مضاف قیلمق صورتیه آنلره مال ایدرهك قانلری تحریک ایتدیلر و دیدیلر که « بونلر سزك معبودلریکزدرد . بونلری ترك ایتك کنديکزك و بابالریکزك کفرینی قبول ایتمکدر . ایشته قوم نوحك اولولری بویله دیمکه حیللرله ایدیلر و عوام ناسك عصیتلری تحریک ایتدیلر . چونکه ؛ انسانلرك کنديلرینه و کچمشلرینه قصور و نقصان وجهل اسناد ایتك غایت آغیر اولدیغندن بوجرمی اعتراف ایتك مشکل اولدیغی جهته نوح علیه السلامك نصیحتنی قبول ایتدیرمك ایچون بودرلو حیللر دوشوندیلر . فی الحقیقه اولدنبری جاری اولان عادتدن خلقی دوندورمك ده مشکلدرد . چونکه ؛ بعض روایتیه نظراً بوآیتده بیان اولونان بش بوتك اسملری حضرت آدمك اولادلرندن بش ذاتك اسمیدر . آنلر وفات ایدنجه شیطان انسان صورتنده کلدی و « بونلرك صورتلری تصویر ایدرسه کز اونوتمامش اولور و ایسته دیککیز زمانده آنلره باقارسکیز » دیمکه تصویرلری یاپدیردی . بومنوال اوزره آنلره نظرایدرکن مرور زمانله بو عادت عبادته منقلب اولدی . کیتدکجه محبت تزايد ایتدی و صوکره کلنلر هر شیئی آنلردن بکله مکه و حقیقی معبود دیمکه باشلادیلر . حالبوکه بوتلرك هیچ برشیته قادر اولمادقلری جمله عقلاجه مسلم بر حقیقتدر . بویله اولدیغی حالده بو حال هر زمانده جاری اولوب بومسلکی اختیار ایدنلرك هربری برکونا تأویل ایله مشغولدرلر . مثلاً بعضیلری « الله تعالی جسمدر ، عرش اعلاده در ، ملکر اطرافنده صف بسته دورورلر » دیرلر و حاشا اللهك صورتی اولمق اوزره بر بویوك صورت یاپارلر و اطرافنه ملکرلر صورتلری اولمق اوزره بر طاقم کوچوك صورتلر یاپارلر و آنلره عبادتی « الله عبادت عد ایدرلر و ملکرلر صورتلرینه عبادتی » آنلردن

شفاعت ایسته مک صورتیه عبادت ایدرز « دیرلر و بعضیلری ایسه ییلدیزلرك صورتلرینه عبادت ایدرلر . چونکه عالمك سعادت ونحوستلری ییلدیزلردن بیلرلر . والحاصل هر زمانده هرکس کندينه کوره بر تأویل بولارق باطلی ارتکاب ایتك عادت اولدیغندن شریعت محمدیه ذی روح اولان بالجمله مخلوقاتك تصویرینی یایمغی منع ایتمشدرکه سودیکی کیمسه نك فطوغرافنه نظر ایدرهك عادتیه قلب ایتمه سونلر . بناء علیه ؛ شریعت محمدیه پوت اتخاذهنی صورت قطعیه ده منع ایتدیکندن هر نه صورت و مقصده مبنی اولورسه اولسون پوته قارشی عبادت کفر و باطلدر .

شو ذکر اولونان بش پوت اولدنبری کافرلر آره سنده مشهور اولدیغندن عموم آله دن صوکره بونلرك اسملری صراحة ذکر اولونمشدر .

..

واجب تعالی قوم نوحك ایمان ایتمه مک و ایتدیرمه مک اوزره یابدقلری حیللرندن بعضیلری بیاندن صوکره بعض آخری بیان ایتك اوزره ﴿ وَقَدْ أَضَلُّوا كَثِيراً وَلَا تَزِدِ الظَّالِمِينَ إِلَّا ضَلَالًا ﴾ بیوریور .

[ یارب ! محقق آنلر بر جوق کیمسه لری یولدن چیقاردیلر و یارب اظالملره زیاد ایتمه ، الا آزعینقللری زیاد ایت که آنلرك دنیا امورلرنده تدبیرلری ضایع اولسون . ]  
یعنی ؛ قومك رئیسلری عوام ناسك چوقلری حیللرله یولدن چیقاردیلر . شو حالده یارب ! قومدن ظالم اولانلره هیچ برشی زیاد ایتمه ، آنجق آنلرك حیللرلنده ضلاللری زیاد ایت که حیللری ترویج ایدمه سونلر و حیللری کنديلرینك هلاکرینه بادی اولسون ، یاخود مصالح بیتلری تسویه دن عاجز و حیران قالسونلر .

شو معنادن آکلاشیلدیغی وجهله ضلال ایله مراد ؛ امر دینده ضلال اولمایوب دنیا امورنده ضلوردر . بناء علیه ؛ حضرت نوح پیغمبردر . بر پیغمبره امتك ضلالیه دعا یاقیشماز » عنواننده ایراد اولونان سؤال مردوددر . چونکه ضلال ایله مراد ؛



امر دينده ضلال اولسه بو سوال وارد اولاييليردي . لکن امر دنيا ده ضلال مراد اولونجه بو سوال وارد اولماز .  
ابوالسعود افنديک بياني وجهله قوم نوحک ظالم اولدقلريني صراحة بيان و ظلملريني عالمه اعلان ايچون اسم ضمير محلنده اسم ظاهر اولارق (الظالمين) لفظي وارد اولمشدرکه ضلاله دعايه استحقاقلرينه علت واسباب، ظلملري اولديني بيان اولونسون . حضرت نوح برچوق کوتولکلريني ذکر دن حاصل اولان غضبه بناء قومک عليه دعا ايله ختم کلام ايتمشدر . بناء عليه ؛ بر بي طرفدن امر دنيا ده امتي عليه دناک جائز اولديغه بو آيت دلالت ايدر .

خلاصه ؛ حضرت نوح قومک ایمانندن مایوس اولونجه جناب حقه مناجات ایدره رک قومک کندی نه عصیان و عوامک رؤسایه اتباع ایتدکلريني وعوامک ایمان ایتمه لری خصوصنده بویوک حیللر یایدقلريني وجهله حیللرندن اولارق « معبودلریکزی وبالخاصه مشهور بوتلریکزی ترک ایتمه ک » دیدکلری و بوحیللری ايله برچوق کیمسه لری اضلال ایدوب یولدن چیقاردقلری و نوح علیه السلامک ظلملريني تصریح ایدره رک علیه لری نه دعا ایتدیکی بو آیتلردن مستفاد اولان فوائد جمله سنددر .

\*\*

واجب تعالی حضرت نوحک قومندن مایوس اولونجه قومک علیه دعا سنی بیان دن سوکره طوفانه غرق اولوندقلريني بیان ایتمک اوزره ﴿مَّا خَطِيئَتُهُمْ أُعْرِقُوا فَأُدْخِلُوا نَارًا فَلَمْ يَجِدُوا لَهُمْ مِنْ دُونِ اللَّهِ أَنْصَارًا﴾ بیوریور .

[ آنلر ایشله دکلری کناهلرندن طولای طوفانه غرق اولوندیلر و غرق اولونملری عقینده عذاب ادخال اولوندیلر . بناء عليه ؛ آنلر کندیلری ایچون اللهک غیری بر یاردیمچی بولامادیلر . ]

بغنی ؛ قوم نوح آنحق کندی خطالری سببله دنيا ده طوفانه غرق اولوندیلر . بعده قبرده و یاخود آخرته عذاب ادخال اولوندیلر ده کړک طوفانک طغیاننده و کړک نارده

ادخال اولوندقلرنده اللهدن غیری یاردیمچی بولامادیلر . زیرا ؛ آنلرک دنيا ده یاردیمچی طانیدقلری بوتلردن و یاخود اتباع و اعواندن هیچ بریسی ایشلرینه یارامامشدر .  
فخر رازی و خازنک بیانلری وجهله قوم نوحک هلاکته سبب آنحق کندی خطالری اولوب باشقه بر سبب اولمادیغه اشارت ایچون تعیل معنانه اولان (من) لفظيله ضطیه ، اغراق اوزرینه تقدیم اولونمشدر . آنلرک غرق اولوندقلرندن سوکره ادخال اولوندقلری آتش ايله مراد ؛ قبر عذابی اولديغه اشارت ایچون تعقیبه دلالت ایدن ف لفظي وارد اولمشدر . چونکه ف لفظي بهر مهله تعقیبه دلالت ایتدیکندن طوفانه غرقک عقینده قبر واردر . آنلرک غرقيله آخرت آره سنده برچوق مهلت و مسافه اولديني جهته آخرت عذابی مراد اولونمق اوزاقدیر . بناء عليه بو آیت ؛ قبر عذابنه دلالت ایدر .

یاخود ابوالسعود افنديک بیانی وجهله غرق اولوندقلرينك عقینده ادخال اولوندقلری آتش ايله مراد ؛ آخرت عذابیر . زیرا ؛ هر نه قدر آخرتله بونلرک غرق آره سنده برچوق زمان و ارسده آخرت محقق الوقوع اولوب شبهه اولمادیگندن بونلرک غرق اولونملريني تعقیب منزله تنزیل اولونارق آخرت عذابی مراد اولونمق بعید دکلدره عذابه داخل اولدقلريني بیان دن سوکره آنلری عذابدن قورتاره حق بر کیمسه بولامادقلريني بیان ؛ آنلره تعریضدر . چونکه ؛ آنلرک بوتلره عبادتلری یاردیم امیدینه مبنی ایکن عذابک ظهورنده یاردیم ایدمه دکلريني بیان ؛ یاردیم امید ایدنلره تعریض اولديغنده شبهه یوقدره شو حالده آیت جلیله ؛ اللهک غیری بر شیئه اعتماد جائز اولمادیغه و اعتماد ایدنلرک اللهک غیری دن فائده کورمه جکلرینه دلالت ایدر .

\*\*\*

واجب تعالی قوم نوحک غرق اولوندقلريني بیان دن سوکره نوح علیه السلامک قومک هدایتدن حصه لری اولمایوب غرق اولونا جقلريني بیلنجه واقع اولان دعا سنی بیان ایتمک اوزره ﴿وَقَالَ نُوحٌ رَبِّ لَا تَذَرْ عَلَى الْأَرْضِ مِنَ الْكَافِرِينَ دَيَّارًا﴾  
إِنَّكَ إِنْ تَذَرَهُمْ يُضِلُّوا عِبَادَكَ وَلَا يَلِدُوا إِلَّا فَاجِرًا كَفَّارًا﴾ بیوریور .



[ نوح علیه السلام ] ای بنم ربم ! یر یوزنده کافرلردن او یابیجی بر کیمسه ترک ایتمه. زیرا ؛ اگر سن آنلری ترک ایدرسهک آنلر قوللریکی آزدیرلرلر و دوغورماز، آنجق گناهکار و حق ستر ایدیجی کیمسهلر طوغورورلر . ]  
یعنی ؛ نوح علیه السلام قومنه واقع اولان دورلو دورلو نصیحتلرینک تاثیرینی کورمه یجه جناب حقہ التجا ایدرهک « یاربی ! بو کافرلردن یر یوزنده دور ایدوب، کیدوب کلیجی بر فردی ترک ایتمه که یر یوزینی افساد ایتمه سون . چونکه ؛ ترک ایدرسهک بیچاره قوللریکی اضلال و اعتقادلرینی افساد ایدرلر و آنلر آنجق کافر و فاجر طوغورورلر. بناء علیه ؛ بونلری ترک ایتمه که کندیلری کی کافر طوغورماسونلر « دیمکه مناجانده بولوندی و تجربه ایله قومنک حالندن آکلادیغنی عرضحالنه درج ایتدی .  
نوح علیه السلام دشمنلرینک علیهلرینه دعادن صوکره کندینه و دوستلرینه دعایه باشلادی :

﴿ رَبِّ اغْفِرْ لِي وَلِوَالِدَيَّ وَلِمَنْ دَخَلَ بَيْتِي مُؤْمِنًا وَلِلْمُؤْمِنَاتِ ﴾  
[ و « ای بنم ربم ! سن بی و بنم آنامی و بابامی و مؤمن اولدینی حالده بنم اویمه کیرنلری و جمله ارکک و دیشی مؤمنلری یارلیغا » دیمکه ربسنه التجا ایتدی . ]  
یعنی ؛ بی و پدر و والدهمی و بالجله اهل ایمانی مغفرت ایت دیمکدر .  
فخر رازینک بیانی و جمله حضرت نوح قومندن کوردیکی اذابه قارشی آنلرک علیهنه دعا ایتمک آنلردن انتقام آلق کی اولوب بو ایسه نفسک حفظه تبعیت اولدینی جهته اولایی ترک اولدیغندن نفسی ایچون استغفاره لزوم کورمش و استغفار ایتمشدر .  
حضرت نوحک پدری ( ملک ) ، والدهمی ( انوش ) ک قیزی ( سمخا ) در و هر ایکسی ده مؤمنلردر . حضرت نوحله حضرت آدم آره سنده کچمش اولان پدرلری اون عدد ذوات اولوب هیسنکده مؤمن اولدقلری مرویدر .  
حضرت نوحک بیٹی ایله مراد ؛ مسبری و یا کبسی و یا خود هائ معادیر .  
بعضیلرده دینی خانه تشبیه طریقیله بیت ایله مراد ؛ دیندر دیمشلردر . چونکه ؛ ضرردن

حفظ ایتمکده دین اوه بکزمه . ناصل که بر کیمسهک خانه سی او کیمسه بی صیجاقدن و صوئوقدن و بعض آفات و عوارضدن حفظ ایدرسه کذلک بر کیمسهک دینی او کیمسه بی کفر اوزره ترتب ایدن جمله آفادن محافظه ایدر . بوکا نظراً معنای آیت : [ یاربی ! بی و بنم ابوینی و بنم دینه کیرنلرک جمله سنی مغفرت بیور ] دیمکدر .

..

واجب تعالی نوح علیه السلامک مؤمنلره مغفرتله دعاسنی بیاندن صوکره کافرلره هلاکله دعا ایدرهک ختم کلام ایتدیکنی بیان ایتمک اوزره ﴿ وَلَا تَزِدِ الظَّالِمِينَ إِلَّا تَبَارًا ﴾ بیوریور .

[ یاربی ! ظالملره زیاده ایتمه ، الا هلاک زیاده ایت . ]

فخر رازینک بیانی و جمله جناب حق حضرت نوحک دعاسنی قبول بیوروب ظالملرک کلیسفی اهلاک ایتمشدر . آنجق اهل ایمان اولارق کمی به کیرنلر هلاکدن و طوفانندن محفوظ قالمشلردر . هلاکدن قرق سنه اولدنبری قاریلری چوجق طوغورماز اولدقلری جهته هلاک زمانی قوم نوح ایچنده صبیان اولمادیغندن « بویوکلرک قصورلری سببیه کوچوکلر نه ایچون هلاک اولدی ؟ » عنواننده وارد اولان سئوال مندفعدر . اگر بو روایت طوغری دکده هلاک زمانی صبیانک موجود اولدینی فرض اولونورسه صبیانک هلاکی آنالرینک و بابالرینک عذاب تشدد ایتسون ایچوندر . چونکه اولادک هلاکندن متحصل آجینک آنایه و بابایه زیاده تاثیر ایتدیکی جمله جه معلومدر . بونکه برابر صبیانک هلاکی کناهلرندن طولایی عذاب ایچون دکل که بوسئوال وارد اولسون ، بلکه صبیانک اوزمانده هلاک اولملری علی العاده اولوم اولدیغندن بوسئواله محل یوقدر .





مکه مکرمه نازل اولان سوره لر ددر . بکرمی سکر آتی جامعدر .

بِسْمِ اللَّهِ الرَّحْمَنِ الرَّحِيمِ

قُلْ أَوْحَىٰ إِلَيَّ أَنَّهُ اسْتَمَعَ نَفَرٌ مِّنَ الْجِنِّ

[ یا اکرم الرسل ! جندن بر جماعت قرآنی دیکله بوب ایشیتدکری بکا وحی اولوندی « دی . ]

یعنی ؛ ای حییم ! سن قومکه خبر ویرمک صورتیه « طائفة جندن بر جماعت بندن قرآنی ایشیتدکری طرف الهمیدن وحی اولونمق طریقله بکا خبر ویرلدی « دیمکه جنیلرکده شرف صحبتکه مشرف اولدقلری امتکه خبر ویر .  
فخر رازی ونیسابورینک بیانلری وجهله طائفة جنک وجودینی فلاسفه دن بفرقه انکار ایدیورلر سده . دیگر بفرقه ایله بوتون ارباب ادیان جنک وجودینی اقرار ایدرلر وبالخاصه ملت اسلامیه جنک وجودینی اعتقاد ایدرلر واعتقادده ضروریدر . زیرا ؛ قرآن برچوق آیتلرله جنک وجودینی صورت قطعیه خبر ویرمشدر . بناء علیه ؛ انکارایدن کافر اولور .

وجودینی اعتقاد ایدنلر ؛ جنک ماهیتی هوائی حیوانمیدر ویاخود جواهر کشفه ویالطیفه اجسام میدر ؛ بوخصوصه اختلاف ایتدکاری کی اشکاللرنده دخی اختلاف ایتمشدر ولکن اکثر علمانک بیانلری اجسام اولمایدر واوزونلق وقیصلق ویرمکانه بولونمق کی صفتلری حائلدر . بونلرک ؛ بشرک قادر اولامادینی مشقتلی افعال عجیبیه قادر اولمق وکندیلرینه مخصوص علملری بولونمق واشکال مختلفه ایله تشکل ایتمک کی خاصه لری ده موجوددر . بناء علیه ؛ حیوانات سائر صورتنده کورونه بیلرلر وحی چوق دفعه بیلان صورتنده کوروندکری روایت اولونمقدهدر .

بو آیتده بیان اولوندیغه نظراً رسول الله (نخله) موقعنده جنیلری کورمه مشدر .

چونکه ؛ جنیلرک قرآنی ایشیتدکری رسول الله وحی ایله خبر ویرمشدر . اکر رسول الله قرآنی اوقورکن جنیلری کورمش اولسه ایدی وحی ایله خبر ویرمکه حاجت مس ایتزدی . ابن عباس حضرت تلبینک وقعه حقنده کی روایتی ده بویله اولدیغنی تأیید ایتمکدهدر . چونکه ؛ ابن عباسک روایتنه نظراً رسول الله بعض اصحابیه (عکاظ) دنیلن بنایره کیدرکن (نخله) نام محلی تشریف بیوردیغنده اصحابیه برابر صباح نمازی قیلارکن (تهامه) و(حجاز) جهتلرینه مأمور اولارق کلن جنیلردن بفرقه تصادف ایدرک قرآنی ایشیتیلر و دیکلرلر وکندی قوملرینه بوسورمک دیکر آیتلرنده بیان اولوندیغنی وجهله خبر ویرلر . زیرا ؛ طائفة جنک سایه چیمقمده وملکوردن ایشیتدکری خبرلری کاهنلره وسوسه طریقله القا ایتمکده وبوصورتله برچوق افسادانده بولونمقده وناس آرمسنده فتنه یایمقده ایکن افق نبوتدن فخر کائنات طلوع ایدوب هدایت یولاری آچیلمغه باشلانجه جنیلر سمان طرد اولوندیلر وبو طرد اولونملرینک اسبابی آرامق اوزره بولوک بولوک اطراف ارضه طاعیلمشلردی . ایشه بو مقصد اوزرینه تهامه وحجاز جهته کلن فرقه (نخله) دنیلن موضعده صباح نمازنده رسول الله قرآن اوقودیغنی کورونجه « ایشه بزم سمان طرد اولوندیغمزک سببی بودر » دیرلر وکل ادبله اوقونان قرآنی دیکلرلر وایمان ایدرلر و دوزلر کندی قوملرینه خبر ویرلر . بونلرک خبرلری اوزرینه ایمان ایدنلر اولدیغنی کی ایمان ایتمینلرده اولور . ایمان ایدنلری فرقه لره آریلور وایمان ایتمینلرکده یهودی ، نصرانی ، مجوسی و مشرک اولانلری موجوددر . شوخالده دین واعتقاد نقطه سنده جنیلرده عین انسان کیدرلر .

رسول الله جنیلری کورمه مسی بووقعهدهدر . چونکه ؛ ابن مسعود حضرت تلبینک روایتی وجهله طائفده رسول الله قرآن تعلم وقوملرینه تبلیغ ایتمک اوزره جندن بر طائفة کلش قرآنی اوکره تمش ورسول الله طرفندن کندی قوملرینه تعلیم دین ایچون مأمور اولمشلردر . ایشه بوروایته نظراً رسول الله آنلرله صحبت ایتمش ، امر ونهی واحکام دینی اوکره تمش وطرفندن آنلری تبلیغ احکامه مأمور ایتمشدر . ایشه (سوره احقاف) ده اولان آیتلرده بو معنایه شاهددر وبو روایتلرک هر ایکسی ده طوغری اولابیلر . چونکه ؛ راویلر باشقه باشقه اولدقلری کی وقعه لرک موقعلری ده باشقهدر . بناء علیه ؛ روایتلر یکدیگرینه منافی دکلدر ورسول الله انس وجنه مبعوث اولسی ده بونی تأیید وجنیلری



کورمسی ایجاب ایدر . چونکه ؛ رسول اللهك طائفة جنبه نبی اولمی آنلره اختلاط و مکاله و مباحته اتمسی ایجاب ایتدیکندن هر حالده کورمسی لازمکیر . بناء علیه ؛ کوروشمش و صحبت اتمشدر . شو حالده رسول اللهك انسدن اصحابی اولدینی کبی جندن دخی اصحابی واردر .

انسله جنك احکام فقهیه سنه کلنجه ؛ انسانلره جنیلر آره سنده نکاح جریان اتمز . چونکه نکاحك مقتضای ؛ زوجه زوجه بیتده الفت اتمکدر . حالبوکه انسانلره جنیلر بیتده الفت ممکن دکدر . زیرا ؛ ما کولات و مشروباتده و مسکن و مأواده یکدیگریله مناسبات اولمادیغندن امتزاج اولاماز . شو حالده تزوجدن مقصد اولان انسیت اولمادیغنی جهته آره لرنده نکاحك جریاننده بر فائده یوقدر و بناء علیه ؛ نکاحده یوقدر و سیاست شرعیه ده بونی ایجاب ایدر . چونکه ؛ نکاحك جوازی قبول ایدلسه زنادن حامل اولان قادینلر جنلنک جنیدن اولان زوجندن اولدینی ادعا ایدر و بوسبیلله عاله فساد صاحبلمسنه سبب اولور . بناء علیه ؛ بو فسادك دفعی ایچونده نکاح جائز اولماق لازمکیر .

جنیلرک احکامندن بریسی ده آنلره اداء صلاتده جماعت منعقد اولور . حق بر بیابانده بر کیمسه اذانه واقامتله یالکیز اولدینی حالده نماز قیلدقدن صوکره « بن جماعتله نماز قیلدم » دیهرک یمین ایتسه یمیننده یالانجی اولماز . زیرا ؛ اذان واقامتله ادا ایتدیکی ایچون او مکانه بولونان مسلم جنیلرک کندیته اقتدا اتمک احتمالی واردر . شواحتماله بناء « بن جماعتله نماز قیلدم » دیه بیلیر و جنك اقتدا اتمه دیکی معلوم اولوب اولمادیغندن مجهول اوزرینه یمینده حاث اولمقله حکم اولوناماز . کذلک جنك احکامندن بریسی ده دمی محفوظ اولمقدر . بناء علیه ؛ بغیر حق قتل اولونمسی جائز دکدر .

(نخله) ده رسول اللهك قرآنی ایشیدن جنیلرک عددینک یدی و یا طقوز اولمسندن روایتلر و ارایسه ده آیتده عدد دلالت یوقدر . یالکیز جن لفظی اوچله اون آره سنده اولان ذواته اطلاق اولوندیغندن ایشیدنلرک اوچدن آشاغی و اوندن یوقاری اولمادیغنه آیتده دلالت واردر .

واجب تعالی جنیلرک رسول اللهك قرآنی ایشیدنلرک بیاندن صوکره ایشیدنلرک

دونوب مملکتلرینه کلدکلرند کندی قبیله لرله سویله شدکاری سوزلری حکایه ایتک اوزره .  
﴿ فَقَالُوا إِنَّا سَمِعْنَا قُرْآنًا عَجَبًا \* يَهْدِي إِلَى الرُّشْدِ فَآمَنَّا بِهِ وَلَنْ نُشْرِكَ بِرَبِّنَا  
أَدًّا ﴾ بیوریور .

[ قرآنی ایشیدن جنیلر « بز محقق طوغری یوله دلالت ایدر عجب قرآنی ایشیتدک . بناء علیه ؛ بز او قرآنه ایمان ایتدک والته بز بریمزه هیچ بر کیمسه یی شرک ایتمز » دیدیلر . ]  
یعنی ؛ رسول اللهك قرآنی ایشیدن جنیلر دونوب مملکتلرینه کلدکلرند کندی قوملرینه خطاباً وقوع حالی بیان ایتک اوزره دیدیلرکه « بز بر انسان کاملدن انواع حقایق جامع و وحدانیت الهیه یی بیان ایدر اسلوب عجائب اوزره مشتمل و معناسی اولین و آخرینک علملرینی حاوی قرآنی ایشیتدک که او قرآنك اک بویوک خاصه سی ایمان ایدنلری دوغری یوله کوتورمکدر . ایشته بز او قرآنه ایمان ایتدک و بوندن صوکره البته بز بریمزه هیچ بر کیمسه یی شرک اعتقاد ایتمز و شرک ایتمه جکمز عهد و میثاق ایتدک » .

فخر رازینک بیانی وجهله (نخله) ده قرآنی دیکله یی طائفه نك مشرک اولدقلرینه بو آیت دلالت ایدر . زیرا ؛ ایمان ایتدکدن صوکره « بز شرک ایتمه جکمز » دیملری ایماندن اول مشرک اولملرینی بیان اتمکدر . جنیلرک ایمانلرینی بیان ایتک ؛ قریش مشرکلرینه تعریضدر . چونکه جنیلرک کمال تمر دلرله برابر جنس بشردن اولمادقلری حالده قرآنی ایشیدنجه الله تعالی نك کلامی اولدینی ادراکه در حال ایمان ایتلرینی بیان ایتک ؛ قریشک ادراک و انصاف صاحبی اولمادقلرینی بیان اتمکدر . چونکه ؛ قریش رسول اللهك کندی قبیله سندن اولمقله برابر لسان عربده کمال وقوفلری اولدینی حالده ایمان ایتمه ملری آنلرک کمال حماقتلرینه دلالت ایدر .

واجب تعالی جنیلرک شرک ایتمه جکلرینه عهد و یردکلرینی بیاندن صوکره الله تعالی نك شریکدن منزله اولدیغنه دائر سرد ایتدکلری دلیللرینی بیان و حکایه ایتک اوزره ﴿ وَأَنَّهٗ

تَعَالَى جَدُّ رَبِّنَا مَا اتَّخَذَ صَاحِبَةً وَلَا وَلَدًا ﴾ بیوریور .



[ یوجہ اولدی بزم ربمک بویوکلکی که کندینه خاتون وجوجق اتخاذ ایتهدی . ]  
یعنی ؛ بزم ربمک ناصل شریکی اولاییلیر ؛ اولاماز . زیرا ؛ ربمک بویوکلکی هرشیدن  
یو کسک اولدی و بویوکلکی هرشیدن عالی اولونجه شریک اتخاذندن دخی عالی اولاجنی  
آشکارددر . بناء علیه ؛ ربمک کندینه زوجہ و ولد اتخاذ ایتهدی . زیرا بونلری اتخاذ ایتک ؛  
احتیاج اوزره مبتیدر . احتیاج ایسه الله تعالی ده یوقدر . چونکه ؛ غنی مطلقدر .  
فخر رازینک بیانی وجهله جدک معناسی ؛ عظمت و بویوکلکدر . یاخود غنی معناسه در .  
یاخود مفیقت معناسه در . بوکا نظراً معنای آیت : [ الله تعالی نک بویوکلکی هرکسک  
بویوکلکندن و غناسی هرکسک غناسندن و حقیقی هرکسک حقیقتندن یو کسک اولدی ]  
دیمکدر . شو حالده خاتون اتخاذ ایتهدی . زیرا خاتون اتخاذی ؛ آنکه استیناسه احتیاجندن  
تولدا یوبو جناب حقک غناسی ایسه احتیاجک فوقده اولدیغندن خاتون اتخاذینه احتیاجندن  
منزه در . کذلک ولد اتخاذی ؛ نسلك جو غامسی و بقاسی ایچون اولوب جناب حق ایسه  
کندی باقی و غناسی نسله احتیاجک فوقده اولدیغندن نسل اتخاذندن ده منزه در . بناء علیه ؛  
جد لفظندن هانکی معنی مراد اولونسه جناب حقک شریکندن منزله اولدیغنه دلالت ایدر  
و تقریری شویله در : « الله تعالی شریکندن منزه در . زیرا ؛ الله تعالی نک حقیقی سائر  
حقایقندن یو کسکدر . هر ذات که حقیقی سائر حقایقندن یو کسکدر ، اود ذات شریکندن  
منزه در . بناء علیه ؛ الله تعالی شریکندن منزه در » دیمکدر و دیگر معناله نظراً دلیل تقریر ،  
بوموال اوزره در . کذلک ( ما اتخذ صاحبة ولا ولداً ) فقرسی ده ( تعالی جد ربنا )  
جمله سنک دلیلدر و تقریری شویله در : « الله تعالی نک حقیقی جمله حقایقندن یو کسکدر .  
زیرا ؛ الله تعالی احتیاجی اولمادیغندن خاتون و ولد اتخاذ ایتهدی . هر ذات که احتیاجی  
اولمادیغندن خاتون و ولد اتخاذ ایتهدی ، حقیقی هر حقیقتندن یو کسکدر . بناء علیه الله تعالی نک  
حقیقی هر حقیقتندن یو کسکدر » دیمکدر .

واجب تعالی جنیلرک کندی قوملریله سویله شدکری سوزلرندن بعضیلرینی بعدال بیان  
بعض آخری بیان ایتک اوزره ﴿ وَ اَنَّهُ كَانَ يَقُولُ سَفِهًا عَلَى اللَّهِ سَهْطًا ﴾ بیوریور .

[ بزم جاهلربمک الله تعالی اوزرینه حقندن اوزاق اولان شیرلی سویلرلر . ]  
یعنی ؛ جنیلر رسول اللهدن قرآنی ایشیدوب کندی قوملریله کلوب حقیقی خبر  
ویرد کدن سوکره دیدیلرکه « بزم جاهل و سفیه اولانربمک الله تعالی اوزرینه لایق اولماق  
ولد و خاتون اتخاذ ایتسی و شریک و نظیری اولسی کی حقندن غایت اوزاق اولان شیرلی  
سویلرلر . حالبوکه آنلرک سوزلری افترادن عبارت و حقندن اوزاقددر . بناء علیه ؛ آنلرک  
سوزلری حقیقته موافق اولمادیغندن اعتماد ایتهدی لازمدر . ایشته جنیلر قیللریله بویله  
دیمکله نصیحتده بولونمشلرددر .

سفیه ؛ عقلی ففیف اولمه کیمدر . شطط ؛ مریخی تجاوز ایتک و لایق کوزه نمرک  
معناسه در . شو حالده الله تعالی نفی انکار صورتیله حدینی تجاوزده صانعی انکار و تعطیل  
وارددر و اثباتده ایسه حدینی تجاوزده شریک و ولد و خاتون اتخاذی و سائر نواقص اسنادی  
وارددر . بناء علیه ؛ هر ایکی جهندن ده مذموم اولدیغندن جنیلر سفیهرینی شوسوزلریله ذم  
ایتمشلر و دیمشلرددر که « بزم عقلی بوق اولانربمک الله تعالی اوزرینه حدینی تجاوزده بولونمش  
و افترا ایتمشلرددر . »

سفیه ایله مراد لری ؛ ابیسدر و یاخود منهک عنود لربدر . الله تعالی اوزرینه سویله شدکری  
سوزلرک شطط یعنی حدینی تجاوز اولدیغنی و قبوله سانیان اولمادیغنی سویله سنلرک سفیه اولدیغنی  
بیانله اشعار ایتمشلرددر . بوسفیهرلرک سوزلرینک حقندن اوزاق اولدیغنی ، قرآنی ایشیتد کدن  
صوکره بیلمشلرددر ، بلکه قرآنی ایشیتمزدن اول آنلری عقلا بیلیرلر و کندیلرینه اقتدا  
ایدرلردی .

واجب تعالی جنیلرک سفیهرینک حقندن اوزاق اولارق الله تعالی به لایق اولماق  
شیرلر اسناد ایتدکرینی اقرارلرینی حکایه دن سوکره اوسفیهری تقلیدلرند کندیلرینک  
معذور اولمارینی بیان ایتدکرینی حکایه ایتک اوزره ﴿ وَ اَنَا ظَنَّا اَنْ لَّنْ يَقُولَ الْاِنْسُ  
وَ الْجِنُّ عَلَى اللَّهِ كَذِبًا ﴾ بیوریور .



[ بز محقق ظن ایتدک که انس و جن الله تعالى اوزرینه یالان سویله مزلر . ]

یعنی ؛ جندن بر طائفه ( نخله ) موقعنده رسول الله بن قرآنی دیکله یوب ایمان ایدره رک قوملرینه کلدکله رنده الله تعالى تک شریکدن و خاتون و ولد اتخاذا ایتدک کی نقاصدن منزله اولدیغنی و سفیهرینک الله افترای ایتدکله رینی سویله دکن صوکره دیدیلر که « محقق حقیقت بز کشف اولونمازدن اول بز ظن ایدیوردق که انس و جن الله تعالى به افترای ایدره رک یالان سویله مزلر . حالبوکه بز قرآنی ایشیدنجه بیلدک که انس و جن الله تعالى حقنده چوق یالان سویله یوب لایق اولماق شیر اسناد ایدرلر و بزده بیلیمیه رک آنلره اتباع ایدیوردق و بو اتباعمزلر خطا اولدیغنی شیمدی بیلدک . ایشته جنیلر بویه دیمکله کچمش خطالردن اعتذار ایتدک ایشته دیلر و بو خطالری تک جهالتدن نشأت ایتدیکنی و قرآنی ایشیتمکله الله تک وحدانیته استدلال ایدره رک ظلمات جهلدن قورتولوب نور ایمانله منور اولدقلرینی بیانه کچمش قصورلرینه استغفار ایتملردر .

فخر رازینک بیانی وجهله استدلال ایتکمزین مجرد ظنله اعتقادک باطل اولدیغنه بو آیت دلالت ایدر . چونکه ؛ اعتقادیاتده ظن اعتبار یوقدر .

..

واجب تعالی جنیلرک خطالری سفیهرینک سوزلرینی طوغری ظن ایتلردن نشأت ایتدیکنی ذکر ایتدکله رینی بیاندن صوکره انسانلرک التجاسی اوزرینه جنیلرک طغیان ایتدکله رینی حکایه ایتدک اوزره ﴿ وَ أَنَّهُ كَانَ رِجَالٌ مِنَ الْإِنسِ يَعُوذُونَ بِرِجَالٍ مِنَ الْجِنِّ فَزَادُوهُمْ رَهَقًا ﴾ بیوریور .

[ انسانلردن بر قاچ رجل جندن بر قاچ رجله التجا ایتلری اوزرینه جنیلر انسانلره طغیان ایتدیلر و قورقورلرینی آرتیردیلر . ]

یعنی ؛ زمان جاهلیه ده انسانلر مسافرتله بر تنها محله قوندقلرنده « بز بو وادیده بولونان طائفه جنک بو یوکنه و اولوسنه التجا ایدرز » دیرلردی که او محله بولونان جنیلرک کنجلی و سفیهری آنلره اذا ایتسون . حالبوکه چوق کره او محله بولونان جنیلرک

کبری آرتار و التجا ایدن انسانلری قورقوتیلر و بو وسیله ایله انسانلره ظلم و تعدی ایدرلردی . ایشته شو قرآنی ایشیتمکله ایمان ایدن طائفه کندی قوملرینی ذم ایچون بونی حکایه ایدوب دیمشلدی که « انسانلردن بعض رجال جنیلردن بعض رجالک آمانه داخل اولوب صیغیندقلرنده جنیلر کبر و عنادلرینی آرتیردیلر .

انسانلرک هر وقت الله تعالی به التجا ایتسی لازم ایکن مخلوقاته التجا ایتدکله رینی ایچون الله تعالی آنلری جنیلرک کبر و عظمتلری و ظلم و تعدیلری آلتنده ازمشدر . بناء علیه انسانلر ایچون وظیفه ؛ هر زمان الله تعالی به التجا ایتدکله رینی ، یوقسه بر طاقم عاجز مخلوقاته التجا ایتدک هر زمان ذاتی موجبدر .

..

واجب تعالی جنیلره التجا ایدنلره قارشی کبر و عظمتلرینی آرتیردقلرینی بیاندن صوکره بو کبرک سببی حکایه طریقله بیان ایتدک اوزره ﴿ وَأَنَّهُمْ ظَنُّوا كَمَا ظَنَنْتُمْ أَن لَّنْ يَنْبَغْتَ اللَّهُ أَحَدًا ﴾ بیوریور .

[ و اوتکبر ایدن جنیلر دیرلر که « ای انسانلر ؛ سزک ظن ایتدیکلر کی بزیم جاهلیمزده الله تعالی انس و جندن هیچ بر فردی قبردن قالدیرماز ظن ایدرلردی . » ]

یعنی ؛ طائفه جنده انسانلر کی الله تعالی هیچ بر کیمسه بی اولدکدن صوکره دیرلتوب قبردن قالدیرماز اعتقادنده بولونورلر و بناء علیه ؛ کبر و طغیانلرینی آرتیرلردی . فخر رازینک بیانی وجهله بو آیت انسانلر کی جنیلرکده بر چوق فرقه لری اولدیغنه دلالت ایدر . زیرا ؛ انسانلرده اولدیغنی کی جنیلرده دخی آخرتی انکار ایدنلر بولوندیغنی آیت بیان بیوریور . شو حالده آنلرده ده یهودی ، نصرانی ، مجوسی ، مشرک و مؤمن فرقه لری موجوددر .

..

واجب تعالی جنیلرک سوزلردن بعضیلرینی بیاندن صوکره بعض آخری بیان و حکایه ایتدک اوزره ﴿ وَأَنَّا لَمَسْنَا السَّمَاءَ فَوَجَدْنَاهَا مُلِئَتْ حَرًا سَدِيدًا ﴾ بیوریور .



[ « بز محقق سہای اُلزله طوندق ، فقط اوسہای بز قوتلی بکجیلرله طولش بولدق و آتش صاجیلور کوردک » . ]

یعنی ؛ رسول اللہدن قرآنی ایشیدہ رک کلوب قوملرینہ خبر ویرن جنیلر انہای کلاملرندہ دیدیلر کہ « بز عادت سابقہ من و جہلہ ملکک رک کلاملرینی ایشیتمک اوزرہ کوکہ چیققدق و اُلزله طوقوندق و بولدق کہ سہاقوتلی بکجیلرله طولش و آتش پارچہلرینی بزہ صاووزتمقلہ بزنی سہادن طرد ایدیورلر » .

مس ؛ اساس اعتباریلہ طوقومسہ معناسہ ايسہدہ بو مقامدہ آرامسہ معناسہ اولاییلیر . چونکہ ؛ جنیلر سہایہ ملکک ردن سوز آرامق و دیکلہ مک ایچون کیدرلر و ایشیتدکلرینی یر یوزینی افساد ایچون کاهنلرہ خبر ویرلردی . رسول اللہک طلوعندن صوکرہ یوقارودہ بیان اولوندینی و جہلہ سہادن منع اولونمشلردی . بوآیتدہ سہایہ چیققدن منع اولوندکلرینی کندیلری خبر ویریورلر . شو حالده بوآیت ؛ باطلہ سعی ایدنلرک عاقبت مردود اولاجقلرینہ دلالت ایدر .

\*\*

واجب تعالی جنیلرک سہادن طرد اولوندکلرینہ دائر سوزلرینی حکایہ دن صوکرہ سہادن ملکک رک کلامنی ناصل ایشیتدکلرینہ دائر سوزلرینی حکایہ ایتک اوزرہ ﴿وَأَنَّا كُنَّا نَقْعُدُ مِنْهَا مَقَاعِدَ لِلسَّمْعِ فَمَنْ يَسْمَعُ الْآنَ يَجِدْ لَهُ سِهَابًا رَصَدًا﴾ بیوریور .

[ بز بوندن اول سہادن خبر ایشیتمک ایچون بر قاج موقعدہ اوتوروردق . شیمدی ایسہ ایشیتمک ایستہین کندی ایچون حاضر لائمش کوزہ یجی ییلدیزلری بولورواویلدیزلرله طرد اولونور . ]

یعنی ؛ بز « قرآنک نزولندن اول سہادن اوتورمغه مناسب اولان بعض محللرہ اوتورور اهل اسمانک خبرلرینی دیکلرک . شیمدی ایسہ ایشیتمک ایچون سہایہ کیدن کندی ایچون حاضر لائمش زجم ییلدیزلرینی بولور . بناء علیہ ؛ بوندن صوکرہ سہایہ

چیقوب خبر کتیرمک هیچ کیمسہنک حدی دکلدر . چونکہ ؛ بویله نیت فاسدہ ایله سہایہ کیم چیقارسہ کال حقارتلہ رد اولوناجنی محققدر ، دیمکله وقوعاتی بیان ایتدیلر . (سہاباً) ییلدیز (رصداً) کوزہ تمک معناسہ در . چونکہ ؛ ییلدیزلری آتمق ایچون ملکک جنیلری کوزہ تیرلر . شیطانلرہ زجم اولونان ییلدیزلرک بزیمزک بعثندن اول موجود اولوب اولسادیفنه دائر اختلاف موجود ايسہدہ فخر رازی و نيسابورینک ییلانلری و جہلہ اصح اولان موجود اولسیدر . لکن بزیمزہ حرمت اولق اوزرہ بعث اولوندقندن صوکرہ عالی افساد ضمنتدہ سہایہ چیقمنی عادت ایدنلری طرد ایتک ایچون ییلدیزلرک عددی چوغالمشدر . چونکہ ؛ بو آیتدن اولکی آیتدہ جنیلر « بز سہای طولو بولدق » دیملری اولدن کوردیکمز و ییلدیکمز کی دکل بزہ آتیلان ییلدیزلر چوغالمشدر ، دیمک اولدیفندن اولدن او ییلدیزلرک بولونوب آنجق آز اولدیفنه دلالت ایدر . رسول اللہہ تخصیص ، زمانندہ شدتلہ منع اولوندینی ایچوندر ، یوقسہ اونوع ییلدیزلر اولدن موجود اولمادیقندن دکلدر .

\*\*

واجب تعالی اولکندن زیادہ واقع اولان زجرک سببی بزیمزک بعث اولوندیقنی بولدکلرینی بیاندن صوکرہ شوبعثک ناس حقندہ نہ کی تأثیری اولاجقنه دائر مباحثہ لرینی حکایہ ایتک اوزرہ ﴿وَأَنَّا لَا نَدْرِي أَشَرُّ أُرِيدَ يَمْنٌ فِي الْأَرْضِ أَمْ أَرَادَ بِهِمْ رَبُّهُمْ رَشَدًا﴾ بیوریور .

[ بز ییلدیزک یر یوزندہ اولان کیمسہلر حقندہ بر بلایمراد اولوندی ، یوقسہ ربلری آنلر ایچون خیرمی مراد ایتدی ؟ ]

یعنی ؛ « بز لرک اولکندن زیادہ سہادن طرد اولونمقلغمزک سببی ؛ حضرت محمدک بعث اولونمشیدر . شو حالده بز ییلدیزلرک یر یوزندہ اولان کیمسہلر ایمان ایتدہ کلرندن طولانی کچمش امتلرکی حقلرندہ مهلک برشی می اولاجق ، یوقسہ ایمان ایدوبدہ حقلرندہ خیر محضی اولاجق ؛ شو جهتلر بزجه معلوم دکلدر ، دیدیلر و یاخود معنای آیت : [ بزنی سہادن منع ایتک یر یوزندہ اولانلرہ شرمیدر یوقسہ خیرمیدر ؟ بز ییلدیزلر ] دیمکدر .



بومثللو سوزلر انسانلرک محاوره لرنده دخی اولور . مثلاً برحادثه وقوعنده « بو حادثه نك آلتندن نه چيقاجق؟ عجباً خيرى وار يوقسه شرمى وار؟ » دینور . ايشته بومثللو محاوره نك عينيله جنيلرده دخی اولديغى جناب حق بيان بيورمشدر .

..

واجب تعالى جنيلرک کندیلرنده مؤمن اولان واولمايان اولديغى بيان ايتدکلى حكايه ايتمک اوزره ﴿وَاَنَا مِنَ الصّٰلِحِيْنَ وَمِمَّا دُوْنَ ذٰلِكَ كُنَّا طَرِائِقَ قَدَدَا﴾ بيوربيور . [ « بزدن برطاقم صالح مؤمنلر وار وبرطاقم آنلرک غيريلرى ده واردر . چونکه ؛ بز برطاقم مختلف فرقلر اولدق » . ]

يعنى ؛ جنيلر محاوره لرنده ديديلرکه « بزدن برطاقم ابي ايشلى مؤمن کامللر واردرکه آنلر ايشيتدکلى خبرلره اصلاً يالان قاريشديرمازلر وبونلرک غيرى برطاقم کوتو ايشلى کيمسه لر واردرکه آنلر ايشيتدکلى خبرلره برچوق يالان قاريشديرر وطلى افساديدرلر . بناء عليه ؛ بز مختلف مذهب صاحبلرى اولدق » . حق جنيلرده مؤمن وکافر اولدينى کي مؤمن اولانلرنده دخی اهل سنت ، رافض ، خوارج ، معتزله وسائر فرقلر موجوددر و او فرقلرک موجود اولديغنه بوآيتده اشارت واردر . چونکه ؛ ( قَدَدَا ) تفرقه معناسنه اولديغندن طرائق ؛ مذاهب معناسنه اولونجه مذاهب متفرقه صاحبي اولدقلىرى بيان ايتمشلردر .

..

واجب تعالى قرآنک نزولى اوزرينه جنيلرک حقيقى کشف ايتدکلى بيان صوکره . اللهم قدرتى حقنده اعتقادلىرى بيان ايتمک اوزره ﴿وَاَنَا ظَنَنَّا اَنْ لَّنْ نُّعْجِزَ اللّٰهَ فِي الْاَرْضِ وَلَنْ نُّعْجِزَهُ هَرَبًا﴾ بيوربيور .

[ « البته الله تعالى يى ر يوزنده عاجز قيلاماديغى محقق بز بيلدک . البته قاچوب قورتولمقله دخی اللهى عاجز قيلامايز » . ]

يعنى ؛ بز شريعت مجديه نك اساسى اولان قرآنک حقيقى کشف ايتدکدن صوکره فنا اولان حالريمزى ترک ايتدک . زیرا ؛ بز بيلدک که الله تعالى هر درلو انتقامه قادر اولديغندن يى يوزنده اولاجق انتقامک هيچ بريسنده بز الله تعالى يى عاجز قيلامايز . بناء عليه ؛ کوتو فعللرک جزاسنى ويرر وانتقامى آليز وبز قهر السهيدن فرار ايتمکه قورتولوب البته اللهى عاجز قيلامايز . چونکه ؛ جمله امکنه قدرة الله نسبتله مساويدر . شو حالده هر زويه فرار ايدرسه ک اللهم قدرتى او محله حاضر اولديغندن قورتولش بوقدر .

..

واجب تعالى جنيلرک قدرة اللهى تصديق وقاچمقله غضب السهيدن قورتولاميه جقلرى اعتقاد ايتدکلى بيان صوکره ايمان ايتدکلى حكايه طريقيله بيان ايتمک اوزره ﴿وَاَنَا لِمَا سَمِعْنَا الْهُدٰى اٰمَنَّا بِهٖ فَمَنْ يُؤْمِنْ بِرَبِّهٖ فَلَا يَخَافُ بَخْسًا وَلَا رَهَقًا﴾ بيوربيور .

[ « وقتا که بز محقق عين هدايت اولان قرآنى ايشيتدک ايسه او قرآنه بز ايمان ايتدک . شول کيمسه که قرآن واسطه سيله ربسنه ايمان ايتدى . او کيمسه اجرينک نقصان اولسندن قورقاز وهيچ برکونا ظلمدن قورقوسى اولماز » . ]

يعنى ؛ بز حضرت محمدن ايشيدنجه قرآنه ايمان ايتدک . حال بويله اولونجه ربسنه ايمان ايدن کيمسه هدايتى بولدينى ايچون عملنک اجرى نقصان اولسندن و کندينه ظلم اولمقله ذل ومسکنت هر طرفى احاطه ايتمسندن قورقاز . زیرا ؛ ايمان ايدن کيمسه قرآنک امرى وجهله کرک کندى نفسنده و کرک غيريلرده عدالتى اجرا ايتديکندن برکيمسه نك حقى نقصان ويرمز که اجرى نقصان اولسون وبر کيمسه يى ظلمله ذليل قيلماز که کندينک ذلله احاطه اولونماسندن قورقسون ، هيچ بريسى اولماز . چونکه ؛ « هر کس سردىکي دوشکه اوتورور » فحواسنجه برکيمسه نك حقى نقصان ويرمه ينک حقنده نقصان اولمادىنى کي ظلم ايتمين کيمسه يه ظلم دخی اولماز .

( بخساً ) برشيده نقصانه و ( رَهَقًا ) انسانى احاطه ايرمى ظلم معناسنه اولديغندن



« قرآنه ایمان ایدن نه اجرینک نقصان اولمندن ونه ده کندیکنک ظلم اولونمندن قورقوسی اولور » دیمکدر .

واجب تعالی جنلردن بعضیلرینک ایمان ایتدکارینی بیاندن سوکره آنلردن مسلم اولانلر اولدینی کبی اسلامدن اعراض ایدنلر اولدینی ده حکایه طریقیله بیان اتمک اوزره ﴿ وَآثَامِنَا الْمُسْلِمُونَ وَمِنَّا الْقَاسِطُونَ فَمَنْ أَسْلَمَ فَأُولَئِكَ تَحَرَّوْا رَشَدًا ﴾ بیوریور .

[ ویزدن برجامت مسلملردن و برجامت ده اسلامدن اعراض ایدیجیلردن . ایمدی اسلام اولان کیمسه لر طوغری بولی آرادیلر . ]

یعنی ؛ بزدن بر قسم وار که آنلر تماماً حکم الهی به مطیع و منقاددرلر ، آنلر قرآنه ایمان ایتدکلرندن قرآنک بوتون اوامر و نواهینه بو یون اتمکله هر امورلرینی کتسابه تطبیقه عدالت ایدرلر و بزدن بر قسم دخی وار که آنلر قرآنه ایمان اتمه دکلرندن جلده عدالتدن چیقمقله ظالمدرلر . حال بویه اولونجه ایشه شو اسلامه مشرف اولان کیمسه لر دوغری بول آرادیلر و بولدیلر . بناء علیه ؛ مقصدلرینه نائل اولدیلر . بو مقصد نائل اولانلرک درجه لری بویوک اولدینه اشارت ایچون ( رشدا ) لفظی تعظیبه دلالت ایدن نوبه ایله وارد اولمشدر .

واجب تعالی جنلرک کندیلرینی ایکی قسمه تفریق ایتدکارینی بیاندن سوکره کافر اولانلری ذم اتمک اوزره ﴿ وَأَمَّا الْقَاسِطُونَ فَكَانُوا لِجَهَنَّمَ حَطَبًا ﴾ بیوریور . [ اما کناه ایشله یئلر جهنمه اودون اولورلر . ]

یعنی ؛ انسانلر کبی جنلردن کافر اولانلر جهنمک اودونی اولارق یانارلر . فخر رازینک بیانی وجهله جنلر هر نه قدر آتشدن خلق اولومشلر ایشه ده کیفیئلری دیکشیدیکندن آتش حالی قالمادینی جهته آتشله معذب اوللرینه ماده اصلیه لری مانع

اولاماز . بناء علیه ؛ « آتشدن خلق اولونان آتشله معذب اولونماز » عنواننده ایراد اولونان سؤال مردوددر . زیرا ؛ آتشدن خلق اولومشلر ایشه ده آتش حالنده قالماملردر . بونکله برابر آتشله آتشله عذاب اتمک جناب حق قادردر . شو حالده جناب حق قدرت کامله نه اعتقاد ایدن کیمسه بوکی اعتراضه جرأت ایتمز .

واجب تعالی رسول الله وحی اولونان احکامدن بعضیلرینی بیاندن وجنلرک کلامی حکایه دن سوکره وحی اولونان احکامدن بعض آخری بیان اتمک اوزره ﴿ وَأَنْ لَّوِ اسْتَقَامُوا عَلَى الطَّرِيقَةِ لَأَسْقَيْنَهُمْ مَاءً غَدَقًا ﴾ لَنَفْسِهِمْ فِيهِ ﴿ بیوریور .

[ یا اکرم الرسل ! سن اتمکله خبر ویر دی که « اگر انسانلر دوغری بول اوزرنده دوغری طورسلر البته بز آنلری امتحان ایچون آنلره طائلی صو ایچیررز » . ]

یعنی ؛ حال و شان شویله در که انس و جن ایشلرینی و سوزلرینی شریعت تطبیق ایده رک عدالت اوزره حرکت و طریق مستقیم اوزرینه استقامت ایتسلر آنلری غایت طائلی یاغموور صولریله صولارز و او صو سایه سنده آنلرک رزقی بول ویرر و رفاه و سعادتله یاشاتیر و بو نعمتلرک شکرینی ادا ایدوب اتمه مک خصوصنده او صو حقنده آنلری امتحان ایدرز و بو نعمتلر ؛ آنلره امتحان حکمتنه میندر .

( غدقا ) فخر رازینک بیانی وجهله رحمتنه حاصل اولره طائلی صو یاخود منفعت و ضیرات و بول رزقده . شو حالده انس و جن شریعت اوزره استقامت ایتمش اولسلر بز آنلری منافع کثیره و بول رزقله مرزوق ایدر و انواع خیراتی آنلره ایصال ایدرز که بز آنلره امتحان معامله سی یاپارز . باقالم آنلر او نعمتلره شکر ایدرلری ؟

بو مقامده بحث ، جنلرده اولدینی ایچون استقامت جنه راجعدر . یاغور طائلی صو ایله انتفاع ایده جک انسانلر اولدینی ایچون هر نه قدر انسان کچه مش ایشه ده حالاً انسان معلوم اولدینی جهته ضمیرک انسانه راجع اولماسی جائز اولدیغندن استقامت ایله مراد ؛ انسانلرک استقامتی دینش ایشه ده اصح اولان هر ایکیمسه ده شامل اولمدر و عقله و نقله خلاصه البیان : اون بشنجی جلد - ۹۶



موافق اولان ده بودر . زیرا ؛ استقامتله هر ایکی طائفه مأمورد و آیتده جناب حق بول رزق ویره جگنی استقامته تعلیق بیوردینی کی بول رزقه هر ایکی طائفهده محتاجدر . بناء علیه ؛ طائفهدن برینه تخصیصده فائده یوقدر . بلکه فائده ؛ بول رزقه علت اولان استقامتله جملهسی مکلف اولدینی کی حکمکده جملهیه شامل اولسنددر .  
عادت الهیه ؛ نعمتی احسان ایتدیکی هر قولی او نعمتک شکرینی ادا ایتمکله مکلف وهر نعمت صاحبی نائل اولدینی انعمتله امتحان ایتک اولدیغه اشارت ایچون آیتک آخرنده امتحان ایده جگنی بیان وهر نعمتک و بول رزقک و کوزل یا شامانک اساسی صو اولدیغه اشارت ایچون واجب تعالی استقامته طائی صو ویره جگنی بیانله تشویق بیورمشدر .  
خلاصه ؛ استقامتک بول رزقه و چوق یا غموره و انواع خیراته سبب اولاجنی وهر نعمته شکر ایتک لازم اولدیغندن نعمته قارشی جناب حقک قوللرینه امتحان معاملهسی یابدینی بو آیتدن مستفاد اولان فوائد جملهسنددر .

..

واجب تعالی استقامتک بول رزقه سبب اولدیغنی بیاندن صوکره استقامتک اساسی اولان ذکرین اعراض ایدنلری جهنمه ادخال ایده جگنی بیان ایتک اوزره ﴿وَمَنْ يُعْرِضْ عَنْ ذِكْرِ رَبِّهِ يَسْأَلْهُ عَذَابًا صَعَدًا﴾ بیوریور .

[ هر کیمسه که ربسنگ ذکرین یوز چویرر، ربسی آنی شدتلی عذابه کوتورور . ]  
یعنی ؛ بر کیمسه که ربسنگ عبادتدن یوز چویردی قاچدی . ربسی او کیمسه بی شدتلی عذابه ادخال ایدر که او عذاب جمله عذابلردن یوکسک و معذب اولان کیمسه اوزرینه غالبدر .  
( صعداً ) عالی و غالب و یوکسک معناسنددر . ذکرله مراد ؛ عبادت و طاعتدر .  
بناء علیه ؛ عبادت الهیهدن اعراض ایدنلره واقع اولاجق عذابک شدتنه اشارت ایچون بو مقامده واجب تعالی عذابی علویت و غلبه معناسنه اولان صعودله توصیف بیورمشدر .  
یعنی ؛ بر عذابه معذب اولونورلر که او عذابده اصلاً راحت کورمز لر و دائماً شدتی تزیاید ایدر ، دیمکدر . باضرب ابن عباسدن مروی اولارق فخر رازینک بیانی وجهله ( صعداً )

جهنمه بر طاعنر که عذابک شدتلی اولسنی مراد ایتدیکی کیمسه بی جناب حق اوطاغه سوق ایدر . چونکه ؛ آتشله عذاب اولدینی کی اوطاغه اینوب چیققدده آریجه بر عذابدر .

..

واجب تعالی عبادتدن اعراض ایدنلرک جزاسنی بیاندن صوکره عبادت موقعنده اللهمک غیریه عبادت جائز اولامیه جغنی بیان ایتک اوزره ﴿وَأَنَّ الْمَسَاجِدَ لِلَّهِ فَلَا تَدْعُوا مَعَ اللَّهِ أَحَدًا﴾ بیوریور .

[ جمله مسجدلر الله تعالییه مخصوصدر . حال بویله اولونجه سز مسجدلرده الله تعالی ایله برابر هیچ بر کیمسهیه عبادت ایتمک . ]

یعنی ؛ ای عبادتله مکلف اولان انس و جن ؛ سز بیلک که عبادت ایچون بنا قیلنان مسجدلرک هبسی الله تعالییه مخصوصدر . بناء علیه ؛ او مسجدلرده الله تعالییه عبادت ایدر کن اللهه برابر باشقه بر کیمسهیه دخی عبادت ایتمک که الله تعالییه شرک ایتمیه سکنر .

فخر رازینک و خازنک بیانلری وجهله مساجد له مراد ؛ عبادت ایچون بنا قیلنانه محل اولدیغنه نظراً بهرود و نصارتک هادر و کلیه الربیه و اهل اسلامک مسجدلرینه شاملدر . زیرا ؛ یهود و نصاری معبدخانه لرنده اللهه شرک ایتدکلرندن جناب حق بو آیتده شرکدن نهی ایله اخلاص اوزره عبادت اولونمسنی امر بیوریور . چونکه ؛ بالعموم عبادت ایچون بنا قیلنان محللر اللهه مخصوص اولونجه عبادتک هبسنک اللهه مخصوص اولسی لازمدر .

امام حسنک روایتله نظراً مساجد له مراد ؛ مسجد ممکن اولانه هر بر در که بر یوزینک کافه سنه شاملدر . زیرا ؛ رسول الله ( جعلت لی الارض مسجداً ) بیورمشدر . یعنی ؛ بنم ایچون بر یوزینک کلیسی مسجد قیلندی ، دیمکدر . بناء علیه آیت جلیله ؛ سجده ممکن اولان هر یره شامل اولق لازمدر که بو معنا مراد اولوندیغنده حدیث شریفه موافق اولارق تفسیر اولوندیغنی کی قواعد عربیهیه دخی موافقدر . چونکه الف لام ایله وارد اولان جمعلرده ترجیح بلا مرجح لازم کلسون ایچون استغراق یعنی شمولی ممکن اولانه جمیع



افراد شامل اولیٰ مراد اولونق قواعد عربیه اقتضاسنددر . بناء علیه ؛ (المساجد)  
الفلام ایله جمع اولدیغندن «مسجد اطلاقه سزا اولان هریری الله تعالی خلق ابتدکی  
ایچون الله مخصوص واللهمکدر» دیمک اولور . شوخالده الله خلق ابتدکی هر یرده  
اللهک غیریه عبات جائز اولامیه جفی جناب حق بو آیتده بیان بیورمشدر . یاخود  
مساجدله مراد ؛ وجود انسانه کنربسید سجره اولونانه بری اعضاده که الله ، آفاقه ،  
دیزلر و بروه بوزور و بو اعصار اللهک مخلوق اولدیغندن «بونرله اللهک غیریه عبادت  
ایتمک» دیمکدر .

بو آیتک آخری اولنی تأکید ایدر . چونکه ؛ «ارضک کلیسی اللهکدر» دینجه  
الله تعالی به هیچ برشیده کیمسه نیک شریک اولامادیکی کبی عبادتده دخی شریک اولامیه جفی  
اولویتله ثابت اولور . بوندن صوکره «عبادتده اللهه هیچ برکیمسه نی شریک ایتمک»  
دیمک آیتک اولندن لازم کلن شیئی تأکید اولور .

بو آیتده مسجده کیرن کیمسه به ذکر ایتمسینه امر واردر . زیرا ؛ «اللهه برابر  
غیری به چاغیرمایک» دیمک «الله تعالی به چاغیرک» دیمکدر . چونکه برشیدن نهی ایتمک ؛  
او شینک ضدیله امر اولدیغندن شرکدن نهی ایتمک ؛ توحیدله امر ایتمکدر . بناء علیه ؛  
مسجد شریفه کیرن کیمسه نیک بو آیت امتثالاً توحیدایله کیرمسنک سنت اولدینی فخر  
رازینک جمله بیاناتنددر .

خلاصه ؛ معبدخانهلر الله تعالی به مخصوص اولدیغندن الله تعالی ایله برابر باشقه برکیمسه به  
عبادت ایتمک جائز اولمادیکی بو آیتدن مستفاد اولان فوائد جمله سنددر .

..

واجب تعالی عبادتک آنحق الله مخصوص اولدینی بیاندن صوکره رسول اللهک الله تعالی به  
عبادتندن جنیلرک تحیرلینی بیان ایتمک اوزره ﴿وَأَنَّهُ لَمَّا قَامَ عَبْدُ اللَّهِ يَدْعُوهُ  
كَادُوا يَكُونُونَ عَلَيْهِ لِبَدًا﴾ بیوریور .

[وقتا که اللهک قوی اولان حضرت محمد الله تعالی به عبادت ایدر اولدینی حالده آفاق اوزرینه

قالقنجه جنیلر رسول اللهک عبادتیه باقمق ایچون بربرینه قاریشمش کچه نیک توپلری کبی  
اولغه یقین صیقیشدیلر .

یعنی ؛ وقتا که رسول الله مکیه یقین (نخله) دنیلن موقعده اصحابیله صباح نمازینی  
ادا ایتمک اوزره آیاغه قالقوب عبادت ایتمکه باشلاخجه او موقعده تصادف ایدن جنیلر رسول  
اللهک عبادتنده کی انتظامنده وارکان صلاتنده یعنی قیام ، قرائت ، رکوع و سجودنده  
اصحابنک کمال انتظامله اقتداسنه و قرائت اولونان قرآنک عجائب و غرائبیه صوک درجه  
دقتله باقارق کورمه دکری عبادتی کوروب وایشیمه دکری کلامی ایشیدنجه کمال تعجیله  
بربرلرینه صاریلارق ایب یوماغی کبی صیقیشدیلر ، حتی اودرجه صیقیشدیلر که عادتا  
بربرینه یاپیشمش کچه له نمش توپلر کبی اولغه یاقلاشدیلر .

ابوالسعود افندینک بیانی وجهله عبادت قیامک عبودیت اقتضا ایتمکینه اشارت ایچون  
رسول اللهدن عیمله تعبیر اولونمشدر . اللهک قوی اللهه عبادت ایدر دینجه رسول الله  
معارض اولان کافرلره تعریض واردر . چونکه ؛ اوکافرلرده اللهک قولیدر . ناصل که  
رسول الله ، اللهک قوی اولدینی ایچون اللهه عبادت ایدیورسه الله تعالی نیک دیکر قوللری ده  
هپ عبادت ایتمیدر . بناء علیه ؛ اللهه عبادت ایتمیلر تعریضه و تکدیره شایاندلر .

(لبداً) بربرینه قاریشوب صارلر معناسنددر . بوراده طریقه و صیقه دن عبارتدر .  
یاخود فخر رازینک بیانی وجهله معنای آیت : [ رسول الله مشرکله مخالف اولارق  
عبادتیه قیام ایدنجه انس و جندن کافرلر طوبیلا ندیلر . حق اولان دین اسلامی ابطال ایتمک  
اوزره یکدیگرینه معاونت ایچون بربرلرینه صارلدیلر و رسول الله اذاده او قدر ایلری  
کیتدیلر که یکدیگرینه یاردیمده بربرینه قاریشمش قیللر کبی آیرلادیلر و اللهک یاقش اولدینی  
چراغی سوندیرمغه چالیشدیلر و لکن دین محمدی جمله سنه غالب کلدی . چونکه ؛ الله  
تعالی یانمسنی مراد ابتدکی ایچون سوندورمکه چاره بولامادقلرندن خائب و خاسر اولدیلر ]  
دیمکدر .

..

واجب تعالی رسول اللهک عبادتی بیاندن صوکره «عبادتدن وازکج» دین مشرکله



رسول اللہک جوابی حکایہ ایتک اوزرہ ﴿ قُلْ إِنَّمَا أَدْعُوا رَبِّي وَلَا أُشْرِكُ بِهِ أَحَدًا ﴾ بیوریور .

[ ای حبیب ! سن قومکے خطاباً « بن ربمہ عبادت ایدرم ، آنجق ہیچ بر کیمسہ بی آکا شریک ایتم ، دی . ]

یعنی ؛ مکہ اہالیسنک رسول اللہ « سن آباء واجدادیمزک خلافتہ بر دین کتیردک وکتیدیک یولدن وطوتدیغک مسلکدن طولای ہر کس سکا خصومت ایتدی واز کچ بوندن » دیملری اوزرینہ رسول اللہ آنلرہ دیدی کہ « بن ہر کسک عداوتی ایجاب ایدر برشیدہ بولونما یورم . زیرا ؛ بن آنجق ربمہ عبادت ایدیورم و ربمہ کیمسہ بی شریک قیلما کہ بکا عداوت ایتسونلر . چونکہ ؛ بودین و عبادت کیمسہ بی انجیتمز وعقل وحکمتمہ موافق برمسلك اولدیغندن خصومت ایتک شویله دورسون بلکہ محبت ایجاب ایدر برمسلكدر . نيسابورینک بیانی وجہلہ بوآیتدہ فقرہ اولانک متضمن اولدینی معنای توحید ، مقامک شانہ اہتمام ایچون فقرہ ثانیہ صراحتہ بیان اولونمشدر . چونکہ ؛ مسئلہ توحیدہ متعلق اولدیغندن شانہ اہتمامک لزومی بیانہ حاجت اولمادینی کبی (انما) لفظی مصر افادہ ایتدیکی جہتلہ « آنجق بن ربمہ عبادت ایدرم ، دیمک « غیری بی شریک ایتم ، دیمکی مستلزم ایسہدہ آنجق توحیدک شانہ اعتنا لازم اولدیغندن ضمناً بیان اولونان توحیدی صراحتہ بیان ایتک تائید اولونمشدر .

یا ضورہ بوکلام رسول اللہک اطرافنی جویرن جنیلرہ جوابدر . بوکا نظراً معنای آیت : [ ای جنیلر ! نہ ایچون تعجب ایدوب طوبار لانیورسکیز . بنم حاملدہ تعجبہ شایان برشی یوقدر . زیرا ؛ بن آنجق ربمہ عبادت ایدیورم واکا باشقہ سنی شریک قیلما یورم . بوایسہ حیرت ایدہ جک برشی دکلددر . چونکہ ؛ قانون عقلہ موافق ] دیمکدر . لکن بوتوجیہ ضعیفدر . زیرا ؛ بوندن اول بیان اولوندینی وجہلہ رسول اللہ بوقعہدہ جنیلری کورمہ مشدر . اما باشقہ وقعہدہ کورمش و تبلیغاتدہ بولونمشدر .

..

واجب تعالی رسولنک ربسنہ عبادت ایدوب شرک ایتہدیکنی بیاندن صوکرہ عبادتندن

طولای خصومت ایدن کافرلرہ ویریلہ جک جوابی بیان ایتک اوزرہ ﴿ قُلْ إِنِّي لَا أَمْلِكُ لَكُمْ ضَرًّا وَلَا رَشَدًا ﴾ بیوریور .

[ یا اکرم الرسل ! کافرلرہ خطاباً سن دی کہ « محقق بن سزک ایچون منفعت ومضرته مالک دکلم . » ]

یعنی ؛ ای حبیب ! سنک عبادتکدن طولای سکا خصومت ایدن کافرلرہ سن دی کہ « ہر شئی خلق ایدن اللہ تعالی درہ . بناءً علیہ ؛ بن سزک مضر تکز ی دفعہ ومنفعتکزی جلبہ مالک دکلم وسزہ غضب ایدرسہم مضر ت ایتکہ ومحبت ایدرسہم منفعت ویرمکہ قادر اولامام . زیرا ؛ ہر شئی خالق اللہ تعالی اولدیغندن قولار ہیچ بر منفعت ومضرته مقتدر اولاماز . شو حالہ بنم کبی سزده عبادتکزی اللہ حصر ایدک وشرک ایتہک کہ ہر شئی اللہدن بکلہ یسکیز . چونکہ ؛ منفعت ومضر ت آندندر باشقہ سندن دکلددر . بو آیتدن آکلا شیلدینی وجہلہ انبیاء عظام حضراتی نفع وضرہ مالک اولما یچہ عوام ناسک مالک اولامیہ جنی اولویتلہ ثابت اولور . بناءً علیہ ؛ کافرلرک رسول اللہی تہدیدلرینک نمرہ سی اولمیہ جنی بو آیتلہ ثابتدر .

..

واجب تعالی رسول اللہک « بن سزک ایچون مضر ت ومنفعتہ مالک دکلم ، دیدیکنی بیاندن صوکرہ کافرلرک « سن دعوا کدن وازیکرسہک بزنی قورتاریرز ، دیملرینہ مقابلہ ویریلن جوابی بیان ایتک اوزرہ ﴿ قُلْ إِنِّي لَنْ يُخَيِّرَنِي مِنَ اللَّهِ أَحَدٌ وَلَنْ أَجِدَ مِنْ دُونِهِ مُلْتَحَدًا ﴾ إِلَّا بَلَاغًا مِنَ اللَّهِ وَرِسَالَاتِهِ ﴾ بیوریور .

[ انی رسول مکرم ! سنی قورتاریرز دین کافرلرہ جواب اولارق سن دی کہ « محقق والبتہ اللہک عذابندن بنی انس وجندن ہیچ بر کیمسہ قورتاراماز . البتہ بن صیغیناجق بر کیمسہ بولامام . چونکہ ؛ اللہ تعالی بر کیمسہ عذاب ایتک مراد ایدرسہ او عذابدن خلاص ایدہ جک اللہک غیری برملجاً بولوناماز . شو حالہ بن نہ ایچون عبادتمی ربمہ مخصوص قیلمایم ونہدن ربمہ تضرع ونیاز ایدوب ہر شئی می آندن بکلہ مہیم ؛ البتہ



هر شئی اللهدن بکرم. چونکه ؛ بن نفع و ضره مالک دکم ، الا جناب حقندن کلن و سزه تبلیغی امرایتدیکی امرلری و نهیلری و رسالتی تبلیغه مالکم باشقه شینه مالک دکم ، دیمکه حقیقت حالی بیان ایت .

بوآیتده اللهک غضبندن هیچ برکیمسه دیگر برکیمسه بی خلاص ایده میه حکمی بیانه کافرلرک « دعوا کدن و از کچرسهک بز سنی قورتاریرز ، سوزلری رد اولونمش و هرشی واجب تعالی نک ید قدرتنده اولدیغنی بیانه کافرلری کفردن تغیرله ایمانه ترغیب اولدیغنی کبی اللهک اراده سینه قارشى هرکسک عاجز اولدیغنی دخی بیان ایدلمش و اللهک غیری بر ملجأ اولمادیغنی بیانه هرکسک ملجأی آنحق واجب تعالی اولدیغنی تفهیمله جمله نک درد لرینه چاره جناب حقندن اولاجغنی صراحة بیانه کافرلری تکدیرده حاصل اولمشدر .

فخر رازینک بیانه نظراً ( ملتحداً ) ملجأ معناسه در . ( والابلاغاً ) جمله سی ( ملتحداً ) دن استنا اولدیغنه نظراً معنای آیت : [ بن اللهک غیری بر صیغینا حق محل والتجا ایده جک بر ملجأ بولامام ، آنحق اللهک بنی تبلیغه مأمورایتدیکی شیلری قوللرینه تبلیغ ایتک و رسالتک لوازمی ادا ایتک بنم ملجأمدر . بناء علیه ؛ بنی اللهک عذابندن بونلر قورتاریر ، باشقه شی قورتاراماز . شو حالده ای کافرلر ؛ بنی قورتاراجق آنحق مأمور اولدیغ امر تبلیغی ادا ایتکدر ، یوقسه بو وظیفه یی ترکله سزه اعتماد ایتک دکدر ] دیمکدر .

..

واجب تعالی چاره نجات آنحق اللهک امری وجه اوزره تبلیغ اولوب یوقسه کافرلرک تکلیفی وجه اوزره تبلیغی ترک ایتک اولمادیغنی بیاندن صوکره مطلقاً عاصیلرک حاللری بیانه کافرلرک تکلیفلری قبول اولونمیه جغنی تکرار بیان ایتک اوزره ﴿ وَمَنْ يَعْصِ اللَّهَ وَرَسُولَهُ فَإِنَّ لَهُ نَارَ جَهَنَّمَ خَالِدًا فِيهَا أَبَدًا ﴾ بیوریور .

[ برکیمسه الله ورسوله عصیان ایدرسه بلانهایه جهنمده قالیجی اولدیغنی حالده البته آنک ایچون جهنم عذابى واردر . ]

یعنی ؛ هرکیم که امر توحیدده الله ورسوله عصیان ایدرسه آنک ایچون محقق جهنم عذابى واردر و جهنمده ابداً قالیجی اولدیغنی حالده جهنمدن چیقماز .

فخر رازینک بیانی وجهله بوآیت کفره و کفرک غیری جمله عصیانه شامل اولدیغنی جهته اهل ایماندن صدور ایدن کناهلره دخی شاملدر . بناء علیه ؛ فرق ضالهدن معتزله اهل ایمانک کناهلرلرینک جهنمده ابداً یا ناجق لرینی بوآیتله استدلال ایدره ک مذهب لرینی اثبات ایتمشلردر . اهل سنت اعتقادنجه مؤمن اولان برکیمسه ولوسه بویوک کناه صاحبی اولسه دخی جهنمده ابداً قالماز . زیرا ؛ الک بویوک عبادت اولان ایمانک ثوابی کورمک اوزره البته جهنمدن قورتولوب جته کیرمک دلائل عقلیه و نقلیه موافق اولدیغنی جهته بومثللو آیات واحادیثده اولان خلود ؛ اوزره صرت معناسه اولق لازمدر . فقط بوآیتده خلود ( ابداً ) کلمه سیله تأکید اولوندیغندن اوزون مدت معناسه اولق ضعیف اولدیغنی ایچون آیت جلیله امر تبلیغدن صوکره وارد اولدیغندن عصیان هر نه قدر عموم کناهلره شامل ایهده بووقعیه مخصوص اولق بدیهیدر . بوکا نظراً آیتک معناسی : [ امر تبلیغده برکیمسه الله ورسوله عصیان ایدرسه ابدی جهنمده قالیر ] دیمکدر . امر تبلیغده عصیان ایهه کفردر . شو حالده بوآیت معتزله نک دعواسنی اثبات ایده مز . زیرا عصیان ؛ بوآیتده جمله کناهلره شامل اولاماز که آنلرک دعوالرینی اثبات ایتسون . بناء علیه ؛ عصیانک امر تبلیغده عصیان اوزره محمول اولسنی ، کافرلرک « دعوا کدن و از کچرسهک بز سنی قورتاریرز ، دیملری امر تبلیغده عصیان تکلیف ایتلرینی تأیید ایدر .

بوآیتده عصیان ایه مرادک الک بویوک کناه اولدیغنه اشارت ایچون انسان خلود یعنی ابدیت ایه توصیف و تقید اولونمشدر و کافر هر نه قدر دنیا ده آز بر زمانده کفر ایتمش ایهده ابداً دنیا ده یا شامش اولسه کفردن ایرلیه جغه بناء ابدی عذابه مستحق اولمشدر .

خلاصه ؛ الله ورسوله عصیانله کفر ایدن کیمسه نک یری ابداً جهنم آتشی اولاجغنی و آنده مخلصد قالاجغنی بوآیتدن مستفاد اولان فوائد جمله سنددر .

..

واجب تعالی بوندن اول صراحة و ضمناً کافرلرک عداوتی بیاندن صوکره بوعداوتک



نہایہ سنی بیان ایتک اوزرہ ﴿ حَتّٰی اِذَا رَاَوْا مَا یُوعَدُوْنَ فَسَیَعْلَمُوْنَ مَنْ اَضْعَفُ نَاصِرًا وَاَاقْلُ عَدَدًا ﴾ بیوریور .

[ آنلرک عداوتلری وعد اولوندقلری شیئی کورونجیہ قدر اوزار . شو حالده آنلر یقینده یاردیمجیسی غایت ضعیف وصایسی پک آز اولان کیملدر بیلرلر . ]

یعنی ؛ کافرلر کندیلرینک عددلری جوق وقوتلری بویوک ورسول اللہی واتباعی عدد یونندن آز وقوت یونندن ضعیف عد ایدہرک عداوتلری دوام ایدر و بودعوادن واز کچمزلر ، تا کہ دنیاہ و آخرتہ وعد اولوندقلری عذابی کورونجیہ قدر . بناء علیہ ؛ یاردیمجیسی ضعیف واتباعی غایت آز اولان کیم اولدینغی یقینده بیلرلر .

بوآیتہ کافرلری تہدید اولدینغی کبی انواع عذابی کورمہنجہ رسول اللہ عداوتدن واز کچمہ جکلمہ دخی اشارت واردر . اما انواع عذابک دنیاہ اولسی احتمالی ده واردر . غزای بدر کبی . بوکا نظراً معنای آیت : [ آنلر کفرلرنده اصرار ایدرلر تا کہ غزای بدر کبی کندیلرینک مغلوبیتلری ورسول اللہک غالبیتی کورونجیہ قدر ] دیمکدر . چونکہ ؛ بدر وقعہسی کافرلرک رسول اللہ اذالریہ خاتمہ اولمشدر . یاخود عذاب ایلہ مراد ؛ آخرت عذابدر . بوکا نظراً معنای آیت : [ کافرلر کفر و عداوتلرنده دوام ایدرلر حتی وفات ایدوب آخرت عذابی کورونجیہ قدر و آخرت عذابی کورونجیہ کیمک یاردیمجیسی ضعیف وکیمک اتباعی آز اولدینغی بیلرلر . ]

..

واجب تعالی کافرلرک عداوتلری وعد اولوندقلری عذابی کورونجیہ قدر اوزایاجغی بیاندن صوکرہ کافرلر طرفندن استہزا طریقہ « بووعد ایتمش اولدینک عذاب نہ زمان اولاجقدر ، دیملری اوزرینہ رسول اللہک جوابی بیان ضمتمده ﴿ قُلْ اِنْ اَدْرٰی اَقْرَبُ مَا تُوْعَدُوْنَ اَمْ یَجْعَلُ لَہٗ رَبّی اَمَدًا ﴾ بیوریور .

[ یا اکرم الرسل ! سن کافرلرک سؤلالریہ جوابده دی کہ « سزک وعد اولوندینکسر

عذاب البتہ اولاجقدر اولماق احتمالی یوقدر ولکن او عذابک زمانی یقینمیدر ، یوقسہ ربم اوعذاب ایچون بر اوزون مدت تعیین ایدرمی ؟ بن بیلمیورم . [ زیرا ؛ مغیبتنددر . اللہ تعالی بیلدیرمہنجہ مغیباتی بیلہم . یعنی وعد اولونان عذابک وقوعی محققدر ولکن وقتی معلوم دکلدر .

( ان ) نایمدر . شو حالده ( ان ادری ) دیمک ( ما ادری ) دیمکدر . یعنی « بن بیلہم یقینمیدر ، یوقسہ بر اوزون مدت وارمیدر ؟ اوراسنی اللہ تعالی بیلر » دیمکدر . رسول اللہ یونندن اولکی آیتہ بیان اولوندینغی وجہلہ کافرلرہ عذابی وعدایدنجه مشرککردن ( نصر بن حارث ) « بووعد اولونان عذابک زمانی نہ وقدر ؟ » دیمسی اوزرینہ بوآیتک نازل اولدینغی مرویدر .

..

واجب تعالی رسولک « عذابک وقتی بیلہم » دیمسی اوزرینہ عذابک وقتی غائب اولوب غائبی ده اللہ تعالی دن باشقہ بیلن اولسادینغی بیان ایتک اوزرہ ﴿ غَالِمُ الْغَیْبِ فَلَا یُظْہِرُ عَلٰی غَیْبِہٖ اَحَدًا ﴾ اِلَّا مَنْ ارٰتٰنٰی مِنْ رَّسُوْلٍ ﴿ بیوریور .

[ ربم کیزلی شیئی بیلجیدر . کندی کیزلیسی اوزرینہ هیچ بر کیمسہ بی خبردار ایتمز ، آنحق پیغمبردن بیلہسنہ راضی اولدینغی کیمسہ بی خبردار ایدر . ]

یعنی ؛ ای مشرکر سزہ وعد اولونان قیامتک وقتی بن بیلہم . علمی اللہہ مخصوصدر . زیرا ؛ غائبی بیلن آنحق کندیسیدر . بناء علیہ ؛ قیامت کبی علمنی کندینہ حصر ایتدیکی . مغیبتدن هیچ بریسنی کیمسہ بیلدیرمز . آنحق پیغمبران عظامدن غیبی بیلہسنہ راضی اولدینغی ذاتلرہ بیلدیرر .

بوآیتہ رسول اللہک « بن قیامتک وقتی بیلہم » دیدیکی کلامی تقریر وتعلیلدر وتقریری شویلهدر . « عذابک زمانی بن بیلہم . زیرا ؛ بونک زمانی بیلجی آنحق اللہ تعالی در . بناء علیہ ؛ بن بیلہم » دیمکدر .

فخررازینک بیانی وجہلہ بوآیتہ غیبی بیلہسنہ راضی اولدینغی رسوللری استثنا ؛ امور رسالتی ادایہ متعلق اولان مغیبتہ استنادر . چونکہ ؛ بر رسول رسالتی اثبات



ایچون کتیردیکی معجزه لری واحکام شرعیہ بی وامتک عملتک کیفیتنی بیان و عمل اوزرینه جزانک ترتیبی اکثریتله مغیباتدن واحوال آخرته متعلق اولوب عقول بشرک ادرا کندن عاجز اولدینی جهتله بر طاقم احوالده رسوللرینی مستثنا قیلمشدر . زیرا بعض مغیباته مطلع اولمق؛ نبوتک لوازماتنددر . کذلک رسولنی بعض مغیباته مطلع قیلاجغنی بیان ایتک؛ اورسولک امتندن بعض اولیاسنی کرامتله تلطیف ایده جکفی مستلزمدر . چونکه واجب تعالی نک قیامت کبی بعض مغیباتی کندینه منحصر قیلمقدن و بعض آخری انبیاسنه تخصیص ایتمکدن دیگر قوللرینی هیچ برغیه مطلع قیلمامق لازمکمز . زیرا؛ کرامات اولیا دیگر نصوصله ثابت اولدینی کبی بعض کیمسه لرده بالفعل وقوعی ده بونی اثبات ایتکدهدر . بناء علیه؛ معتزله نک دیدکلری کبی بوآیت کرامات اولیایی منع ایتمز، بالعکس دلالت التزامیه طریقله اثبات ایدر . الهامات ورؤیاء صادق کبی ظهور ایدن شیرک جمله سی آرزوق غائبه دلالت ایدر شیردندر . شوخالده قرآن بونک خلافتله دلالت ایدر دیمک؛ قرآنه برنوع طعن ایتک اولدیغندن بوکبی شیره جسارت ایتمه مک لازمدر . بناء علیه؛ انتظام عالمه خلل ویرمیه جک وحکمت تشریعییه مخالف اولیه جق بعض غائبی قوللرندن بعضیلرینه اللهک بیلدیرمسندده عقلاً و نقلاً برمانع بوقدر . اما بیلیمسی مضرت اولان شیرلی بیلدیرمز وذات الوهیتنه تخصیص بیوردینی غیبی بیلیم دعواسنده بولونان کیمسه نظر شرعده تکفیر اولونور .

انبیایه مخصوص اولان غائبی ده انبیانک غیریلرینه بیلدیرمز . اگر بیلدیرمز اولسه امر نبوت خللدار اولور . بوایسه عقلاً و نقلاً تجویز اولونور برشی دکلدر . واجب تعالی کندینه مخصوص اولان مغیباته هیچ کیمسه بی مطلع قیلمیه جغه اشارت ایچون غیب لفظنی کنیمینه رابع ضمیره مضاف قیلمشدر . آیتک اولنده کی غیب؛ رسول اللهک « بن بیلیم » دیدیکی غیب معهوددر که فانزلک سوال ایتکلری عزابک زمانی و قیامت کونیمدر .

خلاصه؛ اللهک کیزله دیکی مغیباته هیچ برکیمسه بی مطلع قیلمیه جنی و آنجق بعض غیبی بیلدیرمسی لازمکن رسوللرینه بیلدیردیکی بوآیتدن مستفاد اولان فوائد جمله سنددر .

واجب تعالی رسل کرامدن راضی اولدینی ذاتلره بیلیمسی لازم اولان غیبی بیلدیرمیه جکفی بیاندن صوکره او رسولنه غیبی بیلدیرمه نک و اظهار ایتمه نک کیفیتنی بیان ایتک اوزره ﴿ فَإِنَّهُ يَسْمُكُ مِنْ بَيْنِ يَدَيْهِ وَمِنْ خَلْفِهِ رَصَدًا ﴾ بیوریور .

[ اللهک بعض غیبی بیلدیردیکی رسولک اوکندده و آرقه سنده کوزه یجی ملکر کیدر . ] یعنی؛ الله تعالی غیبی بیلیمسنه راضی اولدینی رسول قوللرینه وحی والهام طریقله شکدن عاری اولارق بعض غیبی بیلدیرر . زیرا؛ اورسولی رسول اولارق کوندرنجیه انسانلرک و شیطانلرک ضرر واذالردن وجنک کفره سنک وسوسه سندن محافظه ایچون اورسولک اوکندده و آرقه سنده بکجی ملکر بولونور واونی ایله برابر کره لر ونی ایله برابر کیدر کلرلر و آنلر دوام اوزره او رسولی بکله دکلرندن انس وجنک شیطانلری تسلط ایده مز . بناء علیه؛ انبیادن ظهور ایدن شیتک جمله سی غلطدن وخطادن سالمدر . زیرا؛ انبیادن خطانک وقوعی فرض اولونسه بیه خطا اولدینی طرف التهیدن درحال بیان اولونور . ایشته بوندن طولانی انیا بیلدکلرینی قطعی بیلرلر . بناء علیه؛ آنلرک سوزلرینک وایشلرینک وحرکات وسکناتلرینک جمله سی امتلری حقنده عین شریعت وطریق نجاتدره و امر نبوتلرینک حسن جریانیه ده بونکله حصول بولاجغندن جناب حق قوللرینی ارشاد ایچون کوندردیکی نیسنی ملکره بکله تیر و آنلری محافظه ایدر . چونکه؛ اگر محافظه ایتسه جبریل امین وحی ایله کلدیکنده شیطان کن وحی سرقت ایده رک نبیدن اول باشقه لرینه خبرویرمکه امر نبوتی اشکاله اوغراتیر و نینک امر تبلیغه حالی مشکل اولور ، بوایسه حکمت نبوته مخالفدر . بناء علیه؛ جناب حق یربوزنده تأسیسنی مراد ایتدیکی شریعتک صاحبی اولان نبییه امر نبوتده اونینک امورینی تسهیل بیورمسی عقل وحکمته ومنطقه موافق بر حقیقتدر . ایشته شو اساسلره بناء رسولنی ملکر واسطه سیله حفظ وحایه ایتدیکنی و باشقه لرینک مطلع اولامیه جنی بعض مغیباته ملکر واسطه سیله انبیانک بیلیمسنده برمحذور اولمادیغنی جناب حق بوآیتله بیان بیورمشدر . بناء علیه؛ انبیایی ملکر شیطانک یا قلاشاسندن محافظه ایدوب هر حاللرنده حضور و امنیت تامه اوزرینه بولوندقلرندن امتلرینک هر حالده اتباعلری واجب اولمشدر .



واجب تعالى انبياء عظامك ملكرك محافظه سی آئنده اولدقلرندن تحت امنيتده بولوندقلريني بياندن صوكره بويله انبيائك ملكركه بلكه دلدكلاينك حكمتي بيان ايتك اوزره

﴿لِيَعْلَمَ أَنْ قَدْ أَبْلَغُوا رَسُولَاتِ رَبِّهِمْ﴾ بيوريور .

[ اورسول بيلسون كه وحى كترين ملكرك ربلرينك رسالتني لايقيه كترديلر . ]  
يعني ؛ انبيائك ملكرك واسطه سيله محفوظ اولملاينك حكمتي ؛ انبياء عظام كنديلرينه وحى ايله كلن ملكرك ربلرينك كوندرمش اولديني وحى امر الهى وجه اوزره ايصال ايتدكاريني كال امنيتله بيلملايدر . چونكه ؛ برنجيه طرف الهيدن كلن وحيك رحمانى اولديني بيلملاينك شيطاندن ملكرك واسطه سيله محفوظ اولوب واو ملكرك شهادتيله رحمانى اولديني بيلملاينده شهبسى قالماز وامنه تبليغه تردد ايتمز . چونكه ؛ اونجي بيلدي كه وحى كترين ملكدر و طرف الهيدن كلش و وحى بويله تبليغ ايتديكى شكسز اولارق بيلملايدر . شوخالده اوده امته شكسز اولارق تبليغ و شريعت ده لايقي وجه اوزره تأسس ايدر .

فخر رازينك وابوالسعود افنديك بيانلري وجهله آينده ايكنجي براحتمال دخي واردر كه اوده (لعلم) ده بولونان ضميرك واجب تعالى به رابع اولملايدر . بوكا نظراً معنای آيت شويله در :

[ الله تعالى انبياء عظام يانلرنده ملكرك بولونديردى كه كندى طرفندن قوللريني ارشاد ايجون كوندرديكي رسوللري ربلرينك رسالتني امتلرينه لايقي وجه اوزره محقق اولارق تبليغ و امتلرينه ايصال ايتدكاريني بيلمسون و مقابلنده ثواب و يرسون ] ديمكدر . كرچه جناب حق بلا واسطه هرشيئي بيلديكي كي رسوللرينك امتلرينه تبليغلريني ده بيليرسه ده سائر افعال عبادى بيلديكي حالده قوللريني الزام ايجون آنلك بوتون ايشلريني و عمللريني ملكركه يازديرديني كي انبيائك رسالتني تبليغ ايتدكاريني دخي ملكركه يازديرملاينده عقلاً برمانع يوقدر . شو ايكنجي معنا ؛ بعض علما طرفندن بيان اولومش ايسه ده اولكي معنا مقامه ده زياده موافقدر . چونكه مقام ؛ رسولك رسالتني بويله تمشيت ايتسلاينده دأثر ملكرك يانلرنده بولونديني بيان ايتك اولديني ايجون انبيائك «امور رسالتني ملكرك كنديلرينه بويله ادا ايتدكاريني بيلمسونلر و امتلرينه ده كنديلري ترددسز تبليغ ايتسونلر ايجون ملكرك بولونور» ديمك ده مناسبدر ظن اولونور .

﴿وَاحِطٌ بِمَا لَدَيْهِمْ وَأَحْصَى كُلَّ شَيْءٍ عَدَدًا﴾

[ حالبوكه جناب حق علميله انبيا عنديده اولان هرشيئي احاطه ايتدى و هرشيئي صايمله صايدى . ]

يعني ؛ رسل كرامك برابرلرنده شيطانك وحى سرقندن و وسوسه سندن وانسانك شرنندن محافظه ايجون ملكرك بولونور . حالبوكه الله تعالى رسل كرام حضورنده جريان ايدن احوالك جمله سنى بيلير و علمي محيطدر و هرشيئك عدديني صايار كي جهته صايدى . بناء عليه ؛ علم الهيدن هيچ برشيئك ذره سي چيقماز جمله سنى كاليله بيلير .

فخر رازينك بيانى وجهله بو آينده الهك جزئيات اشيايه علمي لاحق اولديغه اشارت ايجون هرئي و كللى هر شيء شامل اولاره (ما) لفظي وارد اولمشدر و احاطه كله سنك شموله دلالتى ده بوني تأييد ايدر . چونكه ؛ (واحاط بما لديهم) «علمي انبياء عظام حضورنده اولان هرشيئي احاطه ايتدى» ديمك اولديغندن «جزئيات و كلياتك جمله سنى احاطه ايتدى» ديمكدر .

كذلك واجب تعالى موجوداتك جمله سنى عالم اولديغه اشارت ايجون (كل شي) وارد اولمشدر . چونكه شي ؛ موجود معناسنه اولديغندن (واحصى كل شي) ديمك موجودك كلبنى صايرى ديمكدر . بناء عليه ؛ حكمايك «الله تعالى لك علمي جزئياته تعلق ايتمز» ديدكاري ادعالي بو آيتله مردوددر . زيرا ؛ (كل شي) ده جزئياته داخلدر .

فخر رازينك بيانى وجهله عدد يعنى صايق مناهي اولاره شير اولوب (كل شي) ده غير مناهي اولديغه دلالت ايتديكندن آينده تناقض واردر عنواننده وارد اولان سؤال مردوددر . زيرا عددى صايق ؛ مناهيده اولديني كي (كل شي) ده موجود اولوب موجود ايسه مناهي اولديغندن تناقض يوقدر . بو آيت معدومك شي اولمايغه دلالت ايدر چونكه ؛ اكر معدومه شي دنيلمش اولسه ايدى احصايه تعلق ايتمزدى . زيرا احصى ؛ مناهيه دلالت ايدر .



سورة مَزْمَل

مكة مكرمه نازل اولان سوره لردندر . اوده طقوز وياخود يکرمی آتی جامعدر .

بِسْمِ اللَّهِ الرَّحْمَنِ الرَّحِيمِ

يَا أَيُّهَا الْمَزْمَلُ \* قُمْ اللَّيْلَ إِلَّا قَلِيلًا \* نِصْفَهُ أَوِ انْقُصْ مِنْهُ قَلِيلًا \* أَوْزِدْ عَلَيْهِ

[ ای لباسی بورومش اولان پیغمبر ! کیجهنک آزی مستتا اولدینی حالده کیجهده سن قالدق نماز قیل . او کیجهنک نصفده قالدق ویاخود قیامی نصفدن آزیحق نقصان ایت ویاخود نصف اوزرینه زیاده ایت . ]

یعنی ؛ ای وحیک دهشتیه کندینه اوشومک عارض اولدیغندن ناشی البسه سی بورومش اولان بی مختار ! سن کیجهده قالدق تهجد نمازینه دوام ایت . آنحق اعضالینه نشاط و بدنه قوت ایچون کیجهنک آزنده اویقو اویومقله استراحت ایت و نصفده قیام ایله نماز قیل ویاخود کیجهنک نصفدن ده بر آزنقصان قیلسهک باس یوقدر ویاخود کیجهنک نصفی اوزرینه بر مقدار زیاده ایتمکده اولاییلر .

فخر رازینک بیانی وجهله ( قلیلا ) ایله مراد ؛ کیجهنک اویومده برجهده بئاء علیه ؛ ابتداء اسلامده کیجهنک اوچده ایکیسندده اویافق بولونمق و تهجد نمازی قیلحق واجب اولمشدی . صوکره کیجهنک نصفی ویا نصفدن زیاده و نقصان اولحق بیتنده خیر قیلنمقله آیتک اولنده کی حکم نسخ اولونمشدر . چونکه ؛ کیجهنک اوچده برنده اویقو بدنک قوامنده کافی اولامادیغندن اصحاب رسول الله مشکلات چکمهک باشلادقلری جهته جناب حق نصفده ویا زیاده و نقصان اولحق بیتنده خیر قیلنمقله تخفیف بیورمشدر .

ابن عباس حضرت لرندن روایت اولوندیغنه نظراً جبریل امین ابتدا وحی ایله کلنجه رسول الله جزئی قورقو کلدیکی جهته اوشومک عارض اولوب حضرت خدیجهنک خانه سنده بر لباسه بورومش اوتورور ویاخود یاتارکن جبریل تکرار بو آیتله کلش و بولوندیغی

حاله اشارت ایدهرک خطاب ایتمک عرب عندنده عادت واطیفه قیلندن اولدینی جهته ( یا ایها المزمل ) ایله خطاب اولونمش و رسول و نبی لفظلریله خطاب اولونماشدر . چونکه ؛ رسول الله هنوز وحی ورسالتله انسیت ایتمه دیکندن انسیت ایلسون ایچون لطیفه طریقله خطاب اولونمشدر .

یاخود مزمل ؛ امر نبوی کونوریمی دیمکدر . بوکا نظراً معنای آیت : [ ای امر نبوتی عامل اولان ذات ! سن قالدق کیجهده بوتحمل ایندیکنک بویوک ایشک مهمانیله مشغول اول و آنحق کیجهنک آزنده استراحت ایت . زیرا ؛ امر نبوت عظیمدر و آتی تحمل چوقچه چالیشمه محتاجدر ] دیمک اولور . ابتداء اسلامده تهجد نمازینک فرض اولدیغنه بو آیت دلالت ایدر . چونکه امرلرده اصل اولان ؛ وجوبه دلالت ایتمکدر . صوکره تهجدک فرضیتی بر سنه مدتنده بش وقت نمازک فرض اولمسیله نسخ اولونمشدر . نسخک سبی ؛ اصحاب رسول الله عارض اولان مشقتدر . چونکه مشقت ؛ دائماً قولایلنی جلب ایدر . زیرا ؛ کوندوز امور معیشتله مشغول اولان بر کیسهنک کیجهده بر آز راحت ایتمی بینه بشرک لوازمنددر . بئاء علیه ؛ بر حکم شرعینک نسخی باشقه حکمه مبنی اولدینی کی قوللره عارض اولان مشقتی قالدیرمق ایچون دخی اولور . ایشته تهجدک فرضیتی نسخ ایتمک قوللرک مشقتی قالدیرمق ایچون اولدیغندن لطف الهیدر . تهجدک فرض اولمسی نسخ اولونمش ایسهده نافله اولارق باقی قالمشدر و فرض اولمسیله نسخ اولونمسی آره سنده بر سنه مدت اولدینی مسلمده حضرت عائشه دن روایت اولونان بر حدیثله ثابتدر .

واجب تعالی تهجد نمازیه امر ایتدن صوکره نمازک واجباتندن اولان تلاوت قرآنه دقتک لزومی بیان ایتمک اوزره ﴿ وَرَتِّلِ الْقُرْآنَ تَرْتِيلًا ﴾ بیوریور .

[ قرآنک حروفی بیان ایدهرک تلاوت ایت ]

یعنی ؛ ای حیدیم ! سن تهجد نمازنده قرآنی حرفلرینی تماماً بیان ایدهرک نیت صادق و خلوص قلبه اوقوکه الفاظ قرآندن طینت طاهره ک و فطنت باهره ک متأثر اولسونده خلاصة البیان : اون بشنهی جلد — ۹۷



ذکر الہی بہ واصل اولدیغده عظمت الہیہ بی تأمل وتفکر ایتکملکک حاصل اولسون  
و آیتلرک معنایینی دوشون که خوفله رجا حاصل اولارق معرفت الہیہ ایله قلب نبویکیز  
نور لانسون .

فخر رازینک بیانی وجهله ترتیل ؛ حرفلمی بیانه ایدرک آغیر آغیر اوقومقدردر .  
چونکه ؛ قرآنی عجله اوقومقدده حضور قلب اولمادیغندن معنایی دوشونوله من و مقصد  
فوت اولور . زیرا قرآنی اوقومقدن مقصد ؛ اونک وعظیله متعظوز واجریله مترجر اولمقدردر .  
بو ایسه غایت ثانی ایله و دوشونه دوشونه اوقومقله حاصل اولدیغندن سرعتله اوقومقدده  
البته بو مقصد فوت اولاجقنده شبهه یوقدر .

قرآن اوقویان کیمسه نک تجویده رعایتی لازم اولدیغنه اشارت ایچون رتل امرندن  
مستفاد اولان و محبوب ( ترتیلاً ) ایله تأکید اولونمشدر . بناء علیه ؛ تلاوت قرآنده  
حروفاتی بیان ایدرک تجویدینه رعایت ایتمین کیمسه واجبی ترک ایتدیکنندن طولانی  
کناہکار اولور . چونکه جمیع عبادتده اسالاس ؛ حضور قلبدر . حضور قلب ایسه  
تأیید اولدیغندن قرآنی ثانی ایله قرائت لازمدر .

خلاصه ؛ کرک نمازده و کرک نمازک خارجنده قرآن اوقویان کیمسه نک حرفلمی  
بیان ایدرک تجویدینه رعایت و حضور قلبله اوقومسی واجب اولدیغی و بونی ترک ایدرسه  
کناہکار اولاجنی بو آیتدن مستفاد اولان فوائد جمله سندندر .

..

واجب تعالی تهجد نمازی ایله و نمازده قرآنی کوزل اوقومقله امر ایتدکن صوکره  
او امرک سینی و علتی بیان ایتک اوزره ﴿ اِنَّا سَنُلْقِيْ عَلَیْكَ قَوْلًا ثَقِيْلًا ﴾ بیوریور .  
[ بزحقیق یا اکرم الرسل ! سنک اوزریکه قدری بک بویوک اولان قرآنی ایندیریررز . ]  
یعنی ؛ ای رسول مکرم ! سن کیجه لرده تهجد نمازی قیلمقله ذات نبویکی قرآنه  
تحمل ایدرک بر حال اوزره حاضرلا . زیرا ؛ بز عظیم الشان سنک اوزریکه قدری جلیل  
وانسانلره عمل ایتسی آغیر و مشقتلی احکامی جامع و عمل ایدنلره یوم قیامتده ثوابی بویوک

و منفعتی چوق قرآنی انزال بیوریرز و ملک واسطه سیله قلبکه قویارز . بناء علیه ؛ آنک  
ثقلته تحمل ایتک ایچون تهجدله و ریاضتله حاضرلقده بولونقی لازمدر .

فخر رازینک بیانی وجهله قرآن ؛ اسرونی ، وعد و عیدی ، حل و حرمتی و حدود  
فرائضی و کلفت و مشقت اوزره مشتمل احکامی جامع اولوب بر اظام ایه مکلف  
اولانلر اوزرینه غایت آغیر اولدیغنه اشارت ایچونه قرآنه قول نقیل یعنی آغیر بر کلام  
دینمشدر . یاخود قرآنی رسول اللہک فحشی و امنه تبلیغه فحشی آغیر اولدیغنی کبی منافقلمک  
عیلمی بیانه بیقارمقدر آنلر اوزرینه دخی آغیر اولدیغندن قرآنه نقیل دینمشدر . یاخود  
ثقیلک معنایی ؛ بویوک و غطری دیمکدر . چونکه قرآن ؛ اللہک کلامی اولدیغنی ایچون  
جمله کلاملرک بویوک و اولوسیدر . زیرا قرآن ؛ انسانلرک دنیوی و اخروی منفعتلرینی  
بیان ایدر و قیامتده قدر احکامی باقی عجیب الشان برکلام جلیل القدردر .

خلاصه ، قرآنک متین برکلام اولوب بر معترضک اعتراضیله بیقلمادیغنی و محکم بر قانون  
الہی اولوب کافرلرک طعنیه کرک لفظنه و کرک معنائه قطعاً خلل کلمدیکی و کافرلرک  
دینلرینی ابطال ایتدیکی ایچون غایت آغیر اولدیغنی بو آیتدن مستفاد اولان فوائد جمله سندندر .

..

واجب تعالی تهجدله امرک حکمتی قرآنی تحملله حاضرلق ایچون اولدیغنی بیاندن  
صوکره کیجه ایله عبادتک تأثیری زیاده اولدیغنی بیان ایتک اوزره ﴿ اِنَّ نَّاشِئَةَ اللَّیْلِ  
هِيَ اَشَدُّ وَطْأً وَاَقْوَمُ قِيْلًا ﴾ بیوریور .

[ بحقیق کیجه اویقودن صوکره عبادت ایچون قالمقی نفسه زیاده تأثیر ایدر و قرائت  
یونندن غایت کوزل اولور . ]

یعنی ؛ قلبک جمیع اشتغالاتدن خالی اولدیغنی کیجه نک قاراندنی ایچنده نفس انسانیدن  
نشأت ایدرک حضور قلبله قرآن اوقومانک و سائر عبادتک تأثیری غایت شدتلی و قرائت  
کوندوزدن دها کوزل اولور . چونکه ؛ کیجه ده دنیا اموریه اشتغال اولمایوب قوای



انسانیه بوتون محسوساتله اشتغالدن عاری اولدینی جهته قلبک روحانیت جهته رغبتی کوندوزدن دها زیاده اولاجنی طیبی برشی اولدیغندن البته کیجده عبادتک تأثیری دها کوزلدر . کذلک کیجه اویقو زمانی اولدینی حالد اویقوی واستراحتی ترک ایدهرک صیجاق یا ناقدن قالقوب عبادتله مشغول اولمق نفسی تربیهده تأثیری زیاده اولدینی کی کیجه اویقودن صوکره عبادت ایچون قالقان کیمسه نك سوزی آنجق ذکر الهی اولاجنی جهته کوندوز سویله ن سوزلردن دها صواب و دها قوتلی اولور . ایشته شو اساسلره بناء جناب حق تهجدله امر ایتیش و ابتداء اسلامده فرض قیلمشدی .

خلاصه ؛ کیجه انسانک تک و تنها اولارق عبادتی اخلاصه دها زیاده موافق اولدینی جهته کیجده عبادتک و قرائتک تأثیری زیاده اولدینی بو آیتدن مستفاد اولان فوائد جمله سنددر .

..

واجب تعالی تهجدله امرک حکمتی و کیجده تأثیرک زیاده اولدینی بیاندن صوکره کوندوزده اوقدر تأثیر اولدینی بیان ایتک اوزره ﴿ إِنَّ لَكَ فِي النَّهَارِ سَبْحًا طَوِيلًا ﴾ بیوریور .

[ یا اکرملرسل ! محقق سنک ایچون کوندوزده اوزون حرکت و چوق شغل واردر . ]

یعنی ؛ ای حییم ! بز سکا کیجه نمازیله امر ایتدک . زیرا ؛ سنک ایچون کوندوز وقت اشتغال اولوب دنیا مهماتیه اوغراشماق ایجاب ایتدیکی کی انواع وقوعاته معروض قالاجق واحوالکی تشویش ایدهرک چوق انتقال و کیدوب کله جک زمان اولدیغندن بز سکا تهجدله امر ایتدک . بناء علیه ؛ سن تهجده دوام ایدر و قرائتله مشغول اولورسه کوندوزدن دها کوزل اولور .

خلاصه ؛ کوندوز انسانلر ایچون امور دنیا ایله اشتغال دها زیاده و بناء علیه ؛ کیجه ایله عبادتک افضل اولدینی بو آیتدن مستفاد اولان فوائد جمله سنددر .

..

واجب تعالی کیجه عبادتله امرک حکمتی بیاندن صوکره کیجده واقع اولاجق عبادتله ایچنده افضل اولان عبادتی بیان ایتک اوزره ﴿ وَادْكُرْ اسْمَ رَبِّكَ وَتَبْتَئِلْ إِلَيْهِ تَبْتِيلًا ﴾ بیوریور .

[ یا اکرملرسل ! ذکر ایت ربکک آدینی و کسبل هر شیدن ، کمال توجهله ربکک جانبته توجه ایت . ]

یعنی ؛ ای مکرملر ! کرک تسبیح و تقدیس و کرک تهلیل و تعظیم و سائر اسماء حسنان هانکی وجهله اولورسه اولسون ربکک اسمی ذکره دوام ایت و سن هر شیدن کسبل و قطع علاقه ایت که واجب تعالی نک جانب مغویسنه توجه تامله توجه ایتیش اولاسک ، حتی اودرجه توجه ایت که کندی حالکة التفات ایتک خاطریکه کلمسون .

فخر رازینک بیانی وجهله تَبْتَئِلْ ؛ اَمْرٌ مِّنْ اَوْزْرِ دُنْيَا مَحَبَّتِي قَالِدِ بَرٍّ وَاللَّهِكَ رَضَائِي ايسه مکرملر . بوکا نظر آ معنای آیت : [ ای رسول معظم ! سن اخلاص اوزره دنیایه و دنیانک مشتملاتنه محبتی قالدیر و آنلردن قطع علاقه ایت و ربکک رضائی ایشه دیمکدر . رسوله امر رسولک امتنه دخی امر اولدیغندن امت محمدک جمله سی ذکر اللهله و رضاء الهی بی ایشه مک و اللهله تفویض امور ایدهرک توکل تامله متوکل اولمقله مأمورلردر .

خلاصه ؛ ذکر اللهله مشغول اولمق و دنیادن و دنیانک مشتملاتندن محبتی قالدیروب رضاء الهی به توجه تامله توجه ایتک لازم اولدینی بو آیتدن مستفاد اولان فوائد جمله سنددر .

..

واجب تعالی ذکر اللهله امر و دنیا محبتندن قطع علاقه ایتک لازم اولدینی بیاندن صوکره بوامرک سیفی بیان ایتک اوزره ﴿ رَبُّ الْمَشْرِقِ وَالْمَغْرِبِ لَا إِلَهَ إِلَّا هُوَ فَاتَّخِذْهُ وَكِيلًا ﴾ بیوریور .

[ الله تعالی کون طوغان و کون باتان یرلرک ربسیدر . آندن غیری تکرری یوقدر . حال بویه اولونجه سن آنی وکیل اتخاذا ایت . ]



یعنی ؛ اللهم اسمی ذکرله جانب الاهی به توجه ایتک البتہ لازمدر . ناصل لازم اولماسون ؛ او الله تعالى کونک طوغدینی و کونک ایندیکی محللرک حقیقی ربسیدر . بویله مشرق و مغرب کبی بویوک محللرک ربسی اولونجه آنلردن کوچوک اولان موجوداتک وبالخاصه انسانلرک ربسی اولاجنی اولویتله ثابتدر . بناءً علیه ؛ آنک اسمی ذکر و آندن ماعداستدن قطع علاقه ایتک و آنی وکیل اتخاذ ایدرهک جمله اموری آکا حواله ایلهمک امر لازمدر . چونکه ؛ عالمک ربسی اولونجه اسمی ذکر ایتکه و توکل تامله متوکل اولمغه شایاندر و آندن باشقه معبود بالحق یوقدر ، آنحق معبود بالحق اودر . بناءً علیه ؛ جمله اموره آنی وکیل ایدوب هرایشکی آکا حواله ایتک و جمله منفعتی آندن بکله مک عبودیتک اک بویوک وظیفه لرندندر .

خلاصه ؛ الله تعالى مشرق و مغربک ربسی اولدینی و آندن باشقه معبود بالحق اولمایوب آنحق معبود بالحق کندیسی اولدینی و تقویض امور ایدرهک وکیل اتخاذ ایتک لازم کلدیکی بوآیتدن مستفاد اولان فوائد جمله سندندر .

..

واجب تعالى سورة جلیله نک اولندن بورایه کلنجه به قدر قوللریله ذات الوهیتی آره سندم اولاجق معاملہ بی و قوللرینک وظیفه عبودیتلرینی بیاندن صوکره قوللرینک بررلیله اولاجق معاملہ لرینی بیان ایتک اوزره ﴿ وَاَصْبِرْ عَلَىٰ مَا يَقُولُونَ وَاهْجُرْهُمْ هَجْرًا جَمِيلًا ﴾ بیوریور .

[ یا اکرملرسل ! سن صبر ایت شول شی اوزرینه که آنلر اوشیئی سویلرلر و ترک ایت آنلری چکیل برکناره کوزل چکیلمله . ]

یعنی ؛ ای حبییم ! سن بنی اموریکه وکیل اتخاذ ایتدک ایسه دشمنلرک طرفندن سکا سویله نن سوزلر اوزرینه صبرایت آنلره مقابله ایتمه و ترک ایت آنلری غوغاسزجه چکیل برکناره . زیرا ؛ بنی وکیل اتخاذ ایدنجه بز آنلرک ایشی کورمهک و اصلاح اموره کافی نه ، باشقه سنه حاجت یوقدر .

فخر رازینک بیانی وجهله بوآیتده واجب تعالى انسانک دیکر انسانلره اولاجق معاملہ سنی بتمامهایکی کله ایلہ بیان بیورمشدر . چونکه ؛ انسان دیکر انسانلره یا اختلاط ایدر و یاخود اختلاط ایتمز کوشه ازوایه چکیلور . اکر اختلاط ایدرسه او انسانلردن کورمش اولدینی اذایه صبرایتک لازم اولدینی ( واصر ) قول لطیفله بیان بیورمشدر که امتالنن کوره چکی اذایه هر حالده صبر لازمدر و اکر اختلاط ایتمز غوغاسز و زاعسز برکوشه چکیلوب جمله سنی ترک ایتک لازم اولدینی ( واهجرهم ) نظم جلیلی ایلہ بیان بیورمشدر که اختلاطی اختیار ایتمینک کوزلجه بریره چکیلمی لازمدر .

بعض مفسرین « بوآیت ، آیت قتاله منسوخدر » دیمشلسده جمهور مفسرین غندندم آیت منسوخ دکدر . زیرا ؛ بوحالرکه اختلاط و یا عزلت انسانلرک دائماً مبتلا اولدینی حال اولوب آنکده چاره سی صبرله عزت اولدیغندن بومثللو احکامده نسخ جاری اولماز . خلاصه ؛ انسانک یا صبرله اختلاطی اختیار ایتمی و یاخود مدارات ایلہ برابرر کوشه به کوزلجه چکیلمی امر لازم اولدینی بوآیتدن مستفاد اولان فوائد جمله سندندر .

..

واجب تعالى انسان ایچون ضروری اولان ایکی حال که بریسی اختلاط دیکری عزلتدر . هر ایکینسکده مساعدۀ الہیه مقارن اولدینی بیاندن صوکره رسولنی مقام تسلیمده ﴿ وَذَرْنِي وَالْمُكَذِّبِينَ أُولِيَ النَّعْمَةِ وَمَهِّلْهُمْ قَلِيلًا ﴾ بیوریور .

[ یا اکرملرسل ! سنی تکذیب ایدن نعمت صاحبلیله ترک ایت بنی ، و آنلره آزیحق مهلت ویر . ]

یعنی ؛ ای حبییم ! سکا طعن ایدن کافرلرک طعنلرینه محزون اولما ، سن بنی آنلره ترک ایت و آنلردن انتقام ایشی سن بکا حواله ایت که سنک طرفکدن آنلردن انتقامکی آلیر اصلاً نقصان بر اقام . بناءً علیه ؛ آنلرک اذالرینی سندن دفع ایدرم ولکن انتقامده عجله ایتمه آزیحق بر زمان مهلت ویر و بزم انتقامزه انتظار ایت .

فخر رازینک بیانی وجهله بوآیتده نعمت صاحبلی ایلہ مراد ؛ قریبک شروت



و منصب صاحبی را دلور بر . و آرز بر مدت ایل مراد ؛ هیات دنیا در . یا خود بو آیتک  
نزدیک بر و قفسی آره منده کی یکی مندر . چونکه ؛ صنادید قریش بدر و قفسه سنده  
هلاک اولمشدر که الله تعالی نک بو آیتله وعد ایتدیکی انتقام دنیاچه او کون ظهور ایتمشدر .  
آخرته کوره جکری عذاب ایسه بوندن صوکره کی آیتده بیان بیوریور .  
خلاصه ؛ جناب حقک رسولی تکذیب ایدن زکیئلرک انتقامی کندینه حواله  
ایتمی و بر آزیحق مهلت و بر مسفی رسولته امر بیوردینی و انسانلر ایچون دشمنلرینی اللهک  
انتقامنه حواله ایتک امر اهم اولدینی بو آیتدن مستفاد اولان فوائد جمله سنددر .

واجب تعالی رسولی تکذیب ایدن کافرلردن انتقامی آلاجغنی بیاندن صوکره  
آخرته واقع اولاجق عذابلرینک کیفیتنی بیان ایتک اوزره ﴿ اِنَّ لَدُنَّا اَشْکَالًا وَ جَحِیْمًا \*  
وَ طَعَامًا ذَا غُصَّةٍ وَ عَذَابًا اَلِیْمًا ﴾ بیوریور .  
[ محقق بزم یا نمزده آغیر زنجیرلر و علوله نجی آتشلر و بوغازی طویجی طعام و الم  
و یرنجی عذاب واردر . ]

یعنی ؛ یا اکرم الرسل ! سن بنی آنلرله ترک ایت . زیرا ؛ آنلردن انتقام آلمق ایچون  
حاضر لائمش بزم عندیمزده آنلرک دنیاچه احکام شرعیه بی ادادن حاصل اولان محنت  
و مشقته تحمل ایتدکلینه مقابل آغیر زنجیرلر واردر آنلرله ثقلت و یرر و آنلرک دنیاچه  
مغرور اولدقلری ثروتلری و تلذذ ایتدکلیر نعمتلری مقابله آنلر ایچون جهنم عذابی  
واردر و آنلرک ربا و رشوت و اموال ایتم و غیرک ماله تجاوز کبی بیدکلی حرام مقابله  
بوغازلرینی طویجی و غصه و یرنجی زقوم دنیلن طعام واردر که عین عذابدر و آنلرک ذکر  
و فکرله مشغول اولدقلرینه مقابل اولارق آجیدنجی عذاب واردر .

فخر رازینک بیانی و جمله بو آیتده بیان اولونان درت نوع عذابک هر بر لرینک درجه  
نهایت و اردیقته اشارت ایچون عذابی بیان ضمننده وارد اولان الفساظک کافسی عظمه  
دلالت ایدن نریم ایل و ارد اولمشدر . بو عذابک عذاب جسمانی اولدینی کبی عذاب روحانی

اولمشنده دخی بر مانع یوقدر . چونکه ؛ انسان لذت جسمیه به مبتلا اولارق کفرله اولونجه  
آخرته نعمت کورمز . دنیا نعمتلرینی کسبه آلتده اولما دیقندن تلذذ عشق و محبتی  
واردر و لکن باغلیدر و او نعمتله نائل اولامامسی آنک ایچون عین عذاب جهنمدر و بو  
نعمتلردن محرومیت غصه سی آنک حقنده طعامدر فقط او طعام تمامیله غصه لیدر و بو وسیله  
ایله نور الهینک تجلیسندن حصه یاب اولامامسی آنک حقنده عذاب الیدر .

واجب تعالی کافرلرک عذابلرینک درت نوعی بیاندن صوکره او عذابک زمانی بیان  
ایتمک اوزره ﴿ یَوْمَ تَرْجُفُ الْأَرْضُ وَالْجِبَالُ وَ کَانَتِ الْجِبَالُ کَثِیْبًا مَّهِیْلًا ﴾ بیوریور .  
[ آنلره عذاب شول کونده اولور که او کونده یرلر و طاغلر تیزر و طاغلر آقیجی  
قوم بیغینی اولور . ]

یعنی ؛ شو بیان اولونان درت نوع عذاب او کونده واقع اولور که یرلر و طاغلر  
زلزله ایله مضطرب اولور صاللانیر و او کونده طاغلر و اووه لر جمله یرلر روز کارک صاووردینی  
قوم بیغینی کبی اولور . ایشه او یله شدتلی بر کونده بیان اولونان درت نوع عذاب کافرلر  
اوزرینه واقع اولور .

واجب تعالی کافرلرک عذابک نوعی و وقتی بیاندن صوکره اهل مککی فرعونک  
باشنه کن عذاب دنیویه ایل تهید ایتک اوزره ﴿ اِنَّا اَرْسَلْنَا اِلَیْکُمْ رَسُوْلًا شَهِیْدًا  
عَلَیْکُمْ کَمَا اَرْسَلْنَا اِلٰی فِرْعَوْنَ رَسُوْلًا ﴾ بیوریور .

[ محقق ای اهل مکک ! سزی ارشاد ایچون بزززه بر رسول معظم کوندردک .  
ناصل که فرعون رسول کوندردک ایشه سزده او یله جه کوندردک . ]

﴿ فَعَصٰی فِرْعَوْنُ الرَّسُوْلَ فَاَخَذْنَاهُ اَخْذًا وَّ بَیْلًا ﴾



[ بزرسول کوندرنجی فرعون اورسوله عصیان ابتدی . بناء علیه ؛ بزده آنی صاعلام طومقله طوندق . ]

یعنی ؛ ای اهل مکہ ! فرعونی ارشاد ایدوب دوعری یوله سوق ایتک ایچونہ بزناصل کہ فرعونہ رسول اولارق موسیٰ علیہ السلامی کوندردک ایسه سزده اولیله جه محمد علیہ السلامی رسول اولارق کوندردک کہ اورسول سزک ارتکاب ایتدی ککیز کناهلریکزدن طولایی یوم قیامتده علیکزه شهادت ایدر . فرعونہ کوندردی کمزرسول آنی ایمانه دعوت ایدنجی فرعون اجابت ایتدهی عصیان ابتدی . آنک عصیانی اوزرینه بز آنی دنیاده صوبه غرق ایتمکه آنلری شدتله اخذ ایتدک . ایشته ای اهل مکہ ! رسولنه ایمان ایتمین فرعونی ناصل اخذ ایتدک ایسه رسولکزه ایمان ایتدیککیزدن طولایی سزی ده اخذ ایدوب اهلاک ایدہ جکیزی خاطر یکزدن چیقارمایک .

وبیل ؛ سزده طوموم معناسنه اولدیغندن فرعونک دنیاده عذابنک شدتیه اشارت اولونمشدر . فرعونک حضرت موسایه اذاسی و کوچوک کورمسی اهل مکہنک حضرت محمد اذالرینه زیاده جه مشابہتی اولدیغنه اشارت ایچون بو مقامده یالکیز حضرت موسیٰ ایله فرعون ذکر اولونمش ، امتلریله دیگر انبیاء کرام ذکر اولونما مشدر .

واجب تعالی اهل مکہ کی فرعونله تهدید ایتدکدن صوکره قیامتک شدتیه تهدید ایتک اوزره ﴿ فَكَيْفَ تَتَّقُونَ اِنْ كَفَرْتُمْ يَوْمًا يَجْعَلُ الْوِلْدَانَ شِيبًا \* السَّمَاءُ مَنفُطِرٌ بِهِ كَانَ وَعْدُهُ مَفْعُولًا ﴾ بیوریور .

[ اگر کفر اوزره دوام ایدر باقی قالیرسه کز نفسکزی عذابدن ناصل صاقینیرسکیز شول کونده که او کونده چوجقلر قوجه اولورلر و او کونک شدتیه کونک یاریلور ، اللهم آنلره وعدی ده یرینی بولور . ]

یعنی ؛ فرعون و قومی ایمان ایتدیکلرندن طولایی بز آنلری اهلاک ایدنجی ای اهل مکہ ! سز کفر اوزره باقی قالوب ایمان ایتدیککیز عذابدن ناصل وقایه ایدوب

صاقلایا جقسکیز شول کونده که او کونک شدتدن وغایت اوزون اولدیغندن چوجقلر قوجه اولور و او کونک شدتدن کونک یاریلور اللهم کافرلره وعدی دخی یرینی بولور . بو آیتدن مقصد ؛ او کونک شدتی تمثیل و تصویردر . چونکه ؛ فخر رازینک بیانی وجهله او کونک شدتدن حاصل اولان غموم و همومک انسان اوزرینه هجومیله صاچنده و صاقلانده حاصل اولان بیاضلق ، بلکه قوجهلق ده سرعت ایدر . چونکه ؛ چوق غم و کدر طبیعتده اولان حرارتک سونمسی ایجاب ایدوب حرارتک سونمسی ده معدیه داخل اولان غدائک هضم ایدیلهمه مسنه سبب اولوب بویاسه وجودده اولان قیللرک بیاضلانمسی موجب اولور . والحاصل حزن و کدر قوجهلقک عجله سنی اقتضا ایتدیکی جهتله بو آیتده شیب ؛ او کونک سزده کناهلره . یاخورد او کونک شدتدن حقیقتده چوجقلر قوجه اولورلر .

واجب تعالی کافرلری انواع عذابی بیانله تهدید و قیامتک شدتی بیاندن صوکره سورهنک اولندن بورایه کلنجیه قدر بیان اولونان احکامی خلاصه ایتک اوزره ﴿ اِنَّ هَذِهِ تَذْكِرَةٌ فَمَنْ شَاءَ اتَّخَذْ اِلٰى رَبِّهِ سَبِيلًا ﴾ بیوریور .

[ شو ذکر اولونان آیتلر بویوک بر موعظه در . دیکله ین ربسنه یول طوتار . ]

یعنی ؛ شوبیان اولونان آیات بینات انواع هدايات و ارشاداتی جامع بک بویوک و بلیغ بر موعظه در . بو آیتلر موعظه اولونجه ایستین کیمسه او موعظه ایله متعظ اولارق وقوع بولان نصایحدن منتصع اولق صومتیه ربسی جانبیه دوعرو بر یول طوتارق مولاسنک رضاسنه واصل اولور . چونکه ربسنه دوعرو یول ؛ عبادات و طاعات ایشله مک و کناهدن قاجغله اولاجغندن دوعرو یولک سبب نجات اولاجغنده شبهه یوقدر .

واجب تعالی تهجد و سائر عباداتله امر ایدوب امره اتباع ایتدیکلری انواع عذابه تهدید ایتدکدن صوکره ذات الوهیتک علمی هر شیئه و بالخاصه کیجه عبادتیه لاحق اولدیغنی بیانله قوللری عبادتیه تشویق و کناهدن تنفیر ایتک اوزره ﴿ اِنَّ رَبَّكَ يَعْلَمُ



أَنْتَ تَقُومُ أَذْنِي مِنْ ثُلُثِ اللَّيْلِ وَنِصْفَهُ وَثُلُثَهُ وَطَائِفَةٌ مِنَ الَّذِينَ مَعَكَ وَاللَّهُ يُقَدِّرُ اللَّيْلَ وَالنَّهَارَ ﴿١﴾ بیوریور .

[ یا اکرم الرسل ! محقق سنک ربک بیلیر که سن کیجه نك ايکی ثلثدن آز بر زمانده ونصفنده وثلثنده تهجد ایچون قالقارسک و سنکله برابر اصحابکدن بر جماعتده قالقار . ربک تعالی بونلرک هبسنی بیلیر علمندن هیچ بر شی غائب اولماز واللہ تعالی کیجه وکوندوزک مقدارلرینی تقدیر ایدر . ] و کیجه ایله کوندوزی بر بری آرقه سنده یکیلر واوزونلغنی و قیصه لغنی و بعض جزؤلرینک بعض آخربنه دخولنی وساعتلرینی ودقیقه لرینی تقدیر ایدر و هیچ بر ثانیه سی علم الهیدن خارج اولماز و هر کسک عملنی بیلدیکی کبی جزاسنی ویرر .

بو آیتده عاصیلری تهجد و عابدلری عبادته ترغیب واردر . چونکه ؛ کیجه و کوندوزی تقدیر ایدن البته اوزمان ایچنده وقوع بولان عبادات و طاعاتی و معصیتی تماماً بیلیر . بناء علیه ؛ عبادک خیر و شر جزاسندن هیچ بر ذره سی فوت اولمقسزین البته هر کسک مستحق اولدیغنی ثوابی و یا عذابی ویرر . شو حالده کناهکارلر کناهدن و از کچملی ، زیرا ؛ الله تعالی بیلیر و جزالرینی ویرر . و عابدلرده عبادته دوام ایتملی ، زیرا ؛ الله تعالی عبادتلرینک زیاده سیله ثوابی ویرر .

..

واجب تعالی قوللرینک کیجه نك تقدیر مقدارنده تهجدده قالقدقلرینی و کیجه نك هر جزئنه علمنک لاحق اولدیغنی بیاندن صوکره قوللرک کیجه نك اجزاسنی صایامیه جقلرینی بیان ایتمک اوزره ﴿عَلِمَ أَنْ لَنْ تُخْصَوْهُ قَتَابَ عَلَيْكُمْ﴾ بیوریور .

[ الله تعالی سزک کیجه نك مقدارینی صایامیه جفکزی بیلیر . بناء علیه ؛ الله تعالی کیجه ایله قیامی ترکدن حاصل اولان قصوریکزی عفو له معامله بیوردی . ]  
یعنی ؛ الله تعالی سزک کیجه نك هر جزئنی البته تعداد ایدمه جککزی و هر جزئنده عبادتله مشغول اولمغه طاقتکز اولمادیغنی بیلیر . بناء علیه ؛ کیجه نك نصفنده ودها زیاده

ونقصانده تهجدی ترککزدن حاصل اولان قصوریکزی عفو ایتدی و کیجه نك کلپسندمه عبادتله مشغول اولمق کلفتی سزدن قالدیردی .

فخر رازی و خازنک بیانلرینه نظراً کیجه نمازی ابتداء اسلامده واجب اولونجه اصحابدن بر ذات کیجه صباحه قدر نمازله مشغول اولوردی . زیرا ؛ کیجه نك بعض جزئنده نمازی ترک ایدرسم عجباً امر الهی به مخالف حرکتده بولونورمی یم قورقوسنه بناء هیچ بر دقیقه فوت ایتمه مکه باشلا نجه طاقتلری قالماسی اوزربنه جناب حق قوللرینی تسلیم و اوزرلرنده بولونان ثقلنی رفع ایتمک اوزره بو آیتی ازال بیورمشدر .

..

واجب تعالی کیجه نك اکثریسنده تهجدده تحمللری اولمادیغندن کیجه نك نصفنده وثلثنده تهجد کافی اولدیغنی بیانه تخفیف ایتدی ایسه او تخفیفی توسیع و تفصیل ایتمک اوزره ﴿فَاقْرَأْ وَآمَّا تَيْسَّرَ مِنَ الْقُرْآنِ﴾ بیوریور .

[ سز قرآندن قولای اولان مقداری اوقویک . ]

یعنی ؛ تهجد نمازینک وجوبی نسخ اولونونجه سز تهجدده ممکن اولدیغنی وقولایکزه کیتدیکی قدر اوقومقله اکتفا ایدک که چوق اوقومقله نفسکزی یورمیه سکز .

فخر رازینک و ابوالسعود افندینک بیانلری وجهله بو آیتده قرائت ایله مراد ؛ تهجدده مخصوص اولمایوب مطلقاً قرائت اولمغه احتمالی واردر . زیرا ؛ ﴿مَا﴾ الفاظ عامدن اولدیغنی جهته نمازده و نمازک غیریده اولان قرائتله شاملدر . کرچه آیتک ماقبل و مابعدی تهجدده قرائت اولسنی ایما ایدر سده لفظ قرآنی عموم اوزره حمل ایتمک دها موافقدر . چونکه ؛ عموم اوزره حمل اولوندیغنده تهجدده تلاوته دخی شاملدر و آیتک حکمی ؛ مطلقاً قرآنی اوقومیه شانده اولمه کیمه نك ممکن اولدیغنی قدر اوقومیه سیر که قرآن اونوتولقدن امین اولسون و هر کس قرآنک اوقومسفی درس اتخاذ ایستون . آنجق برکونده نه مقدار اوقومقدده اختلاف اولونمشدر . بعضیلر «یومیه یوز آیت» و بعضیلر «الهی آیت» و بعضیلر «قصه سوره لردن برینی اوقومق کافیدر» دیمشلسده



لفظ آیتدن مستفاد اولدینی جهته تلاوت قرآن قصدیه یومیه ولور آیت او قومش اولسه بومره امتثال ایتمش اولور. چونکه آیتده (تَسْرَ) تعبیری غایت سهوله دلالت ایندیکی کبی قرآن او قویاجقلردن من کل الوجوه کوجلکی قالدیرمغه اشارتدر. بناء علیه؛ قرآن او قومنی کندینه درس اتخاذایدن کیمسه دوام اوزره او قورسه ولو آاز او قومش اولسون قرآن او قومق نقطه سندن اوزرینه ترتب ایدن وظیفه سنی ادا ایتمش اولور.

خلاصه؛ کرک نمازده و کرک نمازک خارجنده ممکن اولدینی قدر قرآن او قومق لازم اولدینی و قرآن او قومنی درس اتخاذا ایدره رک ولو آاز بر مقدار اولسون او قودیفنده اوزرینه ترتب ایدن وظیفه سنی ایفا ایتمش اولاجنی بو آیتدن مستفاد اولان فوائد جمله سندندر.

..

واجب تعالی تهجد نمازینک وجوبی قولرینه قولایلق اولسون ایچون نسخ ایندیکنی بیاندن صوکره نسخک حکمتی بیان ایتمک اوزره ﴿عَلِمَ أَنَّ سَيَكُونُ مِنْكُمْ مَرَضٌ وَآخِرُونَ يَضْرِبُونَ فِي الْأَرْضِ يَبْتَغُونَ مِنْ فَضْلِ اللَّهِ وَآخِرُونَ يُقَاتِلُونَ فِي سَبِيلِ اللَّهِ﴾ بیوریور.

[البته الله تعالی بیلدی که سزده خسته لر اولور و آخر بر طائفه اولور که آنلر اللهم فضلندن رزقلرینی آرامق ایچون بر یوزنده سیر و سفر ایدرلر و آخر بر جماعتده اولور که الله یولنده اعداء دینله محاربه ایدرلر.]

یعنی؛ الله تعالی سزک اوزریکزدن تهجد نمازینک وجوبی نسخ ایتمکله قالدیردی. زیرا؛ الله تعالی بیلر که البته سزده خسته لر اولور. خسته ایسه وجودینه عارض اولان ضعف سیبیلله تهجده طاقق اولمادیغندن الله تعالی آنلردن تهجد نمازینک وجوبی قالدیردی و سزدن آخر بر طائفه ده اولور که آنلر فضل السهیدن رزقلرینی طلب ایدر اولدقلری حالدیه بر یوزنده مسافرت ایدرلر. مسافرت ایسه مشقتدن خالی اولیه جفی جهته الله تعالی خسته لر کبی آنلردن دخی تهجد نمازینک وجوبی قالدیردی. چونکه؛ تجارت ایچون

کوندوزلرده اعمال شاقه ایله یورولدقلردن کیجه ایله استراحتیه احتیاجلری ضروریدر. بناء علیه؛ اگر کیجه ایله ده تهجد نمازیه مکلف اولمش اولسه لر تحملک فوقنده بر تکلیف اولاجنی جهته جناب حق تهجدک وجوبی قالدیرمقله کسب رزقله مشغول اولانلره احسان بیورمشدر و سزدن بر جماعت دخی واردر که اعلاء کلمه الله ایچون فی سبیل الله اعداء دینله مقاتله و محاربه ایدرلر، محاربه نک مشقتی ایسه ظاهردر. بناء علیه؛ جناب حق آنلردن دخی تهجدک وجوبی قالدیردی و یالکزر پیغمبریمز صلی الله تعالی علیه وسلم اقدیمز اوزرینه تهجد نمازی فرض اولارق قالدی و شویان اولونان مشقتله بناء امتندن وجوب عفو اولونمشدر.

فخر رازینک بیانی وجهله واجب تعالی بو آیتده حلالندن رزقنی کسب ایچون مسافرت ایدوب چالیشانله اعداء دینله مجاهده ایدن غزات مسلکینی حکمده مساوی قیلمشدر. زیرا؛ حلالندن تجارتله اشتغال افضل عبادت اولدینی دیگر نصوصله دخی ثابتدر. ابن مسعود حضرت تریینک کلامی ده بونی تأیید ایدر. شویله که ابن مسعود حضرتلری «بر کیمسه اسلام شهرلرندن بر شهره بر رزق چایيله زحمتنه تحمل ایدر اولدینی حالدیه کیدوب ثوابی قصد ایدره رک او کونک رایجیله صانارسه عندالله او کیمسه شهادت معبود اولور» بیورمش و بوسوزی سویله دکن صوکره ابن مسعود حضرتلری سوزینی تأیید ایتمک اوزره بو آیتی او قومشدر. بو آیت تجارت ایچون مسافرتیه شامل اولدینی کبی تحصیل علم و صله رحم و سایر مباح اولارق مسافرتک جمله سنده شاملدر. چونکه؛ لفظک عمومی مساعد اولدینی کبی تکلیفی تخفیفک اسبابندن اولان مشقتده مسافرتک هر نوعنده موجوددر بناء علیه؛ حصلت مشروعه دن دولایی مسافرتک کافه سی بو آیتده داخلدر.

خلاصه؛ انسانلرک هر صنفی کوندوزلری برر نوع مشقته مبتلا اولدقلرینی واجب تعالی بیلدیکی ایچون کیجه ایله استراحتلری تأمین اولونق اوزره تهجدک واجب اولسنی قوللرندن قالدیردینی و نافله اولارق تهجد نمازی قیامق مشروع اولدینی و وجوبک قالدیرلسنه سبب انسانلره عارض اولان مشقت اولدینی بو آیتدن مستفاد اولان فوائد جمله سندندر.

..

واجب تعالی اکثر انسانلر اوزرینه اداسی مشکل اولسنه بناء تهجد نمازینک وجوبی



رفع ایندیکنی بیاندن سوکره وجوبی نسخ اولونمش ایسه ده نافله اولارق اداسی مشروع اولدیغنی بیان ایتک اوزره ﴿فَاقْرَؤْا مَا تَيَسَّرَ مِنْهُ وَاَقِمُوا الصَّلَاةَ وَآتُوا الزَّكَاةَ وَاقْرَءُوا لِلّٰهِ قَرْضًا حَسَنًا﴾ بیوریور .

[ قرآندن میسر اولدیغنی قدر اوقویک وفرض اولان بش وقت نمازی وقتنده ادا ایدک ومالکزک زکاتی ویرک واللهم رضاسی ایچون اودونج ویرمکه کوزل ویرک . ]  
یعنی ؛ تهجد نمازینک وجوبی اوزریکزدن قالدیرلدی ایسه نافله اولارق تهجد نمازینه قیامله قرآندن سزه اوقومسی میسر اولدیغنی مقداری اوقومقوله تهجیدی ادا ایدک که بوس بوتون ترک اولونمش اولماسون واوزریکزه واجب اولان بش وقت نمازی ربکزک راضی اولاجنی وجه اوزره ادا ایدک که ایمانله کفر آره سنی تفریق ایدن نمازده تکاسل اولونماسون ونفسکزی بخلدن واموالکزی کیر وپاسدن خلاص ایتک ونفسکزی مدوح اولان سخایه آیشدیرمق وفقرانک حقنی یرینه یرلشدیرمک ایچون اوزریکزه واجب اولان زکاتی ویرک که فقرانک حق قالماسون ونافله اولارق اللهم رضاسی ایچون محتاج اولانله اودونج ویرک .

بو آیتده « الله تعالی به قرض حسن اولارق ویرک » دیمک « اللهم راضی اولدیغنی مسجدلره ، مدرسهلره ، مسافرخانهلره وفقرا وضعفایه ومصالح مؤمینندن سائر خیرات ومبرات و بالخاصه عساکر اسلامییه بی تجهیز خصوصلرینه مالکزدن بر مقدارینی صرف ایدک ، دیمکدر . چونکه ؛ قرضک معناسی ؛ اودونج ویرمک اولوب بو ایسه الله تعالی حقنده جاری اولامیه جفندن الله رضاسی ایچون ویریلنه الله قرض اطلاق اولونمشدر . زیرا ؛ الله تعالی نک رضاسی ایچون وجوه بره صرف اولونان مال ضایع اولمایوب الله تعالی عندنده محفوظ اولدیغنی ایچون الله قرض دیمشدکه بر کیمسه نک آخیرینه اودونج ویردیکی مال ضایع اولمایوب محفوظ قالدیغنی کبی بوده محفوظ دیمکدر .

\*\*

واجب تعالی زکات وقرض حسن ایله امر ایتدکن سوکره بومثللو صرفیاتک بوشه

کیتمه یوب مقابلنده اجر ومثوباته نائل اولاجقیرینی بیان ایتک اوزره ﴿وَمَا تُقَدِّمُوا لِأَنفُسِكُمْ مِنْ خَيْرٍ تَجِدُوهُ عِنْدَ اللَّهِ هُوَ خَيْرٌ وَأَعْظَمُ أَجْرًا﴾ بیوریور .  
[ خیر اولارق نفسکزی ایچون هر نه شی کوندردیکزه ایسه او شی عندالله محفوظ اولارق دهاخیرلی واجرینی وثوابی دها بویوک بولورسکزی . ]

یعنی ؛ اچلکزدن اول کرک مال وکرک بدن جهندن رضاء الهی به موافق اولارق هر نه عبادت ایدر وصدقه کوندرسه کز او شیئی الله تعالی عندنده دنیاده آلیقوبیدیغکزدن دهاخیرلی وثوابی دها بویوک اولارق بولورسکزی .

\*\*

واجب تعالی نماز، زکات وقرض حسن کبی عباداته امر ایدوب وبونلر بوشه کیتمه یوب هر برینک اجرینی زیاده سیله بولاجقیرینی بیاندن سوکره قوللرک هر حالده قصوردن خالی اولمایوب استغفاره محتاج اولدقیرینی بیان واستغفارله امر ایتک اوزره ﴿وَاسْتَغْفِرُوا لِلّٰهِ اِنَّ اللّٰهَ غَفُورٌ رَّحِيمٌ﴾ بیوریور .

[ الله تعالی به استغفار ایدک . زیرا ؛ الله تعالی اسیرکهیجی ویارلیغایجی در . ]  
یعنی ؛ انواع عباداتکزدن واقع اولان قصورلریکزدن وسائر کناهلریکزدن طولایی الله تعالی به استغفار ایدرک مغفرت ایسته یک . زیرا ؛ الله تعالی مغفرت طلب ایدن قوللرینک کناهلرینی ستر ایتمکه مغفرت ایدیجی ودرکاه الوهیتنه ندامتله رجوع ایدن قوللرینه مرحمت بیوریجی در . بناء علیه ؛ دورمایک استغفار ایدک .

استغفار ؛ کناهلری محوه ورزقی جلبه واولاد وانسالک چوغالماسنه سبب اولق کبی بر چوق منافی جالب اولدیغنی ایچون واجب تعالی سورمه نک آخرنده قوللرینه استغفارله امر ایتمش واستغفاره ترغیب ایچون کندیسنک غفور ورحیم اولدیغنی بیان بیورمشدر .





سورة مدثر

مکه مکرمه نازل اولان سوره لردندر . الی آتی آتی جامعدر .

بِسْمِ اللَّهِ الرَّحْمَنِ الرَّحِيمِ

يَا أَيُّهَا الْمُدَّثِّرُ ﴿١﴾ قُمْ فَأَنْذِرْ ﴿٢﴾

[ ای لباسه بورونمش اولان نبی ذیشان ! قالدی بیتاغکدن کمال اهمیتله قوللریمی عذابله قورقوت ]

یعنی ؛ ای وحیک دهشتله کندینه اوشومک عارض اولسنه بناء لباسی اوزرینه بورونوجی رسول مکرم ! بیتاغکدن قالدی ایمان ایتمه دکاری صورتده اوزرلرینه نازل اولاجق عذابله سن قوللریمی قورقوت وایمانه دعوت ایت . زیرا ؛ انسانلر شرک وسائر کناهلرله مشغول اولدقلرندن واقع اولاجق عذابی بیانله آنلری قورقوتق سنک اوزریکه واجب اولمشدر . بناء علیه ؛ راحتی ترک ایدرک آنلری انصاف وایمانه دعوتک زمانی کلشدر . چونکه ؛ ابتداء جنسک مادی ومعنوی احتیاجلرینی دفع ایتمک کالات انسانیه دن اولدینی کی انواع محرومیتی موجب اولان ضلالتدن آنلری هدایتیه ایصال ایتمک دخی امراهمدر .

فخر رازی و خازنک و ابوالسعود افندیکن بیانلری وجهله بو آیتک سبب نزولی شویله در: حضرت پیغمبر علیه الصلاة والسلام افندیکن مکهک یقینده بولونان (جبل حرا) یی کندینه معبد خانه اتخاذا ایتدیکی زمانده جبریل امین سما طرفندن برکریسی اوزرنده « یا محمد ! » دیهرک کلنجه شمعی به قدر کورمه دیکی وانسیت ایتمه دیکی بر خارق العاده یی کورمه سی اوزرینه ذات نبویلرینه بر قورقو عارض اولمشدر . چونکه ؛ انسانک اولدن الفت ایتمه دیکی بر غریبه یی فحشاء کوردیکنده اندیشه ایتمسی لوازمات بشریه سندندر . بناء علیه ؛ جبریل امینی سماده کورونجه رسول الله عارض اولان قورقو اوزرینه حضرت خدیجه نک خانه سنی تشریفله برده سنی بورونمش اولدینی بر زمانده جبریل امین ( یا ایها المدثر ) نظمیه

کلشدر . قورقق انسانلرایچون جلی بر حال اولدیفندن رسول الله عارض اولان شو قورقو مانع کمال دکلدر .

رسول ونبی لفظلریله خطاب اولونمیه رق مدثر نظمیه خطاب لطیفه طرزنده در . چونکه عربلرک عادتلری ؛ بر کیمسه به لطیفه ایده جکلرنده او کیمسه نک اوزمانده مشتمل اولدینی حالانه دلالت ایدن الفاظ وکله ایله تعبیر ایتمک وآنکله جاغیرمقدر . بناء علیه ؛ جبریل امین رسول اللهک برده سنی بورونمش اولدینی حالده کلدیکنندن جناب حق علی طریق الملائقه ( یا ایها المدثر ) ایله خطاب اولونمسی امرایتمش وبومنوال اوزره خطاب اولونمشدر . بو آیتده دثار ایله مرادک نبوت وکالات اولمسی احتمالی واردر . چونکه لباس ظاهری ؛ انسانک ظاهری تزیین ایتدیکی کی نبوت وکالات انسانیه ده انسانک باطنی تزیین ایتدیکنندن تشبیه طریقله نبوتیه دثار ایله تعبیر اولونمشدر . بوکا نظراً معنای آیت : [ ای لباسه بکزه بن نبوتی وکالات انسانیه یی بورونمش اولان نبی ذیشان ! سکا خطاب ایدرم که قالدی قوللریمی انذار ایت ] دیمکدر .

..

واجب تعالی رسولنه قوللرینه انذارله امر ایدنجه رسول الله طرفندن نه ایله انذار ایدیم ؟ دیهرک واقع اولان سئواله جواب اولارق ﴿ وَرَبَّكَ فَكَبِّرْ ﴾ بیوریور . [ سن ربکه تکبیر ایت و قوللریمی تکبیره دعوتله انذار ایت . ]

یعنی ؛ ای نبی ذیشان ! سنی تربیه حقیقیه ایله تربیه ایدوب کالاته ایصال ایدن ربکک بویوکلکینی قلبکله اعتقاد ایتدیکن کی لسانکله دخی تکبیر ایت . زیرا لسان ؛ قلبک ترجمانیدر . بناء علیه اکثر علما عندنده ایمان ؛ قلبه نصیری ولسانه اقرارده عبارتدر . فخر رازینک بیانی وجهله بو آیت نازل اولونجه رسول الله آیاهه قالدقارق تکبیر آلیر و خدیجه رضی الله عناده رسول الله اتباع ایدرک تکبیر آلیر و بو حادثه نک وحی اولدینی بیلدیکنندن فرحناک اولور . ایشته حضرت خدیجه نک شوانبای و فرحی اسلامده جمله دن مقدم اولدیفنه دلالت ایدر . کرچه هنوز رسول الله دن ایمانه دعوت واقع اولماش ایسه ده در حال وحی بیلهرک رسول الله اتباعی قوی بر ایماندر .



واجب تعالى نك هر شیدن اول تكبير ايله امر ایتمی؛ ذات الوهیتك نقائصدن تنزیهی و بویوكلککفی اعتقادك و معرفت الهیه دعوتك جمیع تکالیفدن مقدم اولدیغنه تنبیه ایچوندی. بناء علیه انسان اوزرینه هر شیدن اول واجب اولان؛ معرفت الهیه درجده واجب اولان؛ نقائصده تنزیه. زمان سعادتده مکده بولونان انسانلر الهی بیلیورلر و لکن جناب حق نقائصدن تنزیه ایدیه رك لا یقیله تعظیم بیلمه دکلرندن شرك ایتدکلری جهته واجب تعالى هر شیدن اول تكبير و تنزیه ايله امر ایتشدی. چونکه او زمانده مقصود اولان؛ نقائصدن تنزیهی آنلره تبلیغ ایتمکدی. بناء علیه؛ هر شیدن اول تكبير ايله امر کلدی.

..

واجب تعالى قوة نظریه دن عبارت اولان اعتقادیاتی اکمال ایتمکه امر ایتدکن صوکره  
قوة عملیه دن عبارت اولان فروع اعمال ایلده امر ایتمک اوزره ﴿وَرَبَّنَا بَكَ فُطِّهْرُ﴾ وَالرُّجُزُ  
فَاجْزُ بیوریور.

[ای نبی ذیشان! البسه کی نجاستدن و سائر طبیعتک سومیه جکی شیردن پاک طوت و عذابی موجب اولان کناهلرک کافه سنی ترك ایت.]

یعنی؛ ای رسول معظم! سن ربکه تكبير آلوب تعظیم ایتدکن صوکره عبادته باشلا یا جفکده لباسکی نجاستدن تمیزله. زیرا؛ عبادت حالده طهارت اوزره بولونمق واجب اولدیغی کی عبادتک غیری زمانلرده دخی تمیزک طبیعت بشرك سوه جکی شیردندر و انسانک معذب اولسنی ایجاب ایدن بالعموم کناهلری دخی تركه دوام ایت. چونکه؛ کناهلر رضاء الهی به مخالف اولدیغندن قهر الهی بی موجبدر. بناء علیه؛ هر عاقلک هر زمان ایچون کناهلری تركه نفسنی عذابدن محافظه ایتمی لازمدر. ایشه شو آیت؛ مکارم اخلاقک جمله سنی جامعدر. چونکه؛ طبع بشرك سوه جکی طهارتله امر ایتدیکی کی هر قتالنی ترك ایتمکه دخی امر ایدیور.

فخر رازینک و ابوالسعود اقتدینک بیانلری وجهله رسول اللهک مذموم اولان عادات جاهلیه دن تركه اولان امر اولوندیغی شی؛ بماسنده طهارت و کناهلری ترك ایتکدر.

چونکه؛ مشرکله هیچ بر زمان نجاستدن و سائر طبیعت بشریه به مخالف اولان شیردن چکینمز لردی. بوايه فطرت بشره مخالف اولدیغندن خلاق عالم اولان واجب الوجود طبع بشره ملایم و عقل سلیمه موافق اولان طهارتله امر ایتشدی. لباسی تطهیر ایتمکه امری؛ اخلاق ذمیمه نك کلیسی ترك ایتمکه امری مستلزمدر. چونکه؛ عاریت اولان البسه بی تطهیر ایتمک لازم اولونجه هر زمان انسانک کندیسندن آیرلایان نفسنی اخلاق ذمیمه دن تطهیر ایتمی لازم اولاجنی اولویتله ثابتدر. یا مبرور «لباسکی تطهیر ایت» دیمک «قیصه کسک و قیصه کین» دیمکدر. چونکه؛ البسه بی اوزون کیمک عادت جاهلیه دندر و اوزون لباس ایسه نجاسته بولاشمقدن خالی اولمادیغی جهته نجاستدن صاقینمق مشکل اولدیغی کی کبر و تفاخر کی نجاست باطنیه دخی سبب اولور. شو آیتدن هانکی معنا حراد اولونورسه اولونسون دین اسلامک نظافت اوزره بنا قیلندیغنه و دیانت اسلامیه ده نظافته دقت لازم اولدیغنه و فروع اعمال ایچندن اول باول طهارت امر اولونمسی دخی طهارتک هر شیدن اول لزومه دلیل کافیدر. بناء علیه؛ هر مؤمنک طهارته دوامی دیانت نقطه سندن الزمدر. حتی أوك قابلیغی ییقایوب تمیز بولوندیرمق و حولیسنی سوپوروب لطیف طوتمق زنکینلکی جالبدر. زیرا دینمک اقتضای؛ نظافتی آمردر و اساساً الله تعالى ده نظیفدر نظافتی سور.

(والرجز) رجزک اصل معناسی؛ عذاب و عذاب سبب اولانه هر کناه اولدیغندن «عذابه مؤدی اولان معصیتک کلیسی تركه دوام ایت» دیمکدر. چونکه؛ رسول الله کناه ایشله مه دیکندن «کناهی ترك ایت» دیمک «کناهی تركه دوام ایت» دیمکدر.

..

واجب تعالى قوللرینک حقله اولاجق معامله سنی بیاندن صوکره خلقله اولاجق معامله سنی بیان ایتمک اوزره ﴿وَلَا تَمْنُنْ تَسْتَكْبِرُ﴾ بیوریور.

[بر کیمسه به بر شی مقابلنده دها چوغنی بکدر اولدیغک حالده ویرمه.]

یعنی؛ مقابلنده برچوق قارشولاق بکدر اولدیغک حالده بر کیمسه به هدیه ایتمه و ویردیگک بر شی قارشولغنده دها زیاده سنی امید ایدیه رك ویرمه.



فخر رازینک و ابوالسعود افندینک بیانلری وجهله بو آیتده نهی؛ تنزیه ایچوندردم چونکه؛ چوق عوض المی نیتله رسول الله هدیہ کتیرنلره رسول الله آنلرک کتیردکلری هدیہلری مقابلنده امیدلرینه موافق و بلکه دها چوق ویررلرومنعده ایتمزلردی . ایشته رسول اللهک فعلی مسئلهنک اصل جوازینه یعنی آز هدیہ مقابلنده چوق عوض بکله مهنک جوازینه دلالت ایدر ، فقط بوجوازامت حقننده در . اما رسول الله حقننده نهی ؛ تحریمیدر . چونکه ؛ آز ویروب چوق کوزله مک حرص وطمع و دنیایه رغبت نتیجه سی اولدیغندن منصب نبوته لایق دکلدر ، بلکه منصب نبوته لایق اولان ؛ ویرمک مقابلنده برشی بکله مه مک وهرایشی اللهک رضاسی ایچون اولمقدر .

یاخود معنای آیت : [سن عبادتکی چوق صایارق الله قارشى عبادتکی تعداد ائمه ] دیمکدر . چونکه ؛ عبادتک فائده سی قوله عائد اولدیغندن ذاتنه عائد اولان برشیئى الله قارشى صایمقده معنا یوقدر .

یاخود معنای آیت : [امتکه تبلیغی چوق کوره رک امتکه قارشى تبلیغی تعداد ائمه . زیرا تبلیغ ؛ سنک ایچون طرف السهیدن بر وظیفه مودوعه در . انسان ایچون کندینه مودوع اولان وظیفه یی ادا ائتمکده او وظیفه یی ادا ایتدیکنی بیان ایدرک صایمق لایق دکل ] دیمکدر .

خلاصه ؛ عبد ایچون اولاً لازم اولان واجب تعالی نک وجودی بیلوب نقائصدن تنزیله تعظیم و تکبیر ائتمک و ثانیاً ظاهر و باطنی نجاستدن تطهیر ایدرک کمال طهارت اوزره بولونمق لازم اولدینی کبی جمله کناهلری ترک ائتمک و ظائف دینی دن بولوندینی بوآیتلردن مستفاد اولان فوائد جمله سندندر .

..

واجب تعالی بیان اولونان تکالیفده لازمکن مشقته صبر ائتمک اهم اولدیغنی بیان ائتمک اوزره .

﴿وَلِرَبِّكَ فَاصْبِرْ﴾ بیوریور .

[ آنحق ربک تعالی نک رضاسی ایچون سن صبر ایت . ]

یعنی ؛ ای نجت ذیشان ! شویان اولونان عبادت و طاعتدن حاصل اولان مشقتلره صبره دوام ایت و مشرکلرک اذالرینه تلاش ائمه . زیرا ؛ صبرک عاقبتی سلامتدر . فخر رازینک بیانی وجهله سورهنک بدایه سندن بورایه کلنجیه قدر بیان اولونان تکبیر و تطهیر و کناهلری ترک جمله سی کلفتی موجب اولدینی جهتله مشقتدن خالی اولامیه جغندن صبره محتاج اولدینی و صبرده آنحق رضاء بارى ایچون اولق لازم کلدیکی بوآیتدن مستفاد اولان فوائد جمله سندندر .

..

واجب تعالی رسولنه لایق و منصب نبوته مناسب بعض اوامری بیان و بونلری امتنه تبلیغ و انذارینی امر ایتدکن صوکره بوامرلره اطاعت ائمه یں عاصیلرک جزالری بیان ضممنده .

﴿فَإِذَا نُقِرَ فِي النَّاقُورِ﴾ فذلک یوم مئذ یوم عسیر ﴿عَلَى السَّكَافِرِینَ غَیْرُ یَسِیر﴾ بیوریور .

[ اسرافیل طرفندن صوره اوفورولدیکی زمان کافرلر اوزرینه حال مشکل اولور . زیرا ؛ اوکون غایت کوچ و مشکل برکوندرکه کافرلر اوزرینه قولای دکلدر . ]

فخر رازینک بیانی وجهله ناقور ؛ صرردر و بو مقامده امر ائتمک صوره ایکنجهی اوفورمه سی مراددر . چونکه ؛ صوره برنجی اوفورولمکده مؤمن ، کافر هپسی بردن وفات ایده جکلری ایچون کافرلره مخصوص برکوجلک یوقدر . آنحق کافرلره مخصوص کوجلک ایکنجیده در . بو آیت ؛ صبرله امرک دلیلدر . زیرا ؛ قیامتک وقوعی کرک تکالیفدن حاصل اولاجق مشقته و کرک دشمندن واقع اولاجق اذایه صبر ائتمکی ایجاب ایدر . بوکا نظراً آیتک معناسی : [ یا اکرمرسل ! مشرکلردن واقع اولان اذالره صبر ایت ، انتقام آلمه سرعت ائمه . زیرا ؛ آنلرک اوکنده برمشکل کون واردرکه اوکون اسرافیلک صوره اوفوردیکی کوندر . ایشته اوکونده آنلر سکایپدقلری اذالرینک جزالری کوره جکلردر . بناء علیه ؛ انتقامک زمانی اوزمان اولدینی ایچون عجله لازم دکلدر . چونکه ؛ اوکونده کافرلر دنیاده کی سرکشکلرینک جزا سی کوره جکلردن غایت مشکلاته تصادف ایده جکلردر ] دیمکدر .



واجب تعالی او کونده کافرلرک کوره جکری مشکلاتی و کندیلرندن اخذ انتقام اولونا جغنی بیانله رسولنی صبره تشویق بیوردینی کی کافرلر ایچون اصلاً قولایلق اولمادیغنی شدتله بیان بیورمش و او کونده کوجلاک آنجق کافرلره اولوب اهل ایمانه قولایلق اولاجغنه اشارت ایچون (علی الکافرین) لفظی (غیر یسیر) اوزرینه تقدیم اولونمشدر. چونکه دعوت التَّهْمِیَّه احابت ایدنلرک ایشلرینی تسهیل ایدوب اجابت ایتمه یئرلرک ایشلرینی کوجلاشدیرمکله ایکی فرقه نیک آره سنی تفریق ایتمک؛ عدالت التَّهْمِیَّه اقتضاسندنر وعقله ملایم اولانده بودر. بناء علیه؛ عموم انسانلر اوزرینه او کون مشکل بر کون اولدینی حالده کافرلر اوزرینه هر کسدن زیاده مشکل اولدینی تصریح بیورمشدر.

..

واجب تعالی بالعموم کافرلر اوزرینه یوم قیامتک مشکل اولدینی بیانندن صوکره کافرلردن بالخاصه رسول الله چوق اذا ایدن کافرلری تهدید ایتمک اوزره ﴿ذَرْنِي وَمَنْ خَلَقْتُ وَحِيدًا ۖ وَجَعَلْتُ لَهُ مَالًا مَمْدُودًا ۖ وَبَنِينَ شُهُودًا ۖ وَمَهَّدْتُ لَهُ تَمْهِيدًا﴾ بیوریور.

[ای حییم! ترک ایت بنی یالکز اولدیم حالده اول کیمسه ایله برابرکه بن آنک جزاسنی ویریم. زیرا؛ بن آندن اخذ انتقامه کافییم باشقه کیمسه نیک اشتراکنه احتیاج یوقدر و بن آکا توکنمز و آرقه سی کیسلمز چوق مال ویردم. بناء علیه؛ زراعت و تجارت کی اسبابلرله مالی کون بکون چوغالمقده در و کندیسيله برابر دائماً مکده حاضر بولونور اوغلانلر ویردم. زیرا؛ ثروتلری سایه سنده طشره یه کیتمهکه احتیاجلری اولمادیغنی کی خدمتجیلری چوق اولدیغندن یقین یرده اولان ایشلرینی کورمکه بيله کیتمز لر. بناء علیه؛ دائماً کندیسيله برابر مجلسلرده بولونورلر، پدرلرندن آیرمازلر و آنلر ایچون بن امور دنیادن اکا هر شیئی دوشهدم و بول ویردم و رزقنی کنیش و اعتبارینی یوکسک قیلدم.] حتی بالجمله قبائل عرب حاله غبطه ایدرلردی. چونکه؛ مالی حسابیه کیرمز برحاله گلشدی.

یاخود معنای آیت: [براق بنی حییم! شول کیمسه ایله که بن آنی یالکز اولدیم حالده خلق ایتدم. خلقتنده کیمسه اشتراک ایتمدی. کناهتک جزاسنی ویرمک و اخذ انتقام ایتمکده دخی کیمسه اشتراک ایدم. زیرا؛ بنم قدرتم کافیدر] دیمکدر. فخر رازینک بیانی وجهله مال ممدود ایله مراد؛ بربری آرقه سنده کلوب دورانه دروام اوزره تجارت و زراعتک و حیواناتک باور و سبیلر جوغالوب بر جوق برلر امله ایتمه مالدرکه (ولید بن مغیره) نیک مالی طائفه مکده آره سنده دوه، قیون، قیصراق، باغ، باغچه، آغاچلر و نهرلر اولق اوزره طولو اولدینی ابن عباس حضرتلرندن مرویدر. (وبنین شهوداً) ایله مراد؛ کندیسيله مکده مجلسلرده حاضر بولونور و لاف و سوزده قاریشیر طقوز ویا اوره اوغلر اولدینی و بونلرده اوچنک که (خالد) (عمار) و (هشام) ک اسلام اولدقلری مرویدر. (تمهیداً) ایله مراد؛ جاه و منصب و قومی ایچنده ریاسنی هر یکله نعمتی انعام و اکمال ایتمکدر.

..

واجب تعالی بوکافرک چوق نعمت صاحبی اولدینی بیانندن صوکره او نعمتله قناعت ایتمه دیکنی بیان ایتمک اوزره ﴿ثُمَّ يَطْمَعُ أَنْ أَزِيدَ ۖ كَلَّا إِنَّهُ كَانَ لِآيَاتِنَا عَنِيدًا﴾ بیوریور.

[بوندن صوکره تعجب اولونور او کافرک حاله که ویردیکم نعمتلرک جمله سنه قناعت ایتمه ریک ویریلن نعمتلردن دهه زیاده ویرمکله کیمی امید ایدر و دهه چوق اولسینه طمع ایدر. حالبوکه آنک امید و طمعی بوشهدر، حال و شان آنک امید کی دکلدر. زیرا؛ او کافر بزم وحدانیت مزه و قدرتمزه و آخرته دلالت ایدن آیتلریمزی انکار ایله دی و ویردیکمز نعمتلرک شکرینی ادا ایتمه ریک کفران نعمت ایتدی.] بناء علیه؛ بوکافرک امید ایتدیکی زیاده یی ویریم. زیرا کفران نعمت؛ مانع نعمتدر، یوقسه جالب نعمت دکلدر. فخر رازی و خازنک و ابوالسعود افندینک بیانلری وجهله بو آیتلر مکده اهالیسندن (ولید بن مغیره) حقنده نازل اولمشدر. چونکه؛ (ولید) بوتون اوقاتی رسول الله



صلی الله تعالی علیه وسلم افندیمز حضرتلرینه اذا ایتمکه حصر ایتش و امر نبوتده بر کره اولسون حق قبول ایتهمش و دائماً رسول الله اذابی و نبوتی انکاری کندینه عادت ایدتمش و بو مذموم حاللرینه افتخار ایدر بر کافر عنود اولدیغندن بوندن اول ذکر اولونان کافرلر ایچنده داخل اولدینی حالد آنکله اکتفا اولونمیهرق کوتولکده شاننه اهتمام ایچونه آریجه احوالی بیان اولونمشدر. چونکه؛ (ولید) عرب ایچنده امثالی کورولمدهک تروقی اولدیغندن جمله عرب قومی آتی سورلر و کندینه حرمت ایدرلردی. اگر ایمان ایتش اولسه ایدی آکا اتباع ایدرهک برچوق کیمسهلر ایمان ایدرلردی. حتی عرب قومی (ولید) ی چوق سودکرندن (ریحانه قریش) دیرلردی. چونکه عربلرک عادتلری؛ **جوق سودکلری شیئه ربمانه دیرلردی. زیرا ریحان؛ رابع طیب صامی اولسه بر اوتک اسمیره. او اوتک خاصه سی؛ انسانک قلبه سرور و برمکدر. فخر عالم افندیمزک چوجوق حقنده (انه من ریحان الله) قول لطیفی ده بونی تأیید ایدر. یعنی «هر کسک چوجنی کندینه ریحان الیهیدندر» دیمک اولور.**

بو آیتلرک نزولندن صوکره ولیدک حالی کوندن کونه تدنی ایتدیکی و حتی وفاتنده افقر فقرادن اولدینی مرویدر و بو تدنی ده اوزاق برشی دکل بلکه هر زمان هر یرده کوریلن شیردندر. چونکه شکری ادا اولونمایان نعمت؛ دائماً زواله معروض و محکومدر.

\*\*

واجب تعالی ولیدک احوال مذمومه سندن بعضیلرینی بیاندن صوکره او احوالک جزاسنی بیان ایتک اوزره ﴿سَارَهُقَهُ صَعُوداً﴾ بیوریور.

[ بن او کافره مشقتلی و غایت کوچ عذابی تکلیف ایدرم. ] و یاخود [ بن آکا جهنمده یتش سنهده اینیلور و یتش سنهده چیقیلور آتشدن بر طاغه اینوب چیقمسنی تکلیف و دائماً بومنوال اوزره عذاب ایدرم. ]

فخر رازینک و ابوالسعود افندینک بیانلری وجهله (صعوداً) نک معنای اصلیمی؛ **میتمی غایت مشکل بوقوسه بر طاغ ایسهده مشقتی عذاب معانسهده اولابیلیر. بو آتی تفسیر مقامنده رسول الله (الصعود جبل من نار یصعد فیه سبعین خریفاً ثم یهوی کذلک**

فیه ابداً) بیورمشدر. یعنی «صعود؛ جهنمده آتشدن یوکسک برطاغدر. اهل جهنم اوطاغه یتش سنهده چیقمق و یتش سنهده اینمکه ابداً معذب اولورلر» دیمکدر. ایشه جناب حق (ولید) کی نعمتی و بوتون آیتلری انکار ایدن کافرلری اوطاغه چیقاره جفنی و هر طرفلرینی آتشله احاطه ایتدیره جکفی و بومنوال اوزره ابداً عذاب ایده جکفی بو آیتله بیان بیورمشدر. چونکه (سارهقه) آتی احواله ایدر و هر طرفنی قابیلیرم دیمکدر.

\*\*

واجب تعالی ولیده عذابک کیفیتنی بیاندن صوکره عذابه استحقاقک سببنی بیان ایتک اوزره ﴿إِنَّهُ فَكَّرَ وَقَدَّرَ ۖ فَقُتِلَ كَيْفَ قَدَّرَ ۖ ثُمَّ قُتِلَ كَيْفَ قَدَّرَ ۖ ثُمَّ نَظَرَ ۖ ثُمَّ عَبَسَ وَبَسَرَ ۖ ثُمَّ أَدْبَرَ وَاسْتَكْبَرَ ۖ﴾ بیوریور.

[ ولید بن مغیره شو بیان اولونان عذابه مستحقدر. زیرا؛ او مذموم آدم قرآنه طعنک اسبابی آرامقده چوق دوشوندی و تفکر ایتدی و طعن ایده جک برشی بولامانجه طعن ایده جکفی قلبنده صاقلادی. لغت اولسون او انسانکه جمله عیدن سالم اولان قرآنه ناصل طعن ایتسنی تقدیر ایتدی و اولجه دوشوندکن صوکره تکرار قرآنه نظر ایتدی و کمال دقتله باقدی و هر نه قدر کندی قلبنده طعن کی بعض شی تقدیر ایتش ایسهده کندیمی ارباب لساندن اولدینی جهته طعن ایچون حاضرلادینی شیئک حقیقته طعن اولمادیغنی بیلدیکندن صیقیلدی و دارالدی و یوزینی اکشیتدی و آلتنی قیریشدیردی. ] چونکه؛ انسانک آرزو ایتدیکی شی حصول بولمانجه بوندن طولانی قلبنده اولان صیقینتی یی یوزنده اظهار ایتک امر ضروریدر. بناء علیه؛ ولید قرآنه طعنی شدله آرزو ایتدیکی حالده طعنه لایق برشی بولامانجه یوزینی اکشیتدی و آلتنی بوروشدیردی [ بوندن صوکره قرآنه و ایمانه آرقه سنی دوندی و رسول الله ایمان ایتمکن کندینی بویوک عد ایتدی و ایمان ایتمکه اتباعندن اوتاندی. ]

فخر رازینک و ابوالسعود افندینک بیانلرینه نظراً بر کون رسول الله (سوره حم السجده یی) او قورکن ولید دیکلر و قومه کلیر دیرکه «بن شیمدی محمد ﷺ دن



واجب تعالى شو معند کافرك عذابندن بر مقدارینی بیاندن سوکره عذابك کالیله  
ایضاحنی بر قاندها تا کید ایله اخذ انتقامك قوتلی اولدیغنی بیان ایتک اوزره ﴿سَأَصْلِيهِ  
سَقْرًا﴾ وَمَا أَذْرِيكَ مَا سَقَرُ ﴿بیوریور .

[ البته بن عظیم الشان او کافری جهنمك (سقر) اسمنده اولان طبقه سنه ادخال ایدرم  
و شیلردن هانکی شی سکا (سقر) ی بیلدیردی وسقرك ماهیتی نهدر بیلیرمیسك ؟ و بندن  
باشقه هانکی شی وارکه سقرك کنهنی سکا بیلدیرسون . هیچ کیمسه لایق ایله سقری  
بیلدیره مز ، آنجق بن بیلدیررم . ]

واجب تعالى بو آیت جلیله ده جهنمك سقرا سمنده کی طبقه سنك غایت شدتلی اولدیغنی  
وکافر معندی بو شدتلی طبقه یه آتاجغنی بیانه رسولنی تسلیه و کافر معهودی تهدید ایتشدر .  
چونکه ( ما ) لفظی ؛ بر شئيك کنه نده سؤاله موضوع اولدیغنی کبی سؤال اولونانه  
شئيك قوتنی اولدیغه دخی اشارتدر .

واجب تعالى شو سؤاله جواب اولق وسقرك ماهیتی کشف و ایضاح ایتک اوزره

﴿لَا تُنَبِّئِي وَلَا تَذَرُ﴾ ﴿لَوْ آخِذَةٌ لِلْبَشَرِ﴾ ﴿عَلَيْهَا تِسْعَةَ عَشَرَ﴾ ﴿بیوریور .

[ سقره محتاج اولان کیمسه یی سقر بر اقا از ایچنه آلیر و آلدیغنی ترك ایتمز البته یاقار  
وجهنم ، ایچنه کیرنلرك دریلرینی شدتله قارارتیجی و اوزاقدن علونی اهل جهنمه کوستریجیدر  
واو جهنم اوزرنده امورینی تسویه و تمشیت ایدمک اون طقوز ملك و یاخود ملکاردن  
اون طقوز صنف واردر . ]

یعنی ؛ کنه های سببیله جهنمه استحقاق کسب ایدن کیمسه یی جهنم طشرده ده قویماز  
البته آتی طوتار ایچنه آلیر و طوتدیغنی ترك ایتمز البته یاقار . حتی آتی بر اقا از تماماً یاقار  
و کیمسکنی ائتسر ترك ایتمز . زیرا ؛ یانان ائلری تکرار عودت ایدر و بومنوال اوزره ابدآ  
یانار . یانمقدن حاصل اولان اثر ؛ آنلری سیاهلاندیرمقدر . بناء علیه ؛ جهنم آنلرك  
دریلرینی کومور کبی قارارتیجیدر و آنلرك عذابلرینه نظارت ایتک اوزره جهنم اوزرنده

برکلام دیکله دم . بو سوز اساسلی و کوکلی برسوزدر . ظاهری میوه و یرنجی و باطنی غایت  
قوتلی و انس و جنك سوزینه بکزه مز غایت طاتلیدر ، دینچه قریش قومی « ولید دینندن  
چیقدی » دیملری اوزرینه برادر زاده سی اولان ( ابو جهل ) ولیدك یانه کلیر ، قریشك  
سوزلرینی حکایه ایدر ودها حدتی جاب ایدمک بعض سوزلر سویلر . بونك اوزرینه  
واید حدتله نیر قالقار قریشك یانه کلیر و « ای قریش ! محمد ﷺ » مجنون  
دیدیکز ، اماره جنت کوریورمیسکز ؛ یالانجیدر دیدیکز ، یالاننه تصادف ایتدیکزمی ؟  
وشاعر در دیدیکز ، شعر سویلرمی ؟ ، دینچه قریشك جمله سی « خایر ! بونلردن هیچ  
برسی یوقدر . فقط نه دیمك لازم سن سویله » دیدیلر .

واجب تعالى قریشك شو اصرارلری اوزرینه ( ولید ) ك اولدن بری دوشونه  
دوشونه ذهنتده حاضر لادینی و طمن اولمادیغنی بیلدیکی حالد اظهاره مجبور اولدیغنی  
شئنی سویله دیکنی حکایه ایتک اوزره ﴿فَقَالَ إِنَّ هَذَا الْأَسْحَرُ يُؤْثِرُ﴾ ﴿إِنَّ هَذَا إِلَّا  
قَوْلُ الْبَشَرِ﴾ بیوریور .

[ ولید قومنه خطاباً دیدی که « شوقر آن اولمادی و آنجق عنعنه ایله او کره نیلور سحر درر .  
و بوقر آن محمد ﷺ دیدیکی کبی اللهك کلامی دکلدرد ، آنجق بشر سوزیدر » . ] ایشه ولید  
سویله دیمکه کویا باشقه لرینك بولامادیغنی و سویله یه مادیکی بر شئنی بولمش و سویله مش اولدی .  
فخر رازینك بیانی وجهله ( یؤثر ) بر قوم الفراعنه بولر قهره صرکه آنلرك  
اثرلرینی روایت ایتک معناسه درر . یاخود دیگر اثرلر اوزرینه ترجیح اولونور بر اثر دیمکدر .  
بوکا نظراً معنای آیت : [ قریش قومی ولیده « محمد ﷺ » یالانجی ، مجنون و شاعر  
دکلدرد ولکن نه سویله مک لازمسه سویله « دیملری اوزرینه ولید » شوقر آن شعر ، یالان  
وجن سوزی اولمادی ، الا اولدنبری روایت صورتیله انسانلرك بر بوندن او کره ندکلری  
بر سحر درر و شوقر آن اولمادی ، آنجق انسان سوزیدر ، دیمکه قومنی اسکات ایتمش ] دیمکدر .



اون طقوز ملک موجوددر واهل جهنمدن هر برنی اللهک اذنیله لایق اولدینی یره قویارلر وهرکس کندی موقعی ترک ایده من . هرکس یرلی یرنجه انتظام اوزره بولونور بربرینه قاریشماز .

فخر رازینک بیانی وجهله جهنمه نظارت ایدن ملککونک اون طقوز اولمسنده کی حکمت ؛ اعتقادیات و عملیاته نفوس بشری اخلاص ایدن قوای بشریه نک اون طقوز اولمسیدر . چونکه ؛ انسانده قوای حیوانیه ؛ اومه ایکی اولوب بشی مواس ظاهره ، بشی مواس باطنیه ، بری قوه غضبیه ، دیگرده قوه مهرکدر . قوای بشریه نک دیگر یدییسه ده قوای طبیعی در که آنلرده غایبه ، نامیه ، مولده ، مازیه ، هاضمه ، دافعه و ماسکدر و بصورتله قوای بشریه نک مجموعی اون طقوزدر . ایشته انسانی بوتون کنهله صوقان وانساندن صدور ایدن آفاتلرک منشائی بو اون طقوز قوا اولونجه بونلرک هر برندن نشأت ایدن کنهله عذابنه آیری آیری برر ملک مسلط اولدیغندن جهنمه نظارت ایدن ملککون اون طقوز اولمشدر . یاخورد جهنمک یدی طبقه سندن آلتیسی کافرله مخصوص اولوب یدنجیسی اهل ایمانک عاصیلرینه مخصوصدر . کافرلر ایسه فروع اعمالله مکلف اولدقلرینه نظراً اوج مهربنه معذب اولورلر که برنجیسی ؛ قلبلرله اعتقادی ترک ، ایکنجیسی ؛ لسانلرله اقراری ترک ، اوچنجیسی ؛ اعضاء مواسلرله عملی ترک اتملرله . هر طبقه ده بولونان کافرلر شواوچ جهنمدن معذب اولوب انواع عذابنه مقابل اوج ملک نظارت ایتکه آلتی کره اوج اون سکزددر . بر دانه سی ده دیگر بر طبقه سنده مؤمنلره نظارت ایدر . شو حالده مجموعی اون طقوزدر . یاخورد یومیه ساعت یکرمی درت اولوب بشی بش وقت نمازله مشغول اولوب اون طقوزی عبادتدن خالی اولدینی ایچون زبانلرک عددی اون طقوز اولمشدر . زیرا ؛ هر بری بر نوع عذابنه نظارت ایدر . هر نه قدر ارباب حکمت عددک حکمتی بومنوال اوزره بیان ایتلرله ده بزره لازم اولان ؛ اصلنه ایمان ایتکدر . چونکه ؛ حکمه تعلق اولمادیغندن عددک حکمتندن مجتده بزم ایچون فائده یوقدر .

..

واجب تعالی زبانلرک عددی اون طقوز اولدینی بیان ایدنجه کافرلر زبانلرک عددی

آز کوره رک « اون طقوز کیمسه نک نه ایهتی وارددر وبقدر اهل جهنمک محافظه سته فصل مقتدر اولاجقبر ؟ » دییه رک استهزا طریقله اعتراضلرینه جواب اولق اوزره ﴿ وَمَا جَعَلْنَا أَصْحَابَ النَّارِ إِلَّا مَلَائِكَةً وَمَا جَعَلْنَا عِدَّتَهُمْ إِلَّا فِتْنَةً لِلَّذِينَ كَفَرُوا ﴾ بیوریور .

[ بز عظیم الشان جهنمک صاحب برنی باشقه مخلوق قیلماق ، آنجق ملکری قیلدق و بز آنلرک عددلرینی قیلماق ، الا شول کیمسه لر ایچون فتنه قیلدق که آنلر کافر اولدیلر . ] یعنی ؛ جهنمه نظارت ایدنلر واهل جهنمک عذابنه مأمور اولانلر انسانلردن وجنلردن دکل آنجق ملکدر . زیرا ؛ انس و جن اولسه عذاب اولانلرک جنسندن اولدقلری جهته عذاب اولانلرک حاللرینه شفقت و مرحمت ایدرلر . عذاب محلی ایسه مرحمته منافیدر . بناء علیه ؛ جنسلرینک غیری ملککون قیلنمشدر . اگر کندی جنسلرندن اولسه بالعموم اهل جهنمی محافظه یه مقتدر اولامازلر . ایشته شو اساسلره بناء معذب اولانلره مسلط اولانلر کندی جنسلرینک غیری ملک قیلنمشدر و بز عظیم الشان بونلرک عددلرینی خبر ویرمه دک آنجق انکار ایدن کافرلری امتحان اولق اوزره خبر ویردک که ایمان ایدن وایمان ایتمین بیاندسون .

بونلرک اعتراضلری ؛ واجب تعالی نک بو عددی خبر ویرمسیدر . چونکه ؛ خبر ویرمه بو عددی بیلمز و اعتراض ده ایتلرلر دی . بناء علیه ؛ جناب حقک بو عددی خبر ویرمی کافر حقنده ایکی مهربنه فتنه و اعتراضه مهیب اولمشدر :

برنجیسی ، شو عددده زیاده و نقصانه اولقنیز به بو عددده نقصانک مهیب زور مثلله اعتراضلرله : بوا اعتراضه عقلاجه التفات اولونماز . زیرا ؛ بومثللو اعتراضه التفات اولونسه عالمک هر جزئنه بلکه واجب تعالی نک هر ایشنه اعتراض اولونمق لازمکلور . زیرا ؛ کولرک عددی نه ایچون یدی اولدی ، سنه نک آیلری نه ایچون اون ایکی اولدی ، کذاک فلان شی نه ایچون اوزمان معیننده حادث اولدی ده بر دقیقه اول ویا صوکره حادث اولمادی ؛ کی هر شینه اعتراض ایدیلور بوا یسه جائز دکدر . زیرا ؛ افعال الهیه یه اعتراض ماهیتی حائزدر . ایشته زبانلرک عددینه اعتراض ده بوقیلدن اثر حاقندن باشقه برشی دکدر .



بوکي اعتراضلرک جمله سنه جواب؛ «حق فاعل مختاردر . فاعل مختار ايسه هر شئي امثاله ترجيحه علت و سبب آراماز . بناء عليه؛ بوکي تخصیصه اعتراض اولونماز ، ديمکدن عبارتدر .

ايکنجیسی، آريچو ملکر انس و جنه ملبرله بالغ اولده نفوسک محافظه من ناصل مقدر اولورلر بملبردر . بونک جوابی؛ حفظه نك ملکلردن اولسيدر . زیرا؛ ملکلرک قوتلری انس و جنک قوتلرينه قیاس اولونماز . دها دوغریسی جناب حقه قدرت کامله سنه اعتقاد ایدن برکیمسه بو مللو اعتراضه جسارت ایتز . زیرا؛ واجب تعالی آز اولان کیمسه لرده برچوق قدرت خالق ایتکه قادردر . بناء عليه؛ عددك آزلقیله اعتراض اهمیتدن ساقطدر .

..

واجب تعالی شوعددك قرآنده بیان اولوندیغك بعض فائده سنی و حکمتی بیان ایتك اوزره  
﴿لَيْسَتِیْنَ الَّذِیْنَ اُوتُوا الْكِتَابَ وَیَزِدَادَ الَّذِیْنَ اٰمَنُوْا اِیْمَانًا﴾ بیوریور .

[ بزم خزنة جهنمك عددینی قرآنده بیان ایتدیكمز کندیلرینه کتاب نازل اولان اهل کتاب، رسولزك رسالتی و قرآنك حقایتی یقیناً بیلسونلر و اهل ایمانك ده ایمانلری زیاده اولسون ایچوندر . ]

یعنی؛ کندیلرینه کتاب و یریلن اهل کتاب شبهه سز اولارق رسولزك صادق و قرآنك وحی الهی اولدیغنی علم یقینله بیلسونلر و ایمان ایدن مؤمنلرک دخی ایمانلری زیاده اولسون ایچون بز قرآنده خزنة جهنمك عددینی بیان ایتدك . چونکه؛ اهل کتابك کتابلرنده دخی خزنة جهنمك عددی بوموال اوزره بیان اولوندیغدن قرآنك عددی بیسانده کتابلرینه موافق اولدیغنی کورونجه قرآنك حقا کتاب اولدیغنی و آنی کترین نبینك صدقی شبهه سز بیلسونلر ایچون قرآنده عدد بیان اولونمشدر و اهل کتابك کتابلرینه موافق اولدیغدن آنلر تصدیق ایدنجه اهل ایمانك ایمانلری برقات دها قوت بولور . قوت، ایمانك کیفیتنه تعلق ایتدیکی جهنله هر زمان قوت جهتدن ایمانك زیاده له نمسی جائزدر .

یاخود معنای نظم : [ اهل ایمانك خزنة جهنمك عددینه ایمانلری سبیلله احکام شرعیه دن

بر حکم شرعی به دخی ایمان ایتدکری جهنله ایمانلری زیاده له نور [ دیمکدر . لکن بو زیاده هر زمان اولماز، آنجق زمان سعاده و وحیک نازل اولدیغنی زمانده موجود اولان اصحاب کرامك ایمانلرینه مخصوصدر . چونکه؛ او وقته ایمانك متعلق اولان مؤمن بهك وحیک کلسیله آنا بآنا تراید صورتیله ورود ایدن احکامه ایمان ایتدکجه ایمانلری تراید ایدر . اما عصر سعادتدن صوکره وحی منقطع اولوب احکام تجدد ایتدیکی جهنله عدد جهتدن ایمانلری تراید ایتز . چونکه؛ مؤمن به نهدن عبارت ايسه زمان سعاده قرارلاشدیغدن فخر کائناتك ارتحالندن صوکره عدد اعتباریله ایمانك زیاده له نمسی ممکن اولماز .

..

واجب تعالی جهنمك خزینه دارلرینك اون طقوز اولدیغنی خبر و یرمسنده کی فائده اهل کتابك قرآنك حق اولدیغنی یقیناً بیلملری و اهل ایمانك ایمانلرینك زیاده له نمسی اولدیغنی بیساندن صوکره اوچنجی فائده سنی بیان ایتك اوزره ﴿وَلَا یَزِثَّ ابَ الَّذِیْنَ اُوتُوا الْكِتَابَ وَالْمُؤْمِنُونَ﴾ بیوریور .

[ اهل کتاب و مؤمنلر قرآنك حق اولدیغنده و خزنة جهنمك عددنده شبهه ایتمه سونلر ایچون بز خزنة جهنمك عددینی خبر و یردك . ] زیرا؛ کتابلرینه موافق اولدیغنی ایچون اهل کتابك شکي و شبهه سی قالمادیغنی کی اهل ایمان ده قرآنك کتب سابقه به موافقتی بیلملریله کندیلرینه شبهه لری قالماز . شو حالده هر ایکی صنفده حاصل اولان علم یقین شکدن عاری بر یقین اولور . چونکه؛ خزنة جهنم حقه قرآنك حکمتك کتب سابقه به موافق اولسی هر ایکی صنفه قناعت و یرمش اولدی . بناء عليه؛ خزنة نك عددینی خبر و یرمك کرک اهل کتابك و کرک اهل ایمانك شکلرینه میدان بر اقامشدر .

..

واجب تعالی جهنمی محافظه به مأمور اولان ملکلرک عددینی بیلدیرمکده کی فائده نك اوچنی خلاصه الیان : اون بشبی جلد - ۹۹



بیانن سوکره دردنجی فائده بی بیان ایتک اوزره ﴿ وَلَيَقُولَ الَّذِينَ فِي قُلُوبِهِمْ مَرَضٌ وَالْكَافِرُونَ مَاذَا أَرَادَ اللَّهُ بِهَذَا مَثَلًا ﴾ بیوریور .

[ قبلرنده مرضه بکزه بن تفاق کیزله بن منافقلر و علنا کافرلر و الله تعالى شو مثل قیلندن اولان عددی بیانله نه کبی شی مراد ایدر؟ ، دیسونلر ایچون بزقرآنده خزنه جهنمک عددینی بیان ایتدک . ]

یعنی ؛ بزقرآنده خزنه جهنمک عددینی خبرویردک که قبلرنده مرض تفاق اولان منافقلر و آچیقندن قرآنی ورسولی تکذیبه جسارت ایدن کافرلر دیسونلر که « شو مثل قیلندن اولان عددی بیانن الله تعالى نه کبی شی مراد ایدر؟ زیرا ؛ ضروب امثال ایله نه مراد اولونا بیلو که الله تعالى نه مراد ایتسون . بناء علیه بویه استغراب اولونا جق ضروب امثال اللهک کلامنده اولماز . ایشته بویه دیمکه تفاقلرینی و کفرلرینی میدانه قویسونلر ایچون بز جهنمک خزینه دارلرینک عددینی قرآنده بیان ایتدک .

فخر رازینک بیانی وجهله عددده استغراب ایدوب اصل معناسنی و مقصودی فهم ایدمه دکلرندن عدددن مقصد باشقه بر شیئه مثال اولارق کتیرلدی ظنیله عددده ضرب مثل دیمشردر . حالبوکه نفسنده عددضرب مثل دکلدر و بوآیت جلیله ایلروده اولاجق وقوعاتی خبر ویردیکی ایچون معجزه در . چونکه ؛ آیت مکده نازل اولمشدر . مکده ایسه منافق یوق ایدی . اوزمانده مکه اهالیسی اومه مقسم ایمی . برنجیسی ؛ مؤمنلر ، ایکنجیسی ؛ کافرلر اوچنجیسی ؛ منرد اولمشدر . آیت جلیله ایسه مدینه ده منافقلردن ظهور ایدن احوالی بیان ایتدیکی جهتله غائبدن خبرویرمشدر . بناء علیه ؛ آریجه معجزه در . خلاصه ؛ کافرلر و منافقلر « شو عدد مثل قیلندندر . اگر قرآن کلام الله اولسه ایدی بوکبی ضروب امثال بولونمازدی . حالبوکه بولونیور ، شو حالده قرآن الله تعالى نک کلامی دکلدر ، دیمک ایسته مشلردر .

..

واجب تعالى قرآنده خزنه جهنمک عددینی و بعض فائده بی و عددی بیانن سوکره

حاصل اولان خلاصه بی بیان ایتک اوزره ﴿ كَذَلِكَ يُضِلُّ اللَّهُ مَنْ يَشَاءُ وَيَهْدِي مَنْ يَشَاءُ ﴾ بیوریور .

[ الله تعالى ناصل که خزنه جهنمک عددینی انکار ایدنلری اضلال ایتدی و تصدیق ایدنلری هدایتده قیلدی ایسه بویه جه الله تعالى دیله دیکی کیمسه بی اضلال ایدر و بعض دیله دیکی قولنی هدایتده قیلار . ]

یعنی ؛ قرآنده خزنه جهنمک عددینی بیان ایتک انکار ایدنلر حقنده عین ضلالت اولدینی جهتله آنلری اضلال و عددی اعتقاد ایدنلر حقنده عین هدایت اولدینی جهتله آنلری هدایتده قیلدینی کبی قوللرندن دیله دیکی کندی اختیارینی ضلالتده صرف ایتدیکی جهتله الله تعالى آنک ضلالتنی خلقله اضلال ایدر و بعض دیله دیکی قولنک اراده سنی او قول هدایتده صرف ایتدیکی جهتله آنک یدنده الله تعالى هدایتی خلق ایتکه آنی هدایتده قیلار . چونکه ؛ قولک افعال اختیاریه سنده اللهم اراده سی قولک اراده سینه تابعدر . بناء علیه ؛ قولک اختیار جزئیسنی صرف ایتدیکی شیئی الله تعالى خلق ایدر .

خلاصه ؛ الله تعالى دیله دیکی قولنی هدایتده قیلار ، خزنه جهنمک عددینی قبول ایدنلر کبی . دیله دیکی قولنی ضلالتده قیلار ، عددی قبول ایتدیوب انکار ایدنلر کبی . آنحق مراییکی صورتده عبدک اراده سنی صرفله حاصل اولور .

..

واجب تعالى خزنه جهنمک عددینی خبر ویرنجه ابوجهل و امثالی کافرلر عددی آز کورمکه اعتراض ایتلری اوزرینه بوندن اولکی آیتلرله جواب ویردکن سوکره دیگر بر صورتله دخی جواب ویرمک اوزره ﴿ وَمَا يَعْلَمُ جُودَ رَبِّكَ إِلَّا هُوَ ﴾ بیوریور .

[ ربك تعالى نك عسکرینی هیچ کیمسه بیلمز ، الا کندیسی بیلیر . ]

یعنی ؛ خزنه جهنمک عددینی کافرلر آز کوریورلر ایسه ده ربك تعالى نک بر چوق عسکرلری وارد که او عسکرلرک عددینی ربکدن باشقه کیمسه بیلمز . آنحق عسکرینک عددینی کندیسی بیلیر . ایشته او عددینی اللهدن غیری کیمسه نک بیلمه دیکی عسکرلردن



خزنه جهنمه برچوقلرينك خدمه اولسي احتمالی واردر . بناء عليه ؛ عددی آز کورمکه  
اعتراضده بر معنا یوقدر . چونکه ؛ انسانلر ایچون بوتون ممکناتک حقایقه وهر برینک  
جائز اولدقلری صفتلرینه ویکدیگرندن تمیز ایدمک خاصه لرینه واقف اولق امکانی  
اولمادیکی کبی عددلرینه دخی واقف اولق ممکن اولمادیغندن بیلمه دیکی شیئه اعتراض ایتمک  
جائز اولماز . شو حالده خزنه جهنمک آزلغیله اعتراض جائز دکلدرد . زیرا ؛ بزه معلوم  
اولمایان بر چوق خدمه لر بولونق احتماله مانع اولاجق بر دلیل یوقدر . بناء عليه ؛  
انسانک حقیقتی بیلمه دیکی برشیئه اعتراض ایتسی جائز اولیه جغه آیت دلالت ایدر .

..

واجب تعالی جهنمک اوصافندن و خزنه سنک عددندن بحثدن صوکره جهنمی قرآند  
ذکر اوزره ترتب ایدن فائده بی بیان ایتمک اوزره ﴿وَمَا هِيَ إِلَّا ذِكْرُى لِلْبَشْرِ﴾  
بیوریور .

[ جهنم اولمادی ، الا جمله بشره بر وعظ اولدی . ]

یعنی ؛ جهنمی کرک اوصافیه و کرک خزنه سنک عددیه ذکر ایتمک و آنلرک احواله  
دلالت ایدن آیتلر اولمادی ، آنجق انسانلره عبرت وانصافه دعوت ایچون بر موعظه  
اولدی که آکا ایمان ایدن کیمسه آندن کنیدی صاقینور . چونکه جهنمک ماهیتی  
واصافی بیلمک ؛ آندن قاجینمغی ایجاب ایدر .

﴿کَلَّا﴾

[ جهنم حقنده حقیقت حال جهنمی انکار ایدنلرک دیدکری کبی دکلدرد ، بلکه جهنم  
موجوددر و لکن بشر ایچندن کافرلر انکار ایتدکری جهنمه جهنمی ذکرندن متعظ  
اولمازلر . ] زیرا ؛ انکارلری وعظی قبوله مانعدر . چونکه ؛ آنلر اعتقادیاتده بهایم کبی  
اولدقلرندن جهنمی ذکرندن متأثر اولمازلر .

..

واجب تعالی جهنمی ذکرندن کافرلرک متصح اولمادقلرینی بیاندن صوکره کافرلرک

مستحق اولدقلری جهنمک اوصافی ذکرله کافرلری جهنم عذابی ایجاب ایدن افعالندن  
کمال شدته منع ایتمک ایچون یمینله تأکید ایتمک اوزره ﴿وَالْقَمَرِ﴾ وَاللَّيْلِ إِذَا أَدْبَرَ ﴿  
وَالصُّبْحِ إِذَا أَسْفَرَ﴾ إِنَّهَا لَا خُدَى الْكُبَرِ ﴿نَذِيرًا لِلْبَشْرِ﴾ بیوریور .

[ کیجهلری نورلانديران قره وظلمتی آیدینلغه تبدل ایتمک باشلادینی زمان کیجهیه  
وعالی آیدینلادینی زمان صباحه یمین ایدرم که جهنم بویوک بلالردن بریسیدر و جهنم  
بشری قورقوتیجی اولدینی حالده بویوک بلادر . ]

یعنی ؛ آیه و صباحه دوغری دوندیکی زمان کیجهیه و کیجهنک قاراندنی کیده رک  
آیدینلغی باشلادینی زمان صباح وقتنه یمین ایدرم که جهنم انسانلری قورقوتیجی اولدینی  
حالده یک بویوک بلادر . زیرا ؛ کناهکارلر اوزرینه نازل اولاجق بلا چوقدر و لکن  
او بلالردن اک بویوک اولانلردن بریسی جهنمدر . بناء عليه ؛ جهنم قورقوسیه اصلاح  
نفس ایتمک انسانلر ایچون لازمدر . چونکه جهنم ؛ انس وجندن عاصیلر ایچون خلق  
اولونمش بر بلای عظیمدر .

..

واجب تعالی جهنمک بشری قورقوتیجی اولدینغی بیاندن صوکره بشردن کیملری  
قورقوتیجی اولدینغی بیان ایتمک اوزره ﴿لَمِنْ شَاءَ مِنْكُمْ أَنْ يَتَقَدَّمَ أَوْ يَتَأَخَّرَ﴾  
بیوریور .

[ جهنم بشری قورقوتیجیدر و سزدن خیراته تقدم و یاخود شردن الی چکوب تأخر  
ایتمک ایسته ی کیمسه لری قورقوتیجیدر . ]

یعنی ؛ جهنم مطلقا جنس بشری قورقوتیور و بالخاصه سزدن شو ایکی خصلتدن  
برینی آرزو ایدن کیمسه بی دها زیاده قورقوتورکه او ایکی خصلتدن بریسی ، عبادته  
سرعتله تقدم ایتمک ایستر . زیرا ؛ بو عبادته تقدم سیبیه معصیتدن کیری قالیر و شو تقدم  
وتأخری جهنمدن قورقوسی سیبیه در . بناء عليه ؛ جهنمدن قورقق آنجق بوایکی صفت  
کندیسنده اولقله حاصل اولور .



یا خود معنای آیت شویله در : [ جهنم سزدن شول کیمسه یی قورقوتور که او کیمسه کناهی ایشله مک و کناهی تقدیم ایتک سبیلله عبادتدن تأخرایدر . چونکه جهنمک ضرری ؟ آنجق معصیته تقدیمله عبادتدن کیری قالان کیمسه لره اولاجقندن بو مقوله کیمسه لره قورقوسی لازمدر ] دیمکدر . یعنی جهنم شول کیمسه یی قورقوتور که سزدن او کیمسه معصیته تقدیم و یا خود عبادتدن تأخر ایتک ایستر . کرک معصیته اقدام و کرک عبادتدن کیری قالمق هر ایکسی ده جهنمدن قورقنی ایجاب ایدر . بناء علیه ؛ جهنم بشری و بشردن بوکی صفتلر کندیسند بولونان کیمسه یی قورقوتیجیدر .

بو آیت جلیله ؛ عبدک اراده جزئیته سنک وارلقنه و اراده جزئیته سنک خیر و شرده وطاعت و معصیته مدخلی اولدیغنه دلالت ایدر . چونکه ؛ آیتده تقدیم و تأخر عبده اسناد اولوندینی کی مشیتده عبده اسناد اولونمشدر . اکر عبدک اراده جزئیته سی اولماش اولسه ایدی شوافعال عبده اسناد اولونمازدی . بناء علیه بواقعاک اسنادی ؛ اراده جزئیته نک وجودینه دلالت ایتدیکندن « عبد فعلنده مجبوردر » دیمکله اراده جزئیته یی نفی ایدن جبریّه مذهبی شدله رد ایدر .

..

واجب تعالی معصیته تقدیم و یا عبادتدن تأخر ایتک ایستنه کیمسه لری جهنمک قورقوتیجی اولدیغنی بیاندن صوکره هر کسک کندی عملنه کوره جزا کوره جکفی بیان ایتک اوزره

﴿ كُلُّ نَفْسٍ بِمَا كَسَبَتْ رَهِيْنَةٌ ﴾ بیوریور .

[ هر نفس کندی قازاندینی عملیه عبدالله محبوسه در . ]

یعنی ؛ هر کس کندی قازانجنه کوره معامله کورور . شو حالده قازاندینی کناهلری مقابلنده محبوس اولور و او کناهلک جزاسنی کورمه نیجه خلاص اولامادیقندن عبدالله کناهی مقابلنده مرهونه در . چونکه ؛ ربورجه مقابل ویریلن رهن بورج اوده نه نیجه رهنیتدن قورتولامادینی کی کناهی مقابلنده جزا کوره جک کیمسه کناهنک جزاسنی کورمه نیجه قورتولاماز . شو حالده بورجه باغلی اولان رهن کی کناهار اولان کیمسه کناهنه باغلی قالیر .

﴿ إِلَّا أَصْحَابَ الْيَمِيْنِ ﴾ فِي جَنَّاتٍ يَنْتَسِعُونَ \* عَنْ الْحَبْرِ مِيْنِ \* مَا سَلَكَكُمْ فِي سَقَرٍ

[ آنجق اصحاب یمین اولان اهل ایمان و عمل صالح ایشله یمین کیمسه لر رهن اولمقدن مستثادرلر . زیرا ؛ آنلر کناهارلردن « سزی جهنمه هانکی عملکیز ادخال ایتدی ؟ » دیه سئوال ایدر اولدقلری حالده جنتلرده درلر . ]

یعنی ؛ دفتر اعمالی صاغ جانبیدن ویریلن مؤمنلر عمللرینی کوزل یابدقلرندن جهنم عذابندن قورتولور محبوس قالمازلر . زیرا ؛ آنلر تکالیف السیهیه لایقیله رعایت ایتدکلرندن لطف السیهیه نائل اولارق جنتلرده راحت اوزره بولونور و اهل جهنمک حاله واقف اولدقلرندن آنلره جهنمه دخوللرینک سببی صوردارلر و دیرلر که « سزی جهنمه هانکی کناهارکیز و عملکیز ادخال ایتدی ؟ » . چونکه ؛ اهل جنت جنتده اولدقلری حالده سرورلری زیاده اولسون ایچون اهل جهنمک حالنی کوزلریله کورورلر و جهنمه کیرملرینک سببی سئوال ایدرلر و اهل جنت جهنمیلرک حاللرینی کورونجه سرورلری زیاده له ندیکی کی اهل نارك کدرلری ده زیاده له نه چکی ضروریدر .

فخر رازینک بیانی و جهله اصحاب یمین ایله مراد ؛ مؤمنلره کناهلری صاغ طرفلرینه ویریلنلر و یا خود اطفال مسلمینلر . زیرا ؛ اطفال کناه ایشله مزلر که مقابلنده رهن اولسونلر و آنلر کناه ایشله مه دکلری جهتله اهل ناری جهنمه ادخال ایدن شی نه دن عبارت اولدیغنی بیلمه دکلری ایچون سیندن سئوال ایدرلر و کناهلری اولمادیقندن مقابلنده رهن اولارق جهنمه محبوس اولمازلر .

خلاصه ؛ کناهار اولان هر نفسک کناهی مقابلنده رهن اولارق جهنمه قالاچنی و اصحاب یمینک جنتده راحت اولاجنی و مجرملرک جهنمه کی حاللرینی کورونجه جهنمه دخوللرینک سببی سئوال ایده جکلری بو آیتدن مستفاد اولان فوائد جمله سنددر .

..

واجب تعالی اهل جنتک اهل جهنمدن « سزی نه کی عملکیز جهنمه قویدی ؟ » دییه رک



سؤال ایدہ جکری بیاندن سوکره اوسواله جوابلری بیان ایتک اوزره ﴿ قَالُوا لَمْ نَكُ مِنَ الْمُصَلِّينَ \* وَلَمْ نَكُ نَطْعُ الْمَسْكِينِ \* وَكُنَّا نَحْضُ مَعَ الْخَائِضِينَ \* وَكُنَّا مُكْذِبِينَ يَوْمَ الدِّينِ \* حَتَّى آتَيْنَا الْيَقِينَ ﴾ بیوریور .

[ آنلر « بز نماز قیلانلردن و فقرایه طعام ییدیرنلردن اولمادق و بز باطله دالانلره دالاردق و حق بز اولوم کلنجهیه قدر بز قیامت تکذیب ایدردک » دیدیلر . ]  
یعنی ؛ اهل جنتک سؤالنه جواب اولارق اهل جهنم دیدیلرکه « بز مکلف اولدیغمز بش وقت نمازی قیلانلردن و جناب حقک قدسیت معنویه سنه توجه ایدنلردن اولمادق ، بلکه نفسمز تبعیتله فرائضدن تکاسلمز سیبیله جهنمه کیردک و بز اوزریمزه واجب اولان صدقات مفروضه بی محتاج اولان فقرا و مساکینه و یرمز و آنلره طعام ییدیرمز و امرالهی بی یرینه کتیرمز و فقرانک حقق منع ایتمکه آنلری مأیوس ایدردک . چونکه ؛ مرحمتمز قیصه اولدیغدن فقرای مسرور ایتزدک . بناء علیه ؛ بو کوتو عمللریمک جزاسی اولارق جهنمه کیردک و جنت نعمتلردن محروم اولدق و بز کناهمز یالکز نماز قیلماق و طعام ییدیرمه مک دکلدر ، بلکه بز لر باطل ایله مشغول اولانلره برابر مشغول اولدق و انبیاء عظام حقنده لایق اولمادق شیلری سویله دگ و شریعت طعن ایتک کی اباطیلی ترویج ایچون سوز سویله مکدن چکینه دیکنز سیبیله جهنمه کیردک و بز بو قدرله ده قالمادق ، بلکه یوم جزا اولان قیامت کوتی تکذیب ایدر اینا نمازدق و بو قصوریمز دیگر قصورلریمزدن ده بو یوک تعجبه شایان بر کناهدرکه جمله قصورلردن اشعدر و بو کناهلرک جمله سنه اولوم بز کلنجهیه قدر اصرار اوزره دوام ایتدک . توبه و استغفاره ایتدک . بناء علیه ؛ جهنمه کیردک » دیمکه جوابلرینه ختام ویرلر .

فخر رازینک و ابوالسعود افندینک بیانلری و جمله بوآیت اهل کفرک فروع اعمال ایله مکلف اولدقلرینه و فروع اعمالی ترک ایتدکلرندن طولای معذب اولاجقلرینه دلالت ایدر . چونکه ؛ یوم جزای تکذیب ایدن کافر لر اولدینی جهته بوجوابی و یرن کافر لردن و نماز و زکات کی فروع اعمالی ترک ایتلری جهنمه دخوللرینه سبب اولدینی جوابلرنده

بیان ایتلردر . اکر فروع اعمال ایله مکلف اولماش اولسه لردی ترکیله مؤاخذه اولونمازلردی .

خلاصه ؛ نمازی و زکاتی ترک و باطلی ارتکاب و یوم قیامت تکذیب ایتدک جهنمه دخول سبب اولاجنی بوآیتدن مستفاد اولان فوائد جمله سندندر .

\*\*

واجب تعالی اهل جنتک سؤاللرینه اهل جهنمک و یرمه جکری جوابی بیاندن سوکره بومقوله کافر لره شفاعت ده منفعت و یرمه جکری بیان ایتک اوزره ﴿ فَمَا تَنْفَعُهُمْ شَفَاعَةُ الشَّافِعِينَ ﴾ بیوریور .

[ اوکافر لره شفاعت ایدیچی کیمسه لک شفاعتلی ده منفعت و یرمز . ]  
یعنی ؛ آنلر شویسان اولونان کناهلره دوام ایدره ک توبه ایتکسزین وفات ایدنجه شفاعت ایدن ارباب شفاعتک شفاعتلی فائده و یرمز . چونکه ؛ شفاعت اهل ایمانه در ، اهل کفره شفاعت اولماز . شو حالده بونلره شفاعت فرضیات قیلندندر . یعنی « بونلره شفاعت اولماز . فرض محال اولارق شفاعت اولاجق اولسه بیله فائده و یرمز » دیمکدر . بوآیت ؛ شفاعتک اساسنه دلالت ایدر . چونکه ؛ « شفاعت ایدیچیلرک شفاعتی منفعت و یرمز » دیمک « شفاعت واردر لکن آنلر مستفید اولمازلر » دیمکدر .

\*\*

واجب تعالی آنلره شفاعت فائده و یرمه جکری بیاندن سوکره تعجبه شایان حاللری بیان ایتک اوزره ﴿ فَمَا لَهُمْ عَنِ التَّذْكَرَةِ مُعْرِضِينَ ﴾ بیوریور .

[ آنلره نه اولدی و نه کی حال عارض اولدی که منفعت دنیویه و اخرویه لری بیان و سبب نجاتلری اولان ایمان و عبادت ایله امر ایدر و عظم و نصیحتدن عبارت اولان قرآندن امر اض ایدیچی و قاجیجیلردر . ]  
قرآنک هر آیتی ایمان ایجاب ایدن دلائلدن اولوب دائماً خیرله امر ایدر کن آندن



قاجق تعجب واستغرابه شایان بر حال اولدیفنه اشارت ایچون نعمیه دلالت ایدن ماء استغرابیه ایله وارد اولمشدر .

..

واجب تعالی قرآندن اعراض ایتدکری بیاندن صوکره اعراضلرینک کیفیتنی بیان و تصویر ایتک اوزره ﴿كَانَ هُمْ حُرُمٌ مُّسْتَفِرَّةً ۖ فَرَّتْ مِنْ قَسْوَرَةٍ﴾ بیوریور .  
[ کآن آنلر آرسلانندن اورکمش قاجیجی مرکبلر کبی اولدقلمی حالده قرآندن فرار ایدرلر . ]

یعنی ؛ قرآندن قاجانلرک حاللری شول خسارلرک حاللرینه بکزه رکه او مرکبلر آرسلانک هجومندن اورکمش قاجیجیلردر .

قرآندن فرار ایدنلرک حاللری مرکبلرک حاللرندن دها کوتودر . چونکه ؛ مرکبلر کندیلرینه هجوم ایدن آرسلانک محقق اولان بر مضرتنی بیلدکارندن طولایی اومضرتدن قاجارلر . بونلر ایسه منفعتلرینی تأمین ایدن قرآندن قاجارلر . شو حالده مرکبلرک فراری معقولدر ، بونلرک فراری ایسه عین حماقتدر .

فخر رازینک بیانی وجهله (سوره) سوح آنیمی جماعه و کیمینک قارانیفه دخی دینورسده اساس معناسی آرسلاندر . زیرا قسوره ؛ قسر دندر . قسر ده قهر و غلبه معناسه در . آرسونک سارمیرانات اوزرینه قهر و غلبه سی اولدیفنده قسوره دنیلمشدر . ایسته آرسلانندن اورکمش اولان مرکبلر قولاقلمی دیکه رکه ناصل قاجارلر کافرلرده قرآندن آنلرک قاجیشنه بکزه بر قاجیشله قاجارلر دیمکدر .

..

واجب تعالی قرآندن قاجارلرینک کیفیتنی بیاندن صوکره هر برینک آرزولرینی بیان ایتک اوزره ﴿بَلْ يُرِيدُ كُلُّ امْرِئٍ مِنْهُمْ اَنْ يُؤْتِيَ صُحُفًا مِّنْشَرَةٍ﴾ بیوریور .  
[ آنلر قرآنه راضی اولوب آنکله عمل ایتزلر ، بلکه آنلردن هر شخص کندینه

طرف الهمیدن آجیق صحیفه لر و کتابلر کلسون و کندیلرینه ویرلسون و قرآنه عمل لازم اولدیفنی آنلره بیان ایتسون که آنلره قناعت حاصل اولسون شبهلری قالماسون ایتزلر .  
فخر رازینک بیانی وجهله اهل مکه رسول الله « بزه سبادن سکا تابع اولمقلغمزی امر ایدر آجیق کتاب کلوب بالاسی الله تعالی طرفندن بو کتاب فلان اوغلو فلاندر دینه نیجه سکا ایمان ایتیز ، بویله آجیق کتابلر کلوب بزه امر ایتدکجه اینانامایز » دیمکه هر بری کتاب ایسته مشلردر .

..

واجب تعالی کافرلرک شو آرزولری دوغرو اولمادیغنی بیانه آنلری رد ایتک اوزره ﴿كَلَّا بَلْ لَا يَخَافُونَ الْآخِرَةَ﴾ بیوریور .

[ امر حال و شان آنلرک دیدکری کبی دکلددر . زیرا ؛ آنلرک ایسته دکلری حاللرینه مناسب اولماز . چونکه ؛ آنلر آخرتدن قورقمازلر . ] اکر آخرتدن قورقسه لر طرف الهمیدن کان قرآنه ایمان و آنکله عمل وسائر معجزات و دلالتله اعتماد ایدرلرده کندیلرینه مخصوص کتابلر ایسته مزلر ، بلکه آنلرک آجیق مکتوب ایسته ملری مجرد عنادلرندندر . بناء علیه ؛ آنلره ایسته دکلری کتابلر کلش اولسه ینه ایمان ایتزلر .

..

واجب تعالی آخرتدن قورقماقلمی بیاندن صوکره قرآنک آنلرک زعمی کبی اولمایوب آنجق آنلره وعظ ونصیحت اولدیفنی و ایسته یین او وعظه عمل ایده جکفی بیان ایتک اوزره ﴿كَلَّا إِنَّهُ تَذَكُّرَةٌ ۖ فَمِنْ شَاءَ ذَكَرَهُ﴾ بیوریور .

[ قرآن آنلرک اعتقاد ایتدکری کبی دکلددر . زیرا قرآن ؛ انسانک منافع دنیویه و اخروییه سی تعریف ایدر بویوک بر وعظ ونصیحتدر . ] بناء علیه ؛ ایسته یین کیمسه آنی قبول ایدر و آنکله متصح اولور و ایسته مه یین آنک منافعندن محروم اولور . چونکه ؛ عمل ایدر سه منفعتی و عمل ایتزه مضرتی کندینه عائددر . شو حالده هر کس منفعت و مضرتی دوشونمیلدر .



﴿وَمَا يَذْكُرُونَ إِلَّا أَنْ يَشَاءَ اللَّهُ﴾

[ اراده الهیه تعلق ایتمه دیکه آنلر قرآنله متصح اولمازلر . ] چونکه عبدک هر فعلی خالق؛ الله تعالی در . شو قدر که عبدک اراده جزئیته سنی صرف ایتمک شرطدر . بناء علیه ؛ الله تعالی آنلرک عملی ونصیحت قبول ایتملرینی خلق ایدر ، اگر آنلر عمل ایتمک ومتصح اولمق جهته اراده لرینی صرف ایدر لرسه . یوقسه الله تعالی دیله مه نجه آنلر اراده یی صرف ایتملر وتذکرده حاصل اولماز معناسنه دکلدر . بلکه آنلرک اراده سنه اللهک اراده سی توافق ایتمزه فعل حصوله کلز دیمکدر . شو حالده عبد بر شینه اراده سنی صرف ایدر الله تعالی ده اراده بیوررسه اوشی حاصل اولور . یعنی عبد ایسترده الله تعالی ایسته مزسه اوشی حاصل اولماز دیمکدر .

﴿هُوَ أَهْلُ التَّقْوَى وَأَهْلُ الْمَغْفِرَةِ﴾

[ الله تعالی ، عذابندن قورقورقلغه لایق ومستحقدر وقوللرینی مغفرت ایتمکه دخی لایقدر . ] زیرا ؛ الله تعالی دشمنلرندن انواع عذابه انتقام آلمغه مقتدر برقادر وقیومدر . بناء علیه ؛ قهرندن قورقورقلغه لایق برکیمسه آرانیرسه ایسته اوده واجب الوجوددر وقوللرینک قصورینی عفوکرده اهل واربایددر . بناء علیه ؛ قصورینی اعتراف ایدرک توبه ایله درکاه الوهیه رجوع ایدن قولنی مغفرت اهلدر .

### سوره قیامه

مکه مکرمه نازل اولان سوره لر دندر . قره آیتی جامعدر .

﴿بِسْمِ اللَّهِ الرَّحْمَنِ الرَّحِيمِ﴾

﴿لَا أُقْسِمُ بِيَوْمِ الْقِيَمَةِ﴾

[ بن عظیم الشان قیامت کونه یمین ایدرم که البته سز قبریکزدن قالقارسکز . ]

یعنی ؛ قیامت کونی بر امر عظیمدر که آنک بویوک بر شرفی وارددر . اوشرفنه بناء بن آکایمین ایدر وسزک قبریکزدن قالقوب جزا کوره جککزی تا کیدله بیان ایدرم . فخر رازینک بیانی وجهله بومقامده ( لا ) کله سی یمینی تا کیدر ایچوندر ، نفی ایچون دکلدر . یاخود ( لا ) کله سی بو مقامده نفی ایچوندر . بوکا نظراً معنای نظم : [ بن قیامت کونه یمین ایتم . زیرا ؛ ظاهر اولوب وقوعنده شبه اولمادیغندن یمینله تا کیده حاجت یوق ] دیمکدر . چونکه یمین ؛ مخاطبه نظراً شبه اولمادیغندن یمینله تا کیده حاجت یوق . قیامتک کونی ایسه وقوعی شبه دن عاری اولدینی جهته وثیقه به احتیاج یوقدر .

﴿وَلَا أُقْسِمُ بِالنَّفْسِ اللَّوَّامَةِ﴾

[ بن یوم قیامتده عاصیلری لوم ایدن نفس متقی به یمین ایدرم . ]

یعنی ؛ بن عباداتی ترکله قصور ایدن نفوس شریره یی لوم ایدن نفس عابده به یمین ایدرم که سز قبرلریکزدن قالقار وجزا کزی کورورسکز . یاخود معنای نظم : [ قیامتده کنندینی لوم ایدن هر نفس یمین ایدرم ] دیمکدر . چونکه ؛ قیامتده کزک عبادت وکزک قباحت ایدن هر نفس کنندی کنندینی لوم ایدر . ابوالسعود افندینک بیانه نظراً رسول الله صلی الله تعالی علیه وسلم افندیزه مطیع و عاصیه هیچ بر نفس اولمادی ، الا اونفس یوم قیامتده کنندی کنندینی لوم ایدر . اگر خیرایشله مش ایسه نه ایچون زیاده ایتمدم واکر شرایشله مش ایسه نه دن ترک ایتمدم دیهرک هر نفس ذاتی لوم ایدر ، بیورمشدر . شو حالده لوم ایدنله لوم اولونان هر ایکسی ده بر شخصدر وبوده جائزدر . زیرا ؛ ذاتنده بر اولان شی اعتبارده مختلف اولابیلیر . بناء علیه ؛ لوم ایدن کیمسه ملوم اولانک عینیدر .

بومقامده نفس لوامه نک قیامتله برابر ذکر اولسند کی حکمت ؛ قیامتک قائم اولسندن مقصد ، نفوس بشریه نک مجازات اولونمیدر . شو حالده قیامتله نفوس بشریه آرسته مناسب تامه وارددر . زیرا قیامتده جزا کوره جک ؛ او نفس لوامه در . بناء علیه ؛ قیامت ذکر اولونجه او قیامتده جزا کوره جک نفس خاطره کله جکی ایچون جناب حق قیامتی ذکرده صوکره نفس لوامه یی ده ذکر بیورمشدر .



خلاصه ؛ قباحه ایشله بن کیمسه «نه دن قباحه ایشله دم» دییه رک کنه دینی لوم ایده جکی  
کی عبادت ایدن کیمسه ده «نه دن آز عبادت ایدم» دییه رک کنه دینی لوم ایده جکی بو آیتدن  
مستفاد اولان فواید جمله سنددر .

..

واجب تعالی قیامته و قیامتده جزا کوره جک نفس لوامه یمن ایتدکن صوکره  
قیامت و حشری انکار ایدنلرک انکارلرینی رد ایتک اوزره ﴿أَيَحْسَبُ الْإِنْسَانُ أَنْ  
نُجْمَعَ عِظَامُهُ﴾ بلی قادرین علی آن نسوی بنانه بیوریور .

[ حشری و حشری انکار ایدن انسان ظن ایدرمی که البته بز آنک چورومش کییکارینی  
جمع ایده مه بز ؟ اوت ! بز او چورومش کییکاری جمع ایدرز زیرا ؛ او کییکارک پک  
کوچوکلری اولان یارمقلرینک اوچلرینی بیله جمع ایتک قادرز زرده قالدی که بویوکلرینی  
جمع ایتیم . ] شو حالده انسانه لایق اولان ؛ اللهک قدرتی اعتقاد ایده رک حشری اقرار  
ایتکدر ، یوقسه هوای نفسانیسه تبعیت ایده رک حشری انکار ایتک دکدر .

فخر رازی و خازنک بیانلرینه نظر ابویاتک سبب نزولی شویله در : مکه مشرکلرندن  
(عدی بن ربیع) رسول الله قیامتدن سئوال ایتسی اوزرینه رسول الله قیامتدن و انسانلرک  
قبرندن دیریلوب قالدیچندن خبرورنجه (عدی) دیدی که « یا محمد ! ﷺ بو کون قیامت  
کوزمله کورسه منی تصدیق ایتم . چونکه چورومش اولان کییکلری الله تعالی جمع ایدوبده  
پر ده ادم یا پاماز و یا پاماز . (عدی) نک بویله دیمسی اوزرینه جناب حق بو آتی انزال  
ایده رک بونک و بو ذهنیتده اولان انسانلرک اعتقادلرینی رد ایتمشدر .

بو آیت ؛ حشرک جسمانی اولسنه دلالت ایدر . چونکه ؛ جناب حق جسمدن عبارت  
اولان کییکلری جمعه حشر ایده جکینی بیانله جواب ویرمسی حشرک جسمه مخصوص اولسنه  
دلالت ایدر و حشر جسمانی بی اعتقاد ایتک ضروریات دینه دندر . بناء علیه ؛ حشر جسمانی بی  
انکار ایدن کافر اولور . اماروچه کلنجه ؛ روحده حشر یوقدر . چونکه ؛ روح بدن  
آیریلنجه دیری اولارق باقی اولدیغندن حشره حاجت یوقدر . زیرا ؛ بدن آیریلنجه  
قانی دکل که حشر اولسون ایشه . اهل سنت اعتقادی ده بودر .

آیت جلیله ؛ حشرک اجزاء متفرقه بی جمع ایتک صورته اولاجفنه دلالت ایدر .  
چونکه ؛ واجب تعالی چورومش کییکلری جمع ایتکله حشر ایده جکینی بیان بیورمشدر .  
حشری انکار ایدنلرک انکارلری قدرت الهیه نک چورومش کییکلری جمع ایتکله کافی  
اولیه جفته دائر شپهلری اولدیغندن واجب تعالی اوشهلرینی قالدیرمق ایچون (بلی قادرین)  
نظم منیفیله قدرتنک کافی اولدیغنی بیان بیورمشدر .

..

واجب تعالی حشره امکان ویرمه یئرله و قدره الهی نقصان کورنلره انسانلری احیا  
ایتکله قادر اولدیغنی بیانله جوابدن صوکره حشری انکار ایدنلرک انکارلرینک ایکنجی  
سببی دنیا به محبتلری و فسق و فجوره دوامی آرزو ایتلری اولدیغنی بیان ایتک اوزره  
﴿بَلْ يُرِيدُ الْإِنْسَانُ لِيَفْجُرَ أَمَامَهُ﴾ یسنل ایتان یوم القیمه بیوریور .

[ بلکه انسان فسق و فجورنده دوام ایتک ایست و سئوال ایدر دیرکه « یوم قیامت  
ترده و نه قدر اوزا قدر ؟ » ]

یعنی ؛ انسانک بعضی انکاری اولجه کچمش اولان عمرنده فسق و فجور ایشله دیک کی  
کله جک زمانده دخی عمری اولدجه کنه ده دوام ایتک آرزوسنه منی انکاره جسارت ایدیور  
و عنادندن حرصی آلامیه رق قیامتدن سئوال ایدر و دیرکه « قیامت نه زمان و نه قدر اوزاق  
شیدر که یا محمد ! ﷺ سن آتی ادعا ایدیورسک ؟ » بو سئوالدن مقصدی ؛ استهزادر .  
شو حالده قیامت انکاری دنیا به محبتله فدا ایده میه جکنددر . چونکه ؛ انسانلرده آرزو  
ایتدکلی شئی ایسته مک و آنک بقاسنی آرامق هر زمان موجود اولان احوالنددر .  
قیامت ایسه دنیای آرزو ایدنلرک آرزولرینه مخالفدر . بناء علیه ؛ قیامت ، آرزولرینک  
خلافه اولدیغنی ایچون آتی انکاره جرأت ایدرلر و انکاردن چکینمز لر .

فخر رازینک بیانی وجهله قیامت انکار بعضیه کرمه شهریه بناء اولور : جناب حقک  
قدرتی داغیلمش اولان اجزالری طوبارلامغه کافی دکل علیه حشری انکار ایتدکلی  
کی . بعض کرده انکار شروات نفسانیه و ایزات جسمانی به بناء اولور : فسق و فجورلرینک  
حوامی آرزو ایتدکلی به بناء انکار ایتدکلی کی . بناء علیه جناب حق شپهلری اوزرینه



انکار لرینه (بلی قادرین) نظمیه و شهوتلری اوزرینه انکار لرینه ده (بل بریدالانسان) نظم جلیلله جواب ویرمشد.

\*.

واجب تعالی کافرلرک استهزا صورتیه قیامتدن سؤال ایتدکلرینی بیاندن صوکره قیامتک عیناً کوتی خبر ویرمک حکمته مخالف اولدیغه اشارتله قیامتک بعض علامتلیقی خبر ویرمک اوزره ﴿فَإِذَا بَرِقَ الْبَصَرُ﴾ \* وَخَسَفَ الْقَمَرُ \* وَجُمِعَ الشَّمْسُ وَالْقَمَرُ \* يَقُولُ الْإِنْسَانُ يَوْمَئِذٍ أَيْنَ الْمَفْرُ \* بیوریور.

[کوز قاماشوب بولاندیغی و قرقارنلق بر جسم اولوب ضیاسی کتدیکی و آیه کونشک برله شوب مغربدن طوغدقلری وقت انسان حیرت و دهشتدن ناشی او کونده دیرکه «قاجاق محل نروده در ؟»]

یعنی ؛ او کونک عظمت و دهشتدن انسانه حیرت و شاشقینلق کله رک کوزی قاماشیر و قمرک ضیاسی زائل اولارق صرف بر قارنلق جسم اولور و کونشله آی بر آرمیه کله رک مغربدن طوغار. بونلرک جمله سی عادتک خلافته عجائب و غرائبدن اولدقلری جهته انسانه عارض اولان شاشقینلق اثری اولارق او کونده قاجاق بر آرار و دیرکه (این المفر) یعنی «فرار ایده جک بر نرزه سیدر، نرزه کیده لم و کیملره صیغینالم ؟». ایشه انسان بویه دیملکه کمال مأیوسیتی اظهار ایدره. زیرا ؛ انسانک بودنیاده بیه هر طرفدن مأیوسیتی حالده بر صیغیناجق بر آرامقندن و نه یاللم و نه ایدم و نرزه کیده لم ؟ دیملکدن خالی قالمادیغی هر کسجه معلومدر. ایشه قیامتده دخی عین حالک جاری اولاجغنی جناب حق بو آیتله بیان بیورمشد.

\*.

واجب تعالی قیامتک بعض احوالی و او کونده انسانک فرار ایده جک محل آرایاجغنی بیاندن صوکره او کونده فرار ایده جک محل اولمادیغنی بیان ایتک اوزره ﴿كَلَّا لَا وَزَرَ﴾ \* بیوریور.

[انسانک او کونده ملجأ آرامسی مردود و ممنوعدر. زیرا ؛ ملجأ و صیغیناجق بر محل یوقدر.]

یعنی ؛ او کونده واقع اولان دهشت و حیرت اوزرینه انسانک صیغیناجق بر محل آرامق ایچون تلاشدنه فائده یوقدر. زیرا ؛ ملجأ آرامق زمانی کچمشد. زمانسز تلاش بر منفعت تأمین ایتمز. بناء علیه ؛ ملجأ آرامق ممنوعدر. فخر رازینک بیانی وجهله وزر ؛ منیع و ایجاب میقلمی مشکل بر طاغدر. بناء علیه ؛ انسانک التها ایدوب نقص ایده مکی هر شیء وزر دینور. شو حالده (کلا لا وزر) دیملک «حال و شان آنلرک آرزو ایتدکلری کبی دکل. زیرا ؛ صیغیناجق و فرار ایده جک بر یوق، دیملکدر.

\*.

واجب تعالی کافرلرک فرار ایده جک محل آرادقلرینی و آنلره جواب اولارق فرار ایده جک محل بولامیه جقلرینی بیاندن صوکره او کونده فرار ایده جک شیک آنجق جناب حقک حکمی اولدیغنی بیان ایتک اوزره ﴿إِلَىٰ رَبِّكَ يَوْمَئِذٍ الْمُسْتَقَرُّ﴾ \* يُنَبِّئُوا الْإِنْسَانَ يَوْمَئِذٍ بِمَا قَدَّمَ وَأَخَّرَ \* بیوریور.

[آنجق او کونده محل فرار و قرار یا اکرم الرسل ؛ ربک تعالی نک حکمی وامریدره. ابی عمل ایشله یه رک آخرته تقدیم ایتدیکی و ایشله میه رک تأخیر ایتدیکی هر شی او کونده انسانه خبر ویریلور.]

یعنی ؛ قیامتده محل قرار آنجق ربک تعالی نک حکمیدر. زیرا ؛ انسانک ایشله دیکی عملی اوزرینه مشیت الهیه او انسانک جنته کیتمی ایه آنک محل قراری جنت اولور و اکر جهنمه کیتمی ایه محل قراری جهنمدر. بناء علیه ؛ انسان ایچون او کونده چاره آرامقده فائده یوقدر. زیرا ؛ زمانی کچمشد. و او کونده انسانک عمل صالحی و مالندن صدقه ایده رک تقدیم ایتدیکی شی و کوتو عملی و مالندن صرف ایتیه رک ورثیه تأخیر ایتدیکی شیلرک جمله سی خبر ویریلور که هر کس کندی عملنه واقف اولسون و عملنی خلاصه الیان : اون بشنجی جلد — ۲۰



خبر آنچه امر الهی به رضادن باشه چاره اولمادیغنی بیلسون و اعتراضه محالی قالماسون و قاجاجیق یر اولمادیغنی آکلاسون .

فخر رازینک بیانی وجهله انسانه عملندن خبر؛ یوم قیامتده عملنک عرض اولونوب محاسبه اولوناجنی زمانده اولاجقدر و عملنک اولی و آخری، خیری و شری، حسنه سی و سیئه سی خبر و یریه جکدرکه کندیمی و هرکس آنک عملی بیلسون و حکم الهینک عین عدالت اولدیغنه هرکس واقف اولسون .

..

واجب تعالی انسانک اول و آخر اعمالی کندینه خبر و یریه جکفی بیاندن صوکره خبردن دهاقوتلی انسانک کندینک عملنه واقف اولاجغنی بیان ایتک اوزره ﴿بَلِ الْإِنْسَانُ عَلَىٰ نَفْسِهِ بَصِيرَةٌ ۖ وَلَوْ أَلْقَىٰ مَعَاذِرَهُ﴾ بیوریور .

[ بلکه انسان کندنی نفسی اوزرینه شاهددر . زیرا ؛ عملی کوریحی و بیلجی و رای العین مشاهده ایدیجیدر . ولوسه اوانسان اورتایه برچوق معذرتلر آتمش اولسون . ] یعنی ؛ انسانه هر دور لو اعمالی خبر و یریلور سه ده خبردن دهاقوتلی اولارق انسان کندنی نفسنده ایشله دیکی عملی کوریحیدر . بناء علیه ؛ خبر و یریلن عملی قبوله مجبوردر . زیرا ؛ نفسنده رای العین مشاهده ایتدیکی شیئی انکاره مجال یوقدر ، ولوسه معذرت اولمی ممکن اولان شیلرک هپسنی معذرت اولارق بیان ایتش اولسه دخی قبول اولونماز . چونکه ؛ حسنات و سیئات جمله سی میدانده در و اعضاء جوارحنک شهادت ایده جکی دیگر آیتلره بیان اولوندیغنی وجهله شاهدلرده حاضر در ، باشقه یردن شاهد آرامغه حاجت یوقدر . شو حالده عملنه کوره جزا کورور عملنک خارجنده کوتوردیکی معذرتنه اعتبار اولونماز .

فخر رازینک بیانی وجهله ( بصیرة ) دیمک « انسان کندنی نفسنده خطاسنی کورور ، دیمکدر . چونکه ؛ انسان شهوات نفسانیه سی ایجابی باطلی ارتکاب ایتسه بیه عقلیه آنک باطل اولدیغنی بیلیر و اقرار ایدر . یا ضرر ( بصیرة ) دیمک « اعضاء جوارحی نفسی اوزرینه شاهددر ، دیمکدر . بناء علیه ؛ هر در لو معذرتلره توسل ایتش اولسه دخی قبول اولونماز . زیرا ؛ کندنی کندینه شاهددر .

ابوالسعود افندینک بیانی وجهله ( بل ) کلمه سی بو آیتده ضعیفده قوی به و آشاغیرنه یوقاروبه ترقی ایچونددر ؛ چونکه خبر هر نه قدر قوتلی اولسه بیه انسانک بالذات کندنی معاینه ایتمی قدر قوتلی اولاماز . بناء علیه ؛ ( لیس الخبر کالعیان ) یعنی « خبر عیناً مشاهده کی اولاماز ، ضرب مثلی دخی بونی تأیید ایدر . بوکا نظراً معنای نظم : [ او کونده انسانه اعمالندن خبر و یریلور . بلکه خبر شویله طورسون انسان او کونده کندنی اعمالنک تفصیلی کندنی ییلور ] دیمکدر .

..

واجب تعالی انسانک یوم قیامتده اولاجق بعض احوالی خبر و یردکن صوکره رسول اللهک وحی کلدیکنده وحی اولونان آتی حفظ ایچون تلاش ایتدیکنی و تلاش حاجت اولمایوب حفظی جناب حقک تأمین بیوردیغنی بیان ایتک اوزره ﴿لَا تُحَرِّكْ بِهِ لِسَانَكَ لِتَعْجَلَ بِهِ ۖ إِنَّ عَلَيْنَا جَمْعَهُ وَقُرْآنَهُ﴾ بیوریور .

[ یا اکرم الرسل ! قرآنی عجله حفظ ایتک و قاجیرماق ایچون قرآنک قرائتیه لسانکی تحریک ایتمه . زیرا ؛ قرآنی سنک قلبنده حفظ ایتدیروب و لسانکله تلاوت ایتدیرمک بزم اوزریمزه لازمدر . ] بناء علیه ؛ سنک تلاشکه محل یوقدر . یعنی ؛ جبریل امین وحی ایله کلدیکنده حفظ ایده م قورقوسنه بناء وحی تکمیل ایتکسزین عجله حفظ ایتک ایچون لسانکی قرآنک قرائتیه مشغول ایتمه . زیرا ؛ سنک کلامک جبریل امینک کلامنه قاریشیرسه ضبطی مشکل اولور . بناء علیه ؛ قرائتده عجله ایتمه . چونکه ؛ بزسنک قلبکده آنک حفظی و لسانکده تلاوتی اوزریمزه لازم متابه سنده قیلدق . شو حالده سنک ایچون تلاشه لزوم یوقدر .

فخر رازینک بیانی وجهله بو آیتک بوندن اولکی آیتلره مناسبتی ؛ بوندن اولکی آیتلر نازل اولدیغنده رسول الله عجله بیوردیغنی ایچون بونی الهی بوراده واقع اولمشدر بو حالک خارجده ده مثالی واردر : مثلاً درس اوقوتان بر مدرسک تلیدی صاغنه وصوله باقدیغنده مدرس تلیدیغنی هی ایچون « صاغنه وصوله باقاء دیدکن صوکره درسته دوامه باشلا دیغنی



کبی رسول الله ده بوندن اولکی آیتلر نازل اولور کن عجله بیور دیغندن جناب حق «عجله ایتمه»  
زیرا؛ بزقرآنی سکا حفظ ایتدیره جکیز «بیور مشدر» ایشته شویان وجهله بو آیتلرک «  
اولنه بوندن صوکره آخرته متعلق کله جک آیتلر مناسبته کامله سی واردر .

یاغور آیتک ماقبله مناسبته شویله بیان اولونمشدر : بوندن اول (لیفجر امامه)  
نظمنده بیان اولوندیغی وجهله شهوات نفسانیه سنده انسانک عجله ایده رک قیامتی انکاره  
قدر جرأت ایتدیکندن جناب حق رسولی امر دینده عجله دن نهی بیور مشدر که امر دینده  
عجله مذموم اولونجه دیگر خصوصاً عجله نک مذموم اولاجنی اولویتله ثابت اولدیغنه  
اشارت ایدلمشدر .

یاغور بو آیتده خطاب رسول الله دکدر ، بلکه یوم قیامتده اعمالی کوره جک انسانه  
خطابدر . چونکه ؛ او انسان کناهلرینی مبین دفتر اعمالی علی العجله قرائته باشلا نیجه  
جناب حق او انسانه خطاب اولارک «ای انسان ! سن عمل دفتیریکی او قومقده عجله  
ایتمه . زیرا ؛ بزآنی سکا اوقوتور و بیلدیرر و جزاسنی ترتیب ایدرز » بیور مقله او کیمسه نی  
عجله دن نهی ایده جکینی بیان بیور مشدر . والحاصل شوتوجیهاتک جمله سنه نظراً آیتلر  
بیننده مناسبته کامله محقق و موجود اولدیغندن بو آیت و بونک امثالی آیتلر آره سنده مناسبته  
یوقدر دیهرک اعتراض ایدن صابقتلرک اعتراضلری مردوددر .

\*\*

واجب تعالی رسولانه قرآنک حفظی وعد ایدنجه رسولنک وحی کلدیکنده آلاجنی  
وضعیق بیان ایتک اوزره ﴿فَإِذَا قَرَأْنَاهُ فَاتَّبِعْ قُرْآنَهُ﴾ ثُمَّ إِنَّ عَلَيْنَا بَيَانَهُ ﴿  
بیور بیور .

[ بز قرآنک حفظی وعد ایدنجه جبریل واسطه سیله سکا قرآنی اوقود یغمزده سن  
قرآننه تابع اول . جبریلک قرآندن فراغنده وقت کچمکسزین تلاوته تبعیت ایت .  
تکرار بتکرار اوقوکه ذهنکده قرار ایتسون وسن قرآتی بیتیرنجه معناسنده سکا مشکل  
اولانی بیان ایتک بزم اوزریمزه واجب منابه سنده در . ]

شوحالده آیتک لفظی حفظ ایتکده رسول الله ایچون مشقت اولمادیغی کبی معناسنی

فهمده دخی مشقت یوقدر . چونکه ؛ اولکی آیتده قرآنک حفظی وعد الهی ایله تأمین  
اولوندیغی کبی ایکنجی آیتلده معناسنی کشف وایضاح یته وعد الهی ایله تحت تأمینته آلتقله  
رسول الله ایچون وحی تلقیده برکوجلک قالممشدر .

بجمل اولان برمعنای بیانی واجب تعالی تفصیلاً وعد بیور بیور . بیانی لازم اولان  
شیئک بیاننه احتیاج مس ایتدیکی زمان بیان اولونور تأخیر اولونماز . زیرا ؛ احتیاج  
زمانندن تأخیر تکلیف مالایطاقی مستلزمدر . چونکه ؛ امر اولونان شیئک نه دن عبارت  
اولاجنی بیلنمه نیجه عمل ممکن اولماز . شوحالده احتیاج زمانندن بیان تأخر ایتمز . اما  
خطاب زمانندن بیانک تأخر ایتمی جائزدر . زیرا ؛ خطاب زماننده عمل لازم اولماز .  
خطاب اول کاور صوکره عمل واجب اولور .

\*\*

واجب تعالی رسولی عجله دن نهی ایتدکن صوکره عجله نی عادت ایتمکن قوللرینی  
منع ایتک اوزره ﴿كَلَّا بَلْ تُحِبُّونَ الْعَاجِلَةَ﴾ وَتَذَرُونَ الْآخِرَةَ ﴿ بیور بیور .  
[ سزک ظنکیز کبی دکل ، عجله ممنوعدر . زیرا ؛ عجله ده عاقبت ای دوشونیه مدیکندن  
ضرره اوغرامق هر زمان محتملدر . بناء علیه ؛ هر شیده عجله مذمومدر . بلکه ای  
انسانلر ! سز عجله دن کچمز و عجله دن عبارت اولان دنیا یاه محبت ایدر و آخرتی ترک  
ایدر سکنز . ]

یعنی ؛ حال و شان سزک ظنکیز کبی اولمادی . عجله ایتک مذموم و تانی ایتک ممدو حدر  
ولکن ای بنی آدم ! سز عجلدن خلق اولوندیغکیز ایچون هر شیده عجله ایتک عادت سکنزدر .  
ایشته بوجهلدن اولمق اوزره عجله دن عبارت ، مدتی غایت آز ولذتی زحمتنه دکمین دنیا یاه  
محبت ایدرده ابدی و هر دورلو راحق مستلزم اولان آخرتی ترک ایدر سکنز .

\*\*

واجب تعالی رسولی وسائر قوللرینی عجله دن نهی ایتدکن صوکره انسانلری عمللری



اقتضای یکی قسمه تقسیم ایتک اوزره ﴿وَجُوهٌ يَوْمَئِذٍ نَّاضِرَةٌ ۖ إِلَىٰ رَبِّهَا نَاظِرَةٌ﴾  
بیوریور .

[ او کونده برچوق یوزلر نورلودر ، آنجق بعض زمانده ربسک یوزینه باقیچی و جمال  
باکالنه مستغرق اولارق ماسوایی اونویجیدر . ]

یعنی ؛ انسانلردن بر چوق کیمسه لک یوزلری نضرلی و بهجتلی و کورمش اولدینی  
نعمتلر اوزرینه سرورلی اولور و بو نعمتلردن اک بویوکی واجب تعالی نک جمالی مشاهده  
ایله متم اولمقدور .

فخر رازینک بیانی وجهله بو آیت ؛ آخرتدن بعض کیمسه لک الله تعالی یی کوره جکلیینه  
دلالت ایدر والله تعالی یی کورمکدن عندالعقل بر مانع یوقدر . چونکه ؛ واجب تعالی  
موجوددر ، هر موجودی انسانک کورمسی جائزدر و نقلا ده رؤیت السیه واجبدر .  
چونکه ؛ رؤیت السیه نک وقوع بولاجغه دلالت ایدر بر چوق نصوص جلیله واردر .  
بناء علیه ؛ اهل ایمانک واجب تعالی یی کوره جکلیینی اعتقاد ایتک واجبدر و اهل سنک  
مذهبی ده بودر . اما فرق ضالهدن معتزله بودنیاده رؤیت لازم اولان شرطلری نظراعتبارده  
آلارق آخرتده رؤیتی انکار ایدرلر . حالبوکه رؤیت بودنیاده لازم اولان شرطلر آخرتده  
لازم اولماز . زیرا ؛ آخرتده رؤیت بر قوتله اولورکه او قوتک خالق الله تعالی در . کندی  
جمالی کورمکه مشرف قیلمق ایستهدیکی قوللرند کورمکه لیاقت و قوت خلق ایدر  
و کوستیر . بناء علیه ؛ آخرتده رؤیت بو دنیا ده رؤیت قیاس اولونامیه جغندن رؤیتک  
دنیا ده لوازمندن اولان شرطلر آخرتده لازم اولماز .

..

واجب تعالی انسانلرک آخرتده بر قسمک یوزلری پارلاق اولاجغنی بیاندن صوکره  
دیگر بر قسمک یوزلری نوردن خالی اولدینغنی بیان ایتک اوزره ﴿وَجُوهٌ يَوْمَئِذٍ  
بَاسِرَةٌ ۖ تَظُنُّ أَنْ يُفْعَلَ بِهَا فَاقِرَةٌ﴾ بیوریور .

[ او کونده برچوق یوزلر پورتیجیدر و او یوزلر بیلرلرکه کندیلرینه بر بلای عظیمه  
ایشله نه جک و مهم بر عذاب نازل اولاجق . ]

یعنی ؛ او کونده عاصیلر کندیلرینه واقع اولاجق عذاب بیلدکلرندن یوزلرند اثر  
نعمتدن بشاشت اولمادیکی کج کدرلرندن غایت سیاه ، لونی دکیشمش ، اکشی و بوروشمش  
اولور و ظن ایدرلرکه کندیلرینه بر بویوک بلا کله جک . بناء علیه ؛ کال یا سله مایوس اولورلر .  
فخر رازینک بیانی وجهله یوم قیامتده الله تعالی اهل جنق و اهل جهنمی بر برندن  
آیردینی زمان علامت فارقه اولمق اوزره اهل جنک یوزلری اثر سرور اولارق پارلاق  
واهل جهنمک یوزلری ده اثر غم و غصه اولارق سیاه و بولایق اولور .

باسره ؛ شدته عبوس و بورنجی اولمقدور . فارقه ؛ بویوک بودر و صبرانک بودر  
اوزرینه بایمده داغدر و آرقه کیکنی قیرجی بودر دینورسده بو مقامده انواع عذابدر .  
چونکه ؛ جهنم عذابندن دهابویوک بلا اولماز . (ظن ) ظن ؛ بو مقامده یقین اوزره  
بیلیمدر . و آنجق لافلرله حکم ایموره ظن تعبیر اولونمشدر . چونکه ؛ او کونده هرشی  
میدانه چیقاجغنی ایچون شهلی بر شی قالملاز که آنلر کله جک عذابی ظن اینسونلر . بلکه  
هرشی یقین اوزره بیلرلر . فقط آنلر دنیا ده او کونه ایمان ایتدکلرندن طولانی کآن  
« او کونده ظهور ایدن احوالی کوزلریله کوروب قیامتک حق اولدینغنی ظن ایدرلر »  
دینمشدر که آنلری استهزادر . کآن « دنیا ده ظنله اکتفا ایتدکلری کجی اوراده ده ظنله اکتفا  
ایدرلر ، دیمکدر .

..

واجب تعالی سعید اولان کیمسه لرله شقی اولان کیمسه لک حاللرینی بیاندن صوکره  
دنیا ده محبتله شقاوتی ارتکابدن منع ایتک اوزره ﴿كَلَّا إِذَا بَلَغَتِ التَّرَاقِيَ ۖ وَقِيلَ مَنْ  
رَاقٍ ۖ وَظَنَّ أَنَّهُ الْفِرَاقُ﴾ بیوریور .

[ دنیایی آخرت اوزرینه ترجیحکزدوغری دکدر و سزک دنیا ده محبتله آخرتی  
ترککزد باطلدر . بناء علیه ؛ بو ترجیحدن و از کچمک و روحک بوغاز کیمکلینه بالغ



اولاجنی وقتی دوشونمک لازمدر . او زمان که روح بوغازه دایانديغده خسته نک یاننده بولونانلر طرفندن « بوخسته یه کیم برافسون یایی و بردوا ایله بوخسته یی کیم قورتاریجی؟ » دنیلدیکی وقتی دوشونمک لازمدر و او وقت اوخسته ظن ایدر بیلیر که کندینک دنیادن وبالجه سودکرندن آریلق زمانیدر . ]

یعنی ؛ انسانلرک فانی اولان دنیایی باقی اولان آخرت اوزرینه ترجیح ایتملری دوغری دکلدرد . زیرا انسانلر ایچون لازم اولان ؛ ایرکیج کله جک اولان اولوم وقتی دوشونمیلدر که او وقتی یعنی روح کوکس و بوغاز کیملرینه کلوب موت یا قلاشدینی زمانی دوشونمور میسکز . او وقت که خسته نک یاننده بولونانلر « بوخسته یه دوا ایده جک کیمدر ، بر چاره بولاجق یوقیدر ؟ » دیرلر . حالوکه خسته بیلیر که کندینک دنیادن آریلا جق زمانیدر . بونلری دوشونمک و آخرتی اعتقاد ایتک لازم ایکن ناصل اولیور که بو دکر سز دنیایی آخرت اوزرینه ترجیح ایدرسکز .

فخر رازینک بیانی وجهله محضر اولان کیمسه هر نه قدر وفات ایده جکی بیلیر سه ده روح بدنده بولوندیجه انسانک حیات دنیایه محبته بناء حیانتندن امیدینی کسمیه جکنه اشارت ایچون ظن امر دنیلمشدر . بو آیت ؛ بدنک موتندن صوکره روحک باقی قالا جغه دلالت ایدر . چونکه ؛ افتراق ایده جک اولان روح اولوب و بدنک ده موتی بیان اولونونجه روحک آریلوب قالا جغه دلالتی ظاهر در .

خلاصه ؛ انسانلرک اوله جکی وقتی دوشونملری لازم اولدینی و دنیایه محبتله اولومی اونونمق دوغری اولمادینی بو آیتدن مستفاد اولان فوائد جمله سنددر .

واجب تعالی انسانه وفات ایده جکی زمان عارض اولان احوالک بعضیلرینی بیاندن صوکره بعض دیگرلرینی بیان ایتک اوزره ﴿وَالْتَقَتِ السَّاقُ بِالسَّاقِ﴾ إِلَى رَبِّكَ يُؤْمِنُ الْمَسَاقُ ﴿ بیوریور .

[ تفکر ایدوب دوشونمور میسکز شول زمانی که اوزمانده انسانک اینجیکلری بربرینه دولاشور . بناء علیه ؛ کمال اضطرابندن حرکت قادر اولاماز برحاله کلیر . آنجق اوکونده

سوق اولونا جق محل واجب تعالی نک حکمی وحضور مغویسیدر ، باشقه محل یوقدر . ] زیرا ؛ اوکونده امر الهینک خارجنده برشی جریان ایتز که امر الهینک و حکم سبحانینک خارجی سوق اولونا جق بر محل بولونسون . شو حالده هر شخص ایچون وظیفه دینه ؛ اوله جکی وقتی قیامت کوتی دوشونمک و رضاء الهینک خارجنده برشی یا پامقدر .

فخر رازینک بیانی وجهله ( التفت ) اجتماع ادوب بربره طریقه منم در . ساق ؛ نیک معناسنه در . وفات زماننده انسانک اولوم آجیسیله آیاقلرینی بربرینه و وره جغه و اینجیکلرینی بربرینه دولاشدیرمه جغه اشارتدر که شمت اضطرابیه کنایه در . چونکه ؛ اوزمانده دنیا لذتی و اهل و عیالی و اموالی و احبابی و جاه و منصبی ترک ایتک آجیلری اولدینی کبی دشمنک شامت و سوبنج آجیلری دخی وارددر . ایشه شو آجیلرله برابر اولوم آجیسی ده باغرینه چوکنجه کمال اضطرابندن آیاقلرینی بربرینه طولایاجنی بیان اولونمشدر .

\*\*\*

واجب تعالی انسانک حین وفاتنده کوره جکی الم و اضطرابه اشارت ایتد کدن صوکره بولم و اضطرابی ایجاب ایدن حاللرینی بیان ایتک اوزره ﴿فَلَا صَدَقَ وَلَا صُلِّيَ﴾ وَلَٰكِنْ كَذَّبَ وَتَوَلَّى ﴿ ثُمَّ ذَهَبَ إِلَىٰ أَهْلِهِ يَمُتِلَىٰ ﴿ بیوریور .

[ اوانسان تصدیق ایتسی واجب اولان رسولی و قرآنی تصدیق ایتدی و اوقات معینه ده اوزرینه فرض اولان نمازی قیلمادی ولکن تصدیق واجب اولان معتقداتی تصدیق شویله طورسون تکذیب ایتدی و بالجه عبادتن اعراض ایتدی و تصدیق واجب اولان رسولی و قرآنی تکذیب و عبادتن اعراضدن صوکره صالانا صالانا اوینه و اهله کیتدی . ]

یعنی ؛ اوانسانک دنیایه محبتی سببیه ایمان ایتسی لازم اولان اعتقادیاتی تصدیق ایتدیکی کبی فروع اعمالدن بش وقتده فرض اولان نمازی ده ادا ایتدی و بلکه تکذیب ایده رک یوزینی دونووردی . صوکره بو چیرکین معامله لرینه سوبینه رک صالانا صالانا خانه سنه و اهله کیتدی .







آخرتی انکار اتمی غایت کوتو برشی اولدیغنه اشارت اولونمشدر . شو حالده احقر حقیر اولان برداملا چیرکین صودن اعضالری تکمیل وتسویه ایدهرک بو کوزل صورت اوزره انسانی یاراتان تا کرینک اولدکن صوکره دیرلته جکندنه شبهه ایتک لایق دکلددر .

..

واجب تعالی انسانک نطفه دن خلق اولوندیغنی بیاندن صوکره ایکی قسم اوزره یاراتدیغنی بیان ایتک ضمنتده ﴿ جَعَلَ مِنْهُ الزَّوْجَيْنِ الذَّكَرَ وَالْأُنْثَى ﴾ بیوریور .  
[ الله تعالی انسانی ایکی قسم قیلدی که بری ارکک دیکری دیشیدر . ] تناسل بونسکه حاصل اولاجقندن بوضورتله مصلحت تناسله رعایت اولونمشدر . زیرا ؛ یالکمز ارکک ویا دیشیدن نسل وجود بولاماز .

﴿ أَلَيْسَ ذَلِكَ بِقَادِرٍ عَلَى أَنْ يُخْلِقَ الْمَوْتَى ﴾

[ شو بیان اولونان احوال که نطفه دن اویوشمش قان وقاندن ائله کمیک و صوکره اعضالری اکمال ایله روح ویرمکه احسن تقویم اوزره انسانی یاراتمغه قادر اولان ، انسانلری اولدکن صوکره احیا ایتکمه قادر اولمادیمی ؟ ] البته قادر اولور .

### سورة دهر - انسان

مکه مکرمه نازل اولان سوره لردندر . اونوز بر آیتی جامعدر

بِسْمِ اللَّهِ الرَّحْمَنِ الرَّحِيمِ

﴿ هَلْ أَتَى عَلَى الْإِنْسَانِ حِينٌ مِّنَ الدَّهْرِ لَمْ يَكُنْ شَيْئًا مَّذْكُورًا ﴾

[ محقق انسان اوزرینه دهر دن بر زمان کلدی و کجدی که اوزمانده انسان ذکر اولونور برشی اولمادی . چونکه ؛ یوق ابدی . یوق اولانه شی دیمه دیکی کبی السنه دهه ذکر اولونماز . ]

یعنی ؛ انسان اوزرینه صای آلتنه کیرمه دک بر زمان کجدی که اوزمانده انسان اسمی اوقونور برشی دکلدی .

فخر رازینک بیانی وجهله بو مقامده ( هل ) کلمسی ( قد ) معناسنهدر . انسان ایله مراد ؛ مبنی انسانه اولوق احتمالی وار ايسده حضرت آدم اولدیغنی ابن عباس حضرت نلرندن مرویدر . چونکه ؛ حضرت آدم چاموردن وبالحیقندن صورتی تصویر اولونارق روحسز طائفه مکه آره سنده یوز بکرمی سنه یاتدیغنی وبوندن صوکره جناب حقک روح ویره رک احیا یوردیغنی مرویدر . انسان اوزرینه دهر دن بر زمان کجدیکنی بیان ایتکده حضرت آدمک مراد اولسنی تأیید ایدر . چونکه ؛ انسانک صورتنه ده انسان دیمک صحیح اولابیلیر .  
( حین ) ایله مراد ؛ اوزرینه بر زمانه دیمکدر . شو حالده انسان اوزون بر زمان موجود اولمایوب صوکره دن حادث اولونجه البته آتی احداث وایجاد ایدهرک برقادر مختارک وجودی لازمدر . بناء علیه ؛ انسانک کندی وجودیله واجب تعالی نک وجودی اثبات اتمی الزمدر ؛ زیرا ؛ هر حادثیه بر محدث لازمدر .

..

واجب تعالی انسانک اوزرینه بر جوق زمان کلوب ذکر اولونمغه لایق برشی اولمادیغنی بیاندن صوکره انسانک صوکره دن خلق اولونمش بر جسم عاجز اولدیغنی بیان ایتک اوزره ﴿ إِنَّا خَلَقْنَا الْإِنْسَانَ مِنْ نُطْفَةٍ أَمْشَاجٍ نَبْتَلِيهِ ﴾ بیوریور .

[ محقق بز انسانی برقاریشیق صودن خلق ایتدک که امتحان ایدهم . ]

یعنی ؛ انسانی بز آناسیله باباسنک بربرینه قاریشمش نطفه لرندن خلق ایتدک که بز او انسانی امتحان ایدهم . باقالم او انسان خلقت اصلیه سنی دوشونه رک خالقنی بیلوب عبادتله می مشغول اولاجق یوقسه خلقتنی اونوتارق عصیانمی دالاجق ؟

فخر رازینک بیانی وجهله ( امشاج ) قاریشمه معناسنهدر . چونکه ؛ آنا ایله بابانک نطفه لرینک هر برنده آیری آیری خاصه لری اولدیغندن یالکمز برینک نطفه سنندن خلق اولونمق مصلحته موافق اولمادیغندن عادت الهیه ارکک ایله قادینی نکاح شرعی ایله



يکديکريته ربط ايده رک ايکيسنک قاريشمش نطفه لرندن شو کوريلن صورت اوزره انساني خلق ايتمکدر. زيرا؛ بعض روايته نظراً انسانک وجودنده طمرلر وکيکلر وقوت بابانک نطفه سندن وات وقان وقللر آنانک نطفه سندن خلق اولونور و بو خلقتک ده عبث اولمايوب امتحان معامله سته تابع اولديني بيان اولونمشدر. کرچه الله تعالی قولنک هر فعلنی بيلديکندن امتحانه احتياجي يوق ايسه ده امر ونهي ايله مکلف قيلارق امتحان ايده جکني بيانله قوللريني عبادته دعوت اولديني کي امتحان سبيله هر کس کندی عملنی بيلير واعتذاره محالی قالماز. شو حالده امتحان؛ قوللر ايجور، الله تعالی ايجون دکلدرد.

..

واجب تعالی انساني نطفه دن خلق ايتديکني و امتحان معامله سي ياپاجغني بياندن سوکره امتحان معامله سي اولوناچق ذاتک حس صاحبي اولسي لازم اولديغندن امتحان معامله سي اوزرينه تفريع ايتک اوزره ﴿فَجَعَلْنَاهُ سَمِيعًا بَصِيرًا﴾ \* اِنَّا هَدَيْنَاهُ السَّبِيلَ اِمَّا شَاكِرًا وَاِمَّا كَفُورًا ﴿﴾ بيوريور.

[ انساني امتحان معامله سته تابع قيلنجه بز او انساني ايشيديجي و کوريجي قيلدق. زيرا بز؛ انسانه کرک شا کر اولسون و کرک منکر اولسون دوغرو يولي کوستردک. ]  
يعني؛ انسان عملنی سئوال ايله مبتلا اولونجه بز عظيم الشان او انسانه ايشيده جک قولاق و کوره جک کوز و بردک که او انسان وحدانيتک دليللريني قولاقلريله ايشيتسون و کوزلريله کورسون و دوغرو يوله کيتسون و نبوتی تصديقله نجات بولسون. زيرا؛ بز او انسانه اللهک و برديکي نعمتلره شکر ايديجي اولسون و ياخود نعمتلره شکر ايتمه سونده کمال شدته انکار ايديجي اولسون هرايکي صورتده دوغرو يولي کوستردک. چونکه، خير و شر يوللريني کوسترمک اوزره رسول کوندردک و قرآنی ازال ايتدک و عمل واعتقادی واجب اولان شيلري بيلديکمز کي ترک ايتمسي لازم اولان شيلري ده انسانه بيلديردک و صفات ذاتيه و ثبوتيه مزه و آخرته دلالت ايدن دليللري سرد ايتدک. بناء عليه؛ دوغرو يوله کيدوب کيتمه مک کندی يد اختيارنده در. ايترسه دوغرو يوله کيتسون

شا کر اولسون و ايترسه ا کر يوله کيتسون کفور اولسون، هرايکي صورتده منفعتي و مضرتي کندينه عائد اولديني جهته کندينک دوشونمسي لازمدر.

فخر رازينک بياني وجهله سمع و بصر ايله مراد؛ هواس خمس ظاهره در. چونکه؛ دلائلي ادرا کده بو ايکينک مدخلي زياده اولديني ايجون بونلري ذکرله ديکرلرندن اکتفا اولونمشدر. سبيل ايله مراد؛ طريق غير در و طريق نجات و هه و کمر. جناب حق طريقلره تمسک ايجون دليللر خلق بيورديني کي رسول کوندردي و کتاب اينديردی. شو حالده واجب تعالی انساني ارشاد ايجون لازم کلن اسبابي خلق بيورديغندن امتحان معامله سنده انسان ايجون اعتذار ايده جک برشي قالمامشدر. چونکه؛ کوزم يوقدی کوره مه دم، قولاغم يوقدی طويامادم ديه مه ديکي کي بکايول کوستروب ارشاد ايده جک رسول و احکام استخراج ايده جک کتاب ده کوندرمه دک ديه مز. حق بومنوال اوزره هدايتک مؤمن و کافر حقنده مساوي اولديني بيان ايجون ﴿اِمَّا شَاكِرًا وَاِمَّا كَفُورًا﴾ بيورمشدر. يعني «بز اوکا يولي کوستردک: ايتر مؤمن اولسون ايتر کافر اولسون» ديمکدر.

قولاغک کوزدن افضل اولديغه اشارت ايجون قولاق، کوز اوزرينه تقديم اولونمشدر. چونکه؛ کوز اولقسزين کالات تحصيل ايتک ممکن ايسه ده قولاق اولمايجه تحصيل کالات اصلاً ممکن دکلدرد.

بو آيتک محاوراتده نظيري شويله در: سوز ديکله مين بر کيمسه حقنده «بز آکا فصيحت ايتدک: ايترسه طوتسون ايترسه طوتماسون بيلديکني ياپسون. زيرا؛ منفعتي و مضرتي کندينه طأددر. بز دوغرو يي سويله دک، آرتق بوندن سوکره ايش کندی کيفنه قالدی. دينور.

..

واجب تعالی انساني ايکي قسمه تقسيمدن سوکره هر قسمک آري آري حاللريني بيان ايتک اوزره ﴿اِنَّا آَعَدْنَا لِلْكَافِرِينَ سَلَاسِلَ وَاَغْلَالًا وَّسَعِيرًا﴾ \* بيوريور.  
[ بز عظيم الشان کافرلر ايجون آياقلرينه باغلاناچق زنجيرلر و بويونلرينه باغلاناچق



لاله لر ووجودلرینی یاقاجق جهنم آتشی حاضرلادق. [ زیرا؛ نعمته کفر ورسولی تکذیب ایدنلره یاقیشان عذابدر .

فخر رازینک بیانی وجهله سلاسل؛ آباغه باغوناهجه زنجیر که بوقاغنی دینلر شیمه .  
اغلال؛ الدینی بوبونلرینه باغوناهجه لاله دیمکلی شیمه . سمیر؛ آنلری یاقاهجه  
مهرنم آتشیمر که اهل جهنم آنک یاناجق اودونی منزلندهدر . بوآیت جلیله؛ جهنم  
وجهنمک ایچنده واقع اولاجق انواع عذاب ایچون حاضرلانش آنلرک موجود اولدیغنه  
دلالت ایدر . چونکه؛ آیت کچمش زمانده حاضرلاندیغنی خبر ویریور . آیت؛ کافرلر  
ایچون تهدیدک شدتی ده مشعردر .

..

واجب تعالی کافرلر ایچون حاضرلانا جزایی و انواع عذابی بیاندن صوکره مؤمنلرک  
نائل اولاجقلری درجانی و نعمتلری بیان ایتک اوزره ﴿ إِنَّ الْأَبْرَارَ يَشْرَبُونَ  
مِنْ كَأْسٍ كَانَ مِزَاجُهَا كَافُورًا ﴾ بیوریور .

[ دنیاده اعمال صالحه ایشلهین ای کیمسه لر جتنده بر کاسه دن شراب ایچرلر که او شرابک  
مزاجی عین کافور اولدی . ]

یعنی؛ اهل جنت ایچی شرابه طولو بر کاسه دن شراب ایچرلر که او شراب کافور  
ایله قاریشمش اولدیغندن قوقوسی کافور قوقوسنه بکزه غایت صوئوق و طاتلی اولور .  
فقط بو دنیاده اولان مضرت آنده اولماز . زیرا؛ جنتک ما کولات و مشروباتی اهل  
ایمان حقنده صرف تلذذدن عبارت اولدیغنی جهته اصلا ضرر شایه سی اولماز . ابرار؛  
برک جمعی در که ای کیمسه لر دیمکدر .

..

واجب تعالی کافورک جتنده بر پیکار اولدیغنی بیان ایتک اوزره ﴿ عَيْنَا يَشْرَبُ  
بِهَا عِبَادُ اللَّهِ يُفَجِّرُونَهَا تَفْجِيرًا ﴾ بیوریور .

[ کافور بر پیکار که او پیکاردن اللهک مؤمن قوللری ایچرلر وایسته دکلی محله  
آیتیلر و آلیر کوتورورلر . ] زیرا؛ او پیکارک صوبی اهل جنتک امرینه حاضر  
مطیع و منقاددر . بناء علیه؛ نزهیه امر ایدرلرسه پیکارک صوبی سهولتله او طرفه کیدر  
وانلرده ایسته دکلی کبی ایچرلر تلذذ ایدرلر .

فخر رازینک بیانی وجهله عباد الله ایله مراد؛ اهل ایمانه . زیرا؛ بویکار جتنده  
اولدیغندن عبادله مرادک مؤمنلر اولسی لازمدر . چونکه؛ کافرلر جتته کیره میه جکلری  
جهته بو پیکارده نصیلری یوقدر .

..

واجب تعالی مؤمنلرک نائل اولاجقلری نعمتلرک بعضیلرینی بیاندن صوکره مؤمنلرک  
بو درجانه استحقاقلرینه سبب اولان عمللرینی بیان ایتک اوزره ﴿ يَوْمَئِذٍ  
وَيَخَافُونَ يَوْمًا كَانَ شَرُّهُ مُسْتَطِيرًا ﴾ بیوریور .

[ شو درجانه نائل اولان اهل جنت شول کیمسه لر در که آنلر نذر ایتدکلی شینی  
ایفا ایدر یرینه کتیرلر و اول بر کوندن قورقارلر که او کونک شری کمال انتشارله اطرافه  
طاغیلور . ]

یعنی؛ ابرار اولان مؤمنلر برسیله کندیلری الله تعالی ایچون نذر ایدره رک اوزرلرینه  
واجب قیلدقلری شینی دوام اوزره ایفا ایدرلر اصلا ترک ایتزلر و او یله بر کوندن  
قورقارلر که او کونک شری طاغیلور هر طرفه سرایت ایدر . بناء علیه؛ او کونک شری  
اطرافه طاغیلوب پارچه لری هر طرفی چویردیکندن خلاص اولق غایت کوجدر که  
قورقغه لایقدر .

فخر رازینک بیانی وجهله جناب حق بوآیتده ای اولان قوللرینی عبادته دواملریله  
شنا بیورمشدر . چونکه؛ کتب فقهیه مزده بیان اولوندیغنی وجهله نذر؛ الله تعالی خسته  
شفا و برسه و باخود او غلوم عسکرده کلیرسه الله ایچونه اوج کونه اوردج طومعه  
و باخود بر قربانه کسک بنم اوزریمه بورج اوسونه دیمک کبی بر شینی کندی اوزرینه واجب  
خلاصة البيان : اون بشی جله — ۲۱



قیلهم قدر . ایسته کندی اوزرینه کندیکنک واجب قیلدینی شیئی ادایه دوام ایدن برکیمسه نك اللهم واجب قیلدینی عباداتی ادایه دوام ایده چکی اولوبتله ثابت اولدیغندن واجب تعالی نذرلینی یرینه کتیردکلرینی بیانه مدح بیورمشدر . یاخود نذرله مراد ؛ کرك عبرك کندی طرفنده وکرك الله تعالی طرفنده مطلقاً فرصه واجب اولاده شیدر . یاخود عقود وعهودك جمله شامدر . چونکه ؛ بونلرك کافه سنی یرینه کتیرمک انسان ایچون لازمدر .

واجب تعالی اهل جنتی نذرلینی ایضا ایتملرله ثنا ایتدیکی کبی نیت حسنه صاحبی اولملرله دخی ثنا ایتمشدر . چونکه ؛ شری هرکی احاطه ایده چک برکوندن قورقراق حسن یتلرینه وعقیده لرینک صحتیه دلالت ایدر . مستطیرک معناسی ؛ شری طاعیلیمی وهوايه او عیوب یارب لری هر طرفی احاطه ایمی دیمکدرکه غایت شدتلی اولاجقندن کنایه در واو کونک دهشتی واجب تعالی نك خلق ایتدیکنه نظراً حکمت و صواب ایسه ده انسانلره نسبتله مضرت اولدینی جهته شر دنیلمشدر .

اهل جنتک کرك دنیاده نذرلینی ایضا ایتملری وکرك قیامتک شرندن قورقالری دوام اوزره اولوب ترک ایتمه دکلرینه اشارت ایچون استمراره دلالت ایدن مضارع صیغه سیله وارد اولمشدر .

ابوالسعود افندیکنک بیانی وجهله بو آیت « اهل جنت هانکی عمللری ایله ونه سبيله بودرجات عالییه نائل اولدیلر » عنواننده وارد اولان برسؤاله جواب اولارق وارد اولمشدر .

\* \*

واجب تعالی اهل جنتک عمللرندن بعضیلرینی بیاندن صوکره بعض آخری بیان ایتک اوزره ﴿ وَيُطْعَمُونَ الطَّعَامَ عَلَى حُبِّهِ مِسْكِينًا وَيَتِيمًا وَأَسِيرًا ۖ إِنَّمَا نُطْعِمُكُمْ لِوَجْهِ اللَّهِ لَا نُرِيدُ مِنْكُمْ جَزَاءً وَلَا شُكُورًا ﴾ بیوریور .

[ ابرار یعنی ای اولان کیمسه لر طعامه احتیاجلری و محبتلری ایله برابر مسکینه و یتیمه و اسیره طعام بیدرلر و طعام بیدردکلری کیمسه لره ده « بز آنجق اللهم رضاسی ایچون

سزه طعام بیدرلر و بیدردیکمز طعام مقابلنده سزدن بر جزاده ایسته مه یز و شکر یعنی نئاده ایسته مه یز « دیرلر . ]

یعنی ؛ ابرارک اعتقادلری تام اولدینی کبی آنلرك سخاوتلری ده وارد . زیرا ؛ آنلر طعامه احتیاجلری و محبتلری ایله برابر محتاج اولان فقرایی و یتیملری و اسیرلری کندی اوزرلرینه ترجیح ایده رک آلرنده اولان طعامی آنلره بیدرلر و « بزم سزه طعام بیدرملکمز سزدن مقابلنده بر مکافات بکله مک ایچون دکل آنجق رضاء باری ایچوندر ، دیمکله طعام بیدردکلری کیمسه لری تطیب ایدرلر ، حتی مقابلنده دعا بیله بکله مزلر .

مدار کده بیان اولوندینی وجهله ام المؤمنین عائشه رضی الله عنها حضرتلری بر عالمیه صدقه کوندردیکنده صدقه یی کوتورن جاریه سته او عالمه نك صدقه یی قبول ایدنجه نه دیدکلرینی صورار . اکر صدقه آلانلر دعا ایتمشلرله حضرت عائشه صدقه نك اجری نقصان اولماسون ایچون عین دعا ایله مقابله ایدرلردی . شو حالده صدقه و یرن کیمسه آنجق رضاء باری ایچون و یرملی و مقابلنده دعا دخی بکله مه ملیدر . چونکه ؛ صدقه و یرن کیمسه باشه قاقا و یاخود قارشیلغنده برشی بکله مه و یا ریا کبی برشی ده بولونور و یا بر مکافات کوزه تیرسه او صدقه خالصاً لوجه الله اولمادیغندن اجرینک نقصان اولاجقنده شبه یوقدر . اما طعام بیدرن کیمسه نك بویه برشی آرزو ایتمه مسندن طعامی یرن کیمسه لرك شکر ایتمه ملری لازمکمز ، زیرا آنلره لازمکمز ؛ نعمت کوردیکی کیمسه لری ثنا ایتمکدر . « ناسه شکر ایتمه ن الله تعالی یه شکر ایتمز » مآلنده وارد اولان حدیث شریف ده بونی تأیید ایدر و انسالک منعمنه شکر ایتمسکده رزقی جالب اولدینی مرویدر .

فخر رازینک بیانی وجهله اسیر ؛ مملوک و مجبور و کفارده اسیر اولانلره دینور . چونکه ؛ رسول الله کفاردن آلان اسیرلری مؤمنلره تسلیم وایی باقیلمسینی امر ایدردی . زیرا ؛ کفر رزقه مانع دکلدر . بناء علیه ؛ اسیرک کافر اولسندن آج و آجیق بر اقیلمسی لازمکمز و الیوم دولتلر آره سنده بو اصول جاریدرکه یکدیگرلرندن آل دقلری اسیرلره باقارلر و رعایت ایدرلر . اسیره رعایتک ممدوح اولدینی دین اسلامک اساسی اولان قرآن بو آیتله بزه بیان بیوردینی کبی فعل رسول الله ده بونی اثبات ایدر .

بو آیت جلیله انصار کرامدن ( ابوالدحداح ) نامنده برکیمسه حقنده نازل اولدینی



مرویدر . چونکه ( ابوالدحداح ) حضرتلری اوروج اولوب خانه سنده درت چوره کی بولوندی بی بر افطار وقتنده بر مسکین و بر یتیم و بر اسیر قاپویه کلوب اوچنه چوره کک اوچنی ویره رک عائله سنه بر چوره ک قالمسی اوزرینه بو آیتک نازل اولدی بی مرویدر . یاخود بوکا بکزه بر وقعه دن طولای حضرت علی حقنده نازل اولدی بی مرویدر . هر کیم حقنده نازل اولورسه اولسون بو صفت کندیسند بولونان بالجله اهل ایمانه شاملدر . چونکه اعتبار ؛ لفظک عمومته در سبب نزولک خصوصه دکدر .

( علی حیه ) ضمیری واجب تعالی به راجع اولدیغه نظراً معنای نظم : [ الله تعالی به محبتلیله برابر محتاجینه طعام بیدررلر ] دیمکدر . ضمیرک طعامه راجع اولدیغه نظراً معنای نظم : [ طعامه کندیلرینک احتیاجلری و محبتلری ایله برابر محتاجینه طعام بیدررلر ] دیمکدر .

..

واجب تعالی طعام بیدررلرک مقصدلری رضاء باری اولدی بی کبی الله تعالی دن قورقورلری ده طعام بیدررلرینه سبب اولدی بی حکایه طریقیله بیان ایتک اوزره ﴿ إِنَّا نَخَافُ مِنْ رَبِّنَا يَوْمًا عَبُوسًا قَطَطًا ﴾ بیوریور .

[ محقق بز رمزدن وشول کونک عذابندن قورقارز که او کونده عذابک شدتندن یوزلر کال شدله اکشیر و آنلر دورولور و هر کس نه یا باجغنی بیلمز شاشیر . ]

یعنی ؛ محتاج اولانلره طعام بیدررلر بیدررلری کیمسه لره دیرلر که « بزم سزه طعام بیدررلرکمز رمزدن و عذابی شدید اولان کوندن قورقومزدندر ، یوقسه باشقه بر مقصده مبنی دکدر .

( عبوساً ) شرنه یوز اکشیلکیم . ( قَطَطاً ) ( شدیداً ) معنانه ( عبوساً ) لفظندن فهم اولونان شدتی تا کید ایچوند . قیامت کوتی عبوستله توصیف ؛ اهل قیامت توصیفدر . یعنی « او کونک شدتندن کافرلرک یوزلری او یله یوزریر اکشیر که آنلرندن آقان تر طادتا قطران اولور ، دیمکدر .

..

واجب تعالی ابرارک طعام بیدررلری آنجق رضاء باری ایچون والله تعالی دن قورقورلرینه مبنی اولدی بی بیان صوکره شو عبادتلیرینک مکافاتنی بیان ایتک اوزره ﴿ فَوَقَّعْنَاهُمُ اللَّهُ شَرَّ ذَلِكَ الْيَوْمِ وَلَقَّيْنَاهُمْ نَصْرَةً وَسُرُورًا ﴾ و جزییه مبنی بیا صبر و اجته و حریراً بیوریور .

[ الله تعالی آنلری قیامت کونک شرندن محافظه ایتدی و یوزلرینه صفا و آیدینلق و قلبلری ده سروره ایرشیدردی و آنلره صبرلری سببیه جنت اعلا بی واییکدن لباسلری عمللرینه جزا اولارق ویردی . ]

یعنی ؛ ای اولان کیمسه لرک طعام بیدررلری الله دن قیامت کونک شدتندن قورقورلری سببیه اولونجه الله تعالی قورقورلری سببیه او کونک شرندن وقایه ایتدی . زیرا ؛ آنلر او کونک قورقوسندن عبادته دوام ایتدکلی کبی کناهدن ده قاجدیلر . چونکه ؛ عبادت اولمقصرین یالکز قورقو فائده ویرمه جکندن آنلر هر ایکسینی برلشدرمش و رعایت ایتملردی . ایشته شو قورقورلرینه مکافات اولارق الله تعالی قورقورلرندن قورتارمشدر . آنلرک ایشی یالکز قورقو اولمایوب رضاء الهی بی آرادقورلرینه مکافات اولارق آنلری رضاسنه نائل قیلمله یوزلرینه سرور و کوزلک ویرمشدر . چونکه ؛ کافرلرک یوزلرینک اکشیلکی مقابلنده بونلرک یوزلری کولر اولاجقدر و کافرلرک قبلرنده کی حزن و کدر و قساوت مقابلنده بونلرک قبلرینه سرور و رونق ویره جکدر و آنلرک واجباتی ادا ایتمکده کوردکاری زحمت مقابلنده صبرلرینه مکافات اولارق جنت ایله حریر لباسلر ویره جکفی بیان بیورمشدر که هر کس عملنک جزاسنی کورسون و اییلر کوتوردن سچیلسون . اطعام ایله مراد ؛ مطلقاً منفعتدر . بناء علیه ؛ محتاج اولانلره طعام بیدررلری کبی البسه و یاره و یرمک و هر دورلو احتیاجنی دفع ایتک مرتبه ده طعامه مساوی والله رضاسی ایچون اولونجه هپسک اجری بردر . شو قدر که انسانک حیاتی طعامله محافظه اولدی بی ایچون شرفنه بناء طعامی ذکرله دیکرلرینک ذکرندن اکتفا اولونمشدر . ( نصره ) و سروراً ) کله لرینک شرنلری ، تعظیبه دلالت ایتدکاری جهته اهل جنتک سرور و فرحلی غایت جوق و بویوک اولاجغه آیت دلالت ایدر .



خلاصه ؛ اهل ایمانك الله تعالى دن و قیامت كونك شدندن قورقدقلربنه مقابله اوكونك شربدن الله تعالى نك آنلری صاقلایاجنی ورضاء باری بی ایسته دکلربنه مقابله آنلره سرور و کوزللك ویره جکی و عباداتی ایشله مکدن و منهسانی ترك ایتمکدن حاصل اولان مشقتلره صبرلری مقابلنده جنت ویره جکی بوآیتدن مستفاد اولان فوائد جمله سندندره .

\*\*

واجب تعالی ابرارک محل قراری جنت اولاجغنی بیاندن صوکره جتده واقع اولاجق حاللربنی بیان ایتمک اوزره ﴿مُتَّكِئِينَ فِيهَا عَلَى الْأَرَائِكِ لَا يَرَوْنَ فِيهَا شَمْسًا وَلَا زَمْهَرِيرًا ۖ وَدَانِيَةً عَلَيْهِمْ ظِلَالُهَا وَذُلَّتْ أَوْدَانُهَا﴾ بیوریور .

[ ایملر جتده کرسیلره دایانجی اولدقلری حالده استراحت ایدرلر و جتده کونشک حرارتی و زمهریرنک صوئوغنی کورمزلر و آنلر اوزربنه جتک کولکه سی غایت یقین اولور و جتک میوه سی آنلره مطیع و منقاد قیلندی . بناء علیه ؛ آنلر ایچون اومیوه لری آلمق ویمک غایت قولای اولور . حتی آرزو ایتدکلری یره میوه لر کندیلری کلیر . ]

یعنی ؛ جتده اهل جتته حاضر لائش قولتوقلر اوزربنه دایانور اولدقلری حالده غایت معتدل و مزاج بشره موافق هوا ایچنده یاشارلرکه صیجاقلق و صوئوقلق اولماز . زیرا ؛ هوانک ذاتی ضیا و یردیکی ایچون کونشه احتیاج یوق که صیجاق اولسون و فصول اربعه دن قیش یوق که صوئوق اولسون . بناء علیه ؛ حد ذاتنده لطافتدن طولانی صیجاق و صوئوق اولمادیکی کی بونلرک لوازمندن اولان یره ، سینک و بونلر کی موزیاتده اولماز . جتک هر طرفی آنلر ایچون هر زمان قویو کولکه کیدر . حتی آغاجلربنک چوقلغندن ناشی اکر کونش اولش اولسه کونشک ضیاسنک آغاجلرک آلتنه کچمک احتمالی یوقدر و میوه لری اهل جتک آرزوسی وجهله اطاعتی قیلنمشدرکه هر کس آفاق اوزرنده یره ، اوتوردیغی حالده یره هیچ اذا اولماز . حتی یادیغی حالده اکل ایتسه ینه زحمت چکمز . والحاصل هر زمان جتک هر یرنده هر کس ایچون راحت موجود اولدیغندن جتته کیرن کیمسه نک هر دورلو راحتی تأمین اولونمشدر .

\*\*

واجب تعالی اهل جتک نائل اولاجقلری نعمتلرک بعضیلربنی بیاندن صوکره بعضی آخری بیان ایتمک اوزره ﴿وَيُطَافُ عَلَيْهِمْ بِانِيَةٍ مِنْ فِضَّةٍ وَأَكْوَابٍ كَانَتْ قَوَارِيرًا ۖ قَوَارِيرٌ مِنْ فِضَّةٍ قَدَّرُوهَا تَقْدِيرًا﴾ بیوریور .

[ اهل جنت اوزرلربنه کوموشدن کاسه و قولبسز ابریقارله خدمه طرفندن طواف اولونورلرکه او ابریقار شفافلقدده بللوره و بیاضلقدده کوموشه بکزه ر غایت لطیف اولور . اوکاسه لردن شربتلری ایچین اهل جنت کندی ذاتلرنده باردقلرک مقدارینی تقدیر ایدرلر و تقدیر ایتدکلری کی کورورلرکه زیاده و یا نقصان یوقدر . ]

فخر رازینک و ابوالسعود افندیکنک بیانلری وجهله آنیه ؛ کاسه و بارداقده . اکواب ایسه ابریه که آندن کاسه یه دو کولور . شو حالده بری کوچوک دیکری بویوک اولقله بیلرندده فرق واردر . قواریر ؛ بللور معناسندره . یعنی « ابریقار بللوردن بللورده کوموشدن » دیمک ابریقارده ایکی صفت واردرکه بری بللور کی شفاف دیکری کوموش کی بیاض و یوموشاقددر . اهل جنت او باردقلری آرزولری و اشتها لری وجه اوزره تقدیر ایدرلرکه هر کسک آرزوسنه موافق اولسون . یاخود هر کسک عملنه کوره کاسه لربنی تقیر ایدرلر . بناء علیه ؛ عمللری مقداری کاسه لری اولور . یاخود تقدیرک معناسی ؛ خدمه لر هر کسک ایچمه کی مقراری کونورور ، زیاده و نقصانه کونورمزله . یعنی « خدمه غایت آداب رعایت ایتدکلربدن افندیلربنک آرزولری خلافتده برشی یا امدادقلری کی حتی جنت شرایلربنی بیله افندیسنک آرزوسی خلافتده کونورمزله » دیمکدر .

بعض آیتده کاسه لرک آلتوندن اولدیغی بیان اولوندیغی حالده بو آیتده کوموشدن اولدیغی بیان ایتمک آیتلر آره سنده مخالفت ایجاب ایتز . چونکه ؛ هر ایکسی ده موجود اولدیغندن بعض کره آلتوندن کاسه لرله و بعض کره ده کوموشدن کاسه لرله دولاشیرلر طواف ایدرلر . بناء علیه ؛ آیتلر بشتده تناقض یوقدر .

انسانک صو ایچمه جکی کاسه ده نهایت سوه جکی شیر براق و تمیز اولسی و مقدارینک آرزویه موافق بولونمشیدر . جنت کاسه لرندده بونک اوچی ده موجود اولدیغنی بو آیتده



جناب حق بيان بيورمشدر . چونکه ؛ براق اولسنى قوايرده اولسنى ايله و تمیز و صاف اولسنى کوموشده اولسنى ايله و شکلتکده اولسنى اهل مېنک تقبرى ايله اولاجغنى بيانله تفصيل بيورمشدر .

..

واجب تعالى اهل جنتك صووشراب ايجه جکرى باردق و ابريقلى بياندن صوکره ايجه جکرى صويک اوصافى بيان ايتک اوزره ﴿ وَيُسْقَوْنَ فِيهَا كَأْسًا كَانَ مِزَاجُهَا زَنْجَبِيلًا ﴾ عَيْنًا فِيهَا تُسَمَّى سَلْسَبِيلًا ﴿ وَيَطُوفُ عَلَيْهِمْ وِلْدَانٌ مُّخَلَّدُونَ ﴾

بيوربيور .

[ اهل جنته جنته شراب طولو کاسه ايچريلور که او کاسه ده بولونان صويک مزاجى زنجبيل پيکارينک صويي ايله قارشيمش اولور . زنجبيل جنته بر پيکار که آنک آدينه سلسبيل دنيلور و اهل جنت اوزرينه ابدى جنته بولونور تازه اوغلانلر کاور کيدر خدمتلىنه آنلر باقارلر . زيرا ؛ آنلرک عمللرندن خلق اولومش و تازه لکرى اصلا صولماز صباحت و ملاحتلى زوال بولماز ابدى آنلر اهل جنتک خدمتچيلردر . ]

يعنى ؛ اهل جنته خدمتچيلرى کاسه لر کونورور صولارلر که او کاسه لرک مزاجى زنجبيل قارشيمش کي رايحه طيبه سى اولور . زنجبيل ؛ مېنمه بريطار که صويي بوغازده غایت قولای کيمىکي ايموره آنک اسمنه سلسبيل دينور . چونکه ؛ هضمى قولای اولدينى کي بوغازى ياقق دخی يوقدر و بوييکارک صويي طولو کاسه لرله اهل جنت اوزرنده دولاشانلر آنلرک عمللرندن خلق اولومش بهارى صولماز تازه اوغلانلردر .

فخر رازينک بيانى وجهله عربلر دنياده صويه و شربتلره زنجبيل قارشيديرمى سودکلرندن جناب حق جنته ايجه جکرى صويک زنجبيل مزاجلى رايحه طيبه صاحبي اولديغنى و فقط زنجبيل بوغازى ياقديغندن جنته اوياقق اولماديغنى بيان ايچون صويک سلسبيل پيکارندن اولديغنى بيان بيورمشدر .

..

واجب تعالى اهل جنتك خدمه لرى مخلد و تازه اوغلانلر اولديغنى بياندن صوکره او خدمه لرک صفتلىنى بيان ايتک اوزره ﴿ إِذَا رَأَيْتَهُمْ حَسِبْتَهُمْ لُؤْلُؤًا مَّنْثُورًا ﴾ بيوربيور .

[ کوردیکک وقت سن او خدمه لرى ظن ايدرسک که آنلر جنته صاحيلمش ايچولردر . ]  
زيرا ؛ آنلرکال لطافتلى ورنکلرينک غایت صفوتى و بوزلرنده بارلايان شعله لرى يکديکرينه عکس ايدن ضيالى سبيله جنت ايجه طاعيلمش عين ايچولر کي کوريلور واکر بربره صف اولارق ديزلش اولسه لر کآن ظن اولونور که ديزلش ايچولردر .

..

واجب تعالى اهل جنتك احوالى و نعمتلىنى بياندن صوکره بونعمتلردن دها اعلاسى بيان ايتک اوزره ﴿ وَإِذَا رَأَيْتَ ثَمَّ رَأَيْتَ نَعِيمًا وَمُلْكًا كَبِيرًا ﴾ غَالِيَهُمْ ثِيَابٌ سُنْدُسٌ خُضْرٌ وَإِسْتَبْرَقٌ وَحُلُوا أَسَاوِرَ مِنْ فِضَّةٍ ﴾ بيوربيور .

[ سن کوردیکک و قنده او مقامده نعمتلر و بويوک مُلک کورورسک . آنلرک اوزرنده ايجه حريردن يشيل لباسلر و قالين حريردن قاشلر بولونور و اهل جنت کوموش بيله زيکلرله زينته نورلر . ]

يعنى ؛ سن جنته باقديغسکده جوق نعمتلر و بول ملکلر کورورسک کوزک هر نره به باقسه نعمت کورور . چونکه جنت ؛ دارالنعمتدر و هرجهتى نعمته طولو و بيلکه هر جزئى عين نعمتدر ، يوقسه دنيا نعمتى کي زحمتله قارشيق دکلدرد . بناء عليه ؛ هرکيم نره به باقسه نعمته باقار نعمتدن باشقه برشيته باقاز ، همان هرکس کندينه ويريلن نعمتلى سیر و تماشا ايدر و اوزرلرنده البسه لرى ايجه و قالين حريردن اولور و حتى قوللرينه کوموش بيله زيک طاققله زينته نورلر . چونکه ؛ جنت دارالنعمت اولديغندن زينت ممکن اولان هرشيته جناب حق آنلرى تزيين بيورر . آلتون و کوموشله تزيين دنياده نساوانه مخصوص ايسده آخرت دار تکليف اولماديغندن خصوصيات يوقدر . شوخالده اهل جنتک هيچ برشيته



حسرتلری قالماز و الحاصل اهل جنتک هربری کندی عالیده بر پادشاهدر . زیرا ۱  
دنیاده پادشاهلرده اولان نعمتک یوز بیکلرجه فضلہسی آنلرده موجوددر .  
فخررازیکنک بیانی وجهله اهل جنت کرک کوموش و کرک آلتون هرایکیسیلهدم  
زینتله نذکری ایچون بعض آیتده ییله زینک آلتون اولسنی بیانی بو آیتہ منافی دکلدر .  
یاخود بعض زمانده آلتونله و بعض زمانده دخی کوموشله تزیین ایتدکری جهتله آنلر آره بئندم  
تناقض یوقدر .

..

واجب تعالی اهل جنتک ایکی نوع شرابی بیان بیوردی که برینک مزاجی کافور  
دیگرینک مزاجی زنجیلدر . بوایکنک فوقده اوچنجی بر شرابلرینی بیان ایتک اوزره  
﴿وَسَقِيمٌ رَّهْمٌ شَرَابًا طَهُورًا﴾ بیوریور .

[ اهل جنتک ربی آنلره غایت پاک و تمیز شراب ایچیریر . ]

یعنی ؛ اهل جنته ربلی بر شراب ایچیریر که او شراب پاک و ایچن کیمسهلری عادی  
لذتله آرزودن و از کچیریر و او شراب ایچن کیمسه بی بالجمله اخلاق ذمیمه دن تطهیرایدرد  
بناء علیه ؛ مادی و معنوی امراضدن تمیزلهدیکی ایچون انسانه بودنیاده عارض اولان  
خسته لقلردن هیچ برشی عارض اولماز که هر دلرو المدن سالم اولور و ابدآ صحت اوزره بولونور .  
فخررازیکنک بیانی وجهله شرابک طاهر اولسنی ایله مراد ؛ دنیا شرابلری کی  
نفس اولماز و نجاسته تماس ابره ال و آبانه او شراب طوقونماز و ایچمکرده صکره نجاسته  
انقبوب اتمز . زیرا ؛ وجوددن ترله مک صورتیه چیقار حتی قوقوسی مسک و غیر قوقوسی  
کی اولور و دیگر شرابلر و طعاملر بونکله هضم اولور . بناء علیه ؛ بو شراب دیگر  
شرابلره مغایر و آنلرک فوقده بر شرابدر و بونوع شرابک شاننه اهتمام ایچون جناب حق  
بو شرابله اهل جنتی صولامنی کندی ذاته نسبت ایتددر . چونکه دیگر شرابلر اهل  
جنته خدمتجیلر واسطه سیله وریله جکی بیان اولونمش ایکن بو شرابی ذات الوهیتنه نسبت  
ایتمک ؛ البته بونوع شرابک شرفه دلالت ایدر .

..

واجب تعالی اهل جنتک احوالی بیاندن صوکره اوبیانک خلاصه سی بیان ایتک اوزره  
﴿إِنَّ هَذَا كَانَ لَكُمْ جَزَاءً وَكَانَ سَعْيُكُمْ مَشْكُورًا﴾ بیوریور .

[ اهل جنته طرف التهدین دنیلور که «ای اهل جنت ! شونائل اولدیفکنز  
نعمتک سزک عملککک جزاسیدر . بناء علیه ؛ سعیکنز مقبول و ممدوح اولدی . » ]  
یعنی ؛ اهل جنت جنته کیروب کندیلرینم ویریلن نعمتلی کوروب سیر ایدنجه  
واجب تعالی طرفندن التفات اولارق آنلره دنیلور که «ای اهل جنت ! شو کوردیککنز  
نعمتک سزک عملککک کوزل جزالیدر که الله تعالی سزک ایچون بونلری حاضر لامشدر  
وسزک آرز بر زمانده ایشله دیککنز جزئی عملک جزاسنی کورک که اللهک لطفی نه قدر  
بویوکدر و عملککزه الله تعالی راضی اولدینی ایچون مقابلنده نعمتله مکافات بیوردیفکنز  
سعیکنز بوشه کیتهدی مقبول و مرغوب اولدی . ایشته واجب تعالی بویله دیمکه اهل  
جنتی تلطف بیورر . شو حالده اهل جنتک ، کوردکری نعمتکک فوقده التفات التهدیه  
نائل اولاجقلری بو آیتله بیان اولونمشدر .

..

واجب تعالی سوره نک اولندن بورایه کلنجهیه قدر احوال آخرتی بیان بیورمشدر .  
بوندن صوکره احوال دنیادن بحث اولوناچق ایسه ده دنیاچه اولاجق امر ونهیدن اول  
کافرلرک رسول الله اذالردن حاصل اولان وحشتی قالدیرمق و قلب نبویلرینی تقویه ایتک  
اوزره بر مقدمه تقدیم ایدرک ﴿إِنَّا نَحْنُ نَزَّلْنَا عَلَيْكَ الْقُرْآنَ تَنزِيلًا﴾ بیوریور .  
[ یا اکرم الرسل ! بز سنک اوزریکه قرآنی ایندیرمکه ایندیردک . ] شو حالده  
قرآن کافرلرک دیدیکی کی سحر دکلدر . زیرا ؛ بز انزال ایتدک . چونکه ؛ حکمتک  
اقتضاسی اوزره حادثیه موافق اولارق انزال اولونان قرآن سحر اولمادیفی کی  
سنده ساحر اولمازسک . بناء علیه ؛ کدر ایدرک بر شی یوقدر . کافرلرک سوزلری  
حسدندن نشأت ایدن تزویراندن عبارتدر .



فخر رازینک بیانی وجهله حضور قلب اولمادجہ عبادت اولونامیه جفنه و عبادت اولسه  
قلب حزن و کدردن وارسته اولمادجہ لذتی اولیه جفنه اشارت ایچون واجب تعالی امر ونهی  
باشلامازدن اول بو آیتله رسولی تسلیه و قلب نبویلرینی تقویه بیورمشدرکه بوندن صوکره  
کله جک امر ونهی کمال حضور اوزره تلقی ایتسونده قلب پاکی کافرلرک اذالریله مشغول  
و محزون اولماسون .

..

واجب تعالی رسولنه قرآنی انزال بیوردیغنی بیانله قلب نبویلرینی تقویه دن صوکره  
کافرلردن واقع اولان اذالره صبرایتمک لازم اولدیغنی بیان ایتمک اوزره ﴿ فَاصْبِرْ لِحُكْمِ  
رَبِّكَ ﴾ بیوربیور .

[ ای حبییم ! ربك تعالى تك حکمنه صبر ایت . ]

یعنی ؛ بزعظیم الشان سکا قرآنی تدریجاً حکمتیزک اقتضاسی حوادلک ایجابنه کوره  
هرشیئی وقت معیننده بیلدیردک و آنک حکمنی بیان ایدن آتی انزال ایتدک ایسه سنکده  
دشمن طرفندن واقع اولان افتالره صبر ایتمکلکک لازمدر . بناء علیه ؛ صبرایت کفار  
اوزرینه ، نصرتك تأخیرندن محزون اولما . زیرا ؛ وقت معیننده آنلر اوزرینه سکا نصرتیزه  
دائر آیتده نازل اولور .

بو آیتده رسول الله ایچون مسرت عظیمه واردر . زیرا صبرله امر ؛ نصرته وعدی  
متضمندر . چونکه ؛ صبرك عاقبتی سلامت و نجاتدر .

بعض روایتیه نظراً مشرکلرک اذالردن متأسف اولارق رسول الله آنلرله محاربه  
آرزو ایتمی اوزرینه واجب تعالی بو آتی انزال ایله « صبرایت حبییم ! محاربه نك زمانی ده  
کلور تلاش ایتمه » بیورمشدر .

﴿ وَلَا تُطِعْ مِنْهُمْ آثِمًا أَوْ كَفُورًا ﴾

[ ای رسول مکرم ! سن کافرلردن کنهه اختیار ایدنلره و کفری ارتکابده

حدیجی تجاوز ایدنلره اطاعت ایتمه . [ زیرا ؛ هرایکسی ده منہائی ارتکاب ایتدکلرندن  
سوزلری اعتماد شایان دکلدر .

فخر رازینک بیانی وجهله هر نه قدر صبرله امر دخی کافرله اطاعت ایتمکدن نهی  
متضمن ایسه ده صراحة نهی اولمادیغندن صراحتله نهی ذکر ایتمکده تکرار یوقدر .  
زیرا ؛ بر شیلله امر آنک ضدینه و بر شیدن نهی آنک ضدیله امره دلالت ایدرسده دلاقی  
بالا اترام اولدیغندن صراحت کبی اولاماز . بناء علیه ؛ صبرله امردن صوکره کافرلرک  
سوزینه اعتماد ایتمکدن صراحة نهی اولونمشدر .

رسول اللهی ، کافرلردن هیچ بر کیمسه یه اطاعت ایتمه دیکی حالدیه نهی ایتمک امتی ارشاد  
ایچوندر . آثم ایله کفر آره سنده فرق واردر . آثم ؛ هر کنهه هرات ابدیه کیمسدر .

کفور ایسه نعمتی منکر اولاندر . آثم و کفور هرایکسی ده ابوجهلدر . یاخود آثم  
( عتبه بن ربیعہ ) در . زیرا ؛ عتبه هر کنهه ارتکاب ایدردی . کفورله مراد ( ولید بن  
مغیره ) در دینش ایسه ده بو آیت هرایکسی حقتده نازل اولمشدر . شویله که بر کون  
( عتبه ) رسول الله « یا محمد ! ﷺ سنک نبوت دعواسنده بولوندیغک نسوانه رغبتکنددر .  
بن سکا مهر آلمسزین قیزی ویرهیم بودعوادن واز کچ ، دیمسی اوزرینه جناب حق  
آکا آثم بیورمشدر . زیرا ؛ هر کنهه ایشله مکدن چکینمز ایسه ده کفرده دیکرلری  
قدر ایلری کیتمیوردی . ( ولید بن مغیره ) ده قریش ایچنده زیاده زنکین ایدی  
و رسول الله « سنک دعواک ماله طمعکنددر . سکا ایسته دیگک قدرمال ویرهیمده بودعوادن  
واز کچ ، دیمسی اوزرینه واجب تعالی بو آتی انزال ایله ولیده کفور تعبیر بیورمشدر .  
چونکه ؛ ولید کفرده قریشک ایلری کیدنلردن ایدی . بوکا نظراً معنای آیت :  
[ یا اکرم الرسل ! کفار قریشدن سن آثم اولان ( عتبه ) یه و کفور اولان ( ولید ) .  
اعتماد ایتمه و سوزلرینی دیکلهمه ] دیمکدر . لکن سبب نزول هر نه قدر بونلرک سوزلری  
ایسه ده اعتبار لفظک عمومنددر ، سبب نزولک خصوصنه دکلدر . بناء علیه ؛ کنهه کار  
و کافر اولان کیمسه یه هیچ بر کیمسه اطاعت ایتمه سون دیمکدر . چونکه ؛ کنهه کاره



اطاعت کنانه اشتراکه اولاجفتدن جناب حق کناهکار اولانلره اطاعت ایتکدن هرکی نهی ایتشد.

..

واجب تعالی رسولنه صبرله امر و کناهکارلره اطاعتدن نهی ایتدکن صوکره رسولنه وامتله لازم اولان عبادتله امر ایتک اوزره ﴿وَإِذْ كُنَّا نَمُرُّ بِكَ لَبَّاسًا وَلَمَّا جَاءَ الْغَدَاةَ جَاءَتْكَ الْأَوَّلَاءُ وَبَدَّلُوا كِسْفًا مِّنَ الذَّهَبِ وَكَأَنَّكَ بِكُلِّ شَيْءٍ مُّشِيرٌ﴾ واوریهور.

[ ای نبی معظم ! صباح و آقشام وقتی ربک تعالی نک اسمنی ذکر ایت و کیجه نک بعض جزئنده ربکه سجده ایت و کیجه نک براوزون مدتنده ربکه تسبیح ایت . ] یعنی ؛ سن صبرله مأمور اولونجه وقت شغل اولان صباح و آقشام وقتلرنده ربک تعالی نک اسمنی ذکره دوام ایت که ربک تعالی نک سکا و یرمش اولدینی نعمتک شکرینی ادا ایتمش اولاسک و اکثر اعتباریه خالی قالمق شانندن اولان کیجهده ربک رضایی ایچون سن آقشام و یاتسو نمازلرینی ادا ایتمکه سجده ایت . چونکه ؛ کیجهده اخلاص زیادهدر و کیجه نک اوزون مدتنده سن ربکی نقائصدن تنزیله تسبیحه دوام ایت . بو آیتده ذکر ، تسبیح و سجده ایله امر ؛ دوام ایچونجه . چونکه ؛ رسول اللهه ذکر و تسبیح و سجده نک اصلی موجود اولدینی جهته بونلره رسول اللهه امر دواملریله امردر . اگر بونلرک اساسلریله امر اولسه حاصلی تحصیل اولور ، بویسه جائز اولامیه جفتدن بو مثللو مقامده رسول اللهه امردن مراد ؛ دوامدر .

فخر رازینک بیانی وجهله بکره ایله مراد ؛ صباح نمازی و اصیل ایله مراد ؛ اوکله وایکنری نمازلری و کیجهده سجده ایله مراد ؛ آقشام و یاتسو نمازلری و کیجه نک اوزون مدتنده تسبیح ایله مراد ؛ نهج نمازی اولدینه نظراً بوآیت بش وقتده فرض اولان نمازلری و تهجد نمازینی جامعدر . بوکا نظراً معنای آیت : [ ای حییم ! سن صباح و اوکله وایکندی نمازلرینی قیلمقله ربک تعالی نک اسمنی ذکرله تکبیر کتیرکه فرائضی

ادا ایتمش اولاسک و کیجه نک بعض جزئنده آقشام و یاتسو نمازلرینی ادا ایتمکه سجدهیه دوام ایت که وقتک شکرینی ادا ایتمش اولاسک و کیجه نک اوزون مدتنده تهجده دوام ایت که اخلاص اوزره عبودیتکی یرینه کتیرمش اولاسک ] دیمکدر .

..

واجب تعالی رسولنه وامتله اداسی لازم اولان عبادتله امر ایتدکن صوکره عبادتدن قاجان کافرلرک حاللرینی بیان ایتک اوزره ﴿إِنَّ هَؤُلَاءِ لَیُحِبُّونَ الْعَاجِلَةَ وَیَذَرُونَ وَرَاءَهُمْ یَوْمًا ثَقِیلًا﴾ بیوریور . [ محقق شو کافرلر دنیایه محبت ایدرلر و آغیر بر کون اولان یوم قیامتی آرقه لرینه ترک ایدرلر . ]

یعنی ؛ کافرلرک آخرته ایمانلری اولمایوب هر مرادی دنیادن بکله دکلرندن زوالی سریع اولان دنیایه محبت ایدرلر و آخرته امیدلری اولمادیغندن محنت و مشققی جوق و بوکی آغیر اولان قیامت کوننی آرقه لرینه ترک ایدرلر و اهمیتله آمازلر . چونکه ؛ آرقهده اولان شی کورولمادیکی جهته اعتنا اولونماز . بناء علیه ؛ کافرلرده آخرتی کورمه دکلری ایچون آخرت حاصلی اولان عیاداتی ترک ایتدکلرندن آخرتی آرقهیه آتمش اولدیلر .

ابوالسعود افندیکنک بیانی وجهله قیامت کوننک شرت و محنتی جور اولدینی جهته واکونه ثقیل دیمشدر . زیرا ؛ آغیر اولان برشی کونورن کیمسه یی یوردینی کبی قیامت کوننک مشققیده انسانلری یوره جنی جهته ثقیل دیمکه سزادر .

عاجله ایله مراد ؛ دنیاوه . چونکه ؛ هرشی عجمه اولور کلوب کیمبکی ایچونه عاجله عینور و کافرلرده شهوات بهیمیه لرینه آلوریشلی اولوب آخرتی کوزلری ایله کورمه دکلری ایچون دنیایه محبت ایتدکلرینی جناب حق بو آیتله بیان بیورمشدر که « شو محبتلری سببیه ایمانی ترک ایدیورلر دیمکدر . »

..



واجب تعالی دنیاری ایکی جهتله آنلرک ایمانلرینه سبب اولاجغنی بیان ایتک اوزره  
﴿نَحْنُ خَلَقْنَاهُمْ وَشَدَدْنَا أَسْرَهُمْ وَإِذَا شِئْنَا بَدَّلْنَا أَمْثَلَهُمْ تَبْدِيلًا﴾ بیوریور .  
[ بز آنلری خلق ایتدک و طمرلرینی صاعلام قیلدق و بز ایسترسهک دیله دیکمز و قتده  
آنلری کندی امثاللری بر قومه تبدیل ایدرز . ]  
یعنی ؛ بز آنلره ایمان و عبادتله امر ایدرز . ناصل امر ایتمهلم ؛ البته امر ایدرز . زیرا ؛  
بز آنلر یوق ایکن آنلره وجود و یرمکه ایجاد ایتدک و طمرلرینی بربرینه باغلامقله  
مفصللرینه قوت و یردک که او مفصللری سببیله محبت ایتدکری دنیایی جلب ایتدکریدن  
خالقه ایمان و امرینه اطاعت ایتک لازمدر و بز ایسترسهکمز و قت آنلری اهلاک ایدر  
یرلرینه آنلره بدل اطاعتلی بر قوم کتیریرز . شو حالده آنلر ابتداء خلقتلرینه باقارق قدرتمیزی  
نظر اعتباره آملی و قهریمزدن قورقایدلر ، بالعکس آنلر قهریمیزی ایجاب ایدن عصیانله  
مشغول اولیورلر .

خلاصه ؛ جناب حقک آنلری و عیددن سالم اعضالرینی خلق بیوردینی ولادت دنیا  
بو اعضالره حاصل اولدینی جهتله بونلری خلق ایدن خلاقه ایمان و اطاعت واجب و الله  
تعالی نک آنلری اهلاک و منفعتلرینی ازالهیه قادر و بو هلاکدن قورقورلرینه بنسواء ایمان  
ایدوب ایماندن تمردی و عبادتدن اعراضی ترک ایدرهک ایمان و عبادت ایتلری لازم  
وامثاللرینی خلق ایتکله قادر اولدیغدن الله تعالی نک بونلردن مستغنی اولدینی و بونلری  
اهلاکله یرلرینه کله جک قومک یالکیز خلقتده بونلرک امثالی اولوب عبادتده امثاللری  
اولادینی بو آیتدن مستفاد اولان فوائد جمله شنددر .

واجب تعالی کافرلرک و مؤمنلرک حاللرینی و نائل اولاجقلری درجات و درکاتی  
بیاندن صوکره سورمهک و یاخود آیتلرک آنجق موعظه اولدیغنی بیان ایتک اوزره  
﴿إِنَّ هَذِهِ تَذَكُّرَةٌ فَمَنْ شَاءَ اتَّخَذَ إِلَىٰ رَبِّهِ سَبِيلًا وَمَا تَشَاوُنَ إِلَّا أَنْ يَشَاءَ اللَّهُ﴾  
بیوریور .

[ محقق شو سوره و آیتلری بر موعظه بلیغه در . حال بویله اولونجه ایستهین کیمسه  
بو موعظه ایله ریسنه بر یول طوتار . چونکه ؛ بو آیتلر طوغری یولی کوستردیکندن  
موجبیله عمل ایدن ریسنک رضاسنه واصل اولان یولی اتخاذاشمس اولور و سز مشیت  
ایده مزسکز ، آنجق الله تعالی نک مشیت ایتک وقتی مستشادر . ]

یعنی ؛ شو سوره بر وعظدر دیلهین او وعظله عمل ایدر ریسنه یول بولور ، فقط  
قوللرک مشیتی اللهک مشیتنه موافق اولق شرطدر . زیرا ؛ الله تعالی مرادایتمه نیجه قولک  
مرادی فائده ایتمز . چونکه ؛ چوق شیلر مراد ایدر و اسبابنه توسل ایلر لکن الله تعالی  
مراد ایتمه دیکی ایچون هیچ برشی میدانه کلز و عبدک امکلری بوشه کیدر . آنجق الله تعالی  
مراد ایتمه نیجه حاصل اولامسی عبدک اراده جزئیسنه مانع اولمادیغنی کبی اراده جزئیسنی  
صرفنه ده مانع اولماز . بناء علیه عبدک وظیفه سی ؛ اراده جزئیسنی صرف ایتکدر . عبد بو  
وظیفه سی یرینه کتیردکن صوکره الله تعالی دیلرسه خلق ایدر و دیلرسه خلق ایتمز .  
زیرا ؛ الله تعالی دیله نیجه عبدک دیله سی فائده و یرمز . لکن عبد ، اللهک مرادینی بیلمه دیکی  
ایچون هر حالده اراده سی صرف ایتک وظیفه سیدر . شو حالده آیتک معناسی : [ سزک  
مشیتک سزک فائده سی یوق ، الا اللهک مشیتنه موافق اولورسه فائده سی وار ] دیمکدر .  
چونکه ؛ مراد اولونان شیئی خلق ایدمه جک الله تعالی در . عبدک تأثیری آنجق اراده سی  
صرفله کسب ایتکده در . زیرا او شیئک وجودنده مؤثر ؛ اللهک خلقی و مشیتیدر .

خلاصه ؛ شو آیتلرک انسانلرک منفعت و مضرتلرینی تعریف ایدر موعظه اولدینی  
و ایستهین بو موعظه ایله عمل ایدوب ریسنه بر یول طوتاجنی و قوللرک مشیتی فائده  
ایتمه یوب آنجق الله تعالی نک مشیتنه توافق ایدرسه فائده ایدمه جکی بو آیتدن مستفاد اولان  
فوائد جمله شنددر .

واجب تعالی هر شیئک مشیت الهیه ایله اولاجغنی بیاندن صوکره مشیت علم و حکمت  
ایجاب ایدوب ذات الوهیتکده علم و حکمت صاحبی اولدیغنی بیان ایتک اوزره ﴿إِنَّ اللَّهَ  
كَانَ عَلِيمًا حَكِيمًا﴾ بیوریور .



[ محقق الله تعالى علم وحکمت صاحبی اولدی ]

یعنی ؛ هر شی الهک دیله مسیله در . زیرا ؛ الله تعالى هر قولنک لیاقتی واستحقاقی بیلیر و آکا کوره قولنک ایسته دیکنی خلق ایدر و یاخود خلق ایتمز . چونکه ؛ حکمت صاحبیدر . حکمتیه موافق اولانی و اولمایانی بیلیر . بناء علیه ؛ جوق زمانده عبد کندی حقنده منفعت ظن ایتدیکی برشیئی دیلر و مراد ایدر و اراده سنی صرفله حصولنه چالیشدینی حالده الله تعالى آنک حقنده اوشیدک مضررت اولدیغنی بیلدیکندن خلق بیورماز و کذلک برشیئه مستحقم ظنیه ایستر . حالبوکه الله تعالى مستحق اولمادیغنی بیلدیکندن خلق ایتمز .

﴿ يُدْخِلُ مَنْ يَشَاءُ فِي رَحْمَتِهِ وَالظَّالِمِينَ أَعَدَّ لَهُمْ عَذَابًا أَلِيمًا ﴾

[ الله تعالى دیله دیکنی قولنی کندی رحمتیه ادخال ایدر و ظالمیره الم و بریحی عذابیه ده حاضر لادی . ]

یعنی ؛ الله تعالى حکمت صاحبی اولدیغندن اراده جزئییه سنی صرفله عبادت ایدن قوللرینک لیاقتی بیلدیکندن او قولنی کندی رحمتیه ادخال ایله مسرور ایدر . زیرا حکمتنک اقتضاسی ؛ امرینه اطاعت ایدن قولنی لطفنه مستغرق قیلمقدرد و ظالمیرک ظلمنی بیلدیکندن آنلردن انتقامنی آلمق ایچون آجیدیجی عذابی آنلره حاضر لامشدر . زیرا حکمت ؛ ظالمیردن انتقامنی آلمنی ایجاب ایدر . بناء علیه ؛ آنلرایچون عذاب الیم حاضر لامشدر . بو آیتده هر ظالمه حکمتک شمولنه اشارت ایچون ( ظالمین ) لفظی جمیع افرادی احاطه به دلالت ایدن اوات تعریف ایله وارد اولمشدر . چونکه بو مقامده عذاب الیمی ایجاب ایدن علت و سبب ؛ ظلمدر . زیرا مشتق اولان ( ظالمین ) اوزرینه عذاب الیمک حاضر لانماسندن عبارت اولان حکمتک تعلیقی ؛ مأخذ اشتقاق اولان ظلمک علت اولسنی ایجاب ایدر . بناء علیه ؛ ظلم کندیسنده بولونان هر فردک شو عذابه مستحق اولسنه دلالت ایدر . یعنی « ظالمیره عذاب الیم حاضر لاندی . زیرا ؛ آنلر ظلم ارتکاب ایتدیلر . هر ظلم ارتکاب ایدنه عذاب الیم حاضر لانیر . بناء علیه ؛ ظالمیره عذاب الیم حاضر لاندی » دیمکدر .



سوره مرسلات

مکه مکرمه نازل اولان سوره لرندر . الی آیتی جامعدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ وَالْمُرْسَلَاتِ عُرْفًا \* فَالْعَاصِفَاتِ عَصْفًا \* وَالنَّاشِرَاتِ نَشْرًا \* فَالْفَارِقَاتِ فَرَقًا \* فَالْمُلْقِيَاتِ ذِكْرًا \* عُذْرًا أَوْ نُذْرًا \* إِنَّمَا تُوعَدُونَ لَوَاقِعُ ﴾

[ بربرینی تعقیب ایدرک معروف اولان احکامله طرف السهیدن کوندریلن ملکوره و امره امتثالده و اوامر معروفه بی انبیایه کتیرمکده روز کار کبی سرعت ایدیجی ملکوره و شرایع انبیایی ربوزنده طاعتیمق صورتیه طاعیدیجی و حقه باطل بیننی تفریق ایتک صورتیه تفریق ایدیجی ملکوره و انبیایه ذکر و سائر لازم کان احکامی القا و الهام ایدن ملکوره و او ملکیرک الهام ایتدکری ذکر ، کرک جناب حقه توبه ایدن کیمسه لره عذر ایچون اولسون و کر کسده باطلی ارتکاب ایدنلری قورقوتیق ایچون اولسون مطلقا ذکر القا ایدن ملکوره یمین ایدرم که تحقیق سزک وعد اولوندیغکز قیامت و حشر و نشر و قوعبولا جقدر . ]

یعنی ؛ شو صفتلره موصوف اولان ملکیرک جمله سنی یمین ایدرم که سزده وعد اولونان آخرت و قوعبولیجی و هر کس ایتدیکنی بولیجی و جزاسنی کوریحیدر . بناء علیه ؛ آخرت حقنده شبهه ایتدیوب اعتقاد ایتک لازمدر .

(عذراً و نذراً) ذکر القاسی کرک اعتذار ایچونه و کرک قورقوتیق ایچونه اولسونه دیمکدر . چونکه ؛ ذکر الله کناهلری محو ایتدیکی جهته ذکرله مشغول اولان مؤمنلر ایچون ذکر ایتک و قوعبولان قصورلرینه اعتذار اولدینی کبی ذکرله مشغول اولمایانلری ، ذکر قوت ایتدکری جهته واقع اولاجق مسئولیتدن قورقوتیق اولور . زیرا ؛ برشیئک ایشله مسنده ثواب اولونجه ترکنده عقاب اولاجغندن آنلر حقلرنده او امرک کلسنک انذار



اولاجنی ضروریدر . بناءً علیه ذکر القاسی ؛ ذکر ایدنلر حقنده اعتذار و ذکر کری ترک ایدنلر حقنده قورقوتیق ایچون اولدیغنده شبهه یوقدر .  
شو بیان اولونان معنا ؛ ذکر اولونان اوصاف ملککری صفتلری اولدیغنه نظر آدر .  
اما بو صفتلر قرآنک آیتلرینک صفتلری اولدیغنه نظراً **معنا آیت** : [ معروفاتی بیان صدندده انزال اولونان و صورت سریعده ادیان سائرہ بی نسخله ازاله ایدن و بین المشرق والمغرب عالمه آثار هدایتی نشر ایدن و حقله باطل بینتی تفریق ایدن و کرک اعتذار ایچون اولسون و کرکسه قورقوتیق ایچون اولسون اللہک دوستلرینہ ذکر القا ایدیجی آیات قرآنہ یمین ایدرم کہ سزه وعد اولونان آخرت وقوعبولیجیدر ] دیمکدر .

فخر رازینک بنائی وجهله شوکله انبیاء عظام حضراتنک صفتلری اولیق احتمالی واردر . بوکانظراً **معنا آیت** : [ معروف اولان احکام شرعیله طرف السہیدن ارسال اولونان و اولاً ضعیف اولان دینلرینی شدتلی روز کارلر کی قوتلہندیرن و امتلرینہ دین و مذهبلرینی درحال نشر ایدوب طاغیتان و امتلری آردسندہ حقله باطل بینتی تفریق ایدن وایی کیمسہلر حقنده اعتذار و کوتو کیمسہلر حقنده انذار ایچون ذکر اللہی القا ایدن انبیاء کرامہ یمین ایدرم کہ سزک وعد اولوندیفکزر آخرت و آخرتده اولاجق لطف و احسان و قہر و غضب جملہسی وقوعبولاجقدر ] دیمک اولور .

بو کلمہلرله مراد السہی ؛ کرک ملک و کرک قرآنک آیتلری و کرکسه انبیاء عظام حضراتی اولسون ہر جملہسی عنداللہ مکرم و محترم اولدقلرینہ بناءً جناب حق بونلرہ یمینلہ آخرتک وقوعنی بیان بیورمشدر .

..

واجب تعالی قیامتک و آخرتک واقع اولاجغنی یمینلہ بیان ایتسی اوزرینہ « قیامتہ زمان واقع اولاجق ؟ » عنوانده وارد اولان برستوالہ جواب اولارق قیامتک بعض علامتلرینی بیان ایتک اوزده ﴿ فَإِذَا النُّجُومُ طُمِسَتْ ﴾ وَإِذَا السَّمَاءُ فُرِجَتْ ﴿ وَإِذَا الْجِبَالُ نُسِفَتْ ﴾ وَإِذَا الرُّسُلُ أَقْنَتْ ﴿ لِأَيِّ يَوْمٍ أُجِّلَتْ ﴾ بیوریور .

[ ایمدی بیلدیزلرک ضیالری زائل اولوب کیتدیکنده واللہک قورقوتیقی و قیامت

کوننک دهشتندن کونک یارلدینی ویرلرک چیویسی منابهسندہ اولان طاغلر یرلرندن قوبارلدینی وقت ورسوللرک امتلرینہ شہادتلری ایچون بروقت تعیین اولندینی زمان و طرف السہیدن « هانکی کون ایچون انبیانک شہادتلری تأجیل و تأخیر اولوندی ؟ » دیبہرک سئوال اولوندینی وقت قیامت و آخرت واقع اولاجق و عمللریکزرک جزاسی او زمان وقوعبولاجقدر . [ یعنی ؛ قیامت شول وقتده اولاجقدر کہ او وقتده بارلاق بیلدیزلرک ضیاسی سیلینہ جک ، قالیه جق و جسم کونکر بوقدر جسماتلری ایلہ برابر اللہک قورقوسندن بارچہ بارچہ یاریلاجق و بویوک طاغلر یرلرندن قالدیریلاجق و رسل کرامک شہادتلری ایچون بروقت تعیین اولوناجق و « بو انبیانک شہادت وظیفہلری هانکی کونہ تأخیر اولوندی ؟ » دیبہرک سئوال اولوندینی وقت ، قیامت قائم اولاجقدر .

انبیانک امتلری حقنده شہادت ایدہ جکری بیان اولونمش ایسده وقتی تعیین اولونمادیغندن او کونده هانکی زمان ایچون تأخیر اولوندینی سئوال اولوناجنی بو آیتلہ بیان اولونمشدر . بو سئوالدن مقصد ؛ قیامت کوننک شانہ تعظیم و قیامت کوننک عظمتندن انسانلری تعجبه سوق ایتمکدر . چونکہ ؛ انبیاء عظامک امتلری حقنده شہادتلری پک مهم اولدیغندن او کونہ تأخیری او کونک عظمتنہ و اہمیتنہ دلالت ایتدیکی جہتلہ انسانلرک تعجبنہ شایاندر . زیرا ؛ او کون او یلہ بر کون کہ او کونده انبیاء عظام طوبارلانورلر و امتلرینک خیر و شر و ثواب و کنہا عمللرینہ شہادت ایدرلر و انبیایی تکذیب ایدن کافرلر تعذیب و ایمان ایدن مؤمنلر تلطف اولونورلر . بناءً علیہ او کون ؛ تعجب اولونمغہ شایان بر کوندر .

..

واجب تعالی انبیانک شہادتلری هانکی کون ایچون تأخیر اولوندیغنه دائر واقع اولان سئوالہ جواب اولیق اوزده ﴿ لَيَوْمٍ الْفَصْلُ ﴾ وَمَا أَذْرِيكَ مَا يَوْمُ الْفَصْلِ ﴿ بیوریور . [ یوم فصل ایچون تأخیر اولوندی و یاا کرم الرسل ؛ یوم فصلک ماہیتنی سکا نہ کی شی بیلدیردی ونہ کی شی بیلدیرہ بیلیر ؟ ]

یعنی ؛ انبیانک امتلری حقنده شہادتلری تأخیر اولوندینی کون ، واجب تعالی نک حقله باطل بینتی تفریق ایدہ جکی کون ایچون تأخیر اولونمشدر کہ او کون قیامت کونیدر .



و یوم قیامتک نهدن عبارت اولدیغنی سکا هانکی شی بیلدیردی ؟ زیرا ؟ بودنیاده او کونک شدتی بیلدیره جک برشی یوقدر . چونکه ؛ او کونک دهشتنی بو دنیاده تمیل ایده جک بر مثال بولونوب قیاس اولوناماز . بناء علیه ؛ بو دنیاده او کونک شدتی عقول بشر ادرا کدن عاجز اولدیغدن لایقوله بیلنمک ممکن اولادیغنه اشارت ایچون رسولنه « قیامتک حقیقتنی سکا نه کی شی بیلدیردی ؟ هیچ برشی بیلدیره مز » بیورمشدر . شو حالده قیامت کوننه یوم فصل دیندیکنی شاننه تعظیم ایچوندر . چونکه ؛ جمله حقوقک فصلی و انبیانک شهادتلی کی پک بویوک ایشلر او کونده اولاجقدر .

..

واجب تعالی قیامتک شدتی بیاندن صوکره قیامتکی تکذیب ایدنلرک قیامتده شدتله عذاب اولوناجقلمی بیان ایتک اوزره ﴿ وَ نِلُ یَوْمَئِذٍ لِّلْمُکَذِّبِیْنَ ﴾ بیوریور .  
[ هلاک عظیم ؛ قیامت کونده او کونی تکذیب ایدنلر ایچوندر . ]

یعنی ؛ انبیاء عظام طرفندن واقع اولان بالجمله احکامی تصدیق ایتک واجب ایکن او احکامی تکذیب ایدنلر ایچون یوم قیامتده بویوک هلاک واردر . او کونده کافرله وبالخاصه قیامتکی تکذیب ایدنلره نازل اولاجق هلاک دوام و ثباته و عظمتنه اشارت ایچون ( ویل ) کلمه سی تعظیم دلالت ایدن نوبه ایله نکره اولارق وارد اولمشدر .

..

واجب تعالی قیامتک علامتلمی و شدتلمی و قیامتکی تکذیب ایدنلرک او کونده هلاک اولاجقلمی بیاندن صوکره کفرک دنیاده و آخرتده هلاک سبب اولدیغنی بیان ایتک اوزره ﴿ اَلَمْ نُنْهَکَ الْاَوَّلِیْنَ \* ثُمَّ نُنْهَکُمُ الْاٰخِرِیْنَ ﴾ بیوریور .

[ بزقوم نوح وقوم هود کی اول کچنلری اهلک ایدوب صوکره آنلرک مسلکنه سلوک ایدنلری آنلره تابع قیلماقدی ؟ ]

یعنی ؛ اول کچن برطاقم امتلری کفرلری سببیه هررلری بررکونا عذابله هلاک

ایدوبده صوکره کفرده آنلره اتباع ایدن قوم موسی وقوم لوط کی کافرلری بز هلاکده آنلره تابع قیلماقدی ؟ شو حالده کفر، اول و آخر هلاک سبب اولونجه بالجمله کافرلرک قورقاسی لازم دکلی ؟

فخر رازینک بیانی وجهله اولین ایله مراد ؛ رسول الله صوره اول کچنلر و آخرین ایله مراد ؛ رسول الله صوره صوکره کلنلر اولاق احتمالی وارسده اولین ؛ امم سالفه صوره اول کچنلر و آخرین ایسه فرعون و ساره کی صوکره کلنلر اولاق جهتی راجعدر . چونکه ؛ بوندن صکره کی آیتک قریش حقنده اولسی بوجهتی ترجیح ایتدیرر .

..

واجب تعالی اول و آخر کافرلری اهلک ایتدیکنی بیاندن صوکره بالعموم کناهکارلری اهلک ایده جکنی بیان ایتک اوزره ﴿ کَذٰلِکَ نَفْعَلُ بِالْجُرْمِیْنَ \* وَ نِلُ یَوْمَئِذٍ لِّلْمُکَذِّبِیْنَ ﴾ بیوریور .

[ بویله جه سنه بزجرملره ایشلرزه او کونده هلاک عظیم ؛ آیتلری تکذیب ایدنلر ایچوندر . ]  
یعنی ؛ انبیائی و کتابلری انکار ایدن کافرلری اهلک ایتدیکمز کی هر جرم صاحبلمی اهلک ایدرزه . چونکه ؛ اول و آخر کناه و کفر هلاک سبب اولونجه اول کچنلر فاصل که کفرلری سببیه هلاک اولدیلر صوکره کلنلرکده هلاک اولاجنی طبعیه و بو هلاک یالکزه دنیایه مخصوص دکدر . بلکه آخرتده هلاک ؛ انبیائی و آیتلری تکذیب ایدنلر ایچوندر .

جنساب حق قریش مشرکلرینی بو آیتله تهدید بیوردی . چونکه ؛ بودنیاده بدر غنا سنده هلاک اولدقلری کی آخرتده دخی عذاب ابدی ایچنده هلاک اولاجقلمی بیان بیورمشدر .

..

واجب تعالی کافرلری دنیاده و آخرتده واقع اولاجق عذابله تهدید ایتد کدن صوکره



ابتداء خلقتلری ذکرله انصافه دعوت وتهید ایتک اوزره ﴿ أَلَمْ نَخْلُقْكُمْ مِنْ مَّاءٍ مَّهِينٍ \* فَجَعَلْنَاهُ فِي قَرَارٍ مَّكِينٍ \* إِلَى قَدَرٍ مَّعْلُومٍ \* فَقَدْ رَزَقْنَا فَتَنِمَ الْقَادِرُونَ \* وَبَلَّ يَوْمَئِذٍ لِّلْمُكَذِّبِينَ ﴾ بیوریور .

[ بزسی حقیر و ذلیل برصودن خلق ایتهدکی ؟ اوصویک آنارحنه ایتهدسی اوزرینه بز او انسانی محفوظ و محکم برقرارگاهه قویذق که وقت معین اولان ولادت و قتنه قدر اوراده قرار ایتسون . بز آنک اعضاء جوارحنی ورنکی و مدت حملی و دنیاچه نه قدر یاشایاجنی تقدیره قادر اولدق . شو اوصاف اوزره انسانی خلق ایتهدکه قادر اولان الله تعالی نه کوزل قادر در و یوم قیامتده عذابله هلاک ؛ بز قدر تمزی تکذیب ایدنله مخصوصدر . واجب تعالی انسانله اولان بک بویوک نعمتلی بیو آیتده تعداد بیورمقله ایمانه دعوت ایتش و ایمان ایتهدنله هلاک و یوم قیامتده عذابه دوچار اولاجقلمی بیان بیورمشدر . چونکه ؛ نعمت نه قدر بویوک اولورسه اونعمته قارشى کفرانک جزاسی ده اوقدر بویوک اولاجنی طبعیدر و منع نه قدر بویوک اولورسه آکا قارشى انکارکده اوقدر بویوک اولاجغنده شبهه یوقدر .

ماء مهین ؛ حقیر برصو دیمکدر که نجاستده عبارت اولورده منیر . اویله حقیر برصو داملاسندن بویله کوزل صورت اوزره برانسان خلق ایتک نه قدر بویوک برنعمت اولدیغی ونه قدر برقوت و قدرت کامله به محتاج اولدیغی معلومدر . قرار مکین ؛ آنا رعبیدر . زیرا ؛ اول منی صوکره جو مجی اجموده آنالک رمی غایت محکم و محفوظ قرارلاه اولدیغی جهتد مکین دیمشدر که جو جفک اکلده سینه البوبیشی بر مظه دیمکدر . قدر معلوم ؛ حملک منیر . مدت حمل علی الاکثر طقوز آیدر و خفیه عندنده اکثر مدت حمل ایکی سنه و اقل مدت حمل آتی آیدر .

والحاصل الله تعالی به معلوم اولان مدتده اکلده شمع اوزره رحم امهاته انسانلری وضع ایتک و اوراده کالنه کلدکن صوکره ساحه عالمه چیقارمق انسانلر ایچون بر لطف التهدر و تام الاعضا اولارق هر برینی برر صورته یاراتمق و هر کسک عمرینی تقدیر ایتک

وانواع تربیه ایله کالنه اولاشدیرمق نه قدر بویوک قدرته محتاج اولدیغی معلومدر . بناء علیه ؛ جناب حق بونله قادر اولدیغی بیانه قوللری ایمانه وانصافه دعوتله بو کوزل قدرتی و اوقدرتک صاحبی تکذیب ایدنلرک عذابله هلاک اولاجقلمی بیان بیورمشدر . چونکه ؛ بو حقیقتلر میدانددر . میداند اولان حقیقتلری انکار کیزی اولان حقیقتلری انکاره بکسزه من . زیرا ؛ ظاهر اولان حقیقی انکار یالکسز عناد و کبره منی اولدیغندن انکار ایدنلرک دوچار اولاجقلمی عذابه قارشى اعتذارلری بولوناماز . بناء علیه ؛ آنلر ایچون هلاکدن باشقه چاره اولمادیغی بیان ضمنتده جناب حق ﴿ وَبَلَّ يَوْمَئِذٍ لِّلْمُكَذِّبِينَ ﴾ بیورمشدر .

..

واجب تعالی انسانک نفسنه مخصوص اولان نعمتلی بیاندن صوکره اطراف عالمده انسانه مخصوص اولان نعمتلی بیان ایتک اوزره ﴿ أَلَمْ نَجْعَلِ الْأَرْضَ كِفَاتًا \* أَحْيَاءَ وَآمَوَاتًا \* وَجَعَلْنَا فِيهَا رَوَاسِيَ شَاخِجَاتٍ وَأَسْقَيْنَاكُمْ مَاءً فُرَاتًا \* وَبَلَّ يَوْمَئِذٍ لِّلْمُكَذِّبِينَ ﴾ بیوریور .

[ بز عظیم الشان ارضی انسانلرک اولولری و دیریلری و انسانک محتاج اولدیغی ماء کولات و مشروباتی جمع ایدیجی بر محل قیلمادقی ؟ و بز آنلرک دیریلری اوزرنده کز مکه و اولولری قبرلینه دفنه صالح قیلمادقی ؟ و بز انسانلر اوزرنده کز مسی ایچون ارض اوزرنده یوکسک طاغیر خلق ایتدک وای انسانلر سزه طساتلی صو ایچیردک . یوم قیامتده هلاک ؛ شونعمتلی تکذیب ایدنلر ایچوندر . ]

فخر رازینک بیانی وجهله ﴿ کفاتا ﴾ جمع ایتک معناسنه در . چونکه ؛ بر یوزی انسانلری حال حیاتلرنده جمع ایدوب والده مقامنده هراحتیاجلری دفع ایچون قوجاغنه آلوب باغیرینه باصدیغی کبی حال مماتلرنده دخی قبر صورتیه ایچنه آلیر حفظ ایدر . شو حالده هرایکی صورته دخی ارضک بو حالده یارادلمی انسانلر ایچون بک بویوک نعمت اولدیغندن بونعمتک شکری ادا ایتک واجبدر . بناء علیه ؛ بونعمتک شکری ادا ایتهدنلرک



عذابه دوچار اولاجقلىنى جناب حق بيان بيورمشدر . انسانلرك كرك حياتده اولانلرى و كرك وفات ايدنلرى صاييلمازوتوكمنز درجده چوق اولديغه اشارت ايجون ( احياء واموات ) كلهلى موقلفه دلالت ايدن نوبه ايله نكره اولارق وارد اولمشدر . ارض اوزرنده چيوى منابه سنده اولان طاغلك بولونمى ده انسانلر ايجون بويوك بر نعمتدر . چونكه ؛ طاغلرده انسانك راحتى تأمين ايدن نعمتلر اووه لردن دها چوقدر و طاغلك چوقلفه و نعمتلرينك بول اولديغه اشارت ايجون ( شاخت ) تعظيم و تكثيره دلالت ايدن نوبه ايله نكره اولارق وارد اولمشدر . انسانك يشاييلمى صو ايله اولاجقندن جناب حق طائلى صوبيده نعمت صره سنده بيان بيورمشدر . شو حالده بوراده بيان اولونان نعمتلرك شكرى ادا ايتمينلرك قيامنده عذابه هلاك اولاجقلى عدالت الهيه جمله سندنر .

..

واجب تعالى شو بيان اولونان نعمتلرى انكار ايدنلرك عذابه استحقاقلى اجمالاً بياندن صوكره او عذابك تفصيلاتى بيان ايتك اوزره ﴿ اِنظَلُّوا اِلَى مَا كُنْتُمْ بِهِ تُكَذِّبُونَ ﴾ اِنظَلُّوا اِلَى ظِلِّ ذِي ثَلْثِ شُعْبٍ ﴿ بيوريور .

[ طرف الهيدن شو نعمتلرى انكار ايدن كافرله دنيلور كه « سز يالانه نسبت ايتديكيز عذابه كيديكيز قيلغكيزى كوريكيز . كيديكيز اوج پارچه صاحى اولان كولكهيه باقالم سزك كفر يكيز سزى صاقلارمى ؟ » ] كافرله بويله دنيلمكه عذابه كيرملرى امر اولونور .

يعنى ؛ واجب تعالى نك نعمتلرى انكار ايدن كافرله حسابلى كوريلوب جزالى تعين ايدنجه طرف الهيدن آنلره اهانت صورتيله خطاب اولارق دنيلور كه « سزدنياده نعمتلرى انكار ايدرك آخرت عذابى انكار ايديور ويالاندر ديورديكيز . هايدك او تكذيب ايتديكيز عذابه كيديكيز كوريكيز باقالم يالانمى ايتش . سز كيديكيز اوج پارچه اولان جهنمك دومانه » . بويله دنيلمكه آنلرك عذاب اولونمسيله امر اولونور . فخر رازينك وابوالسعود افدينك بيانلى وجهله بو آيتده آنلرك كيتمسيله امر ؛

توبىخ و اهانت ايجوندر . ظل ايله مراد ؛ جهنمك دوماندر . چونكه ؛ جهنمك دومانى چوقلقندن يوقارى چيقدنجه اوجه آريلور . ياخود اوج شعبه ايله مراد ؛ آنلك اوج ياربىيدر . زيرا ؛ آنسه لافرك صاغنى وصولنى و باشتى موبه بكي جهنمك اوج پارچه دينمشدر . آتسه كولكه تعميرى مجاز و كافرلى استهزا ايجوندر .

انسانى طريق هدايتدن منع ايدن اوج شى دركه آنلرده مى ، ضيال ، وهمدر . بو اوج قوه دن هر برينه بر قطعه تقسيم اولونمق صورتيله اوج پارچه آتشدن و يادوماندن عبارت اولان كولكهيه كيدك دينه جكدرد . ياخود بو عذابك اوج پارچه اولسنك سببى ؛ انسانى عبادتدن منع ايدن قوانك اوج اولمبيدر : برنجيسى ؛ قوه واهمدر كه دماغده اولور . ايكنجيسى ؛ قوه غضبيه دركه انسانك قلبك صاغ طرفنده اولور . اوچنجيسى ؛ قوه شهوانيه دركه قلبك صول طرفنده اولور . بناء عليه ؛ قواى ثلاثه دن صدور ايدن كناهلر اوج جهنمدن اولدينى جهنمه عذابكده اوج قسم اولاجنى بيان اولونمشدر .

..

واجب تعالى اهل جهنمك كيرم جكلرى كولكهك اوج پارچه اولاجنى بياندن صوكره او كولكهك و جهنمك آتشنه و حرارتنه مانع اولاميه جفى بيان ايتك اوزره ﴿ لَا ظَلِيلٍ وَلَا يُغْنِي مِنَ النَّارِ ﴾ بيوريور .

[ اوج پارچه اولان كولكه اهل جهنمى كولكهلهيه من و جهنمك علوندن ده اوزاق قيلاماز . ]

يعنى ؛ اوج پارچه اولان كولكهيه كيدك ، فقط او كولكه سزى كولكهلهيه عي اولمادىنى كى جهنمك علوندن ده مغنى قيلوب صاقلایاماز . چونكه ؛ هر نه قدر كولكه كى كورونور ايسه ده سياه دومان كى عين آتشدن . بناء عليه ؛ جهنمك علونى اهل جهنمدن دفع ايدم من . بو آيتده اهل جهنمى تهكم و استهزا وارد . چونكه ؛ « كولكهيه كيدك كه



او کولکه سزی کولکه له یه من و حرارتی ده سزدن دفع ایده من « دیمک ؛ آنلره اهانت و حقارتدن باشقه برمعنای مفید اولماز .

فخر رازینک بیانی وجهله بو کولکه نك عرصه محشرده اولق احتمالی اولدینی کبی جهنمده اولق احتمالی ده واردر . ایسته شو احتمال ، او کولکه نك جهنمک علوی منع ایده میه جگنی بیان ایتک تأیید ایدر .

..

واجب تعالی جهنمک اوصافندن بعضیلرینی بیاندن سوکره بعض آخری بیان ایتک اوزره

﴿ إِنَّهَا تَرْمِي بِشَرَرٍ كَالْقَصْرِ \* كَأَنَّهُ جِمَالَتُ صَفْرٍ \* وَيْلٌ يَوْمَئِذٍ لِلْمُكَذِّبِينَ ﴾

بیوریور .

[ محقق جهنم بویوک ابنه لر کی قیولجیم آتار . کأن اوجینغیلر صاری دوه لر کی در . یوم قیامتده هلاک ؛ جهنمک بو حاللرینی تکذیب ایدنلر ایچوندر . ]

یعنی ؛ جهنم کال دهشت و علوندن طشره شراره لر صاچار که او شراره لر بویوک کوشکلر کی در و جهنمک صاوورمش اولدینی قیولجیم کأن صاری دوه لر کیدر . چونکه ؛ جهنمک علوی طاغیر کی اولونجه آندن طشره یه صیجریان قیولجیم کدوه لر و بویوک ابنه لر کی اولسی اوزاق برشی دکدر . زیرا ؛ چوجق والده سنه کوره طوغار . فخر رازینک بیانی وجهله قیولجیمک آرقه سی کیلیمکسزین بربری آرقه سنده کلوب کیدوب دوره جغه اشارت ایچون دوه یه تشبیه اولونمشدر . کافر لک دنیا ده کندیلمینه محل آمان اولان کوشکلری کی قیولجیم صاچان جهنمه داخل اولاجقلرینی بیانه کندیلمرینک برقاندها معذب اولاجقلری بیان اولونمشدر . چونکه ؛ بویوک ابنه لر کی جینغیلر یوقارویه جیقوب تکرار اهل جهنمک اوزرلرینه دوشونجه عذاب اوزرینه عذاب اولاجقنده شبه یوقدر .

..

واجب تعالی جهنمک اوصافی بیاندن سوکره زبانیلر طرفندن اهل جهنم جهنمه

سوق اولونمغه باشلا نیجه آنلرک سوز سویله میه جکلرینی واذن ویرلیه جگنی بیان ایتک اوزره

﴿ هَذَا يَوْمٌ لَا يَنْطِقُونَ \* وَلَا يُؤْذَنُ لَهُمْ فَيَعْتَذِرُونَ ﴾ بیوریور .

[ شو کون اول برکون که اهل نار سوز سویله میه مزلر و آنلره اذن ویرلر که آنلر اعتذار ایتسونلر . آنلر سویله مک و اعتذاره باشلا نیجه آنلری تکدیر اولق اوزره طرف الهیدن ملکلر واسطه سیله « شو کون برکون که اهل جهنم سوز سویله میه مزلر و آنلره اذن ویرلر که اعتذار ایتسونلر » دنیلیمکه تریذیل اولونورلر . ]

فخر رازینک بیانی وجهله بونلرک سوز سویله میه می و آنلره اعتذاره اذن ویرله می بعض زمانه و مکانه مخصوص اولدیغندن سوز سویله میه جکلرینه و خصومت ایده جکلرینه و اعتذاره اذن ویرله جگنه دلالت ایدن آیتله بو آیت منافی اولماز . چونکه ؛ بعض زمانده سویلرلر بعض زمانده سویله مک مآذون اولماز و سویله مزلر دیمکدر . یاخود سویلرلر و اعتذارده ایدرلر لکن فائده سی اولما دیغندن سویله میه مش کی اولدقلری جهته سویله مزلر دینمشدر . چونکه ؛ هر نه قدر اعتذار ایدرلر سه ده زمانی کجیدیکی ایچون و کچمش اولان شیئکده تدارکی ممکن اولما دیغندن سوزلری و اعتذارلری یوق منابه سنده اولور . زیرا ؛ برشیدن مقصد فوت اولونجه اوشیئک کنیدیسی فوت اولمش کی اولور و آنلر ایچون قبوله شایان عذر اولما دیغندن اذن ویرلر ، یوقسه حقیقتده عذرلری وارده اذن ویرلر معنانه دکدر . او وقتده اهل جهنم ایچون خلق آره سنده قصورلری ظاهر اولق صورتیه ناسدن اوتانق عذاب اولدینی کی دنیا ده بکه نمدیکی خصملرینی لطف الهی یه مستغرق اولملر کورونجه خصمک عزیز اولسندن حاصل اولان عذاب روحانی دخی اولور .

..

واجب تعالی بونلره برابر جهنمی کورمکه عذاب جسمانی ده حاصل اولاجقنه بناء

﴿ وَيْلٌ يَوْمَئِذٍ لِلْمُكَذِّبِينَ ﴾ بیوریور .

[ او کونده هلاک ؛ بوکی عذابلری تکذیب ایدنلر ایچوندر . ]

..



واجب تعالى عاصيلك كوره جكلری عذابدن بعضيلرني بياندن صوكره قیامت كونك  
اوصافدن بعضيلرني بيان ايتك اوزره ﴿ هَذَا يَوْمُ الْفَصْلِ جَمَعْنَاكُمْ وَالْأَوَّلِينَ ﴾  
بيوريور .

[ شوكون حقله باطل بيني تفريق اولونا جق بركوندر . بز سزی وسزدن اول كچن  
امتلى جمع ايتك كه حقلر آيرلسون . ]

يعنى ؛ قیامت اولوب هر كس عرصه محشره طويلا ندیغنده طرف السیدن ناسه خطاباً  
« شوكون اويله بركوندر كه حقلر فصل اولونا جنى و هر كسك حقى يرني بولا جنى  
بركوندر . زيرا ؛ هر كسك حقى كندينه ويرمك ايچون بز سزی وسزدن اول كچن  
امتلى طويلا رلاق . چونكه ؛ بوكون حقلر يرني بولا جنى و محاكمه لرك جريان ايدى جكى  
واحقاق حق اولاجنى كوندر » دنيلمكه كافرلر مأيوس و مؤمنلر مسرور ايديلور .

فخر رازينك بياني وجهله بوكونده ايكي جهته محاكمه جريان ايدر : بريسى ؛ عياله  
رب بننمه مريانه ايمر كه بونك نتيجه سي ؛ ثواب و ياخود عذابدر . چونكه ؛ يا عبد ربسه  
قارشى ايمان و عمل صالح ايشله مشدر . بناء عليه ؛ ثوابه نائل اولور و ياخود كفر و عصيان  
ايشله مشدر بونك نتيجه سي ايسه عذابدر . ايكي محاكمه دن ديكر بريسى ده قوللرك بى برلر  
قارشى واقع اولاره ظلم و ساء موقوفلى مقننه محاكمه لربدر . بونك نتيجه سي ؛ حق صاحبه  
حقنى ايصالدر . بوكلام ؛ يوم قیامتك يوم فصل اولديغنى بيان اولديغنى كى يوم فصله لازم  
اولان اصحاب حقوقك بريره جمع اولونا جقلىرني ده بياندر . بناء عليه ؛ بو دنيا ده كافرلى  
تهديدى متضمندر . چونكه ؛ هر كسك بريره جمع اولوب محاكمه لرى جريان ايدى جكى  
بيان اولوتجه كافرلر و بالجمله صوجل اولانلرك قورقسى لازمدر .

..

واجب تعالى يوم قیامتك يوم فصل اولديغنى بياندن صوكره اوكونده كافرلى  
اوتاندير مق و رذيل ايتك ايچون واقع اولاجق ايكنجى خطابى بيان ايتك اوزره  
﴿ فَإِنْ كَانَ لَكُمْ كَيْدٌ فَكِيدُوا \* وَإِنْ يَوْمَئِذٍ لِلْمُكَذِّبِينَ ﴾ بيوريور .

[ اكر سزك ايچون برحيله وارسه ياپك كبرو قويمليك . اوكونده هلاك ؛ قدرتمزى  
تكذيب ايدنلر ايچوندر . ]

يعنى ؛ واجب تعالى بالعموم انسانلرى جمع ايدنجه انسانلره و بالخاصه كافرلره خطاباً  
« بن سزك جمله كزى عرصه محشره طويلا رلايجه سزى عذابدن قورتاره جق بر حيله كز  
وارسه او حيله و خدعه يى دنيا ده ياد ييغكز كى بوراده دخى ياپك كه سزى عذابدن  
قورتارسون » بيورمقله دنيا ده حيله ايله غيره ظلم ايدى رك حقلرني ويرمه ينلرى رذيل  
ايدر . ايشته اوكونده هلاك ؛ بوكى احوالك و قوعنى تكذيب ايدنلر ايچوندر .

فخر رازينك و ابوالسعود افنديك بيانلرى وجهله بو آيت ؛ دنيا ده حيله ايله مشغول  
اولانلرى تخجيل و رسواى و عجزلرني اظهار ايچون سويله نه جكددر . چونكه ؛ دنيا ده  
اهل ايمانى آلداتمق و حيله ايله حقلرني يغما ايتك كى قناله سعى ايدنلر معلومدر .  
حق زمان سعادتده دخى كافرلر طرفدن مؤمنلره بك جوق حيله ياپارلر و آلداتمه سعى  
ايدرلردى . بناء عليه ؛ بو دنيا ده حيله يى كندينه عادت ايدنلره جناب حق يوم قیامتده  
« هايدك حيله كز وارسه و يامغه مقتدر ايسه كز ياپك فائده سي اولورسه استفاده ايدك »  
دييه جكنى بو آيتله بيان بيورمشدر .

دنيا ده كافرلر ايچون بره مؤمنى راحتده كورمك قدر بر عذاب اولما دىني حلاله آخرته  
مؤمنلرك واجب تعالى راحتلرني تأمين ايتمكه كافرلى تعذيب بيوره جفى و حيله لرى  
باشلرينه و وره جفى بيان ايتمشدر كه مؤمنلر مسرور اولسون و كافرلرده كفرن و حيله دن  
وازيكسونلر . چونكه ؛ انسانلرده خصمنك رذيل و رسواى اولسنى آرزو ايتك جيلدر .

..

واجب تعالى كافرلى رذيل ايدى جكنى بياندن صوكره مؤمنلرك نائل اولاجقلى  
نعمتلردن بعضيلرني بيان ايتك اوزره ﴿ إِنَّ الْمُتَّقِينَ فِي ظِلَالٍ وَعُيُونٍ \* وَفَوَائِكَ  
مِمَّا يَشْتَهُونَ \* كُلُوا وَاشْرَبُوا هَنِيئًا بِمَا كُنتُمْ تَعْمَلُونَ \* إِنَّا كَذَلِكَ نَجْزِي  
الْمُحْسِنِينَ \* وَنِيلُ يَوْمَئِذٍ لِلْمُكَذِّبِينَ ﴾ بيوريور .



[ شر کردن و سائر کناهلردن صاقینجی اولان کیمسهلر کولکهلرده و طاتلی صودن بیکارلر باشند و ایسته دکری میوهلر ایچنده قرار ایدیحیلردر و آنلره طرف الیهیدن « ایشله دیککیز عمللریکنز سببیه هضمی غایت قولای اولان ما کولات و مشروباندن بیکیز و ایچکیز. زیرا؛ بز اعتقاد و عملده ایملک ایدیحیلری کوزل جزا ایله جزالاندیریرزه دینمکه تاطیف بیوریلور. او کونده عذابله هلاک؛ بو کبی نعمتلری تکذیب ایدنلر ایچوندور. ]

بعنی؛ کافرلرک شو بیان اولونان عذابلری و رسوایلقلری مقابلنده دنیاده اعمال صالحه ایله مشغول اولان و بالجمله کناهلردن قاجینان مؤمنلر جتنده آغاجلرک کولکهلرنده و آغاجلر آلتندن آقان بیکارلر باشند و نفسلرینک ایسته دیک میوهلر یاننده ذوق و صفا ایله و قتلرینی کچیریر و او کوزل یورده قرار ایدرلر و یالکیز بو قدر ذوق و صفا ایله ده قالمازلر، بلکه طرف الیهیدن بالذات و بالواسطه تطفیف اولونورلر. چونکه آنلره «عملکنز سببیه غایت قولایلقله بیکیز و ایچکیز. زیرا؛ بز اعتقاد و عملی و اخلاقی کوزل اولانلری کوزل جزا ایله جزالاندیریرزه دینمکه تاطیب خاطر واقع اولور.

فخر رازینک بیانی وجهله بو آیتده امرلر تطفیف ایچوندور، تکلیف ایچون دکلدور. چونکه جنت؛ دار تطفیفدر دار تکلیف دکلدور. (هینئاً) بو مقامده هاللی لذت معناسنهدر. چونکه؛ جنتک نعمتلری تلذذ ایچوندور آجلق و صوسزلق ایچون دکلدور. زیرا؛ آجلق و صوسزلق کبی احتیاجلر بو دنیا به مخصوصدر، جتنده بونلره احتیاج اولماز. بناء علیه؛ جنتک نعمتلرنده خستلق و یرمک و قارن شیشیرمک و صیقنتی ایراث ایتک کبی شیر بولونماز.

ارباب احسانه کوزل جزا و یره جکنی بیان ایتک کافرلره تعریضدر که آنلره فوت ایتدکری نعمتلری خاطر لاتمق و اهل احسان اولمادقلرینی بیلدیرمکه تحسیرلرینی آرتیرمقدور.

..

واجب تعالی اهل جنتک راحتلرینی و ذوق و صفالرینی بیاندن صوکره بو دنیاده کافرلره واقع اولان خطابی بیان ایتک اوزره ﴿ کُلُوا وَ تَمْتَعُوا قَلِيلًا اِنَّکُمْ مُّجْرِمُونَ ﴾ و نِلْ یَوْمَئِذٍ لِّلْمُکَذِّبِیْنَ ﴿ بیوریور.

[ ای کافرلر! دنیانک فانی اولان نعمتلردن بیک و آرز برمدنده متاعندن انتفاع ایدک. زیرا؛ سز کناهکارسکیز و سوز دویماز و نصیحت دیکله مزسکیز. او کونده عذابله هلاک؛ آرز برمدنده کلوب کچهجک دنیایه املی حصر ایدرهک آخرتی تکذیب ایدنلر ایچوندور. ]

یعنی؛ ای کافرلر! اهل جنتک ذوق و صفالرینی ایشیتدیککیز حالده دنیای فانییهی آخرت باقیه اوزرینه ترجیح ایدیورسکیز. شو حالده دنیانک فانی اولان نعمتلردن بیکیز و آرز برمدنده بیهجک و کیهجک و بینهجک کبی نعمتلردن انتفاع ایدیکیز. زیرا؛ سز مجرمسکیز، مجرمک انتفاعی بو قدر اولور. چونکه؛ مجرملر ایچون آخرتده عذابدن باشقه برشی یوقدر. زیرا؛ فانی بی باقی اوزرینه ترجیح ایدنلرک حاللری بویله دره. فخر رازینک بیانی وجهله بو آیتک ظاهری امر ایسه ده معناده دنیایه محبتدن نهیدر. دنیایی ترجیحله آخرتی ترک ایدنلرک مثالی؛ ایچنده سم مهلاک اولان برلقمه حلوانی نصیحت دیکله مه یوب بیکله هلاک اولان کیمسه کبی دره. چونکه؛ نصیحت دیکله مه یوب بو حلوانی بیک ایسته یین کیمسه به «بی بو حلوانی، بونی یید کدن صوکره هلاک سنک ایچوندور. زیرا؛ سن سوز دیکله مه یورسک و نصیحت ده دویمایورسک. بناء علیه؛ سن هلاک مستحق سک» دنیلور. ایشته کافرلرده عین حالده درلر و عین سوز آنلره سویله نیور. چونکه؛ دنیا آخرته نسبتله مهلاک برلقمه منزلنده در.

..

واجب تعالی کافرلرک دنیایی ترجیح ایتدکری بیاندن صوکره عبادته میل ایتدکری بیان ایتک اوزره ﴿ وَاِذَا قِيلَ لَهُمْ اٰیْزِکُمْ مِّنْ یَّوْمِئِذٍ لِّلْمُکَذِّبِیْنَ ﴾ بیوریور.

[ آنلره رکوع ایدک دیندیکسنده رکوع ایتزلر. او کونده عذابله هلاک؛ رکوعک نوابی تکذیب ایدنلر ایچوندور. ]

یعنی؛ رسل کرام طرفندن کافرلره «سز کبرو عناددن و ازجک واللهم امرینه امتتاله



ایده و نماز قیلانله نماز قیلک « دنیایکسندہ آنلرک کبر وعظمتلری غلبه ایدره رک امره امتثالی ترک ایدرلر و نماز قیلمازلر و کبر و عنادلرنده دوام ایدرلر . ایشته قیامتده هلاک ؛ بوکی عبادتلی تکذیب ایدنلر ایچوندلر .

خازنک بیانی وجهله آیتک سبب نزولی شویله در: رسول الله بعض کیمسه لره نمازله امرایتدیکنده « نمازده رکوع وسجود واردلر . رکوع وسجودده ایسه انسانک مقعدی کورینور ، بوده عیدر . عیب اولان شیئی بز ایشله مه یز « دیملری اوزرینه آنلری ذم ایچون بو آیت نازل اولمشدر . شو حالده بو آیت ؛ کافرلرک فروع اعمالله مکلف اولدقلرینه دلالت ایدر . زیرا ؛ جناب حق کفرلری حالنده نماز قیلماملریله آنلری ذم ایتمشدر . اگر مکلف اولسه لر نمازی ترک ایتملریله ذم اولونمازلردی . زیرا ؛ انسان مکلف اولمادیغی برشیئی ترک ایتمکله ذم اولونماز .

رسول الله « رکوع وسجود اولمایان بر دینده خیر اولماز ، بیورمشلردر . ابوالسعود افندیکنک بیانیله نظر ابو حال یوم قیامتده اولاجقدر . چونکه ؛ یوم قیامتده تعظیم ایچون جناب حقه رکوع وسجودله اهل محشره امر اولوندیغنده کافرلر رکوع وسجودده قادر اولامیه جقلردر . بوسورده ده (ویل یومئذ لامکذین) آتی ظاهرده تکرار کی ایسه ده حقیقتده تکرار یوقدر . چونکه ؛ بیان اولونان احکام آرقه سندن کان (ویل یومئذ لامکذین) ایله مراد ؛ اوبتدرک ممکن تکذیب ایدنلر عام اولمادیغی مهنت هر دفعه سنده تکذیب ایدنلر باشقه در .

..

واجب تعالی کافرلرک ایمان ایتمه دکلرینی بیاندن صوکره قرآندن باشقه ایمان ایدره جک بر شی اولمادیغی بیان ایتک اوزره ﴿ قَبَائِلَ حَدِيثٍ بَعْدَهُ يُؤْمِنُونَ ﴾ بیوریور .

[ قرآنه ایمان ایتمه نیجه قرآندن صوکره هانکی خبره ایمان ایدرلر . ]

یعنی ؛ قرآنک بوقدر اعجازی وفصاحت و بلاغی و حقه دلالتی ایله برابر قرآنه ایمان ایتمه یئر قرآندن صوکره ایمان ایدره جک نه کی خبر بولایلرلرکه ایمان ایدرلر . هیچ بر کتابه و بر کلامه ایمان ایتزلر . چونکه ؛ قرآن کی نه بر کتاب ونه ده بر کلام اولور . بناء علیه ؛ قرآنه اینانمایان باشقه بر خبره اینانماز . شو حالده کافرلر عناد و تمردک نهاییه سنه وارمشلردر .

فخر رازینک بیانی وجهله فرق ضالعه دن معتزله « بو آیت قرآنک حدوثنه دلالت ایدره دیمشدر . سده اهل سنت « حدوث الفاظه عائد اولوب معنایه تعلقی اولمادیغی « بیانه جواب ویرمشلردر . بو آیت ؛ کافرلرک حالرینه تعجبی متضمندر . چونکه ؛ سورده نک اولندن بورایه کانجهیه قدر کافرلری بر طاقم آجیق ولطیف دلیلاره کفردن منع و دین حق قبوله ترغیب و تشویق ایتدیکی حالده کفره اصرار و عنادلری تعجبه شایان بر حال اولدیغندن جناب حق « بوکایمان ایتزلر سه بوندن صوکره نهیه ایمان ایدرلرونه کی خبره اینانیرلر ؛ « بیورمشدرکه تعجبه شایان بر حالدر دیمک اولور .

﴿ اوتوزنجی جزو ﴾

سورة نبا

مکه مکرمه ده نازل اولان سورده لردندر . قره و یاخود قره بر آتی جامعدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ عَمَّ يَتَسَاءَلُونَ \* عَنِ النَّبَأِ الْعَظِيمِ \* الَّذِي هُمْ فِيهِ مُخْتَلِفُونَ ﴾

[ هانکی شیدن سؤال ایدرلر ، اوکافرلر بر خبردن سؤال ایدرلرکه اوخبر غایت بویوک و آنلر اوخبر حقنده بربرلریله اختلاف ایدیجیلردر . ]

یعنی ؛ هانکی شیک ماهیتندن سؤال ایدرلر ؛ آنلر بر بویوک خبردن سؤال ایدرلرکه او خبر حقنده آنلر اختلاف ایدرلر .

فخر رازینک بیانی وجهله سؤال ایدنلر ، کافرلرده . زیرا ؛ آنلر استهزا طریقله رسول الله دن و احبابدن سؤال ایدرلردی . خبر عظیم ایله مراد ؛ قیامتده . قیامتده قوللرک عمللری معاینه اولمادیغی ره شی بیدانه میفامدی مهنت خبر عظیم دیمشدر . کافرلردن بعضیلری قیامتک اصلی انکار و بعضیلری اصلی اقرارله کیفیتندن بعض جهتلرینی



انکار ایدرلردی . ایسته بوموال اوزره آره لرنده اختلاف ایتدکارینی جناب حق بو آیتله بیان بیورمشدر .

خبر عظیم ایله مراد؛ قرآنه اولدیغنه نظراً معنای نظم : [ اهل مکّه خبر عظیم اولان قرآنک ماهیتندن سؤال ایدرلر که او قرآن حقنده اختلاف ایدرلر . بناءً علیه ؛ بعضیلری سحر و بعضیلری شعر و بعضیلری ده کهاستدر دیمکه آره لرنده اختلاف ایدرلر ] دیمکدر . ابوالسعود افندیکن بیانی وجهله وقعته کسانه اهتمام ایچون اولاً ابهام ، ثانیاً تفسیر اولونمشدر . چونکه ؛ (عم) ده بولونان مالفظی قیامتده و قیامتک حقیقتده سؤالدر . فقط قیامتدن سؤال اولدیغنه دلالت ایدر بر دلیل اولمادیغندن تفسیره محتاج اولدیغنی جهته (عن النبا العظیم) نظمیه تفسیر اولونمشدر .

یاخود نبأ عظیم ایله مراد؛ نبوت رسول الله ص . زیرا؛ رسول الله ک نبوت دعواسی عند العرب اک بویوک خبرلردندر . آنلر رسول الله ک نبوتدن بربرلینه صوردارلر و هر برلری بررکونا سویله مکله اختلاف ده ایدرلردی . جناب حق بو حالی بیان ایتک اوزره بو آیتی انزال بیورمشدر . بوکا نظراً معنای نظم : [ نه دن سؤال ایدرلر ؟ آنلر شول خبر عظیمدن سؤال ایدرلر که او خبر عظیمده آنلر اختلاف ایدیجیلردر ] دیمکدر .

..

واجب تعالی قیامتدن و قرآندن و یاخود نبوتدن سؤال و انکار ایدرجه سنه اختلاف ایتدکارینی بیاندن سوکره آنلرک انکارینی رد ایتک اوزره ﴿ کَلَّا سَيَعْلَمُونَ ﴾ ثُمَّ کَلَّا سَيَعْلَمُونَ بیوریور .

[ آنلرک انکارلری کبی دکل ، یقینه آنلر قیامتی بیلیرلر . سوکره اعتقاد باطللری کبی دکلدر ، البته آنلر یقینه و قیامتده عمللرینک جزاسنی بیلیرلر . ]

یعنی ؛ کافرلر هر نه قدر قیامتی انکار واستهزا طریقله سؤال ایدرلر سه ده حقیقت حال آنلرک انکارلری کبی دکلدر . زیرا ؛ آنلر یقینه قیامتی بیلیرلر و قیامتدن سوکره کوره جکری جزایی و محاسبه لری ده بیلیرلر .

فخر رازیکنک و ابوالسعود افندیکنک بیانلری وجهله (کلا) آنلرک اعتقادلرینی رد ایچوندر . (سيعلمون) ردک علی و سببیه و انکار ایدنلری تهیدد ایچون وارد اولمشدر . چونکه ؛ هر کس ایشله مش اولدیغنی کناهلر اوزرینه جزانک ترتب ایده جکنی بیلنجه کناهنک جزاسنی کوره جکی کوندن و آنک عذابندن قورقسنی لازمدر (سيعلمون) ظاهرده تکرار ذکر اولونمش ایسه ده حقیقتده تکرار یوقدر . زیرا برنجیسی ؛ قیامت ایکنجیسی ؛ عمللرینک جزانه مصروفدر . بوکا نظراً معنای نظم : [ حال و شان آنلرک انکارلری کبی دکلدر . زیرا ؛ آنلر یقینه قیامتی و قیامتدن سوکره عمللرینک جزاسنی بیلیرلر ] دیمکدر . یاخود اول لاف لره ثانی مؤمنده مخصوصدر . بوکا نظراً معنای آیت : [ امر حال آنلرک اعتقادلری کبی دکلدر . زیرا ؛ یقینه کافرلر قیامتی تکذیبلرینک عاقبتی و سوکره مؤمنلرده تصدیق لری کبی دکلدر . یاخود اول نفس مشره و ثانی ده نفس عذاب مصروفدر . شو حالده معنای نظم : [ حال و شان آنلرک و همملری کبی دکلدر . زیرا ؛ آنلر یقینه قبردن قلوب عرصه محشره حشر اولوندق لرینی و سوکره عمللری اوزرینه ترتب ایدن عذابی بیلیرلر ] دیمکدر .

(کلا) دن مستفاد اولان ردی تأکید و شدتنه اشارت ایچون (کلا) ایکی کره ذکر اولونمشدر . یعنی « قیامت بر امر حقدر ؛ آتی دفع ایده جک برشی یوقدر و بر امر واقعدر ؛ آنده شبهه یوقدر و بر امر قطعیدر ؛ آنده شک ایتمکهده معنا یوقدر . شو حالده خبر ویریلن قیامت کونی آنلرک دیدکاری کبی یالان دکلدر ، دیمک اولور .

..

واجب تعالی قیامتی انکار ایدنلرک انکارلرینی رد ایتدکدن سوکره قدرت کامله سنه دلالت ایدن عجائب صنایعندن و غرائب بدایعندن بعضیلرینی بیان ایتک اوزره ﴿ أَلَمْ نَجْعَلِ الْأَرْضَ مِهَادًا ﴾ وَالْجِبَالَ أَوْتَادًا ﴿ بیوریور .

[ بز عظیم الشان یر یوزنی دوشه نمش دوشک و طاغلری یرلرک چیویسی قیلما دقنی ؛ ] یعنی ؛ بز قیامتی انکار ایدن انسانلرک آیاقلری آلتنه دوشک کبی ارضی دوشمه دکی



و آنلر اوزرنده کزوب معیشتلرینی طوبلایوب راحت ایتزلری و طاغلری ارضک قرار و ثباته سبب اولاجق درجهده ارضک چیویسی مثابه سنده خلق ایتهدکی؟ ارضی دوشک و طاغلری ارضک چیویسی اولارق خلق ایتک بزم قدرت قاهره مزه دلالت ایتدیکی حالده نصل اولویورکه قدرتمز تحتند داخل اولان قیامتی انکاره جسارت ایدرلر؟  
فخر رازینک و ابوالسعود افندیکن بیانلری وجهله مهاده **یومین یامین ایچونه یا ییوره** بشیکمه که چوجق آنده راحت ایدر و اوپور. شو حالده ارضه مهاده دیمک؛ تشبیه طریقیله « انسانلرک بشیکی مثابه سنده راحت ایده جکلری شی » دیمکدر. « (الم نجعل الارض) ده بولونان همزه؛ **نقیر ایچونرکه** » بز ارضی مهاده قیلما دققی؟ البته قیلدق « دیمکدر. »

..

واجب تعالی قدرت کامله سنده دلالت ایدن عجائب صنایعندن بعضیلرینی بیاندن صوکره بعض آخری بیان ایتک اوزره ﴿ وَخَلَقْنَاكُمْ اَزْوَاجًا \* وَجَعَلْنَا نَوْمَكُمْ سُبَاتًا \* وَجَعَلْنَا اللَّيْلَ لِبَاسًا \* وَجَعَلْنَا النَّهَارَ مَعَاشًا ﴾ بیوریور.

[ بز عظیم الشان سزی چفت اولارق ارککللی و دیشیلی خلق ایتدک و اویقو کزی سزه راحت قیلدق و کیجهی سزه لباس منزله برده قیلدق و کوندوزی معیشتکزه محل قیلدق. ]  
یعنی؛ برماهدن سزی ارکک و دیشی، اوزون و قیصه، بیاض و سیاه، کوزل و چیرکین اولارق یاراندق. بویه برماهدن متنوع صورته انسانلری خلقه قادر اولان ذات الوهیتک بوندن دهها قولای اولان حشره قادر اولاجنی درکار ایکن ناصل اولویورکه حشری انکاره جرات و خبر عظیم اولان قیامته اختلاف ایدرسکزر.

اویقو کزی حرکت و حسکزرک کسبیلیمسیله سکونتکزه سبب قیلماقله راحتکزی تأمین ایتدک که اویقو واسطه سیله وجودیکزر دیکله نسون و کوندوز ایشلریکزه کمال قوتله دوام ایدوب دنیوی و اخروی معیشتکزه سبی ایدرک بطاات ایتیه سکر. شو حالده راحتکزر ایچون اویقو کزی خلق ایتک قدرت کامله مزه دلالت ایدرکن اویقویه بکزه بن اولومله

اولدکدن صوکره حشره بکزه بن اویانق کبی قبردن قالفاجفکزه نه ایچون اینسانماز وانکاره جسارت ایدرسکزر؟

کیجهی سزک ایچون بز البسه مقامنده اورتو قیلدق که ایستین صاقلانسون و قاجدیغندن قورتولسون. چونکه کیجه؛ قارانلغی ایله بالجمله موجوداتی ستر ایتدیکی کبی انسانلری ده ستر ایتدیکندن کیجه انسانلر ایچون بویوک برنعمتدر. بناء علیه؛ بونعمتی خلق ایتکمه قادر اولان واجب تعالی انسانلری قبردن قالدیرمه قادر اولمازی؛ و کیجهده هر کسک محلنه کیروب سکونت اوزره بولونوب صباحلین محلندن چیقوب ایشک باشنه قوشماهی قبردن چیقوب محشره قوشماهنه بکزه مزهی؟

کوندوزی بز سزک معیشتکزی تحصیله محل قیلما دققی؟ شو حالده کوندوز سزک ایچون عین منفعت دکللی و بونعمتلری دنیاده سزک ایچون خلق ایتکمه قادر اولان الله تعالی قیامتی و حشری خلقه قادر اولمازی و محل معیشت اولان کوندوزی خلقه قادر اولان خلاق عالم کوندوزه بکزه بن جنتی خلق ایتکمه قادر اولمازی؟

فخر رازینک بیانی وجهله (سبباتاً) کسک معنایه در که انسانلرک اویقوسی دائمی اولابوب احتیاج مقداری اربوردره صوکره کسبیلیمکی ایچونه سبات دینمشد. بناء علیه؛ احتیاج مقداری اویقو انسان ایچون منفعت عظمی اولدیغندن جناب حق اویقوی نعمت صره سنده صایمشد. اما احتیاجدن فضله اویقو برخسته لق نتیجه سی اولدینی ایچون مضرتدر.

..

واجب تعالی قدرت کامله سنده دلالت ایدن نعمتلردن بعض آخری بیان ایتک اوزره ﴿ وَبَنَيْنَا فَوْقَكُمْ سَبْعًا شِدَادًا \* وَجَعَلْنَا سِرَاجًا وَهَّاجًا ﴾ بیوریور.

[ بز عظیم الشان کمال قدرتمزله سزک اوزریکزه یدی طبقه محکم کوکاری بنا ایتدک و کوکلرک آره سنده شمسی ضیالی چیرا مثابه سنده عالمه ضیا و یریحی قیلدق. ]

یعنی؛ بز سزک اوزریکزه یدی قات کوکاری خلق ایتدک که آنلر غایت محکمدر. زیرا؛ زمانک مروریله آنلر متأثر اولماز یارادلقلری کبی دورور اصلاً یارلق و یرتیللق کبی بر نقصان عارض اولماز. زلزله لر فورطنلر اولور آنلرده قطعاً تبدل اولماز و بز



او کوکړک آره سنده کونشی عالمی پارلائیجی بر چیرا قیلدق که عالمی باشقه ضیایه محتاج ایتمه یور و حرارتیله اوتلر واکینلر و میوه لر کالنه بیتوب پیشیور کونشدن باشقه حرارت ایسته میور. شو حالده بوموجوداتک جمله سی خالق تعالی نک عظمته آچیقدن دلالت ایتدیکی حالده ناصل اولیور که سز قیامت و حشری و نشری انکاره جسارت ایدیور سکز ؟  
فخر رازینک بیانی وجهله سمانک خلقتنده آفته معروض اولقله بیقلمق اولمادیغه اشارت ایچون ( بنیانا ) وارد اولشدر . ( شداداً ) یار ایلدیشی غایت محکم دیمکدر .  
و هاج ؛ نورک و حرارتک مجموعی معناسنده در که شمسده ضیا ایله حرارت هرایکسیده موجود دیمکدر . کرک حرارتک و کرک ضیانتک لزومی قدر کالنه واصل اولدیغه اشارت ایچون ( و هاجاً ) مبالغه صیغه سیله وارد اولشدر .

..

واجب تعالی قدرت قاهره سنده دلالت ایدن نعمتلرندن بعضی آخری بیان ایتک اوزره  
﴿وَأَنْزَلْنَا مِنَ الْمُعْصِرَاتِ مَاءً ثَجَّاجًا ۖ لِنُخْرِجَ بِهِ حَبًّا وَنَبَاتًا ۖ وَجَنَّاتٍ أَلْفَافًا﴾  
بیوریور .

[ بز عظیم الشان بلوطدن چوق و صیق دو کولیجی صوبی ازال ایتدک که بز اوصو سیبیله یردن دانه لری و اوتلری و بربرینه یارقلری و دالری قاریشمش اولان بوستانلری و باغچهلری چیقارلم و انسانلره و سائر روح صاحبی اولان حیوانلره غذا ایده لم . ]

یعنی ؛ بز روزکارلر واسطه سیله طوبارلارنمش و صیقشمش اولان بلوطلردن چوق دانه لی و دو کولیجی اولان صوبی ازال ایتدک که اوصو واسطه سیله یردن انسانلرک غداسی اولان دانه لری و حیوانلرک غداسی اولان اوتلری و انسانلرک اکلنجه سی اولان و حیاتلرینه خدمت ایدن باغلری و باغچهلری و او باغچهلرک بربرینه قاریشمش و آلتی کولکله مش اولان انواع آغا جلری چیقارلم . ایسته شونعمتلرک جمله سی بزم قدرت کامله مزه دلالت ایتدیکی حالده ناصل اولیور که کافر لر حشری انکاره جسارت ایدیورلر ؟ شو حالده بوقدر جسم و آجیق دلیللری مشاهده ایتدکلری حالده قیامتک و قوعنی انکار ، مجرد عناد و استکباردن باشقه بر شی دکدر .

فخر رازینک بیانی وجهله معصرات ؛ صیغه بربریمی روزلر معناسنه ایسه ده بومقامده روزلرک صیغه بربریمی بلوط معناسنده در . چونکه ؛ رحمت بلوطدن دو کیلور روزکاردن دو کولر . ثجاج ؛ شرنه و درکوان یا غموردر .

واجب تعالی دانه نک غداده اصل اولدیغه و حیوانات سائر نک انسانه نسبتله مؤخر بولوندیغه و باغ و باغچه و میوه و احتیاج ضروری اولمادیغه اشارت ایچون اولان دانه یی ، ثانیاً اوتی و اوچنجی مرتبه ده بوستانلری ایراد بیورمشدر .

..

واجب تعالی قیامتک و حشرک وجودینه دلالت ایدن بعضی دلائلی بیاندن صوکره  
یوم قیامتک و بعنک و قوعنی خبر و یرمک اوزره ﴿إِنَّ يَوْمَ الْفَصْلِ كَانَ مِيقَاتًا ۖ يَوْمَ يُنْفَخُ فِي الصُّورِ فَتَأْتُونَ أَفْوَاجًا ۖ وَفُتِحَتِ السَّمَاءُ فَكَانَتْ أَبْوَابًا ۖ وَسُيِّرَتِ الْجِبَالُ فَكَانَتْ سَرَابًا﴾ بیوریور .

[ محقق حقله باطل آره سی تفریق ایده جک کون علم الهیده بروقت معین اولدی که او کونده صوره اوفورولور . بناء علیه ؛ سزده عملکزه کوره فوج فوج کلیرسکز و کوکړ یارقله آچیلور و متفرق قابولر اولور و طاعلر یرلرندن قوباریلور هواده سیران ایدر عاقبت سراب اولور . ]

یعنی ؛ محقق اولان قیامت کونی بر کوندر که او کونه علم الهیده دنیانت مدتی تعیین و حقله باطل بنی تفریق اولونور و اسرافیل واسطه سیله صوره اوفورولور . بناء علیه ؛ هرکس کندی عملنه کوره برلون ورنک اوزره کلیر که کوزل و چیرکین و عذابه مبتلا و بعضیلر یکرده سلامتله جماعات جماعات کلیرسکز . چونکه ؛ هر نوع عمل صاحب لری برر فرقه اولارق کلدکلرندن فوج فوج کله جکلری بیان اولونمشدر و امرالهی اوزرینه صوره اوفورولونجه کوکړ یاریلور و او یارقلر کوکړ قابولری مثابه سنده اولور و طاعلر بو آغیرقلری و جسامتلری ایله برابر یرلرندن قوبار هوایه قالقار صاورولور عاقبت یوق اولور کیدر .



یوم قیامت بر کون کہ او کونہ دنیائک مدنی فوقیت اولونم یغندہ ، یاخود او کونہ  
مہرئک عمری نہایت بولم یغندہ ، یاخود اللہ تعالیٰ نیک قوللرینہ وعدہ ایتمیکی نواب وعذابک  
وقتی و یاخود فصل حکومات و قطع منصومات ایمرہ مہرئک اجتماعک وقتی اولم یغندہ  
او کونہ یوم فصل دیشدر .

فخر رازینک بیانی و جہلہ بالجملہ علوی و سفلی اجسام جسمیتدہ مساوی اولدیغندن  
برینک اوزرنده جاری اولان احوال دیکرینک اوزرنده دخی جاری اولور . بناء علیہ ؛  
ارض اوزرنده یارلق و یرتیلحق و پارچہ لایق جاری اولدینی کی کولکرده دخی جاری  
اولور . شو حالده سہانک یاریلوب آچامسندہ و بوعالمک خراب اولمسندہ شہہ یوقدر  
و جناب حقک بوعالمی اولاً ایجادہ و ثانیاً تخریبہ قدرتی کافی اولونجہ دیکر بر عالم اخراہی  
ایجادہ قدرتنک شمولندہ تردد اولماز .

حقوقک فصلی و محشرده صورک اوفورولمسق قبردن قالقوب محشرہ جمع اولق ایچون  
ایسده فصل حقوقک صورہ اوفورولمسندن مؤخر اولمسندہ بر مانع یوقدر . زیرا ؛  
زمان اوزون اولدیغندن بدایہ سندہ صورہ اوفورولمک صورتیلہ نہایہ سندہ فصل حقوق  
اولاجنی ابوالسعود افندیکنک جملہ بیاناتنددر .

فخر رازینک بیانی و جہلہ قیامتدہ طاغیرک عاقبتی حقندہ مختلف احوالی بیان  
اولونمشدر و ہپسنک جمعی ممکندر تناقض یوقدر . چونکہ ؛ اولاً طاغیر ہواہہ قالقار  
آتش یوگ صورتندہ بلوطلر کی ہوادہ کزر ، ثانیاً روز کار صاورور قوم کی اولور  
بوندن سوکرہ سراب اولور دیمک « یوق اولور » دیمکدر . زیرا سراب ؛ یاز کونندہ روز  
اورالردہ اوزاقردہ صر کی القیت القیت کورینور فقط او کورونہ محدہ وارام یغندہ ہیچ  
برشی بولونماز . ایستہ قیامتدہ طاغیر ہواہہ قالق و قوم کی صاورولق مثللو حاللری  
کچیرد کدنصرکہ عاقبت یوق اولاجنی جناب حق بوایتلہ بیان بیورمشدر .

\*\*

واجب تعالیٰ اجمالاً قیامتک احوالی بیاندن سوکرہ قیامت احوالی ایچندن جہنمک

حالی بیان ایتک اوزرہ ﴿ اِنَّ جَهَنَّمَ كَانَتْ مِنْ صَادًا ﴾ لِّلطَّاعِنِ مَا بَا ﴿ لَا يَشِينُ  
فِيهَا اخْقَابًا ﴾ بیوریور .

[ محقق جہنم بالعموم عاصی قوللرک کچہ جکی و کچمی کوزہ تیلہ جکی بر محل اولدی  
وطاغی یعنی کنہاکارلرہ مرجع اولدی . او کنہاکارلر ایسہ جہنمدہ یوز بیکلر جہ سنہ  
مکت ایدرلر . ]

یعنی ؛ جہنم قوللری کوزہ تہ جک بر محل اولدی . چونکہ ؛ جہنمک خزینہ دارلری  
اہل جہنمی کوزہ تدکاری کی جنتک خزینہ داری دہ اہل جنتی بکلرلر . زیرا صراط ؛ جہنم  
اوزرنده اولدیغندن ہیچ بر کیسہ جہنم اوزرندن کچمہ مش اولماز ، البتہ جہنم اوزرندن  
کچہ جکدر . بناء علیہ ؛ زبانیلر اہل جہنمی بکلرلر کہ کلنجہ جہنمہ آتسونلر و جنت  
خدمہ سی دہ اہل جنتی بکلرلر کہ جہنمک علوندن اہل ایمانی صاقینسونلر . اما ہر قول  
کندی عملنہ کورہ کچر . بعضیلری غایت سریع و بعضیلری غایت آغیر فقط ایر کچ کچرلر  
و کچمہ مین دوشر لایق اولدینی عذابی بولور و جہنم طاغیرہ مرجع اولدی کہ آتہر جہنمدہ  
ابدأ یعنی ازمنہ غیر متناہیہ دہ قالرلر . چونکہ ؛ فخر رازینک بیانی و جہلہ حقہ ؛  
بو دنیاہ نسبتلہ تمہہ یک و یاخود مکسانہ یک منہہ دنیلور ایسده بو آیتدہ احقاب  
جمع صیغہ سیلہ وارد اولدیغندن نہایت بولاجنہ دلالت یوقدر . چونکہ بر حقہ کیدر  
یرینہ دیکر بر حقہ کلیر والی غیر النہایہ بویلہ کیدر .

\*\*

واجب تعالیٰ کافرلرک جہنمدہ قالاجقلرینی بیاندن سوکرہ اہل جہنمک ما کولات  
و مشروباتی بیان ایتک اوزرہ ﴿ لَا يَذُوقُونَ فِيهَا بَرْدًا وَلَا شَرَابًا ﴾ اِلَّا حَمِيمًا  
و غَسَّاقًا ﴿ جَزَاءً وِفَاقًا ﴾ بیوریور .

[ اہل جہنم جہنمدہ کچن زمانلردہ کندیلرینہ سرینلک و راحت ویرہ جک صوتوق  
طامازلر کہ راحت اوزرہ بر نفس آسونلر و صوسزلقلرینہ شفا ویرہ جک صو طامازلر کہ



حرارتلری کسسون، الا آنلر صوئوق صویرینه شدتلی قاینار صیجاق صو ایچرلر و عذاب اوزره عذاب اولسون ایچون اهل جهنمک یاره لرندن آقان صاری صو و ایرینلر ایچرلر. کرك صیجاق صو و کرك ایرینلر بونلرک عمللرینه موافق جزالیدر. [ زیرا؛ شو جزا عمللرینه موافق استحقاقلریدر که زیاده و نقصان دکلدر. یعنی بر جزا ایله جزالانورلر که اوجزا عمللرینه کوره در.

فخر رازینک بیانی وجهله ( بردآ ) هر رتی کسه مک لطیف روزگار و کولکه که مطلقا سربنک و بره مک شی دیمکدر. شو حالده معنای نظم: [ آنلر جهنمک شدتلی حرارته قارشى صوئوق روزگار و قویو کولکه کبی سربنک و بره جک هیج برشی طامازلر ] دیمکدر.

..

واجب تعالی اهل جهنمک عذابى بیاندن صو کره بو عذابه استحقاقلرینک سببى بیان ایتمک اوزره ﴿ إِنَّهُمْ كَانُوا لَا يَرْجُونَ حِسَابًا ﴾ وَ كَذَّبُوا بِآيَاتِنَا كِذَابًا ﴿ بیوریور. [ زیرا؛ آنلریوم جزاده حساب اولونا جقلری امید ایتمه دیلر و بزم آیتلریمزی تکذیب ایدرجه سنه تکذیب ایتدیلر. ] بناء علیه؛ بو عذابه مستحق اولدیلر.

یعنی اهل جهنمک شو بیان اولونان عذابه استحقاقلرینک سببى؛ آنلر دنیاده هوا و هوسلرینه تبعیت ایدرک آخرته ایمان ایدوب عمللری اوزرینه حساب اولونا جقلری امید ایتمه دیلر و بزم وحدانیت مزه و آخرته دلالت ایدن آیتلریمزی شدتله تکذیب ایتدیلر. شو حالده بونلرک آخرتی انکارلرینه و آیتلری تکذیبلرینه یاقیشان؛ جهنمه صیجاق صو ایچمک و ما کولات یرینه اهل جهنمدن آقان ایرینلری یمکدر. چونکه؛ او کونک وجودینی انکار ایدلره او کونک اک شدتلی عذابى کوستر مکدر. بناء علیه؛ جهنمه یانان کیمسه نك صیجاق صو ایچمسنندن و دیگر یانانلردن آقان و شدتلی قوقان ایرینلری یمسنندن دها زیاده عذاب تصور اولونا ماز.

فخر رازینک بیانی وجهله کافرلرک آیتلری تکذیبیدن باشقه بر چوق قباحلری اولدینی حالده آخرتی انکارلری هر کناهک باشی اولدیغه اشارت ایچون بو آیتده آنلرک عذابه سبب؛ آخرتی انکار ایتلری اولدیغی بیان بیورمشددر. چونکه؛ آخرته ایمان ایتمین

بر کیمسه خیراته میل ایتمه دیکی کبی منکرانی ایشله مکدن ده چکینمز. بناء علیه؛ بو مقوله کیمسه لر شرک کلیسنی ایشلرلر و خیرک کلیسنی ترک ایدرلر. زیرا؛ شردن ضرر کله جکینی و خیردن منفعت اولاجغنی اعتقاد ایتمه نجه آنک ایچون شر اولان خیر و خیر اولان عین شر دیمکدر. شو حالده آخرتی انکار و آیتلری تکذیب ایدنلرک قوه نظریه که اعتقادلری و قوه عملیه که عملیاتلری بوزوق اولدیغنی جناب حق بو آیتله بیان بیورمشددر. چونکه؛ عملی اوزرینه حساب اولونا جغنی امید ایتمین کیمسه انواع قباحی و منکرانی ایشله مکدن چکینمه نجه عملیاتی تماماً و آیتلری تکذیب ایدنجه اعتقادلرینک کلیاً بوزوق اولدیغنی و بو یریلن جزانک عمللرینه تماماً موافق اولدیغنی بیان بیورمشددر.

..

واجب تعالی اهل جهنمک عملده و اعتقادده فساد اوزره بولونقلرندن جهنمه مستحق اولدقلری بیاندن صو کره آنلرک عمللرینک کیفیتنی و مقدارینی تفصیل اوزره ذات الوهیتنک معلومی اولدیغنی بیان ایتمک ضمتنده ﴿ وَ كُلَّ شَيْءٍ أَخَصَيْنَاهُ كِتَابًا ﴾ بیوریور. [ هر شیئی بز کتابده یازمق صورتیله ضبط ایتدک. ]

یعنی؛ آنلره و یریلن جزا آنلرک عمللرینه موافقددر. زیرا؛ بز آنلرک اعتقاد و عمللری و سائر هر شیئی آنلری حفظ ایدن و عمللری یازمغه مؤکل اولان ملکلرک کتابلرنده و یا خود لوح محفوظده یازمق و ثابت قلمق طریقيله صایبق و ضبط ایتدک. بناء علیه؛ عمللری یازمقده سهو و خطا یوقدر و وقوعات عینیه دفتره آلتشددر که و یریلن جزا تماماً عمللرینه مطابق ترتیب اولونمشددر. شو حالده آنلر ایچون بیان اولونان جزا البته وقوعبولا جقدر. زیرا؛ کناهلری برر برر صایلوب یازیلنجه آنک اوزرینه ترتیب ایده جک جزا البته وقوعبولور. چونکه؛ جزایی ایجاب ایدن اعمال قبیحه عینیه ضبط اولونونجه جزانک ده عینیه حصول بولا جقنده شبه یوقدر.

ابوالسعود افندینک بیانی وجهله بو آیت بوندن اولکی آیتلرده بیان اولونان جزالرک وقوعنی تأکید ایچون کتیرلش برجهله معترضدر. چونکه جزایی و یرمک؛ او جزایی ایجاب ایدن کناهلری بیلیمکه اولاجغندن و بوجهله جناب حقک او کناهلری بیلدیکی



بیان ایچون کتیرلیدیکندن البته جزانک ترك اولونیه جفنی بیان ایتمی اوجزانک وقوعنی تا کید اولمشدر . و بوآیت جلیله جناب حقک جزئیات اشیا بی یلیدیکنه دلالت ایتدیکندن واجب تعالی نک جزئیاته علمنی انکار ایدنلر تکفیر اولونور .

..

واجب تعالی اهل جهنمک عذابلرینی و اوعذابلرک عمللرینه موافق اولدیغنی و عمللرینک تفصیلنی بیلدیکندن جزانک عمله توافق ایله دیکنی بیاندن صوکره احوال سابقه اوزرینه ترتب ایدن جزایی بیان و کافرله تکدیر صورتیه امرایتمک اوزره ﴿ فذوقوا فَلَئِنْ تَزِيدَکُمْ إِلَّا عَذَابًا ﴾ بیوریور .

[ حالکیز بویه و عملکیز دفترده محفوظ اولونجه جهنمک عذابنی طادک . زیرا ؛ بز سزه البته زیاده ایتیز ، الا عذاب زیاده ایدرز . ]

یعنی ؛ ای حاصیلر ! سز آخرته حسابی انکار و آیتلری تکذیب ایدنجه انواع عذابنی طادیکیز . زیرا ؛ سز هر نه زمان جهنمدن چیقمق ایچون برچاره آرامغه باشلارسه کز بز البته سزک عذابکیزی زیاده ایله مقابله ایدرز . چونکه ؛ جهنمدن قورتولمغه چاره آرامق زمانی کچمشدر .

فخر رازینک و ابوالسعود افندینک بیانلری وجهله اهل جهنم اوزرینه قرآنده اک زیاده تأثیر ایدن آیت بو آیتدر و رسول اللهدن روایتده بو منوال اوزره در . چونکه اهل جهنم هر نه زمان جهنمدن خلاصلرینه چاره آرارلر یالواریرلرسه عذابلرینک زیاده لنمسی بیان ایتک و چاره قابولرینی قاپامق ؛ کمال مأیوسیتلرینه دلالت ایدر . زیرا ؛ خلاصه چاره اولمادیغنی و چاره آرامقده ضرردن باشقه بر شی تولید ایتیه جکنی بیاندن دها زیاده بر عذاب اولاماز . شو حالده ویریلن جزانک عمله موافق اولدیغنی بیاندن صوکره « طادک عذابنی ، سزه عذابکیزی زیاده ایتکدن باشقه برشی یوق » دیمک برفتوا که تبدیل احتمالی اولمادیغندن عذابک شدنه دلالت ایدر .

واجب تعالی نک اهل ناره تکلم ایتیه جکنی بیانه متعلق اولان آیتله بو آیتده « طادک

عذابنی عنوانیه وقوعبولاجق امر منافی دکدر . چونکه تکلم ایتیه جکنی بیان ایدن آیتدن مقصد ؛ اهل ناره منفعت ویررسوز سویله مهیه جک دیمکدر . بوآیتده ایسه اهانت و حقارت صورتیه امر ایده جکی و سوز سویله مهیه جکی بیان اولومشدر . بناء علیه ؛ آیتلر آره سنده تناقض یوقدر .

..

واجب تعالی اهل جهنمک احوالی بیاندن صوکره اهل جتنک احوالی بیان ایتک اوزره ﴿ اِنَّ لِلْمُتَّقِينَ مَفَازًا ﴾ حَدَائِقَ وَاَعْنَابًا ﴿ وَكَوَاعِبَ أَشْرَابًا ﴾ وَكَأْسًا دِهَاقًا ﴿ لَا يَسْمَعُونَ فِيهَا لَغْوًا وَلَا كِذَابًا ﴾ بیوریور .

[ اللهمک حرام قیلدیغنی شیلردن نفسلرینی محافظه ایدن متقیلر ایچون جهنم عذابندن خلاص و فوز و نجات و باغلر و باغچهلر و اوزوملر و مهلری یکی بلیرمش با کر قیزلر و ایچی شراب دولوسی حاضرلانش کاسه لر واردر . ] بناء علیه ؛ کوکک سودیکی و نفسک آرزو ایتدیکنی و تلذذ و راحت ایچون حاضرلانش هر شی موجوددر . [ و اهل جنت جنتده فائده سز سوز و یالان ایشیتمز . ] چونکه ؛ حسد و بربرلرینه بغض و عداوت یوق که فائده سز شیلر اولسون و آنکله مشغول اولسونلر و جلب منفعت و دفع مضرت داعیه لریده یوق که یکدیگرینه قارشی یالان سویله سونلر ، و الحاصل جنتده فضله فاحش سوز اولماز که ایشیتسونلر . شو حالده ایسته دکلری هر شیئه نائل اولورلر و ایسته مه دکلری بر شی بولونماز .

..

واجب تعالی اهل جتنک نائل اولاجقلری نعمتلردن بعضیلرینی بیاندن صوکره و نعمتک عمللرینه جزا وریلرندن احسان اولدیغنی بیان ایتک اوزره ﴿ جَزَاءٌ مِنْ رَبِّکَ عَطَاءٌ حِسَابًا ﴾ بیوریور .

[ اهل جتنک شونائل اولدقلری نعمتلر سنک ربک تعالی طرفندن آنلرک اعمال صالحه لرینه جزا اولارق عمللری مقداری محسوب اولارق عطیه الهیه در ] که هر کسک عطیه می کندی اعمالی مقداریدر ، اعمالندن فضله ویا نقصان دکدر .



فخر رازینک بیانی وجهله اهل جنتک نائل اولدینی نعمتلی عمللری مقابلنده وعد  
الهی اوزرینه ترتب ابتدکی جهته جزا الله تعالی اوزرینه ویرمک واجب اولمایوب  
عطا اولدیغندن عطا ایله جزا بیننده مناسقات وار دنیله مز . چونکه ؛ بر شی من جهته  
جزا اولدینی کی اوشینک عینله آخر جهتن عطیه اولسی جائزدر . یاخود اصل عمله مقابل  
ویریلن جزادر ویردن اونه ویا یدیوزده قدر فضله ویریلن تفضل وعطیه در .

..

واجب تعالی کافرلرک عذابی ومؤمنلرک نائل اولاجقلری نعمتلی بیاندن صوکره  
عاصی اولانلره عذاب ایتمه واطاعت ایدنلره نعمت ویرمه قادر اولدینی بیان ایتک اوزره  
﴿ رَبِّ السَّمَوَاتِ وَالْأَرْضِ وَمَا بَيْنَهُمَا الرَّحْمَنُ لَا يَمْلِكُونَ مِنْهُ خِطَابًا ﴾ بیوریور .  
[ کافرلری انواع عذابه تعذیب ایدن واهل جنته بوقدر جسیم نعمتلی ویرن ربک  
تعالی یرک و کوکلرک ویرله کوکلر آره سنده اولان بالجهله موجوداتک ربسی و رحمت  
صفیله متصف درکه آنک هیئتندن حضورنده سوزسویله مکه هیچ بر کیمسه مالک اولاماز . ]  
یعنی ؛ یا اکرم الرسل ! قوللرینه شو نعمتلی ویرن ربک تعالی سموات و ارضک  
و آره لرنده اولان مخلوقاتک ربسی و هر جمله سینه انعام و احسان صاحبیدر . چونکه ؛  
قوللرینه نعمتی ویرمکدن بر مانع بوقدر . هر شی کندینکدر و او کونده جمله طامک  
ربسی حضورنده بلا پروا سوزسویله مک حقه کیمسه مالک اولاماز . زیرا ؛ جمله سی اللهک  
مملوکیدر . هیچ بر مملوکک مالکی اوزرینه بر شی دعواسنه صلاحتی اولادینی کی سوز  
سویله مک دخی مالک و مستحق اولاماز . اما مستحق اولیه رق فضل الهی قیلندن اذن  
ویریلورسه سویله به بیلیر و اذن صورتیه سویله مسندن سوزه مالک اولسی لازم کلز . چونکه ؛  
سوزه مالک اولسه البته سویله مک حق اولور ، اذنه احتیاج اولمازدی . زیرا ؛ هر کس حقی  
استعمالده هیچ بر زمان غیرک اذن ویرمسنه محتاج اولماز . شو حالده اهل شفاعتک  
شفاعت خصوصنده جناب حقه قارشى خطابلریله بو آیه اعتراض وارد اولماز . چونکه ؛  
آنلرک سوزی اذن الهی ایله در ، یوقسه مالک اولدقلرندن دکدر . آیتده ایسه سوز  
سویله مزله دینه یور « سوزه مالک اولمازلر دینیور . بناء علیه ؛ اعتراض وارد دکدر .

ابوالسعود اقدینک بیانی وجهله بوندن اول ذکر اولونان جزا وعطیه واجب تعالی  
مستقل اولدینی اثبات ایچون عمومک ربسی ورحمت واسعه صاحبی اولدینی و بو آیتده  
ربو بیتک افاده ابتدکی عظمتی تقریر ایچون هیچ بر کیمسه نک سوزه مالک اولامیه جنى  
بیان اولونمشدر .

..

واجب تعالی هیچ بر کیمسه نک حضور الهیده سوزسویله مک مالک اولادینی بیاندن  
صوکره بمعنای تقریر و تائید ایتک اوزره ﴿يَوْمَ يَقُومُ الرُّوحُ وَالْمَلَائِكَةُ صَفًّا لَا  
يَتَكَلَّمُونَ إِلَّا مَنْ أَذِنَ لَهُ الرَّحْمَنُ وَقَالَ صَوَابًا ﴾ ذَلِكَ الْيَوْمُ الْحَقُّ ﴿ بیوریور .  
[ شول کونده آنلر خطابه مالک اولمازلر که او کونده روح اسمنده اولان ملک وسائر  
ملکک صفت بسته اولدقلری حالده آفاق اوزری طورورلر و آنلردن هیچ ربسی واجب  
تعالی به قارشى سوزسویله مک قادر اولمازلر ، انجق شول کیمسه لر قادر اولورلر که جمله قوللرینه  
احسان صاحبی اولان رحمن تعالی طرفندن کندیلرینه اذن ویریلن و دنیاده صواب  
اولان کلمه توحیدی سویله یین کیمسه لر سوز سویلرلر شو ملکک صفت بسته اولارق قائم  
اولاجقلری کون ثابت و واقع اولاجق بر کونددر . ] چونکه ؛ وقوعنده شبهه بوقدر .  
فخر رازینک بیانی وجهله ملکک قوت و قدرنده مخلوقات سائرده دن زیاده اولدقلری  
حالده او کونک دهشتی و جلالت الهیه نک هیبتی قارشوسنده حیران اولوب تکلمه قادر  
اولامایجه انسانلرک قادر اولامیه جقلری اولویته ثابت اولور و او کونده هر کس سوز  
سویله به مز ، آنجق الله تعالی نک سویله مسنه اذن ویردیکی و صواب سویله یین کیمسه لر تکلم  
ایدرلر . یعنی اذن اولمایجه سویله مه دکری کی اذن ویرلیدیکی زمانده ایسه دوعری و صواب  
اولدینی بیلدکری سوزی سویلرلر که « یا کلش سوز سویله مز » دیمکدر .  
یاخود معنای آیت : [ آنلر سوز سویله مز ، الا شول کیمسه حقه سوزلر که او کیمسه نک  
حقنده شفاعت ایدلسنه رحمن تعالی اذن ویردیکی و دنیاده صواب اولان سوزلری سویله مش  
اولان کیمسه لر حقنده سویلرلر و شفاعت ایدرلر ] دیمکدر .

بعض قوللرینه اذن ویرمک رحمت صفتک اثری اولدیفنه اشارت ایچون اسماء حسنی  
خلاصة البيان : اون بشنی جلد — ۲۴



ایچندن رسمی اسم شریفی و یوم قیامتک عظمت و فخامتده علو درجه سنه اشارت ایچون  
بعض مرتبه دلالت ایدن (ذلك) لفظی وارد اولمشد. اوکونده مفروقک صمدی حاصل  
و باطلک صمدی زائل اولمغنی مهنته یوم قیامت یوم حق دیمشدر. چونکه یوم  
قیامت البته واقع اولوب ثابت اولاجقدر هر کیزی اولان شیلرک اوکونده ظهور ایده جکنه  
بناءً اوکونه کون دیمک لایق و مستحق اولدیغه اشارت ایچون یوم مه دیمشدر.

..

واجب تعالی قیامت کوننک ثابت و البته وقوع بولاجق بر کون اولدیغنی بیاندن  
صوکره اوکون ایچون تدارک لازم اولدیغنی بیان ایتک اوزره ﴿فَمَنْ شَاءَ اتَّخَذْ إِلَىٰ رَبِّهِ  
مَأْتَابًا﴾ انا انذرناکم عذاباً قریباً بیوریور.

[یوم قیامت وقوعی شبهه سز بر کون اولونجه ایستین کیمسه ربسی مرجع اتخاذ  
ایدر و بز سزی یقین اولان قیامت کوننک عذابله قورقوتورز.]

یعنی؛ قیامتک کله جکندده شبهه اولماجه هر کسک کندی ایچون اوکونده سقیل  
اولماق اوزره تدارکات لازمه یا بمسی لازمدر. بناءً علیه؛ عذاب السهیدن و فتنه آخرتدن  
امین اولق ایستین کیمسه اعمال صالحه و اخلاق مرضیه ایله ربسنه بر دوغری یول طوتار  
واویول سایه سنده ربسنه رجوع ایدر و مولا سنک رضاسنه واصل اولور. شو حالده جانب  
معنوی الوهیت بومثللو کیمسه نک دائماً مرجعی اولدیغندن او کیمسه هر شیشی ربسنه عرض  
ایدر و هر نه بکلر سه ربسندن بکلر و هر نه ایسترسه آندن ایستر و ربسی ده آکا معین و ناصر  
اولور و بز عظیم الشان ای — انسانلر! یک یقین اولان قیامت کوننک عذابندن سزی  
محقق قورقوتورز.

فخر رازینک و ابوالسعود افندینک بیانلری وجهله یوم آخرت البته کله مکدر، و هر کله مکدره  
یقین اولدیغنی مهنته قیامت کوننه و آخرت عذابنه عذاب قریب دیمشدر. عذاب قریب

ایله واجب تعالی نک اندازی؛ سورمه نک اولندن بری آخرته متعلق ذکر اولونان آیتله  
واقع اولمشد.

..

واجب تعالی عذاب قریبله قوللری قورقوتدیغنی بیاندن صوکره او یقین عذابک  
کوننی بیان ایتک اوزره ﴿يَوْمَ يَنْظُرُ الْمَرْءُ مَا قَدَّمَتْ يَدَاهُ وَيَقُولُ الْكَافِرُ  
يَا لَيْتَنِي كُنْتُ تُرَابًا﴾ بیوریور.

[یقین اولان عذابک کونی شول بر کون که اوکونده کرک مؤمن و کرک کافر هر  
شخص کندی کسبیدیه آخرته کوندرمش اولدیغنی عملنه باقار. اگر کوندرمش اولدیغنی  
عملی حسنه ایسه مسرور و اگر سیئه ایسه مأیوس اولور. و هر کس عملی کوزلریله  
کورونجه کافر اولان کیمسه نه اولایدی انسان اولارق یارادمایه ایدمده طوپراق اولایدم.  
دیمکله اسفنی اظهار ایدر.] کرچه کافرک شو تمیسی محال ایسه ده محالی تمیسی جائزدر.  
فخر رازینک بیانی وجهله بعض روایتله نظراً حیوانات سائرده قیامتده حشر اولونور.  
بر برلرندن حققری آلتوب قصاص اولوندقدن صوکره طوپراق اولور کیدرلر. ایشته  
او وقتده حیواناتک طوپراق اولدیغنی کورن کافر کندیکنده آنلرکی طوپراق اولوبده  
ابدأ معذب اولماسنی ایستر و لکن بو آرزو فائده سزدر. حیواناتک حشرندن فائده؛ بالمقابله  
قصاص اولونمقدر و عدالته موافق اولان ده بودر، یوقسه بونلرک حشری، جزا کورمک  
ایچون دکلدرد. زیرا کندیلرند تکلیفک مداری اولان عقل اولمادیغندن مکلف دکلدرد.  
اما بالمقابله قصاصی بیله جک قدر ادرا که مالک اولدقلرندن ادراک ایده جکلری مقدار ایله  
ا کتفا اولونور. بناءً علیه؛ ادراک خارجنده بر شیهه بودنیاده مکلف اولمادقلری کبی  
آخرته دخی عذاب اولمازلر.





سورة نازعات

مكة مكرمه نازل اولان سوره لردندر . قره آتی آتی جامعدر .

بِسْمِ اللَّهِ الرَّحْمَنِ الرَّحِيمِ

وَالنَّازِعَاتِ غَرْقًا \* وَالنَّاشِطَاتِ نَشْطًا \* وَالسَّابِحَاتِ سَبْحًا \* فَالسَّابِقَاتِ سَبْقًا \* قَالَمْ يَرَاتِ أَمْرًا \*

[ کافر لک بدنلرینه صایلاغمش و غرق اولمش روحلرینی شدله بدنلرندن چیقاریجی ملکله و مؤمنلک روحلرینی کال لیت و ملایمتله بدنلرندن چیقاروب نشاط و سرور و یریحی ملکله و هواده کال سرعتله یوزیحی و یر یوزینه شدله اینیحی ملکله و امر اولوندقلری ایشلرینه کال سرعتله کیچی و ایشنک باشنه تیزجه واریجی ملکله و کندیلرینه تودیع اولونان ایشلری یولیه تدبیر ایدیجی ملکله یمین ایدرم که البته سز قبریگزندن قالقاجق و محاسبه کوره جک و عملکزک جزاسنی بولاجقسکز . ]

فخر ازینک بیانی وجهله شو صفتلر ؛ ملکلك صفتیدر . زیرا ؛ صفتلردن آکلا شیلدینی وجهله بوصفتلرله متصف اولان ملکلك شرفه بناء جناب حق بوملکله یمین ایتمشدر . چونکه ؛ شرفلی اولان بعض مخلوقاتنه یمین ایتک عادت الهیه دندر . یاغور بومثللو مقامده ( رب ) کلهسی مقدردر . بوکانظراً معنای نظم : [ شو صفتلرله موصوف اولان ملکلك ربسه یمین ایدرم که البته سز حشر اولوناجقسکز ] دیمکدر . نزع ؛ کافره و نشط مؤمنه مخصوص قیلنمشدر . زیرا نزع ؛ سندن ملکلك و صبرمی و نشط ؛ رفقه و موبتمند ملکلك معناسنه اولدیغندن نزع کافره و نشط مؤمنه لایق و مناسبدر . چونکه ؛ مؤمنک روحی بدنندن آیریلنجه باغلی اولان کیمسه نك باغندن قور تولدینی کی فرح لانور و نشاط لانور که مؤمنک آخرتده نائل اولاجنی نعمتک آزیحق بر جزئنه بوتون دنیاده کوردیکی نعمتلر مقابل اولامیه جفتندن مؤمنک روحی بدنندن آیریلنجه قیداسارتدن قور تولمش کی مسرور

اولور . بناء علیه ؛ « دنیا مؤمنک زندانی » دنیلمشدر . چونکه ؛ مؤمن دنیاده هر نعمته مستغرق و هر سروردن حصه دار اولسه بیله آخرتده کوره جکی نعمتلره قارشى دنیا آنک ایچون زندان مثابه سنددر ، یوقسه مؤمن دنیاده نعمتدن محروم اولور دیمک دکلدر . بوآیتده یمینک جوابی مقدردر و ( تبعن ) دیمکدر . یاخود ( لقامة القيامة ) دیمکدر . یعنی « البته سز بعث اولونورسکز و البته قیامت قائم اولاجقدر » دیمک اولور .

..

واجب تعالی شو بیان اولونان صفتلرله متصف اولان ملکله یمین ایدرمک انسانلرک البته بعث اولوناجقلرینی بیاندن صوکره بعثک زمانی بیان ایتک اوزره ﴿ یَوْمَ تَرْجُفُ الرَّاحِفَةُ ﴾ تَبْعُهَا الرَّادِفَةُ ﴿ قُلُوبٌ یَوْمَئِذٍ وَاجِفَةٌ ﴾ أَبْصَارُهَا خَاشِعَةٌ ﴿ یوربور .

[ اوکونده سز قبریگزندن قالقارسکز که اوکونده حرکسی اولمایان یرلر و طاغیر حرکت ایدر صاللانور و آنلرک حرکسنه کوکلرک حرکسی ده تابع اولور . بناء علیه ؛ یر و کوک بربرینه قاریشور و اوکونده عاصیلرک قیلری قورقوجی و کوزلری ذلیل و حقیر اولیجیدر . ]

فخر ازینک بیانی وجهله راجفه ؛ شمتی حرکت و یاخود انسانلری قورقوجی شمتی صومر . بو مقامده ایکیمی ده برلشه بیلور . چونکه ؛ قیامتده صورك اوفور و لمسیله یرلره و کوکلره عارض اولان زلزله نك و شدتلی حرکتلرک قورقونج صدالری ده اولاجنی ضروریدر . بناء علیه راجفه ؛ شمتی صدالده برابر بوبوک حرکت دیمک اولور . رادفه ؛ حرکت ارضه تابع اولده کوکلرک هرکسیدر که سمانک حرکسی ارضک حرکسندن صوکره آکا تابع اولاجنه دلالت ایدر . واجفه ؛ یوقجه قورقوجی دیمکدر . بوکا نظراً معنای نظم : [ انسانلرک قیرندن قالقمسى و محاسبه کورمسى شول برکونده اولاجق که اوکونده یرلر بوقدر جسمانیله برابر حرکت ایدر و اوحرکه ایله برابر شدتلی و قورقونج صدالره صاللانور و آنک آرقسنه سمانک حرکسی واضطرابی تابع اولور و ییلدیزلر دوکولور ،



کوکله بارجه لایر و او کونده قیامت انکارایدن عاصیلرک کوتو عمللرینک جزاسی اولارق معذب اولاجقلرینی بیللملی اوزرینه قیلری قورقوجی و کوزلری حقیر و ذلیل اولور [دیمکدر. انسانلرک قورقورلی کوزلرده سائر اعضادن دهازیاده ظاهر اولدیغندن خشوع و ذل و مسکنت کوزلرینه اسناد اولومشدر. زیرا؛ قورقان کیمسه کال دهشتله اطرافنه باقینور و کوزینک ایچی طیشنه دور کی اولور. بناء علیه؛ کوزک قورقوسی و تذالی دیگر اعضالره دلالت ایتدیکندن کوزه نسبت ایتکله اکتفا اولومشدر، یوقسه کوزلر قورقارده باشقه اعضالر قورقاز معناسنه دکلددر.

..

واجب تعالی قیامتده حشری انکارایدنلرک قیلری قورقوجی و کوزلری حقیر و ذلیل اولاجقلرینی بیاندن صوکره بوحاللرک سبب و علتی بیان ایتک اوزره ﴿يَقُولُونَ ءَاَنَّا لَمَرْدُودُونَ فِي الْحَافِرَةِ﴾ ءَاِذَا كُنَّا عِظَامًا نَّخِرَةً ﴿بیوریور.

[آنلر بی انکار ایدرلرک دیرلرک «بز دنیاده اولدیغمز صورت و جسمامتده وفات ایتدکن صوکره عین صورت و جسمامتله دیریلور حالت اصلیه مزه رد اولونورمی بز و بو رد اولونمق ممکنمیدر، بز چورومش کیمک اولدیغمزده می رد اولونا جغز؟»] ایشته کافرلر بویه دیمکله اولدکن صوکره دیریلرک جکلرینی صورت قطعیهده انکار ایدرلر.

یعنی؛ رسول الله صلی الله تعالی علیه وسلم افندیمز کافرلره دیریلوب قیلرندن قالقاجقلرینی خبر ورنجه آنلر دیرلرک «بز حالت اولامز اولان حیات اصلیه مزه رد اولونورمی بز؟ بونک امکانی یوقدر. زیرا؛ انسان اولوب قبره کیرنجه چورویور و بو چورومش کیمکله ناصل جان کلور و یکیدن ناصل بر انسان اولور؟ اولاماز. چونکه؛ چورومش و توزه طوبراغه قاریشمش یوق اولمشدر. یوق اولان شیئی اعاده ممکن دکلددر.

فخر رازینک و ابوالسعود افندیکن بیانلری وجهله حافره؛ طریقت اصلیه و مهالت اولی دیمکدر. نخره؛ چورومش ایچی بوساطت اولامه شیمه. حشری انکار ایدنلرک شهنلری؛ «بز شو جسم مخصوص اوزره بولونیورز. وفات ایتدیکمزده مزاجز باطل

و ترکیمز فاسد اولور و اجزالریمز طوبراغه قاریشور. بناء علیه؛ طوبراغه، صویه و هوایه قاریشمش اولان اجزالرک یکدیکنرندن تفریق و تمیزی ممکن اولاماز که اجزالر طوبرالانسون بربرینه ربط اولسونده حالت اولاسی کی بر انسان اولسون. بونک امکانی یوقدر، کی سفسطهلرله حشری محال عد ایدرلر. آنلرک بو شهنسه جواب اولق اوزره «هر نه قدر انسانک اجزاسی عناصر مختلفیه قاریشورسهده علم الهیده یکدیکنرندن ممتاز و ایریدر. زیرا؛ هر کسک اجزاسی اولدیغی رده جناب حق آری آری بیلیر. بناء علیه؛ جمعی و یکدیکنرینه ربطی ممکندر. هر ممکن ایسه قدرت الهیه تختندهدر. شو حالده چورومش کیمکلی جمع ایتک و حیات و یرمکده قدرت الهیه تختنده داخلدر محال دکلددر.

..

واجب تعالی کافرلرک بی انکار ایتدکلرینی بیاندن صوکره رسول الهی و صحابی استهزا مقامنده سویه دکلی سوزلرینی حکایه طریقله بیان ایتک اوزره ﴿قَالُوا تِلْكَ إِذًا كَرَّةٌ خَاسِرَةٌ﴾ بیوریور.

[حشری انکارایدنلر استهزا صورتیه دیدیلرک «اگر بونلرک دیدکلی کی اولدکن صوکره تکرار دیرلرک واعاده اولونمق دوغری ایسه بز بو تقدیرجه بر رجعتله رجعت ایتمش اولورز که او رجعت بزم ایچون ضررلی بر رجعتدر.] زیرا؛ انکار ایتدیکمزدن طولانی او رجعت ایچون بر تدارکاتده بولونمادیغمزدن بزم حقمزده بو رجعت زیاندن باشقه برشی دکلددر، دیمکله اکلنجه یاپارلر.

..

واجب تعالی بی انکار ایدنلرک، بی غایت مشکل و کوچ عد ایتدکلرندن ناشی انکار ایتدکلرینی بیاندن صوکره حشرک غایت قولای اولدیغی و آنلرک ظن ایتدکلی کی اولمادیغی بیان ایتک اوزره ﴿فَإِنَّمَا هِيَ زَجْرَةٌ وَاحِدَةٌ﴾ فَإِذَا هُمْ بِالسَّاهِرَةِ ﴿بیوریور.



[ آنجق قیامت بر صیحه دن عبارتدر. او صیحه واحده وجود بولونجه آنرا آکسزین کندیلرینی بیاض بر عرصه اوزرنده اولدقلرینی کورورلر . ]

یعنی ؛ آنلر کندی اعتقاد باطللرنجه اولدکدن صوکره تکرار دیرلمکی کوچ عد ایتدکلرینه بناء انکار ایتلری اوزرینه جناب حق آنلره حشرک غایت قولای اولدیغنی بیانله جواب ویریور . شو حالده معنای نظم : [ ای منکرلر ! سز اولدکدن صوکره تکرار دیرلمکی کوچ عد ایدوب مشکل ظن ایتدک . زیرا ؛ او رجعت و قبردن قالمق اسرافیک صوره اوفورمسندن حاصل اولان تک بر صدادن عبارتدر . چونکه ؛ امرالهی اوزرینه اسرافیل صوره اوفورونجه آندن حاصل اولان صدایی قبری اوزرنده اوت کبی بیتمش و دیکلمش هیکل اولان انسانلره حیات کله رک آکسزین کندیلرینی بر بیاض عرصه اوزرنده اسکیمی کبی انسان اولارق بولورلر ] دیمکدر .

فخر رازینک بیانی وجهله او بیاض عرصه ؛ عرصه محمدر . چونکه ساهره ؛ عرصه بیضا دیمکدر . صورك اوفورولمسیله انسانلرک طوبیلا ناجنی ارض ؛ ارضه محمدر . عرصه محمدره بولونامی انسانلرک اویقوسی اولیمه بقیه بناء او ارضه ساهره دیمشدر . یاخود عرصه محمدرک انکین ، بوکسک و اکربک اولقمزیه روز اوره اولیمه بقیه بناء ساهره دیمشدر .

..

واجب تعالی حشر حقنده کافرلرک انکارلرینی بیاندن صوکره بو انکاردن رسولنه حاصل اولان حزن و کدری دفع وازاله ایتک اوزره حضرت موسی ایله قومی آره سنده وقوعبولان مباحثه لری مقام تسلیمده بیان ایتک ضمتنده ﴿ هَلْ أَتٰیكَ حَدِیْثُ مُوسٰی ﴾ اِذْ نَادٰیهُ رَبُّهُ بِالْاٰوَادِ الْمُقْسَّسِ طُوٰی ﴿ بیوریور .

[ محقق حضرت موسانک خبری سکا کلدی شول زمانده که اوزمانده موسایه موسانک ربی مبارک بر درده جاغیردی . ]

یعنی ؛ یا اکرم الرسل ! سن کافرلرک معامله سندن اذالانیورسک . تحقیق سکا برادرک موسانک قومیله واقع اولان مباحثه سنک خبری کلدی شول وقتده که او وقتده طورطاغنده واقع (طوی) اسمنده اولان مبارک درده موسی علیه السلام ربی موسایه ندا ایتدی . شو حالده حضرت موسی قومندن وقوعبولان یولسز معامله به تحمل ایدره رک عاقبت دشمنلرینه ناصل غالب اولدی ایسه سن ده قومکدن واقع اولان یولسز لقلره تحمل ایت که عاقبت دشمنلرکه غالب اولاسک .

فخر رازینک بیانی وجهله حضرت موسی ایله فرعونک وقوعاتی حکایه دن مقصد ؛ ایکی شیره : برنجیسی ؛ رسول اللهی تسلیم و صبره درانه غیره . ایکنجیسی ؛ رسول اللهک قومی نه بره دره . چونکه ؛ فرعون قریشدن دها قوتلی اولدیغنی حالده حضرت موسی ناصل غالب و فرعون ناصل محو و مضحمل اولدی ایسه قریشده رسول اللهک غالب اولاجغنی و آنلرک محو و مضحمل اولاجقلرینی بیاندن .

..

واجب تعالی حضرت موسایه وادی مقدسده ندا ایتدیکنی بیاندن صوکره او نداده واقع اولان امرینی بیان ایتک اوزره ﴿ اِذْ هَبْ اِلٰی فِرْعَوْنَ اِنَّهُ طَغٰی ﴾ فَقُلْ هَلْ لَّكَ اِلٰی اَنْ تَرْکٰی ﴾ وَاهْدِیْکَ اِلٰی رَبِّکَ فَتَخْشٰی ﴿ بیوریور .

[ واجب تعالی حضرت موسایه ندا سنده بیوردی که « یا موسی ! سن فرعونه کیت آنی ارشاد و امریمی تبلیغ ایت . زیرا او فرعون طغیان ایتدی ، یولدن چیقدی و حتی طغیانی بر درجه به قدر ایلری کوتوردی که الوهیت دعواسته قدر واردی . بناء علیه ؛ ارشاده محتاج اولدی وسن آکا « یا فرعون ! سنک ایچون شومبتلا اولدیغک کفر و طغیاندن تمیزله نمکه میل وارمی ؟ زیرا ؛ بوخیاشندن پا کله نمکه سنک ایچون احتیاج واردره دیمکله نصیحتده بولون وسن آکا دی که « بن سنی ربکه ارشاد ایدیم که سن ربک تعالی نک عذابندن قورقاسک . زیرا ؛ ربک تعالی بی بیلمه نیجه قورقازسک . بناء علیه ؛ سنی واجب تعالی به هدایتده قیلایم که آنی معرفتله عظمتی بیلنجه انتقامندن خوف و خشیت اوزره اولاسک . » ]



فخر رازینک بیانی وجهله عبداوزرینه عبادتدن وهرشیدن اول واجب اولان معرفت الهیه اولدیغنه بو آیتده دلالت واردر . زیرا ؛ فرعون هرشیدن اول واجب تعالی بی معرفته دعوت اولونمش واللهدن قورقق الهی بیلیمکه توقف ایستدیکنه اشارت ایچون (فتختی) تربیه دلالت ایدن فالظیلله وارد اولمشدر . یعنی « بن سکا ربکی بیلدیررسه سن ربکک قهرندن قورقارسک . اگر سن ربکی بیلمزسهک عذابندن قورقارسک » [ دیمکدر . انیائک قوللری ارشاد ایچون کوندرلملرندن مقصد ؛ قوللری خیر اولان بوللرم سوق ایتک اولدیغنه بوآیت دلالت ایدر . چونکه ؛ جناب حق حضرت موسایه هرشیدن اول خیر محض اولان معرفت الهیه فرعونی دعوت ایتسیله امر بیورمشدر . شو امر الهیه فرعون کی حدینی قات قات تجاوز ایتمش اولان بر باغیه غایت ملائمتله تبلیغ واردر . زیرا مقام نبوته ومرتبه رسالته مناسب اولان ؛ مکالمده ولو دشمنله مکالمه اولسون فوق العاده طائیلقدردر . بناء علیه ؛ جناب حق غایت لیتله امر ایتمشدر . ایسته شو اساسه بناء امر بالمعروف ونهی عن المنکرله مشغول اولان هرکیمسه ایچون لازم اولان ؛ تبلیغانده غایت یوموشاق سویله مکدر . زیرا ؛ کوتو سوز هرزمان ضرر کتیرر فائده کتیرمز . بالعکس طائلی سوز دائماً مقصده ایصال او آجی سوز ایسه مقصدی فوت ایدر .

..

واجب تعالی فرعونی ارشاد ایتک اوزره حضرت موسایه ویرمش اولدیغنی تعلیماتی بیاندن صوکره امر الهیه امتثالاً موسی علیه السلام کیدوب معجزه سنی اظهارله فرعونی ایمانه دعوت ایتدیکنی بیان ایتک اوزره ﴿ فَأَرَاهُ الْآيَةَ الْكُبْرَىٰ ۖ فَكَذَّبَ وَعَصَى ۖ ثُمَّ أَذْبَرَ يَسْفَىٰ ۖ فَخَسِرَ فَنَادَىٰ ۖ ﴾ بیوریور .

[ موسی علیه السلام امر الهیه امتثالاً تبلیغانده بولونمق اوزره فرعونه کیتدی وفرعونه عصانک بیلانه قلب اولسی کی بویوک معجزه سنی کوستردی ونبوت دعواسنی آنکله تأیید ایتدی ، لکن فرعون حضرت موسانک معجزه سنی کوروونجه تکذیب ایدرهک عصیان ایتدی ویالکزر تکذیب وعصیانله قالمادی ، بلکه تکذیب ایتدکن صوکره

آرقه سنی دوندی وفساده سنی ایتدی وموسی علیه السلامک دعواسنی ابطاله غیرت ایدرهک قورقوسندن خانه سنه جان آتدی واطاعتدن اعراض ایدنجه عسکرینی وساحر لرینی طوبلادی بالذات کندیبی ویاخود دلال واسطه سیله چاغیرمغه باشلادی .

﴿ فَقَالَ أَنَا رَبُّكُمُ الْأَعْلَىٰ ۖ ﴾

[ نداسنده « بن سزک بویوک ربکزم » دیدی .

یعنی ؛ فرعون طوبلادی عسکر وساحر لرینه قارشو کال کبر وعظمتندن نشأت ایدرهک دیدی که « بن سزک اک اولو ویوکسک ربکزم ، بنم فوقده سزک ربکزر یوقدر . زیرا ؛ سزک هرشیکنزی بن تسویه ایدیورم » .

فخر رازینک بیانی وجهله فرعونک بو سوزدن مقصدی ؛ بن یرک و کوکلوک خالقیم دیمک دکدر . زیرا هر شخص کندینک عالم علوی وعالم سفلینک خالق اولمادیغنی بیلیر وبونی بیلیمین مجنون اولور . مجنون ایسه بر نبی معظم طرفندن دعوت اولونماز . حالبوکه فرعون حضرت موسی طرفندن دعوت اولوندی . شو حالده فرعونک بوسوزندن مقصدی ؛ « بن سزی تربیه ایدیجی واحسان ویریجی وامر ونهی ایله سزی ایسته دیکم کی قوللانیجییم » دیمکدر . چونکه ؛ فرعون صانعی منکردهری اولدیغندن « عالمده انسانلره امر ونهی ایدرجک برکیمسه یوق آنجق بن واریم . بناء علیه ؛ بندن بویوک برکیمسه یوق که خلق آکا عبادت ایتسون . شو حالده اک بویوک بن اولدیغم جهتله بکا عبادت ایتلری لازمدر » اعتقادنده بولوندیغندن ( انا ربکم الاعلی ) کی حاله یاقیشیمان بردعوايه جسارت ایتمشدر .

فرعون ربوبیت دعواسنه جرأت ایتدیکی حالده شخصنه لعنت اولونمورده ابلیسک بویله بردعوايه جرأت ایتدیکی حالده شخصنه لعنت اولونماسنک حکمتی ؛ عالمده اولخلاف وشقاقی ایجاد وابتدا کفره جسارت ایدنک ابلیس اولمایدردر . واجب تعالی نک ذاته قارشی بلاواسطه کفر ایتدیکندن شخصنه لعنت اولونمشدر وابلیس عمرنده بر دفعه قصورینی اعتراف ایدرهک جناب حقه تضرعده بولونماشدر . اما فرعون وامثالک کفری



انبیاء عظام واسطه سیله اولدینی کبی بعضاً قصورلرینی اعتراف ایتدکری ده اولمشدر .  
بناء علیه ؛ شخصی لغت خصوصنده هیچ برکیمسه ابلیمه قیاس اولونماز .

..

واجب تعالی فرعونک ربوبیت دعواسنه قدر جسارت ایتدیکنی بیاندن صوکره  
دنیا و آخرت عذابیه اهلاک ایتدیکنی بیان ایتک اوزره ﴿ فَأَخَذَهُ اللَّهُ نَكَالَ الْآخِرَةِ  
وَالْأُولَى ﴾ بیوریور .

[ فرعون ( انا ربکم الاعلی ) دینجه الله تعالی آتی دنیا و آخرت عذابیه طوتدی . ]  
یعنی ؛ فرعون کندنده کورمش اولدینی عظمت و کبر و غرورله ربوبیت دعواسنه  
قالقنجه الله تعالی آتی دنیا ده صویه غرق ایتک و آخرتده جهنمه قویمقله تعذیب ایتدی .  
شومعنايه نظراً بوآیت ؛ فرعونک ایمان ایتهدیکنه دلالت ایدر . بناء علیه ؛ بوآیت قارشی  
فرعونک ایمان ایتدیکنی دعوی ایدنلرک دعوالری صحیح اولاما .

فخر رازینک و ابوالسعود اقدینک بیانلری وجهله بوآیتده آخره واولی ایلله مراد ؛  
فرعونده صدره ایلله ایکی کلمه اولدینی ابن عباس حضرتلرندن مرویدر . ایکی کلمه دن  
برسی ؛ ( ما علمت لکم من الله غیری ) یعنی « سزک ایچون بندن باشقه بر معبود بیلیمه یورم »  
دیمکدر . دیکری ایسه ( انا ربکم الاعلی ) درکه « بن سزک بویوک ربکرم » دیمکدر و بویکی  
کلمه آره سنده قرق سنه کچمشدر . زیرا ؛ اولکنی سوبله دیکنده جناب حق در حال اخذ  
ایتمهش قرق سنه صوکره ایکنجی بی سوبله نجه اخذ ایتمشدر که قوللرینک قصورینه امهال  
ایدوب امهال ایتهدیکنه دخی تنیه بیورمشدر . بوکا نظراً معنای آیت : [ فرعون ایکنجی  
کلمه اولان ( انا ربکم الاعلی ) دیمکه جرأت ایدنجه الله تعالی آتی کلمه اولاسی و کلمه  
آخره سی ایلله تعذیب ایتدی و هرا یکسینه ده جزاسی و یردی . ] دیمکدر . کرچه مهلت  
و برمش ایسه ده عذابنی ترک ایتهدیکنه . نکال ؛ تنگیل و تعذیب معناسنده . بر فعل  
اوزرینه عذاب دیکر کیمسنگ ادر فعلده منع اولومسند و آنک نکلونه سبب اولومسند اعتبارده  
نکال منع معناسنده .

﴿ إِنَّ فِي ذَلِكَ لَعِبْرَةً لِمَن يَخْشَى ﴾

[ محقق فرعونک هلا کندنه اللهک غضبندن قورقان کیمسهر ایچون وعظ و نصیحت  
وعبرت واردر . ]

یعنی ؛ فرعونک شو جسارتی و ایمان ایتهمسی سببیه باشنه کلن بلادده اللهدن قورقق  
شانندن اولان کیمسهر ایچون عبرت واردر . اما اللهدن قورقایان کیمسه هیچ بر زمانده  
متنبه اولماز و عبرت آله حق شیلردن ده عبرت آماز .

حضرت موسی ایلله فرعون بیتنده جریان ایدن مباحثات فوق العاده جالب نظر دقت  
و غایت مؤثر بروقه اولدیفنه اشارت ایچون جناب حق بعد مرتبه اشارت اولان ( ذلك )  
و تعظیم دلالت ایدن تنویه ایلله ( لعبرة ) لفظلرینی ایراد بیورمشدر . چونکه ؛ حضرت  
موسانک حقه دعوتنه مقابل فرعونک الله تعالی به قارشی تمردی و رسولی تکذیبی اوزرینه  
فرعونک هلاکی و حضرت موسانک منصور و مظفر اولمسی انبیای تکذیب ایدنلرک  
هلاکنه و انبیای تصدیق ایدنلرک نبیلرله برابر منصور اولاجق لرینه صورت قطعیده  
دلالت ایتدیکنندن بو قصه نک مرتبه سی غایت بویوکدر . بناء علیه ؛ بوکبی وقعه لر دن  
عبرت آلمایانلر باشقه هیچ برشیدن عبرت آمازلر .

..

واجب تعالی فرعونک قصه سی بیانله قوللرینی انصافه و ایمانه دعوت ایتدکن صوکره  
ایمان ایتهدینلری توبیخ ایتک اوزره ﴿ أَأَنْتُمْ أَشَدُّ خُلُقًا أَمْ السَّمَاءُ بُنِيَهَا \* رَفَعَ  
سَمَكُهَا فَسَوَّيْهَا \* وَأَغْطَشَ لَيْلَهَا وَأَخْرَجَ ضُحَاهَا ﴾ بیوریور .

[ یارادیلشده سزمی محکم و قوتلی سکز ، یوقسه کوکرمی قوتلی و محکمدر ؛ الله  
تعالی سمایی یاپدی و یوکسکلکنی کورولدیکی وجه اوزره قالدیردی . بناء علیه ؛ اجزالرینی  
بربرینه بکزه ر دلیکسز و قصورسز مساوی قیلدی و سمانک کیجه سنی قارانا تیدردی  
و کوندوزک ضیاسنی جیقاردی . ]



یعنی ؛ ای آخرتی و اولد کدن سوکره دیرلمکی ایمان ایتمین و رسولزی تصدیقه نجات بولق ایسته مین کافرلر ! بر کره دوشونک خلقت جهندن و اولد کدن سوکره دیرلمک نقطه سندن سزیمی دها محکم سکر ، یوقسه سمانک یارادیلشی می دها محکمدر ؟ البته سمانک ایجاد ایلد کدن سوکره سزک ایجادیکزدن دها قوتلیدر . شو حالده سمانی خلقه قادر اولان الله تعالی اولد کدن سوکره سزیمی احیایه قادر اولمازیمی و سزیمی احیا ایتک سمانی ایجاد ایتکدن دها زیاده می کوجدر ؟ نه ایچون بو جهتلری دوشونمز و نهدن انکار ایدرسکر ؟ کورمیورمیسکر الله تعالی سمانی بو قدر جسماتی و یوکسکلکی ایلر برابر ناصل بنا ایتدی و علو ارتقاعنی ناصل یوقاری قالدیردی و ناصل عقللره حیرت و برجه سنه اجزایینی بربرینه باغلادی و منتظم قیلدی ؟ بو قدر یوکسکلکیله سمانی قالدیران و اجزاسنی تسویه ایدن الله تعالی سزیمی احیایه قادر اولمازیمی ؟ و سمانک کیجه سنی شدله قاراناتدی و او ظلمت ایچندن کوندوزینی چیقارتدی و بویه قارانلق کیجه لری و آیدینلق کوندوزلری خلق ایدن خلاق ، اولد کدن سزیمی احیایه قادر اولمازیمی ؟ البته قادر اولور . شو حالده عقل صاحب لریک بو کیمی مهم دلیللری دوشونمسی لازم دگی ؟ فخر رازینک بیانی وجهله کیجه ایلر کوندوز کونشک دوعوب اینه سیله حاصل اولدینی جهتلر هرایکیسی ده سایه مضاق قیلنمشدر . چونکه ؛ شمسک دوعوب اینه سی سمانک حرکه سیله وجود بولدیغندن قارانلق و آیدینلق سایه نسبت اولونمشدر . انسانلرک اولوملری کیجه یه و اولد کدن سوکره دیرلمسی کیجه دن سوکره حاصل اولان کوندوزه بکزه دیکی ایچون واجب تعالی یعنی ایتاده کیجه ایلر کوندوزی درمیان بیورمشدر . یعنی « اولومه بکزه یین کیجه یی حیاته بکزه یین کوندوزی خلق ایتکه قادر اولان الله تعالی انسانی اولد کدن سوکره احیایه قادر اولمازیمی ؟ » دیمکدر .

بو آیت ؛ سمانک کروی اولسنه دلالت ایدر . چونکه ؛ کروی اولسه سمانک بعض جهتی بزه یقین و بعض جهتی اوزاق اولور و بعض جهتی دوز و بعض جهتی اگری اولورده حقیقتده تسویه اولمازیدی . جالبوکه الله تعالی تسویه سنی بیان بیوردی . شو حالده سمانک کروی اولسنه دلالت واردر . کروی اولسیله خیمی اولسی بیتنده اعتقادجه برضرر و فرق

یوقدر . چونکه ؛ هرایکی صورتده محدث فاعل مختارک ایجا دینه محتاج اولونجه اعتقادده مساویدر و الله تعالی نک بناسی سمانک حادث و فاعل مختارک اختیاریلر اولدیغنه دلالت ایدر .

..

واجب تعالی سمانک خلقتنی بیاندن سوکره ارضک خلقتنی بیان ایتک اوزره  
﴿وَالْأَرْضَ بَعْدَ ذَلِكَ دَحِيهَا﴾ أَخْرَجَ مِنْهَا مَاءَهَا وَمَرْعِيهَا \* وَالْجِبَالَ أَرْسَاهَا \* مَتَاعًا لَّكُمْ وَلِأَنْعَامِكُمْ ﴿ بیوریور

[ الله تعالی سمانی خلق ایتد کدن سوکره ارضی انسانلرک آیقلری آلتنه دوشه دی وارضدن او ارضک صوبی و اوتی چیقاردی و پراوزرنده طاغلری ثابت قیلدی که ارضک اوتلری و صولری و طاغلری و چیچکلری و اورمانلری سزه و سزک حیوانلریکزه منفعت اولسون . ]

یعنی ؛ الله تعالی شو کوریلن جسمات و علویت اوزره سمانی خلق ایتد کدن سوکره ارضی انسانلرک سکنا سنه آلوریشلی بر صورتده دوشه دی و انسانلرک کندیلرینه منفعت اولسون ایچون یردن قاینامق صورتیله صولرینی و یاغورلر واسطه سیله اوتلرینی و اکیلرینی و میوه لری بیتریدی و چیقاردی و طاغلری ارض اوزرنده قرارلاشدیردی که یاز کونلرنده انسانلر یا ییلازلر اتخا ذیلر راحت ایتسونلر .

دحی ؛ دوشرک معناسنهدر . بعض آیتده سمانک اول یارادلمسنه و بعض دیگرنده ارضک اول یارادلمسنه دلالت وار ایسه ده تأویلی ممکندر ، منافات یوقدر . چونکه اصح اولان روایت ؛ ارضک اول یارادلمسیدر . بناء علیه ؛ بو آیتده « سماندن سوکره ارضی دوشه دی » دیمک « ارضی اول یاراندی بعده سمانی یاراندی آندن سوکره ارضی دوشه دی » دیمکدر . شو حالده سماندن سوکره اولان ، ارضک دوشه مسیدر یارادلمسی دکلدر . زیرا ؛ ارضی یاراتمق باشقه و اوتلر و اکیلر و آغاجلر و معدنلر بیته جک درجه ده ارضی دوشه مکده یینه باشقه در .

ایشته ارضی شو منوال اوزره خلق ایتکه و اوتلرینی و صولرینی ارضدن چیقارمنه



قادر اولان الله تعالی اولد کدن صوکره تکرار ارضدن انسانلری چیقارمغه قادر اولمازمی؟ البته قادر اولور. زیرا؛ یر آلتندن صولری وقوروش طوبراقدن اوتلری چیقارمق اولش انسانلری طوبراقدن چیقارمقدن دها قولای دکدر.

..

واجب تعالی حشرک وقوعنه دلالت ایدن سما ايله ارضک خلقتی بیاندن صوکره بالفعل قیامتک وقوعنی بیان ایتک اوزره ﴿فَإِذَا جَاءَتِ الطَّامَّةُ الْكُبْرَىٰ \* يَوْمَ يَتَذَكَّرُ الْإِنْسَانُ مَا سَعَىٰ \* وَبُرْزَتِ الْجَحِيمُ لِمَن يَرَىٰ﴾ بیوریور.

[یک بویوک بلا اولان قیامت کلدیکنده ناس قبردن قالفارکه او کونده انسان ایشله دیکی عملی خاطرینه کتیرر وجهنم کورمک شانندن اولان کیمسه لره ظاهر اولور.] یعنی؛ بلای عظیم اولان قیامت کونی کلدیکنده انسان چالیشمقله حصوله کتیردیکی خیر وشر بالجملة اعمالی دفترنده کورمکله خاطرینه کتیرر. چونکه؛ غفلت ویاخود چوق زمان کچمکله اونوتدینی اعمالی ملککله یازمش اولدینی دفترده آرزوچوق، کوچوک و بویوک بالعموم عملی یازمش کورونجه هر برینی نره لرده ایشله دی ونه کبی مقصده مبنی ایشله مش ایسه آنلری بیلر و او کونده کوزی اولوب و کورمک شانندن اولان کیمسه لر ایچون جهنم میدانده کوریلور. بناء علیه؛ او کونده جهنمی کورمه دک کیمسه قالماز. چونکه؛ اعمال صالحه صاحب لری کورورلرکه جهنمدن خلاصلرندن طولای سرورلری آرتسون و کوتو عمل صاحب لری ده کورورلرکه کدرلری زیاده له نسون.

فخر رازینک بیانی وجهله طامه؛ عرب عندنده نعمتک فوقنره بورد. بناء علیه طامه کبری دیمک؛ راهیه عظیم یعنی بویوک بوردیمکدر. قیامت کونی بوتون انسانلرک ویرک و کولرک هلاک اولاجنی برکون اولدینی ایچون آندن دها بویوک بر بلا اولاماز. بو آیتده طامه کبری ايله مراد؛ امر افیلک صورده ایکنجی مرده اوفور مسبد حاصل اولامی مسم وشر اولی امتحالی واردر. چونکه؛ جناب حقک طامه کبرای انسانلرک

عمللرینی تخطر ایده جکی وجهنمک هر کسه کورونه جکی کون اولسیله تفسیر وتوصیف بیورمسی بو احتمالی تأیید ایدر. هر هانکی کون مراد اولونورسه اولونسون بلای عظیم دیمکه شایان اولدیغندن انسان ایچون هرايشنده وهر زمان او کونی خاطرندن چیقارمغه اشارت واردر. زیرا او کونده عملی خاطر لایاجنی وجهنمک کوروله جکی بیان ایتک؛ انسانلرک او کون ایچون تدارک یایمالرینی تنبیه وتوصیه در.

..

واجب تعالی قیامتی بیاندن صوکره انسانلرک ایکی قسم اولدینی بیان ایتک اوزره ﴿فَأَمَّا مَنْ طَغَىٰ \* وَآثَرَ الْحَيٰوةَ الدُّنْيَا \* فَإِنَّ الْجَحِيمَ هِيَ الْمَأْوٰى \* وَأَمَّا مَنْ خَفَ مَقَامَ رَبِّهٖ \* وَنَهَى النَّفْسَ عَنِ الْهَوٰى \* فَإِنَّ الْجَنَّةَ هِيَ الْمَأْوٰى﴾ بیوریور.

[اما شول کیمسه که کنه ایشله مکده طغیان ایدرک حدینی تجاوز وفانی اولان حیات دنیایی باقی اولان آخرت اوزرینه اختیار و ترجیح ابتد. محقق آنک یری آنجق جهنمدر واما شول کیمسه که قیامتی وحشری اعتقاد ایتسی سببیه یوم قیامتده کنهله یوزی قاره اولارق ربسنگ حضورنده قیامندن قورقدی ونفسی آرزوسی اولان کنهله ردن نهی ابتد، نفسک آرزوسی ایشله مه دی. او کیمسه نک مقامی محقق اولارق آنجق جتندر.] یعنی؛ انسانلر ایکی قسمدن خالی دکدر. زیرا؛ اعتقاد جهنمدن کفری ارتکابه طغیان و عمل جهنمدن نفسنه تبعیتله دنیایی آخرت اوزرینه ترجیح ایدرسه آنک یری آنجق جهنمدر واکر اعتقاد جهنمدن ربسنگ حضورینه واره جفنی بیلرک ایمان و عمل جهنمدن نفسی ایستک ابتدکی شیلردن منع ایدرسه آنک یری آنجق جتندر.

فخر رازینک بیانی وجهله طغیان؛ اعتقادده فساد و دنیایی آخرت اوزرینه اختیارده عملده فساد اشارت اولدینی کبی آیت ثانیده اللهدن قورقو؛ اعتقادده صوم ونفسی آرزوسندن نهی ایتک؛ عملده صوم اشارتدر. شوحالده طغیانله دنیایه محبت ایدرک آخرتی اونوتمق فساد اخلاقک الک نهایی اولدیغندن جزانک الک نهایی اولان خلاصه التبیان: اون بشبی جلد - ۲۵



جهنمه جزالاناجنی بیان اولوندینی کبی اللهدن قورقمق ونفسی آرزوسندن منع ایتک حسن اخلاقک الک یوکسک طبقه سی اولدینی جهتله مکافاتک الک یوکسک درجه سی اولان جنت اعلی آنک مقامی قیلنمشدر .

فخر رازینک وابوالسعود افندیکنک بیانلری وجهله بویکی آیتک ایکی قرداش حقنده نازل اولدینی مرویدر . چونکه ؛ احد غزاسنده ( عمیر اوغلو ابو عزیز ) کفر حالده اولوب آنک برادری حضرت ( مصعب ) اسلام اولارق اصحاب ایچنده بولوندینی صروده کفرده ایلری کینمش اولان برادری ( ابو عزیز ) ی مصعب حضرتلری قتل ایدوب کندیسیده شهید اولونجهیه قدر رسول اللهک محافظه سنده بولونمسی اوزرینه بو آیتلرک نازل اولدینی مرویدر .

..

واجب تعالی اولای قیامتک امکاتی ، ثانیاً وقوعی ، اوچنجی مرتبه ده قیامتک احوال عمومیسنی ودرنجی مرتبه ده انسانلرک ایکی قسم اولوب بریسنک اهل جهنم دیکرینک اهل جنت اولدینی بیاندن صوکره مشرکلرک شویانات بلیغه قارشوسنده آدقلری وضعیت وحالترینی بیان ایتک اوزره ﴿ یَسْأَلُونَكَ عَنِ السَّاعَةِ أَيَّانَ مُرْسِيهَا ﴾ فیم آنت من ذکرها \* إلى ربک منتهیها \* بیوریور .

[ یا اکرمرسل ! آنلر قیامتدن سکا سئوال ایدرلر دیرلرکه « قیامتک قیامی نه زماندر ؟ » ای حبیب ! سن هانکی شان ومرتبه ده سک که آنلره قیامتک زمانی ذکر ایده سک . زیرا ؛ قیامتک قائم اولاجنی زمانی بن سکا خبر ویرمه دم که سن آنلره خبر ویره سک . آنجق قیامتک قائم اولاجنی زمانه علمک نهاییه سی سنک ربکه در ، ربکدن غیری آنک زمانی بیلن بوقدر . ] بناء علیه ؛ قیامتک زمانی خبر ویرمه مأمور دکلسک که آتی سندن سئوال ایتمکه سنی اتهم ایتسونلر ، ایده مزلر . چونکه ؛ قیامتک زمانی آنلره تعیین ایده جک بروظیفه ایله مکلف دکلسک . شوخالده قیامتک زمانی خبر ویرمه مکدن سکا بر عار لاحق اولادینی کبی نبوتکه برخلله ده کلز .

فخر رازینک بیانی وجهله کافرلرک بوسئواللری استهزا طریقله در . چونکه ؛ بوقدر

دلائل عقلیه ایله قیامتک امکاتی ووقوعی اثبات اولوندقدن صوکره تکرار سئوال ایتک استهزا وعناددن باشقه برشی دکلدر . ( ایان مرسیها ) قیامتک اقامه سی وایجادی وقرار یاشمسی نه زمانه دیمکدر .

بعض مفسرین ( فیم انت من ذکرها ) ده کی ( فیم ) کلمه سی آنلرک سئواللرینی رد وانظارور . ( انت من ذکرها ) ابتداء کلامدر دیدیلر . بوکا نظراً معنای نظم : [ شوسئوال لایق دکلدر . زیرا ؛ بو سئوال هانکی شی حقنده درکه لایق اولسون . چونکه ؛ سن انبیانک خاتمی اولدیغک ایچون قیامتک ذکرلرندن بر ذکر وعلامتلرندن برعلامت سک . بناء علیه ؛ بوسئوال برامر عظیمدن ومیدانده اولان بر حقیقتدن سئوال اولدینی ایچون لایق دکلدر . چونکه سئوال ؛ بیلنمین برشیدن اولور ، معلوم اولان برشیدن سئوال ایتک لایق اولماز ] دیمک اولور . شوخالده رسول الله انبیانک آخری اولدیغدن علامات قیامتدن معدود اولدیغنه بوآیت شوایکنجی معنایه نظراً دلالت ایدر .

..

واجب تعالی قیامتک علمی کندی ذاته منحصر اولدینی بیانله مشرکلرک سئواللرینی رد ایتدکدن صوکره ردک ایکنجی بر علتی بیان ایتک اوزره ﴿ إِنَّمَا أَنْتَ مُنذِرُ مَنِ الْخَاشِعِينَ ﴾ بیوریور .

[ همان آنجق سن قورقوتیجی سک شول کیمسه یی که اوکیمسه قیامتدن قورقار . ] یعنی ؛ یا اکرمرسل ! سن آنجق قیامتک شدندن قورقان کیمسه لری قورقونورسک ، وظیفه ده بودر . بناء علیه ؛ قیامتک اساسی بیاندن صوکره بو خصوصده وظیفه کز بیتمشدر . شوخالده زمانی تعیین وظیفه ک خارجیدر وامتکه لازم اولان ایسه اصله ایمان ایتمکدر ، یوقسه زماندن سئوال ایتک دکلدر .

قیامتک وقتی تعیین اولونمادی . زیرا ؛ زمانی تعیین عملده تکاسلی ایجاب ایدر . حالبوکه انسانه لازم اولان هر وقت قیامت کونی ایچون حاضرلقده بولونمقدر . بو آیتده



رسول الله قیامتدن قورقان و قورقایان هر انسانی قورقوتقی ایچون بعث اولوندینی حالده  
« سن قورقان کیمسه لری قورقوتورسک » بیورلشدر . چونکه ؛ رسول الله انذارندن  
انتفاع ایدن آنجق قورقانلر اولدینی جهتله آنلره تخصیص اولونمشدر که دیکرلری هر نه  
قدر انذار اولونورلرسده قورقادقلری ایچون انتفاع ایتهدکلی جهتله کأن انذار  
اولونماش کییدر .

..

واجب تعالی قیامت انکار ایدنلرک اوکونده حاللری بیان ایتک اوزره ﴿ کَانَتْهُمْ يَوْمَ  
يَرَوْنَهَا لَمْ يَلْبِسُوا إِلَّا عَشِيَّةً أَو ضُحًيًا ﴾ بیوریور .

[ کأن مشرک کوردکلی کون قیامتی ظن ایدرلر که دنیاده حیاتلری و دورمالری  
اولمادی ، آنجق بر آقشام و یاخود بر قوشاق وقتی قدر اولدی . ]

یعنی ؛ مکه مشرکلی انکار ایتدکلی قیامت کوننی کوزلریله کوردکلرنده اویله ظن  
ایدرلر که دنیاده یا شادقلری یا شلری و سوردکاری دملری کأن بوانکار ایتدکلی کونک  
مدتنه نسبتله بر آقشام و یاخود بر قوشلق مقداریدر . چونکه ؛ بر کیمسه نك مأیوس اولدینی  
زمان آرز بر زمان اولسه بیله مأیوسی ایجابی نهاییه سنی بکله دیکندن غایت کوچ نهایت  
بولور . قیامت کونی ایسه مدتنک اوزون اولسیله برابر کافرلر ، اعتقادلری نك خلافتیه بیک  
دورلویاس و فتور ایچنده بولونقلرندن آنلر ایچون او کونک نهاییه سنی کورمک غایت  
اوزاق اولاجقندن بودنیاده کچیردکلی وقتک آنلره نسبتله آزیجق بر زمان عدا اولوناجنی  
بیان اولونمشدر .



سورة عبس

مکه مکرمده نازل اولان سوره لر دندر . قره ایکی آیتی جامعدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ عَبَسَ وَتَوَلَّى \* أَنْ جَاءَهُ الْأَعْمَى ﴾

[ آنک یانه اعمانک کلسندن یوزینی اکشیتدی و دودوردی . ]  
یعنی ؛ اعمی اولان ( ابن ام مکتوم ) ک کلسندن رسول الله صلی الله تعالی علیه وسلم  
افدیمز یوزینی اکدی و اعمانک سوزینی دیکله مکدن اعراض ایتدی .  
فخر رازینک و خازنک و ابوالسعود افندینک بیانلری وجهله اعمی ایله مراد ؛ عبدا لله  
بنه ام مکتوم در که حضرت خدیجه رضی الله تعالی عنهانک دایسی اوغلیدر . رسول الله  
ایکینجی مؤذنی اولوب رسول الله غزایه تشریف بیوردیغده ایکی دفعه مدینه ده مقامه  
خلیفه اولارق ترک ایتمشدر و اول هجرت ایدن اصحاب کرام دندر . بر کون رسول الله  
قریشک بویوکلی ایله مباحثه و آنلری اسلامه دعوت ایله مشغول اولدینی بر زمانده بو ذات  
شریف حضور رسالته کله رک « یارسول الله ! اللهک سکا بیلدیردیکنی سن ده بکا بیلدیر »  
دیر و بوکلامنی تکرار تکرار اعاده و اصرار ایدر . آنجق رسول الله اهمی مهم اوزرینه  
ترجیح ایدرک قریشک صنادیدینی ایمانه دعوتده دوامله ( عبدالله بن ام مکتوم ) ک سوزینه  
جواب و یرمه دیکی کبی عبداللهک بو اصرارینی سومه دیکنی دخی یوزنده بیلدیردی و یوزینی  
چویردی . زیرا ؛ عبدالله اولجه اسلام اولمش و ضروریات دینییه سنی او کرشمش و کبار  
اصحاب صره سته کچمشدی . حالبوکه حضور رسالته بولونانلر هنوز اسلام اولمادقلرندن  
و اسلام اولدقلری صورتده برچوق کیمسه لرک اسلامده سبب اولاجقلرندن رسول الله  
آنلری دعوتی ابن مکتومه التفات اوزرینه ترجیح بیورمشدی . لکن بو ترجیحده  
زنکینلری فقرا اوزرینه تقدیم شایه سی اولدیغندن رسول الله دشمنلری طرفندن طعنه



بروسيله اتخاذايتمك احتمالنه بناءً جناب حق رسولنه بوآيتي انزال ايله هر حالده فقرايه كمال حرمت لازم واغنيا اوزرينه فقرايي ترجيح اهم اولديغني واووقته رسول الله عارض اولان حالي بيان بيورمشدر .

ابن ام مكتومك عماسي سبيله كمال شفقت وعطوفته محتاج اولديغنه اشارت ايچون اسم صريحي ترك اولونارق اعمي لفظيله ذكر اولونمشدر . كيشينك جاندين سوديكيني وسوني ولوسه فقير وعليل اولسون اغيار اوزرينه تقديم و ترجيح اولونمق لازم اولديغنه بو آيت دلالت ايدر ولوسه او اغيار اشرافدين واغنيان اولسون . شو حالده آيت جليله حسن آداب دلالت ايتديكي كي (ابن ام مكتوم) حضر تارينك عندالهيده بويوك برقدري اولديغنه دخي دلالت ايدر . بعض علمانك بياننه نظراً (ابن ام مكتوم) ك عماسي ذكرده حضور رسالته بولونان صناديد قريشه تعريض واردر . يعني ؛ «اي حبيم ! يانكده بولونان صناديدك هر نه قدر كوزلري وار ايسه ده آنجق آنلر حق كورمكدن محروملردر . اما ابن ام مكتومك هر نه قدر كوزنده عمي وارسه ده سنك احوالي نظر اعتباره آلوب نور بصيرتله حق كوردی و سنك نبوتكي تصديق ايتدی . بناءً عليه ؛ آنلردن ده ا زياده حرمته شاين » ديمكدر كه «كوزي اولوبده حق كورمه ينلر حق كورن اعمالردن ده ا كوتولر » ديمكدر .

..

واجب تعالى رسول اللهك حضورينه اعمي اولان ابن ام مكتوم كلديكنده التفات ايتمه ديكني بيانله التفاته شاين اولديغنه اشارت ايتدكدن صوكره عبدالله ابن ام مكتومك التفاته شاين اولديغنه سببي بيان ايتمك اوزره ﴿ وَمَا يُذْرِيكَ لَعَلَّهٗ يَزَكِّيْكَ ﴾ اَوْ يَذَّكَّرُ فَتَنْفَعَهُ الذِّكْرُ ﴾ بيورسيور .

[ يا اكرم الرسل ! هانكي شي سكا او اعمانك حالي وقابني بيلديردی كه التفات ايتمه دك . مأمول كه او اعمي كنهلردن تمیزله نير پاك اولور وسندن او كره نديكي مسائل دينيه ايله عمل ايدر و آنكه تطهر ايدر و يا خود او اعمي سندن وعظ ايشيتير و ايشيتديكي وعظ آكا منفعت ويرر . ] بناءً عليه ؛ سن آكا التفات ايتلي ايدك . چونكه ؛ التفات ايتديكك

جهله كفره ، سنك نصيحتكي ايشيتسه لر دخي قبول ايتمه دكردن وعظك آنلره منفعت ويرر . شو حالده اعمايه التفات و آنلر اوزرينه اعمايي ترجيح اولي ایدی .

ابو السعود افدينك بياني وجهله بوآيته ( لعل ) كلسندن مستفاد اولان ره ابرار رسول الله عاندر . يعني ؛ «اي حبيم ! سنك وعظك آكا منفعت ويرمكه آنك نفسي پا كله مسي مأمولدر . معصيتدن قاچينمق و عبادته دوامله نفسي تطهيراتمك مأمول اولديغنه التفات لازم اولونجه تطهيري مقطوع اولديغنه التفاته شاين اولاجني اولويتله ثابتدر » ديمكه اشارت ايچون ره ايه دلالت ايدن ( لعل ) كلمه سي وارد اولمشدر .

بوآيته اسناذه لايق اولان تعليم ؛ علمله تليذك تزكيه سني قصد ايتمه سنه وتليذكده تعلم ايله نفسي تطهير قصد ايتمك لازم اولديغنه اشارت واردر . بناءً عليه ؛ معلم ومتعلم هرايكيسنك ده علمله نفسلريني تطهير قصد ايتلري الزمدر و اولجه ايمان ايدن مؤمنلر ك نقصاتي اكمل ايله آنلر ك ايمانلريني تقويه وتحكيم ايتمك يكيدين اسلامه داخل اولاجقلر ك اسباب دخوللريني آرامقندن ده ا مهم اولديغنه آيته دلالت و اشارت واردر . چونكه ؛ ابن ام مكتوم اسلام اولديني حالده رسول اللهدن بيلمه ديكني او كرتمك قصديله كمش و صناديد قريش ايسه اسلامه داخل اوللري ايچون رسول الله دعوت بيورديني حالده جناب حق قريشي دعوتله مشغول اولمق اوزرينه اعمايه التفاتي و آنك نقصاتي اكلي ترجيح بيورمشدر .

..

واجب تعالى صناديد قريشك وابن ام مكتومك حالرينه اجمالاً اشارتدن صوكره هر برلرينك حاللريني آري آري برر مقدار تفصيل ايتمك اوزره ﴿ اَمَّا مَنْ اسْتَعْتٰ ۖ فَاَنْتَ لَهُ اَصْدٰى ۖ وَمَا عَلَيْكَ اَلَّا يَزَكِّيْكَ ۖ وَاَمَّا مَنْ جَاءَكَ يَسْعٰى ۖ وَهُوَ يَخْشٰى ۖ فَاَنْتَ عَنْهُ تَلَهٰى ۖ ﴾ بيورسيور .

[ اما شول كيمسه كه مالي و ثروتي سبيله ايماندين استغنا ايتدی . آنك استغناسي اوزرينه سن آكا ايمان ايتمسي توصيه به باشلامشك . حالو كه آنك ايمان ايتمه يوب تطهر ايتمه مسندن سكا بر ضرر يوقدر و اما شول كيمسه لر كه خيره سكيرتير واللهك غضبندين قورقار اولديني



حاله اللهدن هدايت وسندن ارشاد ايسته مك اوزرينه سكا كلديكنده سن آندن اعراض  
ايتدك، ديكرلريله مشغول اولدك . [

يعني ؛ اي رسول مكرم ! الله وامرينه وسنك وعظكه احتياجي اولماديغي كوسترن  
ودنياسنه مغرور اولان صنايده ماللري واعتبارلري اسلامك قوتنه سبب اولور ظنيله سن  
آنلره التفات ايتدك . حالبوكه آنلرك ايمان ايتلريني سن نه قدر آرزو ايتسهك آنلر بيلدكلرندن  
دونغز و ايمان ايتزلر . چونكه ؛ سنك سوزيكي درون قلوبيله ديكله مزلر . حالبوكه آنلرك ايمان  
ايتمه ملرنده سكا بر ضرر يوقدر . زيرا سنك اوزريكه واجب اولان ؛ بنم امرمي آنلره  
تبليغ ايتمكدرد . شووظيفه يي رينه كتي ردكن صوكره دعوته اجابت ايدوب منفعت  
كورمك واجابت ايتميبوب مضرت بولمق آنلره عانددرد . شو حالده آنلرك ايمانلرينه كمال  
آرزو ايله التفات ايدوب ابن ام مكتومه التفاتي ترك ايتمكي اجاب ايدر بر حال يوقدر . اما  
شول كيمسه كه اللهدن قورقار و عبادته سعي ايدر اولديغي حالده سكا كلدي ، سن آندن  
اعراض ايتدك ، ديكرلريله وعظله مشغول اولدك . حالبوكه حقه طالب اولان كيمسه نك  
ايسته ديكني رينه كترمك ايسته مه ينلره سوز سويله مكدن دها ايدر . چونكه ؛ طالب  
سويله ين سوزك قدريني بيلير و طالب اولمايانلره نه قدر نصيحت اولسه قدريني بيلمز .

..

واجب تعالى صنايد قريشك وابن ام مكتومك حاللريني و رسول اللهك صنايده  
التفاتي بياندن صوكره صنايدك التفاته شايان اولمادقلريني بيان ايتك اوزره  
﴿ كَلَّا إِنَّهَا تَذْكِرَةٌ ۖ فَمِنْ شَاءَ ذِكْرَةٌ ۖ فِي صُحُفٍ مُّكْرَمَةٍ ۖ مَرْفُوعَةٍ مُّطَهَّرَةٍ ۖ  
بِأَيْدِي سَفَرَةٍ ۖ كِرَامٍ بَرَرَةٍ ﴾ بيوريور .

[ آنلر سنك ظنك كي نصيحت ديكلر دكلردرد و نصيحت ديكله مك ايجون كن  
كيمسه يه التفات ايتمه مك ده موافق دكلدر . زيرا ؛ قرآنك آيتلري و اوآيتلر واسطه سيله  
دعوتك بر موعظه عظيمه در . ايسته ين اوموعظه ايله متنصح اولور : ابن ام مكتوم كي  
واما صنايد كي ايسته مه ينلر متنصح اولماز . شو حالده سنك آنلرك ايمانلريني آرزو ايتمكدنه

برفانده يوقدر . چونكه ؛ كنديلري ايسته مه يورلر . سنك آنلره سويله مش اولديغك موعظه  
ايسه عندالله مكرم وقدری بوجه وعيدين باك و طاهر و شيطانلرك آللري دكمكدن محفوظ  
اولان كتابلرده ثابتدر كه اوكتابلر ملكلرك آللرنده يازلمش خطاسي يوقدر . چونكه ؛  
اوملكلر عندالله عزيز و مكرم اولدقلري كي اهل ايمانه اكرام و ايبلك ايديجيدرلر . [  
شو حالده كافرلر آني آكلامق و ايمان ايتك ايسته مه لر در حال آكلار و ايمان ايدرلر .  
زيرا ؛ آچيق بر يولدر و او يوله كينمكدنه بر مانع ده يوقدر .

فخر رازينك بياني وجهله واجب تعالى قرآني ايكی مهربند توصيف بيوردي :  
برنجيسي ؛ موعظه بليغ اولسي ، ايكنجيسي ؛ ايسته مه اوموعظه ايله منقظ اولميدر .  
زيرا اوموعظه ؛ آچيق و ظاهر اولوب مغلقي هيچ بر مسئله سي يوقدر . بناء عليه ؛ مراد  
ايدن در حال آكلار مشكلات چكمز . ملكلري ده اوج صفتد توصيف بيورمشر :  
برنجيسي ؛ سفره اولميدر يعني موعظلي يازميدر و الله تعالى ايله اديا آره مندره سفيرلر  
ديمكدرد . چونكه سفره ؛ سافردن آلنورسه يازميسي و سفيردن آلنورسه ايلجي معناسنه در .  
ايكنجيسي ؛ كرام اولميدر . چونكه ؛ ملكلر عندالله مكرم اولدقلري كي بني آدمه  
استغفار ايتمكه اكرام ايديجيلردرد . اوچنجيسي ؛ برره اولميدر كه الله تعالى به اطاعت  
ومؤمنلره ايبلك ابرميدرد .

..

واجب تعالى قرآنك آيتلرينك موعظه بليغ اولديغي بياندن صوكره اوموعظه يي قبول  
ايتمينجه انسانلرك حاللري تعجبه شايان اولديغي بيانله ذم ايتك اوزره ﴿ قُلِّلَ الْإِنْسَانُ  
مَا أَكْفَرَهُ ﴾ بيوريور .

[ اهلاك اولونسون و انسان كه نه عجائب كفر ايديور ؟ ]

يعني ؛ لعنت اولسون و اولديرلسون و انسان كافر كه شيلردن هانكي شي آنك  
كفرينه و اطاعت الهيه دن اعراضنه سبب اولدي . حالبوكه و انسان اللهك آيتلريني ايشيتيور



وعلامتیرنی کوریور و رسولی طریق حقه ارشاد ایدیور و چوق لطفلرینی و نعمتیرینی بیلور. بونلرک جمله سی ایمان ایجاب ایدرکن بالعکس بونلرک کفرلری تعجب شانندن اولان کیمسه لر ایچون تعجب ایتمکه شایاندر.

بوآیتده (ما ا کفره) کلمه سندن مستفاد اولان تعجب اسلوب عرب اوزره وارد اولمشدر و بو تعجب انسانده عامدر. چونکه ؛ واجب تعالی دن حقیقی تعجب تصور اولونماز. زیرا تعجب ؛ بهیئتیکه بیلیمه کیمسه لرده تصور اولونور. واجب تعالی ایسه هر شیئی بیلدیکه ایچون تعجب تصور اولونماز. بناء علیه ؛ قرآنده وارد اولان تعجب کلمه سی انسانلری نفعیه سوره ایچوندر.

( قتل الانسان ) انسانک علیه دعاء و بودعا غایت اشغدر. چونکه ؛ انسانک قتل اولونمسی دنیاده ک شدتلی برعقوبتدر. آیت ؛ انواع قبایح و منکراتی ارتکاب ایتدکلرندن انواع عذابک ال بویوکنه مستحق اولدقلرینه و کمال غضب الهیهی جالب اولان کفران نعمته بولوندقلرینه دلالت ایدر. دعاء عاجز اولان انسانلر لایق اولدینی حالده قادر و قیوم اولان جناب حق دن دعاء کلدر. بناء علیه معنای نظم : [ کافر انسانلر هلاک اولسون . حقیقته واجب تعالی دن دعاء کلدر . بناء علیه معنای نظم : [ کافر انسانلر هلاک اولسون . ای مؤمنلر ! سز بونلرک حاللرندن تعجب و قتل اولونملرله دعا ایدک . زیرا ؛ آنلر بو قدر نعم الهیه غرق اولمش و هر شی آجیق دلیللرله اثبات اولونمش ایکن بونلرک کفرلری تعجبیدن باشقه بر شینه دکر ] دیمکدرکه بوآیت غایت قیسه اولقله برابر کافرلر اوزرینه غضب عظیم و ذم بلیقه دلالت ایدر .

واجب تعالی کافر اولان انسانک هلاک مستحق اولدیفنی بیاندن صوکره او تکبرله کفر ایدن انسانی تحقیری تقریر و تثبیت ایتک اوزره ( مِنْ اَيِّ شَيْءٍ خَلَقَهُ ) بیوریور. [ هانکی شیدن یاراتدی الله تعالی او انسانی که تکبر ایدرک کفران نعمته بولونوب ربنه قارشنی حدی بیلمه یور. ] حالبو که خلق اولوندیفنی ماده اصلیه سی دوشونسه کفر

ایتمز . بو مقامده کرک ای کلمه سیله سوال ، کرکسه شی کلمه سیله نفعیه اولسوره کفران نعمت ایدن انسانی تحقیر ایچوندر .

واجب تعالی شوسئواله جواب اولق اوزره ( مِنْ نُطْفَةٍ خَلَقَهُ فَقَدَرَهُ ) ثُمَّ السَّبِيلَ یَسَّرَهُ ) بیوریور .

[ الله تعالی انسانی منی کی غایت حقیر بر صودن یاراتدی و اعضا لری و والده سنک رحمده تسویه و تقدیر ایتدی و بوندن صوکره آناسنک رحمندن چیقاجق یولنی قولای قیلدی . ] یعنی ؛ الله تعالی هانکی شیدن یاراتدی ؛ سؤالنه جواب اولارق بیوریورکه الله تعالی انسانی حقیر و ذلیل اولان برداملا منیدن یاراتدی . بونک اوزرینه جمله عضوی و اشکالی و آلاتی و هیکلنی تسویه بیوردی . حتی اعضالر آره سنده زیاده و نقصان اولادینی کی او انسانک هر عضوی کندی مصلحته موافق و احتیاجنی دفعه صالح و ارککلک و دیشیک کی هر دورلو لوازماتی تقدیر ایتدی و والده سنک رحمده لازم اولان تربیه و نشوونما سنی و بردکن صوکره رحمندن دنیا به چیقاجق یولنی قولای قیلدی . چونکه ؛ رحک آخری قبالی ایکن آجدی ، باشی یوقارده ایکن اشاغی دونمکی الهام ایتدی و دوندوردی و اوقدر دار بر محلدن حیاته ضرر کلمه کسزین یول و یردی ، چیقاردی ، بویوندی و صوکره انبیاء کرام و کتابلری واسطه سیله خیر و شر یوللرینی او کرتدی . شو تعداد اولونان نعمتلرک جمله سنه شکر ایتک ایجاب ایدرکن کفر ایدن انسانک حالنه تعجبیدن باشقه نه اولور و بدایه سنده بویله حقیر بر منیدن اولدیفنی حالده کندینه شو کوردیکی صورت عجیه و کسوه غریبه سی کییدرن منعمه قارشنی تکبر و تحجیر ایدن انسان حدی بیلمه دیکندن طولای لعنله دعا و مضرت استحقاقنی بیاندن باشقه نه اولابیلر ؛ بناء علیه ( قتل الانسان ) جمله مجمله سی ایله علیه بددعا اولونارق شدتله غضب الهی به مستحق اولدیفنی بیان اولونمشدر .

واجب تعالی انسانک بدایه سنده خلقی نعمت اولدیفنی بیاندن صوکره اولومک و قبره



دفن اولونما سنك ده نعمت اولديغنی بیان ایتک اوزره ﴿ثُمَّ اَمَاتَهُ فَاَقْبَرَہُ﴾ ثُمَّ اِذَا شَاءَ  
النَّشْرَہُ ﴿بیوریور .

[صوکره الله تعالى انسانی اولدورور و قبرینه دفن ایتدیرر و بوندن صوکره دیله دیکی  
وقت قبرندن قالدیرر]

یعنی ؛ الله تعالى انسانی خلق ایدوب مکلف قیلوب دنیا ده نعمت و یرد کدن صوکره  
او انسانی اولدورور و اولدورمک ده انسان ایچون جناب حق بر نعمتیدر . زیرا اولوم ؛  
حیات ابدیه اولاشمه سنه سبب وارذل عمر دن وقایه و دار محمتدن خلاص و دار سرور  
و راحت و وصولته واسطه در . بناء علیه اولوم ؛ انسان ایچون پک بویوک بر نعمتدر . صوکره  
جناب حق انسانی قبره دفن اولونمسی ؛ انسان ایچون شکرانه شایان بر نعمتدر . قبره دفن  
بر اقلما یوب طو پراقله ستر اولونمسی ؛ انسان ایچون شکرانه شایان بر نعمتدر . قبره دفن  
اولوندیغندن صوکره الله تعالى انسانی ایسته دیکی و قتده دیرلیر قبرندن قالدیرر محاسبه سنی  
کورور و عملنه کوره جزاسنی ویرر . اعمال خیریه سنی ضایع ایتیه یوب کوزل جزا و یرمک  
انسان ایچون شایان شکران بر نعمت عظمی اولدیغندن واجب تعالی انسانه ویرمش اولدیغنی  
نعمتله صره سنده تعداد بیورمشددر .

\*\*

واجب تعالی شو نعمتله قارشنی انسانک بولوندیغنی حالک لایق اولمادیغنی بیان ایتک  
اوزره ﴿كَلَّا لَمَّا يَقْضِ مَا اَمْرُہُ﴾ بیوریور .

[انسانک تکبری و کفر اوزره اصراری لایق دکل و توحیدی و حشر و نشری  
انکاری مناسب دکلدر . زیرا ؛ او انسان اللهک امر ایتدیکی شیئی ایشله مه دی .]  
یعنی ؛ حقا که او انسان اللهک امر ایتدیکی وجه اوزره عملی قضا ایتمه دی . بناء علیه ؛  
انسانک بولوندیغنی حال انسانه لایق دکلدر . چونکه ؛ دور آدمدنبری انسان هیچ بر زمان  
اللهک آکا امر ایتدیکی شیئی لایق قضا ایتمه دی . شو قدر که انساندن بعضیلری توبه و استغفار

ایتمکله جبر مافات ایتدیلر و رضاء باری به نائل اولدیلر و بعضیلری ده اولدیغنی حالده اصرار  
اوزره کیتدیلر آنلرده غضب الهی به دوچار اولدیلر .

\*\*

واجب تعالی انسانک کندی نفسنده وحدانیتنه دلالت ایدن دلیللری بیاندن صوکره  
انسانک خارجنده و اطراف طلده وحدانیتنه دلالت ایدن دلیللری بیان ایتک اوزره  
﴿فَلْيَنْظُرِ الْاِنْسَانُ اِلٰی طَعَامِہُ﴾ اَنَا صَبَبْنَا الْمَاءَ صَبًّا ﴿ثُمَّ شَفَقْنَا الْاَرْضَ شَفًّا﴾  
بیوریور .

[انسان کندی طعامنه نظر ایتسون و باقسون . زیرا ؛ سمان صوبی دوکمه دوکدک ،  
بوندن صوکره ارضی اوت و اکیکن بیتک ایچون یارمقله یاردق .]  
یعنی ؛ انسان ییدیکی طعامه نظر عبرتله باقسون که او طعامک یارادیلشنده نه قدر  
عجیب و غریب صنعتلر واردر . بونلرک هر بر ذره سی واجب تعالی نک وحدانیتنه دلالت  
ایتدیگندن کفردن و از کچمکله جناب حقه اطاعت ایتسون . زیرا ؛ او طعام آنک کندی  
لیاقتله ویرلیور ، بلکه جانب الهیدن لطف و احسان اولارک ویرلیور که او طعامی  
یمکله حیاتی محافظه ایتسون و بدنی قوت بولسون و عبادته دوامله رضاء الهی به نائل  
اولسونده غضب الهیدن قور تولسون ایچون کندینه احسان اولونیور . بونلری کالیه  
تفکر ایتک و دوشونمک لازمدر . چونکه ؛ بز یوقدن سمان یا غمور صولرینی کال شدتله  
دوکر کی جه سنه دوکرز ویر یوزینی یارار کی جه سنه یارارز و اوتلری و اکیکلری بیتیرر  
انسانه طعام قیلارز که او انسان بونلره باقارق انصافله ایمان ایتسون .

فخر رازینک بیانی وجهله سمان صوبک دوکولسی و ارضک یارلمسی سمانک ارکک  
وارضک دیشی مثابه سنده اولدیغنه اشارت ایچونددر . بو آیتده و بوندن صوکره کی آیتلرده  
بیان اولونان دلائل انسانک حدوشتدن صوکره حیاته خادم اولان شیلردر که انسانک  
هر ساعته کوردیکی و بیلدیکی شیلردر و بناء علیه ؛ انکاره مجالی یوقدر . شو حالده  
ایمان ایتک لازمدر که اعتداری قبول اولونماز .

\*\*



واجب تعالی انسانك طعامك كيف خلقته ویا رادیلشده حاضر لانان اسباب غریبه دن  
یا غمور صولرینك دو كولسنه ویرلرك یارلسنه اشارتدن صوكره اوصولر سببیه یردن حاصل  
اولان سكرنوع نعمتلری بیان ایتك اوزره ﴿ فَأَنْبَتْنَا فِيهَا حَبًّا \* وَعِنَبًا وَقَضْبًا \*  
وَزَيْتُونًا وَنَخْلًا \* وَحَدَائِقَ غُلْبًا \* وَفَاكِهَةً وَأَبًّا \* مَتَاعًا لَّكُمْ وَلِأَنْعَامِكُمْ ﴾

بیوریور .

[ یرلرك یارلسی اوزرینه بز عظیم الشان سزه و حیوانلریكزه منفعت اولسون ایچون  
اوارضده بغدادی وارپه وسائر کبی دانهلری و یاش وقوری اوزوم وزیتون وخرمادانهلری  
وصیق آغاجلی باغچهلری و انواع میوهلری و حیواناتکیزک بیه جکی مرعاده بیتن اولتری  
بیتردك که بونلره تلذذ ایدرهك منفعتله سکز و امرا حیات ایده سکز . ]

( قضاً ) میوهلرك باشه دنیلدیکی کبی بونجه و ره و مایه و نوس اولتری کبی سنده بر  
قاج دفعه بیملوب انسانك و میوهلرك انتفاع ایتدیکی نعمتله دخی دینور . فخر رازینك  
بیانی وجهله ( وفا کیه ) لفظك اوزوم وسائر ذکر اولونان نعمتلر اوزرینه عطف  
اولونسی فاکیه ایله مرادك آنلك غیری اولاره میوهلر اولسنه دلالت ایدره . زیرامعطوفك  
معطوف علیه مغایر اولسی ؛ قواعد عربیه اقتضاسنددر . بناء علیه فاکیه ؛ دنیا بوزمه  
موجود اولاره میوهلرك محمد ستمامل اولدیغی مهترده بوآیتده بالعموم میوهلر ذکر اولونمشدر .  
بو نعمتلری ذ کردن مقصد ؛ واجب تعالی نك وجودینه و وحدانیته دلالت ایدن  
دلیللری بیان و اولد کدن صوكره دیرلتمک قدرتك شمولی انسانك بیلمسيله دوشونسون  
وصانعی بیلسون و تمرددن و از کچسون و کبر و عنادینی ترك ایتسونده عجزینی بیلسون و انصاف  
ایدرك ایمان ایتسون دیمکدر .

..

واجب تعالی قدرت قامر سته دلالت ایدن دلیللری بیاندن صوكره قیامت و احوال  
آخرتی بیان ایتك اوزره ﴿ فَإِذَا جَاءَتِ الصَّاحَّةُ \* يَوْمَ يَفِرُّ الْمَرْءُ مِنْ أَخِيهِ \*  
وَأُمِّهِ وَأَبِيهِ \* وَصَاحِبَتِهِ وَبَنِيهِ ﴾ بیوریور .

[ اسرافيلك صوره ایکنجی دفعه اوفور مسيله حاصل اولان صیحه قیامت کلدیکنده  
حال مشکل اولور . زیرا ؛ اوصدایی ایشیدنجه هر کس کندی دردیه مشغول اولدیغندن  
هیچ برکیمسك دیگرینه یارديم ایتکه محالی اولماز که او کونده کیشی کندی برادرندن  
و آناسندن و باباسندن و قیمتی خاتونندن و اوغلانلرندن قاجار ، آنلك هیچ برینه باقمه  
وقت اولماز . ]

فخر رازینك و ابوالسعود افندینك بیانلری وجهله صحیح ؛ شمنه قولاغه یاربهر  
معناسته اولوب صورك صداسی شمنه انسانك قولاغه درده بقمده او صمیه صاخه  
دنیلدشدر .

بوآیتده اشاعیدن یوقاری به کیمك واردر . یعنی انسان قیامتک شدتی کورونجه  
دنیا ده کندینه معین و یار دیمجی اولان سوکیلی قرداشندن فرار ایدر ، بلکه قرداشی  
شویله طورسون قرداشندن دها سوکیلی دنیا ده بوتون وقوعانلرده قوجاغنه صوقولدیغی  
و انواع شفقتی کوردیکی والده سندن بیله قاجار . والده سی شویله طورسون دها سوکیلی  
و انواع نعمتیه پرورده اولوب وجودیه افتخار ایتدیکی پدرندن بیله فرار ایدر . باباسی  
شویله طورسون کندی حرمی که دنیا ده آکا جمله اقرباسندن زیاده محبت ایدردی ، آندن  
بیله فرار ایدر . حرمی شویله طورسون اوغللرندن که آنلك محبتی دنیا ده هر کسندن  
زیاده ایدی ، آنلردن ده فرار ایدر . چونکه ؛ بیلور که آنلك هیچ برندن فائده یوقدر .  
یا غمور بونلردن فرارینك سببی ؛ آنلر حقارنده واقع اولان قصورلرندن طولاییدر . زیرا ؛  
آنلك هر برینك حقنی ایسته مک قورقوسی واردر . چونکه ؛ قرداشی « بنله کوزل  
انسیت ایتهدك » ، آناسی و باباسی « بزم حقوقزه رعایت ایتهدك » و خاتونی « بکا حرام لقمه  
بییدردك و حقوق زوجیه می یرینه کتیرمه دك » و اوغللاری « بزی او قوتوب ارشاد ایتهدك »  
دیهرك هر کس حقنی ایسته مکدن کیری طور میه جغنی بیلدیکندن فراره مجبور اولور که  
« الخائن خائف = خائن اولان قورقاق اولور » فحوا سنجه دنیا ده آخرك حقوقه خیانت  
ایدن البته آخرتده قاجیجی اولور .

بوآیتده انسانك یوم قیامتده جمله اقرباسندن فرار ایده جکینی بیان ، شفاعته دلالت  
ایدن آیتله منافی دکلدر . چونکه ؛ فرارك موقعی باشقه ، شفاعتك موقعی وزمانی ینه



باشقەدر . زىرا بو آيتەد بىيان اولوندىنى وجهە فرارك زمانى ؛ صور اوفورولوب  
هر كس يكي حيات بولدىنى زماندر . اما شفاعتك زمانى ايسه هر كس محشره جمع اولوب  
محاسه كورولدىكى زماندر . بناء عليه ؛ آيتلر آره سنده منافات و تناقض يوقدر .

واجب تعالی قیامتده هر کسک سودیکی کیمسه لردن فرار ایده جگنی بیاندن صوکره  
فرار کسبئی بیان ایتمک اوزره ﴿لِكُلِّ اَصْرٍ مِنْهُمْ يَوْمَئِذٍ شَأْنٌ يُغْنِيهِ﴾ بیوریور.  
[ آنلردن هر بر کیشی ایچون شغل اولور که او کونده هر کسک شغلی کندینه  
کفایت ادر . ]

یعنی ؛ آنردن هر بری دیگرندن فرار ایدر . زیرا ؛ آنردن هر کسک کنبدینه کوره شغلی اولور که اوشغل کنبدینه بتر . بناء علیه ؛ غیرک شغلنه باقغه وقتی اولاماز که غیرک حالی بیلسون ویا سئوال ایتسون .

فخر رازینک بیانی وجهله ( یعنی ) ( یصرفه و یصدہ عن قرابتہ ) یعنی « او کونده هر کسک مشغله سی قرابتک حالی سئوال اتمکدن منع ایدر » دیمکدر .

واجب تعالیٰ یوم قیامتک بعض احوالی بیاندن سوکره مکلف اولان انسانلرک ایکی  
قسم اوزره اولدقلرینی بیان ایتک اوزره ﴿وَجُوهٌ یَّوْمَئِذٍ مُّسْفِرَةٌ ۖ ضَاحِكَةٌ  
مُّسْتَبْشِرَةٌ ۖ وَوُجُوهٌ یَّوْمَئِذٍ عَلَانٌۭا غَیْرَةٌ ۖ تَرَهَّقُهَا قَتَرَةٌ﴾ بیوریور .

[ بر چوق يوزلر او كونده نور ايمانك ضيايله پارلاقدر وحسابدن سلامت چيقديني  
ايچون كوليجيدرواللهك رضاسنه وكرامات ودرجات عالياته نائل اولديغندن فرحلا نجيدير. ]  
فخر رازينك بياني وجهله يوزلرنده اولان ضيانك نهجه نمازينك اثرى اولمدينى  
ابن عباس حضرتلردن مرويدر . ياخود ابرستك اثره . ياخود في سبيل الله غزاسى  
سبيله يوزلر نه عارصه اولاره فوز و طوران مقابلنده هباب مه يوم قيامته يوزلر نه

نور لامبره بقمرد. [و بر چوق يوزلرك اوكونده اوزرلرنده توز و طوبراق اولور و اويوزلري اينجه توزلر احاطه ايدر. بناء عليه؛ يوزلري قارائلق و ظلمتلى اولور.] زيرا؛ دنيا ده ارتكاب ايتدكلري كفر ك سياهى يوزلرنده ظهور ايتمكله چهره لري چيركين اولور كه ايشله مش اولدقلى كناهلرك ايجابى دوچار اولاجقلى عذابى بيلدكلرندن همان هر طرفلرينى كدر احاطه ايدر و بوكدر ك اثرى باشليجه يوزلرنده كوريله چكى ايچون يوزلري ذكر اولونمشدر. بناء عليه؛ بومثللو كيمسه لر غايت حقير و ذليل كورينورلر.

﴿ أُولَئِكَ هُمُ الْكَافِرَةُ الْفَجَرَةُ ﴾

[ ایسته شو یوزلرینی کدر ظلمتلی احاطه ایدن کیمسه لر کفره فجره درلر . ]  
زیرا؛ آنلر قوای بهیمیه وشوانیه لرینه تابع اولدقلری ایچون درکات جهنمه دوچار اولان،  
بوزلری سیاه اشقیا کافرلر وفاجرلر در .

فخر رازينك بيانى وجهله انسانلرك ايكي فرقه اولدينى بوآيتده بيان اولونمسي كناه  
كيره صاحبنك كافر اولمسه دلالت ايتمز . زيرا ؛ بوآيتده ايكي فرقهك بيان اولونمىندن  
اوچنچي برفرقه كه مؤمن فاسقك بولونماسه برمانع يوقدر . چونكه برنجي فرقه ؛ غايت  
بشوش اولان مؤمن كاملدر . ايكنچي فرقه ؛ غايت ذليل وحقير ومذلت هرطرفنى احاطه  
ايتش اولان كافر در . بوايكي سنىك آرمى سنده برفرقه ده اواردر كه آنلرك يوزلرى نه غايت  
بشوش ونده آنلر غايت ذليلدر در كه ايشته آنلرمؤمن فاسقلر در . بناء عليه ؛ مؤمن فاسقلر  
كناهي مقدارى عذاب اولوندىقدن صوكره اهل جنتدر .





سورة تکویر

مکه مکرمه نازل اولان سوره لر دندر . بکرمی طغور آتی حاویدر

بِسْمِ اللَّهِ الرَّحْمَنِ الرَّحِيمِ

﴿ إِذَا الشَّمْسُ كُوِّرَتْ \* وَإِذَا النُّجُومُ انْكَدَرَتْ \*

[ کونش دورولوب اورته دن قالدیغنده و ضیائی زائل اولوب کیندیکنده و ییلدیزلر بر یوزینه دو کولدیکنده هر نفس آخرت ایچون حاضر لادیغنی بیلیر . ]  
یعنی ؛ شمسک ضیائی سونوب کندی مرکزندن چیقوب و سمان صیریلوب قات قات پارچه لری دورولدیکی و ییلدیزلر لرلندن قوپوب یا غمور دانه لری کبی یره دو کولدیکی وقت هر شخص قیامت ایچون حاضر لادیغنی عملی بیلیر . چونکه ؛ اوزمان هر شی میدانه چیقار صاقلی برشی قالماز .

فخر رازینک بیانی وجهله قیامته یر و کوکارب یقیلوب بر برینه قاریشنجه هیچ بر شیک دیکرینه ربطی قالمادیغندن انتظامی بوزولوب هر بری بر یره چار یلوب دو کوله جکی ضروری بر شیدر .

﴿ وَإِذَا الْجِبَالُ سُيِّرَتْ \* وَإِذَا الْعِشَارُ عُطِّلَتْ \* وَإِذَا الْوُحُوشُ حُشِرَتْ \* وَإِذَا الْبِحَارُ سُجِّرَتْ \*

[ طغالر لرلندن قوپاریلوب هواده کز مکه باش لادیغنی وتوز وقوم حالنه کلوب صاورولدیغنی زمان و اون آیلق بود لایحی دوه لره باقان اولما یوب مهمل و معطل صاحبسر قالدیغنی وقت و حیوانات وحشیه او کونک دهشتندن بر آریه طوپار لاندیغنی زمان و دکنزل قاینادیلوب یانار آتش اولدیغنی وقت هر نفس قیامت ایچون نه کبی عمل ایشله دیکنی و نه حاضر لادیغنی بیلیر . ]

فخر رازینک و ابوالسعود افندیگ بیانلری وجهله طغالرک سیرری ؛ بر نه قوپار لمبیر . عشر ؛ قارنده یاربسی اونه آیلق اولانه دوه در . بومقامده عشارک ذکری ؛ عربک الک قیمتلی مالی اولدیغنی حالده او کونده هر کس کندی نفسیله او غراشوب یوزینه باقان و صاحب چیقان اولمادیغنی بیانه او کونک شدنه اشارت ایچوندر . وحوش ایله مراد ؛ قوشلر و قورتلر و بالعموم حیوانلر که او کونک شدندن هر بری یکدیگرینه اشیرکنمک صورتیله اطراف عالمدن بر آریه طوپار نورلر . دکنزلرک تسجیری ؛ او کونک دهشتنده قاینا یوب آنسه کبی اولسی و یاخود بر برینه قاریشوب هینک بر دکنز اولسی و یاخود او کونک حرارتنه صولربک آنسه اولوب بر دامو بد صولری قالماسبیر .  
شو آلتی علامت دنیانک اول تخریب اولوندیغنی زمانده اولق احتمالی اولدیغنی کبی قیامتک قیامندن صوکره اولق احتمالی ده واردر . زیرا ؛ لفظ آیتده بو ایکی احتمالدن بر یسفی تعیننه دلالت یوقدر . فقط بو آلتینک مکانی بو دنیاده در . بوندن صوکره ذکر اولونا جق آلتینک موقعی آخرتدر .

﴿ وَإِذَا النُّفُوسُ زُوِّجَتْ \* وَإِذَا الْمَوْءُودَةُ سُئِلَتْ \* بِأَيِّ ذَنْبٍ قُتِلَتْ \* وَإِذَا الصُّحُفُ نُشِرَتْ \* وَإِذَا السَّمَاءُ كُشِطَتْ \* وَإِذَا الْجَحِيمُ سُعِّرَتْ \* وَإِذَا الْجَنَّةُ أُزْلِفَتْ \* عَلِمَتْ نَفْسٌ مَا أُخْضِرَتْ \*

[ نفسلر بر بریله برلشدیکنده یعنی مؤمن مؤمن ایله جنته و کافر کافر ایله جهنمه کیروب هر کس کندی امثالیه برلشدیکی و قتده و دیری اولارق قبره دفن اولونان قیز چوجقلربک اتلا فندن سوال اولونوب هانکی کاه سببیه اولدورلدی « دنیلدیکنده و دنیاده انسانلرک عمللری حفظه ملاکربک یازمش اولدیغنی عمل دفترلری طغالیدیغنی و قتده و کوکالرک رنکی صویولوب قیرمزی بر جسم قالدیغنده و یاخود لرلندن سو کولوب محل آخره پارچه پارچه آتیلدیغنده و جهنم شدنه علوه ندرلدیکنده و جنت مؤمنلره یا قلاشدرلدیغنی و قتده هر نفس او کون ایچون حاضر لادیغنی خطابی و صوابی و هر دورلو عملی بیلیر . ]



یعنی؛ شو بیان اولونان وقوعات وقوعه کلدیکی وقت هر نفس آخرت ایچون حاضرلادیفی ای وکوتو عملی بیلیر. زیرا اوزمان؛ محاسبه زمانی اولدیغی ایچون هرشی میدان چیقار. دفترل اورتیه اتیلور و صاقلی برشی قالمالز واصحاب حقوق حقنی ایستر. جناب حق مغفرت ایتمه کجه هر کس کنهای مقداری عذاب کورور و جزاسنی بولور. فخر رازینک بیانی وجهله مؤؤوده؛ زمانه ماهلهده عربله عادتله و بهرله بری اولدیغی مالده فقر و ضرورت قورقوسنده و یاخورد بوبودیکنده آخره و برسنی عیب صاب قلمنده طوبراغه کومدکلی قیزیمو قلمبر. چونکه؛ قیزچو جوغی دنیایه کنگجه آنلر سومزلردی. بناء علیه؛ حیاته قالمسنی ایستلرله آکا یوگدن ویا قیلدن بر البسه کیدیرلر طاغده دوه و قویون کوتدیرلردی واکر اولدورمک ایستلرله بوی آلتی قاریش اولونجهیه قدر طوردیرلر بوی آلتی قاریش اولونجه طاعده بر قویو قازار حاضرلارلر و جوجنی والدیه سنه ترین ایتدیرلر و اقرباسنه کیده جک کی خانه سندن چوجنی آلیر کوتورورلر و قویونک باشنه وارنجه چوجوغه «قویویه باق» دییوب باقنجه آرقه سندن قویویه آتارلر و اوزرینی طوبراغله اورتیر اراقیر کلیرلر و «ملائکه اللهک قیزلیدر بونلرده ملکله قاریشیر» اعتقادنده بولونورلردی. ایشته یوم قیامتده بومثللو دیری اولارق طوبراغه کومولمکله اولدیریلن چوجقارک هانکی کناهلری سیبیلله اولدورلدکلی سئوال اولوناجغنی جناب حق بویته بیان بیورمشدر.

..

واجب تعالی قیامتک احوالی بیاندن سوکره قیامتک وقوعنده مبالغهیه دلالت ایدن دلیللردن بعضیلرینی بیان ایتک اوزره ﴿فَلَا أُقْسِمُ بِالْخُنُفِ \* الْجَوَارِ الْكُنُفِ \* وَاللَّيْلِ إِذَا عَنَسَ \* وَالصُّبْحِ إِذَا تَنَفَّسَ \* إِنَّهُ لَقَوْلُ رَسُولٍ كَرِيمٍ﴾ بیورمیشور.

[ کیزی یورویچی وایلر کیدوب کیرو دونوب کلیچی ییلدیزلره و دنیایه توجه

ایدوب عالی وقار انلنی احاطهیه باشلادیغی وقتده کیجهیه وعاله ضیا ویرن صباحک ضیا ویردیکی زمانده اوصباحه یمین ایدرم که قرآن کریم رسولک سوزیدر یالان دکلدور. [ یعنی؛ شو ییلدیزلره و کیجهیه و صباحه یمین ایدرم که محمد علیه السلامک سزه خبر ویردیکی قیامت و قیامتک احوالی، کهانت و ظن قیلندن دکلدور. زیرا؛ قرآنله خبر ویریور. قرآن؛ حقیه وحی الهی انبیایه کلن و انواع کرامتده منصف اولده میریل امینک محمد علیه السلام کتیردیکی کلامدر. بناء علیه؛ یالان اولق احتمالی یوقدر و خبر ویریلن احوال قیامت حقدور و وقوعی محقدور.

فخر رازینک بیانی وجهله خُتْس؛ کیزی، انسانلره کور و نمجه ییلدیزلردور. یاخود کومور شمسک ضیاسی آنده صاقلی اولده ییلدیزلردور. کُتْس؛ کیمجه الیه مخلصه طوغفده ظهور ایدره ییلدیزلردور. یاخود خنس کیدوب کیرو کلیچی، کنس؛ ضیاء شمس آنده کیزلر نمسیدر. یاخود عموم ییلدیزلرک کومور انسانلرک کومورلرله کیزی اولد قلمینه خنس؛ کیمجه الیه هر ییلدیزک کندی موقعنده کور و نمسی سیبیل کنس دنیلمشدر. یاخود خنس؛ اوزاقموشانه و کنس؛ یا قوشانه ییلدیزلردور. والحاصل خنس و کنس؛ کیزی و آشکار کیمچی و کلیچی ییلدیزلردور. (الحواری) یورویچی همربانه ایدیمی دیمکدر که ییلدیزلرده هر زمان جریان واردر. شو حالده هر هانکی معنی مراد اولونورسه اولونسون معنای نظم؛ [ کیزی و آشکار کیدوب کلک صورتیه جریان ایدن ییلدیزلره یمین ایدرم که قرآن رسولک کلامیدر ] دیمک اولور.

عَسَس؛ اقبال و ادبار معنارینه کلیرسهده بو مقامده اقبال معنایی دهها مناسبدر که کیمینک قارائنمک نوب ایدوب کلمسیدر. بوعتبارله معنای نظم؛ [ ظلهتی، دنیایی احاطه ایتکه باشلادیغی زمان کیجهیه یمین ایدرم که قرآن یالان دکلدور رسولک کلامیدر ] دیمک اولور.

تَنَفَّس؛ صباحک آغارداسی و تنفک سوکی معنانهدر. چونکه؛ کیجهنک ظلمتدن



انسانلره عارض اولان غم و قساوت و حزن و کدر صباح و قنک ضیائی و لطیف روزگار ایله زائل اولسی نفسی دارالمش اولان کیمسه نیک کنیش بر نفس آلمسی منابه سنده اولدیغنه اشارت ایچون صبا مکه آغار ماسنمه تنفس تعیر اولونمشدر . بوکا نظراً معنای نظم : [ آغار مغه باشلادیغی زمان صباحه یمن ایدرم که قرآن رسولک کلامیدر سحر دکدر . ] رسول ایله مراد ؛ جبریل امیندر . زیرا جبریل ؛ الهک انبیاء عظامه رسولیدر . جبریل امین کرامتله توصیف اولوندی . جبریل امین ؛ الهک قوللرینه معرفت و هدایت و ارشاد کی عطایانک اک بویوکیله اکرام ایتدیکی ایچون کریم دینمکه شایاندر .

..

واجب تعالی قرآنک رسولک کلامی اولدیغی بیاندن صوکره او رسولک اوصاف و مزایاسندن بعضیلرینی بیان ایتمک اوزره ﴿ ذی قُوَّةٍ عِنْدَ ذِی الْعَرْشِ مَكِينٍ ﴾ \* مطاع ۛ ۛ امین ۛ بیوریور .

[ او رسول که قوت صاحبی و عرش اعلانک صاحبی اولان واجب تعالی عندنده وقار و مرتبه صاحبیدر و ملکر طرفندن سوزینه اطاعت اولونمش و سمواتده و اعلاء علینده وحی اوزره امانتله متصفدر . ] بناء علیه ؛ انبیاء عظامک کافه سینه وحی ایله بوذات شریف کلشدر .

جبریل امینک عندالله جاه و منصب صاحبی اولدیغنه اشارت ایچون جناب حق بوآیتده جبریلی آتی صفتله توصیف بیورمشدر که آنلرده رسالت ، کرامت ، قوت ، مطاعت ، اطاعت و امانتدر . قوت ایله مراد ؛ شمره . چونکه ؛ جبریل قوم لوطک قریه سنی آلتی اوستته آز بر زمانده دوندوریورمک کی امور عظیمه قوتی کافیدر . مکین ؛ جاه و منصب و قدر و منزلت صاحبی دیمکدر . مطاع ؛ ملکر طرفنده کنیه اطاعت اولونفور و رایه انقیاد اولونمس دیمکدر . ( ۛ ۛ ) عرسه اعطوده کنیه اطاعت اولونفور دیمکدر .

امین ؛ الله تعالی خیانت و زلل و خطایارده محافظه ایتدیکی ایچونه وحی انبیاء کرام کتیر مکره امانتله متصفدر . ( عند ) بو مقامده مکان و جهت معناسنه دکدر ، بلکه تشریف و تعظیم معناسنهدر .

بوآیتده جبریل ، رسول الله وحی طریقیله قرآنی کتیروب تبلیغ ایتدیکی ایچونه قرآنه قول جبریل دنیلمشدر که سبب ظاهری به بناء در ، یوقسه قرآن حقیقته کلام اللهدر . شوخالده جبریله اسناد ؛ سینه اسناد قییلندن مجازدر .

..

واجب تعالی جبریلک اوصافی بیاندن صوکره پیغمبریمزک اوصافی بیان ایتمک اوزره ﴿ وَمَا صَاحِبُكُمْ بِمَجْنُونٍ ﴾ بیوریور .

[ ای اهل مکه ؛ سزک صاحبکز مجنون اولمادی . ]

یعنی ؛ ای اهل مکه ؛ محمد علیه السلام حقنده سزک اعتقادیکز باطلدر . چونکه ؛ سز جهالت و کمال غفلتکزه بناء جنت اسناد ایدیورسکز . حالوکه سزک صاحبکزه اثر جنت یوقدر .

بوآیتدن مقصد ؛ اهل مکک « قرآن انسان سوزیدر ، و محمد ﷺ مجنوندر » دیدکلری سوزلرینی رد ایتمکدر ، یوقسه جبریل ایله بزم رسولز آره سنده موازنه ایچون سوق اولونماشدر که معتزله نیک دیدیکی کی جبریلک بزم پیغمبریمز اوزرینه افضلیته دلالت ایتسون ، دلالت ایتمز . چونکه ؛ معتزله « بوآیتده جبریلک مزایاسندن آلتی صفت ذکر اولوندیغی حالده رسول الله یالکز مجنون اولمامسفی بیانه اکتفا اولونمس جبریلک افضل اولدیغنه دلالت ایدر » دیدیلر . اوت ؛ بوآیت جبریلک پیغمبریمز اوزرینه افضلیته دلالت ایدردی ، آنجق بیلرینی موازنه ایچون سوق اولونمش اولسه ایدی . حالوکه موازنه ایچون سوق اولونماشدر که جبریلک افضلیته دلالت ایتسون .

..



واجب تعالی رسول الله اوصافندن اوصاف آخرینی بیان ایتک اوزره ﴿وَلَقَدْ رَآهُ بِالْأُفُقِ الْمُبِينِ﴾ و مَا هُوَ عَلَى الْغَيْبِ بِضَنِينٍ ﴿بیوریور .

[ الله تعالی حق ایچون سمانک آچیق کنارنده سزک صاحبکزه، جبریلی صورت اصلیه سی اوزرینه کوزلریله کوردی و رسول الله غائبدن کندینه خبر ویریلن شیلره بخیل اولمادی. ]  
بناء علیه؛ کندینه خبر ویریلن شیلری اربانه ویرر صاقلاماز .  
بعض روایت نظرآ جبریل امینی صورت اصلیه سی اوزرینه کورمسی رسول الله آرزو بیورمسی اوزرینه جبریل جبل حراده کورونمسنه موافقت کوستردی . تعیین اولونان و قتده رسول الله (حرا) طاعنی تشریف بیوردی . جبریل امین صورت اصلیه سی اوزرینه سمانک اطرافندن کوروندی و رسول الله ده کوزلریله کوردی .

(بُضْنِین) ضاء ایله قرائت اولوندیغنده بخیل معناسنده . اما ظا ایله قرائت اولوندیغنده حتم معناسنده . بوکا نظراً معنای آیت : [ سزک صاحبکزه جمیع غیب اوزره مهم دکلدرد . زیرا ؛ غائبدن هر نه خبر ویرر سه تفه در و طوغریدر یا کلیش دکلدرد . چونکه ؛ سویله دیکنی هوادن سویله مز، بلکه وحی ایله سویلر . بناء علیه ؛ سوزنده اصلا تهمت اولماز ] دیمکدر .

..

واجب تعالی رسول الله کلامی وحی اولوب سوزنده تهمت اولمادیغنی بیاندن صوکره رسول الله خبر ویردیکی قرآنک ، شیطانک سوزی اولمادیغنی بیان ایتک اوزره ﴿وَمَا هُوَ بِقَوْلِ شَيْطَانٍ رَجِیمٍ﴾ بیوریور .

[ قرآن سورولش شیطانک سوزی دکلدرد ]

یعنی ؛ قرآن اهل مکهنک دیدیکی کی سمان طرد اولونان شیطانک سوزی اولمادی . اهل مکه قرآنی، سمان طرد اولونان شیطانلرک بعضیلری سمان کیدوب ملکدردن سرقت ایدوب کتیروب محمد ﷺ خبر ویریورلر، محمد ﷺ بزه خبر ویریور .

دیمشلردی . جناب حق آنلری رد ایچون قرآنک ، شیطانک سوزی اولمادیغنی بیان بیورمشدر .

..

واجب تعالی رسولک و قرآنک حاللری بیاندن صوکره کافرلرک کیتدکلی بوللرک ضلال اولدیغنی بیان ایتک اوزره ﴿فَإِنْ تَذَهَبُونَ﴾ بیوریور .

[ قرآنک و محمدک حاللری معلوم اولونجه ای کافرلر ! سز زهیه کیدیورسکزه . ]  
سزک کیتدیککزه بول زه سیدر ؛ قرآنک بولی و رسولک بولی آچیق و میدانده ایکن سزک بوللرک خلافت کیتدیککزه بول یا کلیشدر . بو یا کلیش بوله نه سبیل کیدیورسکزه ؛ بو آیت ؛ کافرلری تکدیر و توبیخ ایچون سوق اولونمشدر . چونکه ؛ قرآنک وحی اولدیغنی و عندالله هر جهته امین اولان جبریلک کتبردیکی و رسول الله جنت و تهمت کی برشی بولونمادیغنی و قرآنک ، شیطانک سوزی اولمادیغنی بیان اولوندقن صوکره آنلرک حالا بولک خلافت طریق ضالته کیتملری تکدیر شایاندر . بولک نظیری ؛ خارجه جاده واسعه بی ترک ایدرک بوروزلو و چیقماز بر بوله کیدن کیمسه به بول ، شو آچیق جاده در . سن بو آچیق جاده بی ترک ایدوبده زهیه کیدرسک ؟ ، دنیلور . ایشته کافرلرده بولک کی عین سوز سویله نور .

..

واجب تعالی قرآنک بولی غایت دوغرو بر بول اولدیغندن آنک خارجه کیتک ضلالت اولدیغنی بیاندن صوکره قرآنک بوتون عالمله بروعظ اولدیغنی بیان ایتک اوزره ﴿إِنْ هُوَ إِلَّا ذِكْرٌ لِلْعَالَمِينَ﴾ لِمَنْ شَاءَ مِنْكُمْ أَنْ يَسْتَقِيمَ ﴿بیوریور .

[ قرآن آنجق بوتون عالمله وبالخاصه سزدن استقامت ایتک ایسته یئلره بر وعظ عظیمدر . ]

یعنی ؛ قرآن نصیحت قبول ایتک شانندن اولان عالم و بالخاصه استقامت ایتک ایسته یئلر ایچون بویوک بر نصیحتدر .



واجب تعالی قرآنک عالمه نصیحت اولدیفنی بیاندن صوکره عالم ایچندن حق آراق  
صورتیه استقامت ایتک ایسته یئری آریجه ذکر ایتشددر . چونکه عالم ایچندن قرآنله  
انتفاع ایدنلر ؛ آنجق حق آرایانلردر . زیرا ؛ حق آرامایانلر انتفاع ایده منزلر . بناء علیه ؛  
انتفاع ایده جککرك شانلرینه اهتمام ایچون جناب حق عالمدن صوکره آنلری آریجه ذکر  
بیورمشدر .

..

واجب تعالی استقامتی دیله مک اللهک دیله مسنه موافق اولسی لازم اولدیفنی بیان ایتک  
اوزر . ﴿ وَمَا تَشَاوُنَ إِلَّا أَنْ يَشَاءَ اللَّهُ رَبُّ الْعَالَمِينَ ﴾ بیوریور .

[ سز مشیت ایده منسکز ، الا عالمک ربی اولان الله تعالی نک مشیت بیوردیفنی  
وقت مشیت ایدرسکز . ]

یعنی ؛ سزک مشیتک نأثیری اولماز . آنجق الله تعالی مشیت ایدر وسزک فعلکزی  
خلق ایدرسه اوزمان مشیتک نأثیری اولور .

معلوم اولدیفنی اوزره استقامتی دیله مک بر فعل حادثدر . هر فعل حادثک خالق الله تعالی  
اولدیفنی ایچون اللهک خلقنه واراده سنه متوققدر . بناء علیه ؛ قولک مشیتی اللهک مشیتنه  
توافق ایتدکجه قولک مشیتیه هیچ برشی وجود بولماز . چونکه ؛ خیر وشر ، ایمان  
وکفر ، هدایت وضلالت هبسی اراده الهیه به مستنددر . اراده الهیه نک خارجنده هیچ  
برشی وجود بولماز . زیرا ؛ عبد اراده ایدر لکن اراده ایتدیکی شیئی الله تعالی مراد  
ایتمیجه قولک اراده سنک فائده سی اولمادیفی هر زمان کوریلن احوالنددر . آنجق اراده الهیه  
عبدک افعال اختیاریه سی اراده ایتمسنه تابع اولدیفنی جهتله عبدک اراده سنده مجبور اولسی  
لازمکمز . چونکه ؛ کافر اراده جزئییه سی کفره صرف ایتسی اوزرینه الله تعالی کفری  
خلق ایتدیکی ایچون کافر کفری ارتکابنده مجبور اولماز وبناء علیه ؛ کفری اختیارده  
معدورده اولماز .



سورة انفطار

مکه مکرمه نازل اولان سوره لردندر . اومه طقوز آتی جامعدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ إِذَا السَّمَاءُ انْفَطَرَتْ \* وَإِذَا الْكَوَاكِبُ انْتَثَرَتْ \* وَإِذَا الْبِحَارُ فُجِّرَتْ \* وَإِذَا  
الْقُبُورُ بُعْثِرَتْ \* عَلِمْتَ نَفْسُ مَا قَدَّمَتْ وَأَخَّرَتْ ﴾

[ کوک یارلدیفنی ویلدیزلرک طاغیلوب اشکالی بوزولوب یره دو کولدیکی و دکزک  
صولری بربرینه قاریشوب جمله سی بر دکز حکمنی آلدیفنی وقبرلرک طوبراقلری قلب  
اولونوب آتی اوستنه و اوستی آلتنه چوریلوب ایچنده اولان اولور طشره به چیقدفنی وقت  
نفس ایلرو کوندزدیکی و آرقه سنه بر اقدیفنی عملی بیلیر . ]

فخر رازینک بیانی وجهله بو آیات و ترتیبی عالمک تخریبی و دنیا نک فانی اولدیفنی و تکالیفک  
منقطع اولاجنی وقتی بیان اولدیفنی کی دنیا نک تخریبی عادتا برقوناغک تخریبی مثابه سنده  
اولدیفنی دخی بیان ایتشددر . چونکه ؛ بر کیمسه یقه حاجق اولدیفنی اؤک اولاطامندن  
باشلارک بوراده بونک کی اولاطامنک یاریلاجنی و یقیلاجنی بیان اولونمشدر . چونکه سها ؛  
دنیا ابنیه سنک طامی مثابه سنده در . طام یقیلاجنه طاوانده اولان تزیناتک یقیلاجنی طبیعی  
برشی اولدیفندن تزینات قییلندن اولان ییلدیزلرک دو کوله جکی بیان اولونمشدر . بوندن  
صوکره دکزک قایناوب آرادن مانع کیده رک هر بری یرندن اویناوب جمله سی بر دکز  
اولوب اصل ابنیه مثابه سنده اولان ارضک آتی اوستنه چوریلوب یقیلاجنی بیان اولونمشدر .  
بو علامتک جمله سی قیامتک وقوعیه وجود بولاجقدر . ایشه اووقنده هر نفس و هر شخص  
آخرته تقدیم ایتدیکی اعمالی و تأخیر ایدوب ایشله مادیکی عمللری بیلیر . حشرک اولنده  
هر کس نه یابدیفنی بیله جکدر . چونکه ؛ هر کس قبرندن قالقنجه مطیع اولان کیمسه لر



سعادت اثرلرینی وعاصی اولانلرده شقاوت اثرلرینی اجمالاً کوره جککاری کبی عمل دفترلرینک قرائتی و محاسبه زمانی عمللرینک تفصیلاتی دخی بیله جکلردر .

..

واجب تعالی قیامتک وقوعی و عالمک خراب اولسنک کیفیتنی بیاندن صوکره قیامتک عقلاً ممکن اولدیغه دلالت ایدن بعض دلیللری بیان ایتک اوزره ﴿يَا أَيُّهَا الْإِنْسَانُ مَا غَرَّكَ بِرَبِّكَ الْكَرِيمِ ۝ الَّذِي خَلَقَكَ فَسَوِّكَ فَعَدَلَكَ﴾ بیوریور .

[ای انسان ! سنی نه کبی شی آلدادی کریم اولان ربکه که اوربک تعالی سنی یاراتدی وجسدینی کمال انتظام اوزره مساوی قیلدی و بویکی تعدیل ایتدی .]  
یعنی ؛ اللهمک لطف و کرمنه کووه نهرک سنی آلداتان و سکا کناهرلی ایشله تنهانکی شیدر . او کریم اولان ربک شول الله تعالی درکه او سنی یاراتدی و یوق ایکن و ارایتدی و سنک اعضالریکی مساوی و وجودیکی معتدل قیلدی که آنلرک جمله سی بربرینه مساوی دره . بناء علیه ؛ بمضیی اوزون دیکری قیسه کبی نقصان قیلما دی و هر عضوک کندینه مناسب اولان قوه لری و بردی . چونکه ؛ آلله طوتمق و کوزلره کورمک و لسانه سولیک و قوللقلره طویمق و آیقلره یورومک کبی عدالت تامه اوزرینه خلق ایتدیکندن اعضادن هر جزؤ کندی وظیفه سیله مشغول اولوب دیکرینک وظیفه سینه قاریشما یور .

فخر رازینک بیانی وجهله واجب تعالی نک کرم صفتنی ذکر ایتسی ؛ قوللرینی طاعته ترغیب و کناهدن منع ایچوندر . چونکه الله تعالی نک کرمی ؛ انسان نه قدر عبادت ایدرسه او قدر کرمه نائل اولاجغندن کرم صفتی ارباب عقلی عبادته وسعی و غیرته سوق ایتدیکی کبی کرمده عدالت اقتضا ایتدیکندن عاصیلردن انتقامنی آلمق صورتیله عاصیلره مطیعلر آره سنی تفریق ایده جککنی بیلدیکندن معصیتدن قاجق ایجاب ایتدیکی جهتله اللهمک کریم اولدیغه مغرور اولارق کنه ایشله مک حاقندن باشقه برشی اولاماز . بناء علیه ؛ شیطانک انسانلری اغفال ایتدیکی سلاخلرندن بریسی ده جناب حقک کرم صفتیدر . چونکه ؛ شیطان انسانه « سن ایشله دیککی ایشله آرزوکی ترک ایتمه و قورقا . زیرا ؛ ربک کریمدر . کریم اولان

آزیمق کنه ایچون عذاب ایتز « دیمکه او انسانی مغرور ایدر و آلداتیر . شو حالده مجرد کرم صفتنی دوشونوبده قهر و غضب صفتلرینی خاطردن چقارمق عاقل شانی دکلدر .  
واجب تعالی بو آیتده کرم ، غلبه ، تسویه و تفصیل صفتلرینی ذکرله ربوبیت صفتنی تهریر بیورمشدر . چونکه ربوبیته مناسب اولان کرمدر و یاراتمق ، کرمک دلیلی مقامنده و کرمی اثبات ایچون سوق اولونمشدر و تهریری شوبله در ؛ « ربک تعالی کریمدر . زیرا ؛ سنی خلق ایتدی . سنی خلق ایدن کریمدر . بناء علیه ؛ ربک تعالی کریمدر « دیمک اولور . چونکه ؛ یوقدن وار ایتک کرم جمله سندندر .

بو آیت جلیله ؛ حشرک امکانه دلالت ایدر . چونکه ؛ انسانلری اولاً شو صورت اوزره خلق ایدوب قدوقامتنی بوموال اوزره تسویه و اعضاسنی لایق اولدیغی وجهه اوزره تعدیل و تنظیم ایتکه قادراولان ذات الوهیتک اولدکدن صوکره احیا ایتکه قادراولاجنی اولویتله ثابت اولور و انسانک خلق اولونمسی عبث دکل حکمته مبتیدر و اوحکمت ایه انسانه عائد اولوب الله تعالی به عائد دکلدر . زیرا ؛ الله عائد اولسه اللهمک غیرله انتفاع ایتسی لازمکلور ، بوایه محالدر . زیرا ؛ جناب حق غیرله انتفاعدن منزهدر . شو حالده قوللره عائد اولان حکمتک محل ظهوری دنیا اولاماز . زیرا ؛ دنیا محل ابتلا و امتحاندر . بناء علیه ؛ اوحکمتک محل ظهوری دنیاسدن باشقه بردارد . ایشته اوده دار آخرتدر و عدالتده بونی اقتضا ایدر . زیرا ؛ هر شینک تجلیسی اوراده اولاجقدر .

..

واجب تعالی انسانی خلق ایتدیکنی بیاندن صوکره انسانی دیله دیکی صورت اوزره خلق ایتدیکنی بیان ایتک اوزره ﴿فِي آيٍ صُورَةٍ مَّا شَاءَ رَبَّكَ﴾ بیوریور .  
[ربک تعالی هانکی صورتی دیله دی ایه سنی اوصورت اوزره ترکیب ایتدی .]  
یعنی ؛ شول ربکه مغرور اولما که اوربک تعالی دیله دیکی بر صورت که بابا که و یاخود آنا که و یاخود اقربا کدن برینک صورتنه مشابه اولارق وجودینی بربرینه ربط ایتدی و یاخود هیچ برینه بکزه میهرک اوزون ، قیسه ، چیرکین ، کوزل ، ارکک و دیشی اولارق خلق ایتدی و جمله عیبلردن سنی بری قیلدی و بوسورتله سنی یاراتمق کمال قدرته



و عجیب الصنعه اولدیغنه دلالت ایتزمی و کمال قدرت ایسه ابتداء ایجاد شامل اولدینی  
کی انتهاء اعاده به شامل اولمازمی ؟

..

واجب تعالی انسانک مغرور اولدیغنی بیاندن صوکره غرورک فائده ایتیه جکنی بیان  
ایتمک اوزره ﴿ کَلَّا بَلْ تُكَذِّبُونَ بِالَّذِينَ ﴾ بیوریور .

[ ای انسان ! سنک زعمک کی ربکک کرمنه مغرور اولق فائده ویرمز .  
شوخالده حقیقت حال سنک زعمک کی دکلدر ، بلکه سز یوم جزا اولان قیامت تکذیب  
ایدیورسکنز . ] حالبوکه کرم و شکر ایتک و قیامت و یوم جزایی اعتقاد ایدرک عبادت  
ایتمک و کرم الهیدن حصه یاب اولق ایجاب ایدرکن بالعکس عصیان ایتک اعتقاد باطل نتیجه سیدر .

..

واجب تعالی انسانک خلقتی بیاندن صوکره انسانک هر عملی ملکک طرفدن یازیلوب  
محفوظ اولدیغنی بیان ایتک اوزره ﴿ وَإِنَّ عَلَيْكُمْ لَحَافِظِينَ ﴾ کراماً کاتبین \*  
يَعْلَمُونَ مَا تَفْعَلُونَ ﴾ بیوریور .

[ محقق سزک اوزریکزده بکجیلر واردرکه او بکجیلر سزی حفظ ایدرلر . زیرا ؛  
آنلر مکرم و قدرلری یوجه یازیجیلردر . سزک ایشله دیکککنز عملک جمله سنی بیلیر و بیلدکلری  
وجه اوزره یازارلر هیچ بر ذره سنی بیله ترک ایتزلر . ]

یعنی ؛ یوم قیامت تکذیب ایدرزده عملمزده مسامحه اولور ظن ایتیهک . زیرا ؛  
یانکزده عندالله مکرم و معزز اولان یازیجی ملکک واردر . آنلر سز نه ایشلر سه کنز  
خیر و شر جمله سنی دفتره یازارلر . کوچوک و بویوک ، آز و چوق هیچ بر عملکنز دفترک  
خارجنده قالماز . زیرا ؛ یازان ملکک امین و کریمدرلر و ایشله دیکککنزی بیلیر و بیلدکلری  
وجه اوزره یازدقلرندن زیاده و نقصانده اولماز .

فخر رازینک بیانی وجهله واجب تعالی بو آیتده ملککری درت صفتد ثنا بیوردی که

آنلرده کریم ، حافظ ، عالم و نائب اولملریدر . بوصفتلرله ملککری توصیف ؛ آنلرک شانلرینه  
تعظیم ایله یازدقلری دفترلرک اهمیتنه اشارت بیورمشدر . زیرا ؛ قوللرینی جزا لاندیرمق  
اعظم اموردن اولدینی ایچون قوللرینک اعمالی یازمق وظیفه سنی شو اوصافی حائر اولان  
اکابره تودیع بیورمشدر . چونکه هر قولک اهل جنت و یا اهل جهنم اولمسیله حکم ؛  
بونلرک دفترلریله ثابت اولاجقندن بونلرک معتبر و موثوق اولملری ایجاب ایدر . بناء علیه ؛  
آنلرک حافظ اولملری لازمدر . زیرا ؛ نسیانله حکم ثابت اولماز . ملککک کریم اولملری ده  
لازمدر . زیرا ؛ خسیس و خائن و مروتسنز اولان کیمسه نک شهادتیه حکم ثابت اولماز .  
کذلک نائب اولملری ده لازمدر . زیرا ؛ بر شخصک عمرینک بدایه سندن نهاییه سنده قدر  
و قوعبولان عملنک یازمقسزین ضبطی ممکن اولماز . بالطبع عالم اولملری لازمدر . چونکه ؛  
جاهلک عن جهل شهادتی حکمه مدار اولامادینی کی عن جهل یازدینی یازی بهده  
اعتبار اولوماز .

بو آیتده دنیاده حاکمک مدار حکم اولان اوراقه دقت و اعتنالی لازم اولدینی کی  
شاهدلرک شهادتلیرینه دخی اهمیت ویرملری لازم اولدیغنه دلالت واردر . چونکه ؛ شو  
آیتده بیان اولونان ملککک اوصافندن کتابتدن ماعداسنک شاهدلرده بالفعل بولونمسی  
لازمدر . کتابتده بالفعل بولونماز سهده حکماً بولونمق لازمدر . چونکه کتابتدن مقصد ؛  
شبهه سزجه حادثه ضبط اولونمقدردر . شاهدک شهادت ایده جکی مسئله نکده شبهه سز مضبوطی  
اولق اهم اموردندر .

ملککک یازمسنده کی حکمت ؛ قوللری اسکات ایتک وانکار و اعتذار قابولرینی  
حقا بمقدردر . زیرا ؛ جناب حق قوللرینک معامله سنی کندی دفترلری اوزرینه بنا ایده جکندن  
کیمسه نک بر دییه جکی قالماز و دنیاده قوللرک معامله سنی دفترله شاهدله اولدینی کی آخرتده  
دخی دفترله و شاهدله اولاجقدردر . بناء علیه ؛ ملککک یازمسی عبت دکلدر . ملککک  
یازمسنه مأمور اولدقلری اعمال ؛ افعال موارمدر . زیرا ؛ اعمال قلبیه مرئی و محسوس  
اولمادیقندن یازلمسی ملککک تودیع اولونماشدر . چونکه ؛ ملککک غائبه مطلع دکلردر . یاخود  
اعمال قلبیه غائب ایسه ده الهک بیلدیر مسیله بیایرلر و یازارلر . ملککری بزم کورمه مکملکمزدن  
آنلرک اولماسی لازمکلمز . چونکه ؛ اهل سنت عندنده رؤیتک شرائطی موجود اولسه



بيله برشيئي كورمك واجب اولماز. بناء عليه؛ كورمه مكدن موجود اولماسى لازم كلزمه ايشته شو تفصيلاتدن آكلاشيلديني وجهله بعض اعتقاد سزلك. بز كورمه ديكمز ايچون ملكر يوقدر وقوللرينك عملنى الله تعالى بيلديكى ايچون يازمقدمه فائده يوقدر وملكرك افعال قليه به مطلع اوللرى لازمكلور. حالوكه غايبى الله تعالى دن باشقه بيلن اولماز. ديهرك ايراد ايتدكرى اعتراضلى مردوددر.

..

واجب تعالى حفظه ملكرينك احوالى بياندن صوكره مكلف اولان انسانلرك احوالى بيان ايتك اوزره ﴿ إِنَّ الْأَبْرَارَ لَفِي نَعِيمٍ \* وَإِنَّ الْفُجَّارَ لَفِي جَحِيمٍ ﴾ بيورييور. [ محقق ابي ايشلى اولان كيمسه لر البته نعيم ايچنده لردر و كوتو ايشلى اولان كيمسه لر البته جهنمده لردر. ]

يعنى؛ انسانك عملنى ملكريازارلر: يا اعمالى صالح اولور؛ صاحبي جتند، درويا اعمالى سي اولور؛ صاحبي جهنمده در.

بو آيتده بيان اولونديني وجهله انسانلر؛ ايكي قسمدر. بناء عليه؛ هر كسك هانكي قسمدن اولديغنه دائر بر درجه ظن كلك ايچون عملنى شريعت محككه وورملى. اكر شريعت موافق كورورسه قسم اولدن كه ايلر زمره سندنر و اكر شريعت مخالف اولورسه قسم ثاني و كوتولر زمره سندنر.

ابوالسعود افنديك بيانى وجهله بو آيت؛ ملكرك يازمالرينك نتيجهسى ياثواب ويا عقابدن عبارت اولديغنى بيان ايچون سوق اولونمشدر. جتند، نعمتلك غايت عظمتلى وجهنمده عذابك غايت شدتلى اولديغنه اشارت ايچون (نعيم) و (جحيم) لفظلرى تعظيم و شمره دلالت ايدن نوبه ايله نكره اولارق وارد اولمشدر.

..

واجب تعالى فخارك جهنمه داخل اولوب وجهنمندن غائب اوليه جقلىنى بيان ايتك اوزره ﴿ يَصْلَوْنَهَا يَوْمَ الدِّينِ \* وَمَا هُمْ عَنْهَا بِغَائِبِينَ ﴾ بيورييور.

[ اوفاجرلر يوم قيامتده دفترلى موجبنجه محاسبه كورد كدن صوكره جهنمه داخل اولورلر و آنلر جهنمندن غائب اولماز ابدآ جهنمده قاليرلر. ] بناء عليه؛ جهنمندن چيقيمازلر. بو آيتده عاصيلرى شدتله قورقونمق واردر. چونكه؛ جهنمه كيروبدنه جهنمندن غيبوبت ايتمهك ابدآ جهنمده قالنى ايجاب ايتديكندن فاجرلك فسق و فجورلرندن قورقلى لازمكلور. فخارله مرادك كفاره اولديغنه جهنمندن غائب اوليه جقلى دلالت ايدر. چونكه؛ اهل ايمان ولوسه فاسق بيله اولسه جزاسى قدر معذب اولور، يعده جهنمندن غائب اولور جته كيدر.

..

واجب تعالى يوم قيامتك شاننه تعظيمله قوللرينى عبادته ترغيب ايتك اوزره ﴿ وَمَا أَدْرَاكَ مَا يَوْمُ الدِّينِ \* ثُمَّ مَا أَدْرَاكَ مَا يَوْمُ الدِّينِ ﴾ بيورييور.

[ يوم جزانك نه دن عبارت اولديغنى سكا هانكي شى بيلديردى، صوكره يوم قيامتك حقيقتنى سكا نه كى شى بيلديردى؟ ] زيرا؛ اوكونك دهشتنى واو كونده اولاجق محنت و مشقتى سكا كيم بيلديره بيلدى وسنى كيم خبردار ايتدى؟ بو مقامده تكرار، اوكونك شاننه اهتمام و تعظيم ايچوندر. چونكه؛ اوكونده اولاجق وقوعاتك عظمتنى بو دنياده قياس ايدمك هيچ برشى اولماديغندن استغرام نظارى ايله وارد اولمشدر. زيرا؛ بو دنياده اوكونك دهشتنى ادراك ناسك در ايتندن خارجدر. هر نه صورتده تصور اولونورسه اولونسون دنياده آنى تصوير ايدمك برشى يوقدر. چونكه؛ هر نه قدر دنياده نه قدر بويوك وقوعات تخيل اولونسه يوم قيامتك ياننده هيچ متابه سنده قالير.

..



واجب تعالی يوم قیامتک عظمتی اجمالاً بیاندن سوکره او کوئی بر مقدار تعریف  
ایتمک اوزره ﴿يَوْمَ لَا تَمْلِكُ نَفْسٌ لِّنَفْسٍ شَيْئًا وَالْأَمْرُ يَوْمَئِذٍ لِلَّهِ﴾ بیوریور.  
[يوم جزا اویله بر کوندر که او کونده هیچ بر نفس دیگر بر نفس ایچون خیر و شر دن و جلب  
منفعت و دفع مضر دن هیچ بر شیئه مالک اولاماز. زیرا او کونده امر؛ آنجق اللهکدر.]  
یعنی؛ يوم قیامت بودنیانک کونلرینه بکزه من. زیرا؛ بودنیاده انسانلر ولوعارضی  
اولسون بعض شیرله مالک اولورلر و بر لرینی حمایه ایدرلر. بناء علیه؛ اقر بادن و اولاددن  
واحبابدن بودنیاده استفاده اولایلور. فقط يوم قیامت اویله بر کوندر که هیچ بر شخص  
دیگر شخص ایچون بر شیئه مالک اولاماز. زیرا او کونده امر، الله مخصوص اولدیغندن  
اللهک امرینک خارجنده هیچ بر کیمسه برشی یا پاماز. آنجق بودنیاده اللهک امری خلافتنه  
بر چوق شیرلر یا بایلیرلر. دیگر نصوص جلیله نک دلائلرینه نظراً بوآیت اذن الهی ایلله  
مقیددر. یعنی «اذن الهی اولمادجه مالک اولامازلر» دیمکدر. اما اذن الهی اولونجه  
هر شیئه مالک اولورلر و بناء علیه؛ بر لرینه شفاعت ایدرلر. شو توجیهاته نظراً فرق  
ضالهدن معتزله نک «بوآیت شفاعتک یوقلغنه دلالت ایدر» دیدکاری سوزلری مردوددر.

سورة مطففین

مکه مکرمه نازل اولان سوره لر دندر. اوتوز آتی آتی جامعدر.

بِسْمِ اللَّهِ الرَّحْمَنِ الرَّحِيمِ

﴿وَنِيلٌ لِّلْمُطَفِّفِينَ \* الَّذِينَ إِذَا اكْتَالُوا عَلَى النَّاسِ يَسْتَوْفُونَ \* وَإِذَا كَالُوهُمْ  
أَوْ وَزَنُوهُمْ يُخْسِرُونَ﴾

[هلاک عظیم و عذاب الیم اولچکده و طاریده آزیجق بر شیئی کیزلیجه مشتریدن  
جالان کیمسه لر ایچوندر. آنلر شول کیمسه لر که آلیرکن آلدقلرینی دقتله اولچوب تام

آلدقلری کبی حبله ایلله فضله بیلله آلیرلر و اصلاً نقصان اولچمزلر. اما صاتارکن اولچوب  
ویا طارتدقلرنده حبله ایلله آزیجق برشیئی چالارق نقصان ویرر و مشتری بی اضرار ایدرلر.  
حالبوکه اولچو و طاریده مقصد اصلی؛ حقوقده مساوات و عدالتدر. شو مقصد اصلی بی  
خللدار ایندکاری ایچون آنلر هلاک عظیمه مستحق اولمشلردر.]

فخر رازینک و ابوالسعود افندیکن بیانلری وجهله تطقیف؛ اولچوده و طاریده آزیجی  
بر شیئی مالمعدر. کرچه بوقدر جق شیئی چالق ناس عندنده اهمیتسز و دکر سز برشی  
ایسه ده عندالله قدری بویوک اولدیغندن بوکبی دناشی ارتکاب ایدنلرک بویوک عذاب دوچار  
اولاجقلری بیان اولونمشدر. چونکه اولچک و ترازو؛ بالجمله بی آدمک معامله سنده  
معیار اصلی اولدیغندن عالمک انتظامنده اسالاس اولدینی جهته نظر الهیده بویوک بر  
اهمیتی واردر. بناء علیه؛ کله ده و ترازوده ولوجزئی برشیه معاملات ناسی اخلال ایتمک  
عالمک انتظامنک اساسی اخلال ایتمک اولدیغندن بونی ارتکاب ایدنلر ماده کوچوک  
ایسه ده معناده بک بویوک جنایت ارتکاب ایتمش اولدقلری جهته عذاب الیمه عذاب  
اولونا جقلری بیان اولونمشدر. چونکه؛ قصور ظاهرده کوچوک ایسه ده عمومک محتاج  
اولدینی معامله ده اولدینی ایچون بک بویوک عد اولونمسی عدالته موافقدر.

ابن عباس حضرتلرندن روایت اولوندیغنه نظر آرسول الله مدینه یه هجرت بیوردیغنده  
مدینه اهالیسند آلیرکن تام آلق و ویررکن نقصان ویرمک عادت کریمه سی و ارایدی.  
آنک اوزرینه بوآیت جلیله نازل اولور و رسول الله تبلیغ ایدنجه مدینه اهالیسی بونک  
فی الحقیقه کوتوبرشی اولدیغنی ادراک ایدرک بوعادتی ترکه معاملاتده عدالته رعایت باشلامشلردر.  
رسول الله صلی الله تعالی علیه وسلم افندیمز بیورمشدر که (خمس بخمس مانقض العهد قوم  
الاسلط الله علیهم عدوهم و ما حکموا بغیر ما انزل الله الا فشافهم الفقر و ما ظهرت فیهم  
الفاحشة الا فشافهم الموت و لا طففوا الکیل الا منعوا بالنبات و اخذوا بالسین و لا منعوا الزکوة  
الا حبس عنهم المطر) یعنی «شو بش خصلت؛ بش عقوبه بیورم؛ برنجیسی؛  
بر قوم که عمره بی بوزارده الله تعالی اوقوم اوزرینه دشمنلرینی مسلط قیلور. ایکنجیسی؛  
بر قوم که اللهک انزال بیوردیغنی کتابک غیر بده حکم ایدرده اوقوم ایچنده فقر و احتیاج



ظاهر و تابع اولور . اوچنجیسی ؛ بر قوم که آنرده زنا ظهور ابرر او قوم ایچنده  
وبا صورتید اولوم ظهور ابرر . زیرا ؛ زناده انسانک اساسی اولان ماء حیاتی تلف اولدیغندن  
زانلرک معناده عرق انسانی بی اضاعه به صرف مساعی ایتلمینه مقابل الله تعالی آنلری وبا ایله  
مبتلا قیلار . چونکه جزا ؛ عمل جنسنددر . دردنجیسی ؛ بر قوم که آندر اولمکره  
نقصانه و بررر . الله تعالی آنرده اولدری منع ابرر و قوطله مبتلا قیور . بشنجیسی ؛  
بر قوم که آندر زانلرینی منع ابررر . الله تعالی آنرده باغمورینی مهس ابرر قور اقلقد  
مبتلا اولورر ، دیمکدر .

..

واجب تعالی اولچکده و طاریده حیلل ایدنلری تهدید ایتدکن صوکره او حاله مبتلا  
اولانلری توبیخ ایتک اوزره ﴿ اَلَا يَظُنُّ اُولَئِكَ اَنَّهُمْ مَبْعُوثُونَ \* لِيَوْمٍ  
عَظِيمٍ \* يَوْمَ يَقُومُ النَّاسُ لِرَبِّ الْعَالَمِينَ ﴾ بیوریور .

[ ظن ایتلرمی شومذموم اخلاقی ارتکاب ایدنلر کندیلرینک بعث اولونا جقلری  
بویوک کون ایچون که او کونده هر کس رب العالمین حضورنده قائم اولور . ]  
یعنی ؛ شوترازو و کیله دن حیلل ایلر بر مقدار شی چالمق دناثنی ارتکاب ایدن کیمسلر  
شدتی و مشقتی جوق و بویوک بر کون ایچون بعث اولونوب قبرلرندن قالقاجقلری ظن  
ایتلرمی ؛ اویله بر کون که او کونده هر کس محاسبه سنک کورولسی و کندینه بر حکم  
ویرلسی ایچون عالمک ربسی حضورنده قائم اولورلر . بناء علیه ؛ بعثی ظن ایدنلر بوکبی  
دناثک کندیسندن صورولا جفنی ظن ایدرک ترک ایتسی لازمدر ، نره ده قالدی که بعثی  
یقیناً اعتقاد ایدنلر ارتکاب ایتسونلر . شو حالده بو مقامده ظن لفظی ؛ شودناثنی ارتکاب  
ایندرک ماللرینی انظار اچورر .

ابوالسعود افندیکن بیانی وجهله شودناثنی ارتکاب ایدنلرک بو وصفله سائر ناسدن  
ممتاز اولدقلرینه وهلا کله حکملرینک سبی بودناثنی ارتکابلری اولدیغنه و بونلرک شری

و فسادی جمله فسادلرک فوقنده بولوندیغنه اشارت ایچون ضمیر موقعنده اسم ظاهر اولارق  
بعر مراتبه موضوع اولان ( اُولَئِكَ ) لفظی وارد اولمشدر .  
کیله و ترازوده نقصان و یرمک کی دناثنی ارتکابدن شدتله منع اولمق ایچون واجب تعالی  
ذات الوهیتی عالمک ربسی اولدیغنی وناس فصل حقوق ایچون کندی حضورنده صف  
بسته قائم اولاجقلرینی بیان بیورمشدر که کناه نه قدر کوچوک اولسه ده آنک کوریه جکی  
محکمه نك غایت بویوک اولدینی و ظالمدن مظلومک حتی ولوسه خردال دانه سی و یاذره  
قدر اولسون اهل اولونمایوب آنه جفنه و محاکمه سنک کوریه جکنه اشارت بیورمشدر .  
فخر رازینک استاذ ( ابوالقاسم قشیری ) دن نقلاً بیاننه نظراً تام آلوب نقصان  
و یرمک یالکزر کیله یه و وزنه منحصر دکدر . عیبی میدانه قویماق و صاقلامقده دخی  
اولور که انسانک کندی عیبی صاقلامسی و غیرک عیبی سویله مسی عین حالدر . انصاف  
و انتصافده دخی بویله در . مثلاً باشقلرینک انتصافی ایستر فقط کندی انصاف ایتز .  
کذلک صحبتده و معاشرته دخی اولور . زیرا ؛ هر شیده کندی حیثیتی و وقارینی  
و حقنی آرایوبده عین مسئله ده غیرک حقوقه و حیثیتنه رعایت ایتمه مکدن زیاده تام آلوب  
نقصان و یرمک اولاماز . والحاصل تطفیف که تام آلوب نقصانه و یرمک مادیانده جاری  
اولدینی کی معنویانده دخی جاری اولور . شو حالده اخلاقیانده و عادات  
و معاملات معنویه نك کلیسنده جاری اولونجه مادیانده تطفیف ایچون بیان اولونان عذابک  
معنویانده کی تطفیفه دخی لاحق اولاجنی شه سزدر .

..

واجب تعالی کیله ده و ترازوده نقصان و یرنلرک حاللرینی بیاندن صوکره بو حالده اولان  
کیمسلری منع ایتک اوزره ﴿ کَلَّا اِنَّ كِتَابَ الْفُجَّارِ لَفِي سِجِّينٍ ﴾ بیوریور .  
[ حسابدن غفلت ایدرک نقصان و یرمک کی دناثله مشغول اولمق موافق عقل  
و حکمت دکدر . زیرا ؛ فسق و فجورله مشغول اولانلرک عمللری یازیلان دفتر لر جهنمده در . ]  
چونکه ؛ عمل دفتری ایشه یاراماز جهنمده اولورسه او دفتر صاحبک جهنمده اولاجنی  
اولویتله نابتدر . دفترک جهنمه آتلسی ؛ صاحبی تحقیر و استحقاف ایچوندر . با ضرورت ؛



ابتداء کلام در . بوکا نظر آ معنای آیت ، [حقا که کناهکارلرک عمل دفترلری جهنمده در] دیمکدر . شومعنا سجین ک هرهمده بر ملک اسمی اولدیغه نظر ادر . اما سجین ؛ غایت قار انلی طار ههمنه معناسه اولدیغنده معنای نظم : [خلقک معاملاتنده نقصان ایدنلرک اعتقادلری کبی دکدر . زیرا ؛ فاجرلرک عمل دفترلری طار وقار انلق بر محزنده در] دیمک اولور که دفترک ایشه یارامایانلری سفلی محله آتمق عادتدر . سجین ک بری قات برک آتی و سبطانلرک مسکنی اولور احتمالی دخی واردر که بومعنا بعض احادیث شریفه یه ده موافقدر . چونکه ؛ بعض روایتده «مؤمنک روحی قبض اولوندیغنده عمل دفترله برابر اعلاء علیینه کیدر و کافرلرک روحی قبض اولوندیغنده اسفل سافینه کیدر» بیورلشدر . یا خود ابوالسعود اقدینک بیانی وجهله سجین ؛ بر کتابک اسمیر که او کتابده شیطانلر و کافرلر و فاجرلر و فاسقلرک عمللری یازیلور و آکا دیوانه سردنیلور . زیرا یالکز شر یازیلی اولوب خیر یازلما دیغندن دیوان شر دیمکه سزادر . بوکا نظر آ بو آیتده کتاب ؛ کتابت معناسه اولدیغندن معنای نظم : شویله در ؛ [فاجرلرک عمللرینه متعلق یازیلر سجین اسمنده اولان کتابده در] دیمکدر .

..

واجب تعالی فاجرلرک عمللری سجینده یازیلی اولدیغنی بیاندن صوکره سمیعک نه دن عبارت اولدیغنی بیان اتمک اوزره ﴿ وَمَا أَدْرَاكَ مَا سَجِّينُ ﴾ کتاب مَرَقُومُ . بیوریور .

[یا اکرملرسل ! هانکی شی خبردار ایتدی سنی سجین نه دن عبارتدر ؟ زیرا اوسجین ؛ یازیلنی هر کورن اوقویابیلرک درجه ده آجیق یازیلی بر کتابدر]

یعنی ؛ ای حیم ! سمیعک نه دن عبارت اولدیغنی بو دنیاده سکا هانکی شی بیلدیره بیلیر ؛ آنک ماهیتنی هیچ بر شی بیلدیره مز . چونکه اوسجین ؛ بر کتابدر که آنده یالکز شر یازیلی اولدیغندن هر کورن آنده خیر اولما دیغنی بیلیر . ایشه سجین ؛

فاجرلر و فاجرلر و فاسقلرک عمللری یازیلی اولور . بر کتابدر که او کتابده صاحبک تقاضا دیلات ایدر رقمدره عیون اولور . نته کیم تاجرلرک قیمتنی بیلدیرمک اوزره امتعه اوزرینه رقم قویدیغنی کبی اود دفترلر اوزرینه علامت قونور و قیامتده صاحبک بوینته طاقیلور . بناء علیه ؛ آتی هر کورن او علامتدن شقاوت و شر دفتری اولوب خیر اولما دیغنی بیلیر .

..

واجب تعالی فاجرلرک عمل دفترلریک نه دن عبارت اولدیغنی بیاندن صوکره اود دفترلرک صاحبلری اولان مکذبینک هلاکه مستحق اولدقلری بیان اتمک اوزره ﴿ وَلَئِلْ يُؤْمِنُوا ﴾ لِلْمُكَذِّبِينَ ﴿ الَّذِينَ يُكْذِبُونَ ﴾ بیوریور .

[یوم قیامتده هلاک عظیم و عذاب الیم ، حق تکذیب ایدنلر ایچوندر . حق تکذیب ایدن شول کیمسه لر که آنلر حق تکذیب ایتدکلری کبی یوم قیامت دخی تکذیب ایدرلر .] ایشه وبالک الک بویوکی ؛ قیامت تکذیب ایدنلر مخصوصدر . چونکه قیامت اعتقاد ؛ دیانتک اس اساسی و مسائل اعتقادیه نک و ضروریات دینیه نک تملی اولدیغندن آتی انکار ایدن بوتون ضروریات دینیه بی انکار ایتش اولدیغندن عذابک الک بویوکنه دوچار اولاجنی شبهه سزدر

..

واجب تعالی یوم قیامت تکذیب ایدنلرک هلاکه مستحق اولدقلری بیان ایتدکن صوکره یوم قیامت کیملرک تکذیب ایتدکلری و تکذیب ایدنلرک نه کبی صفتله متصف اولدقلری بیان اتمک اوزره ﴿ وَمَا يُكْذِبُ بِهِ إِلَّا كُلُّ مُعْتَدٍ أَثِمٍ ﴾ اِذَا تُثْلَى عَلَيْهِ اَيَاتُنَا قَالَ اَسَاطِيرُ الْأَوَّلِينَ . بیوریور .

[یوم قیامت تکذیب اتمز ، الا هر کناهکار ظالم تکذیب ایدر . او کناهکار که آنک اوزرینه بزم آیتلریمز تلاوت اولوندیغنده او آیتلریمزه « بونلر اول کچن امتلرک یازدقلری یالانلردر » دیر]

یعنی ؛ یوم قیامت تکذیبه جسارت اتمز ، آنجق حدیجی تجاوز ایدن ونظر نده غفلت



وآباء اجدادینی تقلیدده افراطه منهمك اولان واولد کدن سوکره انسانلری احیایه اللهک قدرتی کافی کورمه یین وشهوات نفسانیه سیله مشغول بولونان کناهکار و ظالم غدار تکذیب ایدرکه او ظالم اوزرینه رسولز واسطه سیله بزم قدرت قاهره مزه دلالت ایدن آیتلریمز اوقوندیغنده او کناهکار آدم «بو اوقونان اول کچن امتلرک یازلمش یالانلریدر واسکی کتابلرده یازلمش حکایه لردر» دیمکله سائرلری اغفال ایدر.

..

واجب تعالی کافرلرک قرآنه اساطیر اولین دیدکلری بیاندن سوکره بونلرک دهالاشنع اولان حاللری بیان ایتمک اوزره ﴿کَلَّا بَلْ زَانَ عَلَىٰ قُلُوبِهِمْ مَا كَانُوا يَكْسِبُونَ﴾ بیوریور. [آنلرک یوم جزایی تکذیبلری سبب یالکز معصیته دالماری دکدر، بلکه آنلرک قبلری اوزرینه ایشله دکلی معصیتلرک پاس باغلامسی واوراده قرارلاشمسیدر.] یعنی؛ آنلرک تکذیب وجرأتلری مجرد کناهکارلغه دواملری دکدر، بلکه آنلرک قبلری اوزرنده کناهه محبتک یر ایدوب قرارلاشمسی وایشله دکلی کناهلرک قبلری اوزرنده کیر باغلامسیله قبلرینک کور اولسی وبناء علیه؛ قبلرینک حقله باطل یینی تقریق ایده مز بر حاله کلسیدر.

فخر رازی و ابوالسعود افندیکن بیانلری وجهله «ران» غایه ایتدی معناسنده درکه ایتدی دکلی کناهلر قبلری اوزرینه غایه ایتدیکنده حق کورمز بر ماله کیردی دیمکدر. چونکه؛ ایشله دکلی کفر وسائر کناهلرک، آینه اوزرنده کی سیاهلغک آینه دن کورمکه مانع و حائل اولدینی کی قبله حق کورمکه مانع اولدیغندن منافع دنیویه و اخرویهرینه ارشاد ایدن آیتله اساطیر دیمکه قدر جسارت ایتمشلردر. زیرا؛ انسان هر نه زمان برکنه ایشلرله قبلنک اوزرینه برسیاه نقطه قونور. نقطه لر تعدد و تکثر ایتدکجه قبلک هر طرفنی احاطه ایدرکه قبل، سیاهله اورتولش و کورولمز بر حاله کان آینه کی اولور وبناء علیه؛ حق کورمز بر حاله کلیر و باطل اولان هر شیده جرأت ایدر. اما توبه و استغفار ایدرسه توبه او سیاهلق مثابه سنده اولان نقطه لری سیلر، بصیرتی تکرار آچیلور.

..

واجب تعالی کافرلرک کسب ایتدکلری معصیتلری قبلرینه غلبه ایدوب معصیته ملکه حاصل اولدیغندن آیتلری انکاره جرأت ایتدکلری بیاندن سوکره او کناهلرک رؤیت الهیهیه مانع اولدیغنی بیان ایتمک اوزره ﴿کَلَّا إِنَّهُمْ عَنْ رَبِّهِمْ يَوْمَئِذٍ لَّخَجُوبُونَ﴾ ثُمَّ إِنَّهُمْ لَصَالُوا الْجَحِيمِ﴾ بیوریور.

[آنلرک اعتقاد باطللری کی دکل و آخرتده آنلر ایچون ایسلک یوقدر، زیرا؛ او کونده آنلر ربلری کورمکدن پرده نمشلردر و او پرده دن سوکره آنلر جهنمه کیریمچیلردر.]

یعنی؛ دنیاده آنلرک قبلری اوزرنده کناهلرینک غلبه سیله باطلی اختیار ایتدکلری کی دکدر. زیرا؛ آنلر آخرتده ربلری کورمکدن ممنوعلردر. چونکه؛ آنلر دنیاده معرفت الهیه دن محروم قالدقلری کی آخرتده ربلری کورمکدن ده محروملردر و بو محرومیتله ده قالمالزلر، بلکه بوندن سوکره جهنمه داخل اولورلر. آیت جلیله کافرلرک اهانتنه دلالت ایدر.

فخر رازیکن و ابوالسعود افندیکن بیانلری وجهله بو آیت جلیله مؤمنلرک زبلری کوره جکلرینه دلالت ایدر. چونکه آیت؛ رؤیت الهیه دن محروم اولاجقلری بیسانله کافرلری ذم ایدنجه اهل ایمانک رؤیتله مشرف اولاجقلرینه دلالت ایدر. زیرا؛ مؤمنلرک قبلری دنیاده معرفت الهیه ایله مزین اولدینی کی آخرتده ده کوزلری جناب حق کورمکه مشرفلردر. کافرلرک رؤیتدن محروم اولدقلری بیان؛ آنلرک اهانت واستحقاف اولونا جقلری تصویر وتمثیلدر. بونک خارچده مثالی؛ دنیاده حکمدارانک یانه کیرمکه مآذون اولانلر حکمدارلر غندنده معزز و مکرم اولانلر اولدینی کی کیرمکدن ورؤیتدن ممنوع اولانلرده حکمدارلر غندنده حقیر و ذلیل اولانلردر. شو حالده بو آیت؛ مؤمنلرک عزتیه و کافرلرک ذلتیه دلالت ایدر. جهنمه کیرمک رؤیتدن محروم اولمقدن دهالاشد اولدیغنه اشارت ایچون ترتیبیه دلالت ایدن (ثم) کله سی وارد اولمشدر.

..



واجب تعالی کافر لک جهنمه کیره جکله ری بیاندن سوکره جهنمه تحقیر ایچون آنلره  
وارد اولاجق خطابی بیان ایتک اوزره ﴿ ثُمَّ يُقَالُ هَذَا الَّذِي كُنْتُمْ بِهِ تُكَذِّبُونَ ﴾  
بیوریور .

[ کافر لک جهنمه کیره کدن سوکره جهنمک خزینه دارلری طرفندن « ایشته شو  
کورمش اولدیغکز آتش سزک دنیاده تکذیب ایتدیگکز آتشدن » دیمکله آنلری بر  
قاندھا ترذیل ایدرلر . ] چونکه ؛ آنلره بوسوز عذاب اوزرینه عذابدر . زیرا ؛ انکار  
ایتدکلری بر شیشی کوزلریله کورد کدن سوکره . « انکار ایتدیگکز شیشی ایشته بودر ، شیمدی  
کوردیکز و ایندیکز می ؟ » دیمک آنلری تحقیر و ترذیل ایتدکدر که بودنیاده ده عینله بومعامله  
جریان ایدر . مثلاً بر کیمسه بیلمه دیکی حالده بر شیشی شدتله انکار ایتد کدن سوکره  
اوشیشی کوروب بیلدیکنده آخر بر کیمسه طرفندن آنی تکدیر اولق اوزره « انکار  
ایتدیک شیشی کوردکی ؟ » دیمک آنک محجوبیته سببیت ویرمک و اولکی انکارنده  
خطاسنی تکرار ایتدکدر .

..

واجب تعالی اولچکده و ترازوده سرقت ایتک دنائتی و سائر کناهلری ارتکاب  
ایدنلرک عاقبت حاللری بیاندن سوکره بومثللو کناهلری ارتکاب ایتدینلرک انجام حاللری  
بیان ایتک اوزره ﴿ كَلَّا إِنَّ كِتَابَ الْأَبْرَارِ لَفِي عَلَيِّينَ \* وَمَا أَذْرِيكَ مَا عَلَيُّونَ \* ﴾  
کِتَابُ مَرْقُومٌ \* يَشْهَدُهُ الْمُقَرَّبُونَ ﴾ بیوریور .

[ امر حال و شان فاجر لک اعتقادلری کی قرآن اساطیر اولین دکلدر و بیان ایتدیکی  
احوال آخرت تماماً واقعدر . زیرا ؛ ای اعتقاده اولان و قرآنک بیانی وجه اوزره  
عمل ایدن ای کیمسه لک عمل دفترلری اعلاء علینه داخل اولیجیدر و علینلرک هانکی شیشی  
اولدیغنی سکا نه بیلدیردی ؟ زیرا ؛ آنک ماهیتی دنیاده سکا بیلدیره جک بر شیشی یوقدر .  
او علینلر بر کتساب که آندم ای عمللر یازلمشدر و مقرب اولان ملکرلر آنی حفظ  
و اینجده یازیلی اولان عمللره شهادت ایدرلر . ] بناء علیه ؛ ایلرک عمل دفترلری آجیق

یازیله یازلمش هر کورن کیمسه آنی اوقور و صاحبک فوز و نجاته داخل اولدیغنی بیلر .  
شو حالده او کتایده صاحبک ایلدکنه دلالت ایدر علامت اولدیغندن صاحبک ابداً مسرور  
اولاجغنی اعلان ایدر .

فخر رازینک و ابوالسعود افندینک بیانلری وجهله علیون ؛ برنجی قات کورک ،  
یاخود عرسه اعلی و یاخود لوح محفوظدر . او کتایی حفظ ایدن وجهله خلایق حضورنده  
مضمونه شهادت ایدن ملکرلر مقربون اولملری اهل ایمانک شانلرینه تعظیم ایچوندر .  
زیرا ؛ عمل دفترلری حفظ ایدن ملکرلر جناب حقک مقربلرندن اولسی کتایک محترم  
و اینجده اولان عمللرک رضاء الهی به موافق اولسنه دلالت ایتدیکندن مؤمنلر ایچون  
بوندن بویوک سعادت اولاماز و کذلک شاهدلرکده عندالله مقرب اولسی شهادتک حسن  
قبولنه وسیله اولاجغندن رتبه لرینک بالاتر اولدیغنه دلالت ایدر .

یاخود علیون ایله مراد ؛ بالکمز غیر یازیموده دفترلرک آنی کورنه آمده غیر اولدیغنی  
و صاحبک مقبول بر قول اولدیغنی بیلر . یاخود سرده منزه در . حفظه ملکلری هر کون  
یازمش اولدقلری ای عمللری اعلاء علینه کوتورورلر و مقرب اولان ملکلره تسلیم ایدرلر .  
آنلرده منتظم دفتره آنی نقل و اوعالی مقامده حفظ ایدرلر . حتی قبرندن قالقنجهیه قدر  
اوراده حفظ اولونور ، قبردن قالقنجه هر کسک دفتری کندی بوینته طاقیلور . والحاصل  
بو آیتده علیون ک بوکسک بر محل اولدیغنده اتفاق اولوب آنجق آنک محلی تعینده  
اختلاف وارددر . آیتدن مقصد ؛ مؤمنلرک عمل دفترلرینک شرف صاحبی اولان بر محله  
حفظ اولوندیغنی بیانله آنلرک شرفی بیان ایتدکدر . چونکه عمل دفترینک عالی بر مقامده  
حفظ اولونمسی ؛ صاحبک قدری عالی اولدیغنه دلالت ایدر .

..

واجب تعالی مؤمنلرک عمل دفترلرینه تعظیم اولوندیغنی بیاندن سوکره آخرنده  
مرتبه لرینه ده تعظیم اولوناجغنی بیان ایتک اوزره ﴿ إِنَّ الْأَبْرَارَ لَفِي نَعِيمٍ \* عَلَى  
الْأَرَائِكِ يَنْظُرُونَ ﴾ بیوریور .



[ ای عمل صاحبی اولان کیمسه لر محقق نعمت ایچنده بولونورلر و کرسیلر اوزرنده قائل اولدقلری نعمتله و تفرجگاهلره باقارلر . ]

یعنی ؛ الله تعالی به اطاعت و قرآنه و آخرته ایمان ایدن کیمسه لر جتنه کیرنجیه نعمت السیهیه مستغرق اولورلر و اونعتملر جمله سندن اولان کوشکلر و سرایلر و کرسیلر اوزرنده اولدقلری حالدله طرف السیدن کندیلرینه احسان اولونان حوریلره و غلمانلره و سائر نعمتله کمال سرورله باقارلر . حتی فخر رازینک و ابوالسعود افندینک بیانلرینه نظراً دشمنلرینک جهنمده معذب اولدقلرینه دخی باقارلر . چونکه ؛ دشمنلرینی عذابده کورمک کندیلرینه سرور و یردییکی کبی اومثللو عذابدن خلاص اولدقلرینی کورمک سرور اوزرینه سرور اولور .

..

واجب تعالی اهل جنتک قولتوقلر اوزرنده کندیلرینه بخش اولونان نعمتلی سیر و تماشا ایده جکلرینی بیاندن صوکره اهل جنتک یوزلرنده آثار سرور و بشاشت اوزره اولدقلرینی بیان ایتک اوزره ﴿ تَعْرِفُ فِي وُجُوهِهِمْ نَضْرَةَ النَّعِيمِ ﴾ \* یُسْقَوْنَ مِنْ رَحِيقٍ مَخْمُومٍ \* خِتَامُهُ مِسْكَ \* بیوریور .

[ سن ییلورسک اهل جنتک یوزلرنده نعمتک کوزللیکنی . ] ای خطاب شانندن اولان ذات ! سن اهل جنتی کورونجه آنلرک یوزلرنده بیاضلق و بشاشت کبی اهل نعمتک یوزنده کوریلن علامتلی کورور و آنسکه آنلرک اهل نعمت اولدقلرینی بیلیرسک . زیرا ؛ بو دنیاده اهل نعمتک یوزلرنده ثروتک و راحتک اری معلوم اولدینی کبی آخرته دخی اهل جنتک یوزلرنده نعمتک اری کوریلور . [ یالکز یوزلرینک بشاشتی و نضرتی ایله قالمازلر . چونکه ؛ آنلر آغزی مهرلی و مهری مسک و عنبر اولان شراب خالصدن ایچرتیورلر . ]

یعنی ؛ اهل جنت جتنه کیردکلرنده یوزلرنده کوزللیک کورولدیکی کبی بر شراب خالصدن ایچریلورلرکه او شراب غایت صافی و خالص و براق اولدینی کبی ایچنده طبیعت کربیه

و یره جک و یاخود مزاجی افساد ایده جک برشی بولونماز . زیرا ؛ او شرابک کمال نفاستندن آغزی مهرلی و مهرنده موم یرینه آنک مهری مسک و عنبردر و یاخود ایچنجیه آخری مسک رایحه سنه بکزه بر رایحه ایله ختام بولور . یعنی ایچن ایچد کدن صوکره مسک رایحه سنی قوقار ، یوقسه دنیا شرابلی کبی قارن آغزیتق و آغیز قوقوتق و باش دونمک کبی برشیلر اولماز .

فخر رازینک بیانی وجهله رحیق ؛ کسریسنده اصم قاریشیر اولایانه شرابدر . مهرلی اولسی ؛ اهل جتنه تعظیم و تکریم ایچوند . زیرا ؛ ا کرام اولونا جق بویوک کیمسه لره تقدیم اولونان شینک تعظیم ایچون مهرلی تقدیم اولونسی عادتدر . او شرابی ایچن کیمسه ، آخرنده مسک رایحه سی کبی بز رایحه بولور .

..

واجب تعالی اهل جنتک شرابی بیاندن صوکره او شرابه رغبت ایتک لازم اولدینی بیان ایتک اوزره ﴿ وَ فِي ذَلِكَ فَلْيَتَنَافَسِ الْمُتَنَافِسُونَ ﴾ بیوریور .

[ شو پاک اولان شراب و خالص اولان نعمت رغبت ایتک لایقدر . شو حالدله رغبت ایدیجیلر رغبت ایتسونلر . ]

یعنی ؛ اهل جنت حقنده بیان اولونان نعمتلر و شرابلر ابدی اولوب کمال صفوتیه برابر قاریشیقدن عاری اولدینی جهته رغبت ایتک لایقدر بناء علیه ؛ عبادت السیهیه سرعت و طاعات سبحانییه مداومت ایتکله بونفیس نعمتله رغبت ایدیجیلر رغبت ایتسونلر . ابوالسعود افندینک بیانی وجهله اهل جنتک نعمتلینه و شرابلرینک علو مرتبه سنه اشارت ایچون بعد مراتبه موضوع اولان ( ذلك ) لفظی وارد اولشدر .

تنافس ؛ سرعت بر شیء رغبت ایتک ، یاخود سابقه صورتیه عمل ایتکدر . چونکه ؛ جنت نعمتلرینک نفاستی و ابدیتی معلوم اولونجه انسانلری یکدیگرینه قارشی اونعتمله نائل اولغه وسیله اولان عبادته مسابقه ایتلی که اونعتمله مسابقه اولسون .

..



واجب تعالی جنت شرابنک دیکر صفتی بیان ایتک اوزره ﴿وَمِنْ أَجْهِ مَنْ تَسْنِمُ﴾

عَيْنًا يَشْرَبُ بِهَا الْمُقَرَّبُونَ ﴿بیوریور .

[ او شراب خالصک مزاجی جنتده (تسنیم) دینلن پیکارک صوبودر . اوتسنیم ؛ بر پیکاردر که آندن عندالوهیتده مقرب اولان کیمسه لر ایچرلر . ]

یعنی ؛ ریحیق دینلن شرابه قاریشدریلان تسنیم اسمنده اولان پیکارک صوبیدر . او تسنیم بر پیکاردر که آندن ایچنلر دنیاده وقتنی ضایع ایتمه یوب مکلف اولدینی وظائف دینی سنی شریعتک بیانی وجه اوزره ادا ایتمکه جناب حق رضاسنی تحصیل ایتمش و قربیت مغنویه پیدا ایدر که آخرته کیتمش اولان کیمسه لر در . زیرا تسنیم ؛ مقبول بر پیکار اولدینی ایچون مقبول اولان قوللر او پیکاردن ایچمک شرفه نائل اولورلر .

فخر رازینک بیانی وجهله تسنیم ، هنت یطارلرینک ال شرفیسیر . هنتک غایت بوکک محله منزه آقرفی ایچونه تسنیم دینلمشدر .

..

واجب تعالی جنتده مؤمنلره واقع اولاجق اکرامی بیاندن صوکره دنیاده کافرلرک مؤمنلری استهزالی و کولملری کی فنا معامله لرینی و آخرتده او معامله نک عینیه کندی علیهلرینه دونه جکنی بیان ایتک اوزره ﴿إِنَّ الَّذِينَ أَجْرَمُوا كَانُوا مِنَ الَّذِينَ آمَنُوا يَضْحَكُونَ﴾ وَإِذَا مَرُّوا بِهِمْ يَتَغَامَرُونَ ﴿وَإِذَا انْقَلَبُوا إِلَىٰ أَهْلِهِمْ انْقَلَبُوا فَكِهِينَ﴾ وَإِذَا رَأَوْهُمْ قَالُوا إِنَّ هَؤُلَاءِ لَضَالُّونَ ﴿بیوریور .

[ شول کیمسه لر که آنلر کناه ایشله مکله جرم صاحبی اولدیلر . آنلر اهل ایمانک حاللرینه کولرلر و او کافرلر مؤمنلره تصادف ایتدکلرند کوزلریله قاشلریله بربرینه اشارت ایدر که اهل ایمانی ذم ایدرلر و او کافرلر مؤمنلری ذم ایدرلرک دونوب خانه لرینه کلدکلرند مؤمنلری استهزالرندن تلذذ ایدرلرک دوزلر کلرلر و او کافرلر مؤمنلری کوردکلرند

دیرلر که « شومؤمنلر محقق ضلالتده درلر . زیرا ؛ نعمت حاضره یی ترک ایدرک وقوعی معلوم اولمادق برنعمته امید ایدرلر . » [ و بویله دیمکه کندیلرینک هدایتده اولدقلرینی ادا ایدرلر . فخر رازینک بیانی وجهله بو آیتده ذم اولوتان ( ابو جهل ) ، ( ولید بن مغیره ) و ( عاص بن وائل ) کی اکابر مشرکیندر . چونکه آنلر ( عمار ) ، ( صهیب ) و ( بلال ) کی فقراء اصحابک حاللرینه کولدکلری و آنلری استهزا ایتدکلری زمانده آیتک نازل اولدینی مریدر . اکابر مشرکین فقراء اصحابی کوردکلرند کوزلریله قاشلریله بربرینه اشارت ایدرلر ذم ایدرلر و کولوشورلردی و بونکله اولرینه کلدکلرند بو ذملریله میوه یمش کی تلذذ ایدر و اهل ایمان ایچون « ضلالتده در » دیرلردی .

بو آیت کوزلیله قاشیله ذم و غیبتک لسانله غیبت کی اولدیغه دلالت ایدر . زیرا ؛ جناب حق کافرلری کوزلریله قاشلریله اشارت ایدرلر غیبت ایتلریله ذم ایتمشدر . اگر کناه اولمقده لسانله غیبت کی اولماش اولسه ایدی کافرلری بونکله ذم ایتزدی . حالبوکه ذم ایتدی ، شو حالده لسانله ذم ایله کوزلیله قاشیله اشارت صورتیه ذم بیننده فرق اولمادیغه آیت دلالت ایدر . کافرلر آخرتک وجودینه اعتقاد ایتدکلرندن آخرته اعتقاد ایدن و آخرت ایچون سعی ایدن اهل ایمانک ضلالتده اولدقلرینی پرواسر سویارلردی . شو طعن مثللو زمانمزد بولوتان دوشونجه سز جهله عوام و دینله علاقه سی اولمایان برطاقم کیمسه لر طرفندن ده مؤمن کاملره واقع اولیور . حالبوکه اوحقا کندی ضلالتلرینی مؤمنلره اسناد ایدیورلر و شو اسنادلرندن ده حیا ایتمه یورلر . اصلح الله مالنا و مالهم .

..

واجب تعالی کافرلرک حاللرینی بیاندن صوکره کافرلرک ، مؤمنلرک حاللرینی تفتیشه حأمور اولمادقلرینی بیان ایتک اوزره ﴿وَمَا أَرْسَلْنَا عَلَيْهِمْ حَافِظِينَ﴾ بیوریور . [ حالبوکه او کافرلر مؤمنلرک حاللرینی و عمللرینی حفظ ایدیچی اولمادقلری کی محافظیه حأمورده دکلردر . ] و اهل اسلامی بکچی اولارق ده کوندرله دیلر . بناء علیه ؛ هر نه یاپسه لر وظیفه لرینک خارجنده یابدقلری ایچون کندیلری مسئول و معذب اولورلر . چونکه ؛



وظیفه سنک غیرله مشغول اولان کیمسه هر زمان مسئولیتدن و محجوبیتدن قورتولاماز.  
شوخالده کافرلر مؤمنلر حقنده نه دیسه لر و نه یاپسه لر عاقبت کندیلری مسئول و محجوبلردره.

..

واجب تعالی کافرلرک دنیاده مؤمنلره کولدکلرینی و حالبوکه مؤمنلرک حاللرینی تفتیشه  
مأمور اولماقلرینی بیاندن صوکره آخرتده مؤمنلرک کافرلره کوله جکلرینی بیان ایتک  
اوزره ﴿فَالْيَوْمَ الَّذِينَ آمَنُوا مِنَ الْكُفَّارِ يَضْحَكُونَ﴾ عَلَى الْأَرَائِكِ يَنْظُرُونَ ﴿  
بیوریور .

[کافرلرک حاللری بویله اولونجه قیامت کوننده مؤمنلر کافرلری حقیر و ذلیل و سفیل  
کورونجه کولرلر و کوشکلرده و سرایلرده و کرسیلر اوزرنده اللهک و یردیکی نعمتلره  
نظر ایدر مسرور اولورلر .] زیرا ؛ دنیاده کافرلر نعمتلرینه مغرور اولارق یوکسک  
خانه لرنده اوطوروب فقراء مسلمینک فقر و احتیاجلری سببیه آنلره ناصل کولمشرسه  
آخرتده نوبت مؤمنلره کلیر و عین حال اوزره مؤمنلرده آنلره اویله جه کولرلر و انتقاملرینی  
آلیرلر . بنساء علیه ؛ مؤمنلرک ، آنلرک حاللرینه صبر ایتملری لازمدر . چونکه عاقبت ؛  
مؤمنلر کدر .

..

واجب تعالی کافرلره اولاجق معامله نك دنیاده مؤمنلره یاپدقلری معامله نك جزاسی  
و آکا مقابل اولدیغنی بیان ایتک اوزره ﴿هَلْ تُؤِتِبَ الْكُفَّارُ مَا كَانُوا يَفْعَلُونَ﴾  
بیوریور .

[البته کافرلر ایشله دکلری عمللری اوزرینه جزالانورلر .] زیرا ؛ دنیاده مؤمنلره  
کولدیلر ، آکا مقابل آخرتده اهل جنته کولونج اولورلر و مؤمنلری استهزا ایتدیلر ،  
آکا مقابل استهزا اولونورلر و الحاصل دنیاده یاپدقلری یولسز معامله نك عیننی آخرتده  
کورورلر .

بو آیتلر اهل ایمانی تسلیه ایچون سوق اولونمشدر . چونکه ؛ دنیاده کافرلردن

کوردکلری معامله یی آخرتده کافرلرک کوره جکنی وعدله جناب حق اهل ایمانه تعظیم  
بیوریور . زیرا ؛ برکیمسه نك خصمنه اهانت و آندن اخذ انتقام او کیمسه ایچون عین  
تعظیمدر . (هل) کله سیله استغفرهم ؛ بومقامده تفریر ایچوندر . یعنی البته کافرلر ایشله دکلری  
افعالک جزاسنی کوره جکلر یانلرینه قالمیه جق ، دیمکدر .

### سورة الشقاق

مکه مکرمه نازل اولان سورة لر دندر . بکرمی بسه آتی جامعدر .

بِسْمِ اللَّهِ الرَّحْمَنِ الرَّحِيمِ

﴿إِذَا السَّمَاءُ انشَقَّتْ﴾ وَآذِنَتْ لِرَبِّهَا وَحُقَّتْ ﴿وَإِذَا الْأَرْضُ مُدَّتْ﴾ وَالْقَتَّ  
مَا فِيهَا وَتَنَحَّاتْ ﴿وَآذِنَتْ لِرَبِّهَا وَحُقَّتْ﴾

[کوک یاریلوب و ربسنک امرینی دیکله دیکی و دیکله مکده حق قیلندیغنده و یر اوزرنده  
بولونان طاعلر قالدیریلوب بولاردیغنده و کمال شدله دوشه ندیکی و قتده و ارض ایچنده اولان  
دقیقلری و موتالری طشره آتوب ایچنده اولان آغیرقلردن خالی اولوب ربسنک امرینی  
کمال اهمیتله دیکله یوب و دیکله مکده حق اولدیغنده هر کس کندی عملنک جزاسنی کورور .]  
یعنی ؛ قیامتک دهشتندن کوک یاریلوب و امر السهی بی کمال اطاعتله دیکله یوب و دیکله مک  
حق ولایق اولدیغنده انسان عملنک جزاسنی کورور و یر یوزی بوتون خلائقه واسع  
اولسون و هپسنی احاطه ایتسون ایچون بولارتیلوب و ایچنده اولان دقینه لری طیشنه  
آندیغنده و کندی هرشیدن وارسته اولوب خالی قالدیغنده و امر السهی بی کمال انقیادله  
دیکله یوب و دیکله مکده حق اولدیغنده انسان کندی عملنی کورور و ایتدیکنی بولور .  
فخر رازینک بیانی وجهله آیت ؛ قیامتک احوالی بیان ایچون - وق اولونمشدر .  
چونکه الشقاق ؛ یارلمو معناسنده . سمانک یارلسی ایسه قیامتده اولاجقدر . (اذنت)  
خلاصة البیان : اون بشنی جلد - ۲۸



استماع ابروب دیکلمک معنایه در . (حققت) هر اولری درایه قیلمدی دیمکدر . چونکه او کونک دهشتی اوزرینه سمانک یاریلوب اجزالرینک طاعیله اسنده اللهک قدرتنک تأثیرینه قارشى سمانک جرمنده بر ممانعت اولمایوب درحال یاریلیویرمسی کآن برعبدک افندیسنک سوزینی کمال اطاعتله دیکله یوب هر نه امر ایدرسه درحال امرینی یرینه کتیرمسنه مشاهددر . شوخالده اللهک قدرتنک اجزالری تقریقه واعدام واقفا ایتمکده اصلا ممانعت اولمادیقنه وهر جسمک بو حال اوزره اولدیقنه آیت جلیله دلالت ایدر .

ارضک مداولونمسی ؛ اوزرنده طاغیرک قالبرلمسیدر دوشنوب و غنقی اطافه ایتمسی ایچونه بولار نلما سیدر . چونکه ؛ ناسک حساب ایچون ارض اوزرنده بولونمسی ارضک اولین و آخرینی احاطه به کافی عرضنده و طولنده بولارمسنی ایجاب ایدر .

ایچنده اولانلری القانک معناسی ؛ دفیئلری و مرتابی طهره آتوب کنربنک اولدیفنمه غالی قاطیسیدر . ایچنده اولان شیلرک جمله سنی طیشارویه آتوب خالیه الحالی قالماسنک کلفته محتاج اولدیقنه اشارت ایچون (تخلت) کلفت معناسی افاده ایدن نفعل بابندن وارد اولمشدر . (واذنت لربها وحققت) جمله لرندن برنجیسی ؛ سماء ایکنجیسی ؛ ارضه عائد اولدیقندن آیتده تکرار یوقدر . زیرا ؛ اولکنک موضوعی باشقه وایکنجینک موضوعی ده باشقه اولدینی جهته تکرار اولماز .

آیتده جواب مقدردر . چونکه جواب مقدر اولورسه هر شیئه احتمالی اولدیقندن انسانلری قیامتک احوالیه قورقومتق دها زیاده اولدینی جهته جواب مقدر قیلمشدر . شوخالده معنای نظم شویله در : [ شو بیان اولونان احوالک ظهورنده انسانلرک حاللری مشکل اولور . زیرا ؛ هرکسک کیزلی قباحترلی میدان چیقار و حضور الهیده محاسبه کورور مجازات اولونور ] دیمکدر .

..

واجب تعالی قیامتده اولاجق وقوعاتی بیاندن صوکره انسانک سعینک ثمره سنی کوره جکفی

بیان ایتمک اوزره ﴿ يَا أَيُّهَا الْإِنْسَانُ إِنَّكَ كَادِحٌ إِلَىٰ رَبِّكَ كَدْحًا فَمُلَاقِيهِ ﴾ بیوریور .

[ ای انسان ! سن ایشکده البته چالیشیجی سک وسن چالیشمقله ربکه ملاقی اولورسک . ]

یعنی ؛ ای قابل خطاب اولان جنس انسان ! محقق سن سنی وکسب ایتمکله کسب ایدر و خیر و شر عمل ایشلرسک ، تا که اولوب ربکه ملاقی اولونجهیه قدر . فخر رازینک بیانی وجهله انسان ایله مراد ؛ جمیع مکلفیندر . بناء علیه ؛ مؤمن و کافر جمله سنی بو خطابده داخلدر . زیرا ؛ جمله سنی وفات ایدنجهیه قدر سنی و عملدن کیری قالماز ، هر جمله سنی چالیشیر و جمله سنی سعینک نتیجه سنی کورور . اما خیر ایشله بن خیر و شر ایشله بن شر نتیجه سنی بولور .

انسانک ، عمرینک بدایه سندن نهاییه سنه قدر سنی و عملدن وزحمت و مشقتدن قورتولیه جفته و بو حال وفات ایدوب ربسنه ملاقی اولونجهیه قدر دوام ایده جکنه و وفاندن صوکره دنیانک زحمتی نهایت بولاجفته اشارت ایچون انشاء غایه دلالت ایدن (الی) لفظی وارد اولمشدر . بناء علیه بو آیت ؛ مؤمنلری اعمال صالحیه تشویق و کافرلری اعمال سینه دن وبالخاصه کفردن تنفییر ایچوندر . زیرا هرکسک ربسنک حضور معنویسنه واره جغفی و عملنک جزاسنی کوره جکفی بیان ایتمک ؛ عاقل اولان کیمسه لک دوشونمسنه و اعمال خیریه به سنی ایدوب خیر جزاسنی کورمکه ترغیب اولاجقنده شبهه یوقدر که مؤمنلر حقنده دنیا آخرته نسبتله آنا رحمک دنیایه نسبتی کبیدر . بناء علیه ؛ اولدکن صوکره سنی ایمانله کیدنلر حقنده عین رحمت و سعادتدر .

..

واجب تعالی انسانلرک اولونجهیه قدر سنی ایتدکیرینی بیاندن صوکره انسانلرک ربلرینه ملاقی اولدقنلرند ایکی قسمه آیریلاجقلرینی بیان ایتمک اوزره ﴿ فَأَمَّا مَنْ أُوتِيَ كِتَابَهُ بِمِيزِينَةٍ ﴾ فسوف یحاسب حساباً یسیراً \* وینقلب الی اهله مسروراً \* واما



مَنْ أُوْتِيَ كِتَابَهُ وَرَاءَ ظَهْرِهِ \* فَسَوْفَ يَدْعُوا ثُبُورًا \* وَيَصْلِي سَعِيرًا \*  
بیوریور .

[ اما شول کیمسه که آنک کتابی دنیاده عمل خیر اولدینی ایچون صاغ طرفندن ویریور . محقق او کیمسه نک حسابی قولای کورولور و غایت اهن حساب اولونور واهلنه نمون و مسرور اولارق کیر و دوز کایر و اما شول کیمسه که آنک عمل دفتری آرقسی جانبندن ویریور . او کیمسه کندی هلاکنه کندی چاغیر و جهنمه داخل اولور . ]  
چونکه؛ سیناته مشغول اولان کیمسه نک صاغ آلی بوینده باغلی اولوب صول آلی آرقسینه دوئمش اولدیفندن عمل دفتری آرقسندن صول آله ویریلنجه کندیکن اهل جهنم اولدیفنی بیلیر و اولومنی ایست و هلاکنه چاغیر ، فقط چاقنده ! جهنمه کیرر و اوراده هلاکنی ایست ، لکن هلاکی ممکن دکدر .

فخر ازینک بیانی وجهله واجب تعالی نک کلامنده سوف کلمسی و موبه دلالت ایدر .  
یعنی « او کیمسه نک حسابی محقق اولارق قولای کوریلور و اهل جهنم محقق اولارق هلاکنه چاغیر » دیمکدر . حسابک قولای کورولمسی ایله مراد ؛ عملی واجب تعالی به عرصه اولونور . اگر عبادت ایه ثواب ویریور و اگر گناه ایه عفت اولونور کیلیور .  
اصول شریعت اولار و مناقشه دخی ایدریمز دیمکدر . بناء علیه بومثل حساب ؛ حساب یسیر دنیلمشدر و بومعنائی رسول الله دن روایت اولونان بر حدیث شریفده تأیید ایدر . چونکه ؛ رسول الله صلی الله تعالی علیه وسلم افندیتمز ( اللهم حاسبنی حساباً یسیراً ) دیهرک دعا بیوردیفنده ازواج مطهراتدن حضور رسالنده بولونان حضرت عائشه رضی الله عنها والده من « حساب یسیر نه در ؟ یا رسول الله ! » دیه سئوال ایدنجه رسول الله ( یظن الله فی کتابه و تجاوز عن سیناته فاما من نوقش فی حسابیه فقد هلك ) بیورمشلدر . یعنی « الله تعالی قولنک کتابه باقار و کناهلرندن کچر و اما شول کیمسه که حسابنده مناقشه اولدی او کیمسه محقق هلاک اولدی » دیمکدر .

حسابده مناقشه ؛ نه ایچونه بوکناهی ایشدرک ، نه رک واری ایری ، و ارب نه ایری ؟ »

دربمك كبی ایچره ایچره سئوال اولونمقدر . قول ایله ربسی آره سنده مکالمه نک جریانی محققدر .  
بناء علیه ؛ محاسبده مناقشه ده محققدر .

\*\*\*

واجب تعالی دفتر اعمالی آرقسندن ویریلن کیمسه نک جهنمه داخل اولاجفنی بیاندن صوکره آخرتده کی عذاب دنیاده کی سرورینه مقابل اولدیفنی بیان ایتک اوزره  
﴿ إِنَّهُ كَانَ فِي أَهْلِهِ مُسْرُورًا \* إِنَّهُ ظَنَّ أَنْ لَنْ يَخُورَ ﴾ بیوریور .

[ او کتابی آرقسندن ویریلن انسان دنیاده اهل و عیالی و قوم و قبیله سی ایچنده شادمان و مسرور ایدی و اولد کدن صوکره البته دیرلیه جکفی ظن و اعتقاد ایدردی . ] بناء علیه ؛ عبادات الهیه بی ادا و فرائض سبحانی بی ایفادن حاصل اولاجق مشقتلردن وارسته و آخرتدن غافل و مال و اولاد و ثروتی یولنده اولدیفندن آنلره افتخار و تلذذ ایتکله روحانیسی مسرور ایدی . چونکه ؛ الله دن قورقاز و آخرتک وجودینی ده اعتقاد ایتمه دیکسندن کناهلردن چکینمزدی . جناب حقک حضورینه بعث اولوناجفنه و اولد کدن صوکره بردها رجوع اولونیمه جفنه قناعت تامه سی اولدینی جهتله بواعقاد باطل سایه سنده عمرینی سرور اوزره کچیردیکسندن او آزیحق سروری آخرتده ابدی غموم و همومه تبدل ایدر . آنک ایچون دایما هلاکنی ایست و لکن فائده ویرمز . بونک مقابلی اولارق مؤمنک دنیاده عبادت ایچون چکمش اولدینی زحمتلری و الله تعالی دن و آخرتدن قورقوسنه بناء غموم و همومی آخرتده ابدی سروره تبدل ایدر .

\*\*\*

واجب تعالی کافرک آخرتی انکارینی رد ایتک اوزره ﴿ بَلَىٰ إِنَّ رَبَّهُ كَانَ بِهِ بَصِيرًا ﴾  
بیوریور .

[ امر حال و شان آنک زعمی و اعتقاد باطلی کبی دکل ، بلکه او انسان البته بعث اولوناجق و حضور معنوی الهیه به رجوع ایده جکدر . زیرا ؛ آنک ربسی عمرینک اولندن آخرینه قدر آنک ایشله دیکی عمللرینی بیلیر و آنک عملنه کوره مجازات ایدر اهل



ایتمز . [ جزا ایسه بعثت متفرعاندن اولدینی جهته البته بعث اولونوب ثواب و یا عقاب جزاسنی کوره جکدر .

..

واجب تعالی بعثت وقوعی بیان بیوردقدن صوکره بعثت وجودینه دلالت ایدن دلیلری و او دلیلره قارشى ایمان ایتهدکری تعجبه شایان اولدینی بیان ایتک اوزره ﴿ فَلَا أُقْسِمُ بِالشَّفَقِ وَالَّيْلِ وَمَا وَسَقَ وَالْقَمَرِ إِذَا اتَّسَقَ أَتَرَ كَيْنَ طَبَقًا عَنْ طَبَقٍ ﴾ فَمَالَهُمْ لَا يُؤْمِنُونَ بیوریور .

[ بن عظیم الشان کونشک ایندیکندن صوکره سمانک اطرافنده اولان قیزارقلغه و کیجهیه و کیجهنک جمع ایتدیکی حیواناته و اورتمش اولدینی جمله مخلوقات و ضیاسی تمام اولوب بوتون عالمه ضیا و یردیکی و لیلہ بدره و اصل اولدینده آیه یمین ایدرم که سز بر حالدن صوکره دیگر برحاله و برطبقه دن صوکره دیگر برطبقه و اصل اولورسکیز . شو حالده نه اولدی او کافرله که آنلر ایمان ایتهدیورلر ؟ ]

یعنی ؛ شفق وقتنه و کیجهیه و کیجهنک طوبیادینی مخلوقات و ضیاسی تمام اولدینده قره یمین ایدرم که سز برمنزلدن صوکره دیگر برمنزله اولاشیرسکیز که نطفه دن مضغه یه ، مضغه دن جنینه ، جنیندن حال طفولیتنه ، حال طفولیتدن دلیقانیلغه ، دلیقانیلقدن قوجهلغه ، قوجهلقدن موته و حال موتدن تکرار حال حیاته انتقال ایدر کیدرسکیز . حال بویله اولونجه ناصل اولیورکه بو حاللری کوروب بیلدکری حالده او کافرلر ایمان ایتمزلر ؟ بو قدر دلیللرک وجودیله برابر ایمان ایتهدملری تعجبه شایان برامر منکردر . چونکه یمین ایدیلن شفق ، کیمه و قره جمله سی هر زمان تغیراته معروض اولدقلرندن عالمک تغیراته و تغیراتده عاقبت فناء کیده جکنه دلالت ایتدیکی کبی قیامتک و بعثتک وجودینه دخی دلالت ایدر . زیرا ؛ شفق لک و کیجه لک و آیلرک و انسانلرک برحالدن حال اخرایه تبدیله قادر اولان واجب تعالی نک انسانلرک بعثته قادر اولاجنی آشکار ایکن بوکا ایمان ایتهدمکدن ده ازیاده حماقت اولاماز .

فخر رازینک بیانی وجهله آیتک اولنده آخرتدن بعث اولونمق قرینه سیله آیتک حکمتک آخرته مخصوص اولسی احتمالی واردر . بوکا نظراً معنای آیت : [ شومذ کور اولان شیلره یمین ایدرم که ای انسانلر ! سز هر نه قدر حشری انکار ایدرسه کزده البته بعث اولونا جقسکیز و بعث اولوندقدن صوکره برچوق شدتله ملاقی اولورسکیز . زیرا ؛ برشدتن صوکره دیگر برشته و بر موقفدن صوکره دیگر برموقفه و بر عملک حسابی کچدکدن صوکره دیگر برعملک حسابنه تصادف ایدرسکیز . حق اهل جنت جنته و اهل جهنم جهنمه کیدنجهیه قدر بو حال دوام ایدر ] دیمکدر . ( طبقاً عن طبق ) ایکنجهی مال اولمکنه شومذ مطابقه و موافقه اولور دیمکدر .

..

واجب تعالی کافرلرک بوقدر دلیلره قارشى ایمان ایتهدکری بیاندن صوکره قرآن او قوندینغه سجده ایتهدکری بیانی ایتک اوزره ﴿ وَإِذَا قُرِئَ عَلَيْهِمُ الْقُرْآنُ لَا يَسْجُدُونَ ﴾ بیوریور . [ او کافرلر اوزرینه قرآن او قوندینغه سجده ایتمزلر . ]

یعنی ؛ نه اولدی او کافرله که بوقدر دلالت قارشى ایمان ایتمزلر و آنلر ارباب فصاحت و بلاغندن اولدقلری جهته قرآنک معجز اولدینی بیلدکری حالده آنلر اوزرینه قرآن او قوندینغه تکبر ایدر سجده ایتمزلر .

فخر رازینک و ابوالسعود افندینک بیانلری وجهله بو آیتک سبب نزولی ؛ بر کون رسول الله صلی الله تعالی علیه وسلم افندیمز سجده آیتنی او قویوب اصحابیله برابر سجده ایدنجه او مقامده موجود اولان قریش سفهاسی ایصلق چالمق و آلرینی بربرینه وورمق صورتیله استهزاده بولونملری اوزرینه بو آیتک نازل اولدینی مرویدر . امام اعظم سجده نک وجودینه بو آیتله استدلال ایتشدر . زیرا ؛ فعل رسول الله اتباع واجب اولدینی کبی آیتک سبب نزولنه نظراً الله تعالی سجده یی ترک ایدن کافرلری ذم ایتشدر . اگر سجده واجب اولسه ایدی ذم لاحق اولمازدی . شو حالده ذمک لحوق ؛ سجده نک وجوبنه دلالت ایدر . یا خود سجده ایله مراد ؛ عبادت . شو حالده عبادت ایتهدکریندن دولای کافرلر



خدا اولونمشد. چونکه قرآنک معجز اولدیغنی بیلنجه رسول اللهک رسالتنه ایمان ایتلمی لازم ایکن ایمان و عبادت ایتهدکری جهته ذمه شایاندلر. سبب نزوله بیان اولوندیغنی وجهله آلری بربرینه چاربارق شمانت ایتک عادت جاهلیه دن قالم بر عادت کریه و آداب اسلامی به مخالفدر. مع التأسف زمانم زده مجالس و محافلده اهل اسلام ده بوخته لغم مبتلادر.

..

واجب تعالی کافرلرک سجده ایتهدکری بیاندن صوکره قرآنی تکذیب ایتدکری بیان ایتک اوزره ﴿بَلِ الدِّينَ كَفَرُوا يُكْذِبُونَ \* وَاللَّهُ أَعْلَمُ بِمَا يُوعُونَ﴾

بیوریور.

[قرآن او قوندیغنده سجده ایتک شویله طورسون بلکه کافرلر قرآنی تکذیب ایدرلر. حالبوکه الله تعالی آنلرک قیلرنده صاقلادقلى کفر و عداوتی هرکسدن زیاده بیلیر.] یعنی؛ ایمانک وجوبنه دلیلر هر نه قدر آجیق و ظاهرا ایسه ده کافرلر آباء و اجدادلرینی تقلید ایدوب آنلرک مذهبلرینی فدا ایدمه دکرندن و رسول الله حسد ایتدکرندن و ایمان ایدرلرسه منفعت دنیویه لرینک ضایع اولماسندن قورقدقلى ایچون ایمان ایتزلر، بلکه تکذیب ایدرلر و الله تعالی آنلرک کیزی عداوت و کفرلرینی بیلدیکندن آنلرک جزاسنی ویرر. زیرا؛ واجب تعالی بیلدیکی شیئی اهمال ایتز.

منفعتی وجاه و منصبی محافظه حرصی انسانلرده هر زمان بولونا کلمشدر. بناء علیه؛ انسانک کندی منفعتنه مقابل امور عامه و مهمه بی فدا ایتدیکی هر وقت کورولش شیلردندر.

..

واجب تعالی کافرلرک تکذیبلرینی بیاندن صوکره آنلرک جزاسنی بیان و مؤمنلری اوجزادن استننا ایتک اوزره ﴿قَبَشْرُهُمْ بِعَذَابِ أَلِيمٍ \* إِلَّا الَّذِينَ آمَنُوا وَعَمِلُوا الصَّالِحَاتِ لَهُمْ أَجْرٌ غَيْرُ مَمْنُونٍ﴾ بیوریور.

[آنلر قرآنه ایمان ایتیهوب کفری صاقلاینجه یا اکرم الرسل سن آنلری عذاب

الجهله تبشیر ایت. لکن شول کیمسه لرکه آنلر ایمان ایتدیلر و عمل صالح ایشله دیلر. آنلر ایچون آرقه سی کسيلمز اجر و منوبات واردر.]

یعنی؛ کافرلر آجیدی عذاب واردر. آنجق آنلردن توبه و استغفار ایدوب ایمانله مشرف اولوب اعمال صالحه ایشله یلر او عذابدن مستثنالردر. چونکه؛ آنلرک توبه لرینک قبولیله سائر اهل ایمان آره سنه داخل اولدقندن آنلر کی معامله اولونورلر. بناء علیه؛ سائر اهل ایمان کی آنلر ایچون توکنمز ثواب واردر.

### سوره بروج

مکه مکرمه ده نازل اولان سوره لردندر. بکرمی ایکی آیتی جامعدر.

بِسْمِ اللَّهِ الرَّحْمَنِ الرَّحِيمِ

﴿وَالسَّمَاءِ ذَاتِ الْبُرُوجِ \* وَالْيَوْمِ الْمَوْعُودِ \* وَشَاهِدٍ وَمَشْهُودٍ \* قُتِلَ أَصْحَابُ الْأُخْدُودِ \* النَّارِ ذَاتِ الْوَقُودِ﴾

[برجلر صاحبی اولان سمایه و انسانلره وعد اولونان یوم قیامت و شاهد اولان نبی به و مشهود اولان امته یمین ایدرم که علوله نیجی آتله طولدورلش چوقورلردن عبارت اولان اخدودک صاحبلی اولدورولدی.]

فخر رازینک بیانی وجهله بروج ایله مراد؛ رصد خانه لریم مشهور و علم نجومده معلوم و کوکرده موجود اولاره اوره ایکی برجه که برنجی سماده در. آنلرله یر یوزنده کوز، یاز، بهار و قیش موسملری تعین ایدر. یاخود برجلرله مراد؛ بیلرینلرله آنلر کیزلی اولایوب آیمیه اولدقلى ایچونه بروج دینمشد. سماده نیجه بیکلرجه عجائب و غرائب دلالت ایدر صنعتلر موجود اولوب یر یوزینک مصالحی سمایه مربوط اولدیغنی



جهتله سہانک شرفہ بناء جناب حق سہایہ یمن ایتشدرد . یوم موعود ایلہ مراد؛ قیامت کوئیر . زیرا؛ قیامتک و قوعی انسانلہ وعد اولونہ یفی ایچونہ یوم موعود دنیلیمشدر . یوم موعودده سہانک یاربلاجنی وییلدیزلرینک برجلرینک محو و مضمحل اولاجنی جهتله یوم موعودله سہا آرسندہ مناسبتہ بناء یمیندہ ایکسی برلشمشدر . شاہدایلہ مراد؛ امتہ شہادت ایدہ جک نبی و مشہود ایلہ مراد؛ او نبیک امتیر . یاخود شاہدایلہ مراد؛ امت محمد و مشہودله مراد؛ سار امتلردر . زیرا؛ امت محمد یوم قیامتده قرآنده کوردکاری وجہله دیگر امتلرک لہنہ وعلینہ شہادت ایدہ جکلری جهتله امت محمدہ شاہد دیگرلرینہ مشہود دینشدر . یاخود شاہد واجب تعالی ، مشہود؛ مخلوقایمیر . یاخود شاہد؛ ملکہ ، مشہود؛ مکلفایمیر . چونکہ ؛ ملکہ مکلفینک عمللرینہ شہادت ایدہ جکلردر . فخررازینک و ابوالسعود افندینک بیانلری وجہله بو آیت اصحاب اخدودک کیملر اولدیغنی بیان حقندہ مجملدر و بو محلی تفصیل ( صہیب ) حضرتلرینک رسول اللہ صلی اللہ تعالیٰ علیہ وسلم افندیمنر حضرتلردن روایت ایتدیکی بر حدیثلہ ثابت اولور . بناء علیہ ؛ اکثر مفسرین بو آتی او حدیثلہ تفسیر ایتشلردر و حدیثک مالی دہ شویلدہر : زمان سابقده بر پادشاہ کندینہ تابع اولانلرک ربسی اولدیغنی ادعا ایدردی و کندینہ منسوب اولان ساحر اختیارلامغہ باشلانجہ وفات ایتدیکی زمان یرندہ قلاجق بر کیمسہ بولونمسنی تصور ایدہرک سحر او کرہ نمک اوزرہ بر جوجنی او اختیار ساحرہ کوندردی . چوجق سحر او کرہ نمک اوزرہ کیدوب کلیرکن یول اوزرندہ مؤمن بر راہدن تعلہ باشلار و راہدن آلدیغنی فیض اوزرہ ایمان ایدر و زہد و تقوی ایلہ متصف اہل دل و ارباب کرامتدن مؤمن کامل اولور و خستہلری تداوی یہ باشلار و تداوی ایدہ جکی خستہلری ایمانہ دعوت ایدر ، آنلردہ ایمان ایدرلر . ملک جوجنی و آکا تابع اولانلری منع ایتک ایسترسدہ موفق اولامانجہ صحراہہ چوقورلر قازدیرر ، ایچنہ آتشلر یاقدیرر و آتشلک علوی سہایہ سر چکدیکی زمان کندینہ تابع اولمایان اہل ایمانی او چوقورلرہ آتار و یاقار ، لکن اہل ایمانی آتشلہ آتجہ جناب حق آتشلہ وارمقسزین آنلرک روحلرینی قبض ایلہ آتشدن خلاص ایدر . فقط

ملک و آکا تابع اولانلری چوقورلردن اطرافہ بوسکورہن آتشلرلہ جناب حق یاقار . ایشته بوسورتلہ آنلری اہلاک ایتدیکنی بو آیتلہ بیان بیورمشدر . بناء علیہ اصحاب اخدود ایلہ مراد؛ او بادشاہد آکا تابع اولانلردر . اہل مکہ عندندہ اصحاب اخدودک احوالی معلوم اولدیغندن جناب حق آنلری بیلدکاری بر مسئلہ ایلہ تہدید و رسولنی و اصحابنی صبر و تحملہ دعوتلہ تسلیہ بیورمشدر . یعنی ای اہل مکہ ! ناصل کہ اصحاب اخدود مؤمنلرہ اذا ایدرکن کندی اذالری کندی علیہلرینہ دوندی . سزده کفرده و مسلمانلرہ اذادہ اصرار ایدرسہ کز مؤمنلر حقندہ قوردیفکر دولابلر و دوشوندیککز حیلہ لر کندی آیاغکزہ دولاشیر و ای مؤمنلر ! اصحاب اخدودک اذالرینہ صبر ایدن مسلمانلر ناصل کہ درجاہ نائل اولدیلرسہ سزده صبریکز سبیلہ درجاہ نائل اولاجقسکز ، دیمکدر .

..

واجب تعالیٰ اصحاب اخدودک قتل اولوندقلرینی بیاندن صوکرہ قتل اولوندقلرینک کیفیتہ اشارت ایتک اوزرہ ﴿ اِذْ هُمْ عَلَيْهِمْ قُعُودٌ ۚ وَهُمْ عَلَىٰ مَا يَفْعَلُونَ بِالْمُؤْمِنِينَ شُهُودٌ ﴾ بیوربیور . [ اصحاب اخدود قتل اولوندیلر . زیرا ؛ آنلر آتش اوزرندہ اوتورور و یا ناجقلرہ سیرایدلر اوزاق بر محلده دکالردی . ] بناء علیہ ؛ آتشلک علوی آکسزین آنلرہ اولاشمش و یاقشدر . حالبوکہ آنلر مؤمنلری یاقق ایچون ایشلہ دکلری عذاب اوزرندہ حاضرلردی . یاخود آنلر مؤمنلرہ ایشلہ دکلری عذابہ پادشاہ حضورندہ شہادت ایدرلر و فلان چوقور قازمقدہ و فلان اودون کتیرمکدہ و فلان آتش یاقمقدہ و فلان دہ مسلمانلری آتشلہ آتمقدہ قصور ایتہ دکلرینہ و پادشاہک امرینہ کالیلہ اطاعت ایتدکلرینہ یکدیگرینہ قارشی شہادت ایدر و ہر کس کندی فعلیلہ افتخار ایدردی . ایشته اوزمان ہلاک اولمشلردر . بو شہادتلردن مقصدلری ؛ پادشاہہ قربیت پیدا ایدہرک مزخرفات دنیویہ نائل اولمقدہ . بوکی اہل خسیسی طاشییان خلوصکارلر ہر زمان پادشاہلر حضورندہ بولوندقلری



وانسانیتہ یاقیشایان برطاقم افعاله جسارت ایتدکری تاریخله ثابت اولدینی کبی هرکس کندی زماننده مشاهده ایدر و بو مثللو انسان صورتنده جانوارلردن ، انسان اولانلرده نقرت ایدرلر .

فخررازینک بیانی وجهله اصحاب اخدود، اهل ایمان ایچون یاقش اولدقلى آتشلری کندیلرینی یاقدینی جهتله دنیاده و آخرتده خائب وخاسر اولمشلردر . بو آیتده اصحاب اخدودك قسوت قبلرینک شدتنه و اهل ایمانك ایمانلرندہ جدیدلرینه دلالت واردر . زیرا ؛ اهل کفر کندی جنسلری انسانلری آتسه آتدقلى حالده آنلری سیر ایچون آتسك یاننده بولونوب اصلا متأثر اولمادقلى کبی مؤمنلرده کندیلرینه روا کوریلن آتسه بلا پروا کیروب اهل کفره التفات بيله ایتمه مشلردر .

..

واجب تعالی اصحاب اخدودك مؤمنلره اذالرینک سببی بیان ایتمک اوزره ﴿ وَمَا نَقَمُوا مِنْهُمْ إِلَّا أَنْ يُؤْمِنُوا بِاللَّهِ الْعَزِيزِ الْحَمِيدِ ﴾ بیوریور .

[ آنلر مؤمنلردن هیچ بر سبب و بهانه یه مبنی انتقام آلمغه قیام ایتمه دیلر ، آنجق عزیز وحید اولان الله تعالی یه ایمان ایدوب و ایمانلرندہ ثبات و دوام ایتدکلرندن طولانی انتقامه قیام ایتدیلر . ] چونکه ؛ آنلر نظرندہ مؤمنلرک الله تعالی یه ایمان ایتملرندن باشقه بر قصورلری یوقدی . آنجق پادشاهه مخالفت ایدرک اللهک برلکئی اقرار ایتلرینی حقلرندہ بیوک بر جنایت عد ایدرک دنیاده و آخرتده اک شدتلی عذاب اولان آتسه آلمغه قرار ویردیلر .

..

واجب تعالی ذات الوهیتی عزت و حمید اولق صفتلریله توصیف بیورنجه جمله قوللرینک هر دورلو نالرینه مستحق و هرشی اوزرینه غالب و قاهر اولدینی اثبات ایتمک اوزره ﴿ الَّذِي لَهُ مُلْكُ السَّمَوَاتِ وَالْأَرْضِ وَاللَّهُ عَلَى كُلِّ شَيْءٍ شَهِيدٌ ﴾ بیوریور . [ مؤمنلرک ایمان ایتدکری الله تعالی شول ذات اجل و اعلادرکه کولرک و یرک

ملکی آنکدر . بناء علیه ؛ یرده و کولکده جریان ایدن هر شیئه و هر موجوده اللهک علمی لاحق و هرشیده علمی حاضر در . ]

یعنی ؛ مؤمنلرک ایمان ایتدکری الله تعالی هرکسه غالب و قاهر و هر دورلو ثنایه لایق اولدینی کبی یرک و کولرک مالکیدرکه بونلرک و بونلرده موجود اولان بالجله مخلوقاتک تصرفی او الله تعالی یه مخصوصدر ، باشقه بر کیمسه نك هیچ برشیده مدخلی یوقدر . حالبوکه الله تعالی نك علمی هرشیئه لاحقدر . ایسته شو بیان اولونان صفتلره متصف اولان ذات لطیف ایمانه مستحقدر . آندن غیری ایمانه مستحق کیمسه یوقدر . شو حالده ناصل اولوبورکه بویله ملک و ملکوت صاحبی و علمی هرشیئه لاحق و قدرت قاهره سیله هرکسه غالب اولان ذات ایمانی کافرلر عیب عد ایدیورلر .

بو آیت جناب حق مدح ایچون سوق اولونمش واللهمک عزیز و حمید اولدینی اثبات مقامنده دلیلدر و تقریری شویلهدر : « الله تعالی عزیز و حمیددر . زیرا ؛ یرک و کولرک ملکی الله تعالی یه مخصوصدر . هر کیمسه که یرک و کولرک ملکی آکا مخصوص اولو ، او ذات عزیز و حمیددر . بناء علیه ؛ الله تعالی عزیز و حمیددر ، ، کذلک « الله تعالی عزیز و حمیددر . زیرا ؛ الله تعالی نك علمی هرشیئه لاحقدر . علمی هرشیئه لاحق اولان کیمسه عزیز و حمیددر . او حالده الله تعالی عزیز و حمیددر ، دیمک اولور .

..

واجب تعالی اصحاب اخدودك مؤمنلرک ایمانلرینی عیب کوردکلرینی بیاندن صوکره ایمانی عیب عدایدن کافرلرک جزالرینی بیان ایتمک اوزره ﴿ إِنَّ الَّذِينَ فَتَنُوا الْمُؤْمِنِينَ وَالْمُؤْمِنَاتِ ثُمَّ لَمْ يَتُوبُوا فَلَهُمْ عَذَابُ جَهَنَّمَ وَلَهُمْ عَذَابُ الْحَرِيقِ ﴾ بیوریور .

[ شو کیمسه لرکه ارکک و خاتون بالجله اهل ایمانی فتنه یه القا ایتدیلر و ایتدکلرینه نادم اولارق توبه ایتمه دیلر . آنلر ایچون شدتلی جهنم عذاب و یانغین عذابی واردر . ] فخررازینک بیانی وجهله فتنه ایله مراد ؛ آتسه یاقصدر . آنجق بو مقامده اصحاب اخدودك فتنه سی مراددرکه اوده اولکی آیتلرده بیان اولوندینی وجهله آتسه یاقصدر .



بوآیتده بیان اولونان عذابلرک هر ایکسی ده آخرتده واقعدر . شو قدر که عذاب جهنم ایله مراد ؛ کفرلری مپیبد اولاده عذابدر . عذاب حریق ایله مراد ؛ مؤمنلری باقارلری مپیبد اصل عذابلری اوزرینه زیاده اولاده عذابدر . یاخود عذاب جهنم ؛ آخرتده در ، عذاب حریق ایسه زیاده مؤمنلری بجهنم حاضر لادفری آتسه کندیلمک یا عذابدر . والحاصل ایکی نوع عذاب ؛ ایکی جهنم کناهکار اولدقلرینک نتیجه سیدر که بری کفر دیکری اهل ایمانه ایندیردر . حتی جو قورلردن بوسکورون آتشر آنلرک کندیلری یاقدینی کبی خانهلری دخی یاقتشدر . شومعنايه نظراً بوآیت ؛ اصحاب اخدودک قتل اولوندقلرینک کیفیتنی تفسیردر .

بوآیت کافر وقاتلرک توبه لرینک قبولنه دلالت ایدر . زیرا ؛ عذابک مؤمنلری فتنه به القا ایدوبده توبه ایتمینلره اولاجنی بیان اولونمشدر که توبه ایدنلره عذابک اولیه جفته اشارت اولونمشدر .

..

واجب تعالی کافرلرک دنیا ده و آخرتده عذابلری بیاندن صوکره . مؤمنلرک نائل اولاجقلری درجانی بیان ایتک اوزره ﴿ إِنَّ الَّذِينَ آمَنُوا وَعَمِلُوا الصَّالِحَاتِ لَهُمْ جَنَّاتٌ تَجْرِي مِنْ تَحْتِهَا الْأَنْهَارُ ذَلِكَ الْفَوْزُ الْكَبِيرُ ﴾ بیوریور .

[ شول کیمسه لرکه آنلر ایمان ایتدیلر و عمل صالح ایشله دیلر . محقق آنلر ایچون آلتندن ایرمقلر آقار جنتلر واردر . ایشته شو جنتلره نائل اولمق بویوک تجا در . ] زیرا ؛ مؤمنلره جناب حقک شو خبری مؤمنلردن راضی اولدیغنه دلالت ایدر . مؤمن ایچون اللهک رضاسنه نائل اولمقدن ده ا بویوک بر نعمت اولاماز . چونکه رضاء الهی ؛ جمله مطالبک فوقنده در .

فخر رازینک بیانی وجهله اصحاب اخدود قصه سی وبالخاصه شوآیت جلیله کفری اختیار ایتسی اوزرینه بر کیمسه اجبار اولوندیغنده قلبی ایماننده ثابت اولدیغنی حالده کندیغنی

هلا کدن قورتارمق ایچون اجبار ایدن کیمسه به قارشى تکلیف ایتدیکی کفری ظاهرده ارتکاب ایتسنه رخصت شرعی به بناءً جائز ایسه ده آنجق ظاهرده کفری ارتکاب اوزرینه هلا کفی ترجیح ایده رک هلاک اولسی افضل اولدیغنه دلالت ایدر . زیرا ؛ اصحاب اخدود کندیلری کفره اجبار ایدن پادشاهه قارشى ایمانلرنده ثبات ایده رک هلا کلریغنی اختیار ایتلری اوزرینه جناب حق آنلری ثنا بیوردی . چونکه ؛ عزیمت شرعی ایله عملدر . عزیمتله عمل رخصتله عملدن البته اولافضلدر .

شومعنايی تأیید ایدر بر حدیث شریفده واردر . شویله که اصحاب رسول اللهدن ایکی کیشی (مسيلمه الکذاب) ک آله دوشرلر . آنلره کندیگنی نبی اولدیغنی تصدیق ایتلریغنی تکلیف واجبار ایدر . بریسی ظاهرده موافقت ایدر نفسی هلا کدن قورتارر ، دیکری تکلیفی رد ایدر (مسيلمه) آنی قتل ایدر . بو خبر رسول الله صلی الله تعالی علیه وسلم افندیزمه واصل اولونجه ( اما الذى ترك فأخذ بالرخصة واما الذى قتل فأخذ بالفضل فهينأله ) بیورر . یعنی « اما شول کیمسه که آنی مسيلمه ترك ایتدی . او کیمسه رخصتله عمل ایتدی واما شول کیمسه که مسيلمه طرفندن قتل اولوندی او کیمسه فضیلتله عمل ایتدی ، قولایلق آنک ایچوندر ، دیمک اولور . ایشته شو کلام نبویدن آکلا شیلدیغنی وجهله کفر اوزره اجبار اولونان کیمسه نک ایمانده ثباته هلاک اولسی رخصت اوزره ظاهرده کفری اختیار ایتمکدن اولادر .

..

واجب تعالی اهل ایمانی افساد ایدنلری تهدید و عمل صالح ایشله ینلره جنتنی وعد بیوردقدن صوکره اولاف تهدیدینی وثانیاً وعدینی تأکید بیورمق اوزره ﴿ إِنَّ بَطْشَ رَبِّكَ لَشَدِيدٌ ﴾ اِنَّهُ هُوَ يُبْدِي وَيُعِيدُ \* وَهُوَ الْغَفُورُ الْودُودُ \* ذُو الْعَرْشِ الْمَجِيدُ \* فَعَالٌ لَمَّا يُرِيدُ \* بیوریور .

[ امی حبییم ! سنک ربکک طومتسی محقق شدتلیدر . زیرا ؛ اوربک تعالی هر شیئی یکیدن یاراتیر و یاراتدیغنی اولد کدن صوکره اعاده ایدر والله تعالی قوللرینک



قصورینی اورتوجی وایی قوللرینی سويچيدر . عرش اعلانك صاحبي در وقدر عالی ایسته دیکنی ایشله یچيدر . [

یعنی ؛ ربك تعالی کفرده اصرار ایدنلری ، مؤاخذه ایدر . زیرا ؛ عاصیلری عصیانلریله طوتوشی غایت قاتی وشدیلدر . بناء علیه ؛ آنلردن اخذ انتقام ایدر . زیرا ؛ اولاً ؛ ایجاد ایدر . چونکه ؛ قدرت کامله سی ایجاد کافيدر . ثانیاً اولدکن صوکره حالت اصلیه سنه اعاده ایدر . زیرا ؛ قهر و غلبه صاحبیدر . شوحالده هم دنیاده همده آخرتده قوللرینك هر درلو عمللرینه کوره مجازات ایدر . نته کیم اصحاب اخدودی ده مجازات ایشدر . وربك تعالی اطاعت ایدن قوللرینی جنتنه نائل ایدر . زیرا ؛ توبه واستغفار ایدن قوللرینك کناهلرینی ستر ایدیچی وتوبه وندامت ایدن کیمسه لرك اخلاصنه وایی قوللرینك اطاعتنه محبت ایدیچيدر و عرش اعلانك صاحبي ذاتنده وصفاتنده جمله دن اولو و بویو کدر . ایسته دیکنی شیئی بالاخیار ایشلرو هیچ بر کیمسه نك قاریشمغه صلاحیتی بوقدر . چونکه ؛ هر نه ایشلر سه کندی ملکنده ایشلر وهر نه کبی آثار کورولسه بالاخیار یالکز آندن صادر اولمشدر . بناء علیه ؛ سودیکی قوللرینی جنته ادخال ایدر هیچ بر کیمسه مانع اولاماز و دشمنلرینی جهنمه ادخال ایدر هیچ بر کیمسه آنلره یاردم ایدوب سستی چیقاراماز .

\*\*

واجب تعالی اصحاب اخدودی ذکرله رسول اللهی واصحابی تسلیه و کافرلری تهدید ایتدکن صوکره فرعون و نمود کبی دها اول کچنلری ذکرله دخی تهدید وتسلیه ایتمک اوزره ﴿ هَلْ أَتَيْكَ حَدِيثُ الْجُنُودِ ﴾ فرعون و نمود ﴿ بیوریور .

[ محقق سکا عسکرلرك خبری کلدی اوعسکرلرك فرعون وقوم نموددر . ]

یعنی ؛ یا اکرمرسل ! ام سالفه دن انبیا اوزرینه عسکر چکنلرك خبری البته سکا کلدی و آنلردن الك قوتلی اولان فرعون برادرک موسی علیه السلامه نه قدر اذیتلر ایتدی وعاقبتی نهیه واردی و نمود قومی صالح علیه السلامه نلر یابدی و عاقبت آنلری ناصل

مؤاخذه ایتدك . شوحالده سنك قومکدن سکا واصحابکه واقع اولان اذاره سن محزون اولما . چونکه ؛ بز آنلردن انتقامی آلیرز . بناء علیه ؛ مکه مشرکلری قوم فرعون و نمود کبی هلاکه حاضر اولسونلر .

\*\*

واجب تعالی تهدیدینی تا کیدایتمک اوزره ﴿ بَلِ الَّذِينَ كَفَرُوا فِي تَكْذِيبِ ﴾ وَاللَّهُ مِنْ وَرَائِهِمْ مُحِيطٌ ﴿ بیوریور .

[ بلکه شول کیمسه لركه آنلر سکا و کتابک کفر ایتدیلر . آنلر تکذیبده ثابتلر و قرارلاشمشدر ، واز کچمز لر . حالبوکه الله تعالی قدرتیله آنلری هر طرفدن قوشا یچيدر . ] بناء علیه ؛ قدرت قاهره سندن قورتولق بوقدر . زیرا ؛ آنلر هر نه قدر سکا واصحابک اذیت ایدر لر سه ده آنلر ایچون عذاب هر طرفدن حاضر لاشدر . چونکه ؛ الله تعالی هر ایشلرینی احاطه ایتدیکی ایچون عمللرینك هیچ بر ذره سستی بیله اهمال ایتمز .

﴿ بَلْ هُوَ قُرْآنٌ مَجِيدٌ ﴾ فِي لَوْحٍ مَحْفُوظٍ ﴿

[ بلکه آنلرك تکذیب ایتدکلری شی قرآندر ، لوح محفوظده یازیلدر ] بناء علیه ؛ قدری عالیدر . آنلرك تکذیبلرندن قرآنه بر نقصان عارض اولماز . زیرا ؛ تبدل وتغیردن مصوندر . شوحالده قرآن هر نه که خبر ویردی ایسه واقع اولمش واولاجقدر . ایشته شو اساسه بناء کافرلر حقنده قرآنك خبر ویردیکی شیلرك جمله سی واقع اولاجقدر .





سوره طارق

مکه مکرمه نازل اولان سوره لر دندر. اوده بری آتی جامعدر.

بِسْمِ اللَّهِ الرَّحْمَنِ الرَّحِيمِ

وَالسَّمَاءِ وَالطَّارِقِ \* وَمَا أَدْرَاكَ مَا الطَّارِقُ \* النَّجْمُ الثَّاقِبُ \* إِنْ كُلُّ نَفْسٍ لَّمَّا عَلَيْهَا حَافِظٌ \*

[ کواکبه و کیمه ده ظهور ایدن بیلدیزلره عین ایدرم که هر نفس اولمادی، الا آنک اوزرنده بر بکچی واردر. ای رسول مکرم! طارق نهدن عبارت اولدیغی سکا هانکی شی بیلدیردی؟ او طارق پارلایچی بیلدیزدر. ایشته بو بیلدیزه و سایه عین ایدرم که نفسلردن هیچ بر نفس اولمادی، آنجق اونفسک عملی یازیچی و اونفسی محافظه ایدیچی دائمی صورتده آنک یاننده بولونور بر کوزه تیجی ملک واردر. ]

فخر رازینک بیانی وجهله کیمه ده ظهور ایدیکی مهربانه بیلدیزه طارق دنیلدیکی کبی کیمه نلک فارانغی ده لریکی وهوا به نافذ اولورده مشرقده طوغریغی و سماده بوکسک اولورده یارلا دیغی ایچونه ثاقب دینمشر. بو آیتده حافظ ایله مراد؛ حفظه ملکه میده باشقه بر ملکه. اوملکک وظیفه سی؛ محافظه درکه محافظه سینه مأمور اولدیغی شخصی شیطانک شرندن حفظ ایدر. یاخود حافظ ایله مراد؛ الله تعالی در. زیرا؛ الله تعالی هر قولی حفظ ایدر و احوالی بیایر و جمیع منافعی ایصال و مضرتی دفع ایدر. شومعنا لردن هانکی معنی مراد اولونورسه اولونسون آیتک خلاصه سی؛ رسول الهی تسلیه در. یعنی «ای حبیب! کافرلردن اخذ انتقامه عجله ایتمه. زیرا؛ آنلرک هر برینک اوزرنده کوزه تیجی بر ملک واردر که آنلرک ایشلرینی و سوبله دکاری سوزلرینی و طوطقلری مسلک لرینی بیلیر، هیچ

بر ذره سی بیله اجمال ایتمز. بناء علیه؛ آنلر یقینه مجازات اولونورلر عمللرینک جزاسی کورورلر، دیمکدر.

..

واجب تعالی هر نفس ایچون بر حافظ اولدیغی بیاندن صوکره هر کسک عملی محفوظ اولونجه انسانه لازم اولان بدایه حاله نظر ایتک اهم و الزم اولدیغی بیان ایتک اوزره

فَلْيَنْظُرِ الْإِنْسَانُ مِمَّ خُلِقَ \* خُلِقَ مِنْ مَّاءٍ ذَاقٍ \* يَخْرُجُ مِنْ بَيْنِ الصُّلْبِ وَالتَّرَائِبِ \* بیوریور.

[ هر انسان ایچون بر بکچی اولونجه او انسانه لازم اولان اک مهم وظیفه؛ بدایه خلقتی دوشونمکدر. بناء علیه؛ او انسان نهدن خلق اولوندیغنه نظر ایتسون باقسون که او انسان آنا رحمته شدته دوکولن صودن خلق اولوندی که او صو پدرك بلنک آره سیله آنانک کوکس کیمکلرینک آره سندن چیقار. ]

یعنی؛ هر انسان اوزرنده بر بکچی اولونجه هر انسان ابتداء حاله باقسونده ابتداء منیدن خلقه قادر اولان الله تعالی نلک او انسانی اولد کدن صوکره تکرار اعادیه قادر اولدیغی بیلسون که آخرته مایوس اولاجنی قباحتری ایشله یوبده و حافظ اولان ملکه یازدیرماسون، بیلکه آخرته سرور و یره جک اعمال صالحه یازدیرسون و انصاف ایتسون باقسون که نه کبی حقیر و ذلیل شیدن خلق اولوندی. زیرا باباسنک بلندن آناسنک رحمته کمال شدت و تلاشله دوکولن حقیر بر صودن یارادلدی. بونی بیلسون و حدیجی تجاوزه ایتسون. چونکه بابانک بل کیمکلریله آنانک کوکس کیمکلری آره سندن چیقان منیدن خلق اولونمشر. بویه حقیر بر صودن خلق اولونان انسانک اولاً کندیغی و ثانیاً ربی بیلیمی لازمدر. فخر رازینک و ابوالسعود افندیگن بیانلری و جهله بوایت؛ انسانک والده سنک و پدرینک هر ایکسینک صویندن خلق اولوندیغنه دلالت ایدر و احادیث جلیله ده ارکک و دیشی هر ایکسینک صویندن خلق اولوندیغنه صراحت کافی واردر. چونکه؛ بعض روایته نظر آ رسول الله صلی الله تعالی علیه وسلم افندیمز «ارککک منیسی غالب اولورسه چو چو غک بابایه و بابانک اقرباسنه مشابهی زیاده اولور و اگر آنانک منیسی غالب اولورسه چو جفک انایه و آنانک



اقرباسنه مشابہتی زیادہ اولور ، بیورمشدر . ایشته بوحدیث شریف چوجفک ہر ایکسینک صوبندن خلق اولوندیغنه آچیقندن دلالت ایدر . شو حالده بعضیلرک « ترائب ایلہ مراد بابانک کوکس کیلکریدر و چوجق یالکز بابانک صوبندن خلق اولونور » دیدکری سوزلری مردوددر . بوآیت ؛ ترائب ایلہ مرادک قادینک کوکس کیلکری اولدیغنه و خانونک منیسی کوکسندن نازل اولدیغنه دلالت ایدر و کوکسندن نازل اولدینی ایچون خانونک شفقتی زیادہ اولدیغنه دائر بعض اثرلرده موجوددر .

\*\*\*

واجب تعالی انسانک بدایۃ حالی بیاندن صوکرہ نہایۃ حالی بیان ایتک اوزرہ ﴿ إِنَّهُ عَلَى رَجْعِهِ لَقَادِرٌ \* يَوْمَ تُبْلَى السَّرَائِرُ \* فَمَأَلُهِ مِنْ قُوَّةٍ وَلَا نَاصِرٌ ﴾ بیوریور .

[ او الله تعالى انسانک اولدکدن صوکرہ تکرار اعاده سنه البتہ قادردر و اوکونده انسان اعاده اولونور کہ بوتون اسرار آچیغہ چیقاریلور . بناء علیه قبلرده کیزلی اولان ای نیلر و کوتو نیلر و صورت خفیہده ایشلنن و آشکارده یاپیلان عمللر هب میدانه قونور و هرکس امتحان اولونور . شو حالده اوکونده انسان ایچون عذابنی دفع ایدہ جک بر قوت و یاردیمچی اولماز . ] زیرا ؛ هرکس کندی دردیله مشغول اولدیغندن باشقه سنه یاردیمه وقتی اولماز .

فخر رازینک بیانی وجهله ( تبلی ) اعمامه اولونور دیمکدر . امتحانک معناسی ؛ اوکونده انسانک ایشله دیکی عملی کندینه سوبله نور و مدحک یازدینی دفتره تطبیق اولونور . انسان کندی اعمالنه نظر ایدر باقار کہ جمله سی موافقدر و ایچندن هانکیلرینک ثواب و هانکیلرینک کناه اولدیغنی بیلر . چونکه ؛ انسانک یاپدینی ایشلردن بعضیسی ظاهرده ای کوریلور ، حالبوکہ باطنده عین قباحث اولور . بناء علیه ؛ هر شخصک عمل دفترینک کندی آله ویرلسی و ایشله یارایاتی و یارامایاتی کندینه بیلدیرلسی و عملنه آز ویا چوق ثواب ویرلدی ویا عذاب اولوندی دیهرک اعتراضه میدان بر اقلمامسی آنک حقنده امتحاندره

\*\*\*

واجب تعالی انسانلرک اعاده اولوناجغنی بیاندن صوکرہ انسانلرک اعاده اولوناجغنی خبر ویرن قرآنک حقلہ باطل بیننی تفریق ایدر بر کتساب اولدیغنی بیان ایتک اوزرہ ﴿ وَالسَّمَاءِ ذَاتِ الرَّجْعِ \* وَالْأَرْضِ ذَاتِ الصَّدْعِ \* إِنَّهُ لَقَوْلُ فَصْلٍ \* وَمَا هُوَ بِالْهَزْلِ ﴾ بیوریور .

[ دوران ایتمکله دونوب کیری کلیجی و دونمک ویا یاغمور صاحبی اولان سایه و یارلق صاحبی اولان ارضه یمین ایدرم کہ قرآن حقلہ باطل بیننی تفریق ایدیمچی بر سوزدر . حالبوکہ قرآن او یونله نازل اولمادی . ] زیرا ؛ جدیتله نازل اولدی . بناء علیه ؛ هر حکمی قطعیدر او یونجاق دکدر . انسانلر آره سنده اولان مخاصماتی فصلی عین حقیقتدر ، اصلا او یونله مناسبی یوقدر .

فخر رازینک بیانی وجهله رَجْع ؛ یاغمور معناسه در . زیرا ؛ یاغمور یاغار ، صوکرہ تکرار یاغار و یاغمور سببیلہ خیر کلیر ، تکرار یاغار ینه تکرار خیر کلیر و یاخود رحمت دیکزدن بلوطه کیدر ، بلوطدن دوزر یرہ کلیر و الحاصل یاغمور ، دونمک معناسه اولان رجع دینمک شایاندر . صَدْع ؛ یاغلر معناسه در . چونکه ؛ کوکدن رحمت یاغنجہ اوتلر واکینلر و آغاچلر بیتمکله یر یاریلور . نشوونما بولور و برکتلر حاصل اولور . شو حالده کوک بابامزلنده ارضه فیض ایدر و ارضده آنامزلنده بر چوق اولاد طوغورور . بناء علیه ؛ هر ایکسی ده انسانلر ایچون بویوک نعمتلردر . چونکه ؛ نعمت دنیا کوکدن یاغمورک تکرار بتکرار یاغمسنه و ارضدن اوتلرک واکینلرک بیتسنه موقوفدر .

یاخود رجع ؛ سمانک دونمیدر . چونکه ؛ سما دوران ایدر و هر دوره سنده ، اول حرکت ایتدیکی محله دوزر کلیر ، عادتا برد کرمن طاشی کبی نره دن حرکت ایدر سه دوره سنی بیتیر ینه عینی محله کلیر دوره ثانیہ به باشلار . بناء علیه سایه ( ذات الرجع ) یعنی دونمک صامبی دیمشدر .

\*\*\*

واجب تعالی قرآنک حقلہ باطل بیننی تفریق ایتدیکنی بیاندن صوکرہ قرآنک حق



اولمادیغه وابطالنه سعی ایدنلرک سعی نمره سز قلاجفی بیان ایتک اوزره ﴿إِنَّهُمْ يَكِيدُونَ كَيْدًا﴾ وَاَكِيدُ كَيْدًا ﴿بیوریور .

[ اهل مکک مشرکری قرآنی ابطال و ضیاعی سوندورمک ایچون حیلہ ایتکله حیلہ یه چالیشیرلر و قرآنه لایق اولماق شیرلر و بنده آنلرک حیلہ لرینه مقابل حیلہ معامله سی یاپارم . ] زیر ؛ آنلردن درحال اخذ ایتیم بر مقدار مساعده کوستیریم که جرأتلرینی آرتیریم . شوخالده واجب تعالی نک آنلره یامش اولدینی حیلہ معامله سی آنلره استدراج اولارق مهلت ویرمسیدر . زیرا ؛ آنلر بومهلته مغرور اولورلر و قرآنه طعنه جرأتلری آرتار و آخرتجه عذابلری شدتله نور .

یاخود جناب حقک حیلہ معامله سی ؛ آنلرک حیلہ سی رسولندن دفع ایتکدر . چونکه ؛ آنلر رسول اللهک دینی ابطاله سعی ایتدیلر ، آکا مقابل واجب تعالی رسولنه نصرت ویردی و آنلر قرآنک نورینی سوندورمکه چالیشدیلر ، آکا مقابل جناب حق دینی عالی قیلمقله نور قرآنی طالع طاعتدی . والحاصل آنلر نه قدر کورله تمهسته چالیشدیلر سه الله تعالی اوقدر پارلاندی وقوت ویردی و آنلری ضعفه دوچار ایتدی که عاقبت مقهور و منهزم اولدیلر

..

واجب تعالی کافرله حیلہ معامله سی یایدیغنی بیاندن صوکره رسولنده مهلت ویرمکه امر ایتک اوزره ﴿فَمَهِّلِ الْكَافِرِينَ أَمْهِلْهُمْ رُوَيْدًا﴾ بیوریور .

[ یا اکرم الرسل ! کافرله مهلت ویر و آز بر زمانده امهال ایت . ] زیرا ؛ آنلرک هلاک رینه آز بر زمان قالدی . بناء علیه ؛ سن تلاش ایتمه و عجله انتقاملرینی آرزو ایدهرک کندینه زحمت ویرمه . زیرا ؛ وقت مرهونی کلنتجه بز آنلردن انتقامیزی آلیرز .

فخر رازینک بیانی وجهله آز بر مدت ایله مراد ؛ بوم بر اولق احتمالی واردر . زیرا ؛ بوم بدرده مک مشرکری مقهور و منهزم اولمشلردر . یاخود بوم قیامتدر . چونکه ؛ بوم قیامت کلمک اوزره اولدیغندن اوزاق اولسه دخی یقین صایلا بیلیر . بو آیتده بیان اولونان مهلت قیلیج آیتله منسوخدر . زیرا ؛ قیلیج آیتی قطعیدر مهلت یوقدر .

مک مکرمهده نازل اولان سوره لرنددر . اونه طغوز آیتی جامعدر .

بِسْمِ اللَّهِ الرَّحْمَنِ الرَّحِيمِ

﴿سَبِّحْ اسْمَ رَبِّكَ الْأَعْلَى﴾

[ جمله مخلوقات و موجوداتدن اعلی اولان ربک تعالی نک اسمنی نقائصدن تنزیه و تقدیس ایت ] که بوعلویتله متصف اولان ربک تعالی نک اسمنی باشقه سنه سویله مکدن تبرئه ایدهرک . زیرا ؛ اللهک اسمنی دائماً تعظیم اوزره ذکر ایتک لازمدر . بناء علیه ؛ قدم خانه و غسل خانه و حمام کبی فالتق بولونان یرلرده و آسنه مک اوزره آغزینی آجیدیغنده اسم اللهی ذکر ایتک جائز اولماز . زیرا بو مثللو محللرده ذکر ایتک ؛ حرمت و تعظیمه منافیدر .

فخر رازینک بیانی وجهله واجب تعالی نک اسمنی تنزیه ک معناسی ؛ نقصانه احتمالی اولاره لفظی واجب تعالی به الموه ایتمه مکدر . چونکه ؛ علم کلامده بیان اولوندینی اوزره ( ماتریدی ) مذهبنجه نقصان ایهام ایتمین اسماء الهیه ایله واجب تعالی بی ذکر جائزدر . اگر نقصان ایهام ایدن الفاظدن اولورسه شریعت طرفندن اذن وارد اولق شرطدر . بناء علیه ؛ واجب تعالی به عارف دیمک جائز دکدر . زیرا عارف ؛ معرفتده آنمشر .

معرفت ایسه غفلتده صوکره کل علمه دینوب جناب حق ایسه غفلتدن منز اولدینی جهتله عارف اسمی واجب تعالی به اطلاق اولونمار و اگر نقصان ایهام ایتمه سه الله تعالی اوزرینه او اسمی اطلاق ایتک شارعک اذنه توقف ایتمز . شواذنه محتاجدر و یا دکدر دیمکله تفصیل اولونان اسملر ایله مراد ؛ اللهک افغاندره وصفاندره آتانه اسملردر . اما ذات الهیه به موضوع و علم شخصی قیلندن اولان اسملر هانکی لغتده اولورسه اولسون الله تعالی اوزرینه اطلاق اولونور ، شارع طرفندن اذن ویرلمکه محتاج اولماز .



زیرا ؛ علم شخصیلرده صفت معناسی معتبر اولمادیغندن نقصان ایما ایدمک بر معنی تصور اولوناماز .

یاخود واجب تعالی نك اسمنی تنزیه ایله مراد ؛ معناسی بیلیمکدر . چونکه ؛ معناسی بیلیمکسزین ذکر ایتمه نك او قدر تأثیری اولماز . زیرا ؛ لساندن چیقان اسمك نه کبی معنی افاده ایتدیکنی بیلیمکسزین ذکر ایتمکده حضور قلب اولماز که تأثیری اولسون .

یاخود واجب تعالی نك اسمنی تنزیه ایله مراد ؛ ذاتی وصفاتی و افعالی و احوالی و اولاده شیلرده تنزیه و بعضه ملحدلرک باطل تأویلرله تیرمه ایتمکدر .

ابوالسعود افندیك بیانی وجهله بعض کتب احادیثده بیان اولوندیغه نظراً ( فسبح باسم ربك العظيم ) آیتی نازل اولدیغنده رسول الله صلی الله علیه و سلم افندیمز « بو آیتی رکوعکیزده اوقویك » ، صوکره ( سبح اسم ربك الاعلی ) آیتی نازل اولونجه « بو آیتی سجده کیزده اوقویك » بیورمشدر . بو آیتلر نازل اولمازدن اول اصحاب عظام رکوعلرنده ( اللهم لك ركعت ) و سجده لرنده ( اللهم لك سجدة ) دیرلردی . بو آیتلرک نزولیه امر نبویك و رودی اوزرینه او زماندن بوزمانه قدر رکوع و سجوده بوموال اوزره تسبیح ایتمک جاریدر . کتب فقهیه ده بیان اولوندیغی وجهله رکوعده و سجوده بوموال اوزره تسبیح ایتمک ائمه حنفیه عندنده سنتدر . بناءً علیه رکوعده و سجوده تسبیح ترك اولونسه نماز فاسد اولماز ، لکن کراهت اولور .

\*\*

واجب تعالی اسمنی و ذاتی نقائصدن تنزیهله امر ایتدکن صوکره تنزیهک علی وسببی

مقامنده ذات الوهیتی توصیف ایتمک اوزره ﴿ الَّذِي خَلَقَ فَسَوَّى ﴾ بیوریور .

[ اسمنی تنزیه لازم اولان ربك تعالی شول ذاتدرکه جملة مخلوقات یاراتدی و اعضالینی مساوی قیلدی . ] و هر برینك کلماتی نه به محتاج و دنیاده یا شایایلمسی نه ایله اولاجق ایسه آنکله برابر خلق ایتدی . چونکه ؛ اجزالی بر برینه مناسب و اعضالری یکدیگرینه موافق اولوب اره لرنده اصلاً تفاوت یوقدرکه جملة سی بر قالبدن دو کولش کبی یک نسق اوزرینه در .

بو آیت اولکی آیت دلیل مقامنده اولونجه تقریری شوبله در : « الله تعالی نك اسمنی نقائصدن تنزیه ایتمک لازمدر . زیرا ؛ الله تعالی هر شئی عدالت اوزره مساوی اولارق یاراتدی . هر کیمسه که هر شئی عدالت اوزره یاراتا ، آنک اسمنی تنزیه لازمدر . بناءً علیه ؛ اللهم اسمنی نقائصدن تنزیه ایتمک لازمدر » دیمکدر .

\*\*

واجب تعالی ذاتك وصفاتك و اسمك نقائصدن منز اولمسنك سبب و دلیل لرندن بعضیلرینی بیاندن صوکره بعض آخری بیان ایتمک اوزره ﴿ وَالَّذِي قَدَّرَ فَهَدَى ﴾ بیوریور .

[ شول ربك تعالی نك اسمنی تنزیه ایت که اوربك تعالی یاراتدیغی مخلوقاتك جملة سنك جنسی و نوعی و افرادی بر مقدار معین اوزره تقدیر ایتدی و هر برلرینی کندیلرینه لایق اولان افعاله توجیه ایتدی و آنلره مقصدلرینه اولاشدیره حق یوللری کوستردی . ] یعنی ؛ اشیایك جنسی و نوعی و شخصی و هر برلرینك مقداری و صفاترینی و افعالرینی و اجلالرینی تقدیر ایتدی و هر برلرینی طبیعتلری و مزاجلری ایجابی و یا شایایلمه جکلری وجه اوزره افعاله سوق ایتدی .

فخر رازینك بیانی وجهله تقدیر ؛ حمد مخلوقاته شاملدر . چونکه ؛ واجب تعالی کولکری و ییلدیزلری و عناصری و معدنلری و اوئلری و حیوانلری و انسانلری مقدار معین اوزره تقدیر بیوردی و هر برلرینك جهلرینی و بویوک و کوچوک مقدارلرینی و مدت بقالرینی و صفاترینی و لونلرینی و طعملرینی و رایحه لرینی و کوزللك و چیرکینلکلرینی و هدایت و ضلالتلرینی تقدیر ایتدی که هیچ بریسی تقدیر اولونان مقداردن نه بر ذره ایلری ونده بر ذره کیری اولماز . هر شی کندی ایچون تقدیر اولونان مقداری محافظه ایدر . بناءً علیه ؛ او مقدار اوزره بولونور .

واجب تعالی نك هدایتنه کانجه ؛ الله تعالی هر شیده بر قوه خاصه قبوله مستعد بر مزاج خلق ایتمشدر . او مزاجك قبول ایتدیکی قوت بر فعل معینك صدورینه محل



اولور . ایشته هدایت الهیه ؛ فعل معین محل اولاره قونی خلق بیورمسیور که او قوّه  
خاصه سببیه کندی نوعه مخصوص اولان فعله آلت اولور . شوخالده تقدیر ؛ اجزاء  
مسمایه او قونی قبول صالح برده اوزره نصرف و اجزای ربی بکریکریه ربطه ترکیب اتمک  
و هدایت ده او مسمیه و اجزای رزمه قوا خلق اتمک و اقوانک اثری اولاره فعله آلت  
قبلمقره . بناء علیه ؛ مخلوقاتدن هربری کندی نوعه مخصوص اولان افعالدن کیری قالماز .  
ملاطاولشان قاجقدن ، تازی قووالامقدن ، قویون قورققدن ، قورت طوتوب آنی پارچه لامقدن  
کیرو طورمازلر . زیرا ؛ الله تعالی بالعموم مخلوقاتک کندی نوعه مخصوص اولان منفعت و مضرتی  
بیلدیری و حیواناتدن هر بری منفعتی آرامغه سوق ایتدی . حتی ابوالسعود افندیکن  
بیانی وجهله بیلانک (افعی) دنیلن نوعی بیک سنه یشایا بیلیور و بیک سنه یی اکیلا ایتدیکنده  
کوزلرینه عمی عارض اولیور . فقط کوزلرینک دواسی باغچه لرده بولونان ( رازدانه ) دنیلن  
اوتی کوزلرینه سورمکدر . بناء علیه ؛ کوزلرینه عمی طاری اولونجه جناب حق آنی  
هدایتده قیلار حتی کندیسی ایله اوتک بولوندی محلی آره سنده اون کونلک مسافه اولسه بیلله  
او ( رازدانه ) یی آرار بولور کوزلرینه سورر باذن الله کوزلری آچیلور . ایشته بونک کی  
جمله حیواناتده بوکی عقلله حیرت ویره جک هدایت الهیه کوریلور . مثلاً اورومجکک او  
و آرینک بال و قوشلرک یووا یا مسمی هب بوقیل هدایت الهیه جمله سنددر . ارککی ارکک  
ودیشی بی دیشی اولارق تقدیر ایتدکن صوکره ارککک دیشی به نه یولده مواصلت ایده جککی  
ارککک الهام اتمک و رحم امهاتده چوجغک دوره جنی مدتی تقدیردن صوکره زمانی  
کلدیکنده آنا رحمدن چوجغک چیقمسنی الهام اتمک هدایت الهیه جمله سنددر و هر حیوانک  
رزقنی تقدیردن صوکره بالعموم حیواناتک کندی رزقنک کسبنی الهام اتمک و کسبه لیاقت  
و یرمک عین هدایتدر . خیر و شر بولارینی تقدیردن صوکره هر ایکی یولی بیان اتمک اوزره  
دلیللر قویمق و انبیا واسطه سیله بیان اتمک و کتابلر انزالیه بوللری کوسترمک واجب تعالی نک  
قوللرینه هدایتی جمله سنددر .

والحاصل بوایت جلیله عرش اعلادن تحت الزایه قدر کولکک و ییلدیزلرک و عناصر

اربعة نک و حیوانلرک و معدنلرک و اوتلرک و سائر مخلوقاتک جمله سنک تقدیرینه و هدایتنه شامل  
اولدینی جهته تفصیری تفصیله جلدلر طولوسی کتابلر واسع اولاماز .

..

واجب تعالی اسمنک تنزیه و تعظیمه لایق اولدینی بیان ایچون ناسک خلقتنه و حیواناتک  
هدایتنه متعلق اولان دلیللری بیاندن صوکره حیواناتک غیری به متعلق اولان دلیلنی بیان  
ایتمک اوزره ﴿ وَاللّٰہِ اَخْرَجَ الْمَرْعٰی ﴿۱﴾ فَجَعَلْہٗ غَشاءً اَخْوٰی ﴿۲﴾ ﴾ بیوریور .

[ شول ربکک اسمنه تعظیم ایت که او ربک تعالی تازہ اوتلری طوبراغک آلتندن یر  
یوزینه چیقاردی و برمدت صوکره او اوتلری سیاه اولارق قورومش قیلدی . ]

یعنی ؛ الله تعالی نک اسمی نقائص ایهام ایدن شیلردن تنزیهه لایقدر . زیرا ؛ الله تعالی  
قیرمزی ، صاری ، بیاض ، یشیل و انواع رنگلرله تازہ اوتلری بیتیری و برمدت صوکره  
درحال او اوتلری روزگار کونوره بیلله جک بر حالده قوروتدی و سیاه قیلدی . و بوندن  
صوکره او اوتلر یوق اولور کیدر . چونکه ؛ هر شینک وجودی احتیاج اوزره مؤسسدر .  
بناء علیه ؛ آنک وجودندن کوزه تیلن مصلحت حاصل اولونجه وجودینه احتیاج قالمادیقندن  
فتایه آفاق باصا کیدر . دنیانک اوتلری ناصل که سریع الزوالدر ، کندی ده عین حالده  
سریع الزوالدر . شوخالده دنیا به اعتماد اتمک عاقل شانی دکدر .

فخر رازینک بیانی وجهله غشاء ؛ اوتلرک روزگار صادره منہ و صوکره نوره ملک بر حالده  
قورومسه اولاندر . ﴿ اَخْوٰی ﴾ صوکره شکرندنه یا غمسه و سیاه و شمس اولاره اوزره .  
ایشته الله تعالی اولا تازہ اولارق اوتلری بیتیروب صوکره قوروتوب سیاهلاندیرمق  
قدرتیه متصف اولدینی جهته ذاتی و صفاتی و اسمنی نقائصدن تنزیه اتمک صورتیه تسبیح  
ایتمک هر مکلف اوزرینه واجبدر .

..

واجب تعالی رسولنه تسبیحله امر ایدوب تسبیحده تمام اولیه رق آنجق قرآنی تذکر  
ایدوب او قومقله اولاجغه بناء رسول الله قرآنی اونوتوروم قورقوسیه قرآنی چوجقه



تذکر ایتمی اوزرینه رسولندن بو قورقوبی ازاله ایچون ﴿سَنُقَرِّكَ فَلَا تَنْسَى﴾  
الاماشاء الله ﴿بیوریور﴾

[بز سکا قرآنی تعلیم ایدرز، سن آنی اونوتمازسک . مکر او شیئی که الله تعالی اونوتماکی دیلرسه آنی اونوتورسک .]

یعنی ؛ یا اکرم الرسل ! سن جبریلدن قرآنی آلیرکن اونوتق قورقوسنه بناء عجله ایتمه . زیرا ؛ بز جبریله تکرار بتکرار اوقوتقله وسنک قلبکه قوت ویرمکه قرآنک قرائتی سکا تعلیم ایدر اوقوتدیریرز وسنک ذهنکده قرارلاشدیریرز . بناء علیه ؛ سن قرآنی اونوتمازسک ، الا الله تعالی قرآنک یالفظی ویا حکمی ویاخود ایکیسنکده نسخی مراد ایدرک سنک اونوتماکی ایستره سن آنی اونوتورسک .

فخر رازینک بیانی وجهله بو آیت ایکی جهتله معجزه دلات ایدر : برنجیسی ؛ رسول الله صلی الله تعالی علیه وسلم افندیتمک امی اولدیغی هالده یازمقیزیه ونگر ایتیمکیزیه اولین و آخرینک علومنی جامع اولاره برکتانی ایزرینه طوموسی هارقه العاده و معجزه در . ایکنجیسی ؛ بوسوره مکده اول نازل اولاره سوره لرده اولدیغی هالده آیتک مالی ایلرده اولاجغی خبر و بریدیکی خبرنه خبر و بریدیکی واقع اولسی غایبه خبر قیلنره معجزه در . ﴿الاماشاء الله﴾ جمله جلیله سیله استثنا ؛ تبرک ایچوند . زیرا ؛ رسول الله بو آیتک نزولندن صوکره هیچ بر آیت اونوتماشدر . یاخود استثنانک معناسی ؛ واقعه در . زیرا ؛ رسول الله بعضاً اونوتوب صوکره خاطرینه کتیردیکی مرویدر . یاخود استثنا ؛ منسوخ اولاره آیتله مقفیه در .

﴿سنقرئک﴾ (سنجعلک قارئاً) دیمکدر . یعنی ؛ بز سکا وحی ایتدیکمز آیه سنی اوقویچی قیلارز و قرائتی سکا الهام ایدرز . بناء علیه ؛ سن اونوتمازسک تلاش ایتمه ، دیمکدر .

ابوالسعود افندیتمک بیانی وجهله عموم مخلوقاتنه هدایتی بیاندن صوکره بو آیت ؛ واجب تعالی نک بالخاصه رسولنه هدایتی بیان ایتک ایچون سوق اولونمشدر . زیرا آیتک مالی ؛

رسول اللهک جبریلدن وحی تلقیسنی وجهله عالمه هدایت اولان قرآنی حفظنه دلات وهدایتدر و قرائتی وعدک ضمتده و حیک مدت مدیده کلوب دوراجغه اشارت ایچون استمراره دلات ایدن مضارع صیغه سی وارد اولاشدر .

..

واجب تعالی رسولنه قرآنی اونوتدیرمه جغنی بیاندن صوکره سببی بیان ایتک مراد ایدرک ﴿إِنَّهُ يَعْلَمُ الْغُيُوبَ وَمَا يُخْفَى﴾ وایدسیرک لایسری ﴿بیوریور﴾

[الله تعالی کیزی و آشکار هر شیئی بیلیر و بز عظیم الشان قولایلغی سکا میسر قیلارز .] یعنی ؛ ای حبییم ! جبریل امین سکا وحی ایله کلدیکتده سن اونوتورم ظنیه تلاشلانمه . زیرا ؛ الله تعالی سنک جهراً قرائتی و قلبکده کیزی اولانی بیلیر . بناء علیه ؛ سن قورقما . چونکه ؛ حفظی لازم اولانلری ربک تعالی سکا حفظ ایتدیرر و بقاونسیاندن هر هانکیسنک سزک حالکزه و مصلحتکزه موافق اولانی بیلیر و آکا کوره خلق ایدر و اعمال صالحه در و قرآنی از برله مکده و احکام شریعتده قولای اولان شیلری بز سکا موفق قیلارز .

فخر رازینک بیانی وجهله یسری ایله مرادک شریعت محمدیه اولسی احتمالی واردر . زیرا شریعت محمدیه ؛ جمله شریعتلردن قولاید و طبیعت بشره موافق و عقله ملایمدر . چونکه ، عقل نه قدر دوشونسه شریعتک حکمی خارجنده و فوقنده ده ائی بر حکمه نائل اولاماز . بناء علیه ؛ شریعت محمدیه اخلاق بشره تمامیه موافق اولوب باشقه شریعته احتیاج اولمادیقندن جمله شریعتلرک خلاصه سی و متممی در والی یوم القیام باقی اولوب نسخ عارض اولیه جقدر .

بو آیت ؛ واجب تعالی نک هیچ کیمسه یه آجادینی تسهیلات قابولرینی رسولنه آجدیقنه و کیمسه نک موفق اولامادینی شیلره رسولنک موفق اولاجغه دلات ایدر . رسول اللهک آناسز و باباسز و جاهلیه زماننده برطاقم تربیه دن عاری جهلا ایچنده میدانه کلدیکی حالده



افعال واقوالی بوتون عالمه مقتدا به اولوب جمله خلقك هادی و مرشدی اولسی جناب  
حقك رسولنه قولایلی و توفیقائی جمله سنددر .

..

واجب تعالی مصالح دنیویه بی و مصالح آخرتی تسهیل بیوره جعفی رسولنه وعدایتدکن  
صوکره جمیع خلقی حقه دعوتی امر ایتك اوزره ﴿ فَذَكِّرْ إِن نَّفَعَتِ الذِّكْرَى ﴾  
سَيَذَكِّرْ مَنْ يَخْشَى ﴿ بیوریور .

[ ای مکرّم ! اکر وعظك منفعت و برسه سن قرآنله وعظ ایت، نصیحت  
آلور شول کیسه که اللهدن قورقار . ]

یعنی ؛ بز سکا هر شیئی تسهیل و قرآنی تعلیم ایدنجه سن وعظك منفعت و بریدی  
صورته قرآنله وعظ وناسه تبلیغ ایت . زیرا ؛ اللهدن وانواع انتقامدن قورقان کیسه  
البته وعظدن انتقام ایدر .

فخر رازینك بیانی وجهله بو آیت جلیله رسول اللهك مکمل یعنی غیرك نواقصی  
اکمال و اتمام ایدیجی اولدیغه دلالت ایدر . چونکه ؛ بوندن اولکی آیت مصالح دنیویه  
واخرویه سنی تسهیل ایده جکنی بیانه جناب حق رسولنی تکمیل بیوردیغنی و رسول اللهك  
تام معناسیله کامل اولدیغنی بیان بیورمشدی . زیرا ؛ مکمل اولاق آخرك نواقصی اکماله  
خادم اولدیغنی جهتله مرتبه کالدن صوکره در . بناء علیه ؛ بو آیت تعقیب دلالت ایدن فا  
لفظیله وارد اولمشدر . شو حالده رسول الله نفسنده تمام اولدقدن صوکره فوق الکمال  
و تمام اولارق خلقی حقه دعوتله امر اولومشدر .

بو آیتده رسول اللهك وعظنی دیکله بن قریشی ذم ایچون وعظده منفعت شرط قیلنمشدر  
و بو شرط قریشه مخصوصدر . چونکه ؛ رسول الله عمومه وعظ ایتك وطریق هدایتی  
کوسترمك ایچون بعث اولوندیغندن منفعت و برسون و برمه سون وعظ ایدر، آنجق قریشه  
وعظی تأثیر ایتهدیکندن رسول اللهك صوکره درجه متأسف اولدیغنی جهتله آنلر حقنده  
منفعت مشروط قیلنمشدر . بناء علیه عموم حقنده وعظ ؛ منفعت و برمکه مشروط دکلددر .

چونکه ؛ هر یرده شرطك بولونماسندن مشروطك بولونماسی لازم گلر . شو حالده  
بومقامده شرط ؛ وعظدن مقصدك حصولی مطلوب اولدیغنه اشارت ایچونددر ، یوقسه  
شرط اولان منفعت اولمازسه مشروط اولان وعظده اولماز معناسه دکلددر .

یا خود بو آیتده شرطك ذکر ؛ منفعت و برمکه و برمه مك حاللرندن اشرفی ذکرله  
دیگرندن اکتفا اولومشددر . چونکه ؛ وعظك لزومنده منفعت و برمك و برمه مك  
حاللری جناب حقه نسبتله مساوی ایهده منفعت و برمك جهتی مطلوب و شرف صاحبی  
اولدیغندن بوجهتی ذکرله دیگرکی مسکوت عنه قالمشدر . شو حالده آیت ( فذکر ان  
نفعت الذکر ای ام لم تنفع ) دیمکدر . یعنی « سن هان وعظایت ، ایستر منفعت و برسون  
و ایستر منفعت و برمه سون » دیمک اولور . بومعنایه نظرأ علماء دین خلقه هان وعظ ایتلیدر .  
تأثیر ایدوب ایتهدیکنی نظر اعتباره آملق لازم دکلددر . چونکه ؛ جناب حق رسولنه  
مطلقا وعظله امر ایدنجه امتی ده مطلقا مأمورددر .

یا خود ابوالسعود افندینك بیانی وجهله ( ان ) لفظی ازمعناسه در . بوکا نظرأ معنای  
نظم : [ یا اکرم الرسل ! سن وعظ ایت ، زیرا ؛ وعظ منفعت و برر . ] دیمکدر . یا خود  
( ان ) ما معناسه در . بوکا نظرأ معنای آیت : [ سن وعظ ایت وعظ ، منفعت ایتدیکی  
مدتجه ] دیمکدر . اللهدن قورقانلره وعظك البته تأثیر ایده جکنه اشارت ایچون ( سیدکر )  
سین لفظی ایله وارد اولمشدر . چونکه ؛ جناب حقك کلامنده سین لفظی و مبره دلالت  
ایدر . بناء علیه معنای آیت : [ وعظ اللهدن قورقان کیسه یه البته تأثیر ایدر ] دیمکدر .

..

واجب تعالی اللهدن قورقانلره وعظك تأثیر ایده جکنی بیاندن صوکره وعظ تأثیر  
ایتمه یسلی بیان ایتك اوزره ﴿ وَیَجَنَّبُهَا الْأَشْقَى ﴾ الَّذِي يَصْلَى النَّارَ الْكُبْرَى ﴿  
بیوریور .

[ نصیحتدن اوزاق اولور انسا نلرک یدبخت اولان شقیلری که آنلر جهنمك بویوک  
آتشنه داخل اولورلر . ]



یعنی ؛ شقاوتده هر کسدن زیاده اولان واللهدن قورقایان کیمسه وعظدن ووعظک تأثیرندن اوزاق اولورکه او شقاوتده هر کسدن زیاده اولان کیمسه بویوک آتسه کیرر . بناء علیه ؛ هر کسدن زیاده عذاب کورور .

فخر رازینک بیانی وجهله انسانلر اوج فرقدور : برنجیسی ؛ عارف بالله اولاندورکه آنلر معبد اولاندور . ایکنجیسی ؛ عارف بالله اولاندور . اوجنجیسی ؛ فاجر معبد اولاندورکه آنلر قورقاندور وعظ کسیدلرینه تأثیر ایلاندور . اوچنجیسی ؛ فاجر معبد اولاندورکه آنلر قبله نده وعظ تأثیر ایلاندور . واما تفاوت اوزره بولونانه ایتیا کروهیدرکه آنلر بویوک آتش اولان جهنم آتشنه داخل اولاجقلرینی جناب حق بوآیتله بیان بیورمشدر . بوآیتده نار کبری ایلله مراد ؛ مهتم آتیدر ونار صغری یعنی کوچوک آتش ایلله مراد ؛ دنیا آتیدر . یاخود بویوک آتش ایلله مراد ؛ مهتمک طبقاتده بریور . چونکه ؛ دنیاده کناهلر متفاوت اولدینی کی آخرتده ده جهنمک طبقه ودرکه لری متفاوتدر . زیرا ؛ هر کس کناهنه کوره معذب اولاجقندن وعظی دیکله مهین ودعوته اجابت ایتمین شقینک کناهی کفرک اشعی وبویوک اولدینی جهنمک بویوک آتشیله معذب اولاجقدر .

..

واجب تعالی کافر معنک نار کبرایه داخل اولاجقنی بیاندن صوکره اوکافر شقینک جهنمده اولسی ودرلسی اولمایوب دائما معذب اولاجقنی بیان ایتک اوزره ﴿ ثُمَّ لَا يَمُوتُ فِیْهَا وَلَا يَحْیٰی ﴾ بیوریور .

[ جهنمک بویوک آتشنه کیردکن صوکره او کافر آتش ایچنده اولمز ودرلمز . ] بناء علیه ؛ آنک ایچون اصلا راحت اولماز . چونکه ؛ اولمزکه راحت ایتسون و منفعت ویره جک بر حیاته دیری دخی اولماز که حیاندن انتفاع ایتسون . دائما معذب اولدینی جهنمده اولو ونهده دیریور . شو حالده آخرتده بو کافرک حالی ؛ دنیاده بویوک بر بلایه

مبتلا اولان کیمسه نک حالی کیدر . چونکه ؛ بویله بر بلایه مبتلا اولان کیمسه به اولو دینمز ، زیرا ؛ کسندنه حیات واردر . کذلک دیریور دینمز ، چونکه ؛ مبتلا اولدینی دردندن قورتولوب بر راحت کورمه دیکندن دیریلرک آلدینی ذوقی بولامادینی جهنمده دیریور دینلمز . شو حالده یاشار فقط بر نوع اولودور .

..

واجب تعالی وعظی دیکله مهین کافرک حالی بیاندن صوکره وعظی دیکله یوب کسندینی کفردن تطهیر ایدن کیمسه لک حالی بیان ایتک اوزره ﴿ قَدْ أَفْلَحَ مَنْ تَزَكَّى ﴾ \* وَذَكَرَ اسْمَ رَبِّهِ فَصَلَّى \* بیوریور .

[ محقق قورتولدی شول کیمسه که کفر ومعصیتدن پاک اولدی وربسنک آدینی آکدی ، صوکره نماز قیلدی . ]

یعنی ؛ فوز ونجات بولدی و آخرت عذابندن قورتولدی اول کیمسه که ایمان وانواع عبادتی اختیارله کفردن وکناهلردن تمیزلندی وربسنک اسمنی ذکرله مشغول اولدی ونمازده افتتاح تکبیرینی وبایرام نمازنده بایرام تکبیرلرینی آلاق نماز قیلدی .

فخر رازینک بیانی وجهله بوآیتده ( تزکی ) ایلله مراد ؛ بوآیتده اولکی آیتده ذکر اولونانه کفر و تقاوتده نظر ایتکدر . ربسنک اسمنی ذکر ایلله مراد ؛ قلبیه جناب حقنی تذکر و مضوع و مشرعه . صلات ایلله مراد ؛ اعضاء هوارمه عبادتدر . چونکه انسان کاملک مرتبه سی ؛ اویدر : برنجیسی ؛ قلبیه عقائم فاسده بی ازاله ایتکدر . بو مرتبه ( تزکی ) ایلله اشارت اولونمشدر . ایکنجیسی ؛ ذاتی وصفاتی و اسمی ایلله قلبیه معرفت الهیهی حاضر لامقدور . بو مرتبه ( و ذکر اسم رب ) قولیه اشارت اولونمشدر . اوچنجیسی ؛ اعضاء هوارمه عبادتدر . بو مرتبه ( فصلی ) کلمه سیله اشارت اولونمشدر .

..



واجب تعالیٰ انسانك سبب نجاتی بیاندن صوكره سبب نجات اولان عباداتی تركه  
دنیایی اختیار ایدنلری ذم ایتك اوزره ﴿بَلْ تُؤْثِرُونَ الْحَيٰوةَ الدُّنْيَا وَالْآخِرَةَ  
خَيْرٌ وَأَبْقٰی﴾ بیوریور .

[ بلکه سز سبب نجاتكزی ایشله من لذاتی ونعمتی دائماً زواله معروض اولان  
دنیا دیرلكفی اختیار و آخرت اوزرینه ترجیح ایدرسكز . حالوكه آخرت خیرلیدر .  
زیرا ؛ نعمتلى كدردن سالم وباقدیر انقطاع یوقدر . ] چونكه آخرت ؛ دارسروردر ،  
حزن وكدر یوقدر ودار صفادر ، جفاستی یوقدر ودار راحتدر ، مشقتی یوقدر .  
ابوالسعود افندیك بیانی وجهله آیتده خطاب ؛ لافرله اولدیغه نظر دنیایی اختیارك  
معنایی ؛ دنیا به راضی اولار و قلبی مطمین اولور و آخرتیه بالکلیه اعراضه اتمكدر .  
خطاب عمومیه اولدیغه نظرأ انسانك دنیایی مصیبتی واسبابه نوسلی تفریم اتمكدر . شو حلاله  
آیت جلیله كافرله نسبتله تویخی ومؤمنله نسبتله عتابی تشدید ایتك ایچون سوق اولونمشدر .

\*\*

واجب تعالیٰ بوسورهده وشو آیتلرده توحیده ونبوته وكفر اوزره تهدیده وطاعت  
اوزره ترغیبه اشارتدن صوكره بونلك جملهسی رسول اللهدن اول كچن ابیانك شریعتلرنده  
موجود اولدیغنی بیان ایتك اوزره ﴿إِنَّ هٰذَا لَفِي الصُّحُفِ الْأُولٰٓئِ \* صُحُفِ  
إِبْرٰهٖمَ وَمُوسٰی﴾ بیوریور .

[ شوذكر اولونان مسئلهلر ابراهیم وموسى علیهما السلامك صحفلى اولان صحف  
اولاده موجوددر . ]

یعنی ؛ واجب تعالیٰ نك وحدانیق ونبوت واحوال آخرته متعلق اعتقادات اول كچنلك  
كتابلرنده دخی دستور اتخاذا اولونمشدر . شومعنايه نظرأ ( هذا ) لفظيله اشارت اولونان ؛  
سوره نك اولدنبرى اعتقادات متعلق اولار و پناه اولونانه مسائل در . چونكه ؛ سورهده

اعتقاداته متعلق مسائل اجمالاً بیان اولونمشدر واعتقاداتده شریعتلك جملهسی مساویدر ،  
احكام دكیشمز . یاخود ( هذا ) لفظيله اشارت ( قد افلح ) فقره مندره ( والافرة غیر  
وابقى ) فقره مندره كنجبه فقره پناه اولونانه اعطاه اشاردر . چونكه ؛ ( تركى ) كلهسی جمیع  
عقائد باطوره نظره وعمل بهرمندره وهاموره ذمیدره تصفیه ( وذكراسم ربه ) جملهسی  
رومك معرفت السهریم الیه ترینه و ( فصلی ) كلهسی عبادات السهریم الیه اعضاء هوارمك خدمت  
مقدسه السهریم بولونمسنه و ( بل تؤثرون ) فقرهسی دنیا به فرط محبتیه زهره ( والاخرة )  
جملهسی ده ثوابه ورضاء السهریم بی تحصیله معیه دلات ایتدیكندره بو احكامك جملهسی كچمش  
شریعتلك هر بنده ملتزم بولوندیغه اشارت اولونمش وشرایع سابقه ایچنده ابراهیم وموسى  
علیهما السلامك شریعتلى هر كسجه وبالخاصه هر بلر عتدنده مشهور اولدیغندن بونلری ذكرله  
دیكرلرندن اكتفا ایدلمشدر .

### سوره غاشیه

مكه مكرمهده نازل اولان سوره لردندر . یكرمی آتی آتی جامعدر .

بِسْمِ اللّٰهِ الرَّحْمٰنِ الرَّحِیْمِ

هَلْ أَتٰیكَ حَدِیْثُ الْغَاشِیَةِ

[ یا اكرم الرسل ! محقق قیامت كونك خبری سكا كادی كه او كونك بلاسی جمله  
ناسی احاطه ایدیجیدر . ]

فخر رازینك بیانی وجهله قیامت كونی شریعه بفته ناسی اعطاه دستر ایدره بكنه بناء  
غاشیه دینمشدر . چونكه ؛ هر بهرمنده بر شیئی اعطاه دستر ایدره شییه غاشی دینوركه  
اورنوبی معناسندر . یاخود غاشیه ايله مراد ؛ بهرمن آتیدر . زیرا جهنم آتشی اهل بهرمنی



نَمَاءُ اِهْلَامٍ اِمْرَه مَبْنُوءَ غَاشِيَه دِيْمَكِه سَزَادِر. اَبُو السَّعُوْدِ افنديك بِيَانِي وَجِهَلِه بُو آيْتِدِه  
(هل) (قد) معناسنه در چونكه ؛ قِيَامَتِكْ خَبَرِي مُحَقِّقْ اُولَارَقْ كَلْمَشْدَر .

..

واجب تعالی غاشیه دنیان قیامت کوننده انسانلره عارض اولا حق احوالی بیان ایتک اوزره  
﴿وَجُودُهُ يَوْمَ مَبْدِ خَاشِعَةً \* غَامِلَةً نَّاصِبَةً \* تَصْلِي نَارًا حَامِيَةً \* تُنْقِ مِنْ عَيْنِ اُتِيَةٍ﴾  
بیوریور .

[ او کونده بر چوق یوزلر ذلیل و حقیردر و جهنمده یوروجی و اوزنجی بر طاق عمللر  
ایشلرلر . ] زیرا ؛ آنلر بویونلرنده آغیر رنجیرلر طاشیدقلری کی آتیشک آشاغیسنه اینلرلر  
ویوقاریسنه چیقارلر و آج و صوسز بولونورلر و اورایه نصب نفس ایتشلردر . چونکه ؛  
دائما اوراده بولونورلر . [ و بو ذلیل یوزلر علوله نجی آتیشه کیرر و حرارتده صوک درجهیه  
وارمش اولان پیکاردن صولانورلر . ]

فخر رازینک بیانی وجهله خاشعه ؛ ذلیل و حقیر اولمقدر . چونکه ؛ اهل جهنم دنیاده  
رسل کرامه ایمان والله تعالی به عبادتن تکبر ایتدکرینه مقابل آخرتده ذلیل و رذیل  
ورسوا ی اولاجقلری و دنیاده کبرک اثری یوزلرنده کورولدیکی کی آخرتده دخی ذات  
وسفالتک اثری یوزلرنده کوروله جکی بیان اولونمشدر . غامله ؛ عمل ایشدیجی و ناصبه ؛  
او عمل یوروجی دیمکدر . بو عمل آخرتده اولدیغه نظر آ بیان اولوندییی وجهله جهنمده  
بر طاق مشقتلی عمللرده بولونا جقلردر . اما بودنیاده عمل اولدیغه نظر آ دنیاده راهلره  
و بوتلره عبادت ایدنلر بر چوق یوروجی عمللر ایشله دیلرسه ده آنجق اصل اعتقادلری اولمادیغی  
جهنمه فائده سی کورمیه جکلری بیان اولونمشدر .

حامیه ؛ هر چه زمانه باقیقه قیامتده کبرک آنک صیقللغه معادل بر صیقللره اولار  
دیمکدر . یعنی « دنیاده ایمان ایتمین کافرلر ذلیل و حقیر اولار ق اولیه بر آتیشه کیررلر که  
او آتیش چوق زماندنبری علوله نمش و حرارتی صوک درجهیه وارمش » دیمکدر . آنلر  
یالکیز بواآتشدنه یا منقلده قالمالر ، بلکه آنلر بر پیکاردن صولانورلر که او پیکارک صوینک

حرارتی نهایته کلمشدر . حتی اوصودن بر داملاسی بودنیاده بر طاغ باشنه قونمش اولسه  
اوطاغ طوز کی آریر . چونکه آیه ؛ حرارتی صوک درجهیه کلمسه دیمکدر .

..

واجب تعالی اهل جهنمک ذلت و سفالتلری و علو صاحبی جهنمه کیره جکلری و ایچه جکلری  
صولری بیاندن صوکره آنلرک طعامی بیان ایتک اوزره ﴿لَيْسَ لَهُمْ طَعَامٌ إِلَّا مِنْ  
ضَرِيعٍ \* لَا يُسْمِنُ وَلَا يُغْنِي مِنْ جُوعٍ﴾ بیوریور .

[ آنلر ایچون جهنمده بیهجک طعام یوق ، آنجق (ضریع) دنیان دیکنلی اوتدن  
حاصل اولان طعام واردر که اوطعام بیهنلری سمیزله ندرمز و آچلقدن ده مغنی قیلماز . ]  
فخر رازینک و ابوالسعود افندیک بیانلری وجهله ضریع ؛ بر دیمکدر که یاسه ایکی دره  
اوتور و قور و دریغدره دره دخی بیز زهیر کی آجیردر و راجحسی غایت کبره در و جیفدره  
کونور و آتشره و لها صیقلدر . بونلرک طعامی جهنمده ضریع دنیان دیکنلی اوتده مشابه  
بر نوع زهیرلی شیدن حاصل اولاجنی بیان اولونمشدر . بو طعامی بر کلرله جناب هغه  
تضرع و نیاز ایدوب خوصصلری طلب ایمه جکلرینه اشارت ایچون بونلرک طعاملریه ضریع  
دینمشدر . بو طعام ، بیهنلری سمیزله ندرمز . چونکه ؛ وجوده نافع دکلدر و آچلغی ده  
دفع ایده مز . چونکه ؛ قارنی طویونجه به قدر بیک احتمالی یوقدر . اهل جهنمک صولری  
وطعاملری بیان ایتک ؛ سفالت و ذلتلری و عذابلری نهایته واره جغنی بیان ایتمکدر .  
جهنمک بر چوق درکات و طبقاتی اولوب بعض درکده بولونانلرک طعامی (غسلین) دن  
یعنی ایریندن و بعضیلرینک طعامی زقومدن و بعضیلرینک طعامی ضریعدن اولدیغی جهنمه  
آیتلر آره سنده تفاوت یوقدر . چونکه ؛ طعاملرینک (غسلین) دن اولدیغی بیان ایدن آیت  
بر طبقه ده بولونانلره مخصوص اولدیغی کی (ضریع) دن اولدیغی بیان ایدن آیت ده دیگر  
بر طبقه مخصوصدر .

..



واجب تعالی اهل جهنمك حالى بیاندن سوکره اهل جنتك حالى بیان ایتک اوزره  
﴿ وَجُوهٌ يَوْمَئِذٍ نَّاعِمَةٌ \* لِّسَعْيِهَا رَاضِيَةٌ \* فِي جَنَّةٍ غَالِيَةٍ \* لَا تَسْمَعُ فِيهَا  
لَا غِيَةَ ﴾ بیوریور .

[ اوکونده مؤمنلرک یوزلری غایت کوزل و کوردکلری نعمتلرک اثری یوزلرنده ظاهر  
اولور و او یوزلر یوکسک جتده ایشله دکلری عمللرینک اجرینی کورونجه دنیاده او عمله  
سعیلرینه راضی و ممنون و مسرور اولورلر . ] زیرا ؛ سعیلری سایه سنده بر چوق نعمتلره  
نائل اولدقلری ایچون البته راضی اولاجقلری بیان اولونمشدر [ و آنلر جتده کوتو  
سوز ایشیتمزلر . ] چونکه ؛ اهل جنتك سوزلری ذ کردن عبارت اولدینی جهته باطل سوز  
سویله نمز که دو یسونلر . زیرا جنت ؛ اللهک قومشولرینه حاضر لائمش بر موقی اولدینی  
ایچون لغویاتدن منزهدر ، بناء علیه جتده یالان و افترا و یکدیگرینه سوکک والله تعالی به  
کفر ایتک کبی شیر اولماز . بونک شاهی ؛ دنیاده بویوک کیمسه لر حضورنده واقع  
اولان مجلسلردر . زیرا ؛ شریف و محترم اولان مجلسلرده لغویات اولماز . حالبوکه جنت ؛  
حضور الهیدر .

..

واجب تعالی جنتك دیگر صفتلرینی بیان ایتک اوزره ﴿ فِيهَا عَيْنٌ جَارِيَةٌ \*  
فِيهَا سُرُرٌ مَّرْفُوعَةٌ \* وَأَكْوَابٌ مَوْضُوعَةٌ \* وَنَمَارِقُ مَصْفُوفَةٌ \* وَزَرَابِيُّ  
مَبْثُوثَةٌ ﴾ بیوریور .

[ جتده اهل جنتك آرزلرینه موافق و ایسته دکلری یره آقار و آرقه سی کیلمز پیکار  
اولدینی کبی او جتده یوکسک کوشکلردخی وارد و او کوشکلرده قولبسز باردق و بللور  
کاسه لر و بربرینه دایامش یاصدیقلر و انواع رنگلره مزین دوشه نمش دوشکلرده وارد . ]  
فخر ازینتک بیانی و جهله عین جاریه یعنی آقار یطلمر جنتك هر طرفنده وارد .

زیرا ؛ بومقامده (عین) لفظنده اولان شربه ، کثرت ایچوندر . سُرُر ؛ کوشکلر و سمرایه  
معناسنده . اکواب ؛ ابریسره کویوک و قولبسز کونا کونه باردقلردر که اهل جنت  
ایچون حاضر لائمشدر نَمَارِق ؛ یاصدیقلر ، مصفوفه ؛ صف اولمه بربرینه دایامشه یعنی  
کوشکلره دیزلمه ؛ ذرابی ؛ دوشکلر ، مَبْثُوثَه ؛ دوشنمه دیمکدر . دنیاده زنکین  
اولان کیمسه لرک قوناقلری بونلره بر نمونده در .

..

واجب تعالی اهل جنتك و اهل جهنمك حاللرینی بیان بیورنجه بو حاللرک قیامتده  
اولاجغه بناء قیامتی اثباته محتاج اولوب قیامتی اثباتده واجب تعالی نک وجودینی اثباته  
موقوف اولدیغندن وجود الهی به دلالت ایدن دلایلری بیان ایتک اوزره ﴿ أَفَلَا يَنْظُرُونَ  
إِلَى الْإِبِلِ كَيْفَ خُلِقَتْ \* وَإِلَى السَّمَاءِ كَيْفَ رُفِعَتْ \* وَإِلَى الْجِبَالِ كَيْفَ نُصِبَتْ \*  
وَإِلَى الْأَرْضِ كَيْفَ سُطِحَتْ ﴾ بیوریور .

[ قیامتی انکار ایدن کافرلر انکار ایدرلرده نظر ایدوب باقازلر می که دوه به ناصل  
خلق اولوندی . اگر آنک یارادیلشنده اولان عجائب و غرائب کمال دقتله نظر ایدوب باقش  
اولسه لر خالقک وجودینی و قیامته قدرتی اقرار و اعتراف ایدرلر و او کافرلر سایه  
باقازلر می که دیر کسز اولدینی حالد ناصل یوکسک قیلندی و یردن نه قدر قالدیرلدی .  
اگر آنلر بحق باقسه لر بو قدر جسامتله سمایی قالدیرمه قادر اولان الله تعالی نک قیامته  
و اولد کدن سوکره انسانلری قیرلرندن قالدیرمه قادر اولاجغه ایمان ایدرلر و او کافرلر  
و حدایتی و آخرتی انکار ایدرلرده طاعلره نظر ایدوب باقازلر می که او طاعلر یر اوزرینه  
ناصل قوندی و ایکی طرفه تمایل ایتکسزین ناصل ثابت اولارق طور بیور ؟ بو قدر جسامتله  
صالانمقسزین طاعلری طور دورمه قادر اولان الله تعالی انسانلری بعثه قادر اولمازی  
و عقلی اولانلر دوشونسه لر بونی بیلمز لرمی و آنلر ارضه باقازلر می که ناصل دوشه نمش  
حق انسانک یا تمسنه و اوتورمسنه و اکوب دیکمه سنه و هر دورلر استغافه ألویریشلی خلق



اولونمشدر . بوقدر انسانك منفعتنه خدمت ایدن ارضی بومنوال اوزره خلق ایتمكه قادر اولان الله تعالى انسانلری قهرلرندن قالدیرمغه وجتنده راحت ایتدیرمكه قادر اولماز می ؟  
بوآیت جلیله ؛ فخر رازینك بیانی وجهله واجب تعالی نك وجودینه و علمنه و قدرته و مخلوقاتندن غنی بر حکیم مطلق و فاعل مختار اولدیغنه دلالت ایدر . چونكه ؛ جمله اجسام جسمیتده مساوی اولدینی حالده هر برلری آخرندن تمیز ایده جك بر صفت و خاصه بی حائز اولوب عینی صفتك دیکرنده بولونمی ممکن ایکن آنجق اوکا مخصوص اولمی واجب تعالی نك وجودینه و فاعل مختار اولدیغنه دلالت ایتدیکی کبی صانعك حکیم و عالم اولدیغنه دخی دلالت ایدر . زیرا ؛ مخلوقاتك وبالخاصه بوآیتده بیان اولونان دوه ، سما ، ارض و طائر و کرم هر برنده عجیب و غریب صنعتلر و حکمتلر صانعك علمنه و قدرته و حکمت صاحبی اولدیغنه دلالت ایدر . بونکله برابر جمله مخلوقاتك یکدیگرینه ارتباطی و حسن امتزاجی اولدینی کبی هر برینك یکدیگرینه احتیاجی ده معلومدر . بالخاصه انسانلرک بعضیلرینك بعضیلرینه احتیاجی هر زمان مشاهده اولونان احوالنددر . چونكه ؛ بر انسان یالکزر یاشایاماز . زیرا ؛ کندینك محتاج اولدینی اشیاك جمله سنی تدارك ایتك ممکن اولمادیغندن اجتماع صورتیله یاشامق و هربری برنوع احتیاجی تأمین ایتك ایله ممکن اولدیغندن انسانلر دائما از و جوق بر اجتماعله یشارلر و شو اجتماعك ، یکدیگریله حسن امتزاج ایتمی و ظلم و تعدیدن صاقیناسی و انتظامك یولیه جریان ایله مسی ایله حصول بولاجنی طبعی و ضروریدر . حسن انتظام ایسه تکالیف الهیه ایله اولاییله جکندن البته آخرتك وجودینی اقرار ایتك شو مقدماتك لوازم ضروریه سنددر .

ایشته شواساسلره بناء واجب تعالی نك وجودینه دلالت ایدن دلیللر آخرتك وجودینه دخی دلالت ایتدیکی جهتهله شو آیتده بیان اولونان دلیللر آخرتك و جهنمك و جنتك وجودینه دخی دلالت ایدر . بناء علیه ؛ شودلیللره نظر ایدوب لایقی وجه اوزره دوشون هر عاقل واجب تعالی نك وحدانیتی و آخرتی اعتقاد ایدر .

بو آیتده ذکر اولونان درت شی بیننده مناسبت شویله در : قرآن لسان عرب اوزره نازل اولوب دیار عرب ایسه زراعتدن خالی اولدینی جهتهله عربلر اکثر اوقاآده دوه اوزرنده چوللرده مسافرنده یالکزر بولونورلر . انسانلرک صحرالرده یالکزر بولوندیغنه قونوشاجق

کیمسه اولمادیغندن کوزینك کوردیکی موجوداتده تفکرله مشغول اولمی ضروریدر . موجوداتدن اول بأول کوزینك اصابت ایده جکی شی ؛ بیندیکی دوه ایله باشی قالدیرنجه اوزرنده کوکله و صاعنده و صولنده طائر و آیاغك آلتنده برلردر . ایشه چوللرده و خالی برلرده آنجق بونلری کوروب تفکر ایده جکنه بناء جناب حق بو آیتده بونلری جمع ایتش و استدلالك یالکزر برنوعه مخصوص اولمایوب مخلوقاتك هر بریسیله ممکن اولدیغنی بیان بیورمشدر .

حیواناتدن کوزه تیلن منفعت ؛ آتی ییمك و سودینی صاعق و بوکنی آماق و یوکنی یوکلتمك و اوزرینه بینمكدر . دوهده ایسه بونلرک جمله سی موجود ایلقله برابر دوهنك مشقیده آز اولدیغندن حیوانات ایچندن دوهی ذکر ایتمشدر . چونكه ؛ دوهنك منفعتی جوق محق ایسه آذرر .

\*  
\*\*

واجب تعالی وحدانیتك و آخرتك دلیللرینی بیاندن صوکره شو بیان اولونان اشیاالرله وعظ ایتمی رسولله امر ایتك اوزره ﴿ فذکرْ إِنَّمَا أَنْتَ مُذَكِّرٌ ﴾ \* لَسْتَ عَلَيْهِمْ بِمُصَيِّرٍ ﴾ بیوریور .

[ یا اکرمرسل ! سن شودلائلی بیان ایده رک ناسه وعظ ایت . زیرا سنك وظیفهك آنجق آنلره نصیحت ایتمکدر . سنك نصیحتی قبول ایدوب دلالتله نظر ایتزلرسه سنك ایچون بآس یوقدر . ] چونكه ؛ سن آنلر اوزرینه بکچی اولمادیغك کبی نصیحتی قبوله آنلری اجبارده مأموردکلسك . وظیفهکی برینه کتیردکن صوکره آنلرک قبول ایتمه مسندن سکا کدر یوقدر .

\*  
\*\*

واجب تعالی رسولنك وظیفه سی تبلیغ ایتك اولدیغنی بیاندن صوکره وعظدن اعراض ایدنلره عذاب ایده جکنی بیان ایتك اوزره ﴿ إِلَّا مَنْ تَوَلَّى وَ كَفَرَ ﴾ \* فَيُعَذِّبُهُ اللَّهُ الْعَذَابَ الْأَكْبَرَ ﴾ بیوریور .



[ و لکن شول کیمسه که وعظکدن یوز چویردی و کفر ابتدی . او کیمسه به  
الله تعالی بویوک عذابله عذاب ایدر . ] یاخود آیتده استئنا ؛ **مقییم** . بوکا نظراً  
معنای آیت : [ سن وعظایت ، الا شول کیمسه به وعظایتمه که او کیمسه سنک وعظکدن  
یوز دوندوردی و کفر ابتدی . آکا وعظ لازم دکادر . چونکه ؛ استئنا ایتمکله قلبیکی  
محزون ایدر ] دیمکدر .

عذابی ، کفر عذابی اولدینی جهته جمله عذابلرک فوقنده اولاجفته اشارت ایچون  
جناب حق بو مثللو کیمسه لره بویوک عذابله عذاب ایده جکفی بیان بویورمشدر .

﴿ إِنَّ الْإِنْسَانَ إِيَابَهُمْ \* ثُمَّ إِنَّ عَلَيْنَا حِسَابَهُمْ ﴾

[ آنلرک رجوعلری آنجق بزم حضور یغزه در . بوندن صوکره آنلرک حسابلری ده  
بزم اوزریمزه در . ]

یعنی ؛ بز آنلره عذاب ایدرز . زیرا ؛ او وعظدن یوز چویرنلرک دونوب کله جکلری  
بزم حضوریمزدر و بزم حضوریمزه کلدکن صوکره آنلرک حسابلری بزم اوزریمزه در .  
بناء علیه ؛ بز آنلره وعظی نهدن دیکله مدکلرینی ونه ایچون کفر ایتدکلرینی سؤال ایدر  
جزالرینی ویریز . بو آیت ؛ عذاب اکبرله واجب تعالی نکه عذاب ایده جکنه دلیلدر  
و تقریری شویله در : « بز وعظدن اعراض ایدنلره عذاب ایدرز . زیرا ؛ وعظدن اعراض  
ایدنلرک رجوعی آنجق بزه در . هر کیمسه که وعظدن اعراض ایده رک بزه رجوع ایده .  
بز آکا عذاب ایدرز . بناء علیه ؛ وعظدن رجوع ایدنه بز عذاب ایدرز » دیمکدر .



مکه مکرمه نازل اولان سوره لر دندر . اوتوز آیتی جامعدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ وَالْفَجْرِ وَلَيَالٍ عَشْرٍ وَالشَّفْعِ وَالْوَتْرِ \* وَاللَّيْلِ إِذَا يَسْرِ ﴾

[ عالمه ضیاسنی طاغیتمقله نورلاندیران صباحه و ذی الحجه نکه اولندن اون عدد کیجه به  
و موجوداتک چفت وتک اولانلرینه و قارائغنی آلوب کیتدیکی وقنده هر کونک کیجه سنه  
یمین ایدرم که البته کافر لره عذاب ایدرم . ]

یعنی ؛ عالمه فوائد کثیره سی بولونان صباح وقته و یاخود صباح نمازینه و قربان آینک  
اولندن بالاعتبار ناسک افعال جمله مشغول بولوندقلری اون کیجه به و مخلوقاتک چفت وتک  
اولانلرینه و کیجه زائل اولوب کیتدیکنده او کیدن کیجه به یمین ایدرم که کافر لر البته  
عذاب اولونورلر .

فخر رازینک بیانی وجهله صباح وقتی ؛ اللهم برلکنه دلالت ایتدیکی کیجه نکه  
قارائغنی ازاله ایله عالمی ضیایه غرق ایدنجه حیوانات و وحوش و طیور و جمله انسانلر  
و روح صاحبلری محللرندن چیقوب هر کس رزقنی آرامق اوزره یربوزینه طاغیلدقلری  
جهتهله فوائد دنیویه بی جامع اولدیغندن شرفه بناء جناب حق صباح وقته یمین ایتمشدر .  
صباح وقتی هر کسک اویقودن اویانوب یا ناغندن قالقارق هر برینک مطلوبی اولان شی طرفه  
کیتمی ارباب عقل نظرنده موتانک قبرندن قالمسینه بر نمونه اولدیغندن بعثک بر خاطره سی  
اولمق اعتبارله فائده دینه سی موجود اولدینی جهتهله صباح وقتک عندالله و عندالناس  
شرقی و قدری عالیدر که کندیسيله قسم اولونمشدر . یاخود صباح نمازنده کیجه و کوندوزه  
مأمور اولان حفظه ملککری اجتماع ایتدکلرندن صباح نمازینه قسم بیورمشدر . یاخود  
فجر ایله مراد ؛ محرم آیینک برنجی صبا میسر . زیرا ؛ یوم مذکور عربی تاریخک سنه باشی اولدینی



جهتله شرف صاحبدر. یاخود قربانه بارانك صباى مرادور. زیرا حجه؛ متعلق اولان عباداتك اكریسی اوكونه تصادف ایتدیکندن شرفلیدر. بناء علیه؛ کنديسیله یمین اولونمشدر. شومعالردن هر هانکیسی مراد اولونورسه اولونسون شرفدن خالی اولمادینی جهتله فجرى جناب حق مقسم به قیلمشدر.

لیال عشر ایله مراد؛ زی الحیونك اولنورسه اونه کیچرور. زیرا؛ اوكونلره کیجهلری اهل ایمانك افعال حمله مشغول اولدقلری كونلر اولدیغی ایچون شرفلیدر. حق رسول الله صلی الله تعالی علیه وسلم افندیمر (ما من ايام العمل فیهن احب الی الله من هذه الايام العشر) بیورمشدر. یعنی «كونلردن هیچ برکون اولمادی که اوكونلرده عمل شواون کونده کی عملدن زیاده الله تعالی به محبتلی اولسون. البته بواون کونده عمل الله هر کونلردن زیاده محبتلی اولور» دیمکدر. یاخود لیال عشر ایله مراد؛ رمضانك عشر اضمیرور. زیرا؛ عشر اخیرده لیلہ قدر اولدیغندن شرفی زیادهدر. هر هانکی معنی مراد اولونورسه اولونسون نوبه؛ نعطیم ایچوندر. شو حالده معنای آیت: [شوشرف و حیثیت صاحبی اولان اون کیجه به یمین ایدرم] دیمکدر.

شفع ایله مراد؛ مخلوقات، وتر ایله مراد؛ هانقمر. زیرا مخلوقات؛ کیجه و کوندوز، ارک و دیشی، یاز و قیش، یر و کوك، قارائلق و آیدینلق و سائر کبی اکثریتله چفت اولوب واجب تعالی ایسه تکدر. یاخود مخلوقاتمه هفت و نك اولاندر مراددر. یاخود هفتد هانقمر. چونکه؛ جنت سکز اولدیغی جهتله چقدر و جهنم یدی اولدیغی جهتله تکدر. هر هانکی معنی مراد اولونورسه اولونسون تك و چفت شرفی حائز اولدقلری جهتله قسم اولونمشدر.

کیجه نك کیدوب کلسیله كونلرک اخلافی و بیع و شرا ایچون مدتلك انتظامی و کیجه و کوندوزك صورت منتظمده جریان برمدبر حکیمک صنعیله اولدیغنه دلالت ایتدیکی جهتله اعتقادات و عملیاته خادم اولدیغندن مقسم به قیلمشدر. بویمینک جوابی مقدرور و البته کافرله بن عذاب ایدرم» دیمکدر. چونکه؛ بوندن اولکی سورهنك آخرنده کافره

عذاب اکبرله عذاب ایدم جکنی بیان بیورنجه واجب تعالی بو سورهنك اولنده شو مذکور اولان اشیایه یمینله او عذابك واقع اولاجغنی تا کید ایتمشدر.

\*\*\*

واجب تعالی اشیاء مذکوریه یمینك کافی اولدیغنی بیان ایتک اوزره ههل فی ذلک قسم لذی حجر» بیوریور.

[شویمین ایدیلن اشیالره یمینده عقل صاحبی اولان کیسمه به قناعت ویره جک قسم وارمیدر؟]

یعنی؛ عقلی اولان بیلیر که الله تعالی نك شو قسم بیورمش اولدیغی شیلرده کوردیکی عجائب و غرائب باقارق بواشیانك یمین ایتمه لایق شرف و شان صاحبی اولدیغنی و بونلره یمینك کافی اولاجغنی بیلیر. چونکه؛ بونلره یمین کافی اولمازسه باشقه لرینه یمینده کافی اولماز. حالبوکه عقل صاحبنه بونلره یمین کافیدر باشقه شیلره یمین ایتمه حاجت یوقدر. فخر رازینك بیانی وجهله بو مقامده استفهام، تا کید ایچوندر. خارجه بونك نظیری: بر مسئله حقنده قوتلی دلیل کترین کیسمه دلیلنی بیاندن صوکره «شو ذکر ایتدیکم شیده دلیل وارمیدر؟» دیر که «دلیل غایت قوتلیدر» دیمک اولور.

حجر؛ منع معانسهدر. عقل؛ صامبنی کناهلرور و لایق اولمادو شیلردنه منع ایتدیکی ایچون بو آیتده عطف حجر دینمشدر.

\*\*\*

واجب تعالی قسمك جوابنده کافرله عذاب ایدم جکنی بیاندن صوکره او عذابی تفصیل ایتک اوزره «آلم تر کیف فعل ربك بعاد» \* ارم ذات العباد \* الٹی لم یخلق مثلها فی البلاد» بیوریور.

[یا کرم الرسل! سن بیلیمدکی ربك تعالی نه ایشله دی (ارم) دنیلن بلده ده ساکن اولان عاد قومنه که آنلر هیچ بر بلده ده امثالی یارادلاماش یوکسک قوناقلر صاحبلی ایدیلر.]



یعنی ؛ ای حبیلم! سن کورمه دک و بیلمه دک کی که ربک تعالی عادقومه نه ایشله دی و آنلری ناصل اهلاک ایتدی ؟ عاد قومی ، ( ارم ) کی کمال راحت و صفایی موجود و جفادن خالی دنیا نعمتلیرینک هیسسی موجود بر بلده نک صاحب لری اولدقلری کی امثالی هیچ بر بلده ده خلق اولونماش یوکسک سرائلرک و قوناقلرک ده صاحب لری ایدیلر . شو حلاله بویله ثروت و سامان و سلطنت و قوت صاحبی و عمر لری نک اوزونلخی هر قومدن زیاده اولان عاد قومنی ربک تعالی اهلاک ایدنجه آنلردن ده اضعیف اولان مکه اهالیسنی اهلاک ایده جکی اولویتله ثابت اولور .

فخر رازینک بیانی وجهله عاد ؛ بقومک بوبوک بر لری نک اسمی اولدیغنه او قومه عاد قومی دیمشدر . چونکه ؛ بر قیلله بوبوک پدرینک اسمیلله جاغیرلق عادتدر . ( عاد ) حضرت نوحک دردنجی اوغلیدر . چونکه ؛ حضرت نوحک اوغلو ( سام ) ک اوغلو ( ارم ) ک اوغلو ( عوص ) ک اوغلیدر . ارم ؛ مام و یا اسکندریه بلده سیدر . زیرا ؛ بوبلده لر دنیانک اک کوزل بلده لری اولوب هر نعمتلی ده مبدولدر . یاخود ارم ؛ ممدک یا مریفی ابنیه مسیمه امارتدر . زیرا ؛ شداد کندی زعمنجه دنیاده جنت یا بمق اوزره عدن صحرا سنده آلتون و کوموشدن و سائر جواهر دن معمول جسم سرائلر و یوکسک کوشکلر بنا ایتدیردی . لکن کمال طغیانندن دولایی ایچنه اوتورمقسزین جماعتیله برابر جناب حق آنی اهلاک ایتدی و بو ابنیه بی خلقک کوزندن کیزله دی . یا لکن حضرت معاویه نک خلافتی زماننده ( عبدالله بن قلابه ) دنیلن آدم دوه سنی آرامق اوزره کز رکن بو شهر جسمیه تصادف ایدرک بر آت یوکی آلدی یمنه کتیردی . حضرت معاویه بو وقعیه ایشیدنجه ( کعب الحباری ) کتیرتیر « دنیاده آلتون و کوموشدن یا پیلش شهر وارمیدر ؟ » دییه سؤال ایتسی اوزرینه ( کعب ) حضرتلری « اوت ا شدادک یا پدینی ( باغ ارم ) واردر . سنک زماننده اهل اسلامدن دوه سنی آرار بر کیمسه او شهره کیره جکدر و او کیره جک رجلک یوزی قیرمزی و بوی قیصه و قاشنک اوستنده و بویننده بنلری اولاجق ، دیر وایکی طرفنه باقنجه ( عبدالله بن قلابه ) بی او مجلسده کورور وده ایشه او رجل بودر » دیدیکی مرویدر .

..

واجب تعالی عاد قومنک حالنی بیانن صوکره نمود قومنک حالنی بیان ایتک اوزره ﴿ وَنَمُودَ الَّذِينَ جَابُوا الصَّخْرَ بِالْوَادِ ﴾ بیوریور .

[ ای رسول مکرم ! سن بیلمه دک کی ربک تعالی قوم نمودی ناصل اهلاک ایتدی . او قوم نمود شول کیمسه لرکه آنلر ( وادی قری ) دنیلن بلده لرنده طاغلی طاشلری او یارلر کندیلرینه اولر یا بارلردی . ] بو قدر قوته مالک اولان قوم نمودی ربک تعالی ناصل اهلاک ایتدی ایسه اهل مکینیه ده اویله جه اهلاک ایده جکی اولویتله ثابت اولور . قوم نمودک بیک یدیوز شهر بنا ایدوب هیسنک طاشدن او یما اولدینی مرویدر .

وادی قری ؛ مدینه ایله نبوک آره مندره بر محله . حق رسول الله تبوک غزاسنده بر قولاً آت اوزرنده او محله کلدیکنده اصحابنه خطاباً « سرعت ایدک . زیرا ؛ سز ملعون بر دره ده سکنز » بیوردینی مرویدر . نمود ؛ صالح علیه السلامک قومیمر . پیغمبر لریینه ایمان ایتمه دک لری ایچون جناب حق بر صیحه ایله آنلری اهلاک ایتمشدر .

..

واجب تعالی عاد و نمود قوملرینک حاللری بیاندن صوکره کفر و تمردده آنلره بیکزه بن فرعونک حالنی بیان ایتک اوزره ﴿ وَفِرْعَوْنَ ذِي الْأَوْتَادِ ﴾ بیوریور . [ یا اکرم الرسل ! سن بیلمه دک کی ربک تعالی میخلر صاحبی اولان فرعون نه ایشله دی و آنی ناصل اهلاک ایتدی ؟ ]

یعنی ؛ صیقی دنیایی طوتمش قوت و شوکت صاحبی اولان فرعوننی دکزه غرق ایتک صورتیله اهلاک قادر اولان الله تعالی نک اهل مکینیه ده اهلاک قادر اولاجنی اولویتله ثابتدر . فخر رازینک و ابوالسعود افندی نک بیانلری وجهله فرعونک عسکری جهوه اولوب عسکرک جادرینه جهوه قازیمی جاقبر دیغنه و یاخود کنینه عصیان ایتدیک ایلرینی جعفر جاقوب اولو جهیه قدر بر اتمادیغنه و یاخود ملک و امارت صامی اولدیغنه



ذی الاوتاد دنیله شد. چونکه اوتاد؛ و نك بمعبره. وتد؛ قازیر و میبوی  
معنای در. ارکان دولت، دولت چوینی مقامده اولدقلرندن آنلرده اوتاد دنیله بیلور.

\*\*

واجب تعالی عاد و نمود قوملریله فرعونك هلاکترینه اشارتدن صوکره آنلرک عصیانترینه  
مقابل صوکره انواع عذابله معذب اولدقلرینه اشارت ایتک اوزره ﴿الَّذِينَ طَغَوْا فِي الْبِلَادِ﴾  
فَا كَثُرُوا فِيهَا الْفَسَادَ ﴿فَصَبَّ عَلَيْهِمْ رَبُّكَ سَوْطَ عَذَابٍ﴾ بیوریور.

[شول کیمسه لرکه عاد و نمود قوملری و فرعون و بونلرک هر جمله سی بلده لرنده طغیان  
ایده رک فساد چوق یاپدیله. بناء علیه؛ سنك ربك آنلر اوزرینه بر نوع عذاب دو کدی.]  
یعنی؛ آنلر مالترینه و منصبترینه و سائر ساخته اعتبارترینه کووه نرک بلده لرده ضعفاء  
عباده طغیانله ظلم ایتدیله و بناء علیه؛ بلده لرده فساد چوق یاپدیله. شو حالده آنلر  
اللهك قوللرینه فساد چوق یایوب اذی وجفا و اشکنجه ایدنجه ربك تعالی آنلر اوزرینه  
عذاب دو کدی و هر برلرینی برر نوع عذابله اهلک ایتدی. سوط؛ دریمه یا میوه  
قامیمیر. ابوالسعود افندینک بیانی و جمله آخرته آنلر ایچون حاضرلانیان عذابله نسبتله  
دنیاوه هلاکترینه باعث اولان عذاب قیلدجه نسبتله قایلجه عذاب کبی اهون اولدیغه  
اشارت ایچون (سوط عذاب) دینمیشدر. آنلر اوزرینه کلن عذاب بربری آرقه سنده  
دو کولدیکنه اشارت ایچون درکک معنای اولان صب ایله تغییر اولونمش و هر برینه برر  
نوع عذاب نازل اولمشدر.

فخر رازینک بیانی و جمله بعض آیتده بونلرک عذابلرینک آخرته تأخیر اولوندیغی  
بیانه بو آیتده دنیاوه عذاب اولوندقلرینی بیان منافی دکدر. زیرا آخرته تأخیری بیان  
اولونان؛ عذابلرینک تمامیدر. بو آیتده بیان اولونان؛ عذابلرینک بعض نوعیدر. بناء علیه؛  
آیتلر بیتده اصلاً تناسف یوقدر. بو آیتلرک هر بری کندن اول کچن آیتله دلیلدر  
و تقریری شویله در: «عاد و نمود قوملریله فرعون جمله سی طاعی اولدیله. زیرا؛ آنلر

بلده لرنده چوق فساد ایشله دیله. هر کیمسه لرکه آنلر چوق فساد ایشله دیله، طاعیلردر.  
بناء علیه؛ عاد و نمود قوملریله فرعون طاعیلردر، كذلك «آنلر اوزرینه ربك بر نوع  
عذاب دو کدی. زیرا؛ آنلر چوق فساد ایشله دیله. هر کیمسه لرکه آنلر چوق فساد  
ایشله دیله، ربك آنلر اوزرینه عذاب دو کدی. عاد و نمود قومی ایلله فرعون اوزرینه ربك  
عذاب دو کدی، دیمکدر.

\*\*

واجب تعالی عاد و نمود قوملریله فرعون کبی عالمی افساد ایدن قوملر اوزرینه عذاب  
دو کدیکنی بیاندن صوکره آنلرک عذابلرینی ایجاب ایدن حاللرینی بیلدیکنی و آنلرک  
حاللرینی کوزه تدیکی بیان ایتک اوزره ﴿إِنَّ رَبَّكَ لَبَاسٌ صَادٍ﴾ بیوریور.

[محقق سنك ربك عاصیلری کوزه تیر.] بناء علیه؛ آنلردن هیچ برینک حالی  
فوت ایتدیکندن هر کسک و هر قومک حاله و عملنه کوره مجازات ایدر. شو حالده  
هیچ بر کیمسه حالی و خیر و شر اعمالی الله تعالی دن صاقلایاماز. زیرا؛ الله تعالی آنلری  
کوزه تجبی و حاللرینی بیلدجیدر.

ابوالسعود افندینک بیانی و جمله بو آیت جلیله واجب تعالی نك قوللرینک حالی  
کوزه تدیکی تمثیل در. زیرا مرصاد؛ بعضه اموالی کوزه نرک محل اولوب جناب حق  
مکاندن منز اولدینی جهته آیتک تشبیه حمل اولونمسی لازمدر. کأن واجب تعالی نك  
علمی، کلوب کچی کوزه نرک ایچون یول اوزرینه اوتوران بکچینک حاله تشبیه اولونمشدر.  
رسول اللهك قومنده دیکرلرینه اصابت ایدن عذاب منللو عذابک اصابت ایده جکنه اشارت  
ایچون ربوبیت صفی رسول الله مضاف قیلنمشدر. چونکه؛ الله تعالی هر کسک ربی  
اولدینی حالده رسول الله «سنك ربك» دیمک کافرله تعریضدر.

بو آیت؛ نمود و امثاله عذابک دو کولسنه دلیل و علتدر و تقریری شویله در: «ربك تعالی  
آنلر اوزرینه بر نوع عذاب دو کدی. زیرا؛ ربك آنلری کوزه تدیکی جهته آنلرک کناهلرینی  
بیلیر. هر کیمسه که کوزه تمکله آنلرک کناهلرینی بیلر، آنلر اوزرینه عذاب دو کدی.  
بناء علیه؛ ربك آنلر اوزرینه عذاب دو کدی، دیمکدر.

\*\*



واجب تعالی قوللرینک حاللرینی کوزه تدیکنی بیانله عبادته ترغیب ایتدیکی حالده  
قوللرک عبادتدن اعراض ایتدکله ربی و همتلری آنجق دنیایه اولدیغنی بیان ایتک اوزره  
﴿ فَأَمَّا الْإِنْسَانُ إِذَا مَا ابْتَلَاهُ رَبُّهُ فَأَكْرَمَهُ وَنَعَّمَهُ فَيَقُولُ رَبِّي أَكْرَمَنِ \*  
وَأَمَّا إِذَا مَا ابْتَلَاهُ فَقَدَرَ عَلَيْهِ رِزْقَهُ فَيَقُولُ رَبِّي أَهَانَنِ ﴾ بیوریور .

[ اما انسانی ربی امتحان ایدوب آکا زنکینک ورفاه حال ایله اکرام ایدره  
نعمت صاحبی قیلدیغنده او انسان « بنم ربم بکا ثروت و سامان و سائر نعمتلره اکرام  
ایتدی » دیمکه سرورینی اظهار ایدر و اما ربی آنی بعض بلایا ایله امتحان ایدوب آنک  
اوزرینه رزقی طار قیلدیغنده او انسان « بنم ربم بکا اهانت ایتدی » دیمکه اسفی اظهار ایدر .  
یعنی ؛ انسان دنیا نعمته نائل اولونجه نمون اولور و اونعمتی کندی استحقاقی ظنیه  
اظهار بشاشت ایدر و دنیا نعمتدن محروم فقرله مبتلا اولدیغنده کویا جناب حقده بر آلاجنی  
وارمشته و یرمه مش کی یوزینی اکشیتیر و جناب حقک اهانت ایتدیکی سویله مکه تحسیرینی  
اظهار ایدر . حالبوکه انسانک نائل اولدیغنی نعمتلر مجرد فضل الهی و احسان سبحانیدر .  
زیرا ؛ هیچ برزمانده انسانک استحقاقی نائل اولدیغنی نعمتی دکمز و لیکن انسانک فکری  
قیصه و نظری کوتو و همتی دنیایه منحصر اولدیغندن عاقبتی دوشونوب ایلرونی کوره من .  
بناء علیه ؛ دنیاچه نائل اولدیغنی نعمتی اکرام و نعمتدن محروم اولدیغنی اهانت صایار .  
حالبوکه ثروت و غنا چوق کیمسه لر حقده اکرام اولق شویله طورسون عین اهانت  
و فقر و فاقه ایسه بعض کیمسه لر حقده عین کرامت و سعادت اولور . چونکه ؛ ثروت  
طغیانه سبب اولوب دنیاده و آخرتده صاحبک خائب و خاسر اولسنه سبب اولدیغنی کی  
فقر و فاقه ده سکونت و تواضعنه سبب اولارق دارینده سعادت و سلامتنه سبب اولور .  
بناء علیه ؛ دنیاده بر کیمسه حقده نعمتک و یا خود آلام و ا کدارک حصولی او کیمسه نک  
استحقاقه دلالت ایتز . زیرا ؛ کورولیور که الله تعالی بر چوق عاصی و کافر قوللرینی  
دنیاچه انواع نعمتله متمم قیلدیغنی کی بر چوق مؤمن صالح و تقی قوللرینی ده فقر و فاقه  
و انواع مشقتله مبتلا قیلار . شو حالده دنیاده متمم اولان کیمسه نک کندی نه سعادت و کرامتله  
و مستحق اولدیغنی بیانله حکم ایتسی جائز اولمادیغنی کی فقرله و سائر مصائبه مبتلا اولان

کیمسه نک ده نفسنه اهانتله حکم ایتسی دخی جائز اولماز . زیرا ؛ آلامله مبتلا اولان کیمسه نک  
مبتلا اولدیغنی زمانده آنک اوزرنده اللهک صایلماز و توکنمز نعمتلری واردر . بونلرک  
جمله سنی اونوتارق فقره و یا بعض مصائبه مبتلا اولدم دیهرک نفسنه اهانتله حکم ایتک  
کستاخلقدر . بناء علیه ؛ همتی مجرد دنیایه صرف ایدنلری جناب حق ذم بیورمشدر .

..

واجب تعالی انسانک همتی مجرد دنیایه اولدیغنی بیاندن صوکره دنیایه همتی حصر  
ایتمکی منع و دنیایه محبتلرینی انبات ایتک اوزره ﴿ كَلَّا بَلْ لَا تُكْرِمُونَ الْيَتِيمَ \*  
وَلَا تَحَاضُّونَ عَلَى طَعَامِ الْمَسْكِينِ ﴾ بیوریور .

[ سزک اعتقادیکز کی دکدر . ] زیرا ؛ زنکین اولان کیمسه نک غناسی آکا اکرام  
و فقیر اولان کیمسه نک فقری آکا اهانت ایچون اولماز . بناء علیه ؛ بو اعتقاددن وازچک .  
چونکه ؛ غینک غناسی و فقیرک فقری حکمت الهیه ایجابیدر ، یوقسه هر کسک استحقاقی  
دکدر . [ بلکه سزک ایشیکز و سوزیکز کوتودر . زیرا ؛ سز اللهک سزه و یرمش  
اولدیغنی نعمتلره یتیمله اکرام ایتمیورسکز . ] حالبوکه یتیم سزک کندی جنسکزدن باباسنی  
غائب ایتمش و هنوز بالغ اولوب احتیاجدن قورتولماش سزک معاونتکزه محتاج اولدیغنی  
بر زمانده آنلره طعام ییدیرمک و البسه کیدیرمکه اکرام ایتمیورسکز . [ و مساکین  
و محتاجینه طعام ییدیرمکه بعضیکز بعضیکزی ترغیب ایتمیورسکز . ] ایشته یتیمله و سائر  
محتاج اولان فقیرلره اطعام طعامله اکرام و معاونت ایتدیککز کی باشقه لرینی ترغیده  
دخی بولونماکز همتکزک یالکز دنیایه مصروف و محبتکزک آنجق دنیا مالنه اولدیغنه  
دلالت ایدر .

یتیم ؛ انسانلرده باباسی اولمایانه هر جوغ دنیلدیکی کی هیوانات ساروده آناسی  
اولمایانه بهر اتم یادر و سزدخی دنور . یتیمه اکرام ایتمینلری و محتاج اولانلره طعام ییدیرمینلری  
و باشقه لرینی طعام ییدیرمکه ترغیب ایتمینلری جناب حق بو آیتده بخل ایله ذم ایتدیکی  
کی اکرام ایدنلری ده دیگر آیتلرده سخا ایله ثنا بیورمشدر . حق رسول الله ( احب الیوت



الى الله بيت فيه يتيم مكرم) بيورم شدرد. يعنى «خانه لرك الله تعالى به محبتلىسى كندىسند»  
اكرام اولونان يتيمك بولوندىنى خانه در «ديمك اولور. يتيمى اجرتسىز استخدام ايتمك  
جائز دكل وبلكه ده حرامدر ولو قرداشى واستاذى اولسون. يالكىز خواجهسى شريكى  
چاغىرمق ايچون كوندرسه باس يوقدر. بوندن باشقه والدهسى ده ايستهدىكى قدر استخدام  
ايدر. زيرا؛ آنك ايچون ده جائزدر.

بوندن اولكى آيتده جناب حق انسانلرك سوزلريله دنيايه محبتلىرىنى اثبات ايدوب  
سوزلرىنى ذم ايتدىكى كې بوآيتده دنيايه محبتلىرىنى ايشلريله اثبات وايشلرىنى ذم ايتمشدر.  
فخررازينك بيانى وجهله اولكى آيت (عنه بن ربيع) وامثالى مشركلر حقنده وايتكنجى  
آيت ده (قدامة بن مضموم) حقنده نازل اولدىنى مروى ايسده اعتبار لفظك عمومته در.  
بناء عليه؛ بوصفكلر كندىلرنده بولونان انسانلرك جمله سنه شاملدر.

\*\*\*

واجب تعالى انسانلرك دنيايه محبتلىرىنى يتيمه اكرام ايتمك وفقرايه طعام بيديرمه مك  
كې افعالريله بياندن صوكره شدتله ارثى اكل ايتمك وماله محبت ايتمك كې حاللىرىنى بيانله  
دخى ذم ايتمك اوزره ﴿وَتَأْكُلُونَ التُّرَاثَ أَكْلًا لَمًّا \* وَتُحِبُّونَ الْمَالَ حُبًّا جَمًّا﴾  
بيوريور.

[ سز ارثى چوق ييمكله بيرسكز ومالى بك زياده سومكله سورسكز . ]

يعنى؛ سز طائفه نسوانك ويانكزده بولونان صبيانك ارثاً انتقال ايدن نصيبلىرىنى  
كندى مالكزده ضم ايدهرك بير وحق صاحبك حقى ضايع ايدرسكز ومالى كال حرصله  
سورسكز. بناء عليه؛ ماله محبتكز سزى غيرك حقوقه تجاوزدن منع ايتمز، بلكه سزى  
حرامه سوق ايدر.

فخررازينك بيانى وجهله ثراث؛ مال مورور، (لَمًّا) شدت جمع ايتكمدر.  
بومقامده مفرده هرصد ييمكى طويوبوب برده لقمه ايتكمدر. (جَمًّا) كثره وشدت  
معناسنه در. بناء عليه «ماله چوق وشدتلى لزومندن زياده محبت ايدرسكز» ديمكدر.  
زمان جاهليه ده عربلرك عادتلى؛ قاديبلره وچو جقلره انتقال ايدن مال مورونى ويرمزلر

بويوكارى كندى ماللرينه قارشى ديرمقله بيرلر وحرام وحلال آرامازلردى واليوم تركن  
طائفه سنده دخى بو عادت كرهه جاريدر. جناب حق بوآيتله بومثللو غيرك حقوقه تجاوز  
ودنيايه فرط محبت ايدهرك آخرتى نسيان ايدنلرى ذم ايتمشدر.

\*\*\*

واجب تعالى دنيايه محبتلىرىنى بياندن صوكره بومحبتلىرينه منفعت ويرميه جك بر زمانده  
ندامت ايدهرجكلرىنى بيان ايتمك اوزره ﴿كَلَّا إِذَا دُكَّتِ الْأَرْضُ دَكًّا دَكًّا \* وَجَاءَ  
رَبُّكَ وَالْمَلَكُ صَفًّا صَفًّا \* وَجِئَ يَوْمَئِذٍ بِجَهَنَّمَ يَوْمَئِذٍ يَتَذَكَّرُ الْإِنْسَانُ وَآثَى  
لَهُ الذِّكْرَى﴾ بيوريور.

[ حال وشان سزك حلال وحرامى تفريق ايتمكسزىن مال جمع ايتمك صورتيه  
دنيايه محبت واعتماديكز وهمتكزى دنيايه حصصله حرصكز موافق ولايق دكلدر. زيرا؛  
يرلر شدت حركدن ياريلوب وير اوزرنده اولان طاغلر وأولر زلزله اوزرينه شدتلى  
زلزله اولمقله محو اولوب كيتديكندى وربك تعالى نك امرى ومهابتى كاديكندى وملكلر  
صف صف اولوب طورديغنده واوكونده جهنم عرصه محشره كيتريدكندى ايشته اوزمانده  
انسان ايشله ديكى كناهلىرىنى و دنيايه محبتى خاطرينه كتيبىر ندامتى اظهار ايدر. فقط  
نه فائدهسى اولور وزهدن كلير خاطره كتيبىر مك . ] چونكه؛ زمانى كچمشدر. زيرا؛  
ندامتك محلى دنيا در.

فخررازينك بيانى وجهله (دَكًّا) برشيئك قيرلى ربارطسيدر. شو حلاله معنای آيت:  
[ يوم قيامتك شدتدن يرلر ياريلوب پارچه پارچه اولوب قوم كې صاورولوب هبا اولدىنى  
زمان انسان نه ياپديغنى بيلير وندامت ايدر، فقط چه فائده! ] ديمكدر. (وَجَاءَ رَبُّكَ)  
واجب تعالى جسم اولماديغندن حقيقتده كلك و كيتمك كې جسمك لوازمندن اولان شيلر  
كندى حقنده تصور اولونمق محال اولدىنى جهتله بومقامده معنى: [ سنك ربكك امرى  
وعظمت جلالته دلالت ايدن آيتلىرى كاديكندى ] ديمكدر. زيرا؛ ذات الهيه كلكدن  
منزه در.



(وَالْمَلِكُ صَفًا) «او کونده بونون کوکړک ملکری اینوب انس و جنک اطرافنی احاطه ایدہ رک صف باغلابوب انس و جنک عمللرندن ایسنه ای و کونوسنه کوتو دیمک اوزره کلوب هرکس کندی لایق اولدینی مرتبه ده بولوندینی زمان انسان نه یابدیغنی بیلیر» دیمکدر.

بوایت؛ انس و جن کبی ملکړکده حشر اولونا جغه و عرصه محشرک اطرافند صف بسته اولارق بولونوب انس و جنک اعمال واحوالنی سیرو تماشا ایدہ جکربنه دلالت ایدر. بعض روایتده ملکړک یدی صف اولاجنی وارد اولمش ایسده آیتده صفک عدینه دلالت یوقدر، آنجق ملکړک صف اولاجقربنه دلالتی قطعیدر.

(وَجِيءُ يَوْمَئِذٍ بِجَهَنَّمَ) یوم قیامتده ملکړ واسطه سیله عرش اعلانک صول جهته جهنمک کتیریلہ جکنه دآر روایت وار ایسده بوایتده اکثر مفسرینک بیانلری وجهله جهنمک کتیرلمسی ایله مراد؛ محمد **مِنْهُنَّكَ كُورَةٌ** یکی راده ده **مِنْهُنَّكَ عَرْشٌ مَحْمُودٌ** اظهار اولونمسیدر که کافر لرواره جقلمی محلی کورور اسقلری آرتار و مؤمنلرکده خلاصربنه دآر سرورلری زیاده اولور. شو حالده جهنمک کتیرلمسی؛ جهنمکله ناس آره سنده اولان برده نک قالقوب هرکسک کوره بیلمسیدر. ایسته او کونده انسان دنیاده یابدیغنی هر شینی خاطرلار و هر شینی بیلیر کنه لربنه بیکلرجه ندامت ایدر فقط فائده ایتمز.

(وَإِنِّي لَهُ الذَّكْرَى) «زده در آکا خاطرلامانک منفعتی» دیمکدر. چونکه؛ دنیاده وعظی قبول ایدوب عقلنی باشنه آلمادی، آخرتده تذکر فائده ایتمز.

..

واجب تعالی یوم قیامتده انسانک دنیاده ایشله دیکی هر شینی خاطرلایاجنی بیاندن سوکره او کونده انسانک سویله یه جکی سوزی بیان ایتمک اورره ﴿يَقُولُ يَا لَيْتَنِي قَدَّمْتُ لِحَيَاتِي﴾ بیوریور.

[او کونده انسان «نه اولای ایدی شو حیات ابدیم ایچون اعمال صالحه تقدیم ایدم» دیمکله ندامتی اظهار ایدر.] چونکه؛ ایشله دیکی اعمال سیننی خاطرلار و بو خاطرلامقدن

بر فائده کورمه یخه تحسر ایدر ولکن فائده ایتمز. چونکه ندامتک فائده سی؛ دار تکلیف اولان دنیادر، آخرت دکلدرد.

..

واجب تعالی او کونده انسانک ندامت ایدہ رک اظهار ایدہ جکی سوزینی بیاندن سوکره واقع اولاجق عذابنی بیان ایتمک اوزره ﴿فَيَوْمَئِذٍ لَا يُعَذِّبُ عَذَابُهُ أَحَدٌ \* وَلَا يُوثِقُ وَثَاقُهُ أَحَدٌ﴾ بیوریور.

[او کونده اللهک کافره اولان عذابنی کبی دنیاده هیچ بر کیمسه دیگر بر کیمسه یه عذاب ایدہ مز واللهک کافری زنجیرله باغلادینی کبی هیچ بر کیمسه دیگر بر کیمسه یی باغلاماز.] زیرا؛ هر شیده اللهک قدرتی جمله نک قدرتنک فوقنده اولدینی کبی اللهک قهری ده جمله نک قهرینک فوقنده در. بناء علیه؛ اللهک عذابنی کبی عذابه واللهک عاصیلری باغلاماسی کبی باغلامغه هیچ بر کیمسه مقتدر اولاماز. چونکه؛ هیچ بر کیمسه نک اللهک قدرتی کبی قدرتی یوق که اللهک عذابنی کبی شدتلی عذاب ایدہ بیلسون، البته ایدہ مز. اکر (یعذب) و (یوثق) کله لری مجهول اولارق قرائت اولونورسه معنای آیت؛ [او کونده هیچ بر کیمسه کافرک عذابنی کبی شدتلی عذاب اولونماز و هیچ بر کیمسه کافرک باغلاماسی کبی شدتلی باغلاماز. زیرا؛ کافرک کفری جنایتک اشنی اولدینی کبی عذابنی ده سائر عاصیلرک عذابنک نهایه سی اولور] دیمکدر.

..

واجب تعالی دنیایه میل و محبتله عصیان ایدنلرک حاللرینی بیاندن سوکره اللهه عبادتی دنیا اوزربنه ترجیح ایدنلرک حاللرینی بیان ایتمک اوزره ﴿يَا أَيَّتُهَا النَّفْسُ الْمُطْمَئِنَّةُ \* اِزْجِیْیْ إِلَىٰ رَبِّكَ رَاضِيَةً مُّرْضِيَةً \* فَأَدْخِلْیْ فِی عِبَادِي \* وَادْخِلْیْ جَنَّتِي﴾ بیوریور.

[جانب معنوی التہیدن او کونده مؤمنلره خطاباً «ای ایمانی ثابت و قلبی حقه



واحتلاشمش اولان نفس ! سن ، ربك سكا وعد ايتمش اولديعى لطف واحسانه دون  
ربك تعالى سندن وسن ربكدن راضى وخشنود اولديغى كز حالد و سن بنم خاص قوللر يك  
زمره سته كبر و آنلرله برابر جتتمده داخل اول ، دنيلمكه جناب حق اهل ايمانى  
مسرور ايدر . [

يعنى ؛ عاصى اولانلر دنياده ايشله دكلرى كناهلك عذابى كوروب ندامتلىرى اظهار  
ايتدكلرى كونده الله تعالى به يقين صورتيله ايمان ايدن مؤمنلره تشير اولق اوزره بلا واسطه  
اهل ايمانه جناب حق تكلم ايدر ويورر كه « اى قضاء الهى به راضى اولوب ذكر  
الهى به دوامه قلبى حقه قرارلاشمش اولان نفس ! سن ربكدن وربك سندن ممنون اولديغى كز  
حالده سن ربك لطفه رجوع ايت كه سنك ايجون ربك تعالى نك حاضر لاديني نعمتلىرى  
كورده سك وسن صالح اولان قوللر مك جماعته داخل اولارق سوديكم قوللرم ايجون  
حاضر لاديم جتتمه كبر . ايشته جناب حق بويله ديمكه اهل ايمانى تلطيف ايدر .

فخر رازينك بيانى وجهله اطمئنان ؛ ثبات واستقرار معنسانه در كه قلبى يقين طرور  
اولوب اصله شك عارضه اوطا بانه نفس ديمكدن وبو مثللو نفوس خالصه به يوم قيامته اصلا  
قورقو و حزن عارض اولماز . كذلك اطمئنان قاب ؛ ذكر الله حاصل اولور . چونكه ؛  
نفس هرنه بي تصور ايتسه آنك فوقنده بر شى دهها تصويرينه انتقال ايدر واجب الوجودى  
ذكره و ارنجه به قدر بوانتقال دوام ايدر . واجب تعالى بي تصور ايدوب الوهيتنى تصديقله  
ذكره باشلاينجه آنك فوقنده بر شى طلبنه امكان اولما ديفندن نفس ذكرله مطمئن اولور  
قرارلا شور . بو خطاب بعضيلر عننده وفات ايدر كن ظهور ايدر و بعضيلر عننده يوم  
قيامته ظهور ايدر و بيان اولوندينى وجهله بالذات خطاب ايدن واجب تعالى اولق  
احتمالى اولدينى كى ملكلر واسطه سيله اولق احتمالى ده واردر . والله اعلم بالصواب .



مكة مكرمه نازل اولان سورة لر دندر . بكرمى آيتى جامعدر .

بِسْمِ اللَّهِ الرَّحْمَنِ الرَّحِيمِ

لَا أُقْسِمُ بِهَذَا الْبَلَدِ \* وَأَنْتَ حِلٌّ بِهَذَا الْبَلَدِ \* وَوَالِدٍ وَمَا وَلَدَ \* لَقَدْ  
خَلَقْنَا الْإِنْسَانَ فِي كَبَدٍ \*

[ جمله بلادك اشرفى اولان شو مكه بلده سته كه سن او بلده ده اقامت ايدى بورك  
و آدمه وبالعموم اولادينه يمين ايدرم كه محقق انسانى بز مشقت ايجنده ياراندق . ]  
يعنى ؛ يا اكرم الرسل ! سن شو بلده ده اقامت ايدر اولديغى حالده مكه بلده سته  
وهر والده وولدينه يمين ايدرم كه محقق انسانى بز مشقت ايجنده خلق ايتدك .

فخر رازينك بيانى وجهله شو بلده ايله مراد ؛ مكه مكرمه . چونكه ؛ مكه نك  
فضل و شرفى جمله نك معلوميدر . زيرا ؛ دنيا يوزنده بولونان بالعموم مؤمنينه مكده بولونان  
بيت شريف قبله اولدينى كى مال و بدن جهتلرندن كيدوب كله قدرنى اولان كيمسه لرده  
زيارت واجب اولمشدر . مكه به داخل اولان كيمسه به واجب تعالى امنيت وعد ايتدى كه  
مكه به داخل اولانه تعرض جائز اولماز و كوكده بيت المعمورى كعبه نك حذا سنده قيلمشدر  
و مقام ابراهيم اوراده بولونمقله ثنا بيورمشدر . ايشته شوييان اولونان شرفلرى الله تعالى  
مكدن باشقه بر بلده ده جمع ايتيه يوب آنجق مكده جمع ايدوب مكه بي جمله مملكتلردن  
افضل قيلمسيله شرفنه بناء يمين ايتمشدر .

رسول الله مكده اقامتى شرف ذاتيسى اوزرينه بر قاندها شرف بخش ايتديكى  
ايجون مكه نك يمين ايتمه شايان اولدينى رسولنك اقامتيله تا كيد بيورمشدر . چونكه  
مذهب شافعيده مكانك شرفى ؛ ايجنده اولان ذاك شرفيله در . يا خود (وانت حل بهذا البلد)  
جمله سنك معناسى « سن بو بلده ده هر نه مراد ايدرسك حلال » ديمكدن . زيرا ؛ مكه نك



فتحی کونی مکه داخلنده محاربه و اتلاف نفوس رسول الله حلال قیلنمشدر. حتی ( ابن خطل ) دینلن کیمسه کعبه نك اورتوسنه صارلمش اولدینی حالدہ رسول الله قتل اولونمشی امر ایتمشدر و رسول الله جناب حق اوقدر وسعت بخش ایتمشدر که دور آمدن الی یوم القیام هیچ کیمسه یه ویرمه دیکی رخصتی و مرتبه بی رسولنه ویرمشدر . بناء علیه ؛ ابوسفیانک خانه سنه کیرنلری و قابولرینی آرقه سندن اورتوب ایجری چکیلنلری عفو بیوردی و بومعنايه نظر آکله جک زمانده رسول الله ک آلدن مکه نك فتح اولونا جغنی وعد اولدینی جهته آیت جناب رسالتاب افندیمرک معجزه نبویه لرنددر . شو حالدہ مکه ده محاربه یه مساعده فخر کائناتک خاصه سندندر . چونکه ؛ رسول اللهدن باشقه هیچ بر فرد بومثللو مساعده یه نائل اولامشدر . والد و ولدایله مراد ؛ آدم و آرمک نسلیم . یاخود ابراهیم علیه السلامه آنک نسلیمه کلن محمد علیه الصلوٰۃ والسلام افندیمرک ، یاخود بنی آدمه هر والد وولده ناملدر . چونکه ؛ بنی آدمک لسانده اولان فصاحتله نطق و بیان و تدبیر امور و تحصیل علوم و استخراج فنون کبی عجیب و غریب شیلره اقتدار باشقه مخلوقاته اولمادیغندن شو بیان اولونان اوصافی حازر اولق شرفه بناء آدم و ذریته یمین اولونمشدر .

کبد ؛ مشقت معناسنده . چونکه ؛ انسان بدننه روحک کلمسیله بدنن روحک چیمسی آره سنده راحت بر زمان کچیرمه دیکی کبی وفاندن صوکره طوبراق آلتنه کیرمک و قبردن قالدقدن صوکرده بیکلرجه محتدرله عرصه محشرده اثبات وجود ایتک و آنا رحندن باشلا یارق بر جوق زحمت چکدرک دنیایه کلمک ووالده سنک سودینی ایتک و آندن ایرلق و حیاته بولوندینی مدت کندینه بر طرز معیشت آرامق و اختیار ایتدیکی مسلکنده بیک دورلو عارضه لره تصادف ایتک کبی مشقتلر انسان ایچون هر زمان موجود اولدیغندن جناب حق انسانی مشقت ایچنده خلق ایتدیکنی بیان بیورمشدر . انسان ، هر خطوه سنده بر جوق توقاده معروض اولدینی کبی حال و سقنده شکر و حال مضایقه سنده صبر و تکالیف سائر ایله دخی مکلف اولسی بر جوق مشقتی متضمندر .

یاخود کبد ؛ شرت و قوت معناسنده . بوکا نظراً معنای آیت : [ شو بلده یه ووالده یه وولدینه یمین ایدرم که محقق انسانی بز شدت و قوت اوزره خلق ایتدک ] دیمکدر . بو

آیتک ( بنی جمح ) قبیله سندن ( ابوالاشد ) نامنده بر کیمسه حقنده نازل اولدینی ده مرویدر . چونکه ؛ بو کیمسه اوقدر قوتلی ایش که دباغله نمش دری بی آیغنک آلتنه قور و اوزرینه بلصار و « هر کیم آیغنک آلتندن بو دری بی چکرسه شوقدر باره ویره جکم » دییه رک اعلان ایدر و قوتنه کووه نن کیمسه لر چکمه ک جالیشیرلر دری بارچه بارچه اولدینی حالدہ ( ابوالاشد ) ک آیغنی بیله قیردانه سازمش . لکن معنای اول دها موافقدر . چونکه ؛ انسانک قوتندن مشقتی چوقدر . بناء علیه کبدک مشقت معناسنه اولسی قوت معناسنه اولسندن مقامه مناسبتی آشکاردر .

..

واجب تعالی انسانی مشقتلی یاراندیغنی بیاندن صوکره انسانک کندی اوزرینه کیمسه نك قادر اولامیه جغنی ظن ایتسنی رد و انکار ایتک اوزره ﴿ اَيَحْسَبُ اَنْ لَّنْ يَقْدِرَ عَلَيْهِ اَحَدٌ ﴾ بیوریور .

[ انسان ظن ایدرمی البته کندی اوزرینه کیمسه قادر اولاماز ؟ ]

یعنی ؛ انسان بوقدر مشقت اوزره یارادلمش ایکن ظن ایدرمی که حال و شان کندی اوزرینه هیچ بر کیمسه قادر اولوب اخذ انتقام ایدم من ؛ بویه ظنی منکردر . چونکه ؛ بوقدر مشقت اوزره یارادلدینی حالدہ هیچ بر زمان قور تولغه اقتداری اولمایوب اومشقتلری چکر کن کندنده موهوم بر قوت کور مسیله « بنم اوزریمه کیمسه کله من . بناء علیه ؛ هر ایتدیکم یانمه قالیر ، ظن فاسدنده بولونمسی انسانک حالیه متناسب دکدر . زیرا ؛ بویه بر ظنده بولونمق کندی حالی بیلیمه مک نتیجه سی اولدیغندن انسانه بویه ظن طاشیمق لایق اولاماز . چونکه ؛ جناب حق هر کسه قادردر و اخذ انتقام ایدر و هیچ کیمسه نك ایتدیکی یانه قالمز البته جزاسنی بولور .

..

واجب تعالی انسانک اعتقاد فاسدینی بیاندن صوکره بو مثللو ظن فاسدده بولونان انسانک سوزینی بیان ایتک اوزره ﴿ يَقُولُ اَهْلَكْتُ مَا لَا لُبَدًا ﴾ بیوریور .



[ انسان « بربری اوزرینه بیغلمش چوق مالی خرج ایتدم » دیمکه افتخار ایدر . ]  
یعنی ؛ « بنم اوزریمه کیمسه کله مز و بندن اخذ انتقامه کیمسه قادر اولاماز » دین  
انسان « قات قات اولش بربری اوزرینه تراکم ایتش چوق مال تلف ایتدم » دیمکه انسانلر  
آره سنده مکارم عالیه صاحبی اولدیغنی اظهار ایدر .

( لبدأ ) مالك هر قفسه كنه در . یعنی « توکنمه سندن قورقوماز درجه ده چوق »  
دیمکدر . او مالی اهللك ايله مراد ؛ صرب عندنده معروف اولان ففرايه و مسافرله يبرمکه  
اکرام صاحبی اولدیغنی بیانه ایتکدر . یاخود حمير عليه السلام عداوت اوغرنده هر  
مال صرف ایتدم دیمکدر . چونکه ؛ رسول الله عداوت ایدنلر رسول الله اتلاف  
ایتدیرمک ایچون برچوق مال صرف ایتدیلر و نور قرآنی سوندرمک ایچون شاعرلر  
بسله دیلر و رسول الله علیه خلق تشویق ایچون پاره لر صرف ایتدیلر و اطرافه آدم لر  
کوندردیلر . عاقبت بونلره قناعت ایتیه رك ( بدر ) ، ( احد ) و ( خندق ) وقعه لر کی  
محاربه لره تشبث ایتدیلر . فقط الله تعالی نك یاقدینی نورینی سوندوره مه دیلر و بناء علیه ؛  
نتیجه ده خائب و خاسر اولدیلر .

..

واجب تعالی انسانك كندی اوزرینه کیمسه نك قادر اولامیه جفنی و چوق مال صرف  
ایتمسی بیانه افتخار ایتدیکنی بیاندن صوکره انسانك کندیسنی کیمسه کورمز ظن  
فاسدنده بولوندیغنی بیان ایتک اوزره ﴿ اَيَحْسَبُ اَنْ لَّمْ يَرَهُ اَحَدٌ ﴾ بیوریور .

[ انسان ظن ایدرمی کندینی هیچ برکیمسه کورمز؟ ] بویه ظن ایتک انسان ایچون  
موافق دکلددر . زیرا ؛ الله تعالی انسانی و ایشله دیکی ایشلرینی کورور و عملنه کوره جزاسنی  
ویرر . چونکه ؛ خرج ایتش اولدیغنی نه ایچون خرج ایتدی و او مالی نره دن قازاندی  
و خرج ایتمه مش ایه نه دن یالان سویله دی . بونلری برر برر صورار و هربری مقابلنده  
انتقامنی آلیر . شو حالده انسانك کیمسه کورمز ظنیه برطاقم کناهلر ایشله یوبده دوچار  
عذاب اولسی لایق دکلددر .

..

واجب تعالی انسانك كندی اوزرینه کیمسه قادر اولامیه جفنی و افغانی کیمسه نك  
کورمیه جکفی ظن ایتدیکنی بیان ورد و انکار ایتدکن صوکره ذات الوهیتك قدرتی  
و علمنی اثبات ایتک اوزره ﴿ اَلَمْ نَجْعَلْ لَهُ عَيْنَيْنِ ﴾ و اِسْمَانَا و شَفَقَتَيْنِ ﴿ و هَدَيْنَاهُ  
النَّجْدَيْنِ ﴾ بیوریور .

[ بز عظیم الشان انسان ایچون کورور ایکی کوز و سویلر برلسان و آغزینی اورتر  
ویمه سنده و ایچمه سنده یاردیم ایدر ایکی دوداق یار اتمادقی و دوغری و اگری یوللری  
کوسترمه دکمی ؟ ]

یعنی ؛ بز انسان ایچون یری و کولکری و کندینه کله جک مضرت و منفعتی کورور  
و بونلره عالمك تغیرات و تبدلاتی کوروب حدوتی اثبات ایدمه جک ایکی کوز خلق ایتمه دکمی ؟  
بویه آز زمان ایچنده برچوق شیلری سیر و تماشا ایدمه جک آلت ادراکی کندینه و یردی کمز  
حالده قدرتمزی نه دن انکار ایدر و نه ایچون بو نعمتلره شکر ایتمز ؟ و بز او انسان ایچون  
قابنده کیزلی اولان شیلری خبر ویرر و بوتون معاملاتنده سویله مکه آلت اولان لسانی  
خلق ایتمه دکمی و بو لسان اولسه انسان بالعموم معاملاتنده اشارت و یا کتابت کی برچوق  
مشکلاته تصادف ایتیه جکمی ایدی و بو لسانله توحیده و ایمانی اظهاره و ذکر الهی به قادر  
اولمایورمی ؟ شو نعمتلری خلق ایدن خلاقه نه دن ایمان ایدوب قدرتی نه ایچون تصدیق  
ایتمز ؟ و او انسان ایچون سوز سویله مکده یاردیم ایدر ایکی دوداق و یرمه دکمی و هدایت  
و ضلالت یوللرینی رسوللریمز و کتابلریمز واسطه سیله کوسترمه دکمی ؟ شو حالده بو قدر عجائب  
و غرائب اوزرینه شامل اولان اعضالری انسانك وجودنده خلق ایدن الله تعالی انساندن  
اخذ انتقامه قادر اولماز می و ایشله دیکی اعمالنی کورمز می ؟ البته کورور و قادر اولور .

( النجدين ) فخر رازینك بیانی وجهله بو كسك و آمیوه بولدر . خبر و شمر بوللری  
آمیوه دیلدرله بیانه اولوندیغنی آمیوه نجدین دنیلمشدر . سوزه احتیاج کوزه نسبتله  
آز اولدیغنه و فائده سز سوزك سویله نه مسنه اشارت ایچون کوز ایکی اولدیغنی حالده لسان  
بر خلق اولونمشدر .

..



واجب تعالی قوللرینه قدرت کامله سنه دلالت ایدن دلایلری بیاندن صوکره قوللرینک  
کنیدلرینه منفعت ویره جک تکالیف شاقیه داخل اولمادقلریخی و مالی انفاقله افتخار  
ایدنلرک انفاق محلنه صرف اولونمادیغنی بیان ایتک اوزره ﴿فَلَا اقْتَحَمَ الْعَقَبَةَ﴾ وَمَا  
أَدْرَاكَ مَا الْعَقَبَةُ ﴿بیوریور .

[ الله تعالی انسانه بو قدر نعمتلی احسان ایتدیکی حالده انسان مشقتلی اولان یوله  
کیمه دی که کنیدنه منفعت ویره جک تکالیف التهییه اختیار ایتدی ویا ا کرم الرسل !  
سکا عقبه نك نه دن عبارت اولدیغنی نه کبی شی بیلدیردی ؟ ]  
یعنی ؛ او انسان بر طاقم مال صرف ایتدیکنی سوله یور . حالبوکه هنوز او انسان  
کنیدنه منفعت ویره جک بر یوله کیرمه مشدر .

(اقتحم) فخر ازینک بیانی وجهله اقتحام ؛ مشکل برابره کیرمکره . عقبه ؛ صاریب  
و بیغلمی کوچ طاغ بولیر . بو مقامده عقبه ایله مراد ؛ اعمال صالحه و نفس و شیطان  
مجاهده در . زیرا ؛ نفسه اعمال صالحه ی قبول ایتدیرمک و شیطانله غوغا ایتک غایت مشکل  
اولدیغنی ایچون عقبه دیمشدر . یعنی « انسان بر طاقم مال صرف ایتدیکندن و مزایاسندن  
بحث ایدیور . حالبوکه او انسان یوقوش یوللره بکزه یین تکالیف التهییه داخل اولمادی .  
دیمکدر .

..

واجب تعالی عقبه یی بیان مقامنده ﴿فَكَ رَقَبَةً﴾ أَوْ إِطْعَامٌ فِي يَوْمٍ ذِي  
مَسْغَبَةٍ ﴿يَتِيمًا ذَا مَقْرَبَةٍ﴾ أَوْ مِسْكِينًا ذَا مَتْرَبَةٍ ﴿بیوریور .

[ عقبه ؛ کوله آزاد ایتک و یا خود بورجلی یی بورجندن قورتارمق ویا احتیاج و آجلق  
کوننده اقرباسندن اولان یتیمه طعام بیدیرمک و قارننی طویورمق و یا خود کمال فقر  
و احتیاجندن طولای هر طرفی طویراغه بولاشمش اولان مسکینه طعام بیدیرمکدر . ]  
ایشته انسان شو بیان اولونان و کوچ و مشقتلی یوللره بکزه یین اعمال صالحه یی اختیارله

مشقته داخل اولمادی . چونکه ؛ کنیدک مدار حیاتی عدایتدیکی مالندن آیرماق ایسته مه دیکی  
جهتله مالی صرف ایدوب اسارتده بولونان کوله یی آزاد ایتک و یتیمه و مسکینه مالندن  
بر مقداریخی بیدیرمک غایت آغیر اولدیغندن نفسله بویوک مجاهده اولدیغنی جهتله بونلری  
یا پایلمک ، یورووسی مشکل اولان یوقوش یوله تشبیه اولونمشدر .

فخر رارینک بیانی وجهله فک رقبه ؛ کوله آزاد ایتک و یا خود آزاده معارفت  
ایتمکدر . مسغبه ؛ آملره دیمکدر . مقربه ؛ اقربا ؛ معناسنه اولدیغنی کبی مقربه ؛ آله  
دوشمنه مک و دوسته اورنومک بولامادیغندن طویراغه اوزره یانوب قالمق هر طرفی  
طویراغه اولونه مسکین دیمکدر .

آیتده کوله آزاد ایتک سائر صدقات اوزرینه تقدیم اولوندیغنی جهتله امام اعظمک  
« کوله آزادی سائر صدقاندن افضلدر » دیدیکی سوزینه بو آیت دلالت ایدر .

..

واجب تعالی عقبه یی تفسیر ایتدکن صوکره اعمال صالحه دن انتفاعک ایمانله اولاجغنی  
بیان ایتک اوزره ﴿ثُمَّ كَانَ مِنَ الَّذِينَ آمَنُوا﴾ بیوریور .

[ صوکره شو اعمال صالحه یی ایشله یین کیمسه شول کیمسه لردن اولدی که آنلر ایمان  
ایتدیله . ]

یعنی ؛ بالکنز کوله آزاد ایتک و یتیمه و مسکینه طعام بیدیرمکله کوچلکده عقبه  
عتابه سنده اولان تکالیفه داخل اولمش اولماز . زیرا ؛ آنلری ایشله مکله برابر اهل ایمان  
زمره سندن ده اولماق لازمدر . چونکه ؛ ایمان اولما ییجه انسان عملندن انتفاع ایده مز .

یا خود معنای آیت : [ شو بیان اولونان عمللری حال کفرنده ایشله دکن صوکره  
ایمان ایده رک مؤمنلر زمره سنه داخل اولورسه حال کفرنده ایشله دیکی عملندن انتفاع  
ایدر ] دیمکدر . بومعنای تأیید ایدر خبر رسولده موجوددر . چونکه ؛ مسلمده روایت  
اولوندیغنی وجهله اصحابدن ( حکیم بن خرام ) رسول الله دن زمان جاهلیه ده ایشله دکلی  
خیر عمللرندن انتفاع ایدوب ایده میه جک لردن شوال ایتسی اوزرینه رسول الله « اسلمت



على ما قدمت من الخير « بيورمشدر . يعنى » سين خيردن تقديم ايتديك شي اوزرينه اسلام اولدك . شو حالده اعمال خيريه كز ضايع اولماز ، ديمكدر .

..

واجب تعالى اجراسى صعوبتلى اولان فك رقبه واطعام طعام كبي اعمال صالحه ي ايشله مكله تكاليف السهيه تماميله داخل اولمايوب مؤمن اولمى ده لازم اولديغى بيانن صوكره صبر و مرحمت توصيه سى لازم اولديغى بيان ايتك اوزره ﴿ وَتَوَّأ صَوَّأ بِالصَّبْرِ وَتَوَّأ صَوَّأ بِالْمَرْحَمَةِ ﴾ اُولَئِكَ اَصْحَابُ الْمِنَّةِ ﴿ بيوريور .

[شو اعمالى و ايمانى ايشله دكدن صوكره شول كيمسه لردن اولمى كه آنلر يكديكرينه طاعات السهيه تصادف ايده جكلرى مشقته صبرله واللهم قوللرينه مرحمتله توصيه ايتديلر . ايشته شو عباداته دوام ايدن مؤمنلر قيامته عمل دفترلى صاغ طرفندن ويريلن اصحاب يميندرلر .]

يعنى : عباداتى ايشله مكله مشقته داخل و ايمان ايدوب مؤمنلر زميره سندن اولان كيمسه لر يالكز بونلرله قالمايوب فرائض السهيه وجميع اوامر سبحانيه يرينه كتيرومك و منيادن نفسلرينى منع ايتمكده بربرلرينه صبر و مخلوقات السهيه شفقت و مرحمت توصيه ايدرلر . ايشته شو اوصافى جامع اولانلر آخرته اصحاب يميندرلر .

بو آيت جليله فخر رازينك بيانى وجهله جميع خيراتى و انسانه لازم اولان بالعموم محاسنى جامعدر . چونكه جميع طاعات ؛ مقلك امرينى كال تعظيمه طومره در ضايفى مفصيل ايتك والله لك قوللرينه مرحمتله برابر هوسه كيميك و محتاج اولانلره معارفت ايتكمده عبارتدر . بناء عليه ؛ جناب حق آيتده هر ايكيسنى جمع ايدن قوللرينى ثنا بيورمشدر . بو آيتده هر كس اوزرينه ممكن اولديغى قدر غيريلرى دوغرى بوله سوق ايتكمه چاليشمق واكرى يوللردن منع ايتك واجب اولديغنه دلالت واردر و شوبيان اولونان ايمان وفك رقبه واطعام طعام و صبر و مرحمتى توصيه كبي صفتلى جامع اولان كيمسه لرك اصحاب يمين اولملى بيانله برابر

فضل و شرفده درجه لرينك بك يوكسك اولديغنه اشارت ايجون مرتبه نك اك بوكسك دلالت ايدن ( اولئك ) لفظى وارد اولمشدر .

..

واجب تعالى اصحاب يمينى بيانن صوكره اصحاب شمالى بيان ايتك اوزره ﴿ وَالَّذِينَ كَفَرُوا بِآيَاتِنَا هُمْ اَصْحَابُ الْمَشْأَمَةِ ﴾ عَلَيْهِمْ نَارٌ مُّؤَصَّدَةٌ ﴿ بيوريور .

[ شول كيمسه لركه آنلر بزم وحدانيتمزه دلالت ايدن قرآن كبي آيتلر يميزى و دلائل قطعيه مزى انكارله كافر اولديلر . آنلر آنحق دفتر اعمالى صول طرفلردن ويريلن اصحاب شمال و كوتو كيمسه لردر . آنلر اوزرينه هر طرفى قاپانمش آتش واردر ] كه او آتش هر طرفلرينى چويرمش و قابولرى تماماً قاپانمش ايجندن چيقا مادقلرى كبي طشره دن ايجرى يده راحت دادر هيچ برشى كيرمز .

سوره شمس

مكه مكرمه ده نازل اولان سوره لردندر . اوده سه آيتى جامعدر .

بِسْمِ اللَّهِ الرَّحْمَنِ الرَّحِيمِ

﴿ وَالشَّمْسُ وَضُحَاهَا ﴾ وَالْقَمَرُ إِذَا تَلَّيَهَا ﴿ وَالنَّهَارُ إِذَا جَلَّيَهَا ﴾ وَاللَّيْلُ إِذَا يَغْشَاهَا ﴿ وَالسَّمَاءُ وَمَا بَنَاهَا ﴾ وَالْأَرْضُ وَمَا طَحَاهَا ﴿ وَنَفْسٍ وَمَا سَوَّاهَا ﴾ بيوريور .

[ كونه و كونشك ضياسه و ضياستك پارلا دينى قوشلق وقته و ضياده و كلكده كونه تابع اولان قره و كونشى آشكار قيلديغى زمان كوندوزه و كونشى ستر ايدوب اورنديكى زمان كيجهيه و سمايه و سمايى بو قدر علوشانله بنا ايدن ذات الوهيه وارضه وارضى دوشه ين و كنيشله تدبيرن ذات عظيم الشانه و نفسه و نفسى دوز و تام الاعضا خلق ايدن خلاقه يمين خلاصه البيان : اون بشنجه جلد - ۳۲



ايدرم که نفسی کناهلردن باک ايله بن کيمسه فوز ونجاة داخل اولدی وقور قديغندن  
قور تولدی . [

فخر رازينک بيانی وجهله ضحی ايله مراد ؛ شمسک ضیائی و کونوزک مجببی  
وياخود شمسک اولک زمانه يقين غایت يوکسليکی زمانه که قوشلوق وقتک انسانلره چوق منفعتی اولدينی جهتله  
کونشک و کرک کونشک يوکسليکی قوشلوق وقتک انسانلره چوق منفعتی اولدينی جهتله  
قدری و شرفی معلوم اولديغندن واجب تعالی بونلری يمينه آلت قيلمشدر يمينک جواني ايسه  
(قد افلح من زکها) محمد سید . بناء عليه ؛ معنای نظم : [ عالی ضیایه خرق ایدن شمس  
وشمسک ضیاسنک کالنه کليکی قوشلوق وقته يمين ايدرم که نفسی کناهلردن تميزلین کيمسه  
جهنمدن قور تولدی ] ديمکدر .

(اذا تلها) قمرک تلوی شمس تابع اولميسدر . چونکه ؛ کونش ايندکن صوکره  
قمر کونشک آرقه سنه تابع اولور وقمرک ضیائی کونشده آلميسدر . بناء عليه ؛ معنای نظم :  
[ ضیائی کونشدن آلمده کونشه تابع اولدينی زمانده قره يمين ايدرم که معاصیدن  
نفسی باک ايلین کيمسه محقق نجات بولدی . ]

(والنهار اذا جلیها) تجلیه ؛ اظهار اتمک و آيتميزميسدر . چونکه کوندوز ؛  
شمسک ضیاسندن عبارت اولديغندن کوندوز نه قدر بارلاق ظهور ايدرسه کونشک ضیائی  
او نسبتده ظهور ايتديکندن کان نهار کونشی آشکار قيلور . ايشته کونشی اظهار ایدن  
کوندوزه کونشی اظهار ايتديکی زمان واجب تعالی يمينه آلت قيلمشدر . بناء عليه ؛  
معنای نظم : [ کونشی اظهار ایدن کوندوزه يمين ايدرم که نفسی کناهندن تطهير ایدن  
کيمسه فلاح بولدی ] ديمکدر .

(والیل اذا يغشها) غشیان ؛ ستر ابروب اورمک معناسندر . کيجهنک قارائلی  
کونشی احاطه ايتديکی زمان کيجيه يمين اولومشدر . چونکه ؛ ناسک اويقويه واروب  
راحتی تأمین ايتديکی ايچون کيجهنک عندالناس مهاتی بويوک اولديغندن جناب حق کيجيه  
يمين ايتمشدر .

(والسماء وما بنها) ما لفظی واجب تعالی ده کتابدر . زیرا ؛ سمای بنا ایدن  
واجب الوجوددر .

(والارض وما طحها) طحی ؛ دوشمک معناسندر . ارضی دوشه بن الله تعالی در .  
کذلک نفسی تام الاعضا خلق ایدن ذات الوهيتدر . تعظیم ايچون نفسی لفظی نکره اولارق  
وارد اولمشدر . زیرا نفس ايله مراد ؛ حضرت آدم وياخود آدم اولدينک جمدسی  
مراددر . نفسک تسويه سی ايله مراد ؛ بونک اعتدال اوزره عيسيه سالم اولور  
وکنسبه لازم اولور هواسی ظاهره وباطنه ايله برابر اولومشدر .

..

واجب تعالی نفسی تام الاعضا اولارق ياراتديغنی بياندن صوکره خير وشر يوللرينی  
نفسه الهام ايتديکني بيان اتمک اوزره ﴿فَالْهَمُّهَا جُورُهَا وَتَقْوَاهَا﴾ بيوريور .  
[ نفسی اعضائی مساوی وخيره وشره ياراييشلی خلق ايدنجه واجب تعالی نفسه کناهی  
و ثوابی بيلديردی که نبيلری و کتابلری واسطه سيله خير وشر يوللرينی کوستردی و آنلری  
ايشله مکة قدرت ويردی . بناء عليه ؛ نفس کندی اختياريله آرزو ايتديکی شينی ايشلر .  
شوحالده کافر اولان فسق و فجوری ومؤمن اولان اطاعت وتقواي اختيار ايتديکندن  
بعض نفس مؤمن وبعض آخري ده کافر اولمشدر . ]

الهام ؛ انسانک قلبنره برشيتک ظهري معناسنه ايسده بومقامده الهام ايله مراد ؛  
ابوالسعود افنديک بيانی وجهله ابي وکونو اولور شيلری جناب حق کتابلری ونبيلری  
واسطه سيله تعريف و تفهيم ابروب هرايکی جرتی ايتدمکه نفس قدرت و برمسيدر . بناء عليه ؛  
مؤمن اولان تقواي اختيار ايتديکندن جناب حق آکا طاعاتی وکافر اولان فجوری اختيار  
ايتديکندن آکا معصيتی توفيق ايدر .

واجب تعالی سمایه وسمای بنا ايدنه وارضه وارضی دوشه يمينه و نفسی مساوی  
اولارق يارادانه يمين ايتميسله عالم علوی اولان سمائک وعالم سفلی اولان ارضک و مرکباتدن  
اولان نفسک جمله سنک خالق و مدبری اولديغنی بيانه هر شيتک ذات الوهيتک اراده سی  
وقضا وقدريله اولديغنه تنبيه بيورمشدر .

..



واجب تعالى ذکر اولونان یدی شینه یمینک جوانی ذکر ایتک اوزره ﴿ قَدْ أَفْلَحَ مَنْ زَكَّاهَا ﴾ وَقَدْ خَابَ مَنْ دَسَّاهَا ﴿ بیوریور .

[ محقق نجات بولدی شول کیمسه که او کیمسه نفسی کناهلردن تطهیرله تقوایی اختیار ایتدی و محقق ضرر کوردی شول کیمسه که او کیمسه کناه ایشله مک و فجوری اختیار ایتکله نفسی نقصان قیلدی ] که نفسی معصیتلری ایشله مکله ستر ایدن و مهیاتی اختیارله ذاتی کالاندن کیری قویان کیمسه البته هلاک اولور .

ابوالسعود افندینک بیانی وجهله بوآیت قسمه موبایر . جناب حق انسانی کالاته ترغیب و نواقصدن تنفیرده مبالغه ایچون کنددی وجود الهیسنه دلالت ایدن اشیایه یمینک جوانی؛ انسانک نفسنک کناهلردن تطهیرله فوز و نجاتی و کناهلرله تلویث ایدوب خائب و خاسر اولاجغنی بیانله جواب قیلمشدر که اساس اعتقادات اولان واجب تعالی نک وجودینه ایمانک واجب اولدیغنه اشارت بیوردیغنی کبی یمین ایتدیکی شیلرده قوللرینه برطاقم نعمتلی جامع اولدیغنی بیانله قوه عملیه نک منتهای کالاتی اولان شکرک واجب اولدیغنه دخی اشارتله انسانک کالاتی تحصیل یوللرینه دلالت بیورمشدر . شو جمله لک معناسنه کال دقت لازم اولدیغنه اشارت ایچون (قد) لفظی تکرر ایتمشدر .

فخر رازینک بیانی وجهله (من دسیها) ده کی دس؛ بر شینی دیکر برشی ایچنده صاف مقرر . زیرا؛ اهل صلاح عملی ایچنده نفسی اظهار ایدر ، اما اهل معصیت نفسی معصیتلر ایچنده صاقلار و بعضیلری ده ریاکار اولان کیمسه لر کی ریا اوزره عملی اظهار ایدرک نفسی صالحیندن کوستر مکله آنلر ایچنده صاقلار ، حالبوکه آنلردن دکدر . ایشه شو وسیله لرله کندینی معصیت ایچنده صاقلایان کیمسه لرک خائب و خاسر اولاجقلرینی جناب حق یمینله بیان بیورمشدر که ضرر کوره جکرنده اصلا شبهه یوق دیمکدر .

..

واجب تعالی کناه ایچنده نفسی صاقلایان کیمسه نک ضرر کوره جکفی بیاندن صوکره

بومقوله کیمسه لک بالفعل هلاک اولدقلرینی بیان ایتک اوزره ﴿ كَذَّبَتْ ثَمُودُ بِطَغْوَاهَا ﴾ إِذِ انْبَعَثَ أَشْقَاهَا ﴿ بیوریور .

[ ثمود قبیله سی طغیانلری سببیه پیغمبرلری صالح علیه السلامی تکذیب ایتدیلر شول زمانده که او زمانده ثمود قبیله سنک شقاوتده زیاده اولانی صالح علیه السلامک معجزه سی اولان دوه بی اولدورمکه قیام ایتدی . ]

یعنی ؛ ثمودک طغیانی آنلری نبیلرینه تکذیبه قدر آلدی کوتوردی شول وقته که او وقته آنلرک ایچندن زیاده کناهکار اولانلری دوه بی اتلافه قیام ایتدیلر .

فخر رازینک و ابوالسعود افندینک بیانلری وجهله صالح علیه السلامک دوه سنی قتله قیام ایدن شخص معیندر که اسمی (قدار بن سالف) در . حق کوتو آدم حقنده ضرب مثل اولارق عربلر (فلان الشام من قرار) دیرلر . یعنی « فلان آدم صالحک دوه سنی اولدوروبده قومنک باشته عذاب باغدییران قداردن دها کوتودر » دیمکدر . یاخود دوه بی اولدیرن یا لکز قدار دکلدی ، بلکه قدارله برابر برجماعت ایدی . لکن قوم ثمودک هبسی راضی اولدقلرندن جمله سی بردن هلاک اولمشلردر .

..

واجب تعالی ثمود قومنک پیغمبرلرینی تکذیب ایتدکلرینی بیاندن صوکره آنلره قارشی حضرت صالحک تنبیهاتی بیان ایتک اوزره ﴿ فَقَالَ لَهُمُ رَسُولُ اللَّهِ نَاقَةَ اللَّهِ وَسُقْيَاهَا ﴾ [ آنلره اللهم رسولی « دوه یه تعرضدن و صوینه مانع اولمقدن کندیکزی اوزاق طوتک ، دیدی . ]

یعنی ؛ ثمود قومی طغیانلری سببیه نبیلرینی تکذیب ایدنجه نصیحت اولاق اوزره آنلره خطاب اولارق اللهم رسولی حضرت صالح دیدی که « قویویرک اللهم دوه سنی کندی حالنه و مانع اولمایک صو ایچمسنه . زیرا ؛ دوه اللهمکدر . بناء علیه ؛ دوه یه دو قونمق سزک ایچون عذابی موجبدر . »

ابوالسعود افندینک بیانی وجهله ناقرنی الله تعالی به مضاف قیلمق دوه نک شاننه تعظیم



ایچون اولدینی کبی نمود قومی قورقوتمق ده واردر . چونکه ؛ دوه اللهک اولونجه اللهک عذابندن صاقینمق لازم اولدیغنی آزیجق عقلی اولان بیلیر و صالح علیه السلامه اطاعت واجب اولدیغنه و اطاعت ایتهدکری ایچون قوم نمودک شدت طغیانلرینه اشارت اولمق اوزره حضرت صالحدن « اللهک رسولی » عنوانیله تعبیر اولونمشدر .

.\*

واجب تعالی حضرت صالحک قومه واقع اولان تنبیهی بیاندن صوکره نمود قومنک حرکاتی بیان ایتک اوزره ﴿ فَكَذَّبُوهُ فَعَقَرُوهَا ﴾ بیوریور .

[ صالح علیه السلامک نصیحتنی بالانه حمل ایتدیلر اینامادیلر . بناء علیه ؛ دوه بی اولدوردیلر . ] یعنی ؛ نمود قومنک صالح علیه السلامی تکذیبلری دوه بی اولدورمه لرینی انتاج ایتمشدر . کرچه دوه بی اتلاف ایدن قدار اولدیغنه نظراً شخص واحد ايسه ده دیکر لرینک رضاسیله اولدینی ایچون جمیعینه نسبت اولونمشدر . چونکه ؛ بر قومک مرضیسی اولان فعلی ، ایچندن بر دانه سی ایشله سه دخی مجموعه اسناد اولونمق عادتدر .

.\*

واجب تعالی دوه بی اهلاک ایتدکری بیاندن صوکره دوه بی اتلاف اوزرینه ترتیب ایدن نتیجه بی بیان ایتک اوزره ﴿ فَمَدَّ مَوْجَهُمْ عَلَیْهِمْ رَیْهَانٌ فَسَوَّيْهَا ﴾ بیوریور .

[ آنلرک کناهلری سببیه ربلی آنلر اوزرینه عذابنی ازالایله هر طرفلرینی احاطه ایتدیردی . بناء علیه ؛ عذاب جمله سه مساوات اوزرینه ایریشدی . ] زیرا ؛ جمله سی تکذیبده و دوه بی اتلافه رضاده هم فکر اولدقلرندن عذاب جمله سه بردن اصابت ایتمش و بر بردن هیچ فرقی اولامشدر . حتی مؤمن اولانلردن ماعدا هیچ بر فرد قالمق سزین جبریل امینک صیحه سیله هلاک اولمشدر . چونکه کناهه رضا ؛ هر زمانده عین کناهدره . بناء علیه ؛ قوم نمودک ارککنه ، دیشیسه ، بویوکنه و کوچوکنه عذاب الهی شامل اولمشدر . زیرا ؛ جمله سی راضی ایدیلر .

دمدم ؛ اهلله ایدرب اوزر لرینی اوزر نملک معناسه در . چونکه ؛ قوم نموده کلن عذاب هر طرفلرینی احاطه ایتمش و غضب الهی آلتنده قالمشدر و عذاب جمله سه مساوی اولارق تطبیق اولونمشدر که زلزله ایله طوبراق آلتنده قالمشرو طوبراق اوزر لرینی اوزرتمشدر .

﴿ وَلَا يَخَافُ عُقْبَاهَا ﴾

[ صالح علیه السلام بو عقوبتک عاقبتندن قورقاز . ] زیرا ؛ حضرت صالح حقیقت حالی بیلدیکندن اندیشه ایتمز ، بلکه خصملرینک اورتهدن قالمق ماسنه و فسادلرینک ازاله سه نمون اولمشدر . یاخود معنای نظم : [ الله تعالی بو عقوبتک عاقبتندن قورقاز . ] دیمکدر . زیرا ؛ قوم نموده واقع اولان عقوبت بحق اولمشدر و کندیلرینک استحقاقلری ایجابیدر . چونکه ؛ ایشله دیکی فعلی بحق ایشله یین کیمسه اوایشک عاقبتندن قورقاز . آنجق دنیاده پادشاهلر بر قومی قهر ایدر ولکن عاقبتندن قورقوسی کسيلمز دائما اندیشه اوزره بولونور . حالبوکه واجب تعالی عصیان ایدن قومی اهلاک ایدر اصلا عاقبت اندیشه سی اولماز .

### سورة لیل

مکه مکرمه ده نازل اولان سوره لر دندر . بکرمی بر آینی جامعدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ وَاللَّيْلِ إِذَا يَغْشَى \* وَالنَّهَارِ إِذَا تَجَلَّى \* وَمَا خَلَقَ الذَّكَرَ وَالْأُنثَى \* إِنَّ سَعْيَكُمْ لَشَتَّى ﴾

[ قارالغنی عالی قابلا دینی زمان کیجهیه و ضیاسی عالی نورلاندیردینی وقت کوندوزه وارککی و دیشی بی خلق ایدن خالقیه یمین ایدرم که سزک سعیکز طاغینقدر . ] فخر رازینک بیانی وجهله کیجهده هر حیوانک مکانه چکیلیمسیله اضطرابک سکونت .



بولسنه و اویقونک احاطه سیله بدنه راحت و روحه غذا اولسنه و کوندوزده عالم ضیالانوب  
دنیاک قارانیقندن قورتولسنه و ناسک معیشتلرینی کسب ایدیه چکی زمان اولسنه بناء هر  
ایکسی ده ناس عندیده محترم بر زمان اولمرندن و شرف صاحبی اولدقلمندن جناب حق  
کیجه و کوندوزده یمین ایتشدیر . لکن کیجه یمینی ؟ قارانلی عالمی ستر ایتدیکی زمانه  
و نهاره یمینی ؟ ضیاسی کالیه ظهور ایدوب عالمی احاطه ایتدیکی زمانه تخصیص بیورمشدر .  
چونکه ؛ هر شیدک کالی معتبر اولدیغندن کیجه نک کالی قارانلغنده و کوندوزک کالی آیدینلغنده  
اولدینی جهته بونلره یمین کاللرینک ظهور ایتدیکی وقتلره تخصیص اولونمشدر . کیجه ایله  
کوندوزک بربری عقینده کلری ناسک دنیا ده یشایا بیلیمسنده و طرز حیات و معیشتلرنده  
عین منفعتدر . چونکه ؛ زمانک هپسی کیجه اولسه امر معاش مشکل و هپسی کوندوز  
اولسه امر راحت مختل و مصلحت فوت اولقله دنیاک خرابنه بادی اولوردی . بناء علیه ؛  
زمانک بعضیسی کیجه و بعضیسی کوندوز اولارق بربری آرقه سنده دوران ایدوب طورمسی  
ناس حقتده بویوک منفعت اولدیقه اشارت ایچون جناب حق اکثر آیتلرده کیجه ایله  
کوندوزی بربری آرقه سنده ذکر ایدر .

( و ما خلق ) ده بولونان ما لفظی واجب تعالی ده کنایه در . بر داملا صودن بعضیسی  
ارکک و بعضیسی دینی اولارق خلق ایتک خلاق قدرت کامله سنه دلالت ایدر . ذکر  
واتی بی خلقه یمین ؛ جمله حیواناته شاملدر . چونکه ؛ حیواناتک هر فردی یا ارکک و یا دیشیدر  
حق ختی بیله نفسنده ارکک و یا دیشیدر . بناء علیه ؛ خشانک مشکل اولسی بزه نظرله در .  
زیرا ؛ عندالله معلومدر . حق بر کیمسه بوکون « ارکک و یا دینی به تصادف ایدرسم  
زوجم بوش اولسون » دیهرک یمین ایتدکدن صوکره خنثای مشکله تصادف ایتسه  
حرمنک بوش اولاجنی بعض کتابلرده مذکوردر . چونکه ؛ خشانک بزجه ارکک و یا دیشی  
اولدینی معلوم دکلسده عندالله اوختی ارکک و یا دیشیدر . زیرا ؛ ارککک و یا دیشیلک  
آیری آیری بر برینه منافی صفتلر اولدینی جهته شخص واحدده جمعی ممکن اولاماز .  
بناء علیه ؛ ظاهرده مشکل ایسه ده حقیقتده شو ایکی صفتدن بر سیله متصفدر .

( لَشَقَّ ) شقیقیت ؛ طاغیبه و بریشانه و منفرد دیمکدر . زیرا ؛ فخر رازینک  
بیانی وجهله انسانلرک عمللری بر برندن اوزاق و بر برندن آیریدر . چونکه ؛ بعضیسی

هدایت ، دیکری ضالته در و بعضیسی مذموم ، دیکری مدوحددر و بعضیسی ثواب جزاسی  
جنت ، و بعضیسی کناه جزاسی جهنمدر . بناء علیه ؛ انسانلرک سعیلری مختلف اولدینی  
کبی جزالری ده مختلفدر .

..

واجب تعالی انسانلرک سعیلری مختلف اولدینی اجمالاً بیاندن صوکره بو اختلافی  
تفصیلاً بیان ایتک اوزره ﴿ فَأَمَّا مَنْ أَعْطَى وَاتَّقَى ﴾ \* وَصَدَّقَ بِالْحُسْنَى \*  
فَسَلَّيْسَرُهُ لِّلَّيْسَرَى ﴿ بیوریور .

[ انسانلرک سعیلری متفرق اولونجه شول کیمسه که او کیمسه مالی انواع خیرانه صرف  
ایتدی و کناهلردن نفسی صاقیندی و کوزل اولان توحیدی و دینی تصدیق ایتدی .  
ایمدی بز او کیمسه به جتنمزی میسر قیلارز . ]

یعنی ؛ انسانلرک عمللرینک متفرق اولدینی بیان اولونونجه افتراقک کیفیت شویله در :  
اما شول کیمسه که مالی ، اسیر آزاد ایتکله و محتاجینه معاونت و انواع خیرانه و عسا کر  
اسلامیه بی قوتله ندیرمک و دشمنلره غلبه بی تأمین ایتک ایچون جهادک اسبابنه صرف ایتکله  
ومالکک واجب اولان حقوقی و بدینک عبادات الهیه به غیرته حقوقی ادا ایتکله قدرتی  
صرف ایتدی و کوچوک و بویوک کناهلردن احتراز و کله توحیدی و نبوتی و دیناتی تصدیق  
ایتدی . ایشه او کیمسه به بز عظیم الشان مکلف اولدینی اعمالک کلیدنی و انواع خیراتی  
و اولجه ایشله دیکی اعمال صالحه بی تکرار ایشله مکی و بونلرک جزاسی اولان جنتی  
میسر قیلارز .

فخر رازینک و ابوالسعود افندیکنک بیانلری وجهله بو آیتده اعطا ایله مراد ؛ فی سبیل الله  
فقرا به و مهادده و انواع خیرانه طاتی صرفه مالکک حقوقی و بدینی طاعانه صرفه برنک  
حقوقی و بر مرکدر . اتقا ایله مراد ؛ اللهک نهی ایتدیکی حرمانک محمد سنده نفسی صاقینمدر .  
حسنی ایله مراد ؛ ایمانه و کلمه توحید و ملت اسلامیه و فضیلت محبده نک جمعی برنلرک  
جزاسی اولانه درجات جهنمدر . یسری ایله مراد ؛ انواع خیرات و مکلف اولدینی



اخطاك بجملة قولهم موفى اهلوه و ايشه ديكى عملدى تكرار ايشه مك نائل اولمده  
وباخود مندر .

واجب تعالى لك يسراى ميسر قيلماسى ايله مراد؛ اعمال خيرى بى قوله قولدى  
قبلى و مرأى و منافقده اولدى بى كى كسوه عارصه اولامسيدر . چونكه ؛ رضا  
بارى بى آرامق خصوصنده صرف مساعى ايدن قولك ايشرى جناب حق تسهيل بيورده  
﴿وَأَمَّا مَنْ بَخِلَ وَاسْتَغْنَىٰ﴾ و كَذَّبَ بِالْحُسْنَىٰ ﴿فَسَنُيَسِّرُهُ لِلْعُسْرَىٰ﴾

[ و اما شول كيمسه كه او كيمسه فى سبيل الله مالى صرف ايتمكدن قاچيندى و امر  
اولوندى فرائضى ترك و عبادات ماله و بدنيه دن بخل ايتدى و شهوات نفسانيه سى  
ترجیح ايدرك نفسى آخرته احتياجز صايدى و كوزل دين ميبى و ملت اسلاميه بى  
تكذيب ايتدى . بويله اولان كيمسه به كندى اراده سى شره صرفله يك كوچ اولان  
جهنمى ميسر قيلارز ]

فخر رازينك بياننه نظراً بو سورة جليله ( ابو بكر ) رضى الله تعالى عنه افنديم  
حقنده نازل اولمشدر . چونكه ؛ حضرت ابوبكر ( بلال ) حضرت تيرى ( امية بن خلف ) دن  
صاتون آلوب آزاد ايتمى اوزرينه جناب حق بو سورة بى انزال بيورمقله مشارالیه  
ثنا ايله ديكرلرينى بو مثلوحسانه ترغيب ايتمشدر . بعض روايتده انصار دن ( ابوالدحداح )  
حضرتلى حقنده نازل اولمشدر . چونكه ؛ انصار دن بر كيمسه مك خانه سنده اولان خرمانك  
دالى فقير بر قومشونك خوليسنه صارقتش . او دالان يره دوشن خرما دانه لر بى فقيرك  
چوجوقلرى آلايفنده خرما صاحبي كيدر آلر دن آلير حق اغزلرينه قويدقلرينى پارماغيله  
چيقارير . بيجاره فقير خرما صاحبنك شوچير كين معامله سندن دلکير اولدى بى جهته رسول الله  
شكايت ايتمى اوزرينه رسول الله خرما صاحبه جتته بر خرما آغاجى مقابلنده مذکور  
آغاجى فقيره ترك ايتمسه اشارت بيورونجه خرما صاحبي راضى اولماز . بونك اوزرينه  
انصار دن ( ابوالدحداح ) اوخرما آغاجى بر خرما باغچه سى و يره ترك صاتون آلور و رسول الله  
كلور « يارسول الله ! جتته بر خرما آغاجيله مذکور خرما آغاجى دكيشيرميسك » دينجه  
رسول الله اوت ! دكيشيرم « بيورر . فقيرى چاغير بر خرما آغاجى تسليم ايدر . بوسوره مك

ابوالدحداحى مدح اولارق نازل اولدى بى مروى ايسه ده صحيح اولان خصرت ابوبكر حقنده نازل  
اولمسيدير . چونكه خرما وقعته سى مدينه ده واقع اولمشدر . حالو كه بو سورة ايسه مكده  
نازل اولمشدر .

..

واجب تعالى انسانلرك مختلف عمللر دن مالى خيره صرف ايدنلرى و صرف ايتمينلرى  
بيانن صوكره صرف ايتمينلرك ماللرى كنديلرينه منفعت و يرميه جكنى بيان ايتك اوزره  
﴿وَمَا يُغْنِي عَنْهُ مَالُهُ إِذَا تَرَدَّى﴾ بيوريور .

[ باشى آشاغى جهنمه آتلايدى و قتده آنك مالى آندن عذاب جهنمى دفع ايدمى ،  
بلكه مالى عذاب اوزره عذاب اولور . ]

يعنى ؛ دنيا ده بخل ايدرك مالى خيرا ته صرف ايتمى بوب ورنه سنه ترك ايدن كيمسه مك  
مالى جهنمه تبه سى آشاغى آتلايدى زمان هيچ منفعت و يرمى و كندينه كلن عذاب دن  
اصلا آنى قورتاراما .

( تَرَدَّى ) بر جو قوره تبه سى آشاغى آتلايدى معناسه در . بوراده مبرمه آتلايفنده ديمكدر .  
ياخود هموك معناسه در كه بوراده وفات معناسه در . يعنى « بخل اولان كيمسه اولديكنده  
مالى كندينه منفعت و يرمى » ديمكدر .

..

واجب تعالى بخيلك مالى كندينه منفعت و يرميه جكنى بيانن صوكره طريق حقى  
بيان ايتك لازم اولدى بى بيان ضمتته ﴿إِنَّ عَلَيْنَا لَلْهُدَىٰ﴾ بيوريور .

[ قوللريمزه يول كوستر مك محقق بزم اوزر يميزه واجب منزله سنده در ]

يعنى ؛ بز عظيم الشان ناسى خلق ايدنجه مقتضاي حكمت ناسه طريق حقى و باطل  
كوستر مك عدالتدر . زيرا ؛ آخرت ده هيچ كيمسه مك اعتذاره محالى اولماسون ايجون هدايتك  
يوللرى اولان عقل و حواس خسه بى و يرمك و عقلى و نقلى دليللرى آكلا تمقله مطلوبه  
ايصال ايدر يوللرى كوستر مك واجب مثابه سنده در .



فخر رازینک بیانی وجهله بو مثللو آیتلرده (علی) کلمه سنی و محبوب معنانه حمل ایدره ک فرق ضالهدن معزله الله تعالی اوزرینه عبدک منفعتی ایشله مک واجدردیم شلرسده اهل سنت ازلده اللهم اراده سی عبدک لایزالده اولاجق اراده سنی صرفه تابع اولدیغندن بو کبی مقامده (علی) کلمه سی مقتضای حکمت البتّه واقع اولاجغنی بیان قیلندن اولمقله حقیقی وجوبی ردایدرلر . زیرا ؛ واجب تعالی اوزرینه هیچ برشی واجب اولماز اولماز . چونکه ؛ واجب تعالی دن دها بویوک برحاکم یوق که الله تعالی اوزرینه برشی واجب قیلسون .

..

واجب تعالی قوللرینه دوغری و اگری یوللری بیان ایتک حکمته موافق اولدیغنی بیاندن صوکره دوغری یوله کیتمکده فائده نک و اگری یوله کیتمکده ضررک آنجق قوللرک کندی لرینه عائد اولدیغنی بیان ایتک اوزره ﴿وَإِنَّا لَنَّا لِلْآخِرَةِ وَالْأُولَى﴾ بیوریور . [ محقق آخرت و دنیا و آنلرده اولان شیرک جمله سی آنجق بزم ایچوندردر . ] زیرا ؛ بزم مخلوقز و ملکمزدر . بناء علیه ؛ بزم هدایت مزله اهدای ترک ایتمکزدن حاصل اولاجق ضرر و اهتدا کزله حاصل اولاجق منفعت سزه عائد اولدیغندن بزم منفعت و یا مضرت یوقدر . چونکه ؛ اهتدا کز ملکمزده زیاده و اهتدای ترک کز نقصان حاصل ایدمهز . شو حالده بزم لازم اولان انبیا و کتابلر واسطه سیله منفعت و مضرت یوللرینی سزه کوسترمکدر . بوندن صوکره دنیاده و آخرتده هر کسک سعینه و اراده سنی صرفه کوره ایسته دیکمزی استحقاقی نسبتنده هر کسه ویرمکدر .

..

واجب تعالی قوللرینه سعادت و شقاوت یوللرینی کوستردیکنی و دنیا و آخرت کندینک اولدیغنی بیاندن صوکره هدایتی جمله سندن اولارق جهنمه قوللرینی قورقوتدیغنی بیان ایتک اوزره ﴿فَاَنْذَرْتُكُمْ نَارًا تَلَظَّى﴾ لَا يَصْلِيْهَا إِلَّا الْأَشْقَى \* الَّذِي كَذَّبَ وَتَوَلَّى﴾ بیوریور .

[ دنیا و آخرت بزم مخصوص اولونجه بن سزی علو صاحبی آتله قورقوتدم که

او آتله کیرمز، الا شقاوتی زیاده اولان کیمسه کیرر . او شقاوتی زیاده اولان شول کیمسه درکه او کیمسه حقی تکذیبله ایماندن اعراض ایتدی . ] واجب تعالی نک جهنمک حالی بیان بیورمی آتشدن قورقوتمقدر و بو وسیله ایله انذار ؛ الله تعالی نک قوللرینه لطف و احسانیدر . بناء علیه ؛ بولطف السهیدن برچوق کیمسه لر استفاده ایدره ک جهنمی ایجاب ایدن کناهرلدن قاجیمقله نفسی مهلکدن قورتاریرو معاصی بی ترکله ابتاء جنسک راحتنی دخی تأمین ایدر .

فخر رازینک بیانی وجهله بو آیتده (لایصلها) (لایلمها) معنانه در . یعنی « جهنم آنجق زیاده شقی اولان کافره لازم اولور . زیرا ؛ اهل ایماندن فاسقلر جهنمه کیرسه لرده کناهرلی مقداری یانوب چیقاجقلرندن جهنم آنلره لازم و آنلر جهنمه ملازم اولمازلر » دیمکدر .

شو حالده فرق ضالهدن مرجئه طائفه سنک « جهنم کافرلره مخصوصدر » دیمه لری و مؤمن فاسقلر جهنمه کیرمه جکمه بو آیتله استدلال و بونکله مذهب باطللرینی اثبات ایتلری دوغری دکل یا کیشدر . چونکه آیتده یصلی ؛ شقاوتی زیاده اولانه کیمسه نک جهنمه موزمتی معنانه اولونجه مؤمن فاسقلر جهنمه کیرمه مسنه دلالت یوقدر . بناء علیه ؛ مؤمن فاسقده کیرر، آنجق ابداً ملازم اولماز . چونکه ؛ اهل سنتک اعتقادنجه مؤمن فاسق معذب اولور و لکن مخلد اولوب جهنمه لازم اولماز . شو حالده لایصلی نک لسان عربده معنای اصلیس ؛ لایلمزم معنانه اولدیغنی جهنمه آیت جلیله اهل سنتک مذهبی اثبات و مرجئه نک مذهبی رد ایدر . یا خود لایصلی نک معنای ؛ داخل اولماز دیمک اولدیغنه نظراً بو آیتده بیان اولونان و کافره مخصوص اولان جهنمک بر طبقه سیدر . بو طبقه نک کافره مخصوص اولماسندن مطلقاً جهنمک کافره مخصوص اولسی لازم گلرکه مؤمن فاسقلر جهنمه کیرمه مسنه آیت دلالت ایتسون .

..

واجب تعالی جهنمه کیره جکلری بیاندن صوکره جهنمدن اوزاق اولاجق کیمسه لری بیان ایتک اوزره ﴿وَسَيُجَنَّبُهَا الْأَتْقَى \* الَّذِي يُؤْتِي مَالَهُ يَتَزَكَّى﴾ بیوریور .



[دخی جهنمدن اوزاق اولور شول کیمسه که او کیمسه شرک وسائر کناهلردن صاقیندی و نفسی کناهلردن تطهیر ایدر اولدینی حالدہ فی سبیل الله مالی صرف ایتدی.]  
یعنی ؛ شریعتک جائز کورمه دیکی شیلردن حذر ایدوب چکیلن و نفسی مهلکهیه القا ایتمکدن زیاده جه صاقینان و نفسنک پاک اولمسی ایچون مالی خیر یوللره صرف ایدوب ریا و سمعه کی نامشروع برحالدرده بولونمایان کیمسه جهنمدن اوزاق اولور .  
فرق خاله دن طائفه شیعه بو آیتک حضرت علی حقنده نازل اولدینی ادعا ایتمکده لر ایسه ده یوقاروده بیان اولوندیی اوزره حضرت ابوبکر حقنده نازل اولمشدر . چونکه ؛ حدیث کتابلرنده بیان اولوندینی کی دلیل عقلی ده ابو بکر رضی الله عنه حقنده نازل اولمسی تأیید ایدر . زیرا آیت ؛ سبب نزولی اولان ذاتک افضل امت اولسنه دلالت ایدیور افضل امت ایسه بالاتفاق ( ابوبکر ) رضی الله عنه در .

ابوبکر حضرتلری ثروت صاحبی اولدینی جهته دین محمدی به بدنا بر چوق خدمتلر ایتدیکی کی ثروتی دخی دین اوغرنده صرفله بو آیتک صادق اولدینی ذات اولمشدر . بناء علیه ؛ بو آیتده جناب حق جنتله تبشیر و مدح و ثنا بیورمشدر . سبب نزولک خصوصنه اعتبار اولونمایوب لفظک عمومی معتبر اولدیغه نظراً شو ایچنده بولوندیغمز زمانده دخی صداقله دین محمدی به مالا و بدنا خدمت ایدن کیمسه لردخی بو آیتک ماصدق اولاجقلرنده شبهه یوقدر .

..

واجب تعالی ابوبکر حضرتلرینک جهنمدن اوزاق اولدینی بیاندن صوکره هیچ بر کیمسه نک ابوبکر رضی الله عنه اوزرنده مکافاتکی کوزمه تک بر نعمتی اولمادیغی بیان ایتمک اوزره ﴿ وَمَا لِأَحَدٍ عِنْدَهُ مِنْ نِعْمَةٍ تُجْزَى ﴾ بیوریور .

[آنک یاننده هیچ بر کیمسه ایچون جزاسی طلب اولوناجق نعمت یوق که اونعمته مکافات اولق قصدیه مالی صرف ایتمش اولسون .]

یعنی ؛ نفسی تمیزله مک قصدیه مالی صرف ایدن کیمسه جهنمدن اوزاق اولور .

حالبو که آنک غندنده هیچ بر کیمسه نک آکا قارشی کچمش بر نعمتی اولمادی که مالی او قعته قارشیلق اولارق صرف ایتمش اولسون . شو حالدہ هر نه صرف ایتمش اولسه رضاء باری ایچون صرف ایتمشدر . چونکه ؛ ابوبکر حضرتلری بلال وسائر کی اسلامیتله مشرف اولان بر چوق کوله لری صاتون آلوب آزاد ایدنجه مشرکله « بو کوله لک ابوبکر اوزرنده بر چوق نعمتلی واردر . او نعمتله مکافات اولارق آزاد ایدیور ، دیملرینی جناب حق بو آیتله رد ایتمشدر .

..

واجب تعالی ابوبکر حضرتلرینک مالی صرف ایتمش آنجق رضاء باری ایچون اولدینی بیان ایتک اوزره ﴿ إِلَّا ابْتِغَاءَ وَجْهِ رَبِّهِ الْأَعْلَى ﴾ و لَسَوْفَ يَرْضَى ﴿ بیوریور .

[ صرف ایتدیکی مالی هیچ بر غرضه مبنی صرف ایتمز ، آنجق اعلی اولان ربسنک رضاسنی طلب ایچون صرف ایتمشدر و ذات الوهیتمه یمین ایدرم که ربسی آرزو ایتدیکی نعمتلی ویرمکه یقینه آنی راضی ایدر و اوده ربسنک ویردیکی نعمتلردن راضی اولور .] و یا خود یقینه ربسی اوندن راضی اولور .

رضانک واجب تعالی به مصروف اولمسیله « ربسی یقینه آندن راضی اولور ، دیمک احتمالی اولدینی کی ابوبکر حضرتلرینه مصروف اولارق « یقینه ابوبکر ربسنک ویردیکی نعمتلردن راضی اولور ، دیمک احتمالی ده واردر . آنجق جناب حقک آخرته ابو بکره ویره جکی نعمتلی بالذات مشاهده ایدره رک راضی اولاجغه دلالت ایچون استقباله دلالت ایدن صرف کله سیله وارد اولمشدر دیمک آیتک لفظنه ده موافقدر چونکه ؛ جناب حقک قولندن رضاسنی ذات الوهیتجه معلوم و محقق اولدینی ایچون رضاء السهی بیسانده استقباله دلالت ایدن الفاظه تعبیر حاجت یوقدر .





سوره ضحی

مکه مکرمه نازل اولان سوره لردندر . بکرمی بر آیتی جامعدر .

بِسْمِ اللَّهِ الرَّحْمَنِ الرَّحِيمِ

وَالضُّحَى \* وَاللَّيْلِ إِذَا سَجَى \* مَا وَدَّعَكَ رَبُّكَ وَمَا قَلَى \*

[ قوشلق وقتنه وقارانانی دنیایی احاطه ایدوب سکونت بولدینی زمان کیجهیه یمن ایدرم که ای حبیلم ! ربک تعالی سنی ترک ایتهدی وسکا بغض ایتهدی . ]

یعنی ؛ کونشک ضیاسی عالمی نورلاندیردینی زمانه وقارانانی ساکن اولدینی وقت کیجهیه قسم ایدرم که مشرک لک دیدکری کبی ربک تعالی سنی ترک وسکا بغض ایتهدی . بناء علیه ؛ کافر لک طعنلرینه محزون اولما .

ابوالسعود افندیکنک بیانی وجهله نهاریک ال ک قوتلی زمانی قوشلق وقتی اولوب حضرت موسایه تکلم او وقتده وقوع بولدینی ایچون قوشلق وقتی یمنه تخصیص اولونمشدر . یاخود ذکر جزو اراده کل قیلدن اولارق ضحی ایله مراد ؛ کومروزک هبیدر . و نهاریک آزیجق برجزنی کیجهنک کلیسنه بدل اولدیغه اشارت ایچون کیجهنک کلیسنی ذکر مقابلنده کوندوزک یالکز قوشلق وقتی ذکر ایدلمش وقوشلق وقتی سرور زمانی اولوب کیجهده غموم وهموم زمانی اولدینی جهته دنیانک محنت و کدرینه نسبتله فرحی غایت آز اولدیغه دخی اشارت اولونمشدر . ( سَجَى ) سکونت معناسه در . یعنی « کیجهنک اهلی ساکن اولدیغنده و یاخود ظلمتی سکونت بولوب تمامیه قرارلاشوب زوال احتمالی قالمادینی زمان کیجهیه یمن ایدرم » دیمکدر .

بوسوره نك سبب نزولی ؛ رسول الله بر قاج کون وحی کلمی تأخرايدنجه (ابی لهب) ک حرمی (ام جميل) رسول الله « یا محمد ! <sup>صلی الله علیه و آله</sup> ربک تعالی سنی ترک وسکا بغض ایتدی . زیرا ؛ وحی کوندرمه مک بغض ایدر » دیمسی اوزرینه جناب حق رسولنی مقام

تسلیمده بوسوره بی انزال بیورمشدر . وحیک تأخیرنه سبب ؛ بعض روایتیه نظر آیهودیلرک رسول الله ذوالقرنیندن واصحاب کهفدن سؤال ایتلمی اوزرینه رسول الله ان شاء الله دیمکسزین « یارین جواب ویریم » دیمسنه بناء بر قاج کون وحی تأخرايدنجه . دیگر بر روایتیه نظر آخانه سعاده کیسهنک خبری اولقسزین برکاب یاوروسی کیردیکندن جبریل امین کلمه مشدر . وقت آخرده رسول الله جبریلدن سبب تأخیرنی سؤال ایتدیکنده « بز کلب و صورت اولان خانه کیره مهیز » جوابی ویرمشدر . وحیک تأخیری اون ایکی ویا اونیش ویا قرق کون اولمسندن روایتلر مختلفدر . وحیک تأخرنده بیان اولونان سبیلر اولای ترک ایتک قیلندندر .

..

واجب تعالی رسولنی ترک و بغض ایتدیکنی بمنله تقویه ایتک صورتیه رسولنک شانیه تعظیم و شرفی بیاندن صوکره دها بویوک نعمتلر ویرجهکنی بیان ایتک اوزره <sup>و</sup> وَالْآخِرَةُ خَيْرٌ لَّكَ مِنَ الْأُولَى \* وَأَسَوْفَ يُعْطِيكَ رَبُّكَ فَتَرْضَى \* بیوریور .

[ یا اکریم الرسل ! البته سنک ایچون آخرت دنیاندن دها خیرلیدر والته ربک تعالی سکا نعمتلر ویرر که سن او نعمتلردن راضی اولورسک . ]

یعنی ؛ ای رسول اکریم ! سنک کچمش احوالکدن کله جک احوالک دها ایدر و سنک ربک سکا نصرت ویرر دشمنلرکدن انتقامکی آلیرسک و فوج فوج ناس دینکه کیرملریله امتکک عددینک چوغا سیه کافر لک قلدیرینه قورقو دوشمک حسیله حاصل اولان اسلامک قوت و شوکتی کبی نعمتلره سن راضی اولورسک . بناء علیه ؛ اهل کفرک هذیانندن محزون اولما .

فخر رازینک و ابوالسعود افندیکنک بیانلری وجهله واجب تعالی نك رسولنه دنیاده ویرمش اولدینی شرف نبوتنک و کون بکون عزت جلالتنک آرتمنه وین المشرق والمغرب دینک انتشار ایتمنه هیچ برشی معادل اولامازسده دنیاده احکام شرعییه تبلیغده بر طاقم مشکلاته تصادف ایتمکدن خالی اولمادینی کبی دنیا نعمتلری دائما زواله معروض و کونا کون مشقتلرله قاریشیق اولدینی جهته البته آخرت نعمتلری دها خیرلیدر . زیرا ؛ آخرت نعمتی باقی و کدردن سالم و مر ایسته دیککی موجود و خوف و اندیشه دن خالی در



وبالحاصله رسول الله ويريلنك جميع انبياءه تقدم ايمسى وامتنك سائر امتك اوزرينه شاهد اولملى ودرجه لرينك سائر امتك دن عاللى اولملى وكندينه مقام محمودك ويرلمسى كنى نعمتلك البته دنيا نعمتلك دن دها شرفليدر .

بو آيت جليله لر آخرته مخصوصدر دنيلمش ايسه ده اكثر مفسرينك بيانلرينه نظراً آيتلر ؛ دنيا و آخرت نعمتلك فافهمه تاممدر . زيرا ؛ دنيا و آخرت نعمتلك دن برينه تخصيص ايتمكه قرينه قويه اولماديني كنى هرايكيسنه دلالتده بر مانع بوقدر . شو حالده معنائى آيت : [ اى ] حبيب ! دنيا ده كله جك احوالك كچمش احوالك دن و آخرتك دنيا كدن دها خيرلى اولاجقدر وسنك ربك دنيا ده و آخرته ايسه ديكك نعمتلك ويرر سن راضى اولنجهيه قدر [ ديمكدر . رسول اللهك اقصى املى اهل توحيدك جهنمه قالماسى اولديني جهته بو آيت عامه مؤمنينه شفاعت ايدجكه دلالت ايتديكى جهته جمله اهل ايمانه بشارتى متضمندر . بناء عليه ؛ اهل ايمانه قرآنده اك زياده اميد ويرن آيت ؛ بو آيتدر .

..

واجب تعالى رسوله ويرمش اولديني نعمتلك اجمالاً بياندن صوكره دنيا ده ويرديكى نعمتلك بعضيلرين تفصيلاً بيان ايتك اوزره ﴿ اَلَمْ يَجِدْكَ يَتِيماً فَآوَى ﴾ بيوريور .

[ اى ] نبي معظم ! ربك تعالى سنى يتيم اولارق بولوبده سكامسكن ويرمه ديمى ؟

يعنى ؛ اى رسول مكرم ! پدرك عبد اللهك وفايله سن يتيم قالوب ربك تعالى سنى يتيم اولارق بيلمه ديمى وسنك ساكن اولاجفك اولرى سكا ويرمه ديمى ؟ البته بيلدى ومسكن ويردى . شو حالده سن حال صباوتكده ضعيف اولديفك حالده ربك سنى ترك ايتهدى تربيه ايتدى وسنى كوزه تدى ده شيمدى عرش اعلا دن دها شرفلى قيلديني زمانده مى ترك ايدجك ؟

فخر رازينك بيانى وجهله رسول اللهك پدرى (عبد الله) رسول الله دنيا ده طلوع ايتهدى وفات ايتدى . رسول الله دنيايى تشرىف ايتدى . دده سى عبدالمطلب تحت تكفله آلدى .

آلتى ياشنده ايكن والده سى وايكى سنه صوكره دده سى وفات ايتدى . فقط عبدالمطلب حين وفانده اوغلو ابوطالبه جناب محمدى وصيت ايتدى . چونكه ؛ عبد اللهه ابوطالب لا بوين قرداش اولدقلى جهته ابوطالب رسول الله ديكر برادرلردن دها يقين ايدى . بناء عليه ؛ عبدالمطلب وفاتدن صوكره ابوطالب رسول الله يانه آلدى وخصوصيت بشريه سنه تماماً تكفل ايتدى وچوق زمانلرده رسول الله يارديم ايتدى ورسول الله دن چوق خارق العاده لر روايت ايدردى . شو حالده بو آيت وبوندن صوكره كله جك آيتلايله جناب حق رسولنه احسان بيورمش اولديني نعمتلكى تعدادله بوندن صوكره دها برچوق نعمتلكى غرق ايدجكه اشارت و بناء عليه ؛ دشمنلردن واقع اولان طفئلردن حاصل اولان كدرينى تماميله ازاله بيورمشدر .

﴿ وَوَجَدَكَ ضَالًّا فَهَدَى ﴾

[ يا اكرم الرسل ! ربك تعالى سنى علم و حكمتدن خالى بولوب علم و حكمت الهاميله هدايته قيلدى . ]

يعنى ؛ ربك تعالى سنى شرايعدن غافل بولوب بعده رسالتله شريعت هدايته قيلدى .

يا هود ربك تعالى سنى يتشمش اولارق بولوب ددهك عبدالمطلبه تسليمه هدايته قيلدى ديمكدر . چونكه ؛ فخر رازينك وابوالسعود افنديك بيانلرى وجهله رسول الله سود آنا سى حليمه نك ياشدن غائب اولدى . قويننه باقمقن كلن ابو جهل تصادف ايتدى رسول الله دوه نك آرقه سنه آلق ايتدى ايسه ده دوه اطاعت ايتهدى . دوه نك اوكنه آلق ايتديكسده دوه اطاعت ايتدى ورسول الله قوجاغنده آلدى كوتوردى عبدالمطلب تسليم ايتدى . ابو جهل دوه نك بوضورتله اتقياد وعدم اتقيادينه متعلق احوالى حكايه وتعجب ايدردى . ايشته جناب حق حضرت موسايى دشمنى اولان فرعونك قوجاغنده صاقلاديني كنى بزم نيمزى ده دشمنى اولان ابو جهلك قوجاغنده صاقلامشدر . شو معناه نظراً آيت جليله بووقعه يى حكايه ايدبيور ديمكدر .

يا هود حضرت خديجه نك كوله سى (ميسره) ايله شامه كيدر كن قارائق بر كيجه ده رسول اللهك بينديكى دوه يولى شاشيرمشدى . جبريل امين نازل اولارق رسول اللهك دوه سنى قافله نك كيتديكى يوله ارجاعله قافله يه اولاشديردى . بوكا نظراً آيت جليله شو



وقعی بی بیان اولور. هر هانکی معنی مراد اولونورسه اولونسون جناب حقك رسولنه برنوع لطفی بیان ایتشد که هر جمله سی ده معجزه نك مقدمه سی اولان ارهاصات قیلندن یعنی بر نوع کرامتدر.

یاخود (ووجدك ضالاً) دیمك «نبوت واحكام شریعتدن خالی بولدق، بعده نبوت واحكام شریعتنه هدایتده قیلدق» دیمکدر.

یاخود (ضالاً) دیمك (مستوراً بین كفار مکه) دیمکدر. یعنی «سنی ربك مکه کافرلری آرسنده اورتولو قالمش بولدی دینکی اظهار ایتمکه آچیغه چیقاردی» دیمکدر. یاخود (ووجدك ضالاً فهدی) دیمك «سنی هجرتدن غافل قریش آلتده متعجیر اولارق بولدق، بعده هجرتهدن ویروب ابوبکرری رفیق قیلتمقله هدایتده قیلدق» دیمکدر. یاخود «امور دنیادن غافل بولدق، صوکره تجارتده هدایتده قیلدق که تجارتك نما بولدی» دیمکدر.

یاخود «قومك ایچنده ضایع و آنلرك اذالرینه معروض بولدق، حق سنك آنلره رعیه اولمقله راضی اولمازلرکن سنك ایشکی قوتله شدیرمك و آنلره اوزرینه آمر ووالی قیلتمقله هدایتده قیلدق» دیمکدر.

..

واجب تعالی رسولنه واقع اولان نعمتدن بعضیلرینی بیاندن صوکره بعض آخری بیان ایتك اوزره ﴿وَوَجَدَكَ غَائِبًا فَأَغْنَى﴾ بیوریور.

[ربك تعالی سنی فقیر بولدی صوکره خدیجه نك مالیه زنکین قیلدی] ویاخود [ربك تعالی سنی فقیر اولارق بولدی بعده اصحابك و اموال غنیمت ایله سنی زنکین قیلدی] دیمکدر. زیرا؛ اصحابك اسلام اولمازدن اول کافرلرك اذالری زماننده معاونته احتیاج وار ایکن اصحابك اسلامی قبول وسکا معاونتلیله ربك سنی احتیاجدن وارسته قیلدی. یاخود اغنا ایله مراد؛ قلب غناسیدر. زیرا؛ قلبده غنا وقناعت اولمایجه مالک چوقلنی فائده ویرمه دیکی برچوق کیمسه لرده هر وقت کورولن احوالنددر. بومعنای رسول الله

«ليس الغنى عن كثرة العرض و لكن الغنى غنى النفس» یعنی «غنا مال چوقلنیله اولمادی ولكن غنا غنای قلبدر» بیوردینی حدیث شریفی ده بو معنای تأیید ایدر.

بو آیت رسول اللهك ابتداء حالنده دنیا مالنه التفات ایتهدیکنه دلالت ایدر و فقر حال بشریتده قصورتشکیل ایتهدیکی کبی رسول اللهك فقری اختیاری اولدینی ایچون ممدو حدر. بناءً علیه؛ رسول الله (الفقر فخری) بیورمشدر. یعنی «فقر بنم افتخار ایتدیکم برشی» دیمکدر. واقعا؛ «فقر کفره یقیندر» معناسنه حدیث ده واریسه ده حدیثلر بیتنده عوامك ظن ایتدیککی کبی تناقض یوقدر. چونکه؛ بومثللو شیلر اشخاصك اختلافیه مختلف اولور که بعض کیمسه صبر و قناعت صاحبی اولور آنك حقنده فقرك هیچ تأثیری اولماز و دیگر بر کیمسه حریص و هوا و هوسنه منهك و مأکولات و مشروباته دوشکون اولور و آلاشی و نمایشی چوق سور آنك حقنده فقر مضرت اولور. چونکه قولاً وفعلاً بر طاقم حرام اولان شیلر ارتکابنه سبب اولور. شو حالده برشی بعض کیمسه حقنده عین منفعت اولور. زیرا؛ صبر سببیه ثوابه نائل اولور. دیگر بر کیمسه حقنده اوشی نعمت اولور که احتیاجك ایجاب ایتدیککی زحمتلره قائلاناماز. بناءً علیه؛ کندیسندن صدور ایدن یولسز افعالی سببیه عذابده وچار اولور. والحاصل محلك دیکشمه سیله احوالك دیکشدیکی جهته حدیثلر آرسنده تناقض یوقدر. زیرا فقر؛ رسول الله حقنده اختیاری اولدیغندن افتخار ایده جك برشی اولمشدر. اما عوام ناس حقنده اضطراری اولدیغندن بعض مهلکیه سبب اولاجقنده شبهه یوقدر.

غناك انسانلر حقنده نعمت اولدیغنه بو آیت دلالت ایدر. زیرا؛ غنا نعمت اولمسه ایدی جناب حق غنا ایله رسولنه امتنان بیورمازدی. حالبوکه غنای رسولنه نعمت صره سنده تعداد بیورمشدر. بناءً علیه؛ غناك نعمت اولدیغنده شبهه یوقدر. شو قدر که ثروتی محله صرف ایتلی، اسراف و سفاخته صرف ایتمه ملی در. اگر سفاخته صرف ایدرسه عین عذاب اولاجنی آشکاردر.

..

واجب تعالی رسولنه احسن بیوردینی نعمتلردن بعضیلرینی بیاندن صوکره اونعمتلره



قارشى كرك خلقله و كرك خالقله نه كى معامله اولونا جنى ارشاد طريقله رسولنه بيان ايتك اوزره ﴿فَأَمَّا الْيَتِيمَ فَلَا تَقْهَرْ﴾ بيورمىور .  
[ اما يتيمه قهر ايمه . ]

يعنى ؛ ربك تعالى سنى يتيم قلوب مسكينلر خلق ايتمكه راحتكى تأمين ايدنجه سنده يتيملره كوزل معامله ايت . آنلك ضعفلىندن استفاده ايدرك ماللىرى آلق و يوزىكى اكمك و سوزلىرى رد ايتك صورتيله آنلره قهر ايمه .  
• بو آيتك حكى بوندن اولكى آيتلك حكملرى اوزرينه ترتب ايتديكنه اشارت ايجون ترتيب دلالت ايدن فا لفظيله وارد اولمشدر . چونكه ؛ جناب حق رسولى يتيم اولارق تربيه بيوردىغنى و برچوق نعمتلر و يردىكى بيان ايدنجه رسولكده يتيملره كوزل معامله ايتمى لازم كلديكى بيان بيورمشدر .

يتيمه قهر ؛ يتيمك ماللى آلقله و سوزىنى رد ايدوب تكدير ايتمكه و يوزىنى اكشيتمكه و بد معامله كوسترمكه اولاجنى جهنله آيتده بومثلاو معامله نك جمله سى نهى اولونمشدر . جناب حقت رسولنى رشيدن نهى ايتمى اوشيدن امتنى دخى نهى ايتمكدرك . آيت جليله ؛ يتيملره كوزل معامله اولمقله امرى متضمندر . زيرا ؛ بر شيدن نهينك آنك ضديله امرى متضمن اولمى قواعد اصوليه اقتضاسنددر . بناء عليه « قهر ايمه » ديمك « لطف ايت » ديمكى مشعردر . زيرا قهردن نهى ؛ لطفله امردر . ايسته شو اساسه بناء رسول الله (خير بيت فى المسلمين بيت فيه يتيم يحسن اليه و شر بيت فى المسلمين بيت فيه يتيم يسأ اليه) بيورمشدر . يعنى « مسلمانلر ايجنده اولرك خيرلىسى بر اودركه او اوده كندينه احسان اولونور يتيم بولونان و مسلمانلر ايجنده اولرك شرلىسى بر اودركه او اوده كندينه كوتولك اولونان يتيم بولونا » ديمكدرك . كذلك ( انا وكافل اليتيم فى الجنة ) حديث شريفى ده بومعناى تأييد ايدر . يعنى رسول الله « بن و يتيمك امورىنه كفالت ايدن كيمسه ايله ايكييمز برابر جتنده يز » بيورمشدر .

فخر رازينك بياننه نظر آرسول اللهك يتيم اولمسنده كى حكمت ؛ يتيملرك ماللى بيلمى ايجورمه . چونكه ؛ يتيم اولارق نشأت ايدن بر ذاتك يتيملرك حاللىرى بيلمى طيعيدرك .

ياخود رسول اللهك ظاهرده الله ربه باشقسنه اعتماد ايدرك بر كيمسى بولونماسورده هر زمانه اعتمادى الله تعالى به اولسور ايجوره يتيم قبلنمشدر . ياخود هر كس ماله واقف اولسورمه طعن ايدرك برشى بولونماسور ايجوره يتيم قبلنمشدر . يتيم اولان بر چوجنك هر حاله كفالت ايدرك بدى بولونمايجه هر كسجه حالى معلوم اولور . بناء عليه ؛ قریش قبيله سى رسول اللهك هر حالى بيلبرلردى . آنلر عتدنده رسول اللهك كيزلى بر حالى اولمادىغندن رسول اللهك احوال خصوصيه سنه دائر اعتراض ايدرك برشى بولامازلردى و انبيانك جمله سى ده قبيله لرى آره سنده باك و نجيپ اولمقله طائمشلردر و حكمت بعثت و نبوت ده پونى ايجاب ايدر .

•

واجب تعالى يتيمه قهر ايتمكدن نهى ايتديكى كى سائلى منع ايتمكدن دخى نهى ايتك اوزره ﴿وَأَمَّا السَّائِلَ فَلَا تَنْهَرْ﴾ بيورمىور .

[ دخى اما سن سائلى قيوكدن رد ايمه . ]

يعنى ؛ جناب حق سنى هدايتده قلوب و برچوق نعمت و يرنجه سن ده سكا مراجعت ايدن سائلى رد ايمه . اما اوسائل كرك سائل علم اولسون و كرك سائل مال اولسون . هيچ برى قدرتك تحننده اولدجه ايستديكى شيدن محروم ايمه ، بلكه اللهك سكا احسانى كى سن ده آنلره احسان ايت .

فخر رازينك بياننه نظراً آيتك سبب نزولى شويله در : حضرت عثمان رسول الله بر مقدار خرما كتيروب حضور نبهيد بولونور كن قابويه بر سائل كلدى . رسول الله خرمايى سائله و يرمىنى امر بيوردى . حضرت عثمان خرمايى سائله و يرمىنى ايسه ده مرضيسى خرمايى رسول اللهك اكل ايتمى اولديغندن تكرار سائلدن صاتون آلدى كبرى كتيردى . سائل تكرار عودت ايتدى . رسول الله تكرار و يرمىنى امر ايتدى و الحاصل اوچ دفعه و يربلوب تكرار كبرى صاتون آلوب دردنجى ده سائل تكرار كنجه رسول الله « سن سائل ميسك » يوقسه صاتيحي ميسك ؟ « بيورمى اوزرينه بو آيتك نازل اولدينى مرويدر . شو حالده « سائل



هر کیم اولورسه اولسون منع ایتک لایق اولماز» دیمکدر . نههر ؛ منع ایتک وقائی سوز  
سوزمک و شرنی رد ایتک معانسه در . سائی شدتله رد ایتکدن نهی ایتک آنک ضدی  
اولان رعایت و ملایمتله امر ایتکدر .

..

واجب تعالی رسولنه ویردیکی نعمتلی تعداد و یتیمه و سائله رعایتله امر ایتد کدن صوکره  
فعمتک شکرینی ادا ایتک لازم اولدیغنی بیان ضمنتده ﴿وَأَمَّا بِنِعْمَةِ رَبِّكَ فَحَدِّثْ﴾  
بیور بیور .

[ ربك تعالیك سكا ویرمش اولدیغنی نعمته سن شکر ایت . ] زیرا ؛ یتیمه و سائله  
رعایته موفق اولق بویوک نعمت اولدیغنی جهتله ناسه خبر ویرمک صورتیله شکرینی ادا  
ایتک لازمدر . نعمتی تحدیث ك معناسی ؛ نعمتك آثارینی خارجه کورنر ماکدر .

فخر رازینک بیانی وجهله تحدیث ؛ تبلیغ معانسه اولونجه نعمت ایله مراد ؛ قرآنه  
عزیزتره . بوکانظراً معنای آیت : [ ربك تعالیك سكا ویرمش اولدیغنی نور نبوت سایه سنده  
ازال بیوردیغنی قرآنی ناسه تبلیغ ایت و اوقوکه خلق قرآنك جامع اولدیغنی حقائق  
یلسون و مستفید اولسون و اسرار قرآنه وقوفله سكا ایمان تامله ایمان ایتسونلر ] دیمکدر .

بوآیت هر کسک نائل اولدیغنی نعمتی شکر قیلندن اولارق خبر ویرمسی جائز اولدیغنه  
دلالت ایدر ولکن خبر ویرن کیمسه نك ریا و عجب کبی مرض قلبی به مبتلا اولماسی  
شرطدر . اکر بویله آفته مبتلا ایسه خبر ویرمه مسی لازمدر . بویله آفت شائبه سی  
اولمازسه هر کسک کندینه اقتدا ایتسی مقصدیله نائل اولدیغنی نعمتی و موفق اولدیغنی  
خیراتی خبر ویرمک مندوبدر .

واجب تعالی بوسورده یتیمه و سائله رعایتله امری محضا عبادت اولان تحدیث نعمت  
اوزرینه تقدیم بیورمشدر . زیرا ؛ خلق محتاج در جناب حق ایسه غنیدر . بناء علیه ؛  
محتاج اولان خلقك احتیاجنه تعلق ایدن معامله نك محتاج اولمایان خالق تعالی ایله معامله  
اوزرینه مقدم اولدیغنه اشارت بیورمشدر . چونکه ؛ بر کیمسه نك معاشی منتظم اولمايجه

امر آخرته حضور قلبه جالیشاماز . زیرا ؛ مشروبات و مأکولاتی اولمايجه وجودده  
قوام اولامیه جنی جهتله عبادت ممکن اولماز . شوخالده انسانه لازم اولان ؛ هرشیدن  
اول حیاته کافی درجهده رزقنی تدارک سعی و غیرت ایتک اولدیغندن هر کسه رزقنی  
تحصیل ایتک فرض عین اولمشدر .

واجب تعالی بوسورده انسانك علو قدرینه رعایتك واجب اولدیغنی غایت قیسه بر  
صورتمده بیان بیورمشدر . چونکه ؛ یتیمك راحتنی تأمین ایچون بر مسکن تدارکی ایجاب  
ایتدیکنه و سائی ممنون و دینی و دنیوی یولنی شاشیران کیمسه بی مطلوبنه ارشاد ایتک لازم  
اولدیغنه اشارتدن صوکره یتیمی تحقیر و سائی منع ایتکدن نهی بیورمسی ایله انسانلرك  
کندی جنسلی اولان هر فرد ره رعایت و معاونتک لزومی بیان و انسانلر آره سنده بر  
آهنك تام و انتظامك وجوبنه اشارت بیورمشدر . شوخالده انسانلرك پریشان و معیشتلرینی  
تحصیلدن عاجز اولانلرینه کمال حرمت لازم اولونجه جمله انسانلره مرتبه انسانیتدن دولایی  
حرمتك وجوبی آشکاردر .

هر عبادتك ذکر الهی ایله ختام بولسی مهم اولدیغنه اشارت ایچون واجب تعالی  
شو بیان اولونان عبادتلردن صوکره ذکر الهیدن معدود اولان تحدیث نعمتی سورهنك  
خاتمه سنده و عبادتلرك نهاییه سنده کتیرمشدر .

### سورة اشراح

مکه مکرمهده نازل اولان سوره لر دندر . مکه آیتی جامعدر .

بِسْمِ اللَّهِ الرَّحْمَنِ الرَّحِيمِ

﴿أَلَمْ نَشْرَحْ لَكَ صَدْرَكَ﴾

[ یا اکرم الرسل ! بز سنك ایچون کوکسی آجوب بولارتمادقی ؟ ]



یعنی : بزم انزال ایندیکمز آیتلری قبوله لایق قلب نبویکی کنیشه تهمه دکمی ؟ البته کنیشه تدهک .

ابوالسعود افندیکن بیانی وجهله بومقامده همزه ؛ نفی انظار ایچونمدر . نفی انکار اولونجه اثبات محقق اولور . بناء علیه معنای نظم : [ بزسنک قلبکی صورت قطعیهده شرح ایتدک ] دیمکدر . چونکه ؛ شرح ایتهمک انکار اولونونجه شرح ایتهمک قطعیدر . شرح ک معنای ؛ توسیع یعنی بولورمقدردر . زیرا ؛ رسول الله انس وجنه رسول اولونجه آنلره تبلیغات و مباحثات ایله نبوتک لوازم سائره سی ؛ بر جوق علوم و حکمتی و هدایتک اسبابی و احکام اسلامیته نک جمیعسنی و آیات قرآنیته نک هدسنی حفظه محتاج اولدیغندن رسول الله ک قلبنک هر کسک قلبندن عالی و بول اولسی لازم بولوندیغندن جناب حق لزومی قدر توسیع ایتدیکنی بیان بیورمشدر .

رسول الله امانت اولارق تودیع اولونان علوم و حکمتی و اسرار الهیه یی حفظ ایتهمک لایق درجه قلبی توسیع ایتهمک ذات نبویلری حقنده بویوک نعمت اولدیغندن واجب تعالی نعمت صره سنده تعداد بیورمشدر . چونکه ؛ کافر لک طعنه و دعوتنه اجابت ایتهمک ملرندن حاصل اولان غموم و همومه تحمل ایده جک قلبک غایت بویوک اولسی البته رسول الله حقنده عین نعمتدر .

فخر رازینک و ابوالسعود افندیکن بیانلری وجهله رسول الله ک قلبنک شرحی ؛ حال صباوتنده جبریل صدر نبویلری یاروب قلبی چیقاروب ییقایوب و بالعموم کدرویره جک و فساد اخلاقه بادی اولاجق شیلری ازاله ویرینه علم و عرفان و ایمان و اخلاق حمیده طول دورمق صورتیه و قوعبولدینی مرویدر و بومثللو عجیبه لر معجزات نبویه دندر و آنجق رسول الله ک بعثندن اول اولدینی جهتله ارهاص یعنی بر نوع کرامات قیلندن اولور . بناء علیه ؛ بوکی خارق العاده لری انکار ایتهمک جائز دکلدردر . چونکه ؛ رسول الله ک قلبی مخزن اسرار الهی و مامن وحی سببحانی اولدینی جهتله قلب نبویلری عوام ناسک قلبلریته قیاس اولوناماز . بناء علیه ؛ جناب حقک اسرارینک خزینه سی اولان قلب پیغمبری یی کناهلره میلدن تبرئه ایدره ک حاضر و غایب و افاده و استفاده یی جامع اولاجق درجهده جبریل

امین واسطه سیله ییقامتق و قوه قدسیه ایله تأیید و کالات انسانیه ایله تزیین ایتهمک اوزاق عد اولونمادیکی کی رسول الله ک رسالتده یک بویوک بردلیدر . نعمتک عظمتنه اشارت ایچون منع اولان واجب تعالی نک عظمتنه دلالت ایدن منکظم مع الفیر صیغه سیله وارد اولمشدر . بناء علیه ؛ رسول الله ک قلبنک شرح اولونماسنده عقول بشرک ادراک ایده میه جکی نعمتدر موجود اولدیغنه اشارت اولونمشدر .

بومقامده انسانک صدری یعنی کوکی وسوسه محلی اولدینی ایچون صدرک شرح اولوندینی بیان اولونمشدر . چونکه ؛ شیطان محل ایمان و معرفت اولان قلبه داخل اولاماز . فقط صدره داخل اولارق غموم و همومی و حرص و طمی و سائر مزخرفاتی قلبه طولیدر مقله انسانلری قلب طارغیله راحتسز ایدر و بوکی تضییق آلتنده بولونان قلب عبادتک لذتی بولاماز . ایشته واجب تعالی بومثللو مانعه لردن رسولی محفوظ بیوردیغنی بوآیتله بیان بیورمشدر .

واجب تعالی ناسک بوکی شیطانک وسوسه سندن قورتولسی ایچون اعوذ ایله بسمله یی تعلیم بیورمشدر که اعوذ و بسمله ایله شیطان طرد اولونونجه انسان مکلف اولدینی عبادتی ادایه موفق اولاجغندن شرعاً بیان اولونان بومثللو سلاحی استعماله دقت ایتهمک لازمدر . بو مقامده صدر ایله مرادک قلب اولسی احتمالدن اوزاق دکلدردر . زیرا ؛ قلبک محلی صدر اولدیغندن ذکر محل اراده حال قیلندن مجاز اولارق قلب مراد اولونمق جائزدر و جبریل امین واسطه سیله صدرک یارلمسنه و قلب نبوینک ییقامسنه دائر اولان روایتده بو معنایی تأیید ایدر .

..

واجب تعالی رسولنک قلبی آجیق و بول قیلدیغنی بیاندن صوکره بعض آغیرقلری رسولنک اوزرندن قالدیردیغنی بیان ایتهمک اوزره ﴿ وَوَضَعْنَا عَنكَ وَزْرَكَ ﴾ الَّذِي أَنْقَضَ ظَهْرَكَ ﴿ بیوریور .

[ بز عظیم الشان سنک آرقه کی آغیرلاشدیران ثقلی سنک اوزرکدن ایندیردک . ]



یعنی ؛ زمان جاهلیه سزدن صدورایدن زلهی واسر نبوتدن حاصل اولان آغیرلنی بز سندن ازاله ایتدک . چونکه ؛ رسول الله امر نبوتده تحمل بیوردینی اماناتی مأمور اولدینی وجه اوزره ادایه موفق قیلمقله واجب تعالی تبلیغات جهتندن عارض اولان ثقلی ازاله بیورمشدر .

فخر رازینک بیانی وجهله وزرک اصل معناسی کنانه ایسهده بمقامده قرمنک ازاله رزمه و حضرت ابراهیم دینی تفسیرلرزمه و بهت اولونمازده اول کسریه عارضه اوله حیرتمه نشأت ابرمه تفسیر . جناب حق رسولنک اوزرندن بونلرک جمله سنی قالدیرمشدر . چونکه ؛ واجب تعالی نبوتله بهت ایدوب دینی اعلانه بر چوق اصحاب کرامک ایمان ایتملری ایله قوت وشوکت بولارق قومنک ایدالرندن خلاص و عادات کریمه لرینی قالدیرمقله یرینه عادات حسنه واحکام دینی سنی قویق و وحیدن اول کنندینه عارض اولان حیرت یرینه اطمینان قلب ایله اوزرنده اولان بوتون بو ثقلتلری ازاله بیورمشدر .

یا خور بو آیتده ( وضعنا ) ( عصمنا ) یعنی ؛ بز سنی کنناهلردن حفظ ایتدک . معناسهدر . بوکا نظراً معنای آیت : [ یا اکرملرسل ؛ بزسکا غایت کوچ و آرقه کده بر آغیر یوک متابه سنده اولاجق کنناهلردن سنی محافظه ایتمکه اوزرکدن ثقلی قالدیردق ] دیمکدر . شو معنایه نظراً رسول الله دن اوفاجق برکنانه بیله صادر اولمادیغه آیت دلالت ایدر و بو معنایی تأیید ایتدک اوزره برچوق احادیث شریفهده واردر . از جمله رسول الله بهت اولونمازدن اول برکیجه مکده دف وسائر کبی چالنی بولونان بر دو کون اوینه حاضر اولق اوزره کیدرکن دو کون اوینک یقینه کلدیکنده جناب حق بر او یقو و یرر ، اولدینی محله یاتار حتی کون طوغوب حرارت شمس تاثیر ایدنجیه قدر او یانماز . رسول الله صلی الله تعالی علیه وسلم افندیمنز بالاخره بونی حکایه ایدرک جناب حقک بواویقوی چالنی دیکله مکدن محافظه ایچون خلق ایتدیکنی بیان ایدردی .

یا خود وزر ایله مراد ؛ امت محمدک کنناهلریم . چونکه ؛ رسول الله دائماً امتنک کنناهلرینی دوشونور و نه یولده جناب حقه التجا ایدوب عفو لرینی استرحام ایده جکنه دائر اسباب تحریسی کندی اوزرینه عظیم بر یوک ایکن جناب حق دنیاده کچمش امتلر کبی

عذاب عاجل ایله امت محمدی اهلاک ایتیه جکنی و آخرتده شفاعتنک قبولی وعد بیورمسیله رسولنک اوزرندن بو خزنی قالدیردینی بو آیتله بیان بیورمشدر .

..

واجب تعالی رسولنک اوزرندن آغیرلق و یرمک شیلری وضع ایتدیکنی بیاندن صوکره اسمنی اعلا ایتدیکنی بیان ایتدک اوزره ﴿ وَرَفَعْنَا لَكَ ذِكْرَكَ ﴾ بیورمسیور . [ بز عظیم الشان سنک ذکرکی رفع ایتدک . ]

یعنی ؛ ای حیم ! سنک اسمکی اسممه مقارن قیلمقله شانکی اعلا واسمکی عالم نظرنده یوقاری قالدیردم که اذاند و کلمه شهادنده و خطبه لرده اسمک اسم ایله برابر ذکر اولونمقدهدر .

فخر رازینک بیانی وجهله رسول الله اسمی عرش اعلاده یازلمشدر و قرآنده رسول الله اسمی الله اسمیه برابر ذکر اولوندینی کبی رسولنه اطاعتی جناب حق کنندینه اطاعت قیلمش و قرآنده خطابی نبوت و رسالت عنوانلریله واقع اولمش و کنندینی و ملکلری رسولنه صلات ایتدکلری کبی جمله اهل ایمانهده صلوات شریفه ایله و دینی عالمه اعلان و اطاعتله امر ایتمش و بیعتی کنندینه بیعت قیلمشدر . بناء علیه ؛ واعظله و عظمی تبلیغ و مفسر لر قرآنک معناسی تفسیر ایتدک و علما و پادشاهلر روضه مطهره نک طو پرانغه یوزلرینی سورمک و آخرتده شفاعتنی رجا ایتمکه مشغوللردر و شرفی الی یوم القیام باقیدر . بونلرک جمله سی ذکر نبویلرینک رفعتیدر و امتنک جمله انبیانک امتلرندن چوق اولمسی و هر یرده سنت نبویه نک احیا اولونمسی و ملکلر عنندنه اسمنک یاد اولونمسی شان رسول الهی اعلا ایتدکدر .

..

واجب تعالی رسولنه یرمش اولدینی نعمتلری تعداد بیوردقندن صوکره او تعداد اولونان نعمتلری تقریر و بونعمتلردن ده اعالی نعمتلر احسان ایده جکنی وعد اولق اوزره ﴿ فَإِنَّ مَعَ الْعُسْرِ يُسْرًا \* إِنَّ مَعَ الْعُسْرِ يُسْرًا ﴾ بیورمسیور .



[ محقق کوجک ایلہ برابر قولایلق وزورلقہ برابر سہولت واردر . ]  
یعنی ؛ فقر و فاقہ و سائرہ کی احتیاج ایچندہ حاصل اولان مشقتلرہ برابر آنلرک آرقہ سندنہ  
ثروت و سامان و سائرہ ایلہ بر قولایلق واردر و محقق دنیا و دین امور لرندن حاصل اولان  
حزن و کدرلہ برابر آنک آرقہ سندنہ فرح و سرور و یرہ جک شیرلہ بر سہولت واردر .  
بناء علیہ ؛ عسرک دوامی یوقدر . البتہ ہر عسر بر یرہ تبدیل ایدر . شو حالہ یا اکرم الرسل !  
بز معرفت الہیہ نیک مخزن اولان قلبی بولارتدق و آغیر اولان شیرلی سندن ازالہ ایلہ  
اطراف طالع ذکر یکی ترفیع ایدنجہ قریشک سنک حقکدہ سویلہ دکری کوتوسوزلرینہ  
محزون اولما . زیرا ؛ بر طارلقہ ایکی بولاق و بر کوجلکہ ایکی قولایلق واردر . چونکہ ؛  
سکا بوقدر جسم نعمتلی و یرنجہ بر عسرہ ایکی یرہ جکمز محققدر . بو آیتدہ  
کرچہ عسر ، یرہ کی ذکر اولونمش ایسہدہ عسر الف لام ایلہ برابر ذکر اولوندیغندن  
ایکنجی عسر اولکنک عینی اولق و یرہ کملہ لری نکرہ اولدیغندن ہر بری آری آری  
اولق قواعد عربیہ اقتضاسنددر . بناء علیہ ؛ بو آیت بر عسرہ ایکی یرلہ تفسیر اولونور .  
ابوالسعود افندیکنک بیانی وجہلہ عسرک آرقہ سندنہ یرک پک چابوق کلہ جکنہ اشارت  
ایچون برابر لک دلالت ایدن (مع) کلمہ سیلہ وارد اولمشدر . بو آیت نازل اولدیغندہ  
رسول اللہ کولہ رک اصحابہ « سزک ایچون بشارت واردر . زیرا ؛ بر عسر ایکی یرہ غالب  
اولاماز » بیورمشدر . بمرک بری دیادہ دیگر آخرمزہ اولق احتمالی وار ایسہدہ آیت  
مطلقدر . زیرا ؛ جناب حق بر عسرہ ایکی یرینی وعدہ مطلق ایلہ وعدہ بیوریور . بناء علیہ ؛  
بولطف الہی بی ہر انسان کندی نفسندہ تطبیق ایدہ بیلور . چونکہ ؛ ہر انسان تصادق  
ایتدیکی آزیحق مصیبتہ ویا کدرہ جناب حقک بر جوق وسعت و سرور خلق ایتدیکنی  
ہر زمان کورور و بیلیر . بعضیلرہ عمری فقرلہ بمری غنا ایلہ تفسیر ایتمشلردر . بو کانظر آ  
معنای آیت : [ بر فقرہ مقابل ایکی غنا محقق ] دیمکدر . چونکہ آیتک سبب نزولی ؛  
قریشک رسول اللہ فقیلوق ایلہ تعیب ایتلریدر . آنلرک تعیبی اوزرینہ واجب تعالی  
رسولنہ بو آیتلہ غنایی وعدہ بیوردی و وعدی اوزرہ وسعت احسان ایتمشدر . حتی رسول اللہک  
یوز دوہی بر یکمسہیہ احسان ایتدیکی حدیث کتابلرندہ مذکوردر . رسول اللہ وعدہ ؛

امتنہدہ وعددر . چونکہ ؛ متبوعہ نازل اولان نعمتدن تابع اولان کیمسہ نیک دائما مستفید  
اولدینی شہہ سزدر .

\*\*\*

واجب تعالی رسولنہ احسان ایتدیکی نعمتلینی بیاندن صوکرہ بیان اولونان نعمتک  
شکری ادایی امر ایتک اوزرہ ﴿ فَاِذَا فَرَغْتَ فَانصَبْ \* وَاِلٰی رَبِّكَ فَارْغَبْ ﴾  
بیوریور .

[ شو تعداد اولونان نعمتک سکا و یرینجہ امتنہ احکام دینی تبلیغدن ویا امر غزادن  
فارغ اولدیغندہ عبادتہ نفسکی نصب ایتک بونعمتک شکری ادا و جمیع ایشلر کدہ آنجق  
ربکہ التجا ایت و ربکدن باشقہ هیچ بر کیمسہیہ مراجعت ایتہ . ] زیرا ؛ ہر ایستہ دیککی  
و یرمکہ قادر آنجق ربک تعالی در . بناء علیہ ؛ ہر زمان ہر ایستہ دیککی و یرمکہ قادر اولان  
واجب تعالی بہ مراجعت ایت کہ مقصدکہ واصل اولاسک .

فخر رازینک و ابوالسعود افندیکنک بیانی وجہلہ ﴿ فَاِذَا فَرَغْتَ ﴾ غزادہ و اعطای  
تبلیغدہ فارغ اولدیغندہ ، ﴿ فانصب ﴾ نعمتک شکری ادا ایتک اوزرہ عبادتہ غیرت ایت  
و عبادتہ اولادہ مشقتہ تحمل ایت و یا خود فرمودہ اولادہ نمازلردہ فارغ اولونجہ دعایہ نفسکی  
نصب ایت دیمکدر . بناء علیہ ؛ اہل اسلامک نماز آرقہ سندنہ دعا لرینک سنت اولدینی  
احادیث شریفہ ایلہ ثابت اولدینی کی بو آیتلہ دخی ثابتدر . یا خود بر عبادتہ نور نورونجہ  
دیگر بر عبادتہ نصب نفس ایت دیمکدر . شو حالہ انسان ایچون لازم اولان ؛ دائما بر امر  
خیرلہ مشغول اولمقددر . زیرا ؛ انسانک مہمل و معطل اولارق بولونمسی جائز دکدر .  
زیرا عبادتک برندن فراغ عقیندہ دیگر برینہ باشلامقلہ امر ایتک ؛ آنک ضدی اولان  
یوش طور مقدن نہی ایتکدر . شو حکمتہ مبیدر کہ حضرت عمر رضی اللہ تعالی عنہ (انی  
لا کرہ ان اری احدکم فارغا سہللا لافی عمل دنیاہ و لافی عمل آخرتہ) یعنی « محقق بن  
سزدن بر یکزی یا عمل دنیادن ویا عمل آخرتدن بر سیلہ مشغول اولمہرق کورمکلکمکی  
کرہ کورورم » بیورمشدر کہ انسان ایچون ایشسز و عملسز بولونماک فنا برشی اولدیغنہ  
دلالت ایدر .



سورة تین

مکه مکرمه نازل اولان سوره لر دندر . مکز آتی جامعدر .

بِسْمِ اللَّهِ الرَّحْمَنِ الرَّحِيمِ

وَالَّتَيْنِ وَالزَّيْتُونَ \* وَطُورِ سِينِينَ \* وَهَذَا الْبَلَدِ الْأَمِينِ \* لَقَدْ خَلَقْنَا الْإِنْسَانَ فِي أَحْسَنِ تَقْوِيمٍ \*

[ اینجیره وزیتونه وموسانک مناجات محلی اولان طور طاغنه ومحمدک طوغوب ورسول بعث اولوندینی مکه شهرینه یمین ایدرم که محقق بز جنس انسانی کوزل صورت اوزره یاراندق . ]

فخر رازینک و ابوالسعود افندینک بیانلری وجهله اینجیره زیتونک سائر میوه لر دن زیاده بر طاقم عجائب و غرائب اوزرینه مشتمل اولوب و عربلر عندنده مقبول و مرغوب اولدقلری جهته شرف ذاتی و شرف اعتباری صاحب لری اولدقلر دن جناب حق بونلر یمین ایتشددر . چونکه اینجیر ؛ هضمی غایت قولای بر غداء لطیفدر و طبیعتی یوموشاتیر و بلغمی کیده در و مثانده اولان قوم وسائر کبی تلویثاتی تطهیر و بوبر کده وجکرده اولان مزخرفاتی ازاله ایدر منفذ لری آچار و انسانک وجودینی سبزه ندرر ، صاچی اوزاتیر و فایح علته مانع بر دوا در . حتی رسول الله بر طبق اینجیر هدیه اولونوب اکل ایدر کن حضورنده بولونان اصحابنه « سز بونی بیکز . اکر جتدن بر میوه نازل اولدینی سویلسه ایدم اینجیرک نازل اولدینی سویلردم . زیرا ؛ جنت میوه لرینک آتیلحق طیشنده قابوخی و اینجنده چکیردی اولادینی کبی بونکده آتاجق بر شیشی یوقدر . سز بونی بیک . زیرا ؛ اینجیر باصوری کسر ایدر ، بیوردینی مرویدر . شو حدیث شریف مقتضای اینجیر مدح نبویه مظهر اولشددر . بوحدیث رسول الله علم طبعده عالم اولدینه دلالت ایدر .

اما زیتونه کلنجه ؛ زیتون بر شجره مبارکه در که انسانلره بر جوق منفعتی و بر جوق

خسته لقلره شفاسی واردر . بناء علیه ؛ بونلرک هر ایکسی ده واجب تعالی نک قدرته دلالت عجیبه ایله دلالت ایدرلر . چونکه ؛ زیتون اصلا یاغ اثری اولمایان طاعلرده بیتدیکی کبی اینجیرده طات اثری کورولمه یین طور اقلرده بیتر . هیچ یاغ و طات اثری اولمایان برلرده بویه یاغلی و طاتلی میوه لرک بیتمی خالق تعالی نک عجائب صنعتنه و بدایع خلقته دلالت واضحه ایله دلالت ایدر . شو بیان اولونان تفصیلاتدن آ کلاشیلدینی وجهله هر ایکسی ده واجب تعالی طرفندن قسم اولونمغه لایقدرلر . رؤیاده اینجیری کورمک غنا و یمک جوق رزق و اولادایله تعبیر اولونور . بر کیمسه زیتونک یا راغنی بیرسه شریعت تمسکه تعبیر اولونور . طور ؛ مضرت موسانک مناجات ایتدیکی طاغ ، سینین ؛ کوزل و مبارک معناسه در .

بوکا نظراً معنای نظم : [ کوزل و مبارک اولان طور طاغنه یمین ایدرم ] دیمکدر .  
(وهذا البلد الامین) ایله مراد ؛ مکه مکرمه . جناب حق مکینی امانته توصیف بیوردی . زیرا مکه ؛ حرم الهی و مهبط وحی میومر . بناء علیه ؛ کرک زمان جاهلیه ده و کرک اسلامده واجب تعالی اومکانده ناسی امین قیلمشدر . چونکه ؛ زمان جاهلیه ده عربلر هر یرده مقاتله ایدرلر ، مکه یه کلنجه هر خصومتدن و از کچرلردی . زمان اسلامیتده ایسه ( ومن دخله کان آمناً ) آیت جلیله سیله مکه نک امنیت ناموسی اعلان اولوندی . حتی قصاص لازم کان بر کیمسه حرم مکه یه التجا ایدرسه امین اولور و حرم خارجه جیه مانجه قصاص اجرا اولونماز . بو امنیتدن حیوانات وحشیه بیله مستفید اولدقلر دن حرم داخلنده او آلامق حرامدر . رسول الله مکده ظهور ایتمی ودها بعض انبیانک محلی اولمی اعتباریله مکه نک شرفی اولدینی کبی واجب تعالی نک او محله ویرمش اولدینی شرف ذاتیسی اعتباریله اولدن بری او محل مبارکک حرمتی عنعنایله ناس عندنده محافظه اولونمش بر قدر عالیمی اولدینی جهته جناب حق او محله یمین ایتشددر .

شو تفصیلاته نظراً معنای آیت : [ شو درت شیشی که خلقه بر جوق منفعت تأمین ایدنه اینجیر ، زیتونه و محل مناجات اولان طور طاغی و وحیک نزولنه محل اولان مکه بونلرک جمله سنه یمین ایدرم که بز انسانی غایت کوزل بر صورت اوزره خلق ایتدک ] دیمکدر . چونکه ؛ انسانک بوی جمله حیواناته نسبتله اعتدال اوزره اولدینی کبی چهره سی ده جمله خلاصه البیان : اون بشنچی جلد — ۳۴



حیواناتک چهره سندن کوزلدر . بناء علیه انسان ؛ خلاصه مخلوقات وزبده مصنوعاتدر وعقل وفهم وادراک صاحبدر . شو حالده انسانک ظاهرده وباطنده جمله حیواناتدن کوزل اولدیغنه آیت دلالت ایدر . بناء علیه ؛ انسان، عقل صاحب اولدیغندن تکالیف الهیه ايله مکلف اولمشدر وفهم صاحب اولدیغندن خطابات الهیه مخاطب قیلنمشدر ونطق و بیان صاحب اولدیغندن کندی جنسندن اولان انسانلره تبلیغات ووعظ ونصایحله امر اولونمشدر . ایشه شو صفتلر سایه سنده انسان حیوانات سائردهن ممتاز اولارق یر یوزنده خلیفه قیلنمشدر .

بو آیتده انسان ايله مراد ؛ هنی انسانه اولدیغندن بوینده وحسننده واعضاسنده نقصان اولان کیمسه لرله اعتراض وارد اولماز . بومثللو مقامده حکم ؛ جنسه در، افراده دکلدر . بناء علیه ؛ بعض افرادده کوریلن چیرکینلک ايله جنسنده اولان کوزلکه اعتراض اولوناماز .

..

واجب تعالی انسانی کوزل صورت اوزره خلق ایتدیکنی بیاندن صوکره انسانک خلقتنه لایق عمل ایتهدیکندن دولای اهل ناردن قیلدیغنی بیان ایتک اوزره ﴿ ثُمَّ رَدَدْنَاهُ أَسْفَلَ سَافِلِينَ ﴾ إِلَّا الَّذِينَ آمَنُوا وَعَمِلُوا الصَّالِحَاتِ ﴿ بیوریور .

[ او انسانی قوت ومثانت وعقل وفکر وکوزل صورت اوزره یازاندقدن صوکره ویردیکنمز نعمتلره شکر ایتهدیکندن دولای صورتلری هر صورتدن چیرکین اولان اهل تارک الاسفل والک آشاغی طبقه سته رد ایتدک . لکن شول کیمسه لرکه آنلر ایمان ایتدیلر وعمل صالح ایشله دیلر، اسفل سافلینه رد اولونمازلر . زیرا ؛ نعمته شکر ایتدیلرک نعمتلری دائماً نعمته وراحتلری محنته منقلب اولور . آنجق ایمان ایتک وعمل صالح ایشله مک ايله شکری ادا ایدنلرک نعمتلری تبدل ایتمز . ]

یاخود فخر رازینک و ابوالسعود افندیکنک بیانلری وجهله سفیل ؛ ضعیف معناسنده . اسفل سافلین ايله مراد ؛ ازل عمرده . زیرا سافلین ؛ طریال وکوت ووقمدر که ناسک

ک ضعیف اولانلرجه . ازل عمره واصل اولان پیر فانی ایه بونلرک جمله سندن ضعیف اولور . چونکه ؛ بدنی کهنه لندیکی کبی ظاهر وباطن قوالری ده ضعیفلانیر . حتی کوزی کورمز، قولای طویماز وعقلی ایرمز بر حالده بلی بو کولور صورتی تغیر ایدر . والحاصل وجودینک هر جزئه تغیر عارض اولدیغندن ک ضعیف فرض ایتدیکنمز ضعیفلردن ده ضعیف اولدینی جهتله سافلیندن ده سفل دیمکه سزا اولور . اما عمل صالح ایشله یلر هر نه قدر قوجه سه لرده آنلرک قوالرینه خلل کمز و صورتلرینه چیرکینلک عارض اولماز . شو حالده بومثللو صالح کیمسه لر ایچون ازل عمر یوق دیمکدر .

واجب تعالی بو آیتده انسانلرک اسفل سافلینه رد اولوناجقلرینی بیاندن صوکره مؤمن صالح اولانلرینی استننا بیورمشدر . زیرا ؛ مؤمن ايله کافر آره لرینی تفریق ایتک عدالت الهیه اقتضاسنددر . چونکه ؛ کفران نعمت ایدن کافر قهر الهیه به مظهر اولارق نار جحیمه ادخال اولونونجه شکران نعمت ایدن مؤمنک لطف الهیه به مظهر اولارق معزز ومحترم اولسی عین عدالتدر . شو قدرکه اسفل سافلینه ادخالدن قورناره جق یالکز ایمان اولمایوب بلکه عمل صالحه مقارن اولان ایمان اولدیغنه اشارت ایچون استناده عمل صالحده درج اولونمشدر .

..

واجب تعالی عمل صالح صاحب مؤمنک جهنمه ادخال ویاخود ازل عمره رد اولونمقدن استننا بیوردیغندن صوکره آنلر ایچون نه کبی معامله اولوناجقنی بیان ایتک اوزره ﴿ فَلَهُمْ أَجْرٌ غَيْرُ مَمْنُونٍ ﴾ بیوریور .

[ عمل صالح ایشله یں مؤمنلر ایچون کیسلمز وتوکنمز اجر واردر . ] زیرا ؛ الله تعالی به ایمان ایدوب وعمل صالحه مداوم اولان کیمسه لرک ثوابی توکنمز . چونکه ؛ آنلرک خیرات ومبراتلری واذکار جمیله لری سببیه عمل دفتلری قاپانمایوب دائماً ثواب یازلدیغندن اجرلرینک آرقه سی کیسلمه دیکی کبی آخرتده نائل اولاجقلری نعمتلری دخی توکنمز . یاخود معنای آیت : [ عمل صالحه موفق اولان مؤمنلر هر نه قدر سن شیخوخته واصل اولسه لرده اللهم ابتلا ایتدیکی قوجه لقله برابر طاعته دوام وعبادتک مشقته تحمل ایدرک سعی ایتدکلری جهتله اجرلری ده کیسلمز ] دیمکدر .



بو آیت، بوندن اولکی استتائک نتیجه سی مقامنده در و تقریری شویله در : « اهل ایمان ایچون توکنمز اجر واردر . زیرا ؛ آنلر ایمانله برابر عمل صالح ایشله دیلر . هر کیمسه لر که ایمانله برابر عمل صالح ایشله یه لر، آنلر ایچون توکنمز اجر واردر . بناء علیه ؛ اهل ایمان ایچون توکنمز اجر واردر » دیمکدر .

..

واجب تعالی انسانی احسن تقویم اوزره خلق ایتدکن صوکره جهنمه و یاخود اردل عمره رد ایده جگنی و آنجق مؤمن صالحلر اوزرینه توکنمز اجر اولدیغنی و یوم قیامتی تکذیب ایدنلرک حاللری تعجبه ایمان بولوندیغنی بیان ایتک اوزره ﴿ فَمَا يُكَذِّبُكَ بَعْدُ بِالذِّكْرِ ﴾ بیوریور .

[ بوقدر دلیللر بیان اولونونجه شیلردن هانکی شی یوم خزا سبیلله سنی تکذیب ایدر ؟ ]  
یعنی ؛ انسان احسن تقویم اوزره خلق و صوکره اردل عمره رد ایله کنجلیکنده اولان جمله حاللرک تبدل و تغیرینه دائر حقیقتلر بیان اولونونجه یا اکرم الرسل ! سنی اشخاصدن هانکی شخص بوقدر ظاهر و باهر دلیللر قارشنی یوم جزایی خبر و یرمکلیک سبیلله تکذیب ایدر ؟ زیرا ؛ تکذیب ایدن هر شخص دوشونسه کندنی نفسنده و قوعبولان تبدلاتله یوم جزایی اقراره کافی دلیل بولا جفندن تکذیبلری تعجبه شایاندر .

شو معنادن آکلاشیلدیغنی وجهله بو آیتده ما لفظی عقل صامبره استعمال اولونانه مع معاسنده در . یعنی « بوقدر دلائلدن صوکره یوم جزایی خبر و یردیکنکن طولایی عقل صاحبی اولانلردن سنی تکذیبه کیم حسارت ایدر ؟ » دیمکدر .

فأبدن حاضره التفات اولارق بو آیتده خطاب مطلقا انسانه اولدیغنه نظراً معنای آیت : [ بوقدر دلیللر میدانده ایکن ای انسان ! شیلردن هانکی شی یوم جزایی انکارک سبیلله سنی یالانچی قیلدی ] دیمکدر . چونکه ؛ حق اولان برشینئ انکار ایدن کیمسه البته یالانچی اولدیغندن یوم جزایی انکار ایدن انسانی جناب حق توبیسخ مقامنده

« ای انسان ! بوقدر دلائلدن صوکره سنی یالانه نه کبی شی مجبور ایتدی که حق اولان قیامتی انکارکله یالانچی اولدک ؟ » بیورمشدر .

..

واجب تعالی انسانک کوزل صورت اوزره خلق و صوکره اردل عمره رد اولوندیغنی بیاندن صوکره بونلره قادر اولان ذات الوهیتک حاکمک احکمی اولدیغنی بیانله قدرته نظراً حشرک امکانه و حکمته نظراً حشرک وقوعنه اشارت ایتک اوزره ﴿ أَلَيْسَ اللَّهُ بِأَحْكَمَ الْحَاكِمِينَ ﴾ بیوریور .

[ الله تعالی حاکمک احکمی اولمادیمی ؟ ] البته اولدی .

یعنی ؛ شو ذکر اولونان حسن صورت اوزره انسانی خلق ایتک و صوکره اردل عمره رده قادر اولان الله تعالی احکم الحاکمین اولمادیمی ؟ البته اولدی . شو حالده حشره ونشره قادر اولدیغنده شبهه اولماز . زیرا ؛ بوقدر عجائب و غرائب اوزره شامل اولان موجوداتی ابتداء خلقه قادر اولانک اولدکن صوکره احیایده قادر اولاجنی اولویتله ثابت اولور .

یاخود حکم ایله مراد ؛ قضا معاسنده در . شو حالده آیت جلیله کافرلری تهدید ایچون

سوق اولونمشدر . بوکا نظراً معنای آیت : [ ای کافرلر ! سز حشری انکار ایدرده اللهم حکمندن قورقماز میسکز ؟ حالبوکه قورقماکز لازمدر . زیرا ؛ الله تعالی قوللری آره سنده فصل حقوق ایچون حکم ایدن حاکمک الک زیاده عدالتله حکم ایدنی اولمادیمی ؟ البته اولدی . بناء علیه ؛ انکار ایتدیکنک یوم قیامتده الله تعالی سزک استحقاقک و وجهله اعمالک سزک جزاسنه عدالتله حکم ایدر . شو حالده سز انکاریکنک و سائر کوتو عمللریکنک جزاسندن قورقماز میسکز ] دیمکدر . بو آیت جلیله رسول الهی تسلیه در . چونکه ؛ الله تعالی عدالتله حکم ایدنجه رسول اللهک خصملرندن انتقامنی الا جفنده شبهه بوقدر .





سوره علق - قلم

مکه مکرمه نازل اولان سوره لردندر . اونه طغوز آتی جامعدر .

بِسْمِ اللَّهِ الرَّحْمَنِ الرَّحِيمِ

إِقْرَأْ بِاسْمِ رَبِّكَ الَّذِي خَلَقَ

[ای رسول مکرم ! سن ربک تعالی نک اسمیله باشلار اولدیغک حالدہ قرآن اوقوکه اوربک تعالی جملہ مخلوقاتنی خلق ایتدی .]

یعنی ؛ بالعموم ذرات جہانی خلق ایدن ربک تعالی نک اسمیله یاریم طلب ایدر اولدیغک حالدہ سکا نازل اولان قرآنی سن اوقو .

حضرت عائشہ وابن عباس رضی اللہ تعالی عنہما دن روایت اولوندیغنه نظراً قرآندن ، اول نازل اولان بو آیتدر . چونکہ ؛ رسول اللہ (جیل حرا) ده معبدخانہ سی اولان غار شریفده عبادتله مشغول اولدینی زمانده جبریل امین بو آیتله کلدی . رسول اللہ وحیک شدندن کندینہ عارض اولان دهشتی ازالہ ایچون حضرت خدیجہ نک خانہ سنہ عودت ایتدی واوزرینہ اورتو آلدی . ایشتہ اووقت (یا ایہا المدثر) نازل اولمشدر .

بو آیتده با ؛ استغناء ویا مہربانہ ایچوندر . بوکا نظراً معنای آیت : [یا اکرم الرسل ! سنی وجملہ مخلوقاتنی خلق ایدن ربک تعالی نک اسمنه ملابس اولدیغک حالدہ سن قرآنی قرائت ایت] دیمکدر . بناء علیہ ؛ ہر امر مباحک ابتداسندہ بسملہ اوقومق ممدوحددر . شو حالده بو آیتده امر ؛ استجباب ایچون اولدیغندن قرآن اوقویاجق کیمسہ نک بسملہ ایله ابتدا ایتسی مستحیدر . یاخود امر ؛ مہربانہ ایچوندر . بوکا نظراً قرآن اوقویاجق کیمسہ نک بسملہ ایله ابتدا ایتسی واجبدر . شو حالده قرآن اولندہ بسملہ نی ترک ایدن کیمسہ کناہکار اولور .

رسول اللہ وحیک اولندہ علرض اولان بعض صیقینتی یی ازالہ ایچون واجب تعالی

بو آیتده اسماء الہیہ سی ایچندن رب کلمہ سی ایراد بیورمشدر . چونکہ ربوبیت ؛ تہدیح صوریت کلام اولوشدیر . معناسنه اولدیغندن « ربک اسمیله استعانہ ایدر اولدیغک حالدہ قرآن اوقو » دیمک « ای رسول مکرم ! سنی آزار آزار کلالانہ ایصال ایدن ویدرک صلبندہ ووالدہ کرحمندہ ضایع ایتہ یوب محافظہ ایدن ربک تعالی سنی ضایع ایتہر محافظہ ایدر . بناء علیہ تلاش ایتہ » دیمکدر . جناب حق بو عالم مکوناتک خلاصہ سی اولان رسولنک ربی اولونجہ دیگر مخلوقاتک ربی اولاجنی اولویتله ثابت اولدیغندن رب کلمہ سی یالکیز رسول اللہ مضاف قیلنمشدر .

جناب حق رسولنک ربی اولدیغنی بیاندن صوکرہ ربوبیتنی اثبات مقامندہ خالق اولدیغنی ذکر بیورمشدر و تقریری شویله در : « اللہ تعالی سنک ربکدر . زیرا ؛ اللہ تعالی سنی وجمیع مخلوقاتنی خلق ایتدی . ہر کیمسہ کہ سنی وجمیع مخلوقاتنی خلق ایدہ ، سنک ربکدر . بناء علیہ ؛ اللہ تعالی سنک ربکدر » دیمکدر . خلق وایجاد جملہ نعمتہر اوزرینہ مقدم اولدینی ایچون ربوبیتک دلیلہری ایچندن خلقنی اختیار بیورمشدر . چونکہ ؛ ربوبیتی ووحدانیتی انکار ایدن مشرکدرہ باشقہ دلیلر ذکر اولونسہ انکار ایدہ جککرندن دلالتدہ بک آچیق وصریح اولان خلقت ذکر اولوندی کہ انکارہ مجاللری اولماسون والزام واسکات قولای اولسون . زیرا ؛ خلقت ، بدینی برحقیقت اولدینی جہتلہ تسلیمی ضروریدر وشو خلقنی تسلیمدن صوکرہ خلق فعلنہ برفاعل حقیقی لازم اولوب اوفاعل حقیقینک دمہ خالق تعالی اولدیغنی تسلیم ایتک لازم کلیر . چونکہ ؛ مشرککرم معبود اتخاذا ایتدکری پوتلرک خالق اولامیہ جغنی ادنی عقل بیلیر . شو حالده ربوبیتہ ووحدانیتہ اول امرده خلقنی دلیل اولارق کتیرمک مقصدہ وصولی تسہیل ایچوندر .

جمیع مخلوقاتک خالق اللہ تعالی اولدیغنه اشارت ایچون ، خلق مطلق اولارق ذکر اولونمشدر کہ معتزلہ نک « ہر کس کندی فعل اختیارینسی خلق ایدر » دیدکری سوزلری مردوددر .

..

واجب تعالی جملہ مخلوقاتنی خلق ایندیکنی اجمالاً بیاندن صوکرہ مخلوقاتک اشرقی



واحسنی اولان انسانك خلقتی ذکرله اکتفا ایتک اوزره ﴿خَاقَ الْإِنْسَانِ مِنْ عَلَقٍ﴾

بیوریور .

[ جمله مخلوقاتی خلق ایدن ربك تعالی بالخاصه انسانی اویوشمش قانندن خلق ایتدی ]  
ابوالسعود افندیك بیانی وجهله انسانك مخلوقاتك جمله سندن اشرف اولدیغنه وقرآنی قرائتله مخاطب آنجق انسان اولدیغنه اشارت و شاننه تعظیم ایچون مطلقاً خلقتی بیاندن صوکره آریجه انسانك خلقتی ذکر اولونمشدر . انسانله اویوشمش قان بیتنده مناسبت اولمادیفی حالده اویوشمش قانندن انسانی خلق ایتک قدرت قاهره یه زیاده دلالت ایتدیکی جهتله انسانك یارادیلیشنده اولان احوال ایچندن دوگمش اولان قان پارچه سندن خلق اولوندی بیان اولونمشدر .

..

واجب تعالی اولاً رسولنه قرآنی کندی نفسنده اوقومسفی امر ایتدکن صوکره ناسه تبلیغ ایچون قرائت ایتسفی امر ایتک اوزره ﴿إِقْرَأْ﴾ بیوریور .

[ یا اکرم الرسل! سن قرآنی جبریلدن آلارق کندی نفسکده اوقودیغک کی ناسه تبلیغ ایچونده اوقو . ] یاخود فخر رازینک بیانی وجهله اولکی قرائت نمازه ایکنجی قرائت نمازك نمازجه عامردر . بوکا نظراً معنای نظم : [ ای رسول معظم! سن قرآنی نمازده اوقودیغک کی نمازك خارجنده دخی قرائت ایت ] دیمکدر . شو حالده کرک نمازده وکرک خارجده تلاوت قرآنک لزومه بو آیت دلالت ایدر .

..

واجب تعالی رسوانه قرائتله امر ایدنجه رسول اللهك « بن قرائت ایده جکم شیئی بیلیم یورم » دیهرک اعتذار ایتسی اوزرینه جناب حق قرائتنی تعلیم بیوره جغه اشارتله رسولنك اعتذارینی ازاله ایتک اوزره ﴿وَرَبُّكَ الْأَكْرَمُ الَّذِي عَلَّمَ بِالْقَلَمِ﴾ بیوریور .

[ ای حبیب! سنك ربك شول اکرمدرکه انسانه بیلیمه دیکنی قلم ایله تعلیم ایتدی . ]

یعنی ؛ یا اکرم الرسل! سن قرآنی قرائت ایچون تلاش ایتمه ، جبریلدن ایشیتدیکی اوقو . زیرا ؛ سنك ربك تعالی جمله کرم صاحب لرندن زیاده کرم صاحبدرکه قلم واسطه سیله انسانلره بیلیمه دکارینی اوکرتدی و اوقوندی . شو حالده سکاده بیلیمه دیکنی بیلدیرر .  
فخر رازینک بیانی وجهله اکرم ؛ عوضیم یعنی قلم واسطه سیله بیلیمه کیمسه دینور . بناء علیه ؛ واجب تعالی نك قوللرینه احسانده اصلاً عوض قوقوسی اولمادیغندن الله تعالی نك کرمی بالعموم کرم صاحب لرینک کرم لرینه قانق اولدیغندن واجب تعالی یه کرمده هیچ کیمسه نظیر اولامادیفی جهتله اکرم الاکرمین اطلاق ذات الوهیته منحصر درر . بناء علیه ؛ ولو آزار اولسون برعوض مقابلنده و یاخود مدح و ثنائسندن و یاوابندن و یا برکیمسه نك ذمندن قور تولق ایچون واقع اولان احسانندن طولای احسان ایدن کیمسه یه اکرم دنیلمز . واجب تعالی قرآنی قرائته ترغیب ایچون قرائتله امردن صوکره ذات الوهیتك اکرم اولدیغنی بیان بیورمشدر . چونکه ؛ قرآنی قرائته دوام ایدن کیمسه یه هر کلمه سی بلکه هر حرفی مقابلنده بول بول اجر لر احسان ایدر دیمکدر . زیرا اکرم ؛ کرمی بول معنایندر .

قلمده انسانلر ایچون منفعت پک چوق اولدیغندن فضیلت و مرتبته اشارت ایچون قلمله تعلیمی جناب حق کندی ذاته نسبتله تصریح بیورمشدر . چونکه ؛ بوتون علملرک ضبطی و محافظه سی کتابتله درر . اگر قلمله یازی اولسه امر دین و امر دنیان هر چی برشینک قوامی ممکن اولامازدی و امام قتاده نك ( القلم نعمة من الله لولا القلم لم یقم دین ولم یصالح عیش ) کلامی بومعنای تأیید ایدر . یعنی « قلم الله تعالی دن بر نعمتدر . اگر قلم اولماش اولسه ایدی دین قائم اولماز و معیشتده صلاح بولمازدی » دیمکدر . چونکه ؛ هر قومه نظراً کنیدلرندن اول کچنلرک احوال و عادت لرینی و آنلرک صوکره کله جکله یراقش اولدقلری اثر لرینی ضبط ایتک آنجق یازی ایله اولدیغندن هر زمان انسانلر یازی یه دقت و اهتمام ایده کلشله و اول کچنلر صوکره کلشله اثر لرینی قلم و یازی واسطه سیله دور



ایتمکده دوام ایتشدر . ایشه قلمک منفعی بک بویوک اولدیغه تنبیه ایچون قرآندن  
اول نازل اولان آیتلرنده ذات الوهیتک اکرم اولان ربک تعالی ایله تعلیمی بیانه اثبات  
ایتمشدر . چونکه قلمله تعلیم ؛ اکرم اولدیغک دلیلدر و تقریری شویله در : « ربک  
اکرمدر . زیرا ؛ انسانه بیلیمدیگنی قلمله تعلیم ایتدی . هر کیمسه انسانه بیلیمدیگنی  
قلمله تعلیم ایده ، او کیمسه اکرمدر . بناء علیه ؛ ربک اکرمدر » دیمک اولور .  
بو آیتده قلمله تعلیم نبوته دلالت ایدر . زیرا قلمله تعلیم ؛ آنجق ایشیتیمکله بیلیمسی  
ممکن اولان مسموعاته دلیلدر . مسموعاته اعتبار ایسه انبیادن ایشیدیلنده در . چونکه ؛  
انبیایک غیردن ایشیدیلن شیئه اعتماد اولوناماز .

واجب تعالی قلمله تعلیمی اجمالاً بیاندن صوکره تعلیمک بعض انواعی بیان ایتک  
اوزره ﴿عَلَّمَ الْإِنْسَانَ مَا لَمْ يَعْلَمْ﴾ بیوریور .

[ الله تعالی انسانه بیلیمدیگی شیرلی اوکرتدی . ]

یعنی ؛ یا اکرم الرسل ! اکرم اولان ربک تعالی انسانه کیزلی و آشکار ، کالی و جزئی  
بیلیمدیگی شیرلی تعلیم بیوردی . بناء علیه ؛ حضرت آدمه اسمایی تعلیم بیوردیگی کبی  
سائر انسانلرده انواع علمی و هدایتی تعلیم بیورمشدر . سن ایسه ای حبیوم ! جمله  
انسانلرک اشرفی و شان و شرف جهتندن افراد انسانک اعززی و قدر و مکانت جهتندن ده  
جمله سنک یوکسکی و اعلاسی اولدیغکدن بیلیمدیگک شیرلی سکا تعلیم بیوره جنی اولویته  
نابت اولور .

واجب تعالی انسانک او یوشمش قانندن خلق اولوندیغنی و تعلیم و تعلمه لیاقت کسب  
ایده جک کالاته و اصل اولدیغنی بیاندن صوکره شو احوالی دوشومعه یه رک کفر و طغیانده  
بولونمی انسان ایچون لایق بر شی اولمادیغنی بیان ایتک اوزره ﴿كَلَّا إِنَّ الْإِنْسَانَ  
لَیْطَغَى \* أَنْ رَأَاهُ اسْتَغْنَى \* إِنَّ إِلَى رَبِّكَ الرَّجْعُی \*﴾ بیوریور .

[ حقاً نابت اولدی که انسان کندینی مستغنی عد ایتدیگی ایچون محقق انسان طغیان  
ایدر . محقق ای انسان ! آخرنده سنک مرجعک آنجق ربک تعالی نک حضور  
معنویسیدر . ] انسانک حالی بویله ایکن کندینک حقیر و ذلیل منیدن یاراددیغنی اونوتور  
کندی اعتقاد باطلنجی الله تعالی نک انعامه احتیاجدن مبرا اولدیغنی ظن ایده رک ربسنه عبادتدن  
کبر ایدر . بناء علیه ؛ حدینی تجاوزله کندی ابناء جنسنه ظلم و تعدی ایدر و یوم قیامتده  
محازات اولوناجغنی دوشونمز . حالبوکه ای انسان ! آخرنده سنک رجوعک آنجق  
ربک تعالی یه درکه هر حالک جزاسنی ویرر و هیچ بریسی جزاسز قالماز .

فخر رازینک بیانی وجهله بو آیت و بوندن صوکره کی آیتلر ابو جهل حقنده نازل  
اولمشدر . چونکه ؛ « (ربک الاکرم) » آیتی نازل اولونجه ابو جهل حدته کلیر « بندن  
اکرم کیم اولاییلیر ؟ » دیمکله طغیانه باشلار . زیرا حیثک عادتی ؛ کسوه سنی و مرکبی  
تزیین و طعمانی آرتیرمقله تکبر ایتک و فخر و میسهااتک انواعی ایله اطرافه آتش  
صاحقدی . واجب تعالی اونی و امثالنی ذم ایچون بو آیتلرینی ازال بیورمشدر . چونکه ؛  
سبب نزوله نظراً انسان ایله مراد ؛ ابو جهل اولور لازم کلیرسه ده اعتبار سبب نزولک  
خصوصنه اولمایوب لفظک عمومته اولدینی جهته طغیان ایدن جمله انسانلره شامل اولوق  
احکامه ده موافقدر .

واجب تعالی قدرته و وحدانیته دلالت ایدن دلیللردن غفلتک سبی حب دنیا  
اولدیغنی بو ، و بوندن صوکره کله جک آیتلره بیان بیورمشدر . شویان اولونان مقدماته نظراً  
معنای آیت : [ منکر نعمت اولان کافرلرک انکارلری کبی دکدر . محقق انسان کندی  
نعمتی کوردکجه حدینی تجاوز ایتدیگی و نفسنی اللهمک نعمتندن مستغنی کوردیگی ایچون ربسنه  
عبادتدن تکبر ایدر . حالبوکه حقیر و ذلیل منیدن خلق اولوندیغنی اونوتور ] دیمکدر .  
ایشه انسانک بو حاللری تعجبه شایاندر .

بو آیت نازل اولونجه ابو جهل رسول الله « سن ، انسان مستغنی اولونجه طغیان ایدر  
دیش سک . مکه طاعلرینی آلتون و کموش یاپ بز اوندن ایسته دیکمز قدر آلام ، باقام  
طغیان ایدرمی بز ؟ مأمول که دینیزی ترک ایدر سکا تابع اولورز » دیمکله رسول الله معارضه  
ایدر . بونک اوزرینه جبریل امین کلیر « یا رسول الله ! ایسترسه ک آنلرک آرزولری وجهله یا یالم



لكن ايمان ايتزلرسه حضرت عيسادن مانده ايسته يوبده ايمان ايتمينلري اهلاک ايتديکمز  
کي بونلري ده اهلاک ايدرز « ديمسي اوزرينه رسول اللهک آرزو بيورماديني مرويدر .

..

واجب تعالى ابوجهل وامثالي کافرلرک اوصاف ذميه لرندن بعضيلريني بيانن صوکره  
بعض آخري بيان ايتک اوزره ﴿ اَرَأَيْتَ الَّذِي يَنْهَى \* عَبْدًا اِذَا صَلَّى ﴾ بيوريور .  
[ اي حبيب ! سن کوردکي شول شخص لئيمي که اوشخص ، عبد کامل نماز  
قيلديغنده نمازدن نهی ايدر . ]  
يعني ؛ کوردکي شول فنا کيمسهي که او فنا آدم نماز قيلان قولزي نمازدن بيله  
منع ايدر .

فخر رازينک بياني وجهله بوآيتده خطاب ؛ رسول الله در وسؤال ، تعجب معناسي  
متضمندر . عبد ايله مراد ؛ رسول الله . ( عبداً ) کلمه سنده بولونان توبه ؛ تعظيم  
وکال ايموندر . رسول الله نمازدن نهی ايدن ابوجهلدر . چونکه ؛ ابوجهل قريشه طعن  
ايدر ديردي که « سزک يانکيزده محمد ﷺ نماز قيلارسجده ايدرده سزسکوت ايدر سکز .  
اگر نماز قيلديغني کورسهم سجده ايدرکن بويته باصارم » ديمکه شجاعت اظهار ايدرکن  
برکون رسول الله نمازده کوردی و رسول الله دوعري کيتدی . يقين وارنجبه اللريله  
مدافعه ايدهرک همان کيري قاچدی . قريش ابوجهلک فرارندن سؤال ايتديلر . جواب  
اولارق « محمد ﷺ بيم آره مزده آتشدن برخندق طولوسي آتش ظهور ايتدی وبرطافم  
قنادلرده بکا هجوم ايتدی . اللرمله اوقادلره مدافعه ايدهرک کوچ قورتولدم » ديمشدر .  
ابوجهلک حالي تعجبه شاياندر . چونکه ؛ رسول الله دين اسلامک ابوجهل وياحضرت  
عمر دن برييله قوت بولسنه دعا ايتديکي حالده ابوجهل رسول الله نمازدن منع ايتکه  
چالشيرودي وکنيهي ( ابوالحکم ) اولديغندن بوکنيه صاحبه يعني ربسنه عبادت ايدن بر  
عبد کامل عبادندن منع ايتک لايق دکلدی وکنديسي مکده امر ونهي صاحبي صايار

وامرک امرينه اطاعتي واجب اعتقاد ايدرکن آمر حقيقي اولان الله تعالى نك امرينه  
اطاعت ايتلري اطاعتدن منعه چالشمسي تعجبه شايان بر حالدر .

بو آيتده ابوجهلي اوج جزئه ذم واردر : برنجيسي ؛ عبد کامل اولاره رسول الله  
منعه چالشمسي در . ايکنجيسي ؛ بو مثالو افعال قبيهي عادت ايدوب هر وقت منعه  
چالشميغه دلاوت ايمره ( نهی ) کلمه سنک وارد اولميسر . چونکه ؛ عادت مستمره سي  
اولديغنه دلاوت ايدن مضارع صيغه سي وارد اولمشدر . اوچنجيسي ؛ افضل عبادت اولاره  
نمازده منع ايتميسر . شو تفصيلاته نظراً معنای آيت : [ يا اكرم الرسل ! سن کوردکي  
ابوجهلي که آنکله اسلامک قوت بولسنه سن دعا ايدرکن او ، عبد معظم ونبي مقمخ  
اولان ذات پاک نبويکي افضل عبادت اولان نمازدن منعه چالشيور . بوکي خيئتک حالي  
تعجبه لايق ] ديمکدر .

کرچه بوآيت ابوجهلي ذم ايدبيورسده بو مثالو مقامده سبب نزولک خصوصه  
اعتبار اولونمايوب الفاظک عمومته اعتبار اولونديغندن عبادت ايدن کيمسهي عبادندن منع  
ايدن هر شخصه شاملدر . يعني « مني جائز اولمايان محللردن منع ايدن کيمسه مذموم »  
ديمکدر . شو حالده مقصوب اولان محله و اوقات مکروهده نماز قيلان کيمسهي منع  
ايدنلره شامل اولماز . چونکه ؛ بونلري منعه شريعت امر ايتديکندن منع ايدنه مسئوليت  
بو قدر . بناء عليه ؛ کيجه ايله افنديسي کوله سني وقوجه سي قاري سني نافله نماز قيلمقدن منع  
ايدنه بيلور . چونکه ؛ نافله بورج اولمايدغندن کوله يه نسبتله افنديک حقه و خاتونه نسبتله  
قوجه سنک حقه تقابل ايدمه مز . نافله اوروجده بوقيلدندر .

..

واجب تعالى کافرك اوصاف ذميه سندن بعضيلريني بيانن صوکره او کافر حقنده  
خير اولان شينه اشارتله انصافه دعوت ايتک اوزره ﴿ اَرَأَيْتَ اِنْ كَانَ عَلَى الْهُدَى \*  
اَوْ اَمَرَ بِالْتَّقْوَى ﴾ بيوريور .

[ اي رسول مکرم ! کوردکي اوکافري که اکر او کافر مطلوبه ايصال ايدر



بر یوله کیتسه ویاخود تقوی ایله امرایتسه آنک حقنده خیرلی اولمازمی؟ البته خیر اولور .  
بویله خیر اولان بر یولی براقوبده کفر کی چیرکین بر طریق اختیارینه نه رأی ایدرسک .  
فخر رازینک بیانی وجهله آیت ؛ خطابه شایان اولان هر کیمسه به ویاخود ابو جهله  
خطاب اولق احتمالی واریسه ده خطابک رسول الله اولسی بوندن اولکی و بوندن صوکره کی  
آیتله موافق اولدینی جهته خطاب رسول الله در .

هدی ؛ او فزک کنری نفسه نظر در . چونکه ؛ چیمه ساز بر یولدن عبارت  
اولان کفر وضالته مشغول اولاجغه رضاء الهی به ایصال ایدر طریق هدایتله مشغول  
اولق حقنده البته خیرلی اولور . تقوی ایله مراد ؛ کنری افروانه و انباء همنه نظر در .  
چونکه ؛ انباء جنسه بوتله عبادتله امر ایده جکنه امر بالمعروف ونهی عن المنکر  
خلاصه سی اولان تقوی ایله امر ایتش اولسه البته هم کندی همده انباء جنسی حقنده  
خیر اولاجغه شبهه یوقدر .

شوقصیلانه نظراً آیتک موصیه مآلی : [ای رسول مکرم ! سن نه رأی ایدرسک  
شو کافر حقنده کی اکر او کافر هدایت اوزره بولونسه ویا تقوی ایله امر ایدر اولسه  
کندی ایچون خیر اولمازمی ؟] دیمکدر .

بو آیتک مآلی محاوره مزدهده چوق وقوعبولور . مثلاً ایکی کیمسه اوچنجی بر کیمسه  
حقنده بحث ایدرکن « فلان کیمسه شو ویا بو ایشی اختیار ایتش اولسه ایدی حقنده  
دها خیرلی اولوردی » دیرلر . ایشه جناب حق ایله رسولی بیتنده ابو جهلدن بحث بو  
منوال اوزره جریان ایتشد .

کافرلرک وبالخاصه ابو جهلک حدتی جلب ایدن شی ؛ رسول اللهک بالذات عبادتندن  
زیاده ناسی دینته دعوت و تقوی ایله امر ایتشی اولدیغندن هر کسک شخصنه عائد اولان  
هدایتی ذکر دن صوکره تقوی ایله امرک آنک حقنده خیر اولاجنی ذکر اولونمشدر .  
چونکه ؛ بالنفس عبادته دخل ایدنک خلقه دینی تبلیغ و تقوی ایله امر ایدنه طعن ایده جکی  
شبهه سزدر . بناء علیه ؛ بالذات عبادته مداخله ایدن تکدیره شایان اولدینی کی تقوی ایله  
امر مداخله ایدنک ده دها زیاده تکدیره شایان اولاجنی اولوبتله ثابتدر .

\*\*

واجب تعالی کافرک احوالندن بعض آخری بیان ایتک اوزره ﴿ اَرَأَيْتَ اِنْ  
كَذَّبَ وَتَوَلَّى ﴾ اَلَمْ يَعْلَمَ بِاَنَّ اللّٰهَ يَرٰى ﴿ بیوریور .

[ یا اکرم الرسل ! کوردمی سن او کافری ؟ اکر شو کافر حق تکذیب ایدر و دین  
اسلامدن اعراض ایدرسه او کافر الله تعالی نک کندی حالی بیلوب و کوروب آ کا کوره  
محازات ایده جکنی بیلمزمی ! ]

یعنی ؛ ای حبییم ! عابد اولان بر قولی عبادتدن نهی ایدن عاصی حقه آچقندن  
دلالت ایدن دلیللری تکذیب ایدر و دینی قبولدن و اللهمک عبادتندن اعراض ایدرسه  
بیلمزمی او عاصی که الله تعالی آتی کورور و عملنه کوره جزا ویرر . البته ایشله دیکی  
کوتو عمللر جزاسز قالماز . شو حالده نه عجائبدر که بوقدر کناهلره جسارت ایدیور .

فخر رازینک بیانی وجهله بو آیت ؛ حشر و نشرله کافرلری تهدید و اهل طاعتی طاعته  
ترغیب ایدر . زیرا ؛ جناب حقک هر کسک عملنی کوره جکنی و بیله جکنی اعتقاد ایدنجه  
اهل کفر کفرندن و اهل معصیتده معصیتندن و از کجمنی لازم اولدینی کی اهل طاعتکده  
طاعته دوام ایتشی و تزیدینه چالشمسی لازمدر . چونکه ؛ عقلک ایجابی بودر .

\*\*

واجب تعالی عناد اوزره کفرنده دوام ایدن کافری آچقندن منع ایتک اوزره  
﴿ کَلَّا ﴾ بیوریور .

[ ابو جهلک زعم باطلی کی دکلدر . ]

یعنی ؛ ابو جهل الله قولنی عبادتدن منعی و بوتله عبادته دعوتی حقه دعوت  
ایدن محمد علیه السلامک دعوتی اوزرینه ترجیح ایدر . حالبوکه حقیقت حال آنک زعمی  
کی دکلدر . بناء علیه ؛ او کافر متصودینه نائل اولاماز و بوتون تشبثاتی عقیم قالیر .  
چونکه ؛ حال و شان آنک ظن ایتدیک کی دکلدر .

ابو جهلک مقصدی ؛ دین اسلامی ابطال ایتک و اللهک رسولی اوزرینه غلبه جالمق



واذيت ايتك ومؤمنلى دين حقدن دين باطله دوندورمك ايدى . جناب حق بو آيتده بيان بيوردىنى وجهله بو امللرينك هيچ بريسه نائز اولقسزىن قتل اولونمش وجانى جهنمه كيتمشدر .

﴿ اَيْنَ لَمْ يَنْتَه لَنْسَفْعاً بِالنَّاصِيَةِ \* نَاصِيَةٍ كَاذِبَةٍ خَاطِئَةٍ ﴾

[ ذات الوهيمه يمين ايدرم كه اكر كفرندن واز كجمرسه او كافر البته والته آلتك صاحيله بز آنى شدتله جهنمه چكرز . اويله آين صاحي كه آتك صاحي يالان سويله يحيى وكناه ايشله يحيى در . ]

فخر رازينك بيانى وجهله (لنسفعاً) كلمه سنك مصدرى اولان نسفعاً ؛ شتره طومره وملك و بوزينه و دروب زليل ايتك و سياهه و بزمه و بزمه . ناصيه ؛ آين صاحي ايسده بومقامده ذكر حال و اراده محل قيلندن آين و بوز مراددر . ابوجهل آلتك صاحي بومق و طارامق و باغلامق و بوقارى قالديرمق و رايحه طيهلر سورمك صورتيله بك زياده اهتمام ايدوب قيمتلى طوتدينى ايجون آين صاحي ذكر اولونمشدر كه كمال حقارتله تحقير اولونا جغه اشارتدر . ابوجهل الله تعالى به افترا و يالاندن چكىنمه ديكندن نازيه و بدبهي اولان حقيقتله قارشى تمرد ايتديكندن ضابطه ايله توصيف اولونمشدر . چونكه خاطئه ؛ تمره كناهله ديمكدر . اما بر مسئله ده خطا ايدن كيمسه ده قصد اولمايغندن . و اخذه اولونماز . بوراده خاطئه مخطي معناسه دكلدر . شو بياناته نظراً معنى آيت : [ ذات الوهيمه يمين ايدرم كه اكر او كافر طوتدينى يولدن و ايشله ديكى كناهلردن و دين حقدن قوللر يمي منع چاليشمقدن واز كجمرسه البته بز عظيم الشان ملكلر واسطه سيله آنى شدتله باشندن و بوزندن حقير و ذليل و بوزى قاره اولارق جهنمه چكرز كه اوناصيه نك صاحي الله تعالى اوزرينه يالان سويله مكدن و كناه ايشله مكدن چكىنمز ] ديمكدر . شو معنا ؛ آختره مبرم و ملك معناسه اولديفه نظر ادر . اما بورايده اولم احتمالاً نظر آيتك معناسى بدر غزاسنده ظهور ايتمشدر ، شويله كه : (سوره رحمن) نازل اولونجه رسول الله ، حضورنده بولونان اصحابه خطاباً « قريش جماعتى اوزرينه شو سوره يي اوقوبه جق و ارميدر ؟ » بيوردى . قريشك شرنندن

قورقدقلى ايجون اصحاب سكوت ايتديلر . يالكز ( ابن مسعود ) حضرتلرى « بن اوقورم يار رسول الله ! » ديدى . لكن ابن مسعود ، وجودى غايت ضعيف بر ذات لطيف اولديغندن رسول الله آتك كيتمسنى آرزو بيورما دىنى جهتله بو كلامى اوچ دفعه تكرر بيوردى و هر دفعه ده جواب ابن مسعوده ميسر اولدى . بناء عليه ؛ مساعده نبويلرى اوزرينه مشارايله حضرتلرى قريشك بويوكلرينى كعبه نك اطرافنده بولوب سوره يي قريشه قارشى تلاوته باشلايجه ابوجهل ابن مسعوده برتوقات ووردى و قولاغنى يارالادى . ابن مسعود آغلايارق كلنجه رسول الله مكدر اولدى . بونك اوزرينه جبريل امين كوله رك كلدى و « يار رسول الله ! مراق ايتمه عاقبت سز كدر » بيوردى . وقتا كه بدر غزاسنده اهل اسلام ظفرياب اولونجه ابن مسعود مقتوللرك آره سنده كزر كن كوردى كه ابوجهل جان چكيشيور . هان ابن مسعود حضرتلرى صيچرا يوب كو كسنه چيقدى . ابوجهل كوزينى آچوب كو كسنده ابن مسعودى كورونجه « اى ابن مسعود ! بك يوكسك و مشكل بر موقعه چيقك » ديمسى اوزرينه ابن مسعود « الاسلام يعلو ولا يعلى عليه » ديه جواب و يردى . بونك اوزرينه ابوجهل ابن مسعوده « بنم شوقيليجمله بوينى كس . زيرا ؛ كسكىندر ، تيز كسر و بكا طول مدت زحمت و يرمن » ديمسى اوزرينه لعينك بوينى كسدى و آنحق خيىك باشنى برندن قالديره مادىغندن قولاغنى دلدى بر ايب طساقارق سورويوب حضور نيه كيترنجه جبريل امين كوله رك كلوب « يار رسول الله ! سوره رحمن قرايتمده ابن مسعودك يارالانان قولاغنه قولاقله قصاص و برده باش كسيلمى تجارت اولدى » بيورمشدر . (لنسفعاً) نظم جليلك دنيا ده اثرى بووقعه ايله ظهور ايتمشدر . چونكه ؛ يوقاروده بيان اولوندىنى وجهله (لنسفعاً) مضارع صيغه سى اولوب استقباله دلالت ايتديكى كى باشنده و بوزنده كمال تحقير و شتره ملك معناسه دى دلالت ايدر و عين معنا بووقعه ده وقوع بولمشدر . فقط احتمالك هرايكيسنى جمع ايتكده ممكندر . زيرا ؛ دنيا ده رذيل و رسواى اولمقدن آخترنده اولماق لازم كلمه ديكى كى بلكه دنيا ده كورديكندن يوز بيك درجه فضله بلالره آخترنده مبتلا اولاجقدر .

\*\*

واجب تعالى ابوجهلك رسول الهى نمازدن منع ايتك ايجون كلديكنده شدتله رد خلاصة البيان : اون بشنې جلد - ۳۵



اولونديغنی بياندن صوكره او زمانده ابوجهل حدتله نهرک « بنم برطاقم يارديمجيلم واحبابم  
وخدمتجيلم واردر . آنلری چاغيريرم سنی اتلاف ايدرلر » ديمشدى . ايسته شوکلام  
کراحت انجمنه جواب اولمق اوزره ﴿ فَلْيَدْعُ نَادِيَهُ ﴾ سَمْدُعُ الزَّبانِيَّةُ ﴿ بيوريور .

[ چاغيرسون اوکافر قوم وقيله سنی . يقينده بزده چاغيريرز جهنم زبانيلىنى . ]

يعنى ؛ ابوجهل قوم وقيله سنه واحباب ويارانه کووه نيورسه چاغيرسون اهل مشورت  
ومجلسنى ، استمداد ايتسون آنلردن . يقينده بزده جهنمه مؤکل اولان ملکلری چاغيريرز که  
ابوجهلى وآنک احباب ويارانى شدتله جهنمه چکر کوتورورلر .

فخر رازينک بيانى وجهله نادية ؛ اهل مجلس و مشورته . زبانيه ؛ عذاب ملکلری که  
شدتله طومر و آنمى و مبرهنک اموريه مأمور اولانه ملکلر . ناسى شدتله مبرهنه دفع  
ايتمه مقدر اولر قلدى ايجوره زباني ديمشدر . يعنى « ابوجهل چاغيرسون کيمه چاغيراجق  
ايسه . آکا مقابل بزده زبانيلى چاغيريرز که آنلری رده قوم وقيله سنک طلاقى  
اولاماز » ديمکدر .

بوآيتلر هر نه قدر ابوجهل حقنده نازل اولمش ايسه ده کنديلرنده بومثللو صفتلر  
بولونان ظالميرک جمله سنه شاملدر . بناء عليه ؛ برکيمسه کندى قوتنه و اتباعنه کووه نهرک  
آخر برکيمسنى عبادتدن و ياخير محض اولان برشيدن منه چاليشيرسه الله تعالى نک کندينه  
اخلاصى اولان قولنه ملکلرک معاونت ايدجکنه بوآيت دلالت ايدر .

﴿ کَلَّا ﴾

[ ابوجهل قوم وقيله سنی چاغيرسه بيله آنک قيله سنى آکا معاونت ايدمزلر . ] زیرا ؛  
حقيقت حال آنک ظن ايتديکى کي دکدر . بناء عليه ؛ اى حبيب ! ابوجهل سکا  
مقابله ايدجک برکيمسه دکدر . چونکه ؛ عندالوهيتمده حقير و ذليل و دکر سزدر .  
شوخالده مقصدينه نائل اولاماز . ياخود معنائى نظم : [ ابوجهل وامثالى ايتستديکى شيشه  
نائل اولاماز . زیرا ؛ آنک ايتستديکى سنک آکا اطاعت ايتمکلرکدر . بوايسه آنک نائل  
اولاجنى بر شى دکل ] ديمکدر .

..

واجب تعالى ابوجهله اطاعتک جائز اولما ديفنى بيان ايتمک اوزره ﴿ لَا تَطْعُهُ وَاسْجُدْ ﴾  
بيوريور .

[ اطاعت ايتمه اوکافره سن نمازده دوام ايت . ]

يعنى ؛ اى رسول مکرم ! اوکافر معند هر نه قدر سکا اذى ايدمک سنی اطاعتنه  
دعوت ايدىيورسه ده سن او عاصينک سوزينى ديکله مه و نمازدن منع ايتمک ايتستده خضوع  
وخشوع اوزره نمازیکه دوام ايت ، اومثللو کافرک سوزينه قولاق اصما که محزون اوليه سک .  
بومقامده سجده ايله مراد ؛ ذکر جزؤ اراده کل قيبيلدن نمازدر . چونکه ؛ ابوجهل

رسول اللهى يالکيز سجده دن منع ايتميور ، بلکه مطلقا نمازدن منع ايدىيوردي . حالبوکه  
جناب حق ابوجهلک منع ايتمک ايتستديکى نمازله امر ايدىيور . ياخود ابوجهلک نمازه بغضى  
وارسه ده نمازک ارکانشدن سجده يه ده ا زياده بغض ايتديکى جهتله جناب حق آنک زياده  
بغض ايتديکى وحدتله نديکى سجده ايله امر ايتمشدر . شومعنا لردن هانکيسى مراد اولونه  
جناب حق ابوجهله قارشى رسولنى تشجيع بيورمشدر . چونکه ابوجهلک مقصدى ؛  
رسول الله اذى ايله کندى امرى آلتنه المقدى . واجب تعالى رسولنى آنک سوزينى  
ديکله مکدن و اطاعت ايتمکدن نهى ايله ابوجهلى تحقير ايتمشدر . ابوجهلک باشليجه مراقى  
نماز اولديغنى حالده جناب حق آنک مرضيسى خلافته نمازله وسجده ايله امر ايتمشدر .

..

واجب تعالى رسولنه سجده ايله امردن صوكره تقرب ايتمى امر ايتمک اوزره  
﴿ وَاقْرَبْ ﴾ بيوريور .

[ سن ربکه قربيت طلب ايت . ]

يعنى ؛ هر نه قدر ابوجهل سنی ربکدن اوزاقلاندير مق ايتستده سن نماز وسجده  
ايله ربکه مرتبه کى ياقلاندير .

جناب حق بوآيتده رسولنه قربيتله امر بيوردي . زیرا ؛ قولک خلوص قلبه عبادت  
ايتمى قربيت معنويه سنه سييدر و تقربله امر ؛ معاونت الهيه سنى وعدى متضمندر . زیرا ؛



« بکا یقین اول ، دیمک » سن بنم حفظ و حمایہ مدہ سک ، دیمکدر . شو حالده بو آیتده واجب تعالیٰ نك اطاعتدن نهیده و سجده و قریتله امرده رسولی تشجیع و مرتبه سی اعلا اولدینی کبی خصم لرینی ده تحقیر و تزدیل واردر .

سورة قدر

مکة مکرمه ده نازل اولان سورة لردندر . بسمه آتی جامعدر ،

بِسْمِ اللّٰهِ الرَّحْمٰنِ الرَّحِیْمِ

اِنَّا اَنْزَلْنَاهُ فِیْ اَیْنَلَةِ الْقَدْرِ

[ محقق بزعظیم الشان قرآنی عالی برکیجه ده ایندیردک . ]

یعنی ؛ جهالت قار انقلرندن انسانی قور تاره حق یوللرینی بیلدیرن قرآنی بز لیلہ قدرده انزال ایتدک .

قرآنک عظمت شانہ و فخامت شرفه و شهرت شایعه سنه اشارت ایچون قرآنک انزالی واجب تعالیٰ ذاته حصر ایتدیکی کبی ذکر ی کچمه دیکی حالده غائب ضمیری ایراد بیور مشدر . زیرا ؛ مرجع معین اقتضا ایدن ضمیر غائبی ، ذکر ی کچمه ی قرآندن کنایه قیلحق قرآنک هر کس عننده قدر و شرفی و شهرتی اولدیغنه اشارتدر . کذلک کیچهلر ایچندن قدری عالی و شان و شرف صاحبی بر کیجه ده انزال اولونمسی ده قرآنک عظمتنه دلالت ایدر . فخر رازی و بیضاوینک و ابوالسعود افندیکن بیانلری وجهله قرآن لوح محفوظدن کره ارضی احاطه ایدن برنجی سایه رمضانک لیلہ قدرنده انزال اولونمشدر . لیلہ قدری رمضان کیمزلرنه بربر . زیرا دیگر آیتده رمضانده و بو آیتده لیلہ قدرده انزال اولوندیغنی بیان ایتدک ؛ لیلہ قدرک رمضانده اولسنه دلالت ایدر . چونکه ؛ رمضانده اولسه آیتلر بیننده تناقض اولق لازم کلیر ، تناقض ایسه باطلدر . لیلہ قدر قیامته قدر بو امت اوزرنده باقی در . عصر سعاده مخصوص اولدیغنه دائر روایت مجروحدر . هر مکلف

هر کیجه یی لیلہ قدر اولق احتماله بنه . احیا ایتسون ایچون جناب حق لیلہ قدری کیزله مشدر و اکثر روایتله نظر آ لیلہ قدر رمضانک یکر میسندن صوکره و بالخاصه یکر می یدنجی کیجه یی اولق احتمالی غالب ایسه ده قطعی بر دلیل یو قدر .

..

واجب تعالیٰ قرآنک انزال اولوندیغنی لیلہ قدرک عظمتنی بیان ایتدک اوزره

وَمَا اَدْرٰیكَ مَا لَیْلَةُ الْقَدْرِ

[ یا اکرملرسل ! نه شی بیلدیردی سکا ، لیلہ قدر هانکی شیدر ؟ ]

یعنی ؛ لیلہ قدرک عظمتنی و او کیجه اولان خیرات و حسناتک در جاتی سکا هانکی شی بیلدیردی ؟ زیرا ؛ او کیجه مک علو قدرینی ادراک ایتدک عقول بشردن خارجدر . بنه علیه ؛ او کیجه مک مزیتنی قوللرینک ادراک ایده بیله جکی درجه ده جناب حق بو سورده ده اوج مہرته بیان بیوردی .

..

واجب تعالیٰ اوج جهتدن برنجیسی بیان ایتدک اوزره لَیْلَةُ الْقَدْرِ خَیْرٌ مِّنْ اَلْفِ

شَهْرِ

[ لیلہ قدر بیک آیدن خیر لیدر . ]

یعنی ؛ قرآن نازل اولان کیجه کندیسنده لیلہ قدر بولونمایان بیک آیدن خیر لیدر . فخر رازینک بیانی وجهله بو کیجه مک فضیلت و مزیتی عند السیده موجود اولونجه بیک آیده بولونمایان فضیلتک او کیجه ده موجود اولسی اوزاق دکدر . چونکه ؛ قباح و عبادتک زمانه و مکانه و سائر اسبابه نسبتله ثواب و عذابه آثارینک اختلافی محققدر . بنه علیه ؛ جماعتله نمازک یالکز قیلنن نمازه نسبتله ثوابک یکر می یدی درجه زیاده اولسی بو خصوصه دلیل یونندن کافیدر . حالبوکه زحمتده ایکیسی ده مساویدر ، آنحق اجری و یرن و جماعتی امر ایدن الله تعالیٰ در . دیله دیکی کبی احسان ایدر کیمسه قاریشاماز . زمانه و مکانه شرف و یرمک خلق انواع عبادته ترغیب ایتدک ایچوندر . چونکه ؛



واجب تعالیٰ نك قوللرینه لطفی بعض کره عمللرینه ایکی و بعض آخرده اون و بعض دیگرده  
یدیوز قات اجر و یرمکه اولدینی کبی بعض کرده عبادتک مکانی اعتباریه اولور . مثلاً  
کعبه نك ارضک بر قطعه سی اولق اعتباریه دیگر بلده لردن فرقی اولدینی حالدہ جناب  
حقک او قطعه مبارکده و یرمش اولدینی شرف و حج کبی مهم بر عبادتک اداسی اومکانه  
منحصر اولسینه دیگر بلده لر اوزرینه ترجیح اولونمش و او مکانه وقوع بولان عبادتک  
سائر بلادده وقوع بولان عبادتک اوزرینه فضیلت و مزیتی بیان اولونمشدر . کذلک رمضان  
آینک سائر آیلر اوزرینه و جمعه نك سائر کونلر اوزرینه و لیله قدرک سائر کیجه لر اوزرینه  
ترجیح اولونمشده بوقیلنددر . بونلرک جمله سندن مقصد ؛ قولی رضاسنه دعوت و عبادت  
ایدن کیمسه لرک عجز لرینی نظراً اعتباره آلوب درگاه الوهیتک عظمتنه قارشی عجزینی اقرار ایدهدرک  
أل آجان یچاره لرک آزیجق عمللرینه بر جوق احسانله زمان بزمان آنلری تلطیف ایتمکدره .

..

واجب تعالیٰ لیلہ قدرک ایکنجی فضیلتی بیان ایتک اوزره ﴿ تَنْزِلُ الْمَلَائِكَةُ وَالرُّوحُ  
فِيهَا بِإِذْنِ رَبِّهِمْ مِنْ كُلِّ أَمْرِ ﴾ بیوریور .

[ ملکر و جبریل هرامر ایچون ربلرینک اذنیله او کیجه ده نازل اولور . ]

یعنی ؛ لیلہ قدر او یله بر مبارک کیجه درکه او کیجه ده سمان بر یوزینه مؤمنلری  
زیارت واستغفار ایتک اوزره جبریل امینله برابر ملکر دنیا به و آخرته متعلق هرامر ایچون  
ربلرینک اذنیله اینلر و اهل ایمانی زیارت و یر یوزینی و عبادلرک عبادت لرینی سیر و تماشا  
ایدرلر . چونکه آنلرک یر یوزینه اینلرینک سببی ؛ مؤمنلرک عبادت لرینی کورمک و آنلره  
استغفار ایتمکدر . یاخود یر یوزنده کندیلری ده عبادت ایتک ایچون اینلر . چونکه ؛  
بعض روایت نظرآ او کیجه آنلرک یر یوزینه اینوب عبادت ایتلری آنلر ایچون اهل اسلامک  
کعبه یه کیدوب حج ایتسی کیدر .

بوآیت بوندن اولکی آیت دلیل مقامنده در و تقریری شویله در : « لیلہ قدر بیک آیدن  
خیرلیدر . زیرا لیلہ قدرده ملکر و رحمت الهیه نازل اولور . هر کیجه که کند یستده

ملکر و رحمت الهیه نازل اولا ، او کیجه بیک آیدن خیرلیدر . بناء علیه ؛ لیلہ قدر  
بیک آیدن خیرلی ، دیمکدر . روح ایله مراد ؛ میرا ئیل اولمیه احتمالی اولدینی کبی  
فخر زازینک بیانی وجهله بر بوبوک ملک و یاخود ملکرده بر طائفه و یاخود قرآنیه و یاخود  
رحمت الهیه اولق احتمالی دخی واردر .

بو آیتده رب کلمه سنک ملکرده مضاف اولسی ملکرک ثانیه و شرقیه اشارت ایچوندر  
و هر بر لرینک اذن الهی ایله نازل اولوب اذن الهی اولمایانلرک نازل اولامیه جقلرینه  
اشارت اولونمشدر .

..

واجب تعالیٰ لیلہ قدرک اوچنجی فضیلتی بیان ایتک اوزره ﴿ سَلَامٌ هِيَ حَتَّىٰ مَطْلَعِ

الفجر ﴾ بیوریور .

[ سلامتدر او کیجه کون طوغونجه به قدر . ]

یعنی ؛ لیلہ قدر مؤمنلر ایچون خیر و سلامتدرکه او کیجه ده شر اولماز و بوسلامت ،  
صباحک ظهورینه قدر دوام ایدر . شومعی ؛ لیلہ قدرک شر و آفادن سلامت اولدیفنه نظرآ  
سوم لفظنک سموت معاسنه اولدیفنه بناء در . یاخود لیلہ قدرده ملکر طرفندره اهل ایمانه  
و بر بیان سومک هر قلفه بناء او کیجه به سوم دنیلیمشدر . یاخود سلام ؛ سالمه معاسنه در .  
چونکه ؛ او کیجه اهل ایمان ، لطف الهی اولارق انسانلره طوقونوجی روزگار و هلاک  
ایدیجی زلزله و بیلدیریم کبی آفتلردن سالم اولدینی ایچون او کیجه ، مؤمنلره اذی و یره جک  
شیلردن سالمه دیمکدر .





سورة بینه

مدینه منورهده نازل اولان سوره لر دندر . سکر آتی جامعدر .

بِسْمِ اللَّهِ الرَّحْمَنِ الرَّحِيمِ

﴿لَمْ يَكُنِ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ مُنْفَكِينَ حَتَّى تَأْتِيَهُمُ الْبَيِّنَةُ﴾

[ اهل کتابدن و مشرک کردن کافر اولان کیمسه لر کندیلرینه بینه قیلندن اولان رسول کلنجیه قدر ایماندن آریلیجی اولمادیلر . ]

یعنی ؛ کرک یهود و نصارادن و کرک پوتہ طابان مشرک کردن کافر اولان کیمسه لر رسول الله ایمان و اتباع ایدہ جکلیرینه دائر اولان وعد و اعتقاد لرندن آریلما دیلر و بو اعتقادده دوام ایتدی لر حتی رسول الله کندیلرینه کلنجیه قدر .

ابو السعود افندیکن و فخر رازیکن بیانلری وجهله اهل کتاب رسول الله وصفی و مناقب جلیله سنی کتابلرنده کورورلر و آخر زمانده بعث اولونا جغنی بیلیرلر و نبوته ایمان ایدرلر دی . مشرک کردن بعضیلری ده اهل کتابدن ایشیتیرلر و بویله بر رسولک ارسال اولونا جغنه اعتقاد ایدرلر و بو ایمان و اعتقاد لرندن آریلما زلردی . حتی اهل کتاب رسول الله بعثنی بکیرلر و ظهورنده عسکر اولوب سایه سنده سایه بان اولمسی آرزو ایدرلر دی . بو ایمان و آرزولری دوام ایتدی ، بینه قیلندن اولان معجزه لری ایله رسول الله کندیلرینه کلنجیه قدر . و قناکه افق نبوتدن رسول الله طلوع ایدنجه ایماندن آریلما دیلر و حسدلرندن ناشی کتابلرنده اولان اوصاف رسول اللهی تغییر ایتدی لر .

بو مقامده بینه ایله مراد ؛ رسول الله و یا خود رسول الله رسالت دولت ایدر معجزه لریدر .  
( حتی ) کله سی غایت ایدر . یعنی « بونلرک ایمانلری دوام ایتدی ، رسول الله و یا خود

رسول الله برابر معجزه لری کلنجیه قدر ، دیمکدر . زیرا ؛ بینه ظاهره قیلندن اولان رسول الله کلنجیه ایمانلری زائل اولمشدر .

یا خود معنای آیت : [ اهل کتابدن و مشرک کردن کافرلر متصف اولدقلری کفرلرندن آریلما زلر ، کندیلرینه بینه ظاهره قیلندن اولان رسول کلنجیه قدر . اما رسول کلوب آنلره حقله باطل بینتی تفریق ایدرک دوغری یولی کواسترنجه قبول ایدنلری کفرلرندن آریلما دیلر ] دیمکدر . فقط رسول الله بیان بوردینی حقیقی هدی قبول ایتیه یوب بعضیلرینک قبول ایتدیکنه اشارت ایچون بعضه معناسنه دلالت ایدن ( من ) لفظیله وارد اولمشدر . بو آیتده کافر ؛ ایکی قسمه تقسیم اولونمشدر : زیرا ؛ اساس اعتباریله دنیا ده موجود

کافرلر یا اهل کتاب و یا اهل شرک اولماق اعتباریله ایکیدن خالی دکدر . بعض مفسرین بو آیتده ( حتی ) کله سی ( انه و صلیه ) معناسنه مبالغه ایدر دیدیلر . بوکا نظراً معنای آیت : [ اهل کتابدن و اهل شرکدن بعضیلری متصف اولدقلری کفرلرندن آریلما زلر و لوسه آنلره ظاهره و باهر بینه بیله کله سینه کفرلرندن واز کچمز و آریلما زلر . زیرا ؛ کفرلری حسدلرندن ناشی عنادیدر . بناء علیه ؛ دونمز لر اصرار ایدرلر ] دیمکدر .

اهل کتاب علمادن اولوب رسول الله اوصافنه کتب سماویه واسطه سیله تمامیه واقف اولمقله برابر کفر ایتلری سائرلرینک کفرلرینه اساس اولدینی جهتله کتب سماویه واقف اولمایان اهل شرکک کفرلرندن ده فنا اولدیغنه اشارت ایچون بو آیتده اهل کتاب تقدیم اولونمش و اهل کتابله مشرککر بیتده فرق اولدیغنه اشارت ایچون مشرک اهل کتاب اوزرینه عطف ایدلشددر . چونکه عطف ؛ معطوف اولان مشرککرک معطوف علیه اولان اهل کتابه مغایر اولدیغنه دلالت ایدر . بناء علیه ؛ بر مؤمنک کتابیه اولان خاتونی نکاح ایتیمی جائزدر و لکن مشرکه اولان برخاتونی نکاح لانسیمی جائز دکدر .

..

واجب تعالی بینتی تعریف ایتک اوزره ﴿رَسُولٌ مِنَ اللَّهِ يَتْلُو صُحُفًا مُطَهَّرَةً﴾

پیوریوری .



[ او بینه طرف الیهیدن مؤید رسولدرکه کافرلر اوزرینه قرآنی جامع اولان صحیفه لر اوقورکه او صحیفه لر باطل اولان شیلرک جمله سندن پاک و نزهتدر ]  
ابوالسعود اقدینک بیانی وجهله رسول؛ یزیده برل و تفسیر ایموره کلمه رسول اللهک شانسه تعظیم ایچون نکره اولارق وارد اولمشدر. چونکه (رسول) لفظنده کی نوبه، تعظیم ایموره. صحف ایله مراد؛ قرآن یازیموره صحیفه لر ایسه ده بومقامده قرآن و قرآنک شامل اولدیغنی اظام مقصوددر. چونکه رسول اللهک تلاوت بیوردیغنی شی؛ صحیفه دکدر بلکه صحیفه نک مشتمل اولدیغنی قرآن و آنک جامع اولدیغنی اظامدر. زیرا قرآندن مقصود؛ اظامی جامع اولاره الفاظدر، یوقسه احکامدن خالی یالکز الفاظ دکدر. قرآن، علیم اولان الله تعالی طرفندن انزال اولوندیغنی ایچون جمیع رذائلدن و قبیح ویالاندن پاک اولدیغنه بناء طهارت ایله توصیف اولونمشدر. بناء علیه؛ قرآن رذائلدن پاک اولدیغندن طهارت اوزره بولونمایان جنب و حائض اولانلر و آبدستی اولمایانلر طرفندن قرآن یایشمق جائز اولماز. چونکه؛ مقدس و طاهر اولان برشی ملوث اولان آله لایق اولامیه جغندن جناب حق او مثللو کیمسه لک یایشماسندن قرآنی محفوظ قیلمش و قرآنک علوبتی اعلان ایتمشدر. رسول اللهک هر امری ظاهر و اخلاق حمیده سی هر کسی الزام ایده جک بر درجده اولدیغنی کی معجزه لری غایت آچیق و چوق اولدیغندن جناب حق رسولنه بینه اطلاق ایتمشدر. چونکه بینه؛ مهمی الزام واسطه لانی شهادت و دلیل دینوب رسول الله ایسه جمله دشمنلرینی الزامه کافی اولدیغنی جهته حقیقی بر بینه اطلاقه سزادر. شو حالده جناب حق پیغمبریمیزی رسول اولسنی بیان و او رسولک طرف الیه سندن کوندرلدیکنی اعلان و خلقی ارشاد ایچون قرآنی جامع صحیفه لری تلاوت ایتدیگنی و او صحیفه لر احکام باطله دن طاهر اولدیغنی و رسولنک خصم لرینی الزام ایدر بر بینه اولسنی بیانه رسولنک شانی و عظمتی اعلان بیورمشدر. بو آیت؛ رسول اللهک بینه اولدیغنه دلیل مقامنده درو تقریری شویله در: « پیغمبر بینه در. زیرا؛ الله تعالی طرفندن مبعوث رسولدر. هر کیمسه که الله تعالی طرفندن مبعوث رسول اولا، بینه در. بناء علیه؛ پیغمبر بینه در » دیمکدر.

..

واجب تعالی رسولنک اباطلدن طاهر صحیفه لری تلاوت ایتدیگنی بیاندن صوکره او صحیفه لرده یازیلی اولان احکامک عادل و دوعری اولدیغنی بیان ایتک اوزره ﴿ فیها کُتِبَ قِیمَةٌ ﴾ بیوریور.

[ صحیفه لرده یازلمش اولان احکام دوعریدر. ]

یعنی؛ رسول اللهک تلاوت ایتدیکی صحیفه لرده یازلمش و احکامی جامع آیتلر موجوددرکه او آیتلرک تضمن ایتدیکی احکام عین عدالتدر. زیرا؛ هر شخصک حقوقی تأمین ایدر. او احکام؛ مستقیمدر. زیرا؛ اگر یلک یوقدر. او احکام؛ قائمه و مستقردر. زیرا؛ یالکز اولدیغنی حالده خصمه غلبه ده کافیدر. شو جمله؛ صحفک صفت مادحه سی درو طهارته دلیلدر. یعنی رسولک تلاوت ایتدیکی صحیفه لر اباطلدن منزهدر. چونکه؛ او صحیفه لرده عدالت اوزره احکام موجوددر. هر صحیفه که عدالت اوزره احکام موجود اولا، او صحیفه اباطلدن منزهدر. بناء علیه؛ رسولک تلاوت ایتدیکی صحیفه لر اباطلدن منزهدر.

..

واجب تعالی کافرلری ایکی قسمه تقسیم بیوردقدن صوکره اهل کتابک کتابلرنده پیغمبرک حق اولدیغنی کوردکاری حالده کفرلری ده ا زیاده ذمه شایان اولدیغنی جهته آنلری آریجه ذم ایتک اوزره ﴿ وَمَا تَفَرَّقَ الَّذِينَ أُوتُوا الْكِتَابَ إِلَّا مِنْ بَعْدِ مَا جَاءَتْهُمْ الْبَیِّنَةُ ﴾ بیوریور.

[ اختلاف ایتهدی شول کیمسه لکه آنلره کتاب ویرلدی، الا کندیلرینه رسول عظیم و یا خود قرآن کریم کلدکدن صوکره اختلاف ایتدیلر. ]

یعنی؛ جانب الیهیدن کندیلرینه نیلری طرفندن کتاب ویریلن اهل کتاب هیچ بر زمانده پیغمبره ایمان و رسالتی تصدیقه اختلاف ایتهدیلر. جمله سی کتابلرنده بیان اولوندیغنی وجهله ایمانده اتفاق ایتشلر و ظهورنده اتباع ایده جک لری اقرار و یرمشلردی. الا بینه قیلندن اولان رسول معظم کندیلرینه کلوب احکامی تبلیغه باشلا یوب خلق دینه



دعوت ایدنجہ نصاری و یہود دینلرینک نسخ اولونا جغنه و بعض منفعلرینک فوت اولاجغنه تحمل ایدہ میہ رک عصیت و حسد لری غلیانہ کلہ رک ایمانده اختلاف ایتدیلر . زیرا ؛ بعضیلری انصاف اوزرہ ایمان و بعضیلری ده منفعت دنیویہ بی ارتکابلہ کفر ایتدیلر . بناءً علیہ ؛ بوجہ تہ آرمہ لرنده تفرقہ حاصل اولشد . حالو کہ رسول اللہ نبوتی اظہار ایتزدن اول جملہ سی آخر زمان نبیسنہ ایمانده متفقدردی . چونکہ ؛ جناب حق تورآندہ وانجیلده رسول اللہک اوصافی بیان بیوردیغندن او بیان اولونان اوصاف اوزرہ بعث اولوناجق رسولک حقا رسول اولدیغنه ایمان ایتمشلرایکن رسول اللہ نبوتی اظہار ایدنجہ حسد لری قابارارق کفر ایتدکلری کبی کتابلرنده ذکر اولونان اوصافی تبدیل و تغیر ایتمکہ قدر جسارت ایتمشلر و برچوق کیمسہ لک ضلالتلرینہ دخی سبب اولمشلردر . ایشته شوقفصیلادن آکلاشیلدینی وجہ اوزرہ اهل کتاب کفری بیلدکلری حالده حسدلرندن نشأت ایتدیکی ایچون مشرکلردن دها زیادہ ذمہ شایاندلر .

فیخر رازینک بیانی وجہله بو آیتده رسول اللہی تسلیہ واردر . یعنی « ای حبیب ! اهل کتابک اختلافی سکا حزن و یرمہ سون . زیرا ؛ آنلرک اختلاف و کفر لری سنک دلیلر کده قصور اولدیغندن دکلدر ، بلکہ عناد و حسدلرندندر . چونکہ ؛ آنلرک کندیلرینہ آچیق و واضح دلیلر کلدکن صوکرہ کفر ایتمک آنلرک اسکیدنبری کوتو عادتلرندندر . شو حالده آنلرک حاللری سکا کدر و یرمہ سون » دیمکدر .

\*\*

واجب تعالی اهل کتابک کفرلرینک سببی و تفرقہ لرینک بینہ کلدکن صوکرہ اولدیغنی بیانله ذم ایتدکن صوکرہ آنلرک حرکترلری کندی کتابلرینہ دخی مخالف اولدیغنی بیانله بر قات دها ذم ایتمک اوزرہ ﴿ وَمَا أَمْرُ الْإِلَهِ بِغَبْدُ وَاللَّهِ مُخْلِصِينَ لَهُ الدِّينَ حَقَّاءَ ﴾ بیوریور .

[ آنلرہیچ بر شی ایچون امر اولونمادیلر ، الا ادیان باطلہ دن دین حقہ میل ایدیچی واللہ تعالی ایچون دینہ اخلاص ایدیچی اولدقلری حالده اللہ تعالی بہ عبادت ایتمکک ایچون امر اولوندیلر . ]

یعنی ؛ اوکافرلر کندی کتابلرنده شیلردن هیچ برشی ایچون امر اولونمادیلر ، آنجق ادیان باطلہ دن حق اولان دین اسلامہ میل ایدیچی اولدقلری وریا و شرک کبی شیلری قاریشدر مقبضین دینی اللہ تعالی بہ تخصیص ایدہ رک نیت خالصہ ایله اللہ تعالی بہ عبادت ایتمک ایچون امر اولوندیلر .

فیخر رازینک بیانی وجہله بو آیتده امر ایله مراد ؛ نورانہ و انجیلده اهل کتاب وارد اولوہ امر اولوہ احتمالی واردر . چونکہ ؛ بو آیتده بیان اولونان احکام اهل کتابک کتابلرنده دخی موجود اولدیغندن بوآیت آنلرک کتابلرنده اولان احکامی حکایہ ایتمش اولور و بو احکام بزده عین شریعت اولور . زیرا ؛ بزدن اول کچن امتلرک شریعتلرینی جناب حق کتابنده و یاخود رسولی حدیثنده بیان بیوردیغنده بزہ عین صورتده شریعت اولور . بوکا نظراً معنای آیت : [ اهل کتاب کندیلرینہ آچیق صورتده دلالت ایدن بینہ کلدکن صوکرہ اختلاف ایتدیلر . حالو کہ آنلر کندی کتابلرنده هیچ برشیلہ امر اولونمادیلر ، آنجق باطلدن حقہ میل ایدیچی وریادن و سمعہ دن عاری واللہ تعالی نک رضاسی ایچون دینہ اخلاص ایدیچی اولدقلری حالده اللہ عبادتله امر اولوندیلر . سکا اطاعت ایسہ کندیلرینہ امر اولونان عبادت جملہ سندندر . بناءً علیہ ؛ سکا مخالفتلری کندی کتابلرینہ مخالفت اولدیغنی جہتله کندی کتابلرینک احکامی ترک ایتمش اولورلر ] دیمکدر . یاخود بو آیتده امر ایله مراد ؛ لسانہ محمد علیہ السلام اوزرینہ قرآنہ وارد اولوہ

امر اولوہ احتمالی واردر و بو احتمال راجحدر . چونکہ بو احتمالہ نظراً آیتدن مقصد ؛ یکی بر شریعت تأسیس ایتمکدر ، یوقسہ اسکی شریعتی تأکید دکلدر . یکی شریعتی تأسیس ایتمک ایسہ اسکی شریعتی تأکیددن خیرلیدر . شو احتمالہ نظراً معنای آیت : [ یا اکرملرسل ! اهل کتاب سکا ایمانده اختلاف ایتدیلر . حالو کہ قرآنده اهل کتاب هیچ برشیلہ امر اولونمادیلر ، آنجق باطلدن حقہ میل ایدیچی اولدقلری حالده اخلاص اوزرہ اللہ تعالی بہ عبادتله امر اولوندیلر . بو ایسہ مخالفت ایجاب ایتمز ، بالعکس موافقت ایجاب ایدرکن مخالفتلری دنائت طبعتلرینک اقتضاسیدر ] دیمکدر .

بوآیت ؛ عبادتہ نیت لازم اولدیغنه دلالت ایدر . زیرا اخلاص ؛ نیت مبالغہ معانسندهدر .



بناءً علیه؛ مأموره اولان عبادتلك جمله سی نیتله مقید اولدیغندن نیتله مقارن اولورسه معتبر اولور، اکر نیتله مقارن اولمازسه نظر شرعه معتبر اولماز. ایشته بو اساسه بناءً شافعی، مالکی وحنبلی عندنده آبدسته نیت شرط اولدیغندن نیتسز آبدست جائز اولماز. اما حنفی عندنده نیت آبدستك سنتدن اولوب شرطندن اولمادیغندن نیتله مقارن اولمایان آبدست ثوابی اولمازسه ده نماز جائز اولور. یالکیز نیت کافی اولمایوب بلکه نیتله اخلاص لازم اولدیغه اشارت ایچون آیتده نیتدن اخلاصه تعبیر اولونمشدر. نیتله اخلاصك لزومه بناءً برکیمسه نك آتاسنه و باباسنه و اولادینه زکاتی و یرمسی جائز اولماز. چونکه؛ بونلره و یریلن زکاتده اخلاص اولماز. زیرا اخلاص؛ آنجه رضاء باری بی قصه ایتمکدر. اصول و فروعنه و یریلن زکاتده ایسه مقصد آنلری اغنا ایله کندنی منفعتی تأمین ایتمکدر، یوقسه رضاء باری دکلددر.

بو آیتده حنفاء؛ عقائم باطلدرسه حق میل معناسنه اولدیغنی کبی هیچ ایمجهلمر معناسنده اولایلیر. بوکا نظراً معنای آیت: [حج ایدیجی اولدقلری حالده عبادتله امر اولوندیلمر] دیمکدر. شو معنایه نظراً بو آیتده حج، ارکان عبادتدن نماز و زکات اوزرینه تقدیم اولونمشدر. زیرا حج؛ عبادت مالیه و مینیری جامع اولدیغندره یالکیز عبادت بدنیه اولان نماز و یالکیز عبادت مالیه اولان زکات اوزرینه تقدیم اولونمشدر. چونکه هر ایکیسنده اولان مزایای جامعدر. یاخود حنفاء؛ جمیع انبیایه ایمانه ایمجهلمر دیمکدر. بوکا نظراً معنای آیت: [اهل کتاب نیت خالصه ایله جمیع انبیایه ایمان ایدوب هیچ برینی تفریق ایتمه ییجی اولدقلری حالده عبادتله امر اولوندیلمر] دیمکدر. زیرا؛ انبیادن بعضیلرینه ایمان ایتمه مک جمله سنه ایمان ایتمه مک کبی اولدیغندن بعضیسنه ایمان سبب نجات اولماز. بناءً علیه؛ افضل انبیا اولان آخر زمان نیسنه ایمان ایتمه نجه سائرلرینه ایمانلری معتبر دکلددر.

..

واجب تعالی عبادتله امر اولوندقلری اجمالاً بیاندن صوکره عبادتک بعضیلرینی تفصیل ایتمک

اوزره ﴿وَيُقِيمُوا الصَّلَاةَ وَيُؤْتُوا الزَّكَاةَ وَذَلِكَ دِينُ الْقِيَمَةِ﴾ بیوریور.

[اهل کتاب نماز قیلحق و زکات و یرمکه دخی امر اولوندیلمر. ایشته شو امر اولوندقلری شی دوغری بر دیندر.]

یعنی؛ اهل کتاب ادیان باطله دن دین حقه میل ایدیجی و یاخود حج ایدیجی اولدقلری حالده نیت خالصه اوزره عبادت و معرفت الهیه ایله امر اولوندقلری کبی ارکان دیندن و عبادت بدنیه دن عبارت اولان نماز قیلحقله و عبادت مالیه دن عبارت اولان زکاتی و یرمکه دخی امر اولوندیلمر. ایشته مأمور اولدقلری شیلرک جمله سی مستقیم بر دیندرکه اصلاً اکر یلک یوقدر.

فخر رازینک و ابوالسعود افندینک بیاتلری وجهله شو بیان اولونان احکامک شانه اهتمام ایچون بهیمه و بهمر مراتبه موضوع اولان (ذلك) لفظی وارد اولمشدر. بو آیتده بیان اولونان احکام؛ اساس اولاره اعتقادیاتی و فروع اعمالدره ماله و بدنه فعلیه ایدره عباداتی و عباداتک روحی مثابه سنده اولاره اضروص اوزره شامل اولدیغندره انبیا تک مادی و معنوی، دنیوی و اخروی مصالحنی کسب خصوصنده قائم اولان شوا حکامه قیم دینمشدر. چونکه قیم؛ مصالح مهمیه و عاجزلرک امورینه نظارت ایدوب لایقیده نسوبه ایدره کیمسه دیندیکی کبی انسانک امورینی لایقیده تنظیم ایدره اعظامه دخی دنیلور. زیرا؛ انسان قلبله قالب دن مرکب مجموع اعضاء بدن اولدیغنی کبی دین ده اعتقادله عملدن مرکب برشی اولدیغندن جناب حق مجموعنه و بهر قیم بیورمشدرکه طریق مستقیم دیمکدر. دین؛ اعتقاد و عملدن مرکب اولونجه اهل کتابک اعتقادی ترک ایدره رک عبادتلی فائده و یرمه دیکی کبی فرق خاله دن مرجئه نك یالکیز ایمان کافیدر دییه رک فروع اعمالی اهل ایتملری ده خطادن سالم اولما دیغنی اثبات ایتمکده بو آیت کافیدر. زیرا؛ آیتده بیان اولوندیغنی وجهله دین قیم؛ اعتقاد و اضروص و عملدره عبارت اولونجه بونلردن بریسی نقصان اولورسه دین قیم اولماز. شو حالده نقصان دین؛ صاحبنی سلامتیه ایصال ایده من.

..

واجب تعالی سورہ نك اولنده ابتداء کافرلرک دنیاده حالرینی و ثانیاً مؤمنلرک حالرینی



بیانن صوکره سورہ نک آخرندہ اولاً کافر لک آخرتہ کی حاللری و ثانیاً مؤمنلک حاللری  
بیان ایتک اوزره ﴿ إِنَّ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ فِي نَارِ  
جَهَنَّمَ خَالِدِينَ فِيهَا أُولَئِكَ هُمْ شَرُّ الْبَرِيَّةِ ﴾ بیوریور .

[ شول کیمسہلرک کافر اولدیلر . آنلر اهل کتابدن و مشرکلردن ابدآ جهنمده  
قالیجی اولدقلری حالده آنلر جهنم آتشنده درلر . ایشته شو جهنم آتشنه کیرن کافرلر  
مخلوقاتک الک زیاده شرلیسی اولانلردر . ] زیرا ؛ بونلر نبوت محمدیهی حسدلرندن ناشی  
انکارله و یاخود پوته طایبق صورتیله کفری اختیار ایدوب جناب حقک ویرمش اولدیغی  
نعمتلك شکرینی ترک ایتدکلرندن ناشی مخلوقات ایچنده الک کوتولریدر .

فخر رازینک بیانی و جهله اهل کتاب، خیرسزلردن شرلیدرلر . زیرا ؛ خیرسزلرک  
سرقلری دنیا متاعنده در . اهل کتاب ایسه رسول اللهک اوصافنه متعلق اولان احکامی  
توراتدن و انجیلدن سرقت ایتدکلرندن احکامی سرقت، دنیا متاعنی سرقت البته نسبت قبول  
ایتمز . چونکه ؛ احکامی سرقتک جزایی آغیردر .

بونلر قطاع طریقندن شرلیدرلر . زیرا ؛ بونلر ایمان ایدو جکلرک یوللری کسدکلری  
ایچون طریق دینی قطع ایتدکلری جهتله دنیایه متعلق اولان قطع طریقندن دها اشنع  
اولدیغنده شبهه یوقدر .

بونلر جهلادن ده کوتولردر . زیرا ؛ بونلر حق عن جهل انکار ایتدکلرندن عن علم  
انکاردن اهوردر . بناء علیه ؛ علماء سوء هر زمان جهلادن زیاده تویخه شایاندلرلر .

تائب و مستغفر اولانلر بو آیتک احکامندن مستثنا اولدقلری ایچون توبهیه متعلق اولان  
آیتلرله بو آیت تخصیص اولونمشدر . بناء علیه ؛ آیت عموم اوزره جاری دکلدر و کافرلرک  
عمللری منحصرأ شر اولدیغنه اشارت ایچون مصره دلالت ایدن ضمیر فصل ایله وارد  
اولمشدر . بو آیت بعثت نیدن صوکره اولان کافرلرک شرلری بیان حقنده اولدیغندن  
بریه بونلردن اول کچن مخلوقاته شامل دکلدر . زیرا ؛ فرعونک شری بونلردن دها زیاده دره

..

واجب تعالی کافرلرک آخرتہ کی حاللری بیانن صوکره مؤمنلک حاللری بیان ایتک  
اوزره ﴿ إِنَّ الَّذِينَ آمَنُوا وَعَمِلُوا الصَّالِحَاتِ أُولَئِكَ هُمْ خَيْرُ الْبَرِيَّةِ ﴾ بیوریور .  
[ شول کیمسہلرک آنلر ایمان ایتدیلر و عمل صالح ایشله دیلر . ایشته آنلر محقق  
اولارق مخلوقاتک خیرلیسیدرلر . ]

یعنی ؛ شول کیمسہلرک پیغمبرک نبوتی تصدیق و دعوتنه اجابت و دینی قبول ایله  
ایمان و اللهک رضاسنه ایصال ایدیجی اعمال صالحه ایله ایمانلری تزیین ایتدیلر . ایشته شو  
ایمانی و عملی جمع ایدن کیمسہلر محقق مخلوقاتک خیرلیسیدرلر . زیرا ؛ بونلر اسلامک  
حامیسی بولوندیغی زمانده بازار اسلامی احیا صدندنه بذل اموال و فدای جان ایتدکلرندن  
فضیلت عظمايه مستحق اولدیلر و غیر البریه عنوانی آلدیلر . چونکه ؛ احتیاج زماننده  
معاونتله احتیاج اولمادیغی زمانده معاونت بیتنده بویوک فرق واردر . ایشته بو اساسه  
مبیدرک مکہنک فتحندن اول ایمان ایدنه آدن صوکره ایمان ایدنلر بیتنده هیچ بر زمانده  
مساوات آرانامش و ادعا ایدن ده اولمامشدر . بناء علیه ؛ اول ایمان ایدن، اصحاب رسول الله  
آره سنده هر زمان هر خصوصده تقدیم اولونمشلردر و بومعنائی هر شخص کندی نفسنده بولدیغی  
جهتله قابل انکار دکلدر . زیرا ؛ کمال شدتله محتاج اولدیغی زمانده احتیاجنی دفع ایدنه محتاج  
اولمادیغی زمانده معاونت ایدن بیتنده نفسنده بر فرق بولق هر کس ایچون ضروریدر .

بو آیتده مؤمنلر ایله مراد ؛ بشردیه مؤمنلر دییه نلر بشرک ملکدن افضل  
اولدیغنی استدلال ایتشلر سده بو مسئله مختلف فیها بر مسئله در . طرفینک دلیللری علم  
کلامده مذکور اولدیغندن بومقامده بومسئلهیه دائر دلیللری ذکرله بحثه لزوم کوروله مشدر .  
شوایکی آیتده کافرلرک متعلق اولان وعید و تهدید اهل ایمانه متعلق اولان وعد اوزرینه  
تقدیم اولونمشدر . زیرا تهدید ؛ خستیه دوا و عدایسه غذا مثابه سنده در . دواي غذا اوزرینه  
تقدیمده هیچ کیمسه شبهه ایتمز . چونکه ؛ خسته بدن غدادن اول دوا دن انتفاع ایدر . بو آیتده  
عمل ایمانک غیری اولوب ایمانن جزؤ اولمادیغنه اشارت ایچون عمل ایمان اوزرینه عطف  
اولونمشدر .

..



واجب تعالی مخلوقات خیرلیسی اهل ایمان اولدیغنی بیاندن صوکره مؤمنلرک نائل اولاجقلری درجانی بیان ایتک اوزره ﴿ جَزَاؤُهُمْ عِنْدَ رَبِّهِمْ جَنَّاتُ عَدْنٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا أَبَدًا ﴾ بیوریور .

[ مؤمنلرک جزاسی ربلمرینک عندنده اقامت محلی اولان جنتلردرکه اوجنتلرک آلتندن ایرمقلر آقار . مخلص اولدقلری حالده مؤمنلر اوجنتلرده ابدآ یاشارلر . ]

یعنی ؛ مؤمنلرک ایمانلری وعمل صالحلری سببیه مستحق اولدقلری جزالری ربلمرینک عندنده آنلرک اقامتلیینه مخصوص اولان باغلر وبوسستانلردن عبارت اولان جنتلردرکه اوجنتلرک آلتندن اهل جنتک تلذذی ایچون ایرمقلر آقار واهل جنتده مخلص اولدقلری حالده اوجنتده ابدآ ذوق وصفا ایچنده قالورلر .

فخر رازینک بیانی وجهله اهل جنتک ابدآ جنتده قالملمرینک حکمتی ؛ برانسان حین بلوغنه قدر پدرینک صلبنده وآناسنک رحمنده برطاقم دارمخللردن قطع مسافه ایدرک دنیا به کنججه بشیکده وبرمدت صوکره مکتبده حبس ایله برابر ابوبینک «شورایه کیتدک بورایه کلدک» کی برچوق تکدیرلرینه معروض اولدقدن ودها بونک کی برچوق مختلر کچیرد کدن صوکره بلوغنه واصل اولوب عقلی باشنه کلدیکنده تکالیف الهیه زنجیریلر باغلانور وودوشونمکه باشلار ودرکه «بن نه جنایت ایشله دم که بوتضیقلمر بکا نره دن وکیمدن کلدی» .

بودوشونجه نیک نتیجه سی شو بیان اولونان افعالک خالق الله تعالی اولوب بر حالدن دیگر حاللره نقل وتحولک هربری برچوق حکمتلری متضمن اولدیغنی وبونلرک جمله سی ظاهرده محنت ومشقت ایسه ده حقیقتلرینک لطف الهی اولدیغنی بیلیر . بناء علیه ؛ شوکورمش اولدیغنی مشکلاتدن شکایتی ترکله ربسنک لطفنه شکر ایله مقابله به باشلار . حق جمله لذائذ اوزرینه نائل اولدیغنی نعمتلره شکر قیلندن اولان عباداتی تقدیمله قلبی ابدی برمحبتله جناب حقه ربط ایدر . ایشته شو ابدی محبتله جناب حقه ربط قلب ایتسنه قارشى ربسى بومثللو انسان کامللری ابدی نعمتلر ایچنده مستغرق قیلاجغنی دیگر آیتلرده بیان بیوردیغنی کی بوآیتده دخی بیان بیورمشدر . لطف الهی نیک غضبی اوزرینه سابق اولدیغنه اشارت

ایچون لطفی بیان ایدن بو آیتده (ابدآ) لفظی وارد اولدیغنی حالده کافرلره غضبی بیان ایدن بوندن اولکی آیتده ابدآ لفظی وارد اولماشدر .

بو آیتده جنتده مؤمنه ویریلرک احسانک کافی درجده اولاجغنه اشارت ایچون ویریلرک نعمتلرده جزا لفظیه تعبیر اولونمشدر . چونکه جزا ؛ کفایه معناسه در . شو ویریلرک جزانک خزینة الهیه ده امانت کی محفوظ اولدیغنه اشارت ایچون (عند ربهم) وارد اولمشدر . چونکه (عند) کلمه سی خزینده موجود ومحفوظ امانت کی اولدیغنه دلالت ایدر . اهل ایماندن هر فردده جنتلردن برجت اولوب یوقسه بز فردده بوتون جنتلر اولیه جغنه اشارت ایچون مبنات لفظی جمع صیغه سیله وارد اولدیغنی کی اهل ایمانه راجع اولان ضمیرده جمع صیغه سیله وارد اولمشدر . چونکه ؛ «جمع جمعه تقابل ایدنجه فرد فرده تقسیم اولونور» قاعده سنه توفیقاً «اهل ایماندن بر شخصه ویریلرک احسان جنتلردن بر جنت» دیمکدر ، یوقسه اهل جنتدن برینه بوتون جنتلر ویریلرک معناسه دکلدر . اما بر شخصه متعدد جنتلر احسان اولونمسنده بر مانع یوقدر . اهل جنتک آرزو ایتدکلری شیئه صورت سریعه ده نائل اولاجقلرینه اشارت ایچون منه جنت دیمشدر . چونکه جنت ؛ منی لفظندن آلتوب جن ایسه سیر سریعه مالک اولدیغنی مهربانه جنت ؛ سرعت معناسی مشعردر . یاخود قانعانه معناسه اولان جنته لفظندن آلهرق قالقان صاحبی محافظه ایتدیکی کی جنتده اهل منی مهربانه وقایه ایتدیکی ایچونه جنت دیمشدر .

..

واجب تعالی جنتی بیاندن صوکره جنتدن دهافضل اولان رضاء الهیسنی بیان ایتک اوزره ﴿ رَضِيَ اللَّهُ عَنْهُمْ وَرَضُوا عَنْهُ ﴾ بیوریور .

[ الله تعالی اهل جنتدن راضی اولدی وآنلرده اللهدن راضی اولدیلر . ]

یعنی ؛ اهل جنت جسمک تلذذ ایده جکی هر نعمته نائل اولدقدن صوکره غایه املک



اك اعلاسى ونهايسى اولان رضايه نائل اولورلر كه الله تعالى آتلك عمل و اخلاص لرندن راضى اولور و آنلرده لطف و احسانندن راضى اولورلر . رضاء الهى روحك غداسى اولدينى جهته ديكر نعمتلردن افضل اولدينى كى رضا جمله نعمتله نيل و صولك اساسى اولدينى جهته دخی افضلدر .

الله تعالى قديم ، قولارى حادث اولوب قديمك حادث اوزرينه تقديمى طبيعى اولدينى كى قديمك افعالى ده حادثك افعالى اوزرينه تقديم اولونمق لازم اولديغنه اشارت ايچون قديم اولان واجب تعالى نك رضى اهل جنتك رضائى اوزرينه تقديم اولونمشدر . عبدك كال ذلته و واجب تعالى نك كال عظمتنه دلالت ايچون اسماء حسنى ايچندن لفظ مهول وارد اولمشدر . چونكه لفظه جلال ؛ ذات و صفات و كال عظمت و مهابته و دلات ايتريكميره شو عظمته قارشى عبدك ، كندى غايت عاجز و ضعيف كوره رك انقياد و اطاعتى اكال ايله جناب حقك رضاسنه نائل اولور .

..

واجب تعالى مؤمنله و بره چكى جنى و رضائى بياندن صوكره بونلرك جمله سنه اساس الله تعالى نك قورقوسى اولديغى بيان اتمك اوزره ﴿ ذَلِكْ لِمَنْ خَشِيَ رَبَّهٗ ﴾ بيورييور . [ شو بيان اولونان رضاء الهى شول كيمسه ايچوندر كه او كيمسه ريسندن قورقار . ] چونكه ؛ آنلر اللهك غضبندن قورقولرى سبيله اللهك امرينه امثال ونهيندن اجتناب ايدرلر . بناء عليه ؛ قورقدقلرندن قورتولور و او مدقلىرينه نائل اولورلر . خشيت ؛ خوفدن دها دهشتلى اولديغندن بو آينده ( لمن خشى ) وارد اولمشده ( لمن خاف ) وارد اولامشدر . جمله كالانك خشيتك آلتنده اولديغنه بو آيت دلالتده كافيدر . چونكه خشيت ؛ كالات عمليه و علميه نك نتيجهسى اولديغنه سعادت دينيه و دنياه نك اسالاسايدر . كالاتك جمله سى تربيه الهيه نك اثرى اولديغنه اشارت ايچون رب اسم شريفى وارد اولمشدر .

مدينة منورده نازل اولان سورة لر دندر . مكر آتى جامعدر .

بِسْمِ اللَّهِ الرَّحْمَنِ الرَّحِيمِ

﴿ إِذَا زُلْزِلَتِ الْأَرْضُ زِلْزَالَهَا ﴾

[ ارض كندينه مخصوص شدتلى حر كه ايله حر كت ايتديكى وقتده قيامت قائم اولاجقدر . ]

يعنى ؛ ارضك شدتله حر كه سنى موجب امر الهى ارضه كلنجه ارض كندى عظمت و جسامتنه مناسب بر حر كه ايله حر كت ايدوب كال اضطرابله صاللانديغنده قيامت قوپار و هر كس قبرندن قالقار و عاصيلر جزا رينى كورور و عابدرده راحت رينى بولورلر . فخر رازينك بيانى و جمله بوسوره نك اولنده جزانك زمانى و بوندن اولكى سوره نك آخرنده جزانك كندى بيان اولوندينى جهته اولكى سوره نك آخريله بوسوره نك اولى آره سنده كال ارتباط و مناسبت موجوددر . چونكه ؛ اولكى سوره نك آخرنده اهل ايمانك و اهل كفرك جزا رى بيان اولونجه كان بر سائل طرفندن « شو جزا ر نه زمان اولاجق ؟ » عنواننده بر سئوال ايراد اولوندى . ايشته اوسئواله جواب اولارق « ارض شدتله حر كت ايتديكى زمان اولاجق » دينمشدر . يوم قيامتده ارضك حر كه سنك محقق اولديغنه اشارت ايچون قطعى ارضه محله استعمال اولونانه ( اذا ) كلمه سى وارد اولمشدر . او كونده حر كت ارضك غايت شدتلى اولاجغنه اشارت ايچون حر كتمه شمت و دهشت معناسنى افاده ايدن زلزال كلمه سى وارد اولمشدر . و قوعوبولاجق حر كه نك فوقنده بر حر كه ممكن اولما ديغنه و ارضك اقتضا ايتديكى حر كه تماميله واقع اولوب هيچ بر نقصان قاليه جغه اشارت ايچون زلزال لفظى ارضه راجع ضميره مضاف قيلمشدر . شو بيان اولونان تفصيلاته نظراً معنائى آيت : [ وقوعى قطعى اولان حر كه ارض كراراً كراراً كال شدتله ممكن اولمايلايىكى



درجده وقوع بولوب اصلا نقصان قالدیه رق حرکت ابتدیی وقت بالعموم انسانلرک خیر و شر جزالری واقع اولور [ دیمکدر .

بوآیتده بیان اولونان حرکتک اسرافیلک صورده برنجی اوفوردیکنده می ویاخود ایکنجی دفعه اوفوردیکنده می اولاجغنده اختلاف اولونمش ایسه درنجی دفعه ده حرکت اولوق احتمالی غالبدر . چونکه ؛ ایکنجی وقوعاتی بیان اولوق اوزره . ( وَأَخْرَجَتِ الْأَرْضُ أَثْقَالَهَا ) وارد اولمشددر . بوآیتده بیان اولونان حرکت ایکنجی به صرف اولونسه اولیکندن بحث اولماق لازمکلور . بناءً علیه ؛ اکثر مفسرین آیت اولانک برنجی نفخیه و آیت ثانیه نک ایکنجی نفخیه مصروف اولمسیله توجیهی ترجیح ایتلشددر .

..

واجب تعالی قیامتده ارضک شدله حرکت ایده جکنی بیاندن صوکره او حرکتدن حاصل اولاجق نتیجه بیانیتمک اوزره . ( وَأَخْرَجَتِ الْأَرْضُ أَثْقَالَهَا ) بیوریور .

[ یوم قیامتده اسرافیل صورده اوفورونجه ارض ، ایچنده اولان دینه لری وموتالری چیقاریر هیچ برشی قالماز . ] حق ارض اوزرنده وقوع بولان اسرار بیله میدان علنیته دوکولور کیزی هیچ برشی قالماز .

اثقال ؛ اساس اعتباریله هانک اشیاسی معناسنه ایسه ده بو مقامده ارضه ایچنده محفوظ قالمه دینه و سائر لرور . اثقالی اخراج ایدن ارض ایله مراد ؛ ارضه دنیا اولدیغنه اشارت ایچون ضمیر موقعنده اسم ظاهر اولارق ارضه وارد اولمشددر .

..

واجب تعالی او کونده انسانک حیرت ودهشتندن سویله به جکی سوزی بیان ایتک اوزره

﴿ وَقَالَ الْإِنْسَانُ مَا لَهَا ﴾ یومئذٍ تُحَدِّثُ أَخْبَارَهَا ﴿ بیوریور .

[ ارضک شدله حرکتک سنی کورونجه انسان کال حیرت ودهشتندن تعجب ایده رک ارضه نه اولدی که هر زمان سکونت اوزره طورورکن صالانمغه باشلادی ؟ دیمکله حیرتی

اظهار ایدر و او کونده ارض خبرلری سویلر . ] چونکه ؛ الله تعالی نک الهامیله ارض کندی اوزرنده اولان خبرلری ووقوعولان حوادثی انسانلره اخبار ایدر .

بوآیتده بیان اولونان ارضک تکلمی ؛ لسان حاله یعنی آجیقندن وقوعاته دلالت ایتک صورتیله اولدیغی کبی تکلم صورتیله اولمقده ده عقلاً و نقلاً برمانع یوقدر . چونکه ؛ تکلمده اهل سنت عندنده بینه شرط دکلددر . زیرا ؛ الله تعالی ایسته دیکی زمان مخلوقاتک جمله سنی سویله تمکله قادردر و بوکا انبیاء عظامک طاشک و آغاجک سویله تمسی کبی بعض معجزه لری شاهددر . ( ابوهریره ) رضی الله تعالی عنهن روایت اولوندیغنه نظراً رسول الله ارضک اخباری بیانده بیورمشددر که « ارض هر شخصک کندی اوزرنده ایشله دیکی عملانه شهادت ایدر و ( فلان اوغلو فلان بنم اوزرمده فلان وقت شو ایشی ایشله دی ) دیمکله خبر ویرنجه خیر ایشله یین کیمسه مسرور و شر ایشله یین کیمسه ده مأیوس و محجوب اولور حتی بو محجوبیت اوزرینه کافر لر برآن اول جهنمه کیتک ایتلر . »

بوآیتده انسان ؛ مؤمنه و کافره شاملدر . زیرا ؛ مؤمن اولان کیمسه هرته قدر بوشدنک وقوعی بیلیرسه ده وقوعاتی مشاهده ایدنجه عظمت ودهشتنه حیرت ایده رک شو سوزی سویله تمکله محجوب اولور . اما کافر اساساً حشری و قیامتی انکار ایتدیکندن حیرت ایده جکی شبهه سزدر .

..

واجب تعالی بوآیتده ارضک بعض وقوعاتی اخبار ایده جکنی بیاندن صوکره بو اخبارک

اللهم امریله واقع اولاجغی بیان ایتک اوزره . ﴿ يَا رَبِّكَ أَوْحَىٰ لَهَا ﴾ بیوریور .

[ ارضه ربک تعالی وحی ایتکله وقوعاتی خبر ویرر . ]

یعنی ؛ جناب حق ارضه وقوعاتی خبر ویرمسی وحی ایله امر ایدر . او امره امتثالاً ارض ، اوزرنده واقع اولان وقوعاتی خبر ویرر .

بوندن اولکی آیتده بیان اولوندیغی وجهله واجب تعالی نک ارضه حیات ولسان ویرمسنده عقلاً و نقلاً برمانع اولمايجه ارضه وقوعاتی خبر ویرمسی امر صورتنده وحی ایتمسنده دخی برمانع یوقدر . چونکه ؛ بونلرک جمله سنی تمکله نانددر . تمکله ناندن هیچ برشی



قدرة الله من خارج دکلدر واجسامک جمله سی اجزاده یکدیگریته مشاهددر . شو حالده برینک قبول ایتدیکی شیئی دیگریده قبول ایدر ولكن الله تعالى هر برینی برر کوناخاصه ايله ممتاز قيلمشددر . بناء عليه ؛ جسم انسانه نطقی ویرن ذات اجل واعلی جسم ارضهده نطق ویرمکه قادردر . اما بعض حقایق شرعییه بی تدقیق ایده مهینلر طرفندن بومثللوشیلری اوزاق عد ایتمکه محل یوقدر . زیرا ؛ بونلری انکار ایتک قدرة اللهی بوتون بوتون انکار اولمازسهده قدرتک کمالی انکار اولاجفندن مؤمن ایچون جائز اولاماز . بناء عليه ؛ بوکبی آیات بیناتی ظاهرندن اخراجله تاویلله حاجت یوقدر .

..

واجب تعالی قیامتده واقع اولاجق زلزله بی وارضک وقوعاتی اخبار ایده جکفی بیاندن صوکره او کونده انسانلرک محاسبه دن دونه جکلرینک کیفیتنی بیان ایتک اوزره ﴿يَوْمَ يُصْذَرُ النَّاسُ أَشْتَاتًا لِّيُرَوْا أَعْمَالُهُمْ﴾ بیوریور .

[ او کونده ناس عمللرینک جزاسنی کورمک ایچون حسابدن طاعینق بر صورتده دوزلر . ] چونکه ؛ آنلردن بعضیلری بیاض یوزلی و کوزل کیملی و بعضیلری ده سیاه یوزلی یالین آیاق ، باش آچیق و هرکس کندیته عملده امثال اولان کیمسه لرله صنف صنف متفرق بر صورتده محاسبه موقعندن دوزلر . زیرا عملدن غایه ؛ رضا الهی به نائل اولمق الطاف سیمایه ده مهمنه اولمق . کناهاک غایه سی ؛ غضب الهی به دوچار اولمق .

بو آیتده اعمال ايله مراد ؛ اعمالک تقییمسی اولانه مزادر . شو جزایی کوره جک محل ، محاسبه موقعندن باشقه جنت ویا جهنم اولدیغندن اولاً محاسبه محله کیدوب هرکس عملک محاسبه سی کوردکن صوکره جزانک محله عودت ایده جکلرینه اشارت ایچون درمک معناسنی افاده ایدر (یصدر) لفظیله تعبیر اولونمشدر . (اشتاتاً) متفرقه معناستدر . چونکه ؛ ناس عرصه قیامتدن فرقه فرقه اولارق دونه جکلردر . زیرا ؛ یهود یهودایله ، نصاری نصاری ايله ، زانی زانی ايله ، سارق سارق ايله والحاصل هرکس

کندی امثالیه دونه جکنه اشارت ایچون (اشتاتاً) دینمشدر . بودنیاده دخی حال بویله در . زیرا ؛ هرکس کندی امثالیه کوروشور و آنلرله حشر اولور .

..

واجب تعالی هرکس کندی عملک جزاسنی کورمک ایچون عرصه محشردن جزانک محله دونه جکلرینی بیاندن صوکره جزالرینی کورملرینی تفصیل ایتک اوزره ﴿فَمَنْ يَعْمَلْ مِثْقَالَ ذَرَّةٍ خَيْرًا يَرَهُ﴾ و ﴿مَنْ يَعْمَلْ مِثْقَالَ ذَرَّةٍ شَرًّا يَرَهُ﴾ بیوریور .

[ هرکس عملک جزاسنی کورمک ایچون دونونجه شول کیمسه که او کیمسه ذره مقداری خیر ایشله مش ایسه آنی کورور . زیرا ؛ جناب حق قولنک ولو آزیحق اولسون عملی ضایع ایتمه دیکندن البته پک اوفاجق عملک توانی کورور و شول کیمسه که ذره مقداری شر ایشله مش ایسه آنی ده کورور . ] زیرا ؛ آزلغنه باقلماز نه قدر آز اولسه آنک عذابنی کورور .

بو آیتلر (لِيُرَوْا أَعْمَالُهُمْ) نظمنده اولان اجمالی تفصیل و عملک جزاسنی کورمک فاصل اولاجقنه دائر کیفیت و نه قدرک جزاسنی کوروله جکفی بیان ایچون وارد اولمشدر . بو آیتلر عدالت الهیه دلالت ایدن آیتلرک الک زیاده عدالت دلالت ایدنلرنددر و رسول اللهک ﴿(اذلزلت) سورة سی قرآنک نصفه معادلدر ، بیورمسی ده بودعوایی تأیید ایدر . چونکه قرآنک اساس اعتباریه احکامی ؛ ایکی قسمدر که بریسی دنیا به دیکری آخرت متعلقدر . بوسوره جلیله ایسه احکام آخرتی اجمالاً بیان ایتدیکی جهته قرآنک نصفه معادل اولدی بی بیان اولونمشدر .

آیت - مؤمنه و کافره شاملدر . شو قدر که کافر ایشله دیکی خیر عملک جزاسنی دنیا به کورور . زیرا ؛ کافرک کفری آخرتده خیر جزاسنی کورمکه مانع اولدیغندن اگر خیر ایشلرله عملی مکافانسر قالماسون ایچون دنیا به آنک مکافاتی کورور . چونکه ؛ دنیا به لطف الهی هر قوله شاملدر . بعض علما کافرک اعمال خیره سته مکافات اولارق آخرتده



عذابك خفيف اولاجغنی بیان ایتشلر سده بویان مجروحدر. بلکه کافرده ایمان اولمادیغی  
جهنله فروع اعمالی قبول اولونمادیغندن دنیاده و آخرتده هیچ بر مکافاته نائل اولاماز.  
چونکه ؛ درگاه الوهیتده قبول اولونمایان عملدن اجر بکله نمر.

فخر رازینک بیانی وجهله بو آیتک سبب نزولی ؛ ایکی کیمسه یمک بیرکن بر سائل  
کلوب بریسی اکمک قیرینتیی و بر خورما دانه سی ویرنجه دیکری « بو ویردیکک شی  
نوابی دکر بر شی دکدر » دیمسی اوزرینه بو آیتک نازل اولدیغی مرویدر . بناء علیه بو  
آیت ؛ اهل خیری خیره ترغیب و اهل شریده شردن تنفیر ایدر .

حضرت عائشه رضی الله تعالی عنها والده من حضورنده بولونان بعض قادینلره بر مقدار  
اوزومله اکرام ایتدیکی بر صروده قابویه بر سائل کلیر . حضرت عائشه نك اوزومدن  
آز بر مقدارینک سائله ویرلمسی امر ایتیمی اوزرینه قادینلردن بریسی کولر . حضرت  
عائشه آز برشینک نوابی اولاجغنی بیان ایدر و دلیل اولارق بو آیتی اوقور . چونکه آیتده  
ذره ؛ قرینک بمورطه سی و یاخود بجهده کیمه کونشک ضیاسی ایتیمه کوریلن شیلردر  
(کعب احبار) حضرتلری « خیردن برشین آزدیه رک تحقیر ایتیمه ک . زیرا ؛ فی سبیل الله  
قومشوسنه بر ایکنه یی عاریت ویردیکندن طولانی بر رجلك و بیت مقدسک بناسنه بر  
دانه اعانه ویردیکندن طولانی بر قادینک اهل جتدن اولدقیرینی » بیان بیورمشدر .

خلاصه اعتبار ؛ نیتدر . چونکه ؛ آزیجق بر عمل نیت خالصه یه مقارن اولورسه  
بر جوق اجره سبب اولاجغنه و نیتده اخلاص اولمازسه بر جوق عملک ضایع اولاجغنه  
دائر بر جوق احادیث جلیله کتب احادیثه مذکوردر . بناء علیه ؛ آخرته ایمان ایدن  
هر مؤمن آخرت ایچون نیت خالصه ایله سعی ایتلی ولو آاز اولسون آزلغندن چکینمه ملیدر .



مکه مکرمده نازل اولان سورة لر دندر . اومه بر آیتی جامعدر .

بِسْمِ اللَّهِ الرَّحْمَنِ الرَّحِيمِ

وَالْعَادِيَاتِ ضَبْحًا \* فَالْمُورِيَاتِ قَدْحًا \* فَالْمُغِيرَاتِ صُبْحًا \* فَأَثَرُنَّ بِهِ نَقْعًا \*  
فَوْسَطْنَنَ بِهِ جَمْعًا \* إِنَّ الْإِنْسَانَ لِرَبِّهِ لَكَنُودٌ \*

[ محاربه ده شدتله دشمنه قارشى سکیرتیجی و بورونلردن صدا ویرتیجی آتله و کال  
سرعتله سکیرتمسی سبیلله طیرناقلرینک طاشه چاریمسندن آتش چیقاریجی و صباح و قنده  
دشمن اوزرینه صولتله غارات ایدوب دشمنک ماللرینی غنیمت اولارق جلب ایدن و دشمن  
اوزرینه سکیرتیرکن توزلری هوایه قالدیران و اوتوزلرله دشمنک جمعیتی اورتسه کیرن  
آتله یمین ایدرم که انسان ربسنه نعمتلری انکار ایدیجیدر . ]

فخر رازینک بیانی وجهله عادیات ایله مراد ؛ عرفانه مزدلفه و مزدلفه منه  
سرعتله اینی مجامک دوه لری اولسنه و (ضبحاً) ایله ده مراد ؛ او دوه لک نفسله نه  
ماصل اولسه صرا اولسنه دائرروایت و ارایسه ده بوندن صوکره کله جک آیتلر عادیات  
ایله مرادک فی سبیل الله محاربه ایدره غازیلرک سرعتله دشمن اوزرینه سکیرنه آتلی و (ضبحاً)  
ایله مرادک او آتلیک بورونلر نه حقیقه صدر لری اولن روایتی تأیید ایدر . چونکه ؛ کرک  
ضبح که بورونه ضرورتیسی ، کرک قدح که شدتله آتلی طاشه حاربه عطفه آتلی حقیقه  
و کرک غارات ایدیجی معنانه مغیرات دوه دن زیاده آتله یاقیشدیغندن عادیات ایله مرادک  
آت اولسنی مفسرینک محققلری ترجیح ایتشلردر .

کرچه دوه نك انسانه افعال حجه و سائر خصوصاته خدمتی و منافع عیدیه سی  
اعتباریله یمین اولونمغه شایان ایدره آتک مزایای و فی سبیل الله محاربه ده سائر



حيوانان دن زياده خدمتی و خصال حميده سی جمله جه مسلم اولان حالات دن اولدینی جهته واجب تعالی طرفدن یمن اولونمق شرفی دوه دن زیاده حائزدر . عادیات ک اصل معنای ؛ سکرتیمی اولوب و سکیرتمک صفت مدوحه سی ده آتده دوه دن ده زیاده اولسی عادیات ایله مرادک آت اولسی تأیید ایدر . بعض روایتیه نظر آرسول اللهک ( بنی کنانه ) دن بر قوم اوزرینه کوندردیکی عسکرک آتلی اولق احتمالی وار ایسه ده عادیاتک الف لامنی منه حمل ایله الی یوم القیام دوام ایدن غزات مسلمینک آتلی مراد اولق مقامه ده اوفقدردر . چونکه ؛ آتلیک بمضیسته تخصیصی ایجاب ایدر بر سبب قوی اولما نیجه محاربهیه کیدن آتلیک هپسته شامل اولور و درجه ده تعیم اولادر . زیرا ایجابیز تقصیر ؛ قصوردر . والحاصل آت ؛ منافع دینی و دنیوییه بی جامع واعلاء کلمه الله خادم بر مخلوق مرغوب اولدیغدن عندالهیده شرف صاحبی اولدیغنه بو آیت دلالت ایدر . بناء علیه ؛ بویه شرف صاحبی اولان بر حیوانی انسانک اعدایه هجوم ایتک قصد یله خانه سنده بولوندورمسی شرفدر . اما اقران وامثاله تفاخر شرط یله بولوندورمق مذموم اولدینی کبی شرف اولق شویله دورسون بلکه ذلتدر . چونکه ؛ بر شی کندیسندن مقصده مصروف اولما دیغنده معطل اولدینی جهته مذلت عد اولونمغه شایاندر .

( قالموریات قدحاً ) موریات ؛ آتسه بیقاریچی ، ( قدحاً ) بر شیئی شی آخره دورمی معناسه در . دشمن اوزرینه هجوم ایدر غازیلرک آتلیلرک کمال سرعت سکیرتمکده آیاقلری طاش چارمقد آتسه بیقار دقلری ایچوره او آتله موریات دینمشدردر . کرچه بو طیرناقدن حاصل اولان آتشدن هیچ کیمسه انتفاع ایتمز ولکن شدتله باصمق آتلیک خصال مدوحه لرندن اولوب و بو آتشدن اعدایه هجوم زماننده حاصل و بو حال عریلرک دائماً خیالتلرندره موجود اولدینی جهته آیاغدن آتش چیقاریچی آتله یمن اولونمشدردر . بو حال شدت سکیرتمک معناسه اولان عادیاتک لوازمندردر .

یاخود موریات ایله مراد ؛ محاربه ده کیمه ایله آتسه یا فانه غزات مسلمیندر . غزات مسلمینک شریعت نظرندره مرتبه لری عالی اولدیغنده بو مقامده واجب تعالی طرفدن یمینه

آلت اولق شرفی حائز اولمشدردر . بوکا نظراً معنای نظم ؛ [ دشمنله محاربهیه کیدوب کیجه ایله آتش یاقیچی غازیله یمن ایدرم که انسان منکر نعمتدر ] دیمک اولور . یاخود موریات ایله مراد ؛ انسانلرک لسانلریمدر . چونکه ؛ انسانلرک لسانلریمده بیقانه سوزلر افراد ، بلکه اقوام و بلکه ملل آره سنده هجوم زمانه آتسه عدوانی یاقیمی و فتنه آتلیلری علول نمبریمی اولدینی مهربانه موریات دینمشدردر .

یاخود موریات ایله مراد ؛ انسانلرک افکاریمدر . چونکه ؛ انسانلرک افکاری اعدایه غلبه صدندره بر طاقم حيله و دسیسه لرله اعدا اوزرینه غلبه و ظفر آتلیلری یاقیچیدر . موقع حریده خدعه ایله اعدایه غلبه ایتک بر مزیت مردانه اولدینی جهته بومثللو کسکین افکار کندیلریله یمن اولونمغه لایق اولدیغدن جناب حق بوکی افکاره یمن ایتمشدردر . بناء علیه ؛ خدعه نک موقعنه کوره بر مزیتی اولونمغه فن خدعهیه آشنا اولان کیمسه نکده مزیتنده شبهه اولماز . حتی ابتداء اسلامده اصحاب کرام دشمنه یاقلاشدقلرندره کیجه ایله متفرق صورتده برچوق آتلیلر یاقارلردی که بونلرک آتشته باقارق چوق ظنیه دشمنلرینک قوه مغویه لری قیریلور و غالبده اولورلردی .

مغیرات ؛ دشمن اوزرینه هجومده یغما داموال غنیمتی اهل ایمانه هیلده غارات ایدر بیلر دیمکدر . غاراته کیدنلرک عادتلی دشمنه بیایدیرمه مک ایچون کیجه نک قارائیلغدن استفاده ایدرک کیجه ایله کیتک و شفق وقتی غفلت وقتی اولدینی ایچون غارات اکثریا صباح وقتی وقوع بولدیغدن صباح وقتی ذکر اولونمشدردر . دشمن اوزرینه بفته غارات ایتک شجاعت نتیجه سی اولدینی جهته یمن اولونمغه لایق اولدیغدن واجب تعالی طرفدن غارات ایدنلرک اسمنه یمن ایدلمشدردر .

( فائز به نقعاً ) آثاره ؛ طوبیایه قویارمه معناسه و ( نقعاً ) ایتمه فوز و طوبیایه

دیمکدر و ( به ) ضمیری آتلیلرک سکیرتمکلی مظه ویا وقته راجعدر و بوجه عادیات اوزرینه معطوفدر . چونکه ؛ عادیات هر نه قدر اسم فاعل ایسه ده فعل مضارع موقعنده در و تقریری شویله در ( واللائی عدون فائز به نقعاً ) یعنی « غازیلرک آتلی سکیرتیدیلر و سکیرتیدیلر مکانه و یاخود او وقتده آیاقلریله اینجه توز و طوبیایه قویارمه قالدیردیلر » دیمکدر .



(فوسطن به جمعاً) غازیلرک آتیرلرک آتیرلرک قابیرلرک اولدیغی طور اقد  
دستک جمعیتمک اورتانه کیردیلر و جمعیتملرینی طاغیرلر دیمکدر .  
سوره نك اولندن بورایه کلهجه یه قدر آتیرلر غازیلرک آتیرینی ، واجب تعالی طرفندن ،  
مدح و ثنایه متعلق ایسه ده آتیر یالکز ایش کورمه یوب صاحبلی ایش کوره چکی جهته  
آتیری ثنا ایتک صاحبلی ثنا اولاجغنده شبه یوقدر . بناء علیه ؛ شریعت اسلامیة  
وبالخاصه بوآتیرلر آتیری وآته ینمکده مهارتی اولان غازیلری علی طریق الالتزام ثنا  
ایتمکده در .

(ان الانسان لربه لکنود) کنود ؛ نعمتی منکر دعاصی وخیل دراهمی نیز اوتونور  
معنایینی افاده ایدر . بو معنالدن هر هانکیسی مراد اولونسه مقام مساعددر . چونکه  
بو آیت ؛ یمینک جوابیدر . انسان ایله مراد ؛ جنسی انساندر . زیرا نعمتی انکار ایتک ؛  
هر انسانده بالقوه موجوددر . اما بعضیلری فعلاً انکار ایدرلر ، بعضیلری ده بالفعل انکار  
ایتمزلر قوه ده قالیر فعله چیقارمازلر . بوکا نظراً معنای نظم : [ شو اوصافله موصوف  
اولان آتیره یمین ایدرم که جنس انسان ربسنتک نعمتلینی انکار ایدیجی وربسنه عاصیدر ]  
دیمک اولور . انبیاء عظام حضراتی استثناء عقلی ایله بوآیتدن مستثنادرلر و آتیرک معصومیتلرینه  
دلالت ایدن نصوص جلیله ده دخی انبیا مستثنا اولدقدن صوکره جمله انسانلرده حالندن  
شکایت طریقله ولو مؤمن متقی اولسون نعمتی انکار ایتک حالتی موجوددر . بناء علیه ؛  
کافره تخصیصه لزوم یوقدر . چونکه کافره تخصیصه بلاایجاب آتی ظاهرندن چیقارمقدردر .  
ابن عباس حضرتلرینک روایتنه نظراً بوسوره قریشدن (قرط بن عبدالله) حقنده  
نازل اولمش ایسه ده اعتبار لفظک عمومته اولوب سبب اولان ذاته دکلدر . بناء علیه آیتک  
حکمی ؛ عمومته شاملدر .

..

واجب تعالی انسانک منکر نعمت اولدیغی بیاندن صوکره بوانکارینه کنیدنک شاهد  
اولدیغی بیان ایتک اوزره ﴿وَإِنَّهُ عَلَىٰ ذَٰلِكَ لَشَهِيدٌ﴾ بیوریور .  
[ او انسان شو نعمتی انکار ایتسی اوزرینه البته شهادت ایدیجیدر ]

یعنی ؛ انسانده کنیدی نفسنده بر جوق نعمتلر موجود اولدیغی حالده شکرینی ادا  
ایتمه دیکنی وچاوجق راحت اوتوتوب نعمتی انکاره قیام ایتدیکنی هر زمان کنیدی شخصنده  
کور دیکندن شو انکارینه محقق شهادت ایدر . چونکه ؛ انکاری ممکن اولماق بر حقیقتدر که  
هر زمان نعمتی انکاره جرأنی کور دیکی ایچون کنیدی علیهنده شهادتی ضروریدر .

شو معنایخر رازینک بیانی وجهله شهادت دیاده اولدیغنه نظر ایدر . اما شهادت  
ایله مراد ؛ آخرتده شهادت اولدیغنه نظراً انسان دفتر اعمالنده کناهلرینی کورونجه نفسی  
علیهننه البته شهادته مجبور اولاجقدر . زیرا ؛ انکاره مجالی اولاماز .

یاخود آیتده ضمیر ؛ الله تعالی به راهمدر . بوکا نظراً معنای نظم : [ الله تعالی انسانک  
منکر نعمت اولدیغنه شهادت ایدر ] دیمکدر و بو معنا انسان معصیتدن منع ایتکده  
موافقدر . چونکه ؛ اللهم شهادت ایدم چکنی بیلنجه انسانک معصیتدن چکینمسنه سبب  
قوی اولاجغندن تهیدیدی متضمندر . لکن اولکی معنا نظم آیت ده مناسبدر . چونکه ؛  
بوندن صوکره کی آیتده ضمیر ، انسانه راجع اولدیغندن ضمیرلرده آیرلیق لازمکلمه سون  
ایچون بو آیتده دخی ضمیرک انسانه راجع اولسی اولادر و آتیرک برسیاق اوزره انتظامنه  
موافق اولان ده بودر .

..

واجب تعالی یمینه جوابک اوچنجیسینی بیان ایتک اوزره ﴿وَإِنَّهُ لِحُبِّ الْخَيْرِ  
لَشَدِيدٌ﴾ بیوریور .

[ محقق انسانک ماله محبتی غایت قوی و طلبنده صوک درجه مصردر . ]

یعنی ؛ انسان متاع دنیادن عبارت اولان امواله محبتدن طولای صوک درجه  
بخیل و ممسکدر . چونکه ؛ ماله اولان فرط محبتی انسانی بر درجه یه قدر کونورور که  
فقرا و ضعفايه انفاقدن آتی اوزاقلاشدیرر و مالک شکر ایلان عبادت و طاعتی ده  
اوتوتور . زیرا امسا که محبت ؛ بالطبع امسا که عکسی اولان انفاقه محبتک یا بالکلیه انقطاعی  
ویاخود ضعفی ایجاب ایدر .

..



واجب تعالى یمینک جوابنده انسانک اوج جهته قباحترین بیاندن صوکره شو قباحتر  
اوزرینه تهدید ایتک اوزره ﴿ اَقْلًا یَعْلَمُ اِذَا بُعِثَ مَا فِی الْقُبُورِ ﴾ وَحُصِّلَ مَا  
فِی الصُّدُورِ ﴿ بیوریور .

[اوانسان کناهلری ایشلر و ماله محبت ایدرده بیلزمی قبرده اولان موتار چیقارلدیغنده  
و قلبنده کیزی اولان شیلر میدان چیقدیغی وقت نهلر اولاجق ؟] بونلری واو وقتده  
اولاجق حاللری دوشونمک لازم دکلکی ؟ نه ایچون دوشونمز واو وقت ایچون نهدن حاضرلق  
یا نماز ؟ حالبوکه قبرندن قالدیغی وقت تصادف ایدجکی محتله قارش چاره لر آرامق  
و نعمتک شکرینی ادا ایتک ماله محبتدن دها اولادر .

بو آیتده انسانک ماله محبتله عبادتن اعراض ایتسی و منکر نعمت اولسی بر امر  
منکر اولدیغنه اشارت ایچون استفهام نظری وارد اولمشدر . قبرندن موتانک چیقدیغنده  
روح کلمزدن اول جمادات قیلندن اولوب ادراک صاحبی اولمادیغنه اشارت ایچون عقل  
صاحبربنک غیرمه استعمال اولونامه (ما) لفظی وارد اولمشدر . باضو طوپراق ایچنده  
مدفون اولان موجودات ایچندن عقل صاحبی اولان انسله جنک غایت آزا اولدیغنه اشارت  
ایچون (ما) لفظی وارد اولمشدر .

بو آیت قباحته جرأتکار اولان کیمسه لری تهدید ایتدیکی کبی دوشونجه سز اولان  
انسانلری دخی تهدید و تکدیر ایدر . چونکه ؛ انسانلر ایچون منفعت و مضرتی و طوطدیغی  
ایشک عاقبتی دوشونمک بر مزیت و خصلت حمیده در . زیرا ؛ انسانک قیامتده بالجمله اعمالی  
یعنی واجب ، مندوب ، کراهت ، حرام و مباحی یکدیگرنندن تمیز و تفریق اولوناجغی  
و کیزی عمللرک دفتر اعمالنده جمع اولونارق میدان چیقاجغی دوشونوب بیلسمی انسانک  
عهده سنه ترتب ایدن بر وظیفه دینه در . بناء علیه ؛ شو وظیفه یی ترک ایدن انسانلر طرف  
شرعدن دائما توبیخه مستحقلدر .

\*\*

واجب تعالى انسانک تفکر و تأملی لازم اولدیغی بیاندن صوکره بو لزومک سبی

ربلرینک یوم قیامتده آنلرک احوالی بیلسمی اولدیغی بیان ایتک اوزره ﴿ اِنَّ رَبَّهُمْ بِهِمْ  
یَوْمَئِذٍ اَخْبِرٌ ﴾ بیوریور .

[ محقق آنلرک ربسی قیامت کوننده البته حاللرینی بیلیر . ]

یعنی ؛ انسانلری تدریجاً کالارینه ایصال ایدهدک حقیقی تربیه لرینی ویرن ربلری آنلرک  
کوچوک و بویوک عمللرینی بیلیر و یوم قیامتده هر عمللرینک جزاسنی ویرر ، هیچ بر عمللری  
جزاسز قالماز .

واجب تعالى قوللرینک اعمالی دنیاده و آخرتده بیلدیکی حالده اعمالک جزاسی یوم  
قیامتده ترتیب اولوناجغنه بناء یوم قیامتده خبردار اولدیغی بیانله اکتفا اولونمشدر .  
یوقسه واجب تعالى نک علمی آخرته منحصر دکدر . زیرا ؛ هر یرده و هر زمان قوللرینک  
هر حالی بیلیر و آکا کوره جزالری ویرر

فخر رازینک بیانی و جمله بو آیتده واجب تعالى جزئیات زمانه عالم اولدیغی بیان  
بیورمشدر . بناء علیه ؛ جناب حق جزئیاتی بیلمز دین کیمسه تکفیر اولونور و حکماء  
قدیمه نک کفرلرینی ایجاب ایدن مسائلدن برسی ده بودر و بو آیت آنلرک علیهلرینه دلیل واضحدر .

### سورة قارعه

مکه مکرمه ده نازل اولان سورة لر دندر . اوه ویا اوه بر آتی جامعدر .

بِسْمِ اللّٰهِ الرَّحْمٰنِ الرَّحِیْمِ

﴿ الْقَارِعَةُ ﴾ ﴿ مَا الْقَارِعَةُ ﴾ ﴿ وَمَا اَذْرٰیكَ مَا الْقَارِعَةُ ﴾

[ قیامت هانکی بویوک شیدر و قیامت هانکی شی بیلدیره بیلیر سکا نهدن عبارتدر ؟ ]

یعنی ؛ بوتون قلبلری فزع و فریاده دوشورن و شدتیه عالمی اهلاک ایدن هانکی

خلاصۃ البیان اون بشنبی جلد ۳۷



شیدر و شیردن هانکی شیک حدی که قیامت سکا بیلدیره بیلسون . چونکه قیامت ؛  
او درجه بویوک بر امردر که شدتک انوعنی جامع ودهشتی عقول بشردن خارجدر .  
بناء علیه ؛ آنک کنه و حقیقتی سکا بیلدیره جک برشی اولاماز . زیرا ؛ هر نه قدر بویوک  
شدت تصور اولونسه قیامتک شدتی آنک فوقنده در که قیامت شو کوریلن جسماترلیله  
یرلری و کولاری دورلو دورلو حاللره پریشان ایده جک وایلری و کونشلی و سائر  
بیلدیرلری بیقاجق دو که جک و طاغیرلری پاموق کی آتاجق و هر برنی برنوع شدتله اهلاک  
ایده جک و انسانلره حیرت و یروب بعده هلاک ایلله جک برکوندر .  
فخر رازینک بیانی وجهله قیامتده صورک صداسی قولقلری دو کوب عقللره حیرت  
ویره جکنه بناء دوکک معناسه اولان قرع دن آله رق قیامت قارعه دینمشر . قیامتک  
عظمت ودهشتنه اشارت ایچون ابراه دلالت ایدن ماء استغرامیه وارد اولمقله برابر ضمیر  
موقعنده اسم ظاهر اولارق قارعه لفظی تکرار ذکر اولونمشر . قیامتک دهشتی عقول  
بشردن خارج اولدیغنه اشارت ایچون استغرام انطاری و تعجب معنایینی افاده ایدن ما  
لفظلریله ( وما ادریک ما القارعة ) وارد اولمشر . قیامت کوننک شدتنه اشارتدن  
مقصد ؛ او کوندن انسانلری قورقوتمقد . چونکه ؛ قیامتک شدتی ایشیدن برکیمسه  
او کونده سبب نجاتی آرامق ضرورتی نفسنده حس ایده رک هر شیده عدالت آرار و عدالتی  
کندی نفسنده و معامله سنده تطبیقه سعی ایدر .

..

واجب تعالی قیامتک ماهیتی بیلدیره جک برشی اولمادیغنی بیان ضمننده آنجق ماهیت  
قیامتی کنندینک بیلدیره جکنی وعدی متضمن اولدیغندن قیامتدن بر نبذه سنی ذکرله  
او وعدینی ایفا ایتک اوزره ﴿ یَوْمَ یَکُونُ النَّاسُ کَالْفَرَاشِ الْمَبْثُوثِ ﴾ \* وَتَکُونُ  
الْجِبَالُ کَالْعِیْنِ الْمَنْفُوشِ \* بیوریور .

[ یا اکرم الرسل ! ذکر ایت شول کونی که او کونده ناس طاغیلمش پروانهلر کی  
اولور و طاغیر آتیش یوک کی اولور . ]

یعنی ؛ اسرافیلک صوره اوفور مسیله حاصل اولان صدادن قلوب ناسک حیرته دوشدیک  
کونی خاطریکه کتیرکه او کونده انسانلر آتیه دو کولن پروانهلر کی اولورلر و او کونک  
کال شدتندن بوتون طاغیرلر هواده صاغه و صوله اوچار و هواده دوزر آتیش یوک کی اولور .  
فخر رازینک بیانی وجهله فراش ؛ آتیه دو کولن پروانهلر . مبعوث ؛ طاغیلمش  
دیمکدر . چونکه بو حیوانک عادت بر جهته توجیه عزیمت ایده مه یوب بر برینه قاریشارق  
هر بری بر طرفه کیدوب کلوب هوایه دوشک کی دوشه ندیکندن فراسه دینمشر .  
او کونده انسانلر کال حیرت و اضطرابلرندن هانکی سمته کیده جکلرینی بیلله مه یوب  
بعضیلری بعضیلرینی با صارلر و بر برینه قاریشیرلر و هر بری بر طرفه کیدر کلیرلر و عادتاپروانهلر  
کی اولاجقلرینی بیانه ، انسانلرک عجز و مسکنتلرینه ده اشارت اولونمشر .  
شوحالده انسانلرک حاللرینی پروانهیه تشبیه ذل حقارتده و پریشانلقده در ، یوقسه  
جئه سنده دکلدر . او کونده طاغیرلر هواده اوچاجفته و هر بری آیری آیری رنک اوزره  
بولونا جفته اشارت ایچون طاغیرلر آتیش یوک پارچه لرینه تشبیه اولونمشر . او کونک شدتندن  
بو قدر صلاحی و بویوکلی ایلله برابر طاغیرلر هواده کزوب تحمل ایده مه نیجه انسانلرک تحمل  
ایده مه جکلرینه اشارت ایچون بو آیتده انسانلر طاغیرلر برابر ذکر اولونمشر . شوحالده  
انسانه لازم اولان ؛ یوم قیامتک دهشتی دوشونرک او کونده رحمت الهیه بی جلب ایده جک  
اعمال صالحه تدارک ایتمکدر . زیرا ؛ غضب الهیه به سبب اولاجق کبر و عظمت هلاکی  
داعیدر . و بومقام عاصیلری قورقوتیق مقامی اولوب تهدید مقامنده تکرارک تأثیری زیاده  
اولاجفته بناء ( کون ) فعلنک مضارعی تکرار ذکر اولونمشر .

..

واجب تعالی قیامتک بعض احوالی بیاندن صوکره او کونده ناسک ایکی قسمه آیریلاجغنی  
بیان ایتک اوزره ﴿ فَأَمَّا مَنْ ثَقُلَتْ مَوَازِينُهُ ﴾ \* فَهُوَ فِي عِيشَةٍ رَاضِيَةٍ \* بیوریور .  
[ واما شول کیمسه که آنک ثوابه متعلق اولان میزان آغیر اولدی . او کیمسه بر  
معیشتده اولور که او معیشته آنک کنندیسی راضی اولور . ]



یعنی ؛ قیامتک شدتلرندن واحوال عمومیه سندن صوکره ناسک ایکی قسمندن برنجیسی شول کیمسه درکه عملتک ثوابی کناهنه غالب و ترازونک ثواب طرفی آغیر اولارق راضی اولدینی راحت و تعیشه نائل اولاندر .

بو آیتده موازین ایله مراد ؛ انسانلرک عمللرینی طارنانه ترازدر و یاخود ترازدره طارنیموه عملدر . کرچه اعمال ، اعراض قیلندن اولدینی جهتله طارنلق شانندن دکلسمده عمل دفترلی طارتیلور . یاخود نفس اعمال بو دنیاده اعراض قیلندن ایسمده آخرتده اعمال صالحه جسم نورانی شکلنده ظهور ایدهرک طارتیلاجنی کبی اعمال سیئمه ده کشف بر جسم ظلمانی صورتنده ظهور ایدهرک طارتیلاجنی کتب کلامیه ده مذکوردر و ابن عباس حضرتلرینک روایتی ده بونی تأیید ایتکده در . چونکه ؛ ابن عباس حضرتلری ( المیزان لایوزن فيه الا اعمال فیؤتی بحسنات المطیع فی احسن صورة فاذا رجح فالجنة له ) بیورمشدر . یعنی « میزانده طارتلاز ، الا اعمال طارتیلور . بناء علیه ؛ اطاعت ایدن کیمسه نك حسناتی بر کوزل صورتده کوتورولور . اگر حسنات ترجیح اولونورسه جنت آنک ایچون ، دیمکدر . ایشته بوسوزنده ابن عباس حسناتک بر کوزل صورتده کوتوروله جکفی و طارتیلاجق شیئک نفس اعمال اولدینی بیان بیورمشدر .

هرنه صورتله اولورسه اولسون اعمالک طارتلیسی بوتون اهالی نظرنده هر کسک اعمالی میدان آتیلارق حسنات صاحبیلرینک مسرور و سیئات صاحبیلرینک خجیل و رسوای و مایوس اولملرینی و هیچ بر کیمسه نك ذره سی بيله ضایع اولمادیغنی کوسترمکله عدالت الهیه بی اظهار و معذرت قابولرینی قایماق ایچوندر . چونکه هر کسک عملی ؛ کونی وساعتی و زمانی و اسبابی ایله عمل دفترنده کورولونجه هرنه سویله سه فائده سی اولماز .

(راضیه ) کله سی عتیه منسوب اولدینی جهتله مرضیه معناسنهدر . یاخود اسم منسوب معناسنه (راضیه ) دیمک ذات رضا دیمکدر . شو حالده معنای نظم ؛ [ حسناتی غالب کلن کیمسه بر تعیش ایچنده بولونورکه او تعیش راضی اولونور بر تعیشدر و یاخود اوتعیشدن صاحبی راضی اولور ] دیمکدر . هر هانکی معنی مراد اولونورسه اولونسون اهل جنتک کمال راحتنی بیاندر . یعنی « اهل جنت بر راحتده بولونورلرکه آنلر اورا حاتندن

عنون و خوشنود اولورلر . چونکه هیچ بروجله نقصان اولمادیغندن اعتراض اولونماز . دیمکدر .

..

واجب تعالی انسانلرک ایکی قسمندن قسم اولک حالی بیاندن صوکره ایکنجی قسمک حالی بیان ایتک اوزره ﴿ وَأَمَّا مَنْ خَفَّتْ مَوَازِينُهُ ﴾ فَأُمُّهُ هَاوِيَةٌ ﴿ بیوریور . [ اما شول کیمسه که ثوابی خفیف اولدی . آنک یری ( هاویه ) اسمنده جهنمدر . ] یعنی ؛ اعتنا و اعتماد اولونا جق ثوابی اولماقله برابر کنهای آغیر اولان کیمسه نك محلی غایت درین اولان ( هاویه ) اسمنده جهنمدر .

فخر رازینک و ابوالسعود افندینک بیانلری وجهله چوجقلرک آنالرنندن هر نه قدر اذا کورسه لردهی آنالرینی قصد ایتدکلری کبی اهل جهنم هر نه قدر عذاب اولونورلرسمده جهنمندن باشقه یرلری اولمایوب دائما مرجعلری آنا کبی جهنم اولدیفندن مبرمهره ام ایله تعبیر اولونمشدر .

..

واجب تعالی هاویه بی تعریف ایتک اوزره ﴿ وَمَا أَدْرَاكَ مَا هِيَهٗ ﴾ نَارُ حَامِيَةٍ ﴿ بیوریور .

[ یا اکرم الرسل ! شیلردن هانکی شی سکا بیلدیردی هاویه نهدن عبارتدر ؟ او هاویه ؛ صیجاق آتشدر . ]

یعنی ؛ [ ای حبییم ! هاویه نك کنه و حقیقتک نهدن عبارت اولدینی سکا کیم بیلدیردی ؟ کیمسه بیلدیره من . چونکه هیچ بر کیمسه بودنیاده آنک حقیقتنی بیلمزکه سکا بیلدیرسون . ایشته هیچ بر کیمسه نك بیلدیره مدیکی هاویه قیزمه آتشدر . جهنمک بالعموم طبقه لرینک صفی حرارت و یاقیجیلق اولدینی حالده هاویه بی قیزمه معناسنه اولان حامیه ایله توصیف دیگر طبقه لرک حرارتی هاویه به نسبتله غایت خفیف و هاویه نك بک شدتلی اولدیغنه اشارت ایچوندر . چونکه بر شیشی ذاتنده موجود اولان بر صفتله آبروجه



توصیف ایتک؛ اوصفتک کمال شدتیه دلالت ایدر . بناء علیه جهنمک ذاتنده حرارت موجود ایکن حرارته دلالت ایدن حامیه ایله توصیف ایتک؛ او حرارتک دیکر لرنده بولونماز بر درجهده شدتی بیان ایچوند .

سورة تڪاثر

مكة مكرمه نازل اولان سوره لردندر . سكر آتی جامعدر .

بِسْمِ اللَّهِ الرَّحْمَنِ الرَّحِيمِ

اَلْهَيْكُمُ التَّكَاثُرُ \* حَتَّى زُرْتُمُ الْمَقَابِرَ \*

[سزی مالریکز وعونه کزله افتخاریکز مشغول ایتدی وسز اولوبده قبریکز دفن اولونونجهیه قدر بو شغلکز دوام ایتدی .]

یعنی؛ سزی دگری اولمیان دنیا متاعی واولاد واتباعکز کثرتی مشغول ایتدی . حتی بوشغلکز قبریکز دفن اولونونجهیه قدر دوام ایتدی . چونکه؛ دنیا ده بولوندجه بوکی شیرله افتخار ایتکدن واز کچه مدیکز .

فخر رازینک بیانی وجهله جناب حق بوآیتده مال ومنصب واقربا واعوان کی شیرایله وسائر بالجهله لذات دنیا وشهوات نفسانیه قیلندن اولان امور خسیسه ایله تفاخری ذم ایتشدر . چونکه انسانک تفاخر ایده جکی شیر؛ علم و اخلاق حمیده و مزایای انسانیه دن سعادت ابدیه سبب اولان شیردر . بونلردن باشقه هر نه ایله تفاخر ایتسه بر طاقم دگر سز شیرله تفاخر اولدینی جهته قائل ومکلف اولان انسانه لایق دکدر . اما باشقه لرینک اقتداسنی قصد ایده رک انسانک اخلاق مرضیه سیله تفاخرینک جوازینه (واما بنعمه ربک فحدث) آیت جلیله سی دلالت ایتدیکی محلنده بیان اولونمشدر . بناء علیه؛ حضرت علینک شجاعتیله وحضرت عباسک حجاجه زمزم طاغیته سیله تفاخر ایتدگری مرویدر . بو آیتده نظر لفظی بابنک بناسی وجهله ایکی کیمسه آره سنده اولدیفنه دلالت

وسبب نزولی ده بونی تأیید ایدر . چونکه؛ فخر رازینک و ابوالسعود افندینک بیانلری وجهله (بنوسهم) ایله (بنو عبد مناف) آره لرنده «سز چوقسکز، بز چوغز» کی سوزلرله واقع اولان تفاخر اوزرینه (عبد مناف) قبیله سنک عددلری چوق اولدینی تحقق ایدنجه (بنوسهم) «بوا کثریت حال حیاته بولونانلرده در، امواتمزی ده صایلم» دیملری اوزرینه قبری کیدوب موتالرینی صاینجه بنو سهمک زیاده اولدینی تحقق ایتسی اوزرینه بوآیتک نازل اولدینی مرویدر . شو حالده آیت ایکی قوم آره سنده واقع اولان وقوعاتی بیاندن عبارت دیمکدر . بوکانظراً معنای آیت: [سزک یکدیگریکز قارشیه عدداً کثر تکزله افتخاریکز سعادتکز سبب اولان عبادتدن سزی مشغول ایتدی . حتی قبریکز کیدوب اولولریکز صاینجه قدر اوغراشدیکز وعدده جهتیله چوقلغیکزده تحقق ایتدی . فقط فائده نه اولدی، نتیجه ده نه قازاندیکز] دیمکدر . چونکه قبری زیارتدن مقصد دنیا یه محبتی ازاله ایله اهل قبردن عبرت آلاق رقت قلب حاصل ایتکدر . بونلرک عکسنه قبری زیارتله برابر حب دنیا ک زیاده له نمسی وقساوت قلبک حصولی تعجبه شایان بر حالدر . سبب نزولک خصوصنه اعتبار اولونمایوب الفاظک عمومیه اعتبار اولدیفندن امور دنیا دن هر شیهه افتخار بر مقصد حسنیه مقارن اولمادجه مذمومدر .

بو آیتده انسانلری اشغال ایدن تکاثر یعنی اموال، اولاد واقربا ذکر اولوندی ده بونلرک، نه کی شیدن مشغول ایدوب ونه یه مانع اولدقلری ذکر اولونماشدر . چونکه مقام؛ ذم مقامی اولدیفندن عقل صاحبی هراحتالی نظردن اوزاق طوماسون ایچون مطلق ذکر اولونمشدر . بوکانظراً معنای نظم: [سزی کثرته افتخاریکز الهک ذکرندن وواجب ومنسوب اولان شیردن و قیامت حقیقه تفکر وتأملدن وقبرلری زیارت ایتدیکز حالده عبرت آلمقدن مشغول ایتدی] دیمکدر .

تکاثر ک بوآیتده تکلف معنانه اولسی احتمالی واردر . چونکه؛ حریص اولان کیمسه مال جمع ایتک وچوغالتمق سوداسیله نفسی کلفت ومشقتدن هیچ بر زمان خالی قیلماز ودائماً مشقت اوزره بولونور . بوکانظراً معنای آیت: [مال جمعنه حرصکز نتیجه سی اموالکز چوق اولسی املیه اختیار ایتدیکز مشقتکز سزی عبادت الهیه دن منع ایتدی] دیمکدر .



(مُطَرِّف بن عبدالله) ك پدرندن روايته نظراً بوآتی اوقوبونجه رسول الله (يقول ابن آدم مالي مالي وهل لك من مالك الا ما تصدقت فامضيت او اكلت فأفريت اوليست فأبليت) بيورمه شد. يعني آدم اوغلو دنيا ده مالم دیر وبونكه افتخار ايدر. ای آدم اوغلو! سنك مالكدن سنك ایچون اولمادی، آنجق سنك صدقه ایدوب آخرته کوندرديك ویاخود بیوب اتلاف ایتديك ویاخود کیوب اسکیتديك شیلر وارد و سن بونلره مالک سک، بونك خارجده هیچ برشيئه مالک دكلسك. چونكه؛ کندیکی هر نهیه مالکم ظن ایتسهك ورثیه انتقال ایدمك دیمکدر.

\*\*

واجب تعالی دنیا متاعيله افتخارك مذموم اولديغنی بیاندن صوکره امور دنيانك عبادته مانع اولسی جائز اولمادیغنی و فنانغی انسانلرك یقینه ادراك ایدمك چكلینی بیان ایتمك اوزره

﴿ كَلَّا سَوْفَ تَعْلَمُونَ \* ثُمَّ كَلَّا سَوْفَ تَعْلَمُونَ ﴾ بیوریور.

[ حال و شان سزك ظنكز کی دكدر و ظنكز کی اولمادیغنی یقینه بیلیرسكز و بوندن صوکره حال و شان سزك و همكز کی اولمادیغنی ده تکرار بیلیرسكز. ]

یعنی؛ سز مزخرفات دنیویه ایله اولونجهیه قدر مشغول اولور و سعادت اخرویه کز اوزرینه بواشیاء خسیسه بی ترجیح ایدر آنكه افتخار ایدرسكز. حالوکه ایشلرك، بویه سزك اعتقادیکز کی اولمادیغنی یقین زمانده اولوم یاقه کزه چو کدیکنده بیلیرسكز و اولدکدن صوکره حقیقت حال سزك دیدیکز کی اولمادیغنی قبره دفن اولونونجه تکرار بیلیرسكز.

فخر رازینك بیانی وجهله برنجی کلام موت زمانه وایکنجی کلام قبره مصروف اولوب کلامده تکرار یوقدر. زیرا معنای نظم: [ عددك و اموال و اولادك چو قلعيله افتخارك فائده ایتیه جکنی سزك موتكز زمانده، قبریکزده منکر نکیرك کادکری زمانده بیلیرسكز. چونكه؛ اولورسكز یالکز، قبره کیررسكز یالکز. افتخار ایتدیکز شیلردن هیچ بریسی سزه رفیق اولماز ] دیمکدر.

یاخود کلامدن بریسی قبره دیگری محاسبه زمانه مصروف اولدیغندن کلامده تکرار یوقدر. یعنی « حال و شان سزك اعتقادیکز کی اولمادیغنی قبریکزده و صوکره محاسبه زمانده بیلیرسكز. چونكه؛ وجوديله افتخار ایتدیکز شیلرك هیچ بریسنده نه قبریکزده ونده محاسبه زمانده فائده کورمزسكز » دیمکدر. زیرا؛ انسان حال حیاتنده بر طاقم اعتقاد و امکلرندن فائده امید ایدر و لکن وفاتنده و محاسبه زماننده باطل اعتقاد و شرعه مغایر امکلرك بوشه کیتدیکنی وفائده سی اولمادیغنی بیلیر و اوزمانده بیلمك ده فائده ویرمز. هر هانکی معنا مراد اولونسه آیت قبر عذابنه دلالت ایدر. چونكه؛ هر صورتده فقره نك بریسی قبره مصروفدر و حضرت علیدن روایتده بونی تأیید ایدر. زیرا؛ حضرت علینك « (الهیكم التکاور) سوره سی نازل اولونجهیه قدر بز قبر عذابنده شك ایدردك. بوسوره نك نزولی شکمزی ازاله ایتدی » بیوردیغنی مرویدر.

یاخود آیتك موضوعی شدت اولدیغندن تکرار ذکر اولونمشدر. چونكه عربلرك عادتلی؛ سوله یین بر شیتی تکرار ذکر ایتمکدر. مثلاً کوتو ایشلره مشغول اولان بر کیمسه به نصیحت ایدر کن « بن، شونی ایشله مه شونی ایشله مه، فلان یره کیتمه فلان یره کیتمه » دیمه دمی دینور که تکرار تأکید اولدیغنی کی یرینه کوره تلفیظه اولور. بناء علیه بو مقام؛ تأکیدله برابر غلظت ایجاب ایتدیکندن عین کلام تکرار ذکر اولونمشدر. چونكه انسانلرك شانه لایق اولان؛ اهمی مهم اوزرینه تقدیم اولدیغندن بر طاقم دکر سز شیلری وظیفه مهمه سی اوزرینه تقدیم و ترجیح و بلکه اصل وظیفه می اولان عبادته مانع عدا یتمك تهدید و تکدیر ایجاب ایتدیکنی جهتله جناب حق تهدید بیوردیغنی کی مسئله نك اهمیته بناء تکرار طریقله تشدیدده بیورمشدر.

(ثم) لفظی بو مقامده خفیفه شده رقی ایچومر. چونكه؛ کرک فقره اولی موته و فقره ثانیه قبره و یاخود فقره اولی قبره و فقره ثانیه قیامته محمول اولسون هر ایکی صورتده موته نسبتله قبر، قبره نسبتله قیامت اشد اولدیغنی جهتله ثانی اولدن شدتلیدر.

\*\*

واجب تعالی انسانلرك کرک قبرده و کرک قیامت کوننده حقیقت حالی بیله چکلینه بناء آنلرك کیتمش اولدقلی مسلکلینی (کلا) لفظیه رد ایتدکدن صوکره حقیقی



بیلیمه رک سلوک ایتدکری جهته دخی مسلکری رد ایتک اوزره ﴿ کَلَّا لَوْ تَعْلَمُونَ  
عِلْمَ الْيَقِينِ ﴾ بیوریور .

[ سزک اعتقادیکز کبی دنیا متاعی افتخاری دکز . ا کر سزد کری اولمادیغنی بیلیمش  
اولسه ایدیکز بویه خسیس ود کر سز شیلره افتخار ایتزدیکز . ]  
یعنی ؛ سزک بونلره افتخاریکز بیلیمه دیککزدندر . حالبوکه حقیقت حال سزک  
ظنکز کبی دکادر . ا کر حقیقت حالی اولوم زمانده بیلیمه جککز کبی حال حیاتکزده ده  
بیلیمش اولسه ایدیکز برطاقم باطل یولاره سلوک ایتز ود کر سز شیلره افتخار ایتزدیکز .  
فخر رازینک بیانی وجهله بوسورده ده ( کلا ) لفظی اوج دفعه ذکر اولونمش  
ایسه ده هر موضعه ده ( کلا ) دن صوکره کلن حکم باشقه اولدیغندن لفظده تکرار کبی  
کورونورسه ده حقیقته تکرار یوقدر . زیرا برنجی فقره نك معناسی ؛ مال و شاه سزک  
زعمکز کبی دکادر . زیرا ؛ زعمکز کبی اولمادیغنی قهریکزده بیلیمسکز ، ایکنجینک معناسی ؛  
مقیقت مال سزک اعتقادیکز کبی دکادر . زیرا ؛ سزک اعتقادیکز کبی اولمادیغنی قیامتده  
بیلیمسکز ، اوچجینک معناسی ؛ مسئله سزک ظنکز کبی دکادر . زیرا سزک مقیقتی بیلیم  
مالهسکز . ا کر مقیقتی بیلیم اولسه ایمکز مالکز بودیم کونولکه طوغری کیتزدی  
دیمکدر . بناء علیه ؛ بومثللو الفاظک تکرارنده انسانه یورغونلق وایسته کسزلک اولمادیغنی  
کبی بالعکس لطافت و طائلیق ده واردر . شو حالده بوکبی تکرار لر جمله جه مقبول و مرضی  
اولان تکرارلردندر . بناء علیه ؛ کثرت تنافر دکادر وادیانده کی ( تکریر ) . کوزل  
بر مثالدر .

بوآیتده علما ایچون تهدید عظیم واردر . چونکه ؛ معنای آیت : [ بوکو تو اعتقاد  
و عملکز بیلیمه دیککزدندر . ا کر بیلیمه ایدیکز فنالق یا پمازدیکز ] دیمک اولونجه  
« بیلن فنالق یا پماز » دیمکدر . شو حالده بیلهرک فنالق یا پانلرک و بالی بیلیمه ینلره نسبتله  
دها بویوک اولاجقنده شبهه یوقدر .

..

واجب تعالی فنا عملک جزاسی قبرده و قیامتده کوروله جکفی بعدالیشان قیامتدن  
صوکره وقوع بولاجق احوالی بیان ایتک اوزره ﴿ لَتَرَوُنَّ الْجَحِيمَ ﴾ ثُمَّ لَتَرَوُنَّهَا  
عَيْنَ الْيَقِينِ ﴾ بیوریور .

[ ذات الوهیتمه یمن ایدرم که البته سز جهنمی کوره جکسکز . بوندن صوکره البته  
اوجهنمی عین الیقین کوره جکسکز . ] زیرا ؛ اوجهنم سزه عذاب اولونمق ایچون حاضر لاندیغنی  
جهته البته کوره جکسکز و کورد کدن صوکره تکرار اولیه بر کورمکه کوره جکسکز که  
اصلا شبهه کز قالیه جقدر . چونکه ؛ ایچنه کیره جککزدن دولای علم یقین حاصل  
اولاجقندن قطعاً شک اولماز .

بو مقامده کافر لری تهدیدی تأکید ایچون رؤیت تکرار اولوندیغنی کبی جهنمی  
کورملری ضروری اولدیغنه اشارت ایچون ده نومه تأکید وارد اولمشدر . یعنی « سز  
جهنمی ایسته سه کزده کوره جکسکز ایسته سه کزده کوره جکسکز » دیمکدر . یاغور  
کوره جککرینک تکرار ذکر اولونمسی هر زمان کوروب طوره جقلربنه اشارت ایچوندر .  
یعنی « کورورسکز ، سز تکرار کورورسکز . زیرا ؛ دائماً ایچنده سکز » دیمکدر .  
چونکه ؛ جهنمده ابدی قالانلرک هر وقت جهنمی عین الیقین مشاهده ایده جککری طبیعیدر .  
یاغور اولکی رؤیتلری ؛ مهمنه کیرمه ده اوزاقده کوره جککری ، ایکنجی رؤیتلری ده مهمنه  
کیردکده صوکره کوره جککری بیامره . یاغور اولکی ؛ مهمنه یقین کلرکده کوره جککری  
ایکنجی ؛ مهمنه کیردکده کوره جککری بیانه اولدیغنده آیتده تکرار یوقدر .

..

واجب تعالی امور دنیا ایله افتخار ایده رک آخرتی اونوتانلری ذم ایتد کدن صوکره  
هرکسک نائل اولدیغنی نعمتلردن شوال اولونا جقلربنی بیان ایتک اوزره ﴿ ثُمَّ لَتَسْأَلُنَّ  
نَوْمِذٍ عَنِ النَّعِيمِ ﴾ بیوریور .



[ احوال آخرتدن جهنمی کوره جککیزی سزه خبر ویرد کدن صوکره سزه شونی ده خبر ویریم که یوم قیامتده محاسبه زماننده البته نائل اولدیفکر نعمتدن سئوال اولونورسکزر. ]  
بو سوره نك اولی کافره مخصوص اولدیغندن بو آیتده کافره مخصوص اولق احتمالی وار ایسه ده اصح اولان سوره مطلقا عاصیلر حقنده اولدینی کبی بو آیتده مؤمنه و کافره شاملدر. زیرا ؛ نعمت هریکی صنفه شامل اولدیغندن سئوالکده هریکی صنفه شامل اولسی قاعده عدالته موافقدر. شو قدر که کافره سئوال ؛ نوبیح ایچوندر. چونکه ؛ جمله نعمتلك اساسنه شکر قیلندن اولان ایمانه یابانچیدر و مؤمنه سئوال ؛ تعظیم و تکریم ایچوندر. زیرا ؛ مؤمن معرفت الهیه ایله مزین اولوب ایمانله وظیفه شگری ادا ایتدیگندن کافر کبی یالانچی اولمایوب بلکه خواص بندکان الهیه دن اولدینی جهته اکرام اولونمغه شایاندر. سئوالک محلی ؛ عرصه قیامت وزمانی ده محاسبه زمانی اولسه کر کدر.

بو آیتده نعیم اوزرینه داخل اولان الف لام ، استفراجه دلالت ایتدیکی جهته نعمتلك جمله سندن سئوال اولونا جغه آیت دلالت ایدر. بناء علیه ؛ بویوک نعمتلردن سئوال اولونا جفی کبی عادی نعمتلردن دخی سئوال اولونا جقدر. حق امن و آماندن وصحت و عافیتدن و مأکولات و مشروبات و ملبوساتدن و اعضالرك جمله سندن و قویو کولکدن و صوثوق صودن بيله سئوال اولونا جقدر.

سورة عصر

مکه مکرمه نازل اولان سوره لردندر. اوج آتی جامعدر.

بِسْمِ اللَّهِ الرَّحْمَنِ الرَّحِيمِ

وَالْعَصْرِ إِنَّ الْإِنْسَانَ لَفِي خُسْرٍ

[ بوتون زمانه یمین ایدرم که محقق انسان خسران ایچنده در. ]

یعنی ؛ دنیانك عجائب و غرائبی کنیدیسنده ظهور ایدن زمانه یمین ایدرم که جنس انسان محقق خسرا نده در. شو معنایه نظراً عصر ؛ مطلقاً زمانه معناسنه در. دنیانك نيك و بدی ، خسته لغی و صاعلغی و سائر احوالی و دنیوی و اخروی انسانك کار و ضرری و هر دور لو حادثات، زمان ایچنده اولدیغندن عربلر غندنه زمانك بر موقع عظیمی بولوندینی جهته واجب تعالی انسانك کارینی و ضررینی بیانده عربك اعتبار ایتدیکی زمانه یمین ایتشددر. عصر لفظی ایکنری نمازینك وقتنه دنیلدیکنه نظراً معنای آیت ؛ [ ایکندی نمازینك وقتنه یمین ایدرم که انسان شانسه لایق اولان عبادتی ترکله عمرینی بر طاقم یاراماز شیلره صرف ایتدیکی جهته تجارتنده و سائر مساعیسنده بویوک ضرر ایچنده ] دیمکدر. ایکندی وقتی هر کسك تجارت ایچون کیتدیکی محلدن کیرو دونوب قرارگاهنه کلکده قیامته و ایکندی وقتی نهارك نهایتنده اولق اعتباریله تجارتك و ضررك تعین ایده جکی بر زمان اولدینی جهته تجارت ایتمش ایسه مسرور و ضرر ایتمش ایسه مأیوس اولق اعتباریله دخی قیامته بکزه دیکسندن ناس غندنه بر قدر عظیم صاحبی اولسنه بناء جناب حق ایکندی وقتنه یمین ایتشددر.

یا خود عصرله مراد ؛ ایکنری نمازیمر. زیرا ؛ ایکندی نمازینك وقتی مشغولیتلی بر زمان اولدیغندن اجرینك چوق و فضیلتی زیاده اولدینی جهته کنیدیسنه یمین اولونمشدر. یا خود عصرله مراد ؛ زمانه سعادتیمر. زیرا ؛ زمان سعادت افضل انبیانك زمانی و کتب سهاویه نك افضل اولان قرآنك نزولی زمانی اولوب افضل زمان اولدینی جهته شانسه یمین اولونمغه لایق اولدیغندن جناب حق زمان سعاده یمین ایتشددر.

فخر رازینك بیانی و جهله انسان لفظنك اولنده بولونان الف لام ، عمر ایچونه اولمه و انسان معهود ایله مرادك (ابوجهل) ، (عاصی به وائل) ، (ولید به مغیره) و (ابو لهب) کبی اشخاص معهوده معینه اولسی احتمالی واردر و سبب نزوله موافق اولانده بودر. چونکه ؛ ابوجهل و امثالی کافر لرك رسول الله لایق اولماق سوزلرده بولونمازی اوزرینه بو سوره نك نازل اولدینی مرویدر. لکن آیتده استثناء و لفظك مطلق اولسی و لفظ آیتك انسانلرك بعضیسنه شامل اولوب دیگر لرینه شامل اولماسی ترجیح بلا مرجح



اولدینی جہتله لفظك عمومی اوزره الف لامك استغراقه حلی ايله مستثنا اولاندردن ماعدا بالجمله انسانلر مراد اولونمق قواعد عربیه ده موافقدر . بناءً علیه معنای نظم: [محقق جمیع افراد انسان خسرا نده در ، آنجق ایمان ایدوب عمل صالح ایشله یئرلر مستثنا] دیمکدر . بو آیتده خسرا ن ؛ نقصانه اولور واصل سرمایہ نك ضایع اولمیر . شو حالده انسانك خسرا نی ؛ عملك درجه افتارنده نقصانه و عمر نك ضایع اولمیر . بناءً علیه ؛ انسانلر عمرلرینی اکثریتله فائده سز شیرله صرف ایتمکله ضایع ایتدکری کبی کچیردکری ساعتلری کنا هه صرف ایتدکری جہتله سرمایہ دن ضرر ایتدکری محققدرد . حق مباح اولان شیرله صرف ایتدکری زمانلرده بیلر عمرلرینی ضایع ایتمش اولورلر . چونکه ؛ مباحك آخرته متعلق اثری باقی قالماز .

بو آیتده عمرلرینی بیهوده ضایع ایدن انسانلرک خسرا نلری غایت بویوک اولوب کنه و حقیقتی الله تعالی دن باشقه کیمسه نك بیلیمه دیکنه اشارت ایچون ( خسرا ) لفظی عظمت دلالت ایدن نوبه ايله وارد اولمشدر .

خسرا نك کمالنه بو آیتده اوج مہمتده نییه واقع اولمشدر که تا کیمه موضوع اولان ( ان ) و ( لام التا کیمه ) و جمیع جوانی امانیه دلالت ایدر ( فی ) لفظلری وارد اولمشدر . شو تفصیلاته نظراً معنای آیت : [ ایکندی نمازینك وقتیه یمن ایدرم که عمرلرینی هوا وهوسه صرف ایدن جمله انسانلر هر جہتلرینی احاطه ایدن خسرا ن ایچنده بولونجیلر ] دیمکدر .

﴿ إِلَّا الَّذِينَ آمَنُوا وَعَمِلُوا الصَّالِحَاتِ وَتَوَّاصُوا بِالْحَقِّ وَتَوَّاصُوا بِالصَّبْرِ ﴾

[ آنجق شول کیمسلر خسرا نده اولمازلر که آنلر ایمان ایتدیلر و عمل صالح ایشله دیلر و بالکمز ایمان ایتمک و هر عمل صالح ایشله مکله ده اکتفا ایتمه دیلر بلکه او مؤمنلر بربرلرینه حق قبولی و صبره ملازمتی توصیه ایتدیلر . ] چونکه ؛ بونلر عمرلرینی مکلف اولدقلری ایمانه و عمله صرف ایتدکری جہتله عمرلرینك تجارتی اولان اعمالی تحصیل ایتدکلرندن ضرر وزیاندن قور تولمشلردر . ناصل که اصل وظیفه دینیه لرینی ایفا ایتمکله خسرا ندن

خلاص اولدیلر سه آنلر صرف نفسلرینی اصلاحله اکتفا ایتمه یوب باشقه لرینك اصلاحنده چالیشدیلر که بربرلرینه دنیا ده و آخرتده زوال احتمالی اولمایان حق قبولی وصیت ایتدکری کبی تکالیف السیه نك مشقته صبرله دخی وصیت ایتدیلر و کندی جنسلرینی ارشاده بولوندیلر . چونکه تکالیف السیه یی قبولده واجب اولان ؛ هر شینی ادا ایتمک لازم اولدیغندن بر جوق کلفت و مشقته تصادف اولونا جنی جہتله صبر لازمدر . بناءً علیه ؛ شولر زومی نظر اعتباره آلا رق ، مؤمنلر یکدیگرینه صبری وصیتی وظیفه اصلیه دن عد ایتمشلردر . کذلک کنا هلردن نفسی منع ایتمک دخی بر جوق صبره محتاجدر . چونکه ؛ بر جوق معصیتلر نفسك آرزو و اشتها سیله اولدیغندن هر برندن نفسی رد ایتمک بویوک مجاهده یه محتاج اولدیغندن جوق صبر لازمدر .

کرک حق و کرک صبری هر ایکسینی توصیه ؛ خسرا ندن خلاصک شرطلری جمله سنددر . شو حالده خسرا ندن خلاصک شرطلری ؛ درمدر که آنلرده ایمانه ، عمل ، صبر و صبرله قوصیدر . لکن اساسی اعتباریه ایکیمر : برنجیسی ؛ نفسی ، ایکنجیسی ؛ ابناء مہمنده غیر بربری اصمومدر . شو حالده انسانك سبب سلاقی آنجق کندی نفسی اصلاحله اکتفا ایتمک دکلدردر ، بلکه کندی نفسی اصلاحله برابر ممکن اولدینی قدر باشقه لرینك اصلاحنده چالیشمقدرد . آنجق شو اوصافی جامع اولان انسان کامل آز اولدیغندن انسانلرک اکثریتله خسرا نده اولدقلری بیان اولومشدر . شو قدر که خسرا ن مختلفدر . چونکه ؛ ایمانی اولمایان کافرک خسرا نی ایمانی اولوبده عملی اولمایان فاسقک خسرا ندن شدتیدر . ایمانه برابر عمل صالحی اولوب آنجق غیریلرک اصلاحنه سعی ایتمه یلرک بالکمز نفسلرینی اصلاحله اکتفا ایتدکلرندن غیریلرک اصلاحنه چالیشانلره نسبتله قصوردن خالی اولما دینی جہتله خسرا ندن سالم دکلدردر . شو حالده بوسوره جلیله ؛ کافر و فاسقلری تهدید ایتدیکی کبی مؤمن کامللری ده خسرا ندن خلاص اولوب ساحه سلامتیه چیقا جقلرینی بیانه تسلیم ایتمشدر .





سورة همزة

مكة مكرمه نازل اولان سورة لردندر . طغور آتی جامعدر .

بِسْمِ اللَّهِ الرَّحْمَنِ الرَّحِيمِ

وَيْلٌ لِّكُلِّ هُمَزَةٍ لُّمَزَةٍ

[ آخره طغی واستهزایی عادت ایدن هر کیمسه ایچون هلاک عظیم واردر . ]  
یعنی ؛ واجب تعالی نك غضبی کندی قصورینی کورمه یوب غیرك قصورینی کوره رك  
بوزینه طعن و آرقه سندن غیبت ایدن هر کیمسه ایچوندر . یاخود آچقده و کیزلی ده طعن  
وغیبت ایدن هر کیمسه ایچون بویوك هلاک واردر .  
فخر رازینك و ابوالسعود اقتدینك بیانلری وجهله ( ویل ) هلاک عظیم ، یاخود  
همزه بر واربر و یاخود بر طاغمر . شومعنا لردن هانکیسی مراد اولونورسه اولونسون  
غضب معناسندن خالی دکلدر . همزه ؛ ناسك عرضنی کمر اتمك ، لمزه ؛ طعن اتمك .  
یاخود همزه ؛ غیبت ، لمزه ؛ تعیب اتمك . یاخود همزه ؛ بر کیمسه نك بوزینه ، لمزه ؛  
آرقه سندن طعن اتمك . یاخود همزه ؛ ایلد ، قاشید و کوزید اشارت اتمك ، لمزه ؛ لسانید  
زم اتمك . یاخود همزه ؛ ناسك سومه دیلی لقیید یاغیرمه ، لمزه ایکی کیمسه آرمه سنده سوز  
کنیروب کونورمکه قوغو میاوار اتمك . شومعنا لرك هر جمله سی آخره طعن اتمك و عیبنی  
اظهارله غیبت اتمكده جمع اولاییلیر . بو معنالر ابناء جنسه حقارتی متضمن اولدیغندن  
قواعد تمدنی اخلاص و انسا نلر آرمه سنده مطلوب اولان آهناک انتظامی بوزدینی جهته  
بوکی اخلاق فاسده اربانی هلاک عظیمله جناب حق تهدید بیورمشدر .

بوآیتك (ولید بن مغیره) و (امیه بن خلف) کی بعض اشخاص حقنده نازل اولدینی  
روایت اولونمقده ایسه ده بومثللو مقامده قواعد شرعه موافق لفظك شامل اولدینی هر شخصه

حکمتك شامل اولمسیدر . چونکه بر وصف اوزره ترتب ایدن حکمده اصل اولان ؛  
او وصفله متصف اولان هر فرداوزرینه او حکمتك ترتب اتمسیدر . بناء علیه ؛ همزه و لمزه  
صفتلری کیمده بولونورسه هلاک عظیم و عذاب جهنم او کیمسه ایچوندر ، دیمك اولور .

..

واجب تعالی ذم و غیبتك عذاب جهنمی ایجاب ایتدیکنی بیاندن صوکره انسانك آخری  
ذم و غیبت اتمه سنك اسبابی بیان اتمك اوزره ( الَّذِي جَمَعَ مَالًا وَعَدَّدَهُ ) \* يَحْسَبُ أَنَّ  
مَالَهُ أَخْلَدَهُ \* بیوریور .

[ عذاب جهنمه و هلاک عظیمه مستحق اولان شول کیمسه که مالی طویلادی و بلایا  
ایچون صایدی حاضر لادی . او مالی جمع ایدن کیمسه ظن ایدرکه او مال کندی ابد آيا شاتیر . ]  
یعنی ؛ باشقه لرینك قصورینی کوروب تعیب و ذم و غیبت ایدن شول کیمسه در که او  
کیمسه بر چوق مال طویلادی و او مالی کندی نه کله جك بلایا به قارشولق اولارق صایدی  
حاضر لادی و او مالنك چوقلغنه باقارق کندی نه عارض اولان عجب سیبيله هر فضائلی کندی نه  
کوردیکی جهته غیریلری نقصان کورور و آنلرك عیبنی سویله مکه باشلار و ظن ایدرکه او  
مال کندی نه مخلد قیلار . چونکه ؛ ماله نظر ایدر و بر طاقم خلیالره طالار و ظن ایدرکه  
کندی نه جمع اتمش اولدینی مالی آنی ابدیاً اولدورمز و بو ظنی ماله مغرور اولارق  
کوره نمسندن ایلری کلیر . زیرا ؛ انسانلرده کوره نك مشربی اولدیغندن پك چوق کیمسه لر  
کندی نه کله جك بلایای مالیه قارشیلارم ظن ایدرکه ماله صوك درجه اعتماد ایدر و بو  
اعتمادینه بناء ابداً دنیاده قالاچق کی محکم بنالر یاپار و بویوك امللر طاشیر . حالبوکه  
انسانی دنیاده و آخرتده ابدیاً یا شاتاجق شی ؛ عمل صالحدر . چونکه ؛ عمل صالح ایشله بن  
کیمسه دنیاده ذکر جمیل براقدینی جهته ماده اولمش ایسه ده معناً حیاته کی ایملکی  
هر کسك لساننده سویله نور و رحمتله یاد اولونور و آخرتده ایسه عملی سایه سنده درجات  
عالیا نه نائل اولارق ابداً نعمتله ایچنده قالیر .

بوآیت بوندن اولکی هلاک حکمنه علت اولارق سوق اولوندیغندن مطلقاً مال جمع اتمك



مذموم اولمسه دلالت ایتمز ، بلکه باشقه سنی تعییبه و ذمه سبب اولان مالک جمعی مذموم اولدیغه دلالت ایدر . بناء علیه مال جمع ایتک ؛ ایکی قسمدر : برنجیسی ؛ مقصد فاسد اوزرینه جمع اولوب فساد اهوره سبب اولمدر . بو قسم مال جمله جه مذمومدر . ایکنجیسی ؛ مقصد جمع اوزره جمع اولور و برهونه غیرات و برانه سبب اولور و صامینک احتیاجی دفع ایدر . بو قسم مال جمله جه مذمومدر .

واجب تعالی مائه اعتمادله باشقلرینی ذم و غیبت ایدنلرک هلاک اولاجقلرینی بیاندن صوکره اومثللو مال صاحبیلرینک اعتمادلری و ظنلری یا کلش اولدیغنی بیان ایتک اوزره

﴿ كَلَّا لَيُنْبَذَنَّ فِي الْحُطَمَةِ ۖ وَمَا أَدْرَاكَ مَا الْحُطَمَةُ ﴾ بیوریور .

[ حال و شان انسانک ظنی کبی دکلدرد . زیرا ؛ انسانک مالی ظن ایتدیکی کبی آنی مخلص قیلاماز . ذات الوهیتیمه یمن ایدرم که او ظن فاسد صاحبی اولان کیمسه البته ( حطمه ) اسمنده اولان جهنمه آتیلور و هانکی شی بیلدیردی یا اکر الرسل سکا حطمه نه دن عبارتدر ؟ ]

یعنی ؛ مائه مغرور اولارق غیرک عرضنه طعن و ناموسنی هتک ایدن و مائه اعتمادله اولومنی اونوتان و کندینی مخلص ظن ایدن کیمسه نک ظنی کبی دکلدرد . ذات الوهیتیمه یمن ایدرم که او ظن صاحبی ( حطمه ) دنیلن جهنمه کمال اهانتله آتیلور و هانکی شی حطمه نک نه دن عبارت اولدیغنی سکا بیلدیردی ؟ هیچ بر شی حطمه نک ماهیتی سکا بیلدیرمیز . زیرا ؛ بودنیاده آنک کنهنی بیلیمک عقول بشردن خارج اولدیغندن اللمدن باشقه آنک کنهنی بیلن یوق که سکا بیلدیرم بیلسون . چونکه ؛ هر کس آخره بیلدیکنی بیلدیرم بیلور ، یوقسه بیلمدیکی بر شیشی هیچ بر کیمسه آخره بیلدیرمیز که حطمه نک ماهیتی سکا بیلدیرم بیلسون . بومثللو کیمسه لک کمال اهانتله جهنمه آتیلاجقلرینه اشارت ایچون اهانت دلالت ایدن ( لینبذن ) لفظی وارد اولمشدرد . چونکه ؛ حطمه اسمنده اولان جهنمه کیره جکر غیبت و استهزا ایله کندی جنس لرندن اولان انسانلره اهانت ایتدکلرندن « جزا عمل جنسندن اولاق » قاعده سنه توفیقاً بونلرک جهنمه اهانتله آتیلاجقلری بیان اولومشدرد .

حُطَمَه ؛ قیرمیه معناسنه در و جهنمک ایکنی طبقه سیدر . بو جهنمه کیره جکر باشقلرینک ناموسنی کسر ایتدکلرینه مقابل اوکا کیره جکرک کیمکلرینی قیره جغه اشارت ایچون جهنمک بو طبقه سنه مظمه دنیلیمشدرد . حطمه نک شدتنه دلالت ایچون ابراهه دلالت ایدن ما لفظی وارد اولمشدرد .

واجب تعالی علمنی کندی ذاته حصر ایتش اولدینی جهنمک طبقانندن حطمه دنیلن طبقه نی تعریف ایتک اوزره ﴿ نَارُ اللَّهِ الْمُوقَدَةُ ۖ الَّتِي تَطَّلِعُ عَلَى الْآفِئَةِ ﴾ بیوریور .

[ حطمه اللهک علوله نمش آتشیدر که او آتش حطمه نک ایچنه کیرنلرک قبلرینک اوزرینه واصل اولور . ]

یعنی ؛ او حطمه اللهک بویوک بر آتشیدر که او آتش علوله نمش ابدآ سونمز و کمال شدتندن اهل جهنمک اعضالری ایچنده اعتقاد باطل و عمل فاسدک محلی اولان و هر عضودن زیاده نازک و متأثر اولان قبلری اوزرینه قدر واصل اولور . قلبه واصل اولونجه اعضانک جمله سنه سرایت ایده جکی ضروریدر . چونکه ؛ قلب جمله اعضانک اورته سنده اولونجه قلبه سرایت ایدن آتشک قلبک اطرافنده اولان اعضالره سرایت ایده جکی آشکاردر .

ذم و غیبت ایدنلر غیبت ایتدکلری کیمسه لک قبلرینی کسر ایتدکلرندن و قبلری کوتو اعتقاد و نیتلرینک محلی اولدیغندن قبلر معناسنه افئده سائر اعضالر ایچندن صراحة ذکر اولومشدرد .

واجب تعالی او آتشک قبلرینه قدر واصل اولاجغنی بیاندن صوکره هر طرفلرینی احاطه ایده جکنی بیان ایتک اوزره ﴿ إِنَّهَا عَلَيْهِمْ مُّوَصَّدَةٌ ۖ فِي عَمْدٍ مُّمدَّدة ﴾ بیوریور .

[ او آتش اهل جهنم اوزرینه اوزون دیرکله بکزه یمن صندوقلر ایچنده اولدقلری حالد قاپانمشدرد . ]

یعنی ؛ اهل جهنم آتشدن ایچی بوش اوزون دیرکله ایچنه قونور و آنلرک اوزرینه قاپولری قاپانارق باغلانور ، حق نفس آلاق محلی قالماز . چونکه ؛



جانينك جنايته كوره تضيق عاتدر . قابولری قاباندقندن صوكره تكرار اوزون ديركلر ايچنده اولدقلىرى بيان ايتك ؛ عذابك شدتته اشارت ايجوندرد . يا خود معنای آيت : [جهنمك حجره لرينه كيرد كدن صوكره قابولری باغلانير وقابولرك آرقه لری اوزون ديركلرله تقويه اولونور] ديمكدر . والحاصل هانكى معنى مراد اولونسه تضيق اوزرينه تضيق وعذاب اوزرينه عذاب اولديغنده شبهه يوقدر . چونكه ؛ كليلد اوزرينه كليلدك شدت اوزرينه شدت اولديغنده هيچ كيمسه تردد ايتمز .

سورة فيل

مكة مكرمه نازل اولان سوره لردنر . بسم آيتى جامعدر .

بِسْمِ اللَّهِ الرَّحْمَنِ الرَّحِيمِ

﴿ اَلَمْ تَرَ كَيْفَ فَعَلَ رَبُّكَ بِاَصْحَابِ الْفِيلِ ﴾

[ بيلمه دكمى يا اكرم الرسل ! ربك اصحاب فيله نه ايشله دى ؟ ]

يعنى ؛ اى حليم ! سوزينه اعتماد ايتديك كيمسه لردن خصوصى وسائر افراد ناسدن تواتر صورتيه عمومى ايشيتك واسطه سيله كوزكله كورمش كى سن بيلمه دكمى ربك تعالى اصحاب فيله نه ياپدى ؟

فخر رازينك بيانه نظر آوقعه فيل شويله باشلاشدرد : حبش ملكى (نجاشى) طرفندن ينده والى اولان (ابره) حجاجى كعبه دن منع ايتك ايجون ينده (صنعا) بلده سنده غايت مزين بر كليسا بنا ايده رك اهالى يى او كليسا يى زيارته جبره باشلاينجه عربك (بى كنانه) قبيله سندن بر كيمسه كليسا يى تنها بولدينى بر زمانده ايچنه تقوط ايدر وبراقير قاچار . ابره بووقعه يه حدتله نور . كعبه معظمه يى بيقمق وعربلردن انتقام آلق اوزره (محمود) اسمنده بر فيل او كده واون ايكي فيلده آرقه ده مكمل بر اردو ايله مكه اوزرينه يورورلر و بر قوناق مسافيه كلديكنده رسول اللهك جدى عبدالمطلبك ايكوز دوه سنى ابره ضبط

ايتديكندن عبدالمطلب دوه لرينى ايسته مك اوزره ابره يه كلوب دوه لرينى ايسته نجه ابره «بن كعبه يى بيقمغه كلدن» كعبه ايسه سرك ملجأ كزدر . آنى ايسته مه يوبده بويله اهميتى اولمايان دوه لرى ايسته مكزه تعجب ايدر «ديمى اوزرينه عبدالمطلب كال مهابت ووقار وسكونته «بن دوه لرك صاحبي يم . بناء عليه ؛ دوه لرى ايسترم . كعبه نك صاحبي وار آنى محافظه ايدر » دينجه ابره نك وجودينه لرزه دوشر . عبدالمطلب ابره نك يانندن عودت ايلر وكعبه نك حضورنده الله تعالى يه دعا ايدر . بونك اوزرينه ابره نك هلاكيله نتيجه لهن وقوعاى جناب حق بو سوره ده رسوله بيان بيوريور . گرچه وقوعات رسول اللهك دنيايه طلوعندن اللى درت كون اول اولمش ايسه ده شو وقوعات عربلر آره سنده متواتر و مشهور اولديغندن رسول اللهك كوزيله كورمش كى معلومى اولدينى جهته علم يقينه بيلمش درجه سنده اولديغه اشارت ايجون (الم تعلم) مقامنده (الم تر) وارد اولمشدر . يعنى «كورمش كى بر علمه بيلمه دكمى ؟ البته بيلدك» ديمكدر . چونكه حمزه ؛ استفهام نظرى اولديغندن نفى انكار مثبتى تقرير اولدينى جهته معنای آيت : [سن بيلمه دكمى ؟ البته بيلدك] ديمكدر . بر شى اوزرينه استدلال اوشيتك كيفيتيله اولوب ذاتيله اولمايغندن بو قصه ده تعجب وحيره شاين اولان وقوعاتك كيفيتى اولديغه اشارت ايجون (كيف) لفظى وارد اولمشدر اصحاب فيل وقوعاتى خالق اولان واجب تعالى اولدينى حالده خالقك اسملرى ايجندن رب لفظك رسول الله مضاف قيلنمى رسول الله تعظيم ايجون اولدينى كى قریش قومنده تعريضدر . يعنى «اصحاب فيل اهلاك ايدن سنك ربكدر . ناصل كه اصحاب فيل اهلاك ايتدى ايسه سنك دشمنلرينى ده اهلاك ايده جك» ديمك اولديغندن رسول اللهك دشمنلرى اوزرينه غلبه ايده جكنى وعدى و مظفريتى تبشيري متضمندر .

..

واجب تعالى اصحاب فيله يامش اولدينى فعلته اجمالاً اشارت ايتد كدن صوكره تفصيل

ايتك اوزه ﴿ اَلَمْ يَجْعَلْ كَيْدَهُمْ فِي تَضْلِيلٍ ﴾ بيوريور .

[ ربك تعالى آنلرك حيله لرينى ضايع قيلمادى ؟ ]



یعنی؛ کعبه بی یقیمق نییله یمندن مکه اوزرینه یوروین ابرهه وباشنده بولونان وزرا  
وعسکریک حیللرینی ربک تعالی ضایع قیلوب نتیجه سز براقادیمی؛ البته آنلرک سعیلرینی  
ابطال ایله نتیجه سز براقدی.

فخر رازینک بیانی وجهله کید؛ کیزلی اولورده آخره مضرت قصه ایتکدر.  
شو حالده هر نه قدر ابرهه کعبه یه سوء قصد ایتدیکی میدانده ایسه ده ابرهه کعبه اصل  
مقصودی کعبه ک شرفی یمنه نقل ایتک وخلق نظرنده کندینه بر حصه شرف آیرمق  
وبو جهته عربلرک شرفی قیرمق اولدیغندن قلبنده مقصد اصلی کیزلی اولوب حسدن  
نشأت ایتدیکی جهته کیزلی قصد ایتدیکی مضرت آچقده کوستردیکی کعبه بی یقیمقدن  
دها اشداولدیغه اشارت ایچون بو کیزلی مبدعه کید تعبیر اولومشدر. تضلیل؛ بریئی  
ضایع قیلیم وابطال ایتک معناسه در. شو حالده معنای نظم: [یا کرم الرسل! سنک  
ربک تعالی اصحاب فیلک عرب قبیله سته حسدلرندن ناشی قصد ایتمش اولدقلری مضرتی  
ازاله ایتک صورتیله حیللرینی ضایع وابطال قیلما دیمی؟] دیمکدر.

\*\*

واجب تعالی ابرهه کعبه اولان سوء قصدینک ضایع اولدیغنی بیاندن صوکره  
ضایعک کیفیتنی بیان ایتک اوزره ﴿وَأَرْسَلْ عَلَیْهِمْ طِیْرًا أَبَابِلَ﴾ ترمیم  
بِحِجَارَةٍ مِنْ سِجِّیلٍ ﴿بیوریور.

[ربک تعالی اصحاب فیل اوزرینه فوج فوج قوشلری کوندردی که اوقوشلرک هربری  
آنره چاموردن یاییلوب آتشد پشمش کی سرت چاقیللری آتارلردی.]  
یعنی؛ اصحاب فیلک سعیلری ناصل ضایع اولماسون، البته ضایع اولور. زیرا؛ ربک  
تعالی آنلری اهلاک ایچون اوزرلرینه متفرق جماعات اولارق برطاقم قوشلر کوندردی که  
او قوشلر بالچقدن یاپلش طاشلری اصحاب فیل اوزرینه آتارلر و او طاشلرله آنلر  
هلاک اولمشدر.

فخر رازینک و ابوالسعود افندیکنک بیانلری وجهله ابابیل؛ جماعات متفرقه معناسه در

و کثرت معناسی ده متضمندر. چونکه؛ قهر الهی اولارق اصحاب فیل اوزرینه کوندریلن  
قوشلرک عسکر طابورلری و بلوکلری و طاقلری کی متفرق صورتده فوج فوج وطاقم  
طاقم ابرهه ک عسکری اوزرینه هجومه طاشلری آتدقلری مرویدر و ابابیل لفظی ده  
عین معنای و صورتی افاده ایتکدر.

(طیراً) لفظنده کی ترمیمک تعظیم ایچون اولاق احتمالی وار ایسه ده فقیر ایچونه  
اولسی مقامه ده مناسبدر. چونکه؛ اوزمانده ابرهه کی جسمیم ومنتظم بر اردویه  
وقوته مالک اولان بر ظالم غدارى اوفاجق حقیر بر قوش جماعتیله اهلاک ایتک قدرت  
الهییه ک بدایعنه ده زیاد دلالت ایتدیکی جهته تنوینک فقیر ایچونه اولسی اولادر.  
قوشلرک آتدقنی طاشلره کلنجه؛ چامورله اوفاجق طاشلردن بوغرولمش و کیره میت کی  
پشمش غایت سرت قورشون کی طوقوندیغنی یری ده لر طاشچقلردر و هر قوشک آغزنده  
بر و آغنده ایکی دانه موجود اولوب طاشلرک کیمه اصابت ایده چکی اوزرلرنده یازیلی  
ایدی. بناء علیه؛ بردانه سی یالکز بر کافره اصابتله هلاک ایدر و نرسنه اصابت ایتسه  
ده لر او بر طرفدن چقار ودر حال مصاب اولان کافرلرک ترک حیات ایده رک جانی جهنمه  
کیدردی. هر طاشک اوزرنده کیمک اسمی یازیلی ایسه او طاش اوکا اصابت ایدوب باشقه سته  
اصابت ایتدیکی و طاشلرک جسماتی مرجمکن بویوک و نخوددن کوچوک اولدیغنی مرویدر.

\*\*

واجب تعالی قوشلرک طاشلری آتدیغنی بیاندن صوکره طاشلرک آتلی اوزرینه  
حاصل اولان نتیجه بی بیان ایتک اوزره ﴿فَجَعَلْهُمْ كَعَصْفٍ مَّأْکُولٍ﴾ بیوریور.  
[قوشلرک طاشلری آتلی اوزرینه ربک تعالی آنلری یینمش آکین چونی کی قیلدی.]  
یعنی؛ ابرهه ک عسکری اهلاک ایچون اللهک کوندردیکی قوشلر طاشلری اصحاب  
فیل اوزرینه آنجه ربک تعالی آنلری حیوانانک یمش اولدیغنی آکین چوپلرندن حاصل  
اولان اگیزلر [۱] مثلاً ویره سریش قیلدی که اگیزلرک روز کارله صاورولوب هبا اولدیغنی  
کی اصحاب فیل دخی هبا اولمشدر.

[۱] اکین بچلکدن صوکره تارلا سنده قالان صاب قیرینقیرینه (اگیز) تعبیر اولونور.



بوقدر کوچوک طاشلرله انسانلرک هلاکی اوزاق برشی دکلدرد . چونکه تفنکدن  
چیقان اوفاجق صاحبانک انسانی اتلاف ایتدیکی هر زمان کورولمکده در .  
ایشته بو سورة جلیله ده بیان اولوندیجی وجهله ابرهه عسکريله برابر مکدنک یقیننده  
(مغمس) دنیلن محله کلدیکنده غضب الهی ظهور ایدرک ابرهه وعسکری بوقوشلرک  
آندیجی طاشلر واسطه سيله هلاک اولمشلردر . قوشلرک هانکی جانبدن ظهور ایتدیکنده  
اختلاف وار ایسه ده اصح اولان یمن طرفدن ظهور ایتمشدر . بو وقعه طبیعیونی تماميله  
رد ایدر . چونکه ؛ آنلرام سالفه نیک هلاکرینه بادی اولان زلزله لر و طوفان و صاعقه کبی  
شیلری عقل سلیمک قبول ایدمه یه جکی بر طاقم باطل تاویل اته تاویل ایدر لر و لیکن بو وقعه  
حقنده اویله بر تاویل یوروتماک امکافی بوقدر . زیرا ؛ اول کورولمده ک بر نوع قوشک  
اوقومه مخصوص اولارق مذکور محله و زمانده ظهور ایدیرمسی و هر برنده اوچر  
طاش بولونماسی و طاشلرک هر برنده کیمه آتیلاجنی یازیلی اولمسی و اوقدر کوچوک  
قوشک آندیجی اوفاجق طاش ایله بویوک بویوک انسانلرک در حال هلاک اولمسی آنجق  
فاعل مختارک و قادر قیومک یاپاجنی شیدر ، یوقسه طبیعتک یاپاجنی و حیل و دسیسه  
ایله اولاجق بر شی دکلدرد و هر عقل سلیم ده بونی تسلیم ایدر وشو وقعه نیک وقوعی ایسه  
محقق اولوب انکاری قابل دکلدرد . زیرا ؛ بو سورة نازل اولدیغنده مکده وقعه بی بالذات  
مشاهده ایدنلردن حال حیاته بر چوق کیمسه لر اولدیجی حالده ولو مشرکاردن اولسون  
سورده نیک مضمونی اولان وقعه بی انکار ایدن اولماشدر .



مکه مکرمه ده نازل اولان سورة لر دندر . درت آتی جامعدر .

بِسْمِ اللَّهِ الرَّحْمَنِ الرَّحِيمِ

لَا يَلَاُفِ قُرَيْشٍ \* اِیْلَافِهِمْ رِحْلَةَ الشِّتَاءِ وَالصَّيْفِ \*

[قریش قومنک یاز کونلرنده شامه و قیش کونلرنده یمنه تجارت صدده مسافرتله  
الفت ایتدکری ایچون اصحاب فیلی الله تعالی حیواناتک یمیش اولدیجی اکین چوپلری کبی قیلدی]  
یعنی ؛ قریشک آره لرده انسیت ایتدکری وعادات و احوال لردن هر شيله وبالخاصه  
یاز کونلرنده شامه و قیش کونلرنده یمنه رحلتله الفتلری ایچون الله تعالی اصحاب فیلی  
اکین چوپ کبی قیلماقله اهلاک ایتدی . زیرا ؛ قریشه وبالخاصه کعبه یه سوه قصد ایدنلرک  
هلاکری سائرلرینه عبرت اولماقله قریشک سائر قبائل طرفدن وقوع بولاجق تعرضدن  
مصون قالمیرینه سبب اولدیغندن اصحاب فیلی اهلاک ایتک قریش حقنده واجب تعالی نیک  
یک بویوک بر لطفیدر .

شو معنا (لایلاف) ده بولونان لوم بوندن اولکی سورده ده واقع (فجلمهم) کلمه نه  
تعلق ایتدیکنه نظر آدر و بوده جائزدر . زیرا ؛ قرآنک مجموعی بر آیت حکمنده اولدیغندن  
آیتلرک بعضیسی بعضیسنی تفسیر ایتدیکی کبی بعضیسی ده بعضیسنه تعلق ایدر .

اما (لایلاف) ده بولونان لوم ، لوم النعمب اولوب مقدر (اعجبوا) کلمه نه تعلق  
ایتدیکنه نظر آ معنای نظم : [سز قریشک حالندن تعجب ایدک . زیرا ؛ آنلر سنه ده  
ایکی دفعه که بریسی یازده دیکری قیشده رحلت و مسافرتله الفتلری وار و بوالفتلری  
سایه سنده بر چوق تجارت ایدوب حوایج اصلیه لرینی و بلده لرینک حوایجی جالبه مرزوق  
اولوب متنم اولورلر وشونعمتلرک شکرینی ادا ایتک اوزره الله تعالی یه عبادت ایتک لایق  
لیکن بالعکس بونلرک اللهم غیر یی یه عبادت ایتلری تعجبه شایان اولدیجی کبی آنلرک



كفران نعمت ايتلمرينه قارشى الله تعالى نك آنلره لطف ايتمى ده تعجبه سايان [ ديمكدر .  
چونكه ؛ الله تعالى آنلرى حرم شريف جوارنده خلق ايتديكى كې بيلرنده اتفاق دخی  
خلق ايتدى و او اتفاق سایه سنده كاربانلرى هريره ايشلر و هر كس آنلره حرمت ايدر  
و كعبه يه حرمت اولارق اطراف و اكنافده بولونان ملوك و قبائل آنلرى حمايه ايدر .  
بناء عليه ؛ بالجملة تعرضدن سالم و بوسايه ده اسباب معيشتلرى منتظم ، رزقلى بول و قدر  
وحيثلرى بولنده اولدينى حالده بوقدر نعمتلك قدرينى تقدير ايتميه ريك طغيان ايتلمرى  
فى الحقيقة تعجب اولونا جق بر حال اولديغى جناب حق بيان بيورمشدر .  
اما لامك بوندن صوكره كى آيتده بولونان ( فليعبدوا ) يه تعلق ايتديكنه نظراً  
معناى آيت : [ ياز و قيش كونلرنده واقع اولان رحلتلريه الفتلى ايجون قريش قبيله سى  
شو بيتك ربسه عبادت ايتسونلر ] ديمكدر .

بو آيتده اولكى ايلاف ؛ عموم امورالده الفت ايتدكلرى شيرك جمدنه شامل  
اولوب ايكنجى ايلاف ؛ رزقلىنى تأمين ايجونه سنده ايكي دفعه واقع اولانه رحلتلرينه  
مخصص اولديغنده تكرر بوقدر و قريش ايجون بو ايكي رحلت و مسافرنده بك جوق  
منفعت اولديغندن بو رحلت الفتك شانته اهتمام ايجون عمومى الفتلىنى ذ كردن صوكره  
خصوصى الفتلى آروجه ذ كر اولونمشدر .

قريش كلمه سى قريش لفظنك نصفيرمه و نصفير بو مقامده تعظيم ايجوندر . چونكه  
قرش ؛ دريا ميوئلرنده غایت بوبوك و شجيع برهيوئللك اسميدر . قريشه قبيله سى سائر  
قبائل عرب نسبتده غایت شجيع اولديغه بناء قريش ديمشدر .

..

واجب تعالى قريش حقنده سنده ايكي دفعه تجارت ايجون اجرا ايتدكلرى سفرلرينك  
بك بوبوك نعمتلر تأمين ايتديكى بياندن صوكره اونعمتلر اوزرينه ترتب ايده جك وظيفه  
اونعمتى خلق ايدن خلاصه عبادت اولديغى بيان ايتك اوزره ﴿ فليعبدوا ربَّ هذا  
الْبَيْتِ ۖ الَّذِى اَطَعَهُمْ مِنْ جُوعٍ ﴾ بيوريور .

[ الله تعالى آنلرك منفعتلى ايجون اصحاب فيلى اهلاك و سنده ايكي دفعه مسافرتله  
الفتلىنى خلق ايدنجه عبادت ايتسون آنلر شو بيت معظم اولان كعبه نك ربسه كه اورب  
تعالى شول الله تعالى دركه آنلرى آچلقدن طعامله طويوردى . ]

يعنى ؛ ياز كونلرنده شامه و قيش كونلرنده يمنه مسافرتله رزقلىنى تأمين ايتك  
وهر آفادن محفوظ اولق شو بيت سایه سنده اولونجه آنلره دوشن وظيفه ؛ سایه سنده  
سايبان اولدقلى بيت شريفك ربسه عبادت ايتكدر . بناء عليه ؛ عبادت ايتسون آنلر  
شول بيتك ربسه كه او رب تعالى آچلقدن اطعام ايتمكه حياتلىنى ادامه و راحتلىنى  
تأمين ايتدى .

فخر رازينك بيانى وجهله بومقامده اطعام ايله مراد ؛ طعامك اسبابى هله ايتك  
وياخود المرافره طعامى آياقلىنه كونه مكله آنلرى ايتناجيره قور تارمقدر . بوكا نظراً  
معناى آيت : [ آنلر شول اولو اولان الله تعالى يه عبادت ايتسونلر كه او الله ذوالجلال  
آنلره رزقلىنى كسب ايده جكلرى اسبابى خلق ايتك و اطرافدن طعاملى آياقلىنه  
كوندرمك صورتيله آنلرى آچلقدن قورتاردى ] ديمكدر . بو آيتده ( الذى ) اسم  
موصولى تعظيم ايجوندر و آچلقدن اطعام ايتك عبادته علت و سبب مقامنده وارد اولمشدر  
و تقريرى شويده در : « الله تعالى يه اهل مكه نك عبادت ايتمى واجيدر . زيرا ؛ الله تعالى  
آنلره اسباب طعامى سهولتله خلق ايتدى و شول الله تعالى كه اهل مكه يه اسباب طعامى  
سهولتله خلق ايده ، آكا عبادت واجيدر . بناء عليه ؛ الله تعالى يه اهل مكه نك عبادت  
ايتمى واجب ، ديمكدر .

..

واجب تعالى عبادتك علتندن طعامى ذ كردن صوكره مكه اهالىسى خوفدن امين  
قيلدغى دخی عبادتك علتندن اولديغى بيان ايتك اوزره ﴿ وَامْنَهُمْ مِنْ خَوْفٍ ﴾  
بيوريور .

[ الله تعالى آنلرى قورقودن امين قيلدى . ]

يعنى ؛ اهل مكه حرم شريف سايه سنده سائر قبيله لرك تعرضندن مصون قالدقلى



جهتله دشمن قورقوسندن امين اولديلر. بناء عليه ؛ هيچ برقييله طرفندن آنلره غارات وقوع بولمادی وسفرلرينه سالماً كيدرلر كليرلردی . كذلك اصحاب فيل قورقوسندن امين اولدقلرى كې رسول الله بك بعثتيله اسلامه مشرف اولانلر كفر قورقوسندن واهندا ايدنلر ضلالت قورقوسندن امين اولديلر .

بو آيتده كرك آچلق وكرك قورقو هرايكيسنكده اهميت وشدته اشارت ايجون جوع وضرر لفظلرى شكره اولارق تعظيم دلالت ايدن توريه ايله وارد اولمشدر .

واجب تعالى انسانلرك مابه الحياتى اولان رزقلرينك اسبابى سهولته خلق اولونارق معيشتلرينى قولايجه تامين ايتك نعمتى جمله نعمتلك فوقنده اولديغه اشارت ايجون بوسورده قريشك رزقلرينى سهولته تحصيل ايتدكلرينى او نعمتك شكرينى ادا قيلندن اولان عبادته علت اولارق بيان بيورمشدر . چونكه ؛ انسانك وجودى حياتله قائم وحيات ايسه رزقه محتاج اولديغندن انسان ايجون اك بويوك نعمت اولان وجودك قوامى آرامق واجب اولدينى جهتله اسباب رزقك سهولته حصول بولسى كې بر نعمت عظمائك شكرينى ادا ايتكده تاخير جائز اولماديغه اشارت ايجون واجب تعالى تاخر ايتكميزه تعظيم دلالت ايدن فا لفظيله عبادت ايتلرينى امر بيورمشدر . بناء عليه ؛ انسانك نائل اولدينى نعمته زمان فوت ايتكميزين هان شكر ايتمى واجبدر . شوالده عبادت كرك توحيد معناسنه اولسون وكرك اعضاء جوارحه عبادت معناسنه اولسون عبادتله امر ؛ امر وبيوردر . زيرا ؛ هرايكى معناه عبادتك واجب اولديغنده شبهه يوقدر .



مكة مكرمه نازل اولان سوره لردندر . مى آتى جامعدر .

بِسْمِ اللَّهِ الرَّحْمَنِ الرَّحِيمِ

أَرَأَيْتَ الَّذِي يُكَذِّبُ بِالْإِيمَانِ

[ بيلدكمى سن يا اكرم الرسل ! شول شخص حقيرى كه او شخص يوم جزا اولان قيامتى تكذيب ايدر . ] بو آيتده خطاب ؛ رسول الله در و يا خود كورمك بيلمك شاندره اولانه بالعموم انساندره .

فخر رازينك وابوالسعود افنديك بيانلرى وجهله بو آيتده استفهام ؛ آيتده مفهمد كيمدر اولديغنى بيلمك تشويه ودينى تكذيب ايدنه كيمسك هالته تعجيزه مبالغه ايجومدر . شوالده معنائى آيت : [ اى بيلمك شانندن اولان انسان ! سن شول شخص لئيمى بيلدكمى كه او شخص لئيم قيامتك وقوعنه دلالت ايدن دلائل واضحك ظهورندن صوكره غرض فاسدينه وهوا وهوسنه اتباع ايدرك يوم جزا اولان قيامتى تكذيب ايدر . بناء عليه ؛ آنك حالى تعجب اولونمغه شايندر . زيرا ؛ فاسد بر غرض اوزرينه وقوعى قطعى اولان بر شينى انكارله نفسى ابدى بر عذابه دوچار ايتك تعجبندن باشقه بر شينى دكمز ديمكدر .

آيتده (الذى) لفظى تعظيم ايجومدر . چونكه ؛ قطعى دليللره وقوع بولاجنى تحقق ايدن بر شينى انكاره جرأت ايدن هر شخصك عقلا عننده حقير وذليل اولاجغنده شبهه يوقدر .

بو آيت جليلهك (ابوجهل) حقنده نازل اولدينى مرويدر . چونكه ؛ ابوجهلك وصيسى اولدينى بريتم ، عربان وپريشان اولارق كلوب كندى مالندن بر مقدار شى ايسته ديكنده ابوجهل شدتله رد ايدوب يتيم مايوس اولونجه اومكانده حاضر بولونان قريش سفهاسى



استهزا طریقله « محمد ﷺ » کیت سکا شفاعت ایتسون « دیمیری اوزرینه یتیم رسول الله کایر شفاعت ایستر. رسول الله صلی الله تعالی علیه وسلم افتدیمز یتیمله برابر ابوجهله کلنجه ابوجهله جناب پیغمبره التفات ایدر وجوجفک مالندن ایسته دیکنی ویرمسی اوزرینه سفهاء قریش ابوجهلی « دینکدن دوندک محمد ﷺ دن قورقدک » کی سوزلرله تعیب ایدنجه ابوجهله « خیر ! دیندن دونه دم ولکن ایکی طرفنده ایکی حربه کوردم . اکر اجابت ایتمه سهیم بکا حربه لک صوقولا جفندن قورقدم » دیمسی اوزرینه بو آیتک نازل اولدینی مرویدر . یاخورد (ابوسفیان) حقنده نازل اولمشدر . زیرا ؛ ابوسفیان هر هفته ایکی دوه کسردی لکن بر یتیم کلوب بر مقدار ات ایسته دیکنده عصاسی ایله رد ایدردی . یاخورد (عاص بن وائل) حقنده نازل اولمشدر . چونکه عاصک عادتق ؛ یوم قیامتق انکارله برابر شان انسانیته لایق اولماق افعال قبیحه نک جمله سفی ایشله مکدن چکینمزدی . سبب نزول هر کیم حقنده اولورسه اولسون اعتبار لفظک عمومته اولوب سبب نزولک خصوصنه اولما دیقندن آیت قیامتق تکذیب ایدن هر شخصه شاملدر . چونکه قیامتق تکذیب ؛ کفر و معاصینک انواعنه اساس اولدیقندن قیامتق تکذیب ایدن کیمسه هر زمان مذمومدر . زیرا انسانی عبادته سوق وبالعموم کناهلردن منع ایدن سبب ؛ ثوابه رغبت ایتک و عذابدن قورقمدر . شو حالده کک ثوابه رغبت و کک عذابدن قورقق ؛ قیامته ایمانک نتیجه سیدر . بناء علیه ؛ قیامته ایمان ایتمین کیمسه محرمات و مشتهیات متعلق هیچ برشیدن چکینمه دیکندن هر کوتولکی ایشلر و اییلکده اصلا رغبت ایتمز .

بو آیتده دین ایله مراد ؛ نفس ویه اسهوم اوطور احتمالی وار ایسه ده اصح اولان دین ایله مراد ؛ یوم جزا اولور قیامتدر . چونکه ؛ دین اسلامی انکار ایدن بر کیمسه قیامته ایمان ایده رک بر طاقم افعال حمیده ایشله به بیلیر ، نصاری و یهود طائفه لرنده اولدینی کی . اما قیامتق انکار ایدن کیمسه هیچ برشیدن چکینمز و بلا پروا هر کوتولکی ایشلر و ایشله دیک شیدن اوتانمسی ده اولماز .

..

واجب تعالی یوم جزای تکذیب ایدن کیمسه بی اجمالاً بیاندن صوکره او اجمالی

تفصیل و دینی تکذیب ایدن کیمسه بی بعض اوصافیه تعریف ایتک اوزره ﴿ فذلک الذی یدع الیتیم ﴾ و لا یحض علی طعام المسکین . بیوریور .

[ یا ا کرم الرسل ! شو دینی و یوم جزای تکذیب ایدن کیمسه شول کیمسه درک یتیمی شدتله دفع ایدر ، کندی مالندن حقق ویرمز و مسکینه طعام بیدرمک اوزره کندی نفسی ترغیب ایتمز . ]

یعنی ؛ ائی حیدم ! یوم قیامتق انکار ایدن شخص لثیمی بیلیمک ایسترسک او شخص شول کیمسه درک او کوتو کیمسه وصیسی اولدینی یتیمی حقوقدن شدتله منع ایدر . بناء علیه ؛ یتیمی کندی مالندن محروم ایتک ایستر و کندی نفسی و غیریلری محتاج اولان مسکینه طعام بیدرمک اوزره ترغیب ده ایتمز .

فخر رازینک بیانی وجهله یوم جزای تکذیب ایدن کیمسه نک بر جوق کناهلری اولدینی حالده یالکز یتیمی دفع ایتک و فقرایه طعام ویرمه مک خصیلترینی ذکر ایتک بوایکی خصلتک شرعاً مذموم اولملریله برابر مروت و انسانیتق دخی مخل اولدق لرینه تنبیه ایچوندرک بوایکی خصلت دیاتق اولمایانلر نظرنده دخی چیرکیندر دیمکه اشارتدر .

بو آیتده یتیمی دفع ایدن کیمسه او یتیمی ظلماً کندی مالندن منع ایتدیکنه و انسانیتک اقتضاسی یتیمله حسن معاشرت ایتک ایکن بالعکس دوکمک و تکدیر ایتکله استخفاف ایده رک رد ایتدیکنه اشارت ایچون شرنه دلالت ایدن ( یدع ) لفظی وارد اولمشدر .

چونکه ؛ ( یدع ) کله سنک لفظنده شدت اولدینی کی معناسنده دخی شدت واردر . یتیمی دفع ایتک و فقرایه مرحمت ایتمه مک یوم قیامتق انکار ایدنلرک عادتلری اولدیغه اشارت ایچون عاده و استمراره دلالت ایدن مضارع صیغه سی وارد اولمشدر . شو حالده یتیمی منع ایدوبده عقینده ندامت ایدن کیمسه به بو آیتک تهدیدی شامل اولماز . زیرا ؛ اصرار اولمایان برده

عادت اولماز . ( و لا یحض ) لفظندن مستفاد اولدینی وجهله فقرایه طعام بیدرمک و مرحمت ایتک اوزره غیریلری ترغیب ایتمین کیمسه نک کندی نفسنده اثر مرحمت اولیه جنی اولویتله ثابت اولاجفندن غیریلری ترغیب ایتمز معنائیه آلتق کندی نفسی ترغیب ایتمز معنائیه آلتقندن اولادر .



بو آیت جلیله ده بومثللو قباحتلرك قیامت قیامت اقرار ایدن کیمسه لردن صادر اولسی لایق اولمادیغه اشارت ایچون کرک یتیمه اذی وحقندن منعله ظلم ایتمک و کرک محتاج اولانلره معاونت و مرحمت ایتمه مک هرایکسی ده آخرتی انکار ایدنلره علامت و یوم جزایی تکذیب ایدنلره تعریف قیلندن قیلنمشدر. یوم جزایی تکذیب ایتمک بوکبی مرحمتسزلکله سبب اولدیغه اشارت ایچون مپیته دلالت ایدن فالظی وارد اولمشدر. یعنی «شوشخص یتیمی منع ایدر. زیرا؛ یوم قیامت تکذیب ایدر. یوم قیامت تکذیب ایدن کیمسه یتیمی منع ایدر» شوشخص یتیمی منع ایدر، دیمکدر. خلاصه کرک یتیمک حقنی منع ایتمک و کرک فقرا به مرحمت ایتمه مک هرایکسینک علی وسبی آخرتی انکار ایتمکدر.

ابوالسعود افندینک بیانی وجهله کرک یتیمه و کرک سائر محتاج اولانلره مرحمت ایتمه یلنلرک شر و فسادده مرتبه لرینک غایت یوکسک اولوب وایلری کتدیکنه اشارت ایچون بعد مراتبه موضوع اولان (ذلک) لفظی وارد اولمشدر. چونکه؛ (فذلک) موضعنده (فهو) وارد اولسه اولابیلردی ولکن بو معنایی افاده ایتمزدی.

شوتفصیلاتدن آکلاشیلیدیغی وجهله واجب تعالی ضعفایه ظلم و تعدی ایتمک و معاونت ایتمه مک کبی بشریتی دلکیر ایدن اخلاق ذمیمه نک اساسی یوم قیامت تکذیب اولدیغنی بیان بیورمشدر. چونکه؛ آخرتی انکار ایدن کیمسه دن خیر بکله نمز. زیرا؛ انسان خیری ثواب امیدله ایشله دیکی کبی شردن چکینمسی ده عذاب قورقوسنه بناءدر. شوحالده آخرتی انکار ایدن کیمسه خیره یا ناشماز، چونکه؛ ثواب امیدی یوقدر و شردن چکینمزه، چونکه؛ عذاب قورقوسی یوقدر. بناء علیه؛ آخرته ایمانی اولمایان کیمسه نک هیچ بر شیدن قورقوسی اولمادیغی کبی قیوداتدن بر قیدله ده مقید اولماز. اما فاسق اولان مؤمن بوکا قیاس اولونماز. زیرا؛ مؤمن، فاسق اولسه ده آخرته ایمانی اولدیغی جهته هرنه قدر کناه ایشله سه ده اللهدن قورقار. بناء علیه؛ کافر منکر قدر شره جرأت ایتمز.

..

واجب تعالی یتیمه وسائر محتاج معاونت اولانلره معاونت ایتمه مک و آنلره حرمتسزلک کوسترمک یوم قیامت تکذیب علامت اولدیغنی بیاندن صوکره دین اسلامک رکفی اولان

نمازده غفلت قیامت تکذیب علامت اولدیغی کبی هلاک عظیمی دخی موجب اولاجغنی بیان ایتمک اوزره ﴿قَوْلٌ نَّيْلٌ لِلْمُصَلِّينَ﴾ الَّذِينَ هُمْ عَنْ صَلَاتِهِمْ سَاهُونَ ﴿بیوربیور.

[هلاک عظیم شول نماز قیلان منافقلا ایچوندرکه آنلر نمازلرنده غفلت ایدیجیلردر.] یعنی؛ یتیمه و ضعفایه مرحمت ایتمه مک قیامت تکذیب علامت و ذم و تقبیحی موجب اولونجه واجب تعالی نک قهر و غضبی و بویوک عذابی شول نماز قیلان منافقلا ایچوندرکه آنلر قیامت تکذیب ایتمکدن نمازده غفلت اوزره بولونور و زحمتدن ثواب امید ایتمزلر و کندی اعتقادلرنجه نمازله اشتغالی بهوده و عبت عدایدرلر. بناء علیه؛ نمازک هر جزئنده غفلت اوزره بولونور نفسلرینی خضوع و خشوعه دعوت ایتمزلر و نمازک بعضیسنی خلقه قارشى مسلمان کبی کورونه رک بومنوال اوزره ادا ایدرلر سه ده بعضیسنی ده کچر کیدر اصلا مبالات ایتمزلر. عادتاً نمازی نفاقلرینی صاقلامغه آلت ایتمکدن فائده سنی کورمه دکلی کبی عذابده دوچار اولورلر.

فخر رازینک بیانی وجهله قرآنده عادت السیه؛ انسانلرک حقله معامله سنی بیاندن صوکره خلقله معامله سنی بیان و یا خود بالعکس خلقله معامله سنی بیاندن صوکره حقله معامله سنی بیان ایتمکدر. ایشته بومنوال اوزره جناب حق بوسوره ده یوم جزایی تکذیب ایدن کیمسه نک یتیم وسائر محتاج اولانلره معامله سنی بیاندن صوکره حقله معامله سنی بیان بیورمشدر. چونکه احکام شرعیه نک خلاصه سی واسالاساسی؛ ایکیم: برنجیسی؛ عبیدک جناب هغه قارشى تعظیم و وظیفه عبودیتی ایفا ایتمسیر. ایکنجیسی؛ اللهک قوللرینه متفقت و مرمت ایتمی و آنلره معامله سی دوغری اولوب اولامسیر. بناء علیه؛ جناب حق بوسوره ده هرایکی جهته ده اشارت بیورمش و هرایکی صورتده قصور ایتمک قیامت تکذیب اوزره ترتب ایتمدیکنه اشارت ایچون فقره لرک هر برنده نزیه دلالت ایدن فالظی وارد اولمشدر.

حقله معامله ده یعنی الله تعالی به قارشى عبودیتده قصور خلقله معامله ده قصورندن دهه زیاده عذابک شدتی موجب اولدیغنه اشارت ایچون ایکنجی آیتده ههوک عظیم معناسنه خلاصه الیایان اون بشنبی جلد ۳۹



اولان (ويل) لفظی وارد اولمیشدر. چونکه؛ مخلوقك مخلوقه قارشى قصورى هر نه قدر اللهك امرينه مخالف اولدیغی جهته حقه قارشى قصور ایسه ده اصل قصورك مرجعی مخلوق اولدیغندن هیچ بر زمانده مخلوقك خالقنه قارشى قصورینه قیاس قبول ایتمز. زیرا؛ خالق قارشى قصورك اهمیتی زیاده در. بناء علیه عذابیه شدتیدر. شو حالده عفو الهی ایله او قصورك زائل اولسی عفو اولونمادیغی صورتده جزانك شدته مانع دکلدر. شو قدرکه مخلوقك مخلوقه قارشى قصورینه عفو الهی تعلق ایتمه دیکی کبی مخلوقك احتیاجنه بناء حق الله ایله حق عبد تعارض ایتمیکنده حق عبد ترجیح اولونمق قواعد اصولیه من اقتضا ننددر. لکن بو ترجیح حق الله قارشى قصورده عذابك شدته منافی دکلدر. چونکه عذابك شدتی ایجاب ایدن سبب؛ خالقك عظمتنه قارشى قصور اولمیدر. اما حق عبدك ترجیحی ایجاب ایدن سبب ایسه عبدك عجزی و احتیاجیدر. بناء علیه؛ بویکی سبب آره سنده منافات اولمادیغی کبی اوسیدرک اقتضا ایتمدیکی نتیجه لر آره سنده دخی منافات یوقدر. نمازدن غفلت ایدن قیلسون قیلماسون عبادت قصد ایتمه یمن منافق لر مراد اولدیغنه و یا خود نمازدن غفلت ایدن اصلا خاطرینه کتیرمه یمن کیمسه لر مراد اولسنه بناء هلاک عظیمه تهدید اولونمیشلردر. چونکه؛ عبادت قصد ایتمه رک ادا اولونان نماز عذابى اسقاط ایتمز.

..

واجب تعالى هلاك عظیمه مستحق اولان کیمسه لرک صفتلرندن برنجیمی نمازدن غفلت اولدیغنی بیاندن صوکره ایکنجیسنی و اوچنجیسنی بیان ایتمک اوزره ﴿الَّذِينَ هُمْ يُرَاؤْنَ﴾ وَ يَتَمَعُونَ الْمَاعُونَ ﴿بیوریور.

[ هلاک عظیم شول کیمسه لر ایچوندرکه آنلر عمللرنده ریا ایدرلر و ناس آره سنده مروت اولارق قومشویه ویرلمسی عادت اولان شیرلی ویرمز منع ایدرلر. ]  
یعنی؛ شول کیمسه لر هلاک مستحقلردرکه آنلر قیلرلنده اولمایان شیئی یا بانجی به قارشى اظهار ایدرلر و کوستریش یاپارلرکه آکا متدین دیسونلر و حقنده حسن ظن ایتمونلر.

و آنلر شول کیمسه لرکه تجره، طاوا، بالطه و قوغه کبی قومشونك قومشویه عاریت اولارق ویرلمسی عادت اولان شیرلی منع ایدرلر ویرمز لر.  
فخر رازی و نيسابورینك بیانلری وجهله ریانك وجودی دائما لا اقل ایکی کیمسه نك وجودینه توقف ایتمیکندن (یراؤن) لفظی ایکی کیمسه بپنده مشارکته دلالت ایدن مفاعله بانیره وارد اولمیشدر. چونکه؛ ریا ایدن کیمسه نك ریاسی البته آنی کوره جك و ثنا ایده جك کیمسه یه قارشى اولدیغندن همه حال باشقه بر کیمسه نك وجودی لازمدر. ریا ایتمک حرمت قطعیه ایله حرام اولدیغندن ریانك صاحبی عذابه مستحق اولور. چونکه عبادت؛ آنحق الله تعالی نك رضاسنی تحصیل ایچون اخلاص اوزره اولورسه مقبول اولور. بناء علیه؛ اخلاص اولمایان عبادت صاحبنه وبالدر. شو قدرکه فرائض دینه دن نماز و زکات کبی ارکان دیندن اولان عبادتلری علناً ادا ایتمک ریا اولماز. بلکه بومثللو فرائضی تهمتدن احتراز ایچون علناً ادا ایتمک لازمدر. كذلك باشقه لری کندینه اقتدا ایتمونلر فکريله اخلاص اوزره نافله عبادتلری دخی علناً ادا ایتمک جائزدر. اما بوفکرک خلافتنه هر کس بنم عبادتمی بیلسونلر و بکا رعایت ایتمونلر ایچون عبادت ایدرسه ریادر و حرام اولان ریاده بودر. تنها محله بولوندیغنده ادا ایتمه دیکی فرائضی خلقك کوره جکی محله ادا ایتمکده ریادر. بلکه ریانك اك زیاده قناسیدر.

ماعون؛ فرسه اولاره زکات معناسنه اولمق احتمالی واردر. زیرا صلوات مفروضه ده غفلت و عملده ریا ایدنلرک هلاک مستحق اولدقلرینی بیاندن صوکره ماعونی منع ایدنلرکده هلاک مستحق اولدقلرینی بیان ایتمک؛ ماعونك زکات مفروضه معناسنه اولمسی ایجاب ایدر. چونکه؛ فرض اولمایان بر شیئی منع ایتمک هلاکی موجب اولماز. آنحق اکثر مفسرینك بیانلری وجهله ماعون ایله مراد؛ بالطه، کورک، بل، قوغه، قابوره، اُرک، صو، آنش و طوز کبی قومشونك قومشویه ویرلمسی عادت اولوب هیئت اجتماعیه بشیره نك لوازمندره هر زمانه هر کسک بر برینه محتاج اولدیغنی شیلردر. بونلر ناس نظرنده علی العاده آنلور ویریلور شیرل اولدیغندن بونلری منع ایدن کیمسه لر بشریت آره سنده اخلاقسزلق و دنائت طبع ایله ذم اولونورلر و ناسک بومثللو کیمسه لر ذم ایتمسی بوآیته مستنددر. زیرا؛ جناب حق بوآیتده آنلری ذم ایتمیشدر. بناء علیه؛ بوکبی آلات وادواتی قومشویه ویرمک



مقصده خانه ده بولون دورمق مندوب و مستحب اولدیفندن نظر شرعه مدو حدر. زیرا؛ جناب حقك ذم ایندیكى شئتك ضدینك البته مدوح اولاجغنده شبهه یوقدر. بومثللو عادى شیلری قومشودن منع ایتك انسانلر آره سنده لزومی قطعی اولان معاونت اجتماعیه اساسی اخلال ایتمکله برابر بخللك اك مذموم مرتبه سی اولدینی ایچون بونلری منع ایدنلر، عذابه دوچار اولاجقلرینی بیانله تهدید اولونمشلردر.

واجب تعالی بوسوره جلیله ده انسانه لازم اولان اصول اعتقاد و فروع اعمال و ابناء جنسنه رعایتك لزومنه اجمالاً اشارتله انسانك وظیفه اصلیه سی بیان بیورمشدر. چونکه؛ سوره نك اولنده اساس اعتقادات اولان بوم قیامتیه بحث و یوم قیامتیکه تکذیب ایدنلری ذمه تصدیقك لزومی بیاندن صوکره فروع اعمالده انسانه لازم اولان ایکی اساس که برنجیسی؛ ابناء جنسنك مقوقه رعایت، ایکنجیسی؛ من اللهی کوزه نمک در. بونك هر ایکی سندن ده بحث بیورمشدر. زیرا؛ ابناء جنسنندن اك عاجز صنفی اولان یتیمه و مسکینه رعایتك لزومی و رعایت ایتیمینلری ذم و عذابه مستحق اولدقلرینی بیان بیورمیشدی کبی حق الله رعایتك وجوبی دخی رعایت ایتیمینلری ذم و عذابه مستحق اولدقلرینی ذکرله بیان بیورمشدر. شوالده انسانه لازم اولان شعائر اسلامیه نك اساسنه اجمالاً اشارت اولونمشدر.

بوسوره جلیله کافرله و منافقوله شامل اولدینی کبی نمازی بعضاً ادا و بعضاً ده غفلت ایدرهك ترك ایدوب مبالات دینه سی اولمایانلره و فرض اولان زکاتی و یرمیه رك فقرانك حقنی منع ایدنلره و عادى شیلری اسیرکه یوب معاونت اجتماعیه اساسی اخلال ایدنلره دخی شاملدر. چونکه؛ بومثللو کیمسه لر هر نه قدر مؤمن اولسه لرده اعتقاد ایتدکلری دینك اساسی تشکیل ایدن صلات و زکات کبی نظر شرعه فوق العاده اهتمام لازم اولان عباداته اهتمام ایتمه مکله احکام شرعییه خلدلار ایتدیکی کبی انتظام عالمك اساسی تشکیل ایدن ابناء جنسنه رعایت و حسن معاشرتی اخلال ایتدکلرندن مسئولیتدن قورتولما یوب عذابه مستحق اولاجقلری بو سورده ده بیان اولوندینی کبی دیگر آیات بینات و احادیث نبویاته دخی ثابتدر. بناء علیه؛ اساسات اسلامیه یی ترك ایدرهك انتظام عالمی خلدلار ایدنلر دنیوی و اخروی مسئولیتدن قورتولما زلر.

سورة کوثر

مکه مکرمه ده نازل اولان سوره لر دندر. اوج آتی جامعدر.

بِسْمِ اللَّهِ الرَّحْمَنِ الرَّحِيمِ

إِنَّا أَنْعَمْنَا عَلَى الْكَوْثَرِ

[ یا اکرم الرسل! بز عظیم الشان محقق خیر کثیری سکا ویردک. ]

یعنی؛ بز سکا لطف و کرم و فضل و احسانمز اولارق جتده اطرافندن ایرمقلر آقار حوض و دنیا ده مرتبه نبوت و علماء امت و اولاد و احفاد ویردک.

فخر رازینک و ابوالسعود افندینک بیانلری وجهله کوثر؛ رسول اللهک جنتیه موصیبر. یاخود کوثر ایله مراد؛ قرآن در. زیرا قرآن؛ غیر کثیری جامعدر. یاخود کوثر ایله مراد؛ دینه اسلام در. چونکه اسلام؛ سعادت دارین اوزره شامل اولدیفندن بالعموم خیرات و منفعتی جامعدر. یاخود کوثر ایله مراد؛ اتباعک موصیبر. چونکه اتباع و اعوانک کثرتی؛ جلالت قدری و عظمت شانی مستلزمدر. یاخود کوثر ایله مراد؛ عمل ایله برابر حسن موقوفدر. چونکه عمل صالحه برابر اخلاق حسنه؛ جمله مزایای انسانییه و دنیا و آخرتک راحت و سعادتق جلب ایدر. زیرا انسان ایچون خلق حسن؛ هر درلو خیراتک اساسی و انواع فضائلک منشأی و جامعیه سیدر. شو تفصیلاته نظراً معنای آیت: [ بز عظیم الشان محقق سکا قرآنی و دین اسلامی و امتک علماسنی و انواع خیراتک منشأی اولان اخلاق حسنه یی ویردک ] دیمکدر.

بو سوره جلیله؛ غائبدن خبر ویردیکی جهته غایت قیسه اولمقله برابر بر قاج و جهله معجزه در. چونکه کوثر؛ اتباع و اولادک کثرتی معناسنه اولدیفنه نظراً رسول اللهک امتی جمله انبیانک امتندن چوق اولدینی کبی اولادینک دخی آیتده خبر ویرلیدیکی وجهله



جوق اولارق ظهور ایتسی عین معجزه در . چونکه؛ زمان سعادتده خبر ویریلن برشین  
بوکون بو وقوعاتک خبر ویرلدیکی وجه اوزره آنی تأیید ایتسی غائبدن خبر اولدینی  
جهتله معجزه دن باشقه برشی اولاماز .

نسل رسول الله کثرته کلنجه ؛ امویلر زماننده اهل بیت رسول اللهدن بر جوق  
ذوات کرام شهید ایدلدیکی حق قتل عاملر اجرا اولوندینی حالدده بوکون دنیاده اولادی  
صایلماز و توکنمز برحالدده در . كذلك واجب تعالی بوسوره ده (وانحر) لفظ شریفله  
ففرک زوالنده اشارت بیوردی . چونکه ؛ قربانک شرطی رومره واوله جده اولدی .  
رسول الله بغض ایدنلرک ابر اولاجقیرینی خبر ویردی و خبر ویرلدیکی وجه اوزره واقع  
اولدی . چونکه ؛ مکده بو سوره نک نزولنه سبب اولان مشرک لک دنیاده نسللری  
قلامش و کلیاً منقرض اولمش کیمشدر .

واجب تعالی رسولنه احسان ایتش اولدینی نعمتی اجمالاً بیاندن صوکره او نعمت  
اوزره لازم کلن شکری بیان وامر ایتک اوزره ﴿فَصَلِّ لِرَبِّکَ وَانْحَرْ﴾ بیوریور .  
[ ای رسول مکرم ! بز سکا کوثری ویرنجه سن ربک تعالی ایچون نماز قیل  
و قربان کس . ]

یعنی ؛ بز سکا خیر کثیری و یروب بر جوق نعمتلره متنعم قیلنجه اون نعمتلرک شکری  
ادا ایتک اوزره سکا اداء صلاتی واجب قیلدق . بناء علیه ؛ سن نماز قیل و ربک تعالی نک  
رضاسی ایچون قربان کس .

فخر رازینک بیانی وجهله نعمتک شکری ادا نعمتک وصولندن صوکره اولدیغنه  
و نعمته نائل اولدیغنده وقت فوت ایتکسزین شکر واجب اولدیغنه اشارت ایچون فورمه  
یعنی عهدیه دلالت ایدن فا لفظی وارد اولمشدر . شکر ؛ قلبه تعظیم و لسانه ثناء و اعضا به  
عمل ایتک اولوب بومعنائک جمله سنی صلات لفظی جامع اولدینی جهتله (فاشکر) مقامنده  
(فصل) وارد اولمشدر . صلات ایله مراد ؛ مطلقاً نماز اولمیه احتمالی وار ایسه ده (وانحر)

قربانه ایله امر معناسنه اولدیغنه نظر آو آیتده صلات ایله مراد ؛ بایرام نمازی اولمیه احتمالی  
غالبدر . عبادتده مقبول اولان ؛ اللهم رضاسی ایچون اولوب اللهم غیری به کوستریش  
یا بمق صورتیله وقوع بولان عبادت مقبول اولمیه جفته اشارت ایچون مضمونیه دلالت ایدن  
لوم وارد اولمشدر . دائماً لطف الهی نک رسول الله اوزرینه کله جکنه و هر زمان تربیه  
الهییه ایله تکمیل ایده جکنه اشارت ایچون اسماء حسنی ایچندن رب اسم شریفی وارد اولدینی  
کبی زیاده مهابه دلالت ایتسون ایچون ضمیر موضعنده اسم ظاهر کلشدر . چونکه  
(فصل لربک) یرنده (فصل له) دنیلسه معنای غیری اولابیلیردی ، لکن شویان اولونان  
دقیقه لره اشارت حاصل اولمازدی .

بو آیتده نحر له مراد ؛ نمازک متعلقاندره قیلمی استقبال و افتتاح تکبیرمه الیه  
قولانغه قالبرسم و کوکنه انی باغلامی و دعاده الیه تکبیرمه و دعاده  
صوکره انی بوزینه سورمک کبی معنای عائد اولمیه احتمالی وارسه ده اکثر مفسرینک بیانلری  
وجهله نحر ؛ قربانه کسمک معناسنده در . زیرا نحر ؛ دوه بی کوکننده کسمک معناسنده  
مشهور اولدیغندن کلام الهی معنای مشهور اوزرینه حمل ایتک اولادر . بناء علیه ؛ امام  
اعظم حضرتلری قربانک وجوبنه بو آیتله استدلال ایتشلردر . عربلرک اک قیمتلی  
ماللری دوه اولدینی جهتله قربانلری اکثریتله دوه اولاجغنه بناء دوه به مخصوص اولامه  
نحر ذکر اولونمش ایسه ده مقصد ؛ مطلقاً قربانه کسمک

بو آیتده صلات ایله مراد ؛ بایرام نمازی ، نحر ایله مراد ؛ قربانه اولدیغنی صورتمه  
بایرام نمازینک قربان اوزرینه تقدیمی واجب اولدیغنه دلالت ایدر . زیرا ؛ رسول الله  
(ابدأوا بماء الله) بیورمشدر . یعنی « اللهم قرآنده بدأ ایتدیکی شیهه باشلاک » دیمکدره  
شو حالدده جناب حق بو آیتده نمازله ابتدا بیوردینی جهتله بایرام کونی اولان نمازدن باشلامق  
واجبدر . بناء علیه ؛ بایرام نمازی قیلنان یرده بایرام نمازی کندینه واجب اولان کیمسه نک  
قربانی بایرام نمازدن اول کسيلمش اولسه جائز اولما دیغندن حقیقه عندنده قربانک اعاده سی لازمدره



واجب تعالى بوسورده رسولی بر جوق نعمتله تبشیر ایتدکن صوکره اونعمتدن حاصل اولاجق راحتک، خصمک مقهور و ذلیل اولسیله دها زیاده اولاجغه بناء رسولنک خصمنه قهرینی بیان ایتک اوزره ﴿إِنَّ شَانِئَكَ هُوَ الْأَبْتَرُ﴾ بیوریور .

[ ای نبی معظم ! محقق سکا بغض ایدیجی اولان کیمسه آنجق ایتدر . ]  
یوقسه سن ایتر دکلسک . زیرا ؛ عالمده سنک صیت جمیلک و شریعتک و اولاد و انساک الی یوم القیام باقی قالاقدرد . اما سنک ذاتک و نبوتک و نائل اولدینی دولتک بغض ایدن دشمنک آرقه سنده ذکر جمیلی و حسن صیق قالمیه جنی کبی نسلی دخی کلیاً منقرض اولاجغندن آنجق ایتر اودر .

فخر رازینک و ابوالسعود افندینک بیانلری وجهله بوسوره جلیله (عاص بن وائل) حقنده نازل اولمشدر . چونکه ؛ بر کون (عاص) قابودن کیررکن رسول الله جیقار بولوندینی جهتله قابوده واقع اولان سوزلرینی او مقامده بولونان قریشک سفهای نه سویله شدکلرینی و کیم ایله قونوشدقلرینی صورمالری اوزرینه (عاص بن وائل) « شو ایتله سویله شدم » دیمسی اوزرینه بوسوره بی ازالله جناب حق رسولنک اینجینمش اولان قلبی تعمیر و تسلیه بیورمشدر . چونکه ایتر ؛ او غموره اولادی اولابانه کیمسه دنیلدیکندن رسول الله حضرت خدیجه دن دنیا به کلن ( عبدالله ) اسمنده مخدوم مکرملری وفات ایدنجه قریش قومی رسول الله حقنده قلب نبویلرینی رنجیده ایده جک سوزلری سویله مکدن چکینمز لردی . بوسوره جلیله رسول الله نه قدر مسرور ایتدی ایسه دشمنلرینی ده اوقدر یأس و فتوره غرق ایتمشدر . زیرا دشمنلرک برنجی افتخارلری ؛ ثروت و سامان و اتباع و اعوان صاحب اولوب رسول الله و اتباعنده بونلرک بولونماسی ایکن واجب تعالى بوسوره نک ایتداسنده خیر کثیری و بر جوق نعمتلی و یردیکنی محقق اولارق بیان بیورنجه دشمنک رسول الله قارشی افتخار ایده جک بریشی قالمادینی کبی حسدنن کندی کندینه قهر اولوب کیتمکه باشلامشدر . چونکه ؛ حسودک حسدی دائماً نفسی مهلك اولدیفندن رسول الله کون بکون اتباعی چو غالدجه و شرفی خلق نظرنده آرتدجه رسول الله دشمنلری رذیل و رسوای و مقهور اولدیلر کیتدیلر .

رسول الله دشمنلرینک عبادتلی ، نعمتلی احسان ایدن واجب تعالى نک غیری بوتلره اولدیفنه تعریض ایچون رسولنه « سن ربک تعالى به عبادت ایت و نماز قیل و قربان کس » بیورمشدر . دائماً معاوتی رسولنه اولاجغه اشارت ایچون جمله عالمک ربی اولدینی حلالده رسولنه خطابی تخصیص ایده رک « سنک ربک » بیورمشدر . چونکه ؛ موقع تعریضدن خطابی رسول الله تخصیص « معاوتم آنجق سکادر ، باشقه سنه دکلدر ، دیمک اولور و شو تعریض خصمه تحقیری متضمن اولدیفندن خصم رسول الله یأس و فتوره غرق ایله دیک کبی دشمنک رسول الله مدار طعن عدابتدیکی ایتر سوزینی ده دشمن اوزرینه قلب ایتمکه مأیوس و مقهور ایتمشدر . زیرا رسول الله خصمک اسناد ایتدیکی نسلک و آثار جمیلک منقطع اولاجغنی مصره دلالت ایدن ضمیر فصل ایله خصمک کندنده واقع اولاجغنی بیان بیورمسی ؛ خصمک بوتون امیدلرینی قطع ایتدیکی کبی نسلک انقطاعک کندینه منحصر قالاغغنی بیان ایله دشمنی بر اضطرار ایدی به القا ایتمشدر .

بوسوره جلیله ؛ غایت قیصه اولقله برابر صایلماز و توکنمز الطاف الهیه سیله واجب تعالى رسولنه وعد بیورمش و تسلیه ایتمشدر . رسول الله بوموال اوزرینه تلطیف ، خصمانی تحقیر و تذلیلدر . چونکه ؛ السنه ترکیه مزده « دوست طرفندن دوستی جواب و یرر » دیدکلری کبی رسول الله خصمنه قارشی جوابی جناب حق بالذات کندی التزام ایده رک بر سوره مخصوصه ایله تلطیف و معاونتی وعدله تعظیم و دشمنلرینی تحقیر و تریذیل ایله رسولنک جوابی و یرمشدر .

بوسوره جلیله نک جمله لطائفدن بریسی ده بوندن اولکی سوره به مقابله کبی اولسیدر . چونکه ؛ بوندن مقدم اولان سوره ده واجب تعالى منافق دیت شی ایله زم ایتمشدر که بخل ، ترک صیوت ، ریا و مقهوره عبادت رعایت ایتمک ده عبارتدر . بوسوره ده ایسه صموده دوام و قربانه کسمکه فقرایه الطعام طعام و صرف و یرمک ایله امر بیورمشدر که بونلرک جمله سی اولکی سوره ده بیان اولونان منافقک صفتلرینه مخالفدر .





سورة کافرون

مکه مکرمه نازل اولان سوره لر دندر . آتی جامعدر .

بِسْمِ اللَّهِ الرَّحْمَنِ الرَّحِيمِ

﴿ قُلْ يَا أَيُّهَا الْكَافِرُونَ \* لَا أَعْبُدُ مَا تَعْبُدُونَ ﴾

[ یا اکرملرسل ! سکا معارضه ایدن کافرله خطاباً سن \* ای کافرلر ! سزک عبادت ایتدیکنز بوتلره بن عبادت ایتتم ، دی که کافرلر کندی املرینه سفی تابع قیلامیه جقلربی بیلسونلر . ]

یعنی ؛ ای حیییم ! سن کافرله خطاباً \* ای کافرلر ! سزک و بابالریکنزک جهالت و حماقت نتیجه سی اولارق معبود اتخاذا ایتدیکنز طاشدن و آغاچدن یا بلش منفعت و مضرت آلدن کله بن شیلره سز عبادت ایدیورسکنز . سزک بو عبادت ایتدیکنز بوتلره بن عبادت ایتتم ، دیمکه کافرلرک بوتلری عبادته شایان برشی اولمادیغنی کندیلرینه تفهیم ایت .

فخر رازینک بیانی وجهله واجب تعالی نک سوره نک اولده ( قل ) کله سیله امری ؛ رسول الله کافرلر طرفنده واقع اولامی ازانده وقایه ایچوندر . چونکه ؛ انسانلر کندیلرینه امثال عد ایتدکلی کیمسه دن سومه دکلی سوزی ایشیتمک ایسته مدکلی کبی ایشیتیلرله تحمل ایتزلر . بناء علیه ؛ ( قل ) کله سیله رسول الله امر صورتیه وارد اولماش اولسه ایدی دوعریدن دوعری به رسول الله \* ای کافرلر ! عنوانیه خطاب ایتش اولاجق و بونی ده کافرلر چکه مدکلرندن برودتک شدتی موجب اولاجق و بلکه عربده اولق احتمالی موجود اولدیغندن قریشک عصیتلربی تسکین ایچون واجب تعالی بو خطابک ذات الوهیتی طرفندن اولدیغنی ( قل ) کله سیله تصریح ایتمکه مشرکلرک بو خطابدن متأثر اولارق رسولنه وقوعی محتمل اولان اذالربی دفع وشوخطابه معین اولان کیمسه لرک دعوت

رسوله اجابت ایتیه جکلرینه اشارت ایچون سوره نک اولنده ( قل ) کله سیله امر صورتنده بالذات واجب تعالی ذم ایتدیکنی و رسولنک وظیفه سی آنجق تبلیغ اولدیغنی بیان بیورمشدر . شوخالده رسول الله الهک خطابنی حکایه و تبلیغ ایتدیکی جهته کافرلرک رسول الله قارشى بر دییه جکلری قالسامشدر . زیرا ؛ حاکیه سوال توجه ایتمز . بناء علیه ؛ بو خطابه رسول الله دن متأثر اولمادقلری ایچون اذایه قیام ایتزلر . و بو خطاب رسول الله مأمور اولدیغنی رفقه معامله به و صورت حسنه ده مجادله به مانع دکدر . زیرا خطاب ؛ طرف السیدندر ، طرف رسالتدن دکدر که رفقه معامله نک خلافتده بر معامله اولسون .

بوسورده ده ( قل ) کله سی بروالینک منشور جدیدی مثابه سنده اولدیغندن طرف السیدن رسولنه تعظیمدر . چونکه ؛ حکمدار طرفندن بر ولایت کوندلش اولان والیه آرده صیره حکمدارک خصوصى التفاتی او والی حقنده تعظیم اولدیغنی جهته خلق نظرنده والینک قدری ترفیع وقوتی تزید و شرفی آتیره جفنده شبهه یوقدر . بناء علیه ؛ ( قل ) کله سنک شان رسول اللهی ترفیع و کافرلر نظرنده قدری اعلا ایتدیکنه و عزتی آتیردیغنده شبهه یوقدر . قریشدن شوخطابه مخاطب اولان کیمسه لرک کال عناد و تمردلرینه بناء دنیاده ک زیاده ذمه دلالت ایدن کفر لفظیه خطاب ایده رک ذم و شانلربی تحقیر ایتشدر . چونکه ؛ روایت موثوقه به نظراً سوره نک سبب نزولی شویله در : قریشک بو یوکلرندن ( ولید بن مغیره ) و ( ابو جهل ) و ( امیه بن خلف ) و ( عاص بن وائل ) کبی معین برطاقم کیمسه لر رسول الله « سن برسنه بزم معبودلریمزه عبادت ایت و برسنه ده بزنسک معبودیکه عبادت ایده لم . اکر سنک معبودک خیرلی ایسه بز آندن نصیبمزی آلام ، اکر بز می خیرلی ایسه سن آندن نصیبکی آلمش اولورسک » صورتنده وقوعبولان تکلیفلری اوزرینه رسول الله جناب حقک شریکی اولمادیغنی کبی شرک ایتک قطعاً جائز اولمادیغنی بیان ایتسی اوزرینه بوسوره نک نازل اولدیغنی مرویدر .

بو خطابدن یهود و نصاری خارجدر . چونکه ؛ آنلر اللهی بیلوب والله عبادت ایتدکلرندن آنلره خطاب ایده رک « بن سزک عبادت ایتدیکنز معبوده عبادت ایتتم » دیمک جائز اولیه جغه بناء یهود و نصاری بو آیتک خطابندن خارجدرلر . شوخالده بو آیتده خطاب ؛ بیان اولوندیغنی وجهله یا قوم معیندر و یا خود مشرک ، مجوسی و طبعیوره کبی



الله تعالیٰ بی طاعتی و عبادت نیست. چونکه ؛ آنرا الله تعالیٰ به عبادت ایتدکارندن آنلره قارشى « بن سزك عبادت ایتدیککز شیره عبادت ایتهم » دیمک جائزدر . رسول الله تعالیٰ واجب تعالیٰ دن کافرونه عنوانیه خطابى حکایه سی ، کافرلى انصافه دعوت اولمق احتمالی وارددر . چونکه ؛ رسول الله صدقنى تماماً بیلدکاری جهته کندی ذاتلرینه تسجیل اولونان کفرى ازاله یه سعى ایتلرینه ارشاد اولابیلر . رسول الله جمیع ناسه مبعوث اولدینی جهته مکلف اولان انسانلرک جمله سنده دین اسلامک غیرى بالجمله ادیاندن تبری ایتلرینی امر ایتدیکی کبی کندیسى ده دین محمدیدن باشقه جمله ادیاندن والله تعالیٰ نك غیرى بالعموم کافرلرک معبود اتخاذا ایتدکاری شیردن صراحت لسانیه ایله تبری ایتدیکنی بیان ایچون ( لا اعبد ما تعبدون ) بیورمشدر .

..

واجب تعالیٰ ، رسول الله کافرلرک معبودینه عبادت ایتدیکنی بیاندن صوکره کافرلرده رسول الله معبودینه عبادت ایتدیکرینی بیان ایتمک اوزره ﴿ وَلَا أَنتُمْ غَائِبُونَ مَّا عِبَدُوا وَلَا أَنَا عَابِدُوا مَّا عَبَدْتُمْ ﴾ بیوریور .

[ ای کافرلر ! سز عبادت ایدیجی اولمادیکنز بنم عبادت ایتدیکم معبودمه و بنده عبادت ایدیجی اولمادم سزک معبودیکزه و سزده عبادت ایدر اولمادیکنز بنم معبودمه . ] چونکه ؛ سزک بابالریکزی وده ده لریکزی تقلیده انهماک وشهوات نفسانیه کزه تبعیت ، طبیعتکزه چاقیلمش بر میخ منابه سنده اولدیغندن چیقماق احتمالی اولمادیجی جهته دلالتله نظر ایدرک حقه استدلال ایدوب معبود بالحق اولان واجب الوجوده عبادت ایتدیکلرک اوزا قدر . شو حالده باطل معبودلریکزه عبادته دوام ایدرسکنز . بناء علیه ؛ بن سزک معبودیکزه عبادت ایتهم . چونکه ؛ خیر و شردن عاجز بر طاقم اشیاء خسیسه اولدقلرندن عبادته استحقاقلری یوقدر و آنلره عبادتن جناب حق بنی نهی ایتمشدر . منهی اولان برشی معبود بالحق اولاماز . شو حالده بندن امیدیکزی کسک . زیرا ؛ سزک دعوتکزه اجابت ایتمک احتمالی یوقدر .

مشرکارده الله تعالیٰ به عبادت ایتدیلر . چونکه الله تعالیٰ به عبادت ؛ حق اولوب حق کورمک ایسه عاقلانه تدقیق ایتمک و نظر عبرتله باقمق و حق آراق ایله اولاجقندن و کافرلر ایسه کمال حماقت وجهالت اوزره بولوندقلری جهته نظرلری حق کورمکدن اوزاق اولدیغندن حقه عبادت میسر اولماز .

بو آیتده تکرار یوقدر . زیرا ؛ ظاهرده تکرار کوریلورسه ده اولیکی آیت ؛ زمانه استقبال عامه ، ایکنجی آیت ؛ زمانه حاله عامه و یاخود بالعکس اولدینی جهته حقیقته تکرار یوقدر . چونکه معنای آیت : [ بن ایلروده سزک معبودیکزه عبادت ایتهم و سزده ایلروده بنم معبودمه عبادت ایتمسکنز و بن شیمدیکی حالده دخی سزک معبودیکزه عبادت ایتهم و سزده شیمدیکی حالده بنم معبودمه عبادت ایتمسکنز ] دیمکدر .

یاخود کافرلرک رسول الله باطل معبودلرینه عبادته دعوتلری تکرار وقوع بولدینی جهته آنلری رد خصوصنده جوابده تکرار وارد اولمشدر . زیرا ؛ غرض فاسد اوزره بر سوز تکرار بتکرار سویله نور طورور و اصرار اولونورسه آنک کلامنی آکا حقارت و اهانت اولمق اوزره رد ایتمکده تکرار عادتدر . بومثللو تکرار عرب عندنده فصاحتدن معدود اولدینی جهته آیتده تکرار فصاحته مانع دکدر . لسان ترکیده دخی محاوره انناسنده بواصول جاریدر . مثلاً فاسد بر غرضه منی بر کیمسه دیگر بر کیمسه یه « فلان شیشی یاپ » دییه تکرار بتکرار سویله نیجه مخاطبک مزاجنه و مصلحتنه موافق اولمایان شیشی تکرار تکرار تکلیفنه حدت ایدرک « بیلمه دیکک شیشی سویله یوب طورما ، یا پیه جفم یا پیه جفم » دیر وحدتی تسکین ایدنیجه یه قدر تکرار ایدر و نه قدر تکرار ایدرسه مخاطبی اوقدر تحقیر اولدینی کبی سوزک مقامی ده تکرار ایجاب ایتدیکندن نه قدر سویله نسه فضله سویله نمش عد اولونماز . بناء علیه ؛ آنلرک رسول الله تکرار بتکرار دعوتلرینه قارشى رسول الله ده « نه بن سزک معبودیکزه عبادت ایدرم و نه ده سز بنم معبودمه عبادت ایدرسکنز » دیدی و تکرار سوزلرینی رد ایتدی .

یاخود قرآن حادثیه کوره نازل اولدیغندن بر زمانده واقع اولان دعوتلرینی رد ایچون آیتک بریسی نازل اولمش و دیگر زمانده واقع اولان دعوتلرینی رد ایچون دیگر بر آیت نازل اولمشدر . چونکه ؛ بر کیمسه طرفندن بر سوز سویله نور آکا کوره بر جواب



ویرد کدن سوکره دیگر زمانده عین سوز اعاده اولونونجه عین جوابی اعاده ده وسئوال وجوابک تکررنده بر مانع یوقدر وبوسورده تکرارده بوقیلنددر .

﴿ لَكُمْ دِينُكُمْ وَلِيَ دِينِ ﴾

[ سزک دینکزر وار بنمده دینم واردر . ]

یعنی ؛ ای مشرکرا ! شرکدن عبارت اولان دین باطل سزه منحصردر ، بکا تجاوز ایتمز وصرف توحیددن عبارت اولان دینم بکا واتباعه منحصردر . بناء علیه ؛ سزک دینکزدن حاصل اولان ضرر سزه عائد و بنم دیندن حاصل اولان منفعت ده بکا عائددر . شو حالده بنم سزک دعوتکزه اجابت ایتک احتمال یوقدر . بناء علیه ؛ سزامیدیکزی کسمه لیسکزر . زیرا ؛ سزه اتباع بنم ایچون محالدر . شو حالده محال اولان بر شیئی امید ایتکده بر فائده یوقدر .

بو آیتک قتال آیتله منسوخ اولق احتمالی وار ایسه ده اصح اولان اهل تفسیرک محققلرینک بیانی وجهله منسوخ دکدر . آنجق آیتدن مقصد ؛ کافرلری تهدید ایتکدر . یعنی معنای آیت : [ هایدک دینکزه صاحبک اولک باقالم . اودین سزک سبب نجاتکزر اولابیلیرمی ؟ بلکه اودین سزک سبب هلاککزر اولاجقدر . شو حالده ایسته دیککزر قدر سبب هلاککزر اولان باطل دینکزه صاحب اولک ] دیمکدر . شومعنایه نظراً کافرلر ایچون کفره اذن ویرلش اولماز .

یاخود آیتده دین ؛ حساب معناسندر . بوکا نظراً معنای آیت : [ سزک حسابکزر سزه عائد ، بزم حسابمزرده بزه عائددر . بناء علیه ؛ هیچ بریمزک حسابندن آخر مسئل اولماز . بزم سزه نصیحت ایدیورز : ایسترسه کزر دیکلرسکزر و ایسته مزسه کزر دیکله مزسکزر ] دیمکدر .

یاخود دین ؛ جزا معناسندر . بوکا نظراً معنای آیت : [ سزک دینکزرک جزای سزه و بنم دینک جزای بکا عائد ] دیمکدر . شومعنا لک جمله سنده کافرلری تهدید معناسی موجود اولدیغندن کفره اذن ویرلک معناسی یوقدر .

مدینه منوره ده نازل اولان سوره لردندر . اوج آیتی جامعدر

﴿ بِسْمِ اللَّهِ الرَّحْمَنِ الرَّحِيمِ ﴾

﴿ إِذَا جَاءَ نَصْرُ اللَّهِ وَالْفَتْحُ \* وَرَأَيْتَ النَّاسَ يَدْخُلُونَ فِي دِينِ اللَّهِ أَفْوَاجاً \*

فَسَبِّحْ بِحَمْدِ رَبِّكَ وَاسْتَغْفِرْهُ ﴾

[ اللهک یاردیمی و مکنتک فتحی سکا کلدیکی وقت واللهمک دینته فوج فوج ناسک داخل اولدیغنی کوردیکک وقت اللهک حمدینه ملابس اولدیغک حالده سن تسبیح ایت واللہ تعالی دن کناهلرک عفونی دیله مک خصوصنده اللهه استغفار ایت . ]

یعنی ؛ الله تعالی نک سکا وعد ایتش اولدیغنی نصرت و مکنتک فتحی وسائر فتوحات سکا کلوب دینک جمیع ادیان اوزرینه غلبه ایدوب ناس جماعت جماعت دین الهی به داخل اولدقلرینی وعقللری وفراستلری ایله دین اسلامک حق اولدیغنی ادراک ایتدکلرینی کوردیکک زمانده ربک تعالی نک مدح و ثناسنه ملابس اولدیغک حالده جمیع نقائصدن تنزیه ایدهرک استغفاره دوام ایت .

فخر رازینک بیانی وجهله جناب حقک وعد ایتش اولدیغنی نصرتک آیتک نزولندن صوکره کله جکنه و نصرتک ظهوری محقق اولدیغنه اشارت ایچون ( اذا ) لفظی وارد اولمشدر . چونکه ( اذا ) لفظی ؛ ایلری به دلالت ایتدیکی کبی محقق اولامی . شیده دفعی استعمال اولونمور قاعده عربیه اقتضاسنددر .

نصرت ؛ مقصد اصلی اولان فتوحاته سبب اولدیغنی جهته آیتده نصرت ، فتح اوزرینه تقدیم اولونمشدر . چونکه ؛ سبیلر مسبب اوزرینه و شرطلر مشروط اوزرینه دائماً مقدم اولدیغندن سبب قیلندن اولان نصرت مقدم اولارق وارد اولمشدر . آیتده فتح ایله مراد ؛ فتح فیه و یا طائف و یا خود جمیع فتوحات اولق احتمالی وار



ایسه ده اکثر مفسرینک بیانلری وجهله فتح ایله مراد ؛ فتح مکده . زیرا ؛ او زمانده مکئک فتحی بوتون جزیره العربک فتحی مثابه سنده اولوب رسول اللهک آرزوسی ده هریردن اول مکئک فتح اولونمسی اولدینی جهته آیت ده فتح مک مراد اولونمسی جهتی ترجیح ایدر . او زمانده جزیره العربده اک بویوک بلده مک اولوب بوتون قبائلک حرم شریف مناسبتیه قیلری مکیه مربوط اولدینی جهته مکئک فتحی دین اسلامک قوت وشو کشته سبب اولاجغندن اهل اسلام ایچون پک بویوک نعمت اولدیغندن نصرت وفتح ظهور ایتدیکنده تسبیح وتقديس ایتسیله واحب تعالی رسولنه فرمان بیورمشدر . چونکه ؛ فتوحات وناسک فوج دین اسلامه دخوللری نعمت اولونجه اونعمت مقابلهده شکر ایتک واجبدر . رسول اللهک وفاتی سوردهنک نزولندن برمدت صوکره وقوع بولمشدر . حق سوردهنک نزولندن ، حضرت عباس رسول اللهک ارتحاله اشارت اولدینی آکلادینی جهته آغلامشدر . رسول الله عمیسنک آغلاماسنک سببی سوال ایدنجه حضرت عباس « سورده ارتحالکزه اشارت حس ایتدیکندن آغلام یار رسول الله ! » دینجه « حسکز طوغریدر » بیوردینی مرویدر . چونکه نصرت وفتوحاتک کلمسی وناسک فوج فوج دین اسلامه داخل اولملری دینک تکمل ایتدیکنه دلالت ایتسی ارتحال نبویلرینه اشارت اولمشدر . کذلک تسبیح واستغفارله امر یالکزر آخرته متعلق بر امر اولدیغندن حضرت عباس رسول اللهک ارتحاله استدلال ایتمشدر .

دین الهییه داخل اولان ناس ایله مراد ؛ افراد بشرک کافه سی اولمادینی عقلاً وحساً معلوم اولدینی جهته ناس لفظی هر نه قدر الفاظ عامه دن ایسه ده بومقامده معنای عامی مراد اولونمق امکانی اولمادیغندن ایمانی قبول ایتک ربه اسوم داخل اولم سورده بیزمه استفاده ایتندر مراددر . بوقدر آجیق دلیلردن دین اسلامک حق اولدینی استدلال ایدمه یئرلر کأن بهایم زمره سنه الحاقله آنلره دری العقولمه استعمال اولونانه ناس لفظی اطلاق ایتک لایق اولمادیغه اشارت اولونمشدر . چونکه هر شیئک کالی ؛ اوشیدن مقصد اصلی نه ایسه آکا واصل اولقله اولوب ناسدن مقصد ایسه معرفت الهیه وایمان اولدیغندن شومقصد کندیلرندن حاصل اولمایان انسانلر ظاهرده موجودلر ایسه ده حقیقتده

یوق مثابه سنده درلر . بناء علیه ؛ ایمان ایتمه یلردن ، انسانلردن مقصد اصلی اولان معرفت حاصل اولمادینی جهته آنلره ناس لفظی اطلاق ایتک لایق دکلددر . شوحالده دین اسلامه داخل اولمایوب کفر اوزره بولونانلر ناس لفظندن عقلاً وحساً مستثنا اولدقلری جهته ناسک عمومی معنایی مراد دکلددر .

فوج دین اسلامه داخل اولانلرک پک چوقلری دلائلیله ذات الهی وصفات الهی اثبات واستدلال ایدهرک اعتقادیاتک دقائقه واقف اولماق جهلادن اولوب آنحق فضلاء اصحابی تقلید ایدن مقلدلردن اولدقلری جهته بوآیت مقلدک ایمانی صحیح اولدیغه دلالت ایدر . چونکه ؛ بویک مقلدلرک دین اسلامه داخل اولدقلرینی بیانه واجب تعالی رسولنه امتنان بیورمشدر . اگر آنلرک ایمانلری صحیح اولماش اولسه ایدی آنلرک اسلامه دخوللریله امتنان اولمازدی وآنلرک اسلامه دخوللری رسول الله حقنده نعمت عد ایدهرک تسبیحله امر ایتزدی . حالبوکه آنلرک اسلامه دخوللری نعمت عد ایدهرک تسبیح وتحمیدله امر ایتمشدر . ایشته شو امر سببیه بوآیت مقلدلرک عندالله ایمانلرینک صحته دلالت ایدر . ناسک فوج فوج اسلامه دخوللری مکئک فتحندن صوکره باشلامشدر . چونکه ؛ ( حدیثیه ) ده رسول اللهک قریشله معاهده لرنده ، قریشی ایستین قریشک عهدی آلتنده قالمق ورسول اللهی دیله یین رسول اللهک عهدی آلتنده بولونمق وهرکسک ایستهدیکی طرفه باغلامق ید اختیارنده اولمق معاهدهنک جمله مشتملاتندن اولدینی جهته مکئک جوارنده اولدقلری حالده ( بنی خزاعه ) رسول اللهک عهدینی و ( بنی بکر ) ده قریشک عهدینی قبول ایتمشلردی . عهدک خلاصه سی ؛ مدتی ختنامه قدر طرفینک یکدیگری ضرردن وقایه ایتک و ماللرینه وجانلرینه تجاوز ایتمه مک اولوب بوده عهدک مندرجاتندن اولدینی حالده ( بنی بکر ) ( بنی خزاعه ) اوزرینه تجاوز ایتسیله قریش ده آنلره معاوننده بولونمقله عهدی نقض ایتش اولدیلر . ( بنی خزاعه ) وقعه یی ایلیچیلری واسطه سیله رسول الله خبر ویردیلر ورسول الله ده بوخبردن متأثر اولدی وحرپ تدارکنی دوشونمکه باشلادینی زمان قریش معاهده یی تجدید ایچون ابوسفیان کوندر دکلی رسول الله اصحابنه خبر ویردی وساعت کچمکسزین قریش طرفندن ابوسفیان کلدی . معاهدهنک تجدیدینی طلب ایتدی . رسول اللهدن واکابر اصحابدن بر جواب آلامیجه حضرت فاطمه یه کیتدی . رسول الله رجاء خلاصه البیان : اون بشنجی جلد — ۴۰



ایتمنی استرحام ایتدی . آندن ده بر حواب آلامانجه مایوساً مکّه عودت ایتدی وقریشه احوالی خبر ویردی . رسول الله ده کیزلی اولارق حرب تدارکنه باشلادی واهل حسانه ده هانکی جهته عزیمت ایده جککری کیزلی طومانی توصیه ایتدی . بناء علیه ؛ رسول الله عسکریله برابر مکّه یه توجه ایتدی و(مرا الظهران) دینلن موقعه کلنجه یه قدر رسول الله حالندن قریش خبردار اولامامشدر . ایشته حکومت اسلامیته و بالخاصه عساکر اسلامیته کیمسه نیکم ایتک اهم والزم اولدیغنه رسول الله شو تدبیری دلالت ایدر وهله امر حربده حرب پالانی کیزله مک اشد وجوبله واجبدر .

(مرا الظهران) ده حضرت عباس ابوسفیانی رسول الله حضورینه کتیردی . ابوسفیان بعضی تضرعانه بولونمش ایه ده قبول اولونمیه رقی ابوسفیان او کیجه عباس حضرت تارنده مسافرقالدی و صبا حدن عساکر اسلامیته کچه چکی یول اوررنده بریو کسک محله چیقاردی و رسول الله عسکری فرقه فرقه کچر کن سیروتماشا ایتدیردی . بعده مکّه یه خبر ویرمک اوزره امر رسول الله ابوسفیانی براقیدی . ابوسفیان مکّه یه کلدی و رسول الله عسکریته کیمسه نیک مقاومت ایده میه جککری خبر ویردی و عسکریله برابر رسول الله ده مکّه یه کیردی . ایشته ابوسفیانه شوکت اسلامیته کوستردکن صوکره مکّه یه خبر ویرسون ایچون براقی ویرمک، کورونه جک یرده دشمنه غایت قوی کورونمک لازم اولدیغنه دلالت ایدر . چونکه ؛ اسلامک قوت و شوکتی کورن دشمنک قوه معنویه سی قیریلانجه بناء رسول الله مکّه اهالیسنک حرب تدارکنی یاپامیه جنی بر زمانده قوتی کوستردی و ابوسفیانی ده مکّه یه خبر ویرمک اوزره کوندردی که مکّه اهالیسی مقاومت ایده میه جککری بیلسونلر و محاربه سز مکّه یی تسلیمک چاره سینه باقسونلر . رسول الله شو تدبیری اوزرینه مکّه شهری محاربه سز فتح اولونمشدر . زیرا ؛ رسول الله شوکتی ابوسفیاندن ایشیدن مکّه اهالیسی محاربه یه حاضر لایق شویله طورسون جانلری قورتارمانک رسول الله عرض انقیاد ایتمکده اولدیغی بیلدکارندن همان عرض انقیادک چاره سنی دوشوندیلر و اطاعت ایتدیلر . اگر رسول الله شوکتی کوستریمش و مکّه اهالیسی صوکره زمانده قوتندن خبردار ایتیمش اولسه ایدی مکّه اهالیسی مقابله ایدرز ظنیه محاربه یه قیام ایدرلر و طرفیندن برچوق آدملر ضایع اولقله برابر یه مکّه فتح ایدلمش اولاجقدی . حالبوکه حسن تدبیر سایه سنده بونلرک جمله سی بر طرف ایدلمش و غایت قولایقله مقصد حاصل اولمشدر .

مکّه نیک فتحنده ابو جهلک اوغلو (عکرمه) ایله (سهیل بن عمرو) ک طوپلامش اولدقلری بر مقدار قوت اوزرینه سوق اولونان حضرت خالدله زبیرک فرقه سی (عکرمه) و (سهیل) قوتلریته تصادف ایله جزئی بر مقابله اولمش و خالدک عسکرندن بر نلرک شهادتی و عکرمه نیک باشنده بولونان مشرکلردن اون ایکی نفرک قتل اولونملریله نتیجه له نین مصادمه دن باشقه مصادمه اولامامشدر . چونکه ؛ رسول الله عساکر اسلامیته نیک فرقه رئیس لرینه امر ویردی و بیوردی که « سزکله مقابله ایدنله مقابله ایدک و سزندن آلی چکنلردن آلیکزی چکک » . جناب رسالتاب افندیمز بویله امر بیورمقله مکّه یه حین دخوللرنده عسکرک آلاجنی وضعیتی تعیین بیورمشدر . بناء علیه (عکرمه) و (سهیل) دن باشقه مقابله یه قیام ایدن اولمادیغندن هر طرفدن مکّه یه وقوعانسز و سهولته کیرلمشدر .

رسول الله مکّه یه داخل اولونجه ابوسفیان آمان دیله دی و رسول الله ده « ابوسفیانک خانه سینه کیرن امیندر » بیوردی . ابوسفیان « یار رسول الله اوم طاردر » مکّه اهالیسی استیعاب ایده مزه دیدی . رسول الله « مسجد شریفه کیرن امیندر » بیوردی . ابوسفیان « مسجدده طاردر » دینجه رسول الله « آلدن سلاحی ترک ایدن و اوینک قابوسی آرقه سندن کلیدله یین امیندر » بیورمقله بوتون مکّه اهالیسنه شامل بر آمان ویرمشدر .

رسول الله کعبه معظمه نیک قابوسی اوکنه کلدی و اهل مکّه یی هرشیدن آزاد قیلدی . بوندن صوکره ناس فوج فوج کلرک رسول الله بیعت ایتدیلر . و ناسک عمومک بیعتی ایچون رسول الله (صفا) اوزرنده اوتوردی و بیعت عامه صفاده وقوعولدی . ایشته اوزمان و اوندن صوکره فرقه فرقه ناسک دین اسلامه دخوللری جناب حق بو آیتده بیان بیورمشدر . رسول الله عسکرینک عددنده اختلاف وارسده اکثر روایت نظرآ اون بیک عدد اولق روایتی دیگر روایتلر اوزرینه مرجحدر . مکّه نیک فتحی هجرتک سکزنجی سنه سی رمضانک یکر میسندن صوکره واقع اولمشدر . رسول الله بعدالفتح مکده اون بش کون اقامت بیورمشدر ایشته شو نعمتلی جناب حق رسول الله احسان ایدنجه بونعمتک شکرینی ادا ایتک اوزره تسبیح و استغفارله امر ایتمشدر .

واجب تعالی نیک رسول الله احسان ایتدیکی اوج نوع نعمت که نصرت رفیع و ناسک حبه اسوه و فوادی اولوب بونلره مقابل اوج نوع عبادتله امر ایتمشدر . چونکه ؛ اعداء



دين اوزرينه نصرت بك بويوك نعمت اولديغندن جناب حق بوكا مقابل ذات بك الوهيتي نقائصدن تنزيه معنائه تسبيح ايله امر ايتمشدر . يا خود تسبيح دن مراد؛ نماز اولديغنه نظراً نمازله امر ايتمشدر . چونكه تسبيح؛ نمازك اجزاسندن اولديني جهته جزئي ذكر وكني اراده قيلندن تسبيح ذكر اولونمش ايسه ده نماز اراده اولونمشدر . بوكانظر آمعناي نظم: [يا اكرم الرسل] ربك تعالى بك سكا ويرمش اولديني نصرتي وفتوحاتي وناسك فوج فوج دين اسلامه دخويله عرض انقياد ايتدكلريني كورديكك وقته ربك تعالى بك مدح وثنائه مقارن اولديكك حالده نقائصدن تنزيهله نماز قيل واستغفار ايت] ديمكدر . تسبيح؛ صفات سليبه وحمدده صفات ثبوتيه دلالت ايتديكندن و صفات سليبه ، ثبوتيه اوزرينه مقدم اولديغندن صفات سليبه دلالت ايمده تسبيح ، حمد اوزرينه تقديم اولونمشدر . چونكه تسبيح؛ نقائصده تنزيه اولوب نقائصدن تنزيه ايسه واجب تعالى ده لايي اولديني صفتلري سبب ايتك اولديني هر نه صفات سليبه دلالت ايتديكي كبي حمد؛ واجب تعالى بي مرع و ثنا اولوب واجب تعالى به لايي و منصف اولديني صفتلري اسناد ايتك اولديني هر نه حمدك صفات ثبوتيه دلالتى شهبه سزدر . چونكه الله تعالى به حمد و ثنا؛ الله تعالى عالمه وقادره كبي صفتلري اسنادله اولديغندن البته حمد صفات ثبوتيه جمله سندندر .

تسييچدن مستفاد اولان تنزيه، الله تعالى بك ذاته و صفاته و افعاله شامل اولديغندن الله تعالى ذاتنده و صفاتنده و افعالنده الوهيتيه لايق اولماق شيلرك جمله سندن منزّه ديمكدر . چونكه؛ جناب حق ذاتنده مقدس اولديني كبي صفاتنده و افعالنده دخي مقدسدر . بو آيت تسبيح و تحميدك افضل عبادت اولديغنه دلالت ايدر . چونكه؛ واجب تعالى رسولنه احسان ايتديكي نصرت و بلده لرك فتحي كبي جسم نعمتله مقابل رسول الله اوزرينه واجب اولان شكري ادا ده تسبيحله حمدي كافي قلوب يالكز بونلرله امر ايتسي بونلرك عبادات ايجنده افضل اولديغنه دلالت ايدر . آيتده تسبيحله امر هر نه قدر رسول الله ايسه ده رسول الله امر امتده امر اولديغندن ناصل كه نعمت مقابلنده رسولنه شكرله

امر ايتمش و رسول الله شكر ايتمكه مأمور اولديني كبي امت محمدده عين امره امتثال ايله مكلف و هر نعمتك شكري ادا ايله مأمور اولمشدر . آيتده تسبيحله امر مطلق اولديغندن امرك وجوب ايجون اولسي راجحدر . چونكه؛ حقها عندنده امر مطلقرك و هر ب افاده ايتسي قواعد اصوليه اقتضاسيدر . ناسك فوج فوج دين اسلامه دخوللري سبيله اهل اسلامك چوغالمنندن اصحاب رسول الله عارض اولان غروره كفارت اولق اوزره استغفارله امر بيورلمشدر . چونكه؛ هر نه قدر استغفارله امر ظاهرده رسول الله ايسه ده حقيقتده ظاهري و باطني قصور دن خالي اولمايان اهل ايمانه امردر . رسول الله نظراً استغفارله امر؛ امتي ارشاد و دوامله امردر . چونكه؛ رسول الله معصوم و مقدم و مؤخر زله سي مغفرت اولونديني كبي عبوديت نقطه سنده دخي اعتناسي صوك درجده اولديني ميدانده ايكن استغفاردن مستغني اولمايجه آحاد امتك استغفاردن مستغني اولاميه جقارينه تنبيه واردر . زيرا؛ جميع مخلوقاتك افضل اولان فخر كائنات استغفاره محتاج اولونجه افراد ناسك استغفاره محتاج اولاجني اولويتله ثابت ديمكدر .

..

واجب تعالى استغفارله امر دن صوكره لايقي وجه اوزره عيبدن واقع اولان استغفاري قبول بيوره جغني بيان ايتك اوزره ﴿إِنَّهُ كَانَ تَوَّابًا﴾ بيوريور . [ محقق الله تعالى توبه ايدن كيمسه نك توبه سني قبول ايديجيدر . ] يعني؛ انسانله لطف و احسان ايدن الله تعالى مكلف اولان قوللرينك واقع اولان قصور لرندن ندامت ايدرك دركاه الوهيتيه رجوع ايدوب قصورينك عفوي ديله بن قوللرينك توبه لرني كال اهميته قبول بيوريجيدر . زيرا؛ قصوريني اعتراف ايدوب باب الهسي به آلي آجارق تضرع و نياز ايدن كيمسه نك كناهلريني عفو ايتك الوهيتك شاننددر . بناء عليه؛ توبه و استغفار ايدن هر كيمسه توبه سنك قبولي اعتقاد ايتك توبه نك قبولك شرط لرندن اولديني جهته توبه ايدن كيمسه نك توبه سنك قبوله انتظار ايتسي لازمدر . شو حالده قبولدن قطع اميد ايتك جائز دكلدر .



بوسورده واجب تعالى عبدك وظیفه سنده ترتیه رعایت لازم اولدیغنه اشارت ایتمشدر . چونکه تسبیح و تحمید ؛ واجب تعالى به تعظیم اولدینی جهته عبدك ذاته عائد اولان استغفار اوزرینه تقدیم اولونمشدر . زیرا عبد ایچون وظیفه مهمه ؛ ذاته عائد اولان وظائفدن اول عظمت الهی ادراکله جمیع نقائصدن تنزیه و لایق اولدینی اوصافله توصیف ایتمکدر . شو حالد الله تعالى نك جميع کالاتله اتصافی اعتقاد ایدوب لایق اولدینی اوصافله توصیف ایتدکن صوکره کندی حقنده اللهم ایسته به چکی شیئی ایسته مکدر . بناء علیه ؛ عبد برایشه باشلا دیغنده تسبیح و تحمیدله باشلامق و آخرنده واقع اولان قصورلرینه استغفارله ختام و یرمک عبودیتک وظائفدن اولدیغنه بوآیتده اشارت اولونمشدر .

سوره نك اولنده دنیا به متعلق نعمتله ابتدا اولوندینی کبی آخرنده ده آخرته متعلق توبه نك قبولی نعمتله ختام بولمشدر . چونکه ؛ عبدك ربسه قارشى واقع اولان قصورندن توبه نك قبولی آخرت ایچون اك بویوك نعمتلردندر . زیرا ؛ جنت اعلاده نعمتله نائل و جمال الهی بی مشاهده ایله مشرف اولمق عبد ایچون اك بویوك سعادت ایسه ده عذابدن قورتولمق هر نعمتدن مقدم و هر درلو سعاده وصوله وسیله در .

### سورة ابی لهب - تبث

مکه مکرمه ده نازل اولان سوره لر دندر . بسمه آیتی جامعدر .

بِسْمِ اللَّهِ الرَّحْمَنِ الرَّحِيمِ

تَبَّتْ يَدَا أَبِي لَهَبٍ وَتَبَّ

[ ابی لهبک نفسی هلاک اولدی و دنیا ده ایشله دیکی عملی ده هلاک اولدی ] که بوتون سعیلری و قوردینی حیللری ضایع اولدی وامللری بوشه کیتدی . بناء علیه ؛ خسران ابدی ایله خائب و خاسر اولدی .

(تَبَّتْ) ههوک اولدی معانسه در . بو مقامده ابی لهبک الی ذکر اولونمش ایسه ده .

ذکر جزؤ اراده کل قیلندن ابی لهبک شخصی مراددر . ابی لهب رسول اللهک عمیسیدر . لکن حق قرابتیه رعایت ایتیه رک رسول الله چوق اذی ایدر و قلب نبویلرینی رنجیده ایده جک سوزلر سویلردی . (لهب) اسمنده اوغلو اولما دینی حالد کنیدی جهنمی اولدیغنه اشارت ایچون ( ابی لهب ) ایله چاغیرلمشدر . چونکه بعض روایتیه نظرأ ( عبدالعزی ) و ( ابی لهب ) کبی برچوق اسملری وارسه ده بونلردن ( ابی لهب ) اسمیه چاغیرلامانی سومز ایش . لکن رسول الله روا کوردیکی اذیه مقابل جناب حق بوسورده ده سومه دیکی اسمیه ذکر ایتمشدر که آخرتده معذب اولاجنی کبی دنیا ده دخی عذاب قبله معذب اولسون و اویله ده اولمشدر . زیرا لهب ؛ مبرهنک علوی معانسه اولدیغندن ابی لهبک معنای لغویسی ؛ مبرهن آتشک باباسی دیمک اولدینی جهته ابی لهب بواسمیه چاغیرلمقندن متأذی اولدینی کبی قرآنده اسمنک بویله کلمسی ده کنیدیه چوق کدر و یرمشدر . ابو لهب رسول اللهک پدری مقامنه قائم ، عمیسی اولدینی حالد عمیسنک سومه دیکی اسمیه ذکر ایتمی رسول اللهک اموردینده هیچ برکیسه به مدانه و برکیسه حقنده مسامحه ایتیه چکنه دلالت ایدر . چونکه ؛ مسامحه ایتیش اولسه ایدی عمیسنه مسامحه ایدردی . عمیسنه مسامحه و مدانه ایتیه نجه دین محمدینک دوغری بر دین اولدیغنه هر کس ایچون بو سوره قناعت و یرمشدر . بناء علیه ؛ امر دینده هر فرد مسلم ایچون مدانه جائز اولما دیغنه دلالت بونندن بوسوره کافیدر .

سوره نك سبب نزولی ؛ برکون رسول الله ( صفا ) اوزرنده قریشک بویوک لرینی دعوتله دین اسلامه داخل اولملرینی تکلیف ایدنجه آنلرک ایچنده بولونان ابو لهب « بزی بونک ایچونمی دعوت ایتدک » تَبَّتْ لَک دیدی . یعنی « هلاک سنک ایچوندر » دیمکله قلب نبویلرینی رنجیده ایدنجه جناب حق رسولنک قلبه عارض اولان کدری ازاله و تسلیه ایچون بوسوره بی انزال بیورمشدر . یا ههوک برکون رسول الله یالکنز عمیلرینی خانه سعادتیه دعوت ایدوب آزیحق برطعام حاضر لایجه آنلر « بو قدر طعام بزه نه اولور ؟ بزم هر بریمز بر قیونله طویارز » دیه رک کنیدیلرینه حاضر لانان طعامی غایت آز کوردیلر و بیمکه باشلا دیلر . هبسی طویدقلری حالد طعام جالا اولدینی کبی طوروب نقصان طاری اولما دینی کورملری اوزرینه رسول الله « بونه حالدر ؟ بزم آز کوردیکمز طعام بزی طویور دقندن صوکره اولدینی



کبی باقیدر ، دیدیلر . رسول الله ده بو حالک معجزه و کندیسنگ طرف السهیدن کوندلرش  
رسول اولدیفنی بیسانله آنلری اسلامه دعوت ایدنجی ابو لهبک شان رسالته یاقیشما یاجق  
سوزلر سویله مسی اوزرینه بو سورمه نک نازل اولدیفنی مرویدر .

بو آیتده تب لفظی ایکی کره ذکر اولوندیفنی جهتله ظاهرده تکرار کبی کوریلورسه ده  
حقیقتده تکرار یوقدر . چونکه ؛ اولکی دعا ، ایکنجی مبرور . بوکا نظراً معنای آیت :  
[ ابو لهبک شخصی هلاک اولسون و هلاکده اولدی ] یعنی « دعا قبول اولدی و مطلوب  
اولان هلاکده حصول بولدی ، دیمکدر . یاخود اولکی ایله مراد ؛ کنهنگ و ایکنجی  
ایله مراد ؛ عمهنگ هم کیمر . یعنی « ابو لهبک کندی و عملی هلاک اولدی » دیمکدر .  
زیرا ؛ ابو لهب رسول الله حقده چوق حیللر دوشوندی و چوق قنالقلر یایمق ایچون  
چالیشدی لکن هیچ برینه موفق اولامادیغدن بوتون عمللری بوشه کتیدی . بناء علیه ؛  
خائب و خاسر اولمشدر . دنیاسی و آخرتی خراب اولدیفنه اشارت ایچون آلرینک ایکیسنگده  
هلاک اولدیفنی بیان اولونمشدر . یاخود آلنک بری جلب منفعت دیکری دفع مضرت اشارت  
اولدیفندن « ابي لهبک جلب منفعت و دفع مضرت جهتلری ، هر ایکسی ده هلاک اولدی ،  
دیمکدر . چونکه ؛ رسول الله ایمان ایتهدیکندن جلب منفعت اولمادیفنی کبی آخرت  
عذابندن قورتولمه جنی جهتله دفع مضرتده یوقدر . شو حالده « ابو لهبک آلری بوتون  
خیراندن محروم اولدی » دیمکدر .

یاخود اولکی هلاک من اللهی طایمادیفنه ، ایکنجی هلاکده رسول اللهک حق  
طایمادیفنه . بوکا نظراً معنای آیت : [ ابو لهبک حقی طایمادیفنی ایچون هلاک  
اولدیفنی کبی رسول اللهک حقی طایمادیفنی جهتدن دخی هلاک اولدی ] دیمکدر .

..

واجب تعالی ابو لهبک ذاتنک هلاک اولدیفنی بیساندن صوکره مالنک دخی منفعت  
و برمه جکفی بیان ایتک اوزره ﴿ مَا أَغْنَىٰ عَنْهُ مَالُهُ وَمَا كَسَبَ ۖ ﴾ بیوریور .  
[ ابو لهبک مالی و عملی کندنن بلایی دفع ایدمه دی . ]

یعنی ؛ ابي لهبه هلاک نازل اولونجه پدرندن موروث اولان مالی و کندی کسب  
ایتدیکی عملی ابي لهبدن نازل اولان هلاکی دفع ایدوب ابي لهبی مغنی قیلامادی . حالبوکه  
ابولهب کندیسنگ مالی هر نوع بلادن کندینی قورتاره جق اعتقاد ایدردی ، حتی فخر  
وازینگ بیانی وجهله بو آیت ابو لهبک بوکی ظنی رد ایچون وارد اولمشدر . چونکه ابو  
لهب « اکر محمد ﷺ ک دیدیکی دوعری ایسه بن آنک بیان ایتدیکی عذاب و بلایانک  
جمله سنه مالمه مقابله ایدرم » دیمسی اوزرینه جناب حق بو آیتله آنی رد ایتمشدر .

آیتده بیان اولوندیفنی وجهله ابو لهبک مالی و کسبی هیچ بریمی ابو لهبه فائده  
و برمه مشدر . حتی موثوق روایتله نظراً بدر وقعسندن برقاچ کون صوکره ( عدسه )  
دنیلن محله وفات ایدر و اوچ کون لاشه سی یابانده قالیر و اوغلانلری باقازلر . ایشته بر  
چوق قیونی ، دوعه سی و سائر اموالی موجود اولدیفنی حالده هیچ بریمی ابي لهبه کمن آفتلری  
دفع ایدمه دیکی کبی لاشه سنگ اورتده قالمسینه یله مانع اولامادی . کونلرجه خبیث جسدی  
میدانده قالمشدر و اوچ کوندن صوکره اوغلانلری بعض سیاه عربلری اجرته کوندروب  
جنازه سی اورتدن قالدیرمشلدر . شو حالده ابو لهبک بک قطعی کورمه ندیکی مالندن دیاده  
منفعت کورمه دیکی کبی آخرتده دخی بر منفعت کورمه میه جکی شبهه سزدر .

بو آیت جلیله غائبدن خبر و یردیکی جهتله معجزدر . چونکه ؛ وقوعات آیتده بیان  
اولوندیفنی وجه اوزره ظهور ایتمشدر . مال ایله مراد ؛ سرمایه و کسب ایله مراد ؛  
سرمایه اوزرینه نسیب ایدمه نماندر . ( ما ) لفظنک ادات استفهام اولدیفنه کوره  
معنای نظم : [ ابو لهبک اصل سرمایه سی و او سرمایه دن حاصل اولان تجارتی کندیسندن  
بلایایی دفع ضمنتده هانکی خصوصده تأثیر ایدمه بیلیر و تأثیر ایتک ممکنمیدر ؟ ] دیمک اولور .  
چونکه استفهام ؛ انظار ایموره اولدیفنه داخل اولدیفنی جمله نک مضمونی انکار ایچوندر .

یاخود مال ایله مراد ؛ ائمه موجود اولانه سرمایه سی و کسب ایله مراد ؛ هر نوع  
معنی ایدمه حاصل اولانه عملی . حق عداوت و حسدنن ناشی رسول الله یامش اولدیفنی  
حیله و خدعه لری دخی کسبنده داخلدر . شو حالده ابو لهب ایچون نه مالی وجاه و منصبی



ونهاءوان واتباعی ونده رسول الله عداوتی وخصومتی وتدارك ابتدکی حيله لرندن هيسچ  
برشيتی منفعت ويرمه مشدر .

..

واجب تعالى ابو لهبک کچمشته اولان احوالی بياندن سوکره کله جکده کوره چکی  
عذابی بيان ايتک اوزره ﴿سَيَصْلَىٰ نَارًا ذَاتَ لَهَبٍ﴾ بيوريور .

[ يقينه ابو لهب علو صاحبي آتسه کيرر . ]

يعنی ؛ ابو لهب دنياده دوچار اولدینی عذابدن سوکره آخرته دخی بويوک بر آتسه  
داخل اولورکه او آتس کال شدته علو صاحبي اولور .

فخر رازينک و ابوالسعود افنديک بيانلری وجهله ابو لهبک کيره چکی آتسک شدته  
وبويوکلکنه اشارت ايچون ﴿نَارًا﴾ لفظی عظمتنه دلالت ايدن نوبه ايله نکره اولارق  
وارد اولمشدر . او آتسک دائماً علو صاحبي اولديقه اشارت ايچون مصاحبت معناسنه  
اولان ذات لفظی علو معناسنه اولان لهب . مضاف اوله رق وارد اولمشدرکه «ابو لهب  
بر بويوک آتسه داخل اولورکه او آتس دائماً علو صاحبي» ديمکدر .

..

واجب تعالى ابو لهبک حالی بياندن سوکره ابو لهبک حرمناک حالی بيان ايتک اوزره  
﴿وَأَمَّا أَنتُ حَمَالَةَ الْطَّبِّ﴾ بيوريور .

[ اودون کوتوروجی اولدینی حالده ابو لهبک زوجہ سی ده جهنمه داخل اولور . ]  
يعنی ؛ ابو لهبک حرمی دخی کفرده و رسول الله عداوته واذی وجفا يامقده  
قوجہ سی اولان ابو لهبه مشترک اولديقدن قوجه وقاری هرايکسی برابر جهنمه داخل اولورلر .  
ابو لهبک حرمی رسول الله شدت عداوته بناء طاغدن (مغیلان) دیکنی وسائر  
دیکنلی چالیرلی آرقه سنده کتيرر رسول اللهک يولنک اوزرينه صاچاردی که بوندن مقصدی ؛  
رسول اللهک اودیکنلر اوزرينه باصارق متاذا اولمیدر . حالبوکه جناب حقک صيانتيله

رسول الله اودیکنلر اوزرنده ايپکدن دوشمه اوزرنده يورور کي يورور وکزر وهيسچ  
بریمی وجود رسول الله تأثير ايتزدی . ايشته بوخاتون مفسدت نيئيله آرقه سنده اودون  
طاشيدینی ايچون ﴿حمالة الحطب﴾ يعنی اودونه کونوروجی ديمشدر .

ياضود بوخاتون دنياده ناس آرمهنده قوغوجيلق ايله آتس فتنی علوله يوب وآنک  
فعلي نار فتنهک اودونی منزله اولديقدن (الجزء من جنس العمل) قيلندن قيامت کونی  
جهنمی اولارق آرقه سنده زقوم آعاجی يوکلی جهنمه کيده جکنه اشارت ايچون ﴿حمالة  
الحطب﴾ دنيلديکی مرويدر . ابو لهبک بوندن باشقه ايکی حرمی دخی بولونديقدن آنلردن  
تفريق ايچون (مغیلان) دیکنی کتيروب رسول اللهک يولنه دوکن خائنه بوغوانله ياد  
اولونمشدر . ايشته بوخاتون ابوسفیانک همشيرہ سی و معاويه نک خالہ سی اولوب اسمی ام جيلدر .

﴿فِي جِيدِهَا حَبْلٌ مِّن مَّسَدٍ﴾

[ اوخاتونک بويته خرمادن ياپيلمش ايپ واردر . ]

يعنی ؛ ابو لهبک حرمی رسول الله اذيت ايتک اوزره طاغدن کتيرمش اولدینی  
اودونی حرمناک ليفندن ياپلمش ايپ بويته طاقارق کتيريردی . بناء عليه ؛ آنک بويته  
خرما دالندن ايپ بولونوردی . شوخالده اوخاتونک برنجی صفتی ؛ اودونه کتيرمک  
اولدینی کي ايکنجی صفتی ده بويته طاقيبی ايپ کتيرمک اولدینی بيان اولونمشدر .  
فخر رازينک بیانی وجهله بويته کرک اوخاتونی وکرک قوجه سی اولان ابو لهبی  
تحقير واردر . زیرا ؛ بويون اشرف اعضادن اولدینی حالده ﴿حبل﴾ لفظنده بولونان  
نوبه ، تحقير ايجوره اولدینی جهنمه حقير بر ايپک اشرف اولان بويته طاقيبی اولديقی  
بيان هرايکيسنک ده حقارت وذلترینی بيان ايتمکدرکه کال دناشترینی ميدانه قويقدر .  
چونکه ؛ ابو لهب قریشک اشراقندن وبيت العزندن اولدینی حالده حرمناک بويته بر  
ايپله اودون کتيرمسی عادی فقيرلرک ارتکاب ايدمه چکی بر مذلتدر .

چيد ؛ بويته معناسنه در . مسد ؛ مطابق ليف يعنی اورولمه بر ايپ ديمکدر .  
فقط بويپک خرمادن ويا دوه دريسندن ويا يمنده موجود بر آغاجک دالندن وياقون



یوگندن اورولمك احتمالی موجود اولدیغندن مسدی بو معنارله تفسیر ایتشلر سده مطلقاً  
لیف معنائه اولوب بر قیدله مقید اولماق ترجیح اولونور . چونکه ؟ هر هانکی معنی  
مراد اولونسه مطلوب حاصل اولدیغندن بر قیدله تقيده احتیاج یوقدر .  
ابولهب، دین اسلامك عالمه طاغیلاماسنه و رسول اللهك دعواسنك عقیم قالمسته هر كس دن  
زیاده چالیشانلردن بریسیدر . لکن هیچ برشیئه موفق اولمق سزین جانی جهنمه ایصارلامش  
کیتمشدر . چونکه ؟ ابولهب قومك شیخی و رئیس اولدینی جهته صیت رسول اللهی  
ایشیدوب حقیقی آلامق اوزره مکيه کلنلر حال رسولی تفتیش ایچون قومك رئیس  
ورسول اللهك عمیسی اولمق مناسبتیه اولاً ابو لهبی کوردکلرنده ابولهب رسول اللهی  
ذم و شان نبویلرینه یاقیشمادق برچوق شیر اسناد ایتمکه تنفیر ایدردی . بناء علیه ؛ ابولهبی  
کورن رسول اللهی کورمه دن دوز محلنه کیدردی . بوصورتله حرکتی نتیجه سی اولارق  
دین اسلامك جزیره العربده صورت سریعه ده انتشارینه مانع اولوردی . ابو لهبك  
رسول الله عداوتی آچقندن اعلان ایتسی رسول اللهك دین اسلامه خاقی دعوتی تسهیلک  
ایسایندن اولاجغه بناءً جناب حق بوسوره نك اولندن آخیرینه قدرانی لهبله حرمی ام جمیلی  
دم ایدنجه ابی لهب بوزمه تحمل ایدمه یوب خصومتی علناً اعلانه باشلامسی اوزرینه  
هر کس رسول الله اولان حسدنی و غرضنی آکلادینی جهته ابو لهبك رسول الله حقنده  
بیان ایتدیکی نالایق سوزلری هیچ کیمسه یه تأثیر ایتمه مک باشلادینی کی کندی حقنده هر کسك  
بغض و عداوتی ده آرتمشدر که آندن صوکره ابو لهبك کوندن کونه ناس عندنده قدری  
نقصانلشمش و هر کسك نفرتی قازانمشدر . حقه قارشى سل سيف ایدوب ابطاله چالیشانلر  
ایشك بدایه سنده پارلاق و اینی رواج بولور کی کورولور سده تدریجاً ایشك حقیقی  
آکلاشیلدجه قیمتدن دوشر و حق اولان شی ایه یو کس لیر و بالتیجه حقه قارشى باطلک  
قطعاً اهیق قالماز .



سورة اخلاص

مکه مکرمه ده نازل اولان سوره لر دندر . ورت آتی جامعدر .

بِسْمِ اللَّهِ الرَّحْمَنِ الرَّحِيمِ

قُلْ هُوَ اللَّهُ أَحَدٌ

[ یا اکرم الرسل ! سن « حال و شان اولدر که الله تعالی بردر ، دی . ]

یعنی ؛ الله تعالی نك صفاتندن سکا سنوال ایدنلره جواب اولارق ای حییم !  
سن دی که « حال و شان شول شیدر که الله تعالی بردر ، شریکی و نظیری یوقدر .  
فخر رازینك بیانی وجهله واجب تعالی نك وحدانیتنه اهتمام ایچون ضمیر شانه وارد  
اولمشدر . چونکه ؟ ضمیر شانه ایهام اولدینی جهته عقیده کلن جمله انتظاردن  
صوکره واقع اولدینی ایچون نفوس بشرده تأثیری زیاده اولور . بناء علیه ؛ ضمیر شاندن  
صوکره کلن حکم آرانلقدن صوکره اله کچن نعمت کی لذتی چوق اولقله برابر طالبی  
عندنده دخی غایت قیمتدار اولاجغنده شبهه یوقدر . بو مقامده ایه ضمیر شاندن صوکره  
وارد اولان جمله نك معنایی وحدانیت الهیه تعلق ایتدیکی جهته اعتقادات اسلامیه نك  
اساسنی تشکیل ایتمکه اهتمامه شایان اولدینی بیاندن مستغنیدر .

احد لفظی ؛ واجب تعالی نك صفتی اولوب انباده باشقه بر کیمسه یه اطلاق جائز  
اولمادیغندن صفت خاصه قیلندن اولان اهمیت ایله توصیف اولونوب الله و اللهك غیری یه  
اطلاق جائز اولان واحد لفظیه توصیف اولونماشدر .

بعض مفسرینك بیانی وجهله (هو) لفظی ضمیر شان اولمایوب ذات الهیند کنایه  
اولونجه معنای نظم : [ ای رسول ذیشان ! سن مشرکله خطاباً دی که « سزك سنوال  
ایتدیککذر ذات شریف الله تعالی در که او الله تعالی احدیتله متصف ] دیمکدر . بو مقام ؛



صفات الهیہی معرفت مقامی اولدیغدن جمیع صفات کالیبی جامع و جمیع مخلوقاتک لایقی  
وہ اوزرہ خالق اولدیغہ دلالت ایدن لفظہ جلال وارد اولمشدر .  
بو نظمدہ جناب حق انسانک اوج صنفہ و او صنفک مرتبہ لرینہ اشارت ایتمشدر .  
چونکہ ؛ ( هو ) ضمیری واجب تعالی دہ کنایہ اولدیغہ نظراً عارفین مرتبہ نہ اشارتہ .  
زیرا ضمیرک معنای ؛ ایشہ او دیمکدر . او ضمیری ایسہ منکلم ایلہ مخاطب آرمشدر  
معلوم اولامہ شبرہ کنایہ در . بناء علیہ ؛ او معناسہ اولان ضمیر آنجق عارفہ مرتبہ نہ  
اشارتدر . چونکہ ؛ عارفہ ذات الہیہی معرفتہ دلیلہ محتاج اولمادقلرندن آنلر ایچون  
اشارت کافیدر .  
عارفہ مرتبہ نہ اشارتدن صوکرہ خواص ناس مرتبہ نہ اشارت ایچون لفظہ مہول  
ذکر اولونمشدر . زیرا ؛ آنلر واجب تعالی بی دلیل و براہینلہ اثبات ایتدکدرندن واجب  
تعالی نک خلق ایتدیکی مخلوقاتک خلقتندہ کوردکری عجائب صنایعندن خالقک صفات کمالہ  
صاحب اولدیغہ انتقال ایتدکری ایچون بومعنائی جامع اولان لفظہ جلال وارد اولمشدر .  
خواص ناس مرتبہ نہ اشارتدن صوکرہ عوام ناس مرتبہ نہ اشارت ایچون اہم  
لفظی ذکر اولونمشدر . چونکہ ؛ عوام ناس مرتبہ انسانیتک السفلی درکہ لرنده بولونقلرندن  
واجب تعالی حقتدہ شرکک بطلانہ اشارت وتنبیہ ایچون و ہدایت الہیہ صراحتہ دلالت  
ایرہ احد لفظنک ذکر یلہ اعتقاد صحیحہ ارشاد اولونمشدر و سورہ نک سبب نزولی دہ بو  
معنائی تأیید ایدرہ . چونکہ ؛ روایت موقوفہ بہ نظراً مکہ مشرکری (عامر بن طفیل) بی  
رسول اللہ کوندرلر و دیرلر کہ «اگر محمد ﷺ نبوت دعواسندن واز کچرسہ بز اوکا  
ہر درلو فدا کارلنی یا با جفزہ . مشرکک طلبلرینی (عامر بن طفیل) جناب پیغمبرہ بوصورتلہ  
سویلہ نجہ رسول اللہ عامرہ . بن آنلردن هیچ برشیدہ فدا کارلق ایستہمہم ، آنجق بن  
اللہک رسولیم ، آنلری اللہک عبادتہ دعوت ایدرم ، جوابندہ بولونور . اشبو جواب  
پیغمبری بہ مقابل مشرکک «ربنی بزہ توصیف ایتسون ، دیملری اوزرینہ اللہ تعالی بو  
سورہ بی ازال بیورمشدر .  
بو سورہ جلیلہ نک بر جوق اسمی وارد . مثلاً بو سورہ نک مضمونہ اعتقاد ایتک

مہرہم آتشدہ ہر ص امتدیکی ایچورہ سورہ اخلاص دیمشدر . یاخود معرفت الہیہ  
بو سورہ نک معنائی تمامیلہ بملکہ اولامقہ بناء سورہ معرفت دیمشدر . یاخود بو  
سورہ قرائت اولونمیشدرہ ایشیتک ایچورہ مملکہ حاضر اولسہ بناء سورہ محضر دیمشدر .  
یاخود و ہدایتہ دلالت ایتدیکی ایچورہ سورہ توحید دیمشدر . یاخود سورہ نک معنائی  
وہ نک اساسی تشکیل ایتدیکی ایچورہ سورہ اساس دیمشدر . یاخود تہذیبی مہرہمہ بناء  
سبب اولدیغندہ سورہ نجات دیمشدر . یاخود انسانک قبلہ بنی نور لایق دیمشدر  
ایچورہ سورہ نور دیمشدر . والحاصل برشیتک اسمک جوق اولسی اواسملردن ہربری  
آری آری بر فضیلتہ دلالت ایتدیکی جہتلہ اوشیتک فضیلتک جوق اولسہ دلالت ایتدیکنندن  
بو سورہ نک فضیلتی بک چوقدر . حتی جہلہ فضائلندن بریسی دہ بو سورہ بی قرائت  
قرآنک اوچدہ برینی قرائت منزلندہ اولدینی بر جوق احادیث جلیلہ ایلہ ثابتدر . چونکہ  
قرآنک خلاصہ احکامی ؛ ذات اللہ و صفات اللہ بحدیث و احوال دنیا و احوال آخرتہ  
عبارتدر . شو اوچدن بر قسم مہمی اولان ذات اللہ و صفات اللہ متعلق اولان مسائل  
تمامیلہ بو سورہ افادہ ایتدیکنندن قرآندن مقصودک اوچدہ برینی جامع اولدینی جہتلہ  
قرآنک اوچدہ برینی قرائت مثاہ سندہ اولمشدر .  
کرچہ ذات اللہ و صفات اللہ متعلق مسائل دیگر سورہ لرده دخی و ارایسہ دہ بو سورہ  
یالکیز بو مسئلہ بہ منحصر اولدینی جہتلہ خصوصیتہ بناء فضیلتک زیادہ لکی حدیث  
شریفہ دہ ثابتدر . اما بو مسئلہ دیگر سورہ لرده باشقہ مسئلہ لرلہ قاریشیق اولدیغندن خصوصیتلری  
اولامامشدر کہ قرآنک اوچدہ بری مثاہ سندہ اولسون ، بالطبع اولاماز .

\*\*\*

واجب تعالی بو سورہ دہ وحدانیتہ اشارتدن صوکرہ ذات الوہیق جمیع حوائجہ  
مقصود اولدیغنی بیان ایتک اوزرہ ﴿اللَّهُ الصَّمَدُ﴾ بیوریور .  
[ اللہ تعالی دفع احتیاجدہ جملہ نک مرجعیدر . ]



یعنی ؛ احدیت و سائر صفات کمالیه ایله متصف اولان ذات الوهیت قوللرک جمیع احتیاجلرینی دفعده جمله-نک مرجعیدر .

صمد لفظی ؛ کنربنه نفیر عارصه اولماز بر واجب الوجود معنانه اولدیغنه نظراً بحکمک معناسی ؛ [ الله تعالی ذاتنده وصفاتنده کندیسه نفیر عارض اولماز واجب الوجود وثابت و دائم بر ذات لطیفدر که جمله معلوماته طامدر ] دیمک اولور . چونکه ؛ بالجمله عبادک حوائجی قضا ایتمک علمه و قدرته توقف ایتدیکندن صمد لفظی واجب تعالی نک عالم و قادر اولدیغنه دلالت ایدر . یاخود صمد دیمک ؛ الله تعالی ایشته دیمکی ایشله و مراد ایتدیکی شید حکم ایدر و قضائی و ممکنی رد ایمیجی بر شی بوقدر . یاخود صمد دیمک ؛ زوالی محتج فوقنده هیچ کیمسه بولونماز بر غنی مطلقدر . زیرا ؛ کیمسه احتیاجی بوقه و زوالده منزله و ایدی دیمکدر . یاخود صمد دیمک ؛ بیزه ، ایشته ، بانماز ، انورماز ، اوبوماز و کنربنه اصدا عیب و آفات طاری اولماز دیمکدر . شو حالده الله تعالی نک ذاتنده ترکیب و تألیف اولدیغنی ( الله احد ) کلامی بیان ایتدیکی کبی شریک و نظیرده منزله اولدیغنی ده ( الله الصمد ) جمله سی بیان ایتشددر . چونکه صمد ؛ و هوب ذاتیه دلالت ایتدیکی هوبنده صفات سلویه نک جمعیه دلالت ایدر . شو حالده شریک و نظیری اولماغه دخی دلالت ایدر . چونکه ؛ شریکدن منزله اولمقده صفات سلویه جمله سندندر . والحاصل صمد حقنده بیان اولونان معنالرک جمله سی صحیح اولدیغندن هر هانکی معنا مراد اولونسه معنای نظم طوغری و مقامه مناسبدر .

صمدک معناسنده خلاصه ؛ الله تعالی هر شیدن مستغنی و جمیع احتیاجدن بری و اولاد و عیالدن منزله و جمله اشیایی ایجاد ایتدیکی کبی هر برینک احتیاجی دفعه قدرتنک کافی اولسیدر .

..

واجب تعالی ذات الوهیتک هر شیدن مستغنی اولدیغنی اجمالاً صمد لفظیه بیانندن

صوکره او اجمالی تفصیل ایتمک اوزره ولد و والدن مستغنی اولدیغنی بیان ضمنتده ﴿لَمْ يَلِدْ وَلَمْ يُولَدْ﴾ بیوریور .

[ الله تعالی بر کیمسه نی طوغورمادی و کندیسی بر کیمسه دن طوغمادی . ] زیرا ؛ الله تعالی به مجانس بر کیمسه یوق که آنکله الفت وانسیتدن چوجق میدانه کلسون و هیچ بر شینه احتیاجی یوق که بر یاردیمجی به محتاج اولسون و ذاتنه فنا عارض اولماز که بر خلقه و ذریته احتیاج حاصل اولسون و انقراض و اضمحلال قوزقوسی یوق که عاقبتی محافظه ایچون بر ولده احتیاجی اولسون . والحاصل وجودی واجب و بقای ثابت اولدیغنی ایچون ولده احتیاجی یوق که ولد تصور اولونسون . الله تعالی دیکر برشیدن طوغمادی . زیرا ؛ قدیم اولدیغندن کندندن اول برشی بولونمادی که آندن طوغمش اولسون ، اولماز . چونکه ؛ اگر واجب تعالی برشیدن طوغمش اولسه حادث اولاجنی جهتله بر موجوده محتاج اولور . او موجوده دیکر بر موجوده محتاج اولارق یا الی غیرالهایه کیدر تسلسل اولور . تسلسل ایشه علم کلامده بیان اولوندیغنی وجهله باطلدر . شو حالده جناب حقک حادث اولمسی ده باطلدر . یاخود سلسله بر واجبه منتهی اولور . ایشته او واجبده واجب الوجود اولاجنی جهتله مطلوب ثابت اولور . بناء علیه ؛ واجب تعالی نک قدیم اولدیغنی ثابت اولدیغندن دیکر برشیدن طوغمادیغنی دخی ثابتدر .

مشرکار ملاکک برک پدری و یهودیلر عزیز علیه السلامک پدری و نصاری عیسی علیه السلامک پدری واجب تعالی اولدیغنی ادعا ایتدکنرندن شو باطل اعتقادلری اول امرده رد اولمق اوزره جناب حق والد اولدیغنی نفی مولود اولدیغنی نفی اوزرینه تقدیم بیورمشدر . چونکه ؛ واجب تعالی نک مولود اولدیغنی ادعا ایدن اولمادیغندن اهمی مهم اوزرینه تقدیم قاعده سه بناء والد اولدیغنی نفی ایتمک اهم و الزمدر .

..

واجب تعالی سوره نک بدایه سندن بورایه قدر صفات الهیه سندن بعضیلرینی بیانندن صوکره اوصاف الهیه نک جمله سنک نتیجه سی بیان ایتمک اوزره ﴿وَلَمْ يَكُنْ لَهُ كُفُوًا أَحَدٌ﴾ بیوریور .



[ الله تعالى به هیچ برکیمسه مثل و نظیر اولمادی . ]

یعنی ؛ واجب تعالی نك ازلاً و ابدآ ذاتی و صفاتی کمال اوزره اولوب اصلاً نقصان و زوال عارض اولمادیغندن ممکناتدن هیچ برشی کندینه بکزمه مادی .

چونکه بکزمه مک ؛ جنسیت اقتضا ایتدیکندن و واجب تعالی نك مخلوقاتدن هیچ برشی کندینه مجانس اولمادیغندن وجودینه هیچ برشی بکزمه مادیکی کبی مساوی ده اولمادی . زیرا ؛ واجب تعالی نك وجودی ذاتندن اولوب سائر موجوداتک وجودلری ایسه کندیلرینک تغیرلردن اولدینی جهتله موجودات سائر نك وجودینه عدم طاری اولور ، واجب تعالی نك وجودینه ایسه اصلاً عدم طاری اولمادیغندن البته واجبک وجودینه ممکناتک وجودی مساوی اولماز . کذلک واجب تعالی نك صفاته دخی مخلوقاتک صفاتی مساوی اولماز . زیرا ؛ واجب تعالی نك صفاتی قدیم اولوب مخلوقاتک صفاتی حادثدر . بناءً علیه ؛ قدیم حادثه مساوی اولماز . چونکه قدیم ؛ زوالدن مصون و حادث ایسه زواله معروضدر . بناءً علیه ؛ حادث ، قدیمه هیچ برزمانده مساوی اولماز .

بوسوره نك اولنده واجب تعالی ذاتندن انواع کثرتی و نصارانک تشلیفی و سائر ارباب شرکک شرکربنی رده اهر لفظی دلالت ایتدیکی کبی کریم و رحیم اولدیغنه دخی صمد لفظی دلالت ایدر . چونکه ؛ انسانلرک جمیع احتیاجنده واجب تعالی نك مقصود اولسی او احتیاجاتی قضایه قادر اولسنه دلالت ایتدیکی کبی ویرمسی جائز اولان هر شیئی قوللرینک استحقاقه کوره و یروب بخل اتمه دیکنه و احسانی بر منفعت مقابله و یا دفع مضرت ایچون اولمایوب یالکزر لطف و کرم قیلندن اولدیغنه دخی دلالت ایدر . الله تعالی نك هیچ برشیدن متأثر اولمایوب و برشینک اثر و ایجاد ایله اولمادیغنه ( لم یلد و لم یولد ) جمله لری دلالت ایتدیکی کبی مخلوقاتدن واجب تعالی به شریک و نظیر اولارق برشینک بولونمادیغنه دخی ( و لم یکن له کفواً احد ) جمله سی دلالت ایدر .



سوره فلق

مدینه منوره و یاخود مکه مکرمه ده نازل اولان سوره لر دندر . بسمه آتی جامعدر .

بِسْمِ اللَّهِ الرَّحْمَنِ الرَّحِيمِ

قُلْ أَعُوذُ بِرَبِّ الْفَلَقِ

[ ای رسول مکرم ! سن « صباحک ربسنه صیغیریم » دی . ]

یعنی ؛ ای حیم ! سکا دشمنلرک طرفندن کلمسی مأمول اولان ضرری دفع ایچون « عالمک قارائقلربی قالدیران صباحک ربسنه صیغیریم » دیمکه جناب حقک حمایه سنه التجا ایت .

بو مقامده بدن انسانه اصابت ایده جک ضررلردن استعاذه ایله امر اولوندیغندن انسانی محافظه ده ربوبیتک تأثیری زیاده اولدینی جهتله رب اسم شریفی فلق لفظنه اضافتله اختیار اولونمشدر . زیرا استعاذه دن مقصد اولان هر دورلو صیاتی ؛ تربیه صفی آچیقندن بیان ایتدیکندن رب اسم شریفی وارد اولمش و استعاذه ده دیکر اسملر اوزرینه ترجیح اولونمشدر . بو آیتده ضیاسیله کیجه نك قارائقلربی قالدیران صباحک ربسنه التجا ایدنلرک صیبتلربی جناب حقک ازاله ایده جکنه اشارت ایچون صباح معنایه اولان فلق لفظی وارد اولمشدر . چونکه ؛ جناب حقه التجا ایدنلرک تضرع و نیازلرینک قبولی صباح وقتنده هر وقتدن ده ها زیاده مرجو اولدیغندن صباح وقتی دیکر و قتلر اوزرینه ترجیح شایاندر . زیرا صباح وقتی ؛ مضطر اولان کیمسه لرک دعا و کناء صاحبی اولانلرک توبه و استغفار ایده جکلری بر زمان اولدینی بعضی نصوصله ثابتدر . وقت صباح محشردن بر نمونه اولدینی جهتله دخی صراحت ذکره شایاندر . چونکه ؛ کیجه اویقوسی سبیلله امواته بکزمه ناس صباح وقتی قبردن قالقار کبی اویقودن اویانارق بعضیلری سرمایه لی و بعضیلری سرمایه سز مفلس و بریشان بر حاله چارشویه بازاره کیدرلر . ایشته هر کسک احراز ایش اولدینی موقعده



عرض اندام اتمی عرصه محشره بکزه ر. بناء عليه؛ وقت صباح محشردن بر نمونه اولدینی جهته دیگر اوقات اوزرینه ترجیحه شایاندر.

ابوالسعود افندیك بیانی وجهله جناب حق طارلقدن صوکره بولاق و قاراللقدن صوکره آیدیلق احسان اید. چکنه واستعاذه ایدنلری استعاذه ایتدکلری شیلردن قورتاره جفته و باب الهی به کمال جدیتله مراجعت لازم اولدیغه اشارت ایچون قاراللقدن صوکره آمیشفه دلالت ایدن فلق لفظی وارد اولمش و رب اسم شریفی آکا مضاف قیلنمشدر.

فخر رازینک بیانی وجهله فلق؛ صباح معناسنه اولدینی کبی مخلوقات معناسنه دخی اولور. شوخالده معنای آیت: [جميع مخلوقات ربسه صیغینیرم] دیمکدر. چونکه؛ بو مثللو مقامده لفظك شامل اولدینی معناردن بعضیلرینی بعض آخر اوزرینه لارم کلمسون ایچون کلمهك اولنده بولونان الف لامی، استفراغه حمل اتمك قواعد عربیه اقتضاسنددر.

بناء عليه مخلوقات ایله مراد؛ مخلوقاتك جميع افرادم، یوقسه بعضیسی دکلدر و بومعنازه جمله مخلوقات اولدینی کبی وقت صباح دخی مخلوقات جمله سندن اولدینی جهته هم تعظیم همده تعمیم اولدیغندن مقامه ده موافقدر.

یاخود فلق؛ هرهره بر درهك اسمیر. بوکا نظراً معنای نظم: [عاصیلره عذاب ایچون جهنمده خلق اولونان درهك ربسه صیغینیرم] دیمکدر. فلقك هرهره بر دره معناسنه اولسی اصحاب کرامدن بعضیلرینک روایتنه مستنددر. چونکه؛ اصحابدن بعض ذوات شامه کلدکلرنده کورمش اولدقلری بوکسك قوناقلری سیر و تماشا ایدرکن «بونلر ایچون غبطه ایتهم. زیرا؛ بونلرک آرقه سنده فلق وارددر» دینجه حاضر بولونانلر طرفندن «فلق نه در؟» سئوالنه جواب اولارق «فلق؛ جهنمده بر دره در. هر نه زمان آچیلورسه اهل جهنم حرارتنک شدتدن اوزون صدا ایله چاغریشورلر» بیورمه شلردر.

..

واجب تعالی ذاته التجا اولونمسی امر ایتدکن صوکره کیملرک شرنندن استعاذه ایتک لازم اولدیغنی بیان ایتک اوزره ﴿مِنْ شَرِّ مَا خَلَقَ﴾ بیوربیور.

[مخلوقاتك شرنندن مخلوقاتك ربسه التجا ایدرم.]

یعنی؛ انس وجندن وسائر اذی ویره جک شیلرک شرنندن موجوداتك ربسه صیغینیرم. فخر رازینک بیانی وجهله بو مقامده (ماخلق) ایله مراد؛ شرینک چوقلقنه بناء طالکز شیطان اولق احتمالی وار ایسه ده اصح اولان جميع مخلوقات مراد اولونمقدور.

چونکه مقصد؛ انسانه ضرر ویره جک شیلرک جمله سندن استعاذه ایتک اولدیغندن انس وجندن انسانه ضرر ایتک و شر یا بقی شانندن اولان بالجه مخلوقاتدن استعاذه ایتک انسان ایچون ده موافق واستعاذه مقامه ده زیاده مناسبدر. حتی ضرر ویره جک فستقلمک و قوط و غمونه و انواع بهربانک و آفات سمایه وارضیهك جمله سندن مانمدر. «انسانه ضرر ویره جک شیلری الله تعالی خلق ایتدیکی جهته «اللهك خلق ایتدیکی شیدن الله تعالی به التجا ایتک ناصل اولور؟» عنواننده وارد اولان سئوال مندفعدر. چونکه؛ قهرندن لطفته التجانک جوازی رسول اللهك (اعوذ بك منك) حدیث شریفله نابتدر. یعنی «یارب! سندن سکا صیغینیرم» دیمکدر.

اللهك خالق، حکمتی متضمن و مصلحته موافق اولدینی جهته عبدك لدنیاتی بیلمه دیکندن کندی حقنده شرعد ایتدیکی شی حقیقته وحد ذاتنده صواب اولسنه مانع اولاماز. بناء عليه؛ فرق ضالاه دن معتزلهك «اللهك مخلوقه شر دیمک جائز اولماز» دییه رك اعتراضلری وارد اولماز. چونکه؛ نفس الامرده صواب اولان بر شیتک انسان حقنده شر اولسی آنک عین حکمت اولسنه مانع اولاماز. مثلاً بیلان دنیلن حیوانك خلق اولونمسنده بزم بیلمه دیکمز بر چوق حکمتلر وارددر. لکن بو حکمتلر بیلانك انسانلر حقنده شر اولسنه مانع دکلدر.

انسانه کله جک مصیبت و اصابت ایده جک شر هر نه قدر قضاء الهی و قدر سبحانی ایله ایسه ده قضا و قدر عبدك ربسه التجا ایتسنه مانع اولامیه جغندن جناب حق انسانلره مطلقاً استعاذه ایتلمه امر بیورمشدر. چونکه عبد ایچون وظیفه؛ عبودیت اولدینی کبی دائماً عبد هر شیتک اسباب عادیه سی آرامقله ده مکلفدر. بناء عليه؛ قضا و قدره حواله ایله عبدك ساکت و صامت اوتورمسی و هر شیدن آل چکوب معطل قالسی جائز دکلدر.



شوحالده اللهك تقدیری عبدك سعینه و جالیشما - نه مانع اولاماز . ایشته شو اساسه بناء بعض اعتقادسزلك . تقدیر اولونان بر شیئك التجا ایله رد اولونیمه جفته بناء التجا ایله امرده فائده یوقدر ، دییهرك اعتراضلی مردوددر . زیرا ؛ عبد ایچون امره امثالله عبودیتنه دوام ایتمك لازمدر .

..

واجب تعالی استعاده اولوناچق شیرلی ( من شر ماخلق ) جهله سیله اجمالاً بیاندر صوکره اواجمالی تفصیل ایتمك اوزره ﴿ وَمِنْ شَرِّ غَاسِقٍ إِذَا وَقَبَ ﴾ بیوریور . [ قارائنی عالمك هر جزئه داخل اولوب هریری احاطه ایتمدیکی وقت کیجهنك شرنده مخلوقاتك ربسنه صیغینیرم . ]

یعنی ؛ هر آفتك زمانی اولان کیجهنك قارائنی عالمی احاطه ایتمدیکی وقت کیجهنك شرنده الله تعالی به التجا ایدرم .

فخر رازینك و ابوالسعود افندینك بیانلری وجهله کیجهنك قارائنی سببیه بیروجی حیوانلر و انس و جنك شیطانلری و هر درلو انسانه اذی ویره جك آفتلر شایع اولوب و شرک و قوعی کوندوزه نسبتله چوق اولدینی جهته کیجه مخلوقات ایچنده داخل اولدینی حالده آریجه ذکر اولونمش و شرنده استعاده به شایان کورولمشدر .

غاسق ؛ قارائنی تمامیه بیروجینی احاطه امره کیچمدر . وقب ؛ دخول معانسه در . یاخود غاسق ؛ خسوف . پیید ضیاسی زائل اولده قمردر . ( اذا وقب ) اوتمرك طوفولسی

پیید قارائنه داخل اولمیدر . بوکا نظراً معنای نظم : [ خسوف زماننده ضیاسنك زائل اولمسیله قارائنه داخل اولان قمرک شرنده قمرک ربسنه صیغینیرم ] دیمکدر . چونکه ؛ وقت خسوف یعنی ایک طوفولسی قوللرینه تنبیه ایچون طرف السهیدن غضبك اثری اظهار اولوندینی بر زمان اولدینی جهته اوزمانك شرنده استعاده به شایاندر .

یاخود غاسق ایله مراد ؛ ایک صوکره کونلریمدر . زیرا ؛ ایک صوکره کونلری ضیاسنك زوالیه قارائنه داخل اولدیغندن استعاده به لایقدر . حتی سوره نك سبب نزولی اولان

سحرک تأثیری اوکونلرده هر وقتدن زیاده اولدیغندن بعض کیمسه لرك محقق اخلاص ایچون سحر ایدنلر ایک صوکره کونلرنده سحره دوام ایتمکلی بعض کتابلرده کورولمکده در و اهل نجومك سوزلری ده بومعنائی تأیید ایدر . چونکه ؛ آنلر ؛ ایک اون بشندن صوکره ضیاسی نقصان اولدجه نحوستی زیاده لیر . بناء علیه ؛ ایک صوکره کونلری ، نحوستنك غایت زیاده اولدینی زماندر ، دیمکله ایک آخرنده نحوست وارددر اعتقادنده بولونداقلرندن کوتو اولسنی آرزو ایندکلی ایشله اوکونلرده باشلارلر .

ابوالسعود افندینك بیانی وجهله بعض روایتها نظراً غاسق ایله مراد ؛ تریا ییلدیزلری در وقب ایله مراد ؛ تریا نك غائب اولدیغی زماندر . یعنی ؛ تریا ییلدیزلری انسانلرك کوزلرندن غائب اولدینی زمان شرنده جناب حقه التجا ایدرم ، دیمکدر . چونکه ؛ تریا نك غائب اولدینی زمان انسانلرده خستهلق چوق اولدیغندن استعاده به شایاندر .

یاخود غاسق ایله مراد ؛ انسانه عارض اولده هر شردر . وقب ایله مراد ؛ اوشرک همجریمدر . بوکا نظراً معنای نظم : [ انسانه عارض اولان هر شردن هجوم ایتمدیکی زمان استعاده ایدرم ] دیمکدر .

..

واجب تعالی کیجهنك شرنده استعاده نك لزومی بیاندر صوکره ساحرلرك شرنده استعاده نك لزومی بیان ایتمك اوزره ﴿ وَمِنْ شَرِّ النَّفَّاثَاتِ فِي الْعُقَدِ ﴾ بیوریور . [ اییلکه باغلادقلری دو کوملره اوفور وکله سحر ایدنلرك شرنده مخلوقاتك ربسنه التجا ایدرم . ]

یعنی ؛ اییلکه دو کوم یا بقمقه و افسونله اود و کومه سحر ایدنلرك شرنده جناب حقه صیغینیرم .

نفت ؛ توکروکله اوفور وکله در . عقْد ؛ عقده نك جمعیدر . عقده ؛ اییلکه باغلانله دو کومدر . بوکا نظراً معنای آیت : [ اییلکه باغلانان دو کوملره آ از توکروکله اوفور وچی و سحر ایدنجی طائفه نسوانك شرنده مخلوقاتك ربسنه صیغینیرم ] دیمکدر .



بومثللو سحرک وقوعی قادیئرده چوق اولدیغنه اشارت ایچون خانولره مخصوص اولان لفظله وارد اولمشر .

فیخر رازینک و ابوالسعود افندیئک بیانلری وجهله بو بوندن سوکره کی سورده نک سبب نزولی ؛ یهود طائفه سندن ( لید بن اعصم ) دنیلن یهودینک رسول الله یامش اولدینی سحر در . چونکه ؛ روایت موقوفه نظر آ رسول الله خدمت ایدن بر یهودی چوجنی واسطه سیله رسول الله ک باشک قیللرندن بر قاج تل آله ایدره ک قیزلریله برابر سحر ایدر . بوندن متأثر اولارق رسول الله بر قاج کون خسته اولور وخسته لغت درجه سی کون بکون تزیو ایدر . وجود رسول الله ضعفه باشلائیجه جبریل کلور و یهودک سحر ایتدیکنی وسحری نه ایچون یادیغنی و ( ریس ) دنیلن قویویه سحری آتدیغنی و اوسحری قویودن چیقاردقن سوکره بوسوره لری اوقورسه سحر دن قورتولوب شفایاب اولاجغنی خبر ویرر . رسول الله ( علی ) و ( زبیر ) و ( طاحه ) و ( عمار ) رضی الله تعالی عنهم حضراتی کوندرر . آنلر قویونک صوی چکرلر و دیننده اولان طاشی قالدیرر آلتندن بر ایسلکی اونبر دو کومله دو کومله نمش اولدینی حالده بولورلر و آلیرلر رسول الله کتیرلر . رسول الله بویکی سورده موجود اونبر آیتدن هر برنی اوقودقجه دو کومک بری جوزولور وجود نبویلری پاکله نور . حق اونبرنجی آیت ختام بولونجه بأذن الله تعالی مرض رسول الله وجودندن تماماً صیریلور چیقاروغافیتی برنی بولور . اصحاب کرام یهودک قتلی ایچون استیدان ایتمشلر سه ده اذن رسول الله واقع اولما مشدر . چونکه ؛ رسول الله نفسی ایچون بر کیمسه یه غضب ایتمز وانتقام آلمق ده ایسته مزدی . رسول الله سحر دن متأثر اولمسی نبوته خلل کتیرمز و شان نبویلرینه نقصان ایراث ایتمز . چونکه ؛ کندیلری بشر اولدینی جهتله نفرت ایجاب ایتمین عوارض بشریه دن انبیاء عظام حضراتی متأثر اولدقلری کبی بزم پیغمبریمزده متأثر اولمشر . بوسیلله ایله جناب حق قوللرینه جمله مخلوقاتک شرندن استعاده نک لزومی وشو سورده لک اوقونمسنی تعلیم بیورمشر .

بعض روایتده نفائات ایله مراد ؛ رسول الله سحر ایدن یهودینک قیزلریدر دینمش ایسه ده اصح اولان ایله کمر ابره قابینک جمله سحره شاملدر و لفظ آیه موافق اولان ده بودر .

یاخود نفائات ایله مراد ؛ مطلقاً سوانر . عَقْدَ ایله مراد ؛ ارککلرک رای

و منبر لری و عزلمبر . بوکا نظراً معنای آیت : [ طائفة رجالی بر رأیدن دیگر رایه و بر عزیمتدن دیگر عزیمته انواع حیل و دسیسه ایله تبدیل ایدن و چویرن نسوانک شرندن عالمک ربسنه صیغینیم ] دیمکدر . چونکه ؛ رجالک قیللرنده نسوانک محبتلری شدتلی اولدیغندن چوق زمانده مراملرینی ترویج ایچون بر چوق حیلله لرا رتکاب ایدره رک ارککلری رأیدن رایه دوندورلر و مهلکه دن مهلکه یه آتارلر و اوچورومدن اوچورومه سوروکلرلر . بناء علیه ؛ جناب حق بونلرک شرنلندن استعاده ایله امر بیورمشر . لکن شومعنا وقوعاته موافق ایسه ده معنای اول ساحرلر حقنده اولمقله سبب نزوله موافق اولدینی جهتله اکثر مفسرین معنای اولی ترجیح ایتمشلردر .

بو آیت جلیله ده شرنلندن استعاده ایله امر اولونان اوفور و کجیلرلر ایله ساحرلر اولدینی جهتله مذموم اولان سحر طریقله واقع اولان اوفوروکدر ، یوقسه بعض احادیث جلیله ده بیان اولوندینی وجهله افسون مشروعدر مذموم دکدر . بناء علیه ؛ بو آیت مشروع اولان افسونه شامل اولماز زیرا ؛ بعض امراضه اوقومقله تداوینک جوازینی رسول الله دن و احبابدن کورولدیکی وجهله علماء اسلام قبول ایتمشلردر . چونکه ؛ جوازینه دلالت ایدن بر چوق حدیثلر واردر . کتب احادیثه محدثین عظام ، رقیه یعنی افسونه حقنده وارد اولان حدیثلری بیسان ایچون برر فصل مستقل اختیار ایتمشلردر . حق بو ایکی سورده نازل اولدقن سوکره خسته لغندن شکایت ایدنلره رسول الله بوسوره لری اوقومقله تداوی بیورر و بالخاصه اصابت عین ایچون بوسوره لک اوقونمسنی توصیه ایدرلردی و بر کون ( عُمَیْس قیزی اسماء ) رضی الله عنها حضور رسول الله کله رک « یا رسول الله ! جعفرک چوجقلرینه سرعتله اصابت عین واقع اولوبور بن افسون یا یامعی ؟ » دیننجه رسول الله « اوت ! یاپ . زیرا ؛ قدری ایلری کجر بر شی اولسه ایدی اصابت عین اولوردی » بیورمشر . والحاصل بونلر و بونلرک امثالی قرآنله والفاظ احادیثله اولق شرطیه افسونک جوازینه دلالت ایدر بر چوق دلیللر واردر . اما افسونک منعه دائر وارد اولان روایتلر قرآندن و احادیثدن باشقه معنای آکلا شیلما یان بر طاقم الفاظه افسونک جائز اولماسنه حمل اولونونجه روایتلر آرمسند منافات قالماز .



چونکه ؛ کلام الله و کلام رسول الله ايله اولان افسون جائز و بونلرک غیرله اولان افسون جائز دکدر . آنجق سحر ایچون اولان افسون صورت قطعیهده حرامدر .

﴿ وَمِنْ شَرِّ حَاسِدٍ إِذَا حَسَدَ ﴾

[ حسد ایتدیکی وقتده حاسدک شرندن مخلوقاتک ربسنه صیغینیرم . ]

فخر رازینک بیانی وجهله حسد ایدن کیمسه حسد ایتدیکی کیمسه نک نعمتک زوالله منسلی اولدیغندن دائماً او نعمتک ازاله سنه حيله ايله چاره آرادیفی جهتله هر درلو افترا و بهتانلره و سائر مضرت ایقاعنه جسارت ایتسنه بناء جناب حق حاسدک شرندن استعاذه ايله امر ایتشددر .

بو سوره لرك نزولنده رسول الله فوق العاده مسرور اولشددر . چونکه ؛ بوسوره لرده دینی و دنیوی شرندن استعاذه لازم اولان هر شیئک بولونمسی و آنلردن استعاذه ايله امر اولونمسی موجب مسروریت اولشددر .

حاسدک بعضیلرینک حسدی شر اولمادیغنه اشارت ایچون هاسد لفظی نکره اولارق وارد اولشددر . زیرا ؛ خیرات و مبرات حقنده حسد غبطه قیلندن اولدیفی جهتله شر اولق شویله دورسون بلکه ممدوحدر . چونکه بومثلاو حسد ؛ یاپیلان خیراتک ازاله سنی آرزو ایتک دکدر ، بلکه کندیسنک نائل اولامادیغنه تحسردن عبارتدر . بوکی تحسر ایسه عین عبادتدر .



سورة ناس

مدینه منورهده نازل اولان سوزه لرنددر . آتی آتی جامعدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ قُلْ أَعُوذُ بِرَبِّ النَّاسِ ﴾

[ یا اکرملرسل ! سن « ناسک ربسنه صیغینیرم » دی . ]

یعنی ؛ سن شیطانک شرندن نفسکی محافظه ایچون « مخلوقاتک اشرفی اولان انسانلرک حقیقی تربیه لرینی و یرن و امورلرینی تدبیر و منفعتلرینی احسان و مضرتلرینی دفع ایدن ربلرینه التجا ایدرم » دی که شیطانک و سوسه سندن نفسکی خلاص ایتمش اولاسک .

فخر رازینک بیانی وجهله بوندن اولکی سورهده فلق لفظی جمیع مخلوقات معناسنه اولدیغنه نظراً رب لفظی جمیع مخلوقات مضاف قیلنمسه ایکی بو سورهده یالکزر اشرف مخلوقات اولاره ناسه مضاف قیلنمشددر . زیرا اولکی سورهده استعاذه ايله امر ؛ جمیع مخلوقاتک شرندن استعاذه اولوب بو سورهده ایسه انسانه و سوسه ایدن شیطانک شرندن استعاذه ايله امر اولدیغندن بوسورهده یالکزر انسانه مضاف قیلنمشددر . انسان مخلوقاتک اشرفی اولدیفی جهتله انسانک ربسی اولان واجب الوجودک هر شیئک ربسی اولدیفی اولویته ثابت اولدیغندن انسان ترجیح اولونمشددر .

..

واجب تعالی انسانلرک ربسی اولدیفی بیاندن سوکره مالکی و معبودی اولدیفی دخی

بیان ایتک اوزره ﴿ مَلِكِ النَّاسِ ﴾ \* إِلَهِ النَّاسِ ﴿ بیوریور .

[ ناسک مالکی و معبودی اولان ربسنه صیغینیرم . ]



یعنی ؛ ای حبیب ! سن شیطانلرک وسوسه سندن خلاص ایچون دی که « بن شیطانک وسوسه سندن انسانلرک معبودی و مالکی اولان ربلرینه التجا ایدرم » .  
فخر رازینک بیانی وجهله بو آیتلرده ترتیب اوزره انسانلرک قطع ایده چکلری درجه لره اشارت اولونمشدر . چونکه ؛ انسانلر هرشیدن اول ظاهرده کندیلرینه احسان اولونان نعمتلری کورمک و بیلمکله او نعمتلری احسان ایدن ذاتک رب اولدیغنی و مدبر امور اولوب قوللرینک حافی اصلاحه قادر اولدیغنی تفکر ایده رک او ذاتک ربوبیت صفتیه متصف اولدیغنی او کره نور و آنی اعتقاد ایدر . بوندن سوکره دوشونورکه بو قدر مخلوقاته و بالخاصه انسانلره بو نعمتلری ویرمکه قادر اولان ذاتک غنی مطلق اولوب هیچ برکیمسه یه احتیاجی اولیه جغنی ادراک ایده رک بو ذاتک مالک حقیقی اولدیغنه انتقال ایله آنک مالکیتنی اعتقاد ایدر . بوندن سوکره بو عالمه تمامیه مالک و کمال تصرفله متصرف اولان ذاتک صفات جلالیه و جمالیه سنی دوشونورکه اوصافک عقلاره حیرت ویردیکنی کورونجه شومالکیت مجرد غلبه و ایشلرینی تدبیری ایله اولمایوب بلکه تصرف کلی ایله تصرف اوزره قدرت تامه اقتضا ایدن الوهیت اوزرینه بنا اولونمش معبودیت طریقله اولدیغنی ادراکله عبادته باشلار . ایشته شو مراتبه اشارت ایچون واجب تعالی بوسورده اولان ربوبیتنی ، ثانیاً مالکیتنی و ثالثاً معبودیتنی بیان بیورمشدر .

بو آیتلرده ناسک شرفه دلالت ایچون ناس لفظی تکرر ایتمشدر . زیرا ؛ قواعد عربیه ده اضافتله حاصل اولان شرف بعضاً مضافه و بعضاً مضاف الیه عائد اولدیغندن بو مقامده شرف مضاف الیه اولان ناسه عائددر . چونکه ؛ جناب حق ذاتی ناسک ربی و مالکی و معبودی اولقله تعریف بیورمشدر . بو تعریفدن حاصل اولان شرف البته ناسه راجعدر . زیرا ؛ واجب تعالی نک تربیه سی آلتنده بولونمق و عملوکی اولمق و معبود اتخاذا ایده رک عبودیت نقطه سنده ثبات ایتک کی انسان ایچون بر شرف اولاماز .

..

واجب تعالی استعاذه ایله امر ایتدکدن سوکره کیمک شرنندن استعاذه اولونا جغنی

بیان ایتک اوزره ﴿ مِنْ شَرِّ الْوَسْوَاسِ الْخَنَّاسِ ﴾ الَّذِي يُوَسْوِسُ فِي صُدُورِ النَّاسِ ﴿ بیوربیور .  
[ ذکر اللهدن قاچارق فرصت بولدجه ناسک قلابرینه وسوسه قویان شیطانک شرنندن ناسک ربسنه صیغینیرم . ]

یعنی ؛ ناسک قلابرینی اعتقاد حقندن دوچار خلل ایدن و ذکر الهی کوردیکنده حیله سنی تأخیر ایدوب فرصت بولدجه وسوسه سنی دوام ایدن شیطانک شرنندن انسانلرک معبودی و مالکی اولان الله تعالی یه التجا ایدرم .

فخر رازینک بیانی وجهله وسواس ؛ کبرلی صمد معنانه در . کسرله وسواس اوقونورسه مفسر در . بومقامده وسواس ایله مراد ؛ شیطاندر . چونکه شیطانک عادتی ؛ دائماً ایشیدلر درجه ده کبرلی سوزلرله انسانلری اضلال ایتک اولدیغندن مبالغه طریقله شیطان وسواس دنیلمشدر . یعنی « شیطانک وسوسه یه اوقدر دوامی وارکه کآن عین وسوسه در » دیمک اولور . انسان ذکر الله ایله مشغول اولدیغنده کمال شدتله چکینوب حیله ایله وقت کچیردیکندن حیله سنی بعضاً تأخیر ایتدیکنه اشارت ایچون شیطان خناس دنیلمشدر .

صدور ؛ انسانلرک کوکسی ایسه ده ذکر محل اراده حال قیلندن صدور ایله مراد ؛ انسانلرک قلابر در . زیرا قلب ؛ انسانک کوکسک صول طرفنده اولدیغنی کی شیطانک وسوسه سی دخی قلبه اولور . بوکا نظراً معنای نظم : [ شول شیطانک شرنندن الله تعالی یه صیغینیرم که او شیطان ذکر الله اولدیغنده انساندن قاچار وسوسه سنی تأخیر ایدر و فرصت بولدجه قلوب ناسی او هام و خیالاتله حقندن اضلاله جالیشیر ] دیمکدر .

..

واجب تعالی شیطانک بعض صفتلرینی بیاندن سوکره شیطانک نوعلرینی بیان ایتک اوزره ﴿ مِنْ الْجِنَّةِ وَالنَّاسِ ﴾ بیوربیور .



[ او شیطان جنله انساندن اولدینی حالد و سوسه ایدر . ]

یعنی ؛ انسانی اضلال ایدوب حقدن آیرمه چالیشان شیطان جندن اولدینی کی  
انساندن دخی اولور . بناء علیه ؛ هر ایکسینک شرنندن ناسک ریسنه صیفینیم دیمکدر .  
فخر رازینک بیانی وجهله انسانی اغفال ایدن ؛ کوزه کورونمز کیزی صورتده قلبه  
خطور ایدن وذهنی طیرمالایان و هیات قیلندن اولورسه جندن اولان شیطانک و سوسه سی  
قیلندندر . اما انسانک کندی جنسندن بعض کیمسه لر طرفندن خلاف حقیقت شیرله  
کوز کوره رک و قولاق طویارق واقع اولان اضلال انسانک شیطانلری طرفندندر .  
بناء علیه ؛ جناب حق انسانی اضلال ایدن کرک انساندن اولسون و کرک جندن اولسون  
هر ایکسینک شرنندن استعاده لازم اولدینی بو آیتله بیان بیورمشددر . شیطانک جندن  
بر صنف اولدینه بو آیت دلالت ایدر .

..

الْحَمْدُ لِلَّهِ عَلَى التَّامِّ \* وَالصَّلَاةُ وَالسَّلَامُ عَلَى سَيِّدِ الْأَنْبَاءِ \* وَعَلَى آلِهِ  
وَأَصْحَابِهِ الْهُدَاةِ لِلْأُمَّمِ \*



شیر نفیر شریفی مطالعه ایرمه قاریین کراچی بالا خمره وسید رحمت اولور امیریه  
بناء ترجمه عالمی بو مقامده اجمالی بحث اتمکی مناسب کوردم

منشأ : اولجه قونیه ولایتیه مربوط قضا ایکن اخیراً قضائی النما اولونوب الیوم  
قره مان قضائیه ملحق (خادم) ناحیه سنک ( قوتقول ) قریه سیدر .

یدرم : مسلک علمادن (چلیک حسین افندی) دیمکله معروفدر .

تولدم : عربی بیک اکیوز سکسان ، رومی بیک اکیوز یتش سکزدر .

تحصیل : طقسان بر و طقسان ایکی سنه لرنده قریه مکتبنده خواجهم (انبارلی زاده  
محمد افندی) دن کلام قدیمی ختمله تجوید و بعض علم حال کتابلری اوقودم . طقسان اوچ  
سنه سنده دیکر خواجهم (طوماق زاده محمد افندی) دن امله و بنا اوقودم . طقسان درت  
سنه سنده (خادم) مدرسه سنه داخل اولدم و استانبول مآذونلرندن خواجهم (حافظ احمد افندی) دن  
صرف قرائتیه باشلادم . طقسان بش و آلی سنه لرنده حافظ احمد افندی (بوزقیر) ک  
(بل ویران) ناحیه سنک (بارداس) قریه سنده موجود مدرسه یه مدرس اولدیفندن  
برارنده مذکور مدرسه ده بولوندم . طقسان یدی سنه سنده خادم مدرسه سنه عودت ایتدم  
و طقسان سکزده قونیه ده (شیروانیه) مدرسه سنه کدم و مشاهیر علمادن استاذ کل قونیه  
مفتیسی قادین خانی (حاجی حسین افندی) نک ملاجامیدن حلقه تدریسنه داخل اولدم و تکمیل  
فسخ ایدنجه یه قدر مجلس فیوضاتندن استفاضیه سی و سائر مشاهیرک بعض درس لرینه  
و بالخاصه فقاہتله مشهور اولان طواسی عثمان افندیکن فقه و اصول درس لرینه دوام ایتدم .

محمد بن الله تعالى رحمة واسعه

بیک اوچوز سکز سنه سنده تدریسه اشتغاله باشلادم . اوزمانلر آنا طولیده یومیه متعدد  
درس اوقوتیق اصولی جاری اولدیفندن عنایت الهیه ایله متعدد اجازت و یرمکه موفق اولدم .  
اوچوز اون یدی سنه سنده قونیه والیسی بولونان صدر اسبق فرید پاشا مرحومک احیا  
ایتمش اولدینی (محمودیه) مدرسه سنه مدرس تعیین اولوندم . اوچوز یکریمی بر سنه سنده قونیه  
محکمه حقوقه اعضا انتخاب و تعیین اولونارک اوچوز یکریمی اوچده مدم ختام بولدی .  
اوچوز یکریمی اوچده قونیه ده کشاد اولونان حقوق مکتبنه و صایا معلمی تعیین ایدلدم .



اوجیوز یکریمی درت سنه سنده مشروطیت اعلان اولوندی . قونیه دن مبعوث انتخاب اولوندی و برنجی دوره ده مجلس مبعوثانده بولوندم . آنجق هیچ بر فرقیه انتسابله مقید اولمادم . اساساً فرقیه انتساب مشربمه موافق اولمادیغندن فرقه حسیله متحسین اولمادم و اولامام . اوجیوز یکریمی یدی سنه سنده مجلس فسخ اولوندی و بنده عمرم اولدجه سیاستله اشتغال اتمه مکه عزم ایتدم . بونک اوزرینه قونیه یه عودتله تکرار تدریساتله مشغول اولدم و اولدن بری فکر مده جولان ایدن تورکجه بر تفسیر یازمقی قرار لاشدیردم و اشبو اثر طاجزی بی تحریر به باشلادم . سفر برك ظهور ایدوب تدریسه امکان قالمایچه بو جهته حصر اوقات ایلدم . سوره مائده نك نهایتده کوربله چکی وجه اوزره بتوفیقہ تعالی اوجیوز اوتوز بر سنه سنك نهایتده تفسیر شریفك تحریری ختام بولمش ایسه ده مصارف طبعیه سنه قوه مالیهم مساعد اولمادیغندن بالطبع وقت مرهونه انتظاراً نزد مده محفوظ بولونیوردی . وقتا که متارکه وقوع بولدی یونان فضولی اولارق ازمیری اشغال ایتدی و آناتولینك ایجرو لرینه دوغری یورو مکه باشلادی . قوای ملیه تشکیلاتی ده شرقده ارضروم و سیواس قونغرہ لری وغریبه افهلر تشکیلاتی ایل به باشلامش ایدی . وطن تهلاکیه دوشمش اولقله سیاسته قاریشماق عزمندن رجوع ایل به قونیه ده قوای ملیه لهنه پرو پاغاندالره و بعض ضابطان ایل به کوروشمکه باشلادق . قوای ملیه تشکیلاتنك منافع ملت اقتضاسندن اولدیغی هر یرده سویله مکه باشلایچه اولوقت والی بولونان ( جمال بك ) طرفندن ترصده باشلانمش ایسه کده اهمیت و برمه دک . مؤخر آ جمال بك ولایت مقامی ترک ایل به فرار ایدنجه انکلیز و ایتالیا مملکری و بیک بشیوزی متجاوز مسلح ایتالیا عسکر لرینك مملکتی استیلا ایچون انتظار ایتدکری فرصت همان حلول ایش کبی کوریل یوردی . چونکه ؛ مملکت صاحبسز و حکومتسز قالمش ایدی . تام اوزمانده اهالی محلیه و حکومتده موجود ارکان طرفندن عاجز لرینی والی و کالنه تنسیب ایل به براتخابنامه تنظیم و بزه قبولی تکلیف ایدلدی . فقط هیچ بر وجهله قوه مدافعه اولمادیغی کبی وحیدالدین طرفداراننك قوای ملیه علیه بولشه و بیکلک عنوانیل به افتراجویانه پرو پاغاندالری اهالینك ذهنی تشویش ایدیور و حق ایتالیا نلره دخالت فکری ده علناً ایلری سوروب تشویقاتده بولونیورلر ایدی . ایشته بو قاریشیقلاق آره سنده بنم ایچون یکانه سلاح جناب حقه اعتماد ایدی . بناء علیه ( بسم الله توکلنا علی الله ) دیبه رک کیجه ساعت ایکی یچقده وکالتی قبول و والی مقامی اشغال ایتدک . اخیراً قوای ملیه رؤسایله استانبول حکومتی آ کلاشدق لری جهته استانبول حکومتی

صبحی بکی والی تعیین ایتدی . بزده ولایت مقامی صبحی بکه تسلیمله چکدک . اوجیوز اوتوز بش سنه سنده اجرا اولونان مبعوثان انتخابنده قونیه دن مبعوث انتخاب اولونارق استانبوله کدک .

۱۶ مارت ۱۳۳۶ تاریخده انکلیزلرک استانبولی اشغالی اوزرینه مجلسدن آنقرده ده بولونان غازی مصطفی کمال پاشا حضرت لر یله کوروشمک اوزره بر هیئت کوندرلمسی مناسب کوروشمکه قسطنطونی مبعوثی یوسف کمال و سینوب مبعوثی رضا نور بکر و اسکیشهر مبعوثی عبدالله عزیمی افندی ایل به برابر مجلس طرفندن بالانتخاب آناتولوی به اعزام اولوندق و آنقرده یه کیتدک . غازی پاشا حضرت لر یله کوروشولدی و فرار ایدن مبعوثلرده بی دربی کلیمکه ایدی . آرقداش لرم آنقرده قالدی . رأفت پاشانك قونیه دن کتیرمش اولدیغی هیئتله بز ماذوناً قونیه یه کیتدک . بر مدت اقامتدن سوکره نیسانك یکریمی اوچنده آنقرده ده تشکل ایدن بوبوک ملت مجلسنه التحاق ایتدک . مجلس رئیس جلال الدین عارف بك اوچ ماه مدتله ماذوناً ارضرومه کیده چکی جهته مجلس طرفندن رئیس انتخاب اولوندی و جلال الدین عارف بك ارضرومندن کلنجیه قدر ریاست وظیفه سیله اشتغال ایلدم . ایکنجی سنه کوتاهیه بوزغونلغی اوزرینه سقاریه وادیسنه ککش اولان اردویی زیارت و مشاهداتمزی مجلسه عرض ایتک اوزره اون بش آرقداش ایل به جهیه اعزام اولونارق فرقه لری زیارت و بعض نصایح ایل به دولاشدق . میخالیچچقده کورمه دیکمز بر فرقه قالمش ایدی . پولادلیده اجتماع ایدره رک همان او فرقه یی ده کورمکه وقت فوت ایتدک عودت ایتمکه و اساساً مجلسک سقاریا وادیسنده حرب ایدلمسنه دائر اولان تمایلاتی مستعیناً بالله تقویه یه قرار ویردک و آنقرده عودت و مشاهداتمزله ملت مجلسنی تنویر ایتدک . چوق زمان کچمکسزین سقاریه ده محاربه باشلادی . یکریمی بر کون میدان محاربه سی دوام ایدوب یکریمی ایکنجی کونی بعنایه الله تعالی یونان منزهماً رجعت ایتدی .

او سنه بهارنده قونیه وحوالیسنه اردونك ارزاقنی تأمین ایتک ایچون مفتش اولارق کوندرلدم . اوچ یچق آ ای اردونك ارزاقنی مبایعه ایدن متعهدلره نظارت و قوتترول وظیفه سیله مشغول اولدیغ صره لرده غیابمندن مجلس طرفندن رئیس وکیلی انتخاب اولوندیغمه دائر غازی پاشا حضرت لر ندن بر تلفرا قنامه آلدیم . اساساً قونیه ده مبایعه خصوصنده کی وظیفه ده ختام بولق اوزره ایدی . ایشلریمی خلاصه ایدره رک آنقرده عودت و ریاست وظیفه سی ایل به مشغول ایکن صوک ظفر عظیم و قوعبولدی . بعده شرعی خلاصه البیان : اون بشنجی جلد — ۴۲



وكانتندن عبدالله عزيمى افنديك استعفاى وقوع بولسى اوزرينه يرينه شرعيه وكيلى انتخاب اولونارق لوزانده صلح مذاكره سنك جريان ايتديكى ائشاده هيئت وكيلىه مياننده بولوندى مجلسك ضبطنامه لرنده مندرج بعض اسبابه مبنى مجلس حقمزده عدم اعتماد بيان ايتمكله شرعيه و كانتندن چكيدلم وبر مدت صوكره برنجى توركيه ملت مجلسى ده فسخ اولوندى. لکن سياستله اشتغال ايتمه مك عزيمى تجديد ايتديكمندن انتخابه قاريشماق فكريله انتخاب بيشجه يه قدر آنقرده قالد. انتخاب ده آرزوى قلبيه موافق دوشدى.

بر زماندن برى گوشه نسيانده قالمش اولان بو اثر عاجزينك طبعنه و كانتن زماننده تدقيقات وتاليفات اسلاميه هيئتى اعضاسندن اولوب اليوم دارالفنون مدرسلرندن شمس الدين بك افنديك جسارت و برمسيله باشلاندى. آنجق صايشدن مصارفاتى تدارك وتأمين اولونامادى جهته يدنجى جلدده قدر دوام ايدلمش ايسده بر چوق مضايقيه و ديونه مستغرق اولمش ايدك. سكرنجى جلددن اعتباراً اثرك نهايته قدر قونيه اشراف وتجارانندن حاجى قايماق زاده حاجى محمود ومخدومى قاسم افنديلرك معاونت ماديه لريله طبع واكلافي جناب حق ميسر قيلدى.

تفسير شريفك طبعى خصوصنده مومى اليهمانك معاونت نقديه لريله برابر اوقاف اسلاميه مطبعه سى مديرى محمد هاشم ومحاسبه جيسى حافظ محمد كامل و اداره مأمورى بهجت بكلك سى وغيرتارينه وتفسير شريفك مصححى بولونان مطبعه محاسبه جيسى حافظ محمد كامل بكة تصحيح خصوصنده معاونت لازمه ده بولونان مطبعه ده مستخدم اسبق دارالشفقه محاسبه جيسى ابراهيم خليل بكلك ده بو خصوصده كى كال دقت واعتنا ايله سبق ايدن همتلرينه بناءً قارئين كرامدن طرز تحريرنده مطلع اولدقلى خطانك تصحيحى رجا ايتمكله برابر كرك بزي وكرك مومى اليهمى خير دعا ايله ياد ايتلرينى تمنى ايلرم.

قونيه مبعوث سابق

خادمى

محمد رهبرى

قونيه مبعوث سابق محدومى افندى حضرتلى طرفندن تحرير اولونان اشبو تفسير شريف دارالفنون مدرسلرندن شمس الدين بك افندى وساطيله بيك اوچوز اوتوز طقوز سنه سى مارتنده طبع ايدمك اوزره مطبعه مزه كيتلمش و اوزمان مطبعه مزك اداره مأمورى بولونان مولوى احمد افندى ايله برابر تصحيحى عاجزلرينه حواله ايدلمش ايدى. تفسير شريفك ده تريتينه باشلامدن اول مومى اليه احمد افنديك خسته لانونب بالاخره وفاتى وقوع بولمقلى رفاقت عاجزى يه مطبعه مزده مستخدم اسبق دارالشفقه محاسبه جيسى ابراهيم بك آلهرق تفسير شريفك تصحيحى مير مومى اليه ايله برابر ياللمشدر.

درعه ده ايديلن وظيفه نك اهميت وعظمتى وبو خصوصده كى علماً بضاعه سزلكمى معترف اولمقلى برابر على قدر الاستطاعه بوتون موجوديتزله صرف مساعى ايدلمشدر. آيات قرآنيه بيك اوچوز بش تاريخنده مطبعه عثمانيه ده طبع ايديلن وقدرغلى مصطفى نظيف افندى طرفندن يازيلان كلام الله دن تطبيق ايدلمش اولمقلى آنك رسم خطى قبول ايدلمشدر. اخوان كرامه ائشاي قراشده سهولت اولور اميديله تفسير شريفه وضع اولونان اشارات حقنده بعض معلومات ويرمكى مناسب كوردم:

﴿ ﴾ ترجمه وتفسير اولونان آيات قرآنيه بوشكلكده كى قوسلرك ايچرينه قونمشدر. [ ] آيات قرآنيه نك مهمما امكن ترجمه سى شكلكده ارايه ايديلن معترضه لرايحه آلمشدر. ( ) عباره آره سنده كچن حر كه سز آيات قرآنيه نك طرفينه بوشكلكده كوستريلن قوسلر قونمشدر.

( ) عباره آره سنده كچن احاديث شريفه بوشكلكده قوسلرك ايچنه وضع اولونمشدر. ايديلن بو قدر دقت واعتنايه رغماً كوزدن قاچان بعض خطالر بالا طده فرح كتخدا جامع شريفى امامى حافظ ابراهيم افندى طرفندن بالتدقيق آكلاشلمش اولمقلى مومى اليه بولا بيلديكى خطا لرك صوابلرى آريجه بر جدول حالنده تفسير شريفك نهايته علاوه ايدلمشدر. بناءً عليه؛ تفسير شريفك تصحيحى خصوصنده مسبق اولان خدمات ناچيزانه مز دولاييسيله عاجزلرينك و رفيقم ابراهيم بكلك و حافظ ابراهيم افنديك وتسريع طبعى خصوصنده فوق العاده همتى سبق ايدن مطبعه مديرى محمد هاشم بك افنديك خير دعا ايله ياد ايدلمه مزى و مرحوم مومى اليه احمد افنديك ده روحنه بر فاتحه شريفه اهدا ايدلمسنى قارئين كرامدن رجا ايلرم.

تفسير شريف مصححى

اوقاف اسلاميه مطبعه سى محاسبه جيسى

حافظ محمد كامل به عبدالله



خطا ، صواب جدولی

صحیفه	سطر	خطا	صواب
۳	۱۲	آيْمَانَهُمْ	آيْمَانَهُمْ
۱۳	۱۹	اَحَدَكُمْ	اَحَدَكُمْ
۱۶	۴	شَيْءٌ	شَيْءٌ
۱۶	۱۹	وبوضايع	وبوضايع
۲۲	۱۵	وبرهيج شينه	وبرهيج برشينه
۲۷	۱۹	جهنمه	جهنمه
۴۰	۱۷	نقرت	نقرت
۴۹	۱۱	مِنْ وُجِدَكُمْ	مِنْ وُجِدَكُمْ
۵۰	۲	يكديكر يكرزده	يكديكر يكرزده
۵۴	۱۳	واجب	واجب
۶۴	۱۲	ابوبكر ، عمر وحضرتلرينك	ابوبكر وعمر حضرتلرينك
۶۷	۱۱	ناصر لريدر	ناصر لريدر
۶۹	۸	يمنى	يمنى
۷۱	۱۱	صنفده	صنفده
۷۲	۵	خاتونلركده	خاتونلرينكده
۷۲	۲۰	عذابله	عذابله
۸۰	۱	واغْلُظْ	واغْلُظْ
۸۲	۱	عذاب دفعده	عذابي دفعده
۸۲	۱۴	كيزمكله	كيزله مكله
۸۴	۲۰	واهل كفره	واهل كفره

صحیفه	سطر	خطا	صواب
۸۵	۱۶	مِنْ الْقَاتِنِينَ	مِنْ الْقَاتِنِينَ
۱۰۸	۱۷	نَكَيْفَ	فَكَيْفَ
۱۰۸	۱۸	كونديلن	كوندريلن
۱۱۳	۲	محاج	محتاج
۱۲۵	۲۰	طعن ايچون	طعن ايدن
۱۴۲	۵	نِزَا	خَيْرَا
۱۵۰	۲۱	يُكَذِّبُ	يُكَذِّبُ
۱۵۳	۱	بناء ايدهرك	بنا ايدهرك
۱۵۶	۱۲	بديعنه	بدايعنه
۱۵۷	۱	ولوكان سابق القدر	ولوكان شي سابق القدر
۱۶۷	۱۰	وَالْمَلِكُ اَعْلَىٰ اَرْجَائِهَا	وَالْمَلِكُ اَعْلَىٰ اَرْجَائِهَا
۱۶۷	۱۰	تَمَانِيَه	تَمَانِيَه
۱۶۹	۱۶	جميع جهانده	جميع جهنده
۱۷۲	۱۷	فَعْلُوهُ	فَعْلُوهُ
۱۷۳	۵	بيور	بيورر
۱۷۸	۱	عنده	عندنده
۱۹۱	۲۱	اولديغندر	اولديغندندر
۲۱۴	۱۸	يُرْسِلُ	يُرْسِلُ
۲۲۰	۱۹	دى كه	ديدى كه
۲۲۲	۱۳	قبول ايتدير مك	قبول ايتدير مكم
۲۴۵	۲۰	سوندير مغه	سوندير مكه
۲۴۶	۱۴	آنحوق بن	بن آنحوق



صواب	خطا	سطر	صحیفه
حامل اولان	حامل اولان	۶	۲۵۷
وَ كِلَا	وَ يَلَا	۱۹	۲۶۸
جاهلیہ بی	جاهلیہ دن	۲۳	۲۷۶
جناب حق	حق	۱	۲۸۸
مؤمنلردن	مؤمنلره	۱۴	۲۹۵
صرف ایتمی	صرف ایتمک	۳	۳۰۰
بَلِ الْإِنْسَانُ	بَلِ الْإِنْسَانُ	۸	۳۰۸
وُجُوهُ	وُجُوهُ	۲۰	۳۱۰
تہکم	تحکم	۱۲	۳۱۱
اولدیغنی	اولمادیغنی	۱۵	۳۱۵
سوره لرنددر	سوره لرندر	۱	۳۳۹
فَمَنْ شَاءَ اتَّخَذْ	فَمَنْ شَاءَ اتَّخَذْ	۷	۳۷۰
راجعدر	راجعدر	۶	۳۴۳
ایتمک	ایتمک	۵	۳۴۸
لقامت القیامه	لقامه القیامه	۴	۳۷۳
نَخْرَةً	نَخْرَةً	۱۰	۳۷۴
ءَاَنَّمْ	ءَاَنَّمْ	۱۶	۳۸۱
دَحِيهَا	دَحِيهَا	۴	۳۸۳
وُجُوهُ	وُجُوهُ	۱۴	۴۰۰
مُسْفِرَةٌ	مُسْفِرَةٌ	۱۴	۴۰۰
قارانلنی	وقارانلنی	۱	۴۰۵
واستخفاف	واستخفاف	۲۳	۴۲۱

صواب	خطا	سطر	صحیفه
قیامت	قیامی	۱۷	۴۲۳
يُحَاسِبُ	يُحَاسِبُ	۲۲	۴۳۵
کیرر	کیررر	۹	۴۳۶
وجوبنه	وجودینه	۱۹	۴۳۸
پادشاهله	پاشاهله	۳	۴۴۳
شول	شو	۱۹	۴۴۵
آَنِةِ	آَنِةِ	۴	۴۶۸
سُرُرُ	سُرُرُ	۱۵	۴۷۰
زرابی	ذرابی	۴	۴۷۱
واز چک	وارچک	۹	۴۸۳
مَرْضِيَّةٌ	مَرْضِيَّةٌ	۱۸	۴۸۷
آَمَنُوا	آَمَنُوا	۱۲	۴۹۵
اجراسی	احراسی	۳	۴۹۶
بیانی	بیانله	۱۰	۵۰۰
فلان اشم	فلان الشام	۱۰	۵۰۱
عارض اولان	عارض اولا	۶	۵۲۴
مؤمنی	مؤمنک	۱۵	۵۳۱
نمازدن	نماردن	۹	۵۴۱
إِلَّا لِيَعْبُدُوا اللَّهَ	إِلَّا لِيَعْبُدُوا اللَّهَ	۱۹	۵۵۶
وَيُقِيمُوا الصَّلَاةَ	وَيُقِيمُوا الصَّلَاةَ	۲۲	۵۵۸
بیان ایدیلنجه	بیان اولونجه	۱۲	۵۶۵
طاشه و آغاجه	طاشک و آغاجک	۶	۵۶۷



صفحه	سطر	خطا	صواب
۵۷۳	۸	ودرجه ده	درجه ده
۵۷۲	۲۳	اولدیغند	اولدیغندن
۵۸۰	۱۲	کوتورولور	کوروولور
۵۸۴	۱۰	ثُمَّ كَلَّا	ثُمَّ كَلَّا
۵۸۷	۲	ثُمَّ	ثُمَّ
۵۸۷	۱۹	ثُمَّ	ثُمَّ
۵۹۱	۳	تکالیف	تکالیف
۵۹۷	۲۱	اوزه	اوزه
۶۱۷	۵	تعریضدن	تعریضده
۶۱۷	۱۲	السهیه سیله	السهیه سفی
۶۲۲	۱۳	صاحبک	صاحب
۶۲۷	۶	چکنلرندن	چکنلردن
۶۳۷	۳	هُوَ اللَّهُ	هُوَ اللَّهُ
۶۴۴	۱۷	ایدرکن	ایدرلرکن
۶۴۹	۹	اوفور وکیلرلر	اوفور وکیلر
۶۵۱	۱	سوزهلردندر	سوره لر دندر

## اوره شجی بیلرک فهرستی

۴۷	ارباب حیضدن اولمایان و حامله اولان خاتونلرک عدتلی	۳	سوره منافقونه
۴۹	مطلقه اولان خاتونلری قدرتی لستندمه خانه ده اوتورتمق وعدتی اکال ویا حملی وضع ایدنجه به قدر نفقه لرینی ویرمک واجب اولدیغی	۵	منافقلرک جسملرنده اولان کوزلرکک اهل ایمانه تمجب ویردیکی
۵۰	طلاق ویرن زوجه مطلقه اولان خاتون آره سنده جریان ایدن یدی نوع حکمک تفصیلاتی	۹	منافقلرک « اعز اولانلر مدینه دن اذل اولانلری چیقاریر » دیدکلی
۵۶	اللهک ورسولنک امرندن اعراض ایدنلره یش نوع عذاب	۱۲	مال واولادله اشتغالی فرائضه ترجیح جائز اولمادیغی
۵۸	اهل ایمان حقنده درت نوع حکم	۱۶	سوره نفابه
۶۳	سوره تحریم	۱۷	انسانک مؤمن وکافر اولارک ایکی قسمه آیرلدیغی
۶۴	تحریم آیتک سبب نزولی	۲۰	اول یکن ملل سائرده دن عبرت آلمایانلری توبیخ
۶۶	یمینلرک کفارتی بیان	۲۳	اهل کفرک بعت حقنده زعم باطللری
۶۹	رسول اللهک حضرت عائشه وحفصه به خطابی	۲۵	یوم قیامتک یوم غن اولدیغی
۷۰	رسول الله ازواجنه طلاق ویردیکنده جناب حقک دها خیرلیسنی خلق ایده جکی	۲۸	انسانه اصابت ایدن هر مصیبتک اللهک اذنبه اصابت ایتدیکی
۷۲	جهنم اوزرنده بولومان ملکرک شدتی	۳۰	اولاد وازواج انسانه دشمن اولدیغندن حذر ایتک واجب اولدیغی
۷۶	توبه نصوحه دائر تفصیلات	۳۲	خیرلی زوجه واولاد انسان حقنده عین سعادت ونعمت اولدیغی
۸۰	اهل کفر وفاقه غلظتک لزومی	۳۳	نفسی بخلدن صاقینه قی فلاحه سیدر
۸۱	حضرت نوحک ولوطک حرملریله تمثیل	۳۶	سوره طه
۸۳	فرعونک حرمی آسمه ابله تمثیله دائر تفصیلات	۳۶	عدتک لزومی
۸۵	حضرت مریمک منافی	۳۷	طلاق اوزرینه ترتب ایدن احکامک تفصیلاتی
۸۶	سوره ملک	۴۰	طلاق ویرمه جک کیمسه نک چوق دوشومسی
۸۶	(تبارک) نک معناسنه دائر تفصیلات	۴۳	احتیاطه رعایت ایتسی لازم اولدیغی
۸۹	جناب حقک انسانلری امتحان ایچون موتی و حیاتی خلق ایتدیکی	۴۵	طلاقدن رجعتنه دائر تفصیلات
۹۱	سمواتک طبقه اوزره اولوب تفاوت اولمادیغی		اتقا ایدنلرک من حیث لایحتمل مرزوق اولاجقلری



- ۹۳ مہاتک یلڈیزلرلہ تزیینی ویلڈیزلرک شیطانلرہ  
رجم اولدیغی  
۹۴ شیطانلرک سہدن طردلری حکمتہ دائر  
تفصیلات  
۹۷ عاصیلر جہنمہ آتیلدیغندہ جہنمک صداسی  
وسائر اوصاف  
۹۹ اهل جہنمک ، جہنمک خزینہ دارلرینہ  
جوابلری  
۱۰۲ اهل ایمانک مغفرتلرینی بیان  
۱۰۶ ارضدن انتفاع لازم اولوب معطل اولماغی  
توصیہ  
۱۱۰ قوشلرک هوادہ اوچلرندن عبرت آلمق  
لازم اولدیغی  
۱۱۷ عذاب کورونجه کافرلرک یوزلرنده حاصل  
اولاجق کوتوک  
۱۲۱ **سورہ قلم**  
۱۲۱ قلمہ یمین  
۱۲۴ رسول اللہک خاق عظیم صاحب اولدیغی  
۱۲۸ هر یرده صلابت دینیہ بی اظہارک لزوی  
۱۳۱ اهل عصیانک اوصاف ذمیمہ لرینی تعداد  
۱۳۴ اوصاف ذمیمہ صاحبیلرینک بورونلرنده  
فنا علامت اولاجنی  
۱۳۶ میوہ سی فقرادن اسیرکەنن باغچہک کیجہ  
ایله خراب اولدیغی  
۱۴۰ باغچہ صاحبیلرینک تسبیحی و محاورہلری  
۱۴۴ مجرمہ مسلمک جزا و حکمدہ مساوی  
اولامیہ جقلری  
۱۴۹ یوم قیامتہ مشرکلرک سجدہ بہ قادر  
اولامامقلہ رسوای اولاجقلری  
۱۵۰ بورسوا یلقلری دنیاہ جماعتہ کیتہ دکلرینک  
جزاسی اولدیغی  
۱۵۳ حضرت یونسک احوالہ دائر تفصیلات  
۱۵۶ کافرلرک رسول اللہہ خصوصتیلرینک درجہ سی  
و اصابت عینہ دائر تفصیلات

**سورہ ہاق**

- ۱۵۸ قوم نمودک طغیانلری سبیلہ اہلاک  
اولوندقلری  
۱۶۴ ہلاک اولان امتلردن بعضیلرینک عذابی  
عیناً بیان  
۱۶۹ عمل دفتری صاغ طرفندن ویریلنلرک  
معیشت مرضیہ دہ اولاجقلری  
۱۷۱ کتابی صول طرفندن ویریلنلرک اسفی اظہار  
صدندہ سویلہ چکلری سوزل  
۱۷۴ اسلامیتہ اطعام طعام و صور سائرہ ایله  
معاونت بر عادت قدیمہ در  
۱۷۶ قرآنک شائہ تعظیمہ دائر تفصیلات  
۱۷۹ رسول اللہک یالاندن بری اولدیغی

**سورہ معارج**

- ۱۸۳ آیتک سبب نزولی  
۱۸۶ قیامتہ کوکلرک آرمیش باقر و طاغلرک  
آتش بوک کی اولاجنی واقربانک بربرینک  
حالندن صورہ مہ جنی  
۱۸۸ مجرم اولان کیمسہک اوغلوق ، حرمنی  
و قدداشی عذابہ بدل وروب قورتوق  
ایستہ یجکی  
۱۹۱ انسانک حرمنی چوق صبری آز اولدیغی  
۱۹۲ شوصفت مذمومہ دن سکز صنفک استثناسنہ  
دائر تفصیلات  
۲۰۰ مستثنا اولانلرک مکرم اولاجقلری

**سورہ نوح**

- ۲۰۷ حضرت نوحک قومنی اندازہ مأمور اولدیغی  
۲۰۹ حضرت نوحک تبلیغندہ بالجلہ احکام شرعیہک  
و قوللرک صلاحنی ایجاب ایدن شیلرک  
موجود اولدیغی  
۲۱۹ حضرت نوحک ربسنہ قومندن شکایتی  
۲۱۳ حضرت نوحک دعوتہ قومک درت صورتلہ  
مقابلہ لری

**سورہ صہ**

- ۲۷۴ استغفارک یاغفورہ واولادواموال ایله اللہک  
امدادینہ سبب اولدیغی  
۲۷۴ آیتک سبب نزولی  
۲۷۹ صورہ اوفورولدیکی کون اهل کفر اوزرہ  
غایت مشکل برکون اولاجنی  
۲۸۰ رسول اللہہ یک زیادہ اذی ایدن ( ولید بن  
مغیرہ ) نک احوالی  
۲۸۵ جہنم اوزرنده اون طقوز ملک بولوندیغی  
۲۸۸ قرآنده زبانیلرک عددینی بیان ؛ اهل کتاب  
قرآنک حق اولدیغنی بیلملری ایچوندہ  
۲۹۳ جہنمک انسانلری قورقوجی بر بویوک  
بلا اولدیغی  
۲۹۵ اهل جنتک اهل جہنمہ « سزک جہنمہ کیرمکزمہ  
سبب نہ در؟ » دیہ چکلری و آنلرک درت  
وجہلہ جوابلری  
۲۹۸ کافرلرک قرآندن فراری ارسلاندن قاچان  
مرکبلرک فرارینہ بکزمہ دیکی

**سورہ جن**

- ۲۲۸ جنیلرک احوالہ دائر تفصیلات  
۲۳۰ جنیلرلہ انسانلر آرمسندہ نکاح جریان ایتہ دیکی  
۲۳۶ جنیلرک سہدن طرد اولوندقلرینی اقرارلری  
۲۳۸ جنیلرک کندیلرنده مؤمن اولان واولمایان  
اولدیغنی اقرارلری  
۲۴۱ استقامتک بول رزقہ و حسن معیشتہ سبب  
اولاجنی  
۲۴۵ رسول اللہک عبادتہ جنیلرک بربرینہ صاریلارقی  
باقدقلری  
۲۴۸ اللہہ ورسوانہ عصیان ایدنلرک جزالری جہنم  
اولدیغی  
۲۵۳ انبیانک شیطانک وسوسہ سندن محفوظ  
اولدقلرینک حکمتی

**سورہ مزمل**

- ۲۵۶ کیجہ نمازینہ دائر تفصیلات  
۲۵۷ تلاوت قرآنده ترتیلہ رعایتک وجوبی  
۲۵۹ کیجہ عبادتک تأثیری زیادہ اولوب کوندوزدہ  
او قدر تأثیری اولمادیغی  
۲۶۴ عاصیلر ایچون آخرتہ درت نوع عذابک  
وجودی  
۲۶۹ قرآندن میسر اولان مقداری قرآنک لزوی  
۲۷۱ حلانندن تجارتلہ اشتغال حکمدہ اعداء دینلہ  
مجاہدہ بہ مہ اوی اولدیغی  
۳۰۰ **سورہ قیامہ**  
۳۰۲ حشرک جسمانی واجزاء متفرقہ بی جمعلہ اولاجنی  
۳۰۴ قیامتہ انسانک ابن المفردیمک فرارایدہ جک  
مکان آرایاجنی  
۳۰۷ قرآنک حفظنی جناب حقک تأمین ایتدیکی  
۳۱۰ انسانلرک آخرتہ ایکی قسم اولوب برسی  
نورلی دیکری نورسز اولاجنی  
۳۱۲ انسانک سکرک موتندہ آیقلرینی بربرینہ  
دولامقلہ کورہ جکی اضطراب  
۳۱۵ انسانک مہمل اولیہ جنی  
۳۱۶ **سورہ دہر**  
۳۱۶ انسانک اولدن موجود برشی اولمادیغی  
۳۲۱ کافورک جنتدہ بریکار اولدیغی و مؤمنلرک  
کافورہ استحقاقلرینک سبی  
۳۲۳ اسیرلہ ولو کافر اولسون رعایتک لزوی



۳۲۸	اهل جنتك ايجه جكاري صويك و خدمه تجليليك
	اوصاف
۳۳۳	كافره اطاعتك جائز اولمادي
۳۳۹	سوره مرسولات
۳۴۴	رحم امهاتك انسانه قرارگاه اولديغه دائر
	تفصيلات
۳۴۶	انسانلرك جهنمه اوج نوع دومان ايجه
	كيره جكاري
۳۴۸	جهنم آتشك صاورميش اولديغي قيويلجيملرك
	صفى
۳۵۳	ركوعدن وسائر عبادتدن امتناع ايدنلرك هلاكي
۳۵۵	سوره نبا
۳۵۵	قيامتك بويوك خبر اولديغي
۳۵۸	اويقونك انسان ايچون راحت و نعمت اولديغي
۳۶۱	يوم قيامته ناسك فوج فوج محشره كله جكي
	وطاغلرك بوق اولاجي
۳۶۶	اهل جهنم اوزرينه اك شدتلى آيت
۳۶۹	يوم قيامته جبريل امين وسائر ملكلرك
	صف بسته اولوب عظمت السيه قارشيسنده
	سوز سويله ميه جكاري
۳۷۲	سوره نازعات
۳۷۲	ملكلك صفتلري
۳۷۵	حشر اجسادك غايت قولاي اولديغي
۳۷۷	حضرت موسايه وادى مقدسده نداء
	السهنك صورتى
۳۷۹	فرعونك (اناربكمل الاعلى) ديدكي
۳۸۳	سنانك وارضك خلقلرينك كيفيتى و منافى
۳۸۹	سوره عبس
۳۹۳	قرآنك و ملكلك صفتلري
۳۹۴	انسانك عليه بددا
۳۹۶	اولومك انسان ايچون نعمت اولديغي
۳۹۸	يوم قيامته انسانك قرداشندن ، آتاسندن
	باباسندن فرار ايدم جكي
۴۰۶	جبريل امينك آلتى صفى
۴۱۱	سوره انفطار
۴۱۱	جناب حقك كرم صفتنه مغرور اولق
	جائز اولمادي
۴۱۴	حفظه ملكلرينك صفتلري و انسانك عملنى
	يازمالارنده كي حكمت
۴۱۸	سوره مطففين
۴۱۸	كيله و ترازويه متعلق مسائل
۴۲۲	(سجين) ك معناسى و يوم قيامتى تكذيب
	ايدنلرك هلاكي
۴۲۵	رؤيت السيه دائر مسائل
۴۲۸	اهل جنتك يوزلنده آتاسرورك كوريله جكي
۴۳۰	اهل كفر ك اهل ايمانه معامله لرينه دائر
	تفصيلات
۴۳۳	سوره انفطار
۴۳۶	حساب زماننده انسانلرك ايكي قسم اولاجقلى
۴۴۱	سوره بروج
۴۴۱	اصحاب اخدودك اهلاكي
۴۴۴	اصحاب اخدودك مؤمنلرك ايماتى عيب
	عدايتلكارى
۴۵۰	سوره طارق
۴۵۰	انسانك ماده اصليه سى اولان لطفه باباتك
	بلندن و آتاتك كو كسندن حاصل اولديغي
۴۵۵	سوره اعلی
۴۵۵	اسماء السيه دائر تفصيلات
۴۵۷	هدايت السيه دائر تفصيلات
۴۶۳	علماء دين اوزرينه هر حالده وعظك لزومى
۴۶۵	انسان كاملده اوج مرتبه

۴۶۷	سوره غاشيه
۴۶۹	اهل جهنمك طعامى ديكنلى اوت اولاجي
۴۷۵	سوره فجر
۴۷۸	عاد قومك بويوك پدرلري هادك حضرت
	نوحك دردنجي بطنى اولديغي
۴۸۲	دنياه غنا و يافرك استحقاق ايجاي اولمادي
۴۸۶	يوم قيامته انسانك ندامتنى اظهار صددنده
	سويله يه جكي سوزلر
۴۸۹	سوره بلد
۴۸۹	انسانك مشقت ايچنده خلق اولونديغي
۴۹۴	اقتحام و عقبه نك مغنارى
۴۹۷	سوره شمسي
۴۹۷	نفسه الهامه دائر تفصيلات
۵۰۱	حضرت صالحك قومنه وصايسى ديكله ميه يوب
	دومى اتلاف ايتدكلري
۵۰۳	سوره ليل
۵۰۳	انسانلرك سعيلى متفرق اولديغي
۵۰۶	سوره ليلك حضرت ابوبكر حقنده نازل اولديغي
۵۰۸	جهنمه آنجق شقىلرك داخل اولاجي
۵۱۲	سوره ضحى
۵۱۲	جناب حقك رسولنى ترك ايتمه ديكي و سوره نك
	سبب نزولى
۵۱۷	رسول اللهك فقرى اختياري اولديغي
۵۱۸	يتيمه مهر ايتك جائز اولمايوب حرمت
	ايتك لازم اولديغي
۵۱۹	سائلى رد ايتك جائز اولمادي كى تحديث
	نعمتده لازم اولديغي
۵۲۱	سوره اشراع
۵۲۱	قلب نبوينك جبريل واسطه سيله تطهير
	اولونديغي
۵۲۶	بر عسره ايكي يسرك محقق اولديغي
۵۲۷	نماز آرقه سنده دطاك لزومى و انسانك
	معطل اولاسى جائز اولمادي
۵۲۸	سوره تين
۵۲۸	ايخير وزيتونك منفعتلرينه دائر تفصيلات
۵۳۴	سوره علي
۵۳۴	رسول الله قرائته امر
۵۳۷	قلبك منفعتى و جناب حقى شناسى
۵۴۰	ابوجهلك رسول الله نمازدن منعه چاليشديغي
۵۴۵	ابن مسعودك ابوجهلك بويونى كسدكي
۵۴۸	سوره قدر
۵۴۸	قرآنك ازالى و ليله قدرك فضيلتى
۵۵۲	سوره بيه
۵۵۲	رسول الله كلنجيه قدر اهل كتابك ايمانندن
	آيرلادقلى
۵۵۴	رسول اللهك بينه اولديغي
۵۵۶	انسانلرك اخلاص اوزره عبادته امر
	اولونديلى و عبادته نيتك لزومى
۵۶۰	اهل كفر ك نار جهنمه اولوب مخلوقاتك
	شرابى اولدقلى
۵۶۲	اهل جنتك ابدآ جنتده قالملرينك حكمتى
۵۶۵	سوره زلزال
۵۶۵	ارضك شدتله حر كسى
۵۷۱	سوره عاديات
۵۷۱	انسانك منكر نعمت اولديغي
۵۷۲	غازيلرك آتلىنى ثنا و موريات ايله مراد
۵۷۷	سوره قارعه
۵۷۷	قيامتك احوال شديده سى و انسانلرك پروانه ل
	وطاغلرك آتلىش يوك كى اولاجقلى



عادت اولان شيلري ويرمكدن امتناعك موجب هلاك اولديغي	٦١٣
سوره كوتر	٦١٣
رسول الله احسان اولونان نعمتلى بيان	٦١٣
سوره لافزونه	٦١٨
سبب نزول وآيتده تكرر اولماديغي	٦١٨
سوره نصر	٦٢٣
ناسك كيملره شامل اولديغي ومكه نك فتحى	٦٢٣
جناب حقه تسبيح واستغفارك لزومى وتوبه نك قبولى	٦٢٨
سوره نبت	٦٣٠
ابولهبك احوال شنيعه سى	٦٣٠
ابولهبك حرمك احوالى	٦٣٤
سوره اخلاص	٦٣٧
وحدانيتده دائر تفصيلات	٦٣٧
سوره فلق	٦٤٣
جناب حقه التجانك لزومى	٦٤٣
سحرده دائر تفصيلات	٦٤٨
سوره ناس	٦٥١
ناسك شرندن استعاذه نك لزومى	٦٥١

سوره ناز	٥٨٢
اولاد واعوانله افتخارك جائز اولماديغي	٥٨٢
انسانك جمله نعمتلردن سئوال اولوناجنى	٥٨٧
سوره عصر	٥٨٨
انسانك خسرانده اولديغي	٥٨٨
خسراندن خلاصك چاره سى دوت اولديغي	٥٩١
سوره هزمه	٥٩٢
ذم وغيبته دائر تفصيلات	٥٩٢
سوره فیل	٥٩٦
ابرهم وعسكرينك هلاكنه دائر تفصيلات	٥٩٦
قوشلرك ابرهم عسكرى اوزرينه طاش آتملى وآنلى اهلاكي	٥٩٨
سوره قريسه	٦٠١
مكه ليلرك تجارت ايجون سنه ده ايكي دفعه شام ويمن جهتلرينه سير وسفرلى	٦٠١
سوره ماعونه	٦٠٥
سوره نك سبب نزولى و ابوجهلك حالى	٦٠٥
يتيمى حقندن منع ايتك وفقرايه مرحمت ايتمه مك مذموم اولديغي	٦٠٧
نمازدن غفلت وربانك وقومشويه ويرلسى	٦٠٩

## سور شريفه نك قرآن عظيم الشانده كى صره سنه نظراً فهرستى

صره نومروسى	جلدى	صفحه سى	سوره نك محتوى اولديغي آيات	اسمى سور شريفه
١	١	٢	٧	سوره فاتحه
٢	١	٢٠	٢٨٧	بقره
٣	٣	٢	٢٠٦	آل عمران
٤	٤	٢	١٧٥	نساء
٥	٥	٢	١٢٠	مائده
٦	٥	٢٢٠	١٦٥	انعام
٧	٦	٢	٢٠٦	اعراف
٨	٦	٢٤٦	٦٦	انفال
٩	٧	٢	١٢٩	توبه
١٠	٧	١٧٩	١٠٩	يونس
١١	٧	٢٩٦	١٢٣	هود
١٢	٨	٢	١١١	يوسف
١٣	٨	١٢١	٤٠	رعد
١٤	٨	١٨٤	٥٠	ابراهيم
١٥	٨	٢٤٣	٩٩	حجر
١٦	٨	٢٩٧	١٢٨	نحل
١٧	٩	٢	١١٠	اسراء
١٨	٩	١٣٥	١١٠	كهف
١٩	٩	٢٣٧	٩٨	مريم
٢٠	٩	٣١٠	١٣٥	طه
٢١	١٠	٢	١١٢	انبيا
٢٢	١٠	١٠٨	٧٨	حج



سرہ نومبروسی	جلدی	صفحہ سی	سورہ نک محتوی اولدینی آیات	اسامیٰ سور شریفہ
۲۳	۱۰	۲۰۰	۱۱۸	سورہ مؤمنونہ
۲۴	۱۰	۲۸۱	۶۲	» نور
۲۵	۱۰	۳۷۹	۷۷	» فرقان
۲۶	۱۱	۲	۲۲۰	» شعراء
۲۷	۱۱	۹۶	۹۳	» نمل
۲۸	۱۱	۱۷۹	۸۸	» قصص
۲۹	۱۱	۲۷۶	۶۹	» عنکبوت
۳۰	۱۱	۳۴۹	۶۰	» روم
۳۱	۱۱	۴۰۶	۳۴	» لقمان
۳۲	۱۱	۴۴۵	۲۹	» سجدہ
۳۳	۱۲	۲	۷۳	» احزاب
۳۴	۱۲	۱۰۰	۵۴	» سباء
۳۵	۱۲	۱۶۴	۴۵	» فاطر
۳۶	۱۲	۲۱۹	۸۳	» یس
۳۷	۱۲	۲۸۶	۱۸۲	» صافات
۳۸	۱۲	۳۵۸	۸۸	» ص
۳۹	۱۳	۲	۷۵	» زمر
۴۰	۱۳	۹۵	۸۵	» مؤمن
۴۱	۱۳	۱۸۳	۵۴	» فصلت
۴۲	۱۳	۲۵۰	۵۳	» شوری
۴۳	۱۳	۳۲۶	۸۹	» زخرف
۴۴	۱۳	۳۹۵	۵۹	» دخان
۴۵	۱۳	۴۲۶	۳۷	» جاثیہ
۴۶	۱۳	۴۵۸	۳۵	» احقاف
۴۷	۱۴	۲	۳۹	» محمد علیہ السلام

سرہ نومبروسی	جلدی	صفحہ سی	سورہ نک محتوی اولدینی آیات	اسامیٰ سور شریفہ
۴۸	۱۴	۵۹	۲۹	سورہ فتح
۴۹	۱۴	۱۱۳	۱۸	» حجرات
۵۰	۱۴	۱۴۸	۴۵	» ق
۵۱	۱۴	۱۸۲	۶۰	» ذاریات
۵۲	۱۴	۲۱۵	۴۹	» طور
۵۳	۱۴	۲۴۰	۶۲	» نجم
۵۴	۱۴	۲۷۷	۵۵	» قمر
۵۵	۱۴	۳۰۴	۷۶	» رحمن
۵۶	۱۴	۳۳۷	۹۶	» واقعہ
۵۷	۱۴	۳۶۵	۲۹	» حدید
۵۸	۱۴	۴۱۱	۲۲	» مجادلہ
۵۹	۱۴	۴۴۴	۲۴	» حشر
۶۰	۱۴	۴۷۶	۱۳	» منتحنہ
۶۱	۱۴	۵۰۳	۱۴	» صف
۶۲	۱۴	۵۱۷	۱۱	» جمعہ
۶۳	۱۵	۲	۱۱	» منافقون
۶۴	۱۵	۱۶	۱۸	» تغابن
۶۵	۱۵	۳۶	۱۲	» طلاق
۶۶	۱۵	۶۳	۱۲	» تحریم
۶۷	۱۵	۸۶	۳۰	» ملک
۶۸	۱۵	۱۲۱	۵۲	» قلم - ن
۶۹	۱۵	۱۵۸	۵۲	» حاقہ
۷۰	۱۵	۱۸۳	۴۴	» معارج
۷۱	۱۵	۲۰۷	۲۸	» نوح
۷۲	۱۵	۲۲۸	۲۸	» جن



سرہ نمبر و سی	جلدی	صفحہ سی	سورہ نک محتوی اولدینی آیات	اسامیٰ سورہ شریفہ
۷۳	۱۵	۲۵۶	۲۰	سورہ مزمل
۷۴	۱۵	۲۷۴	۵۶	» مدثر
۷۵	۱۵	۳۰۰	۴۰	» قیامہ
۷۶	۱۵	۳۱۶	۳۱	» دھر - انسان
۷۷	۱۵	۳۳۹	۵۰	» مرسلات
۷۸	۱۵	۳۵۵	۴۱	» نبأ
۷۹	۱۵	۳۷۲	۴۶	» نازعات
۸۰	۱۵	۳۸۹	۴۲	» عبس
۸۱	۱۵	۴۰۲	۲۹	» تکویر
۸۲	۱۵	۴۱۱	۱۹	» انفطار
۸۳	۱۵	۴۱۸	۳۶	» مطففین
۸۴	۱۵	۴۳۳	۲۵	» انشقاق
۸۵	۱۵	۴۴۱	۲۲	» بروج
۸۶	۱۵	۴۵۰	۱۷	» طارق
۸۷	۱۵	۴۵۵	۱۹	» اعلیٰ
۸۸	۱۵	۴۶۷	۲۶	» غاشیہ
۸۹	۱۵	۴۷۵	۳۰	» فجر
۹۰	۱۵	۴۸۹	۲۰	» بلد
۹۱	۱۵	۴۹۷	۱۵	» شمس
۹۲	۱۵	۵۰۳	۲۱	» لیل
۹۳	۱۵	۵۱۲	۲۱	» ضحیٰ
۹۴	۱۵	۵۲۱	۸	» انشراح
۹۵	۱۵	۵۲۸	۸	» تین
۹۶	۱۵	۵۳۴	۱۹	» علق - قلم
۹۷	۱۵	۵۴۸	۵	» قدر

سرہ نمبر و سی	جلدی	صفحہ سی	سورہ نک محتوی اولدینی آیات	اسامیٰ سورہ شریفہ
۹۸	۱۵	۵۵۲	۸	» بینه
۹۹	۱۵	۵۶۵	۸	» زلزال
۱۰۰	۱۵	۵۷۱	۱۱	» عادیات
۱۰۱	۱۵	۵۷۷	۱۱	» قارعه
۱۰۲	۱۵	۵۸۲	۸	» تکاثر
۱۰۳	۱۵	۵۸۸	۳	» عصر
۱۰۴	۱۵	۵۹۲	۹	» همزہ
۱۰۵	۱۵	۵۹۶	۵	» فیل
۱۰۶	۱۵	۶۰۱	۴	» قریش
۱۰۷	۱۵	۶۰۵	۷	» ماعون
۱۰۸	۱۵	۶۱۳	۳	» کوثر
۱۰۹	۱۵	۶۱۸	۶	» کافرون
۱۱۰	۱۵	۶۲۳	۳	» نصر
۱۱۱	۱۵	۶۳۰	۵	» ابی لہب - تبت
۱۱۲	۱۵	۶۳۷	۴	» اخلاص
۱۱۳	۱۵	۶۴۲	۵	» فلق
۱۱۴	۱۵	۶۵۱	۶	» ناس



سور قرآنیه نك حروف هجا ترتیبیله فهرستی

(۱)

قرآن عظیم الشانده کی صره نومروسی	جلدی	صحیفه سی	اسامی سور شریفه
۳	۳	۲	آل عمران
۱۴	۸	۱۸۴	ابراهیم
۱۱۱	۱۵	۶۳۰	ابی لهب (تبت)
۳۳	۱۲	۲	احزاب
۴۶	۱۳	۴۵۸	احقاف
۱۱۲	۱۵	۶۳۷	اخلاص
۱۷	۹	۲	اسراء
۷	۶	۲	اعراف
۸۷	۱۵	۴۵۵	اعلی
۲۱	۱۰	۲	انبیاء
۷۶	۱۵	۳۱۶	انسان (دھر)
۹۴	۱۵	۵۲۱	انشراح
۸۴	۱۵	۴۳۳	انشقاق
۶	۵	۲۲۰	انعام
۸	۶	۲۴۶	انفال
۸۲	۱۵	۴۱۱	انفطار
(ب)			
۸۵	۱۵	۴۴۱	بروج
۲	۱	۲۰	بقره

قرآن عظیم الشانده کی  
صره نومروسی

جلدی	صحیفه سی	اسامی سور شریفه
۱۵	۴۸۹	بلد
۱۵	۵۲	بنه

(ت)

۱۱۱	۱۵	۶۳۰	تبت (ابی لهب)
۶۶	۱۵	۶۳	تحریم
۶۴	۱۵	۱۶	تغابن
۱۰۲	۱۵	۵۸۲	تکائر
۸۱	۱۵	۴۰۲	تکویر
۹	۷	۲	توبه
۹۵	۱۵	۵۲۸	تین

(ج)

۴۵	۱۳	۴۲۶	جانبه
۶۲	۱۴	۵۱۷	جمعه
۷۲	۱۵	۲۲۸	جن

(ح)

۶۹	۱۵	۱۵۸	حاقه
۲۲	۱۰	۱۰۸	حج
۱۵	۸	۲۴۳	حجر
۴۹	۱۴	۱۱۳	حجرات
۵۷	۱۴	۳۶۵	حدید
۵۹	۱۴	۴۴۴	حشر



(د)

قرآن عظیم الشانہ کی صرہ نمبر و سی	جلدی	صفحہ سی	اسامیٰ سور شریفہ
۴۴	۱۳	۳۹۵	دخان
۷۶	۱۵	۳۱۶	دھر (انسان)

(ذ)

۵۱	۱۴	۱۸۲	ذاریات
----	----	-----	--------

(ر)

۵۵	۱۴	۳۰۴	رحمن
۱۳	۸	۱۲۱	رعد
۳۰	۱۱	۳۴۹	روم

(ز)

۴۳	۱۳	۳۲۶	زخرف
۹۹	۱۵	۵۶۵	زلزال
۲۹	۱۳	۲	زمر

(س)

۳۴	۱۲	۱۰۰	سبا
۳۲	۱۱	۴۴۵	سجدہ

(سم)

۲۶	۱۱	۲	شعراء
۹۱	۱۵	۴۹۷	شمس
۴۲	۱۳	۲۰	شوری

(ص)

قرآن عظیم الشانہ کی صرہ نمبر و سی	جلدی	صفحہ سی	اسامیٰ سور شریفہ
۳۸	۱۲	۳۵۸	ص
۳۲	۱۲	۲۸۶	صافات
۶۱	۱۴	۵۰۳	صف

(صہ)

۹۳	۱۵	۵۱۲	نحی
----	----	-----	-----

(ط)

۸۶	۱۵	۴۵۰	طارق
۲۰	۹	۳۱۰	طہ
۶۵	۱۵	۳۶	طلاق
۵۲	۱۴	۲۱۵	طور

(ع)

۱۰۰	۱۵	۵۷۱	طہات
۸۰	۱۵	۳۸۹	عبس
۱۰۳	۱۵	۵۸۸	عصر
۹۶	۱۵	۵۳۴	علق (قلم)
۲۹	۱۱	۲۷۶	عنکبوت

(غ)

۸۸	۱۵	۴۷۶	غاشیہ
----	----	-----	-------



(ف)

اسامی سور شریفہ	صحیفہ سی	جلدی	قرآن عظیم الشاندہ کی صرہ نومروسی
فاتحہ	۲	۱	۱
فاطر	۱۶۴	۱۲	۳۵
فتح	۵۹	۱۴	۴۸
فجر	۴۷۵	۱۵	۸۹
فرقان	۳۷۹	۱۰	۲۵
فصلت	۱۸۳	۱۳	۴۱
فلق	۶۴۳	۱۵	۱۱۳
فیل	۵۹۶	۱۵	۱۰۵

(ق)

ق	۱۴۸	۱۴	۵۰
قارعه	۵۷۷	۱۵	۱۰۱
قدر	۵۴۸	۱۵	۹۷
قریش	۶۰۱	۱۵	۱۰۶
قصص	۱۷۹	۱۱	۲۸
قلم (ن)	۱۲۱	۱۵	۶۸
قلم (علق)	۵۳۴	۱۵	۹۷
قر	۲۷۷	۱۴	۵۴
قیامہ	۳۰۰	۱۵	۷۵

(ک)

کافرون	۶۱۸	۱۵	۱۰۹
کونز	۶۱۳	۱۵	۱۰۸
کہف	۱۳۵	۹	۱۸

(ل)

اسامی سور شریفہ	صحیفہ سی	جلدی	قرآن عظیم الشاندہ کی صرہ نومروسی
لقمان	۴۰۶	۱۱	۳۱
لیل	۵۰۳	۱۵	۹۲

(م)

مائده	۲	۵	۵
ماعتون	۶۰۵	۱۵	۱۰۷
مجادلہ	۴۱۱	۱۴	۵۸
محمد علیہ السلام	۲	۱۴	۴۷
مدثر	۴۷۴	۱۵	۷۴
مرسلات	۳۳۹	۱۵	۷۷
مریم	۲۳۷	۹	۱۹
مزمل	۲۵۶	۱۵	۷۳
مطففین	۴۱۸	۱۵	۸۳
معارج	۱۸۳	۱۵	۷۰
ملک	۸۶	۱۵	۶۷
ممتحنہ	۴۷۶	۱۴	۶۰
منافقون	۲	۱۵	۶۳
مؤمن	۹۵	۱۳	۴۰
مؤمنون	۲۰۰	۱۰	۲۳

(ن)

ن (قلم)	۱۲۱	۱۵	۶۸
نازعات	۳۷۲	۱۵	۷۹



اسماء سور شریفہ


جلدی	صفحہ سی	اسماء سور شریفہ
۱۵	۶۵۱	ناس
۱۵	۳۵۵	نبا
۱۴	۲۴۰	نجم
۸	۲۹۷	نحل
۴	۲	نساء
۱۵	۶۲۳	نصر
۱۱	۹۶	نمل
۱۵	۲۰۷	نوح
۱۰	۲۸۸	نور
( و )		
۱۴	۳۳۷	واقعہ
( ه )		
۱۵	۵۹۲	ہمزہ
۷	۲۹۶	ہود
( ی )		
۱۲	۲۱۹	یس
۸	۲	یوسف
۷	۱۷۹	یونس

جزو فہرستی

جلدی	صفحہ سی	ماں کی سورہ لردہ	جزو
۱	۲	سورہ فاتحہ لردہ	برنجی
۲	۲	بقرہ لردہ	ایکینجی
۲	۲۲۷	آل عمران لردہ	اوجنچی
۳	۱۳۲	نساء لردہ	دردنجی
۴	۵۴	آل عمران لردہ	بشنجی
۴	۲۵۶	مائدہ لردہ	آلینجی
۵	۱۶۱	انعام لردہ	یدنجی
۵	۳۵۴	اعراف لردہ	سکزنجی
۶	۱۱۱	انفال لردہ	طقوزنجی
۶	۳۰۰	توبہ لردہ	اوتنجی
۷	۱۳۴	ہود لردہ	اون برنجی
۷	۳۰۳	یوسف لردہ	ایکینجی
۸	۶۴	حجر لردہ	اوجنچی
۸	۲۴۳	اسراء لردہ	دردنجی
۹	۲	کہف لردہ	بشنجی
۹	۲۲۱	انبیاء لردہ	آلینجی
۱۰	۲	مؤمنہ لردہ	یدنجی
۱۰	۲۰۰	فرقانہ لردہ	سکزنجی
۱۰	۴۰۲	نمل لردہ	طقوزنجی
۱۱	۱۵۰	عنکبوتہ لردہ	یکرمنجی
۱۱	۳۲۴	احزابہ لردہ	یکرمی برنجی
۱۲	۴۵		ایکینجی



جلدی	صفیناسی	هانکی سورہ لارده بولون دینی	یکرمی اوچنجی جزو
۱۲	۲۴۲	سورہ یس ده	یکرمی اوچنجی جزو
۱۳	۵۱	زمردہ	دردنجی
۱۳	۲۴۰	فصلتہ	بشنجی
۱۳	۴۵۵	جانبہ	آلتنجی
۱۴	۱۹۷	ذاریاتہ	یدنجی
۱۴	۴۱۱	مجادلہ	سکزنجی
۱۵	۸۶	ملکدہ	طقوزنجی
۱۵	۳۵۵	نبأده	اوتوزنجی



بسم الله الرحمن الرحيم  
الحمد لله رب العالمين  
والصلاة والسلام على  
سيدنا محمد وآله الطيبين  
الطاهرين



